

**Ўзбекистон Республикаси Адлия вазирлиги ҳузуридаги
ДАВЛАТ ХИЗМАТЛАРИ АГЕНТЛИГИ**



**Давлат хизматлари марказларида
кўрсатиладиган давлат хизматларини тартибга
солувчи норматив-ҳуқуқий ҳужжатлар
Т Ў П Л А М И**

Тошкент – 2018 йил

МУНДАРИЖА

КИРИШ	6
I. Ижтимоий (жумладан, таълим, соғлиқни сақлаш, ижтимоий ҳимоя, меҳнат ва спорт) соҳадаги давлат хизматлари:	9
1.1. Болаларни давлат мактабгача таълим муассасаларига қабул қилиш бўйича ариза бериш бўйича давлат хизмати	9
1.2. Фуқарони жамғариб бориладиган пенсия тизимида ҳисобга қўйиш бўйича давлат хизмати	13
1.3, 1.4, 1.5. Меҳнат органларида фуқарони ишсиз сифатида рўйхатга олиш, Ишсизлик нафақасини тайинлаш, Ҳақ тўланадиган жамоат ишларига жалб қилиш учун ариза бўйича давлат хизмати	15
1.6. Фуқароларга фарзанд туғилганда тўланадиган бир маротабалик нафақа пулини олиш учун мурожаат қилиш бўйича давлат хизмати	18
1.7. Дафн маросимларини ўтказиш учун тўланадиган бир марталик нафақа пулини олиш учун мурожаат қилиш бўйича давлат хизматлари	20
1.8. Пенсия ва нафақа олувчилар рўйхатида мавжуд ёки мавжуд эмаслиги тўғрисидаги маълумотнома бериш бўйича давлат хизмати	22
1.9. Пенсия ва нафақалар миқдори тўғрисидаги маълумотнома бериш бўйича давлат хизмати	24
1.10. Тошкент давлат юридик университетига ўқишга кириш учун ҳужжатларни топшириш бўйича давлат хизмати	26
1.11. Ўзбекистон Республикасига хорижий ишчи кучларни жалб қилишга рухсатнома бўйича давлат хизмати	29
1.12. Хорижда меҳнат фаолиятини амалга оширишга рухсатнома бериш бўйича давлат хизмати	32
1.13. Хорижий давлатларда таълим олганлик тўғрисидаги ҳужжатларни нострификациялаш (эквивалентлигини қайд этиш) бўйича давлат хизмати	35
1.14. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш бўйича давлат хизмати	38
1.15. Нодавлат таълим хизматлари кўрсатиш соҳасидаги фаолиятни лицензиялаш бўйича давлат хизмати	45
1.16. Нодавлат таълим муассасаларининг чет тилларини ўрганиш бўйича ўқув курсларини ташкил этиш соҳасида фаолият кўрсатиши ҳуқуқига лицензия бўйича давлат хизмати	52
1.17. Фармацевтика фаолиятини лицензиялаш бўйича давлат хизмати	59

1.18. Дори воситалари ва тиббий буюмларни чакана реализация қилишни лицензиялаш бўйича давлат хизмати	70
1.19. Тиббий фаолиятни амалга ошириш ҳуқуқига лицензия бериш бўйича давлат хизмати	80
1.20. Жисмоний тарбия-соғломлаштириш ва спорт иншоотларининг паспорти бўйича давлат хизмати	89
1.21. Вояга етмаганларга мўлжалланган дори воситалари рекламасини жойлаштиришга рухсатнома бўйича давлат хизмати.....	95

II. Иқтисодиёт ва молия (жумладан, солиқ, божхона, тадбиркорлик, фаолиятнинг айрим турларини лицензиялаш, инвестиция ва савдо) соҳасидаги давлат хизматлари: 101

2.1. Алкоголли маҳсулотлар билан чакана савдо қилиш ҳуқуқини берадиган рухсат гувоҳномаси бўйича давлат хизмати	101
2.2. Умумий овқатланиш корхоналари томонидан алкоголли маҳсулотларни сотиш ҳуқуқи учун рухсат гувоҳномасини бериш бўйича давлат хизмати.....	106
2.3. Кўчма савдони амалга оширишга рухсат бериш бўйича давлат хизмати.....	110
2.4. Экспорт назорати объектларини олиб чиқиш учун рухсатнома бўйича давлат хизмати	116
2.5. Қимматбаҳо металллар ва қимматбаҳо тошлар билан ишлашга рўйхатдан ўтказиш гувоҳномаси бўйича давлат хизмати	120
2.6. Қимматбаҳо металллар ва қимматбаҳо тошлардан заргарлик ва бошқа буюмлар ишлаб чиқаришни лицензиялаш бўйича давлат хизмати.....	137
2.7. Туризм фаолиятини амалга ошириш учун лицензия бериш бўйича давлат хизмати	150
2.15-25. Тадбиркорлик субъектларини рўйхатдан ўтказишга доир хизматлар:.....	153
2.26. Франшизинг тўғрисидаги шартномани (муҳим ўзгартиришлар, қўшимчаларни) давлат рўйхатидан ўтказиш бўйича давлат хизмати	164
2.27. Жисмоний шахс-солиқ тўловчинининг солиқ ва бошқа қарзи йўқлиги(борлиги) ҳақида маълумотнома бериш бўйича давлат хизмати	170
2.28. Жисмоний шахсларга СТИР бериш бўйича давлат хизмати	172

III. Экология ва қишлоқ хўжалиги (жумладан, саноат, йўл-транспорт, телекоммуникация) соҳасидаги давлат хизматлари: 174

3.1. Ўрмон фондига кирмайдиган дарахт ва буталарни кесишга рухсат бериш бўйича давлат хизмати	174
3.2. Сувдан махсус фойдаланиш ёки сув истеъмолига рухсат бериш бўйича давлат хизмати	177
3.3. Ўсимлик дунёси объектларидан махсус фойдаланишга рухсат бериш бўйича давлат хизмати	180

3.4-3.7. Ўзбекистон Республикасининг Қизил китобига киритилмаган ўсимлик ва ҳайвонот дунёсидан фойдаланишга доир хизматлар:	183
3.8. Ветеренария фаолиятини амалга ошириш учун лицензия бериш бўйича давлат хизмати	197
3.9. Телекоммуникациялар тармоқларини лойиҳалаш, қуриш, фойдаланиш ва хизмат кўрсатиш фаолиятини амалга ошириш учун лицензия бўйича давлат хизмати	200
3.10. Ўз тармоғини яратиш ҳуқуқсиз маълумотларни узатиш тармоқлари орқали провайдер хизматлари кўрсатишга лицензия бериш бўйича давлат хизмати	204
3.11. Озонни бузувчи моддаларни ва таркибида озонни бузувчи моддалар бўлган маҳсулотларни олиб кириш ва олиб чиқишга рухсатнома бериш бўйича давлат хизмати	215
IV. Архитектура ва қурилиш, кадастр ва коммунал хўжалик соҳасидаги давлат хизматлари.....	223
4.1. Газ тизимига уланиш бўйича давлат хизмати	223
4.2-4.4. Табiiй газни ҳисобга олиш(ҳисоблагич) ускунаси ўрнатиш, ечиш ва қиёслашга ариза бериш бўйича давлат хизмати	229
4.5. Электр тизимига уланиш бўйича давлат хизмати	255
4.6-4.8. Электр энергиясини ҳисобга олиш(ҳисоблагич) ускунаси ўрнатиш, ечиш ва қиёслашга ариза бериш бўйича давлат хизмати.....	262
4.9. Иссиқлик тизимига уланиш бўйича давлат хизмати	299
4.10. Сув ва оқава сув, канализация тизимига уланиш бўйича давлат хизмати	332
4.11-4.13. Сувни ҳисобга олиш(ҳисоблагич) ускунасини ўрнатиш, ечиш ва қиёслашга ариза бериш бўйича давлат хизмати	338
4.14. Бино ва иншоотнинг ташқи кўринишини ўзгартиришни (фасадини таъмирлашни) келишиш бўйича давлат хизмати	341
4.15. Объектни қайта ихтисослаштириш ва реконструкция қилишга рухсат бериш бўйича давлат хизмати	345
4.16. Қурилиш-монтаж ишларига рухсат бериш бўйича давлат хизмати.....	351
4.17. Архитектура-режалаштириш топшириғини ишлаб чиқиш бўйича давлат хизмати ..	354
4.18. Лойиҳа ҳужжатларини келишиш бўйича давлат хизмати.....	358
4.19. Яқка тартибда уй-жой қуришга (реконструкция қилишга) рухсат бериш бўйича давлат хизмати	361
4.20. Қурилиши тугалланган (реконструкция қилинган) объектни фойдаланишга қабул қилиш бўйича давлат хизмати.....	364
4.21-4.23. Юридик шахсларнинг ер участкаларига, бинолар ва иншоотларга (шу жумладан ер ости иншоотларига бўлган ҳуқуқларини, шунингдек ипотека ҳамда бинолар ва	

иншоотлар ва ер участкаларига бўлган ашёвий ҳуқуқлар ипотекаси тўғрисидаги шартномалари давлат рўйхатидан ўтказиш бўйича давлат хизмати	367
4.24. Турар жойларни нотурар жой тоифасига ўтказишга рухсат бериш бўйича давлат хизмати	388
4.25. Нотурар жой тоифасидаги кўчмас мулк объектлари бўйича кадастр хизматини кўрсатиш бўйича давлат хизмати	393
4.26. Турар жой тоифасидаги кўчмас мулк объектлари бўйича кадастр хизматини кўрсатиш бўйича давлат хизмати	396
4.27. Фуқароларнинг номида шахсий турар жойи мажуд ёки мажуд эмаслиги тўғрисида маълумотнома бериш бўйича давлат хизмати	399
4.28. Ўзбошимчалик билан қурилган турар жойларга нисбатан бир марталик умум давлат акция доирасида мулк ҳуқуқини эътироф этиш бўйича давлат хизмати.....	401
4.30. Архитектура-шаҳарсозлик ҳужжатларини ишлаб чиқиш фаолиятини амалга ошириш ҳуқуқига лицензия бўйича давлат хизмати	407
V. Давлат ҳуқуқий (ҳуқуқий хизмат кўрсатиш, ФХДЁ, муҳофаа ва ҳафсизлик, жамоат тартиби, фуқаролик, миграция) хизматлари:	414
5.1. Давлат хизматлари марказлари орқали электрон рақамли имзо калитини рўйхатга олиш ва электрон рақамли имзо калитининг сертификатини бериш бўйича давлат хизмати.....	414
5.2. Судланганлик ҳақида маълумотнома бериш бўйича давлат хизмати.....	419
5.3. Манзил-маълумот ахборотларини тақдим этиш бўйича давлат хизмати	421
5.4. Миллий ҳайдовчилик гувоҳномаларнинг янги намуналарини бериш бўйича давлат хизмати	424
5.5. ФХДЁ соҳасидаги хизматлар:.....	426
5.11. Нотариат органлари томонидан архив ҳужжатларини бериш бўйича давлат хизмати	432

КИРИШ

Муҳтарам Президентимиз Шавкат Миромонович энг биринчи эътиборини аввало халқ билан яқиндан мулоқот қилишга, унинг дарду ташвишлари, ҳаётӣ муаммоларини самарали ҳал этиш тизимини яратишга қаратди.

Бу тизимнинг асоси Ўзбекистон Республикаси Президентининг Халқ қабулхоналари ва виртуал қабулхоналари бўлди.

Халқ қабулхоналарига келиб тушаётган мурожаатларнинг таҳлили давлат хизматларини кўрсатиш соҳасида расмиятчилик, оворагарчилик, сансалорлик, коррупция ва бошқа муаммолар кўплигини кўрсатди.

Дарҳақиқат, ўтган йиллар мобайнида шаклланиб келган давлат хизматлари кўрсатиш тизимини жисмоний ва юридик шахсларнинг эҳтиёжларини тўлиқ қаноатлантирадиган сифат жиҳатидан янги даражага олиб чиқишга қатор муаммолар тўсқинлик қилаётган эди, яъни:

Амалдаги тартибга мувофиқ, «ягона дарча» тамойили бўйича давлат хизматлари кўрсатиш имкониятидан фақатгина тадбиркорлик субъектлари фойдаланиши мумкинлиги сабабли, фуқароларимиз давлат органларида ҳужжатларни расмийлаштириш бўйича қатор сансалорликларни енгиб ўтишга мажбур бўлаётган эди.

Айрим давлат органларида ахборот тизимлари, ресурслари ва маълумотлар базаларининг мавжуд эмаслиги, улар идоралараро интеграция қилинишининг паст даражада эканлиги давлат хизматларининг сифати ва тезкорлигига салбий таъсир кўрсатаётган эди.

Шунингдек, айрим давлат хизматларини кўрсатишнинг тартиб-таомиллари мураккаблиги, белгиланган нархларнинг шаффоф эмаслиги аҳолининг ҳақли эътирозларига сабаб бўлаётган эди.

Бундан ташқари, қоғоз ҳужжатлар айланмасининг сақланиб қолган андозалари асоссиз молиявий харажатларга, фуқаролар кўп вақт кутиб қолиши ва навбатлар юзага келишига ҳамда оқибатда, коррупция ва бюрократия ҳолатларига олиб келаётганлиги ҳам ҳеч биримизга сир эмас.

Ушбу муаммолар халқимизнинг давлат органлари фаолиятидан мутлақо қаноатланмаслик даражасини кескин оширганлиги, афсуски, айни ҳақиқат.

Мазкур тизимли муаммоларга чек қўйиш, аҳолининг қимматли вақти маълумотнома сўраб турли идоралар кетидан қувишга кетишининг олдини олиш, бунда “Фуқаролар эмас, ҳужжатлар ҳаракатланади” тамойилни амалда рўйбга чиқариш ва энг муҳими, халқимизнинг давлат органлари ва улар томонидан кўрсатиладиган хизматларга бўлган ишончини қозониш мақсадида **Адлия вазирлиги ҳузурида Давлат хизматлари агентлиги ташкил этилди.**

Ҳеч шубҳасиз таъкидлаш жоизки, ўтган қисқа давр мобайнида ушбу тузилма нафақат тадбиркорларга, балки бутун халқимизга тезкор ва сифатли хизматларни кўрсатадиган ишончли идорага айланиб улгурди.

Давлат хизматлари марказлари орқали жорий йилнинг 1 апрелига қадар фақат тадбиркорлик субъектларига **37 турдаги** давлат хизматлари кўрсатилган бўлса, бугунги кунда ушбу хизматлар **сони 100 тадан ошди**.

Натижада, Марказлар орқали ўтган 2017 йилда тадбиркорларга 120 мингдан ортиқ давлат хизматлари кўрсатилган бўлса, хизмат турлари кенгайганлиги ҳисобига, бугунги кунга келиб, фуқароларга ва тадбиркорларга кўрсатилган давлат хизматлари сони қарийб **4 млн. тани** ташкил этди.

2020 йилгача эса – **160 дан ортиқ** давлат хизматлари Давлат хизматлари марказлари орқали кўрсатилиши режалаштирилмоқда.

Хўш, нима учун ушбу энг кўп талаб қилинаётган давлат хизматларини айнан марказлар орқали кўрсатиш амалиётини жорий этилмоқда деган савол туғилиши табиий.

Бунинг асосий сабаби шундан иборатки:

биринчидан, аҳолининг давлат органларига бир неча маротаба мурожаат қилишлари, бевосита мулоқотда бўлишлари оқибатида коррупция хавфи вужудга келиши олди олинади;

иккинчидан, муайян давлат хизматини кўрсатишга мурожаат қилиш учун бошқа бир қанча органларда тегишли ҳужжатларни йиғиш талаб этилганлиги аҳолига турли бюрократик тўсиқларни келтириб чиқарган бўлса, эндиликда “бир дарча” тамойили асосида давлат хизматлари марказларига бир маротаба мурожаат қилиш орқали барча хизматларни тўлиқ олиш имконияти яратилади.

учинчидан, давлат хизматларини кўрсатишда хизмат олувчи шахс билан давлат органи вакилининг бевосита мулоқоти инкор қилиниб, давлат хизматларини кўрсатиш сифатига инсон омили орқали таъсир кўрсатилиши олди олинади.

Натижада давлат органларининг сунъий бюрократик тўсиқ ва ғовлари бартараф этилишига, коррупцион ҳолатлар вужудга келиши, жараёнга инсон омилининг аралашуви қисқартирилишига эришамиз.

Агентлик томонидан ўтган бир йил давомида давлат хизматлари кўрсатиш соҳасини тартибга солишга қаратилган **40 дан** ортиқ норматив-ҳуқуқий ҳужжатлар ишлаб чиқилди.

Ушбу қонун ҳужжатларини ишлаб чиқишда асосий эътибор:

- давлат хизматларини кўрсатиш жараёнини янада соддалаштиришга;
- тақдим этиладиган ҳужжатлар сонини камайтиришга;
- мурожаатларни кўриб чиқиш муддатларини қисқартиришга;
- давлат хизматини кўрсатувчи манфаатдор органларнинг ваколатларини децентрализация (номарказлаштириш) орқали хизмат кўрсатишнинг тезкорлигини оширишга;

- давлат хизматларини кўрсатувчи давлат органлари ва бошқа ташкилотлар мутасаддиларининг масъулиятини янада оширишга қаратилди.

Давлат хизматлари марказлари орқали кўрсатилаётган хизматлар сони ортиши билан, табиийки, Марказ ходимларининг малакасига бўлган талаб ҳам ортиб боради.

Давлат хизматлари марказларига ташриф буюрувчилар тегишли давлат хизмати ҳақида тўлиқ ахборот олиш учун Марказ ходимларига мурожаат қилар экан, уларнинг саволларига тезкорлик билан аниқ ва тўғри жавоб бериш учун Марказ учун ҳар қачонгидан ҳам муҳимдир.

Зеро, эндиликда фуқароларнинг муайян давлат хизматини кўрсатувчи давлат ташкилотларига тўғридан-тўғри мурожаати қилмайди.

Ана шу мақсадда, Давлат хизматлари агентлиги томонидан Давлат хизматлари марказларида кўрсатилаётган барча давлат хизматларини тартибга солувчи норматив-ҳуқуқий ҳужжатларнинг тўплами тайёрланди.

Мазкур тўплам жами **101 та** давлат хизматини тартибга солувчи норматив-ҳуқуқий ҳужжатлардан иборат бўлиб, улар **қуйидаги 5 та бўлимга** тақсимланган:

- Ижтимоий (таълим, соғлиқни сақлаш, ижтимоий ҳимоя, меҳнат ва спорт) соҳадаги давлат хизматлари;

- Иқтисодиёт ва молия (солиқ, божхона, тадбиркорлик, фаолиятнинг айрим турларини лицензиялаш, инвестиция ва савдо) соҳасидаги давлат хизматлари;

- Экология ва қишлоқ хўжалиги (жумладан, саноат, йўл-транспорт, телекоммуникация) соҳасидаги давлат хизматлари;

- Архитектура ва қурилиш, кадастр ва коммунал хўжалик соҳасидаги давлат хизматлари;

- Давлат ҳуқуқий (ҳуқуқий хизмат кўрсатиш, ФХДЁ, мудофаа ва хафсизлик, жамоат тартиби, фуқаролик, миграция) хизматлари.

Ўйлаймизки, мазкур тўплам, жойларда Давлат хизматлари марказлари фаолиятини янада тезкорлик билан йўлга қўйишда ўз хиссасини қўшади.

Х.ТУРАХУЖАЕВ

Адлия вазирлиги ҳузуридаги
Давлат хизматлари агентлиги директори

I. Ижтимоий (жумладан, таълим, соғлиқни сақлаш, ижтимоий ҳимоя, меҳнат ва спорт) соҳадаги давлат хизматлари:

1.1. Болаларни давлат мактабгача таълим муассасаларига қабул қилиш бўйича ариза бериш бўйича давлат хизмати

Болаларни давлат мактабгача таълим муассасаларига қабул қилиш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Вазирлар Маҳкамасининг 2018 йил 28 мартдаги 244-сон қарори билан тасдиқланган)

1-боб. Умумий қоидалар

1. Ушбу Регламент болаларни давлат мактабгача таълим муассасаларига (кейинги ўринларда муассасалар деб аталади) қабул қилиш тартибини белгилайди.
2. Ушбу Регламентнинг амал қилиши болаларни давлат ихтисослаштирилган мактабгача таълим муассасаларига қабул қилишда татбиқ этилмайди.
3. Болаларни муассасага қабул қилиш тартиботини амалга оширишда:
 - а) муассасалар ҳар ойда кейинги ойнинг биринчи санасига муассасалардаги мавжуд бўш ўринлар тўғрисидаги маълумотларни туман (шаҳар) мактабгача таълим бўлимига (кейинги ўринларда ваколатли орган деб аталади) юборишади;
 - б) ваколатли органлар муассасалардаги бўш ўринларнинг электрон ҳисобини юритадилар, болаларни муассасага қабул қилиш бўйича электрон навбатларни шакллантирадилар, болаларни муассасага қабул қилиш бўйича йўлланмалар (кейинги ўринларда йўлланмалар деб аталади) берадилар;
 - в) муассасалар болаларни йўлланмалар асосида қабул қилишади.
4. Давлат хизматлари марказлари, ваколатли органлар ва муассасалар ўртасида ахборотлар алмашуви фақат идоралараро электрон ўзаро ҳамкорлик орқали, электрон рақамли имзони (кейинги ўринларда ЭРИ деб аталади) қўллаган ҳолда амалга оширилади.
5. Болаларни муассасага қабул қилиш ушбу Регламентга 1-иловага мувофиқ схема бўйича амалга оширилади.

2-боб. Давлат хизматлари кўрсатиш тартиби

6. Ваколатли орган ўзининг расмий веб-сайтида ўз тасарруфидаги муассасалар тўғрисидаги маълумотларнинг жойлаштирилишини ва уларнинг мунтазам янгилаб борилишини таъминлайди, унда қуйидагилар кўрсатилади:
 - а) муассасадаги ўринлар сони ва бўш ўринларнинг мавжудлиги;
 - б) болаларни муассасага қабул қилиш бўйича умумий асослардаги навбатга киритилган анкеталар рўйхати (кейинги ўринларда умумий рўйхат деб аталади), унда Ўзбекистон Республикаси Ягона интерактив давлат хизматлари порталидаги (кейинги ўринларда ЯИДХП деб аталади) рўйхатга олиш рақами кўрсатилади;
 - в) ушбу Регламентнинг 18-бандига мувофиқ болаларни муассасага қабул қилиш бўйича навбатга киритилган анкеталар рўйхати (кейинги ўринларда имтиёзли рўйхат деб аталади), унда ЯИДХПдаги рўйхатга олиш рақами кўрсатилади.
7. Ота-оналар ёки уларнинг ўрини босувчи шахслар (кейинги ўринларда аризачилар деб аталади) йўлланмалар олиш учун Давлат хизматлари марказларига ўзи

келган ҳолда мурожаат қиладилар ёки электрон тарзда давлат хизматлари олиш учун ЯИДХПда рўйхатга олинадилар.

8. Ўзи келган ҳолда мурожаат қилинган тақдирда Давлат хизматлари маркази ходими аризачи номидан, ЯИДХП орқали мурожаат қилинган тақдирда эса аризачи давлат хизматлари олиш учун анкетани электрон тарзда мустақил равишда, ваколатли органнинг расмий веб-сайтида жойлаштирилган маълумотдан фойдаланган ҳолда ушбу Регламентга 2-иловага мувофиқ шакл бўйича тўлдиради.

Аризачилардан ушбу бандда кўрсатилмаган маълумотларни, шунингдек бошқа хужжатларни тақдим этишни талаб қилиш қатъиян тақиқланади.

9. Аризачилар анкетада қуйидагиларни кўрсатиш (танлаш) ҳукукига эгадирлар:

- а) бўш ўринларга эга бўлган муассасани (йўлланма олиш учун);
- б) бўш ўринларга эга бўлмаган муассасани (навбатга киритилиши учун);
- в) бўш ўринларга эга бўлмаган иккита муассасани (навбатга киритилиши учун);
- г) бўш ўринларга эга бўлган битта муассасани (йўлланма олиш учун) ва бўш ўринларга эга бўлмаган бошқа муассасани (навбатга киритилиши учун).

10. Аризачи фарзандини муассасага қабул қилишнинг кичик ёшга етгунигача навбатга қўйиш ҳукукига эга.

Йўлланма муассасага қабул қилиш бўйича кичик ёшга етишидан эрта бўлмаган муддатда берилади.

11. Анкета расмийлаштирилгандан ва унга зарур маълумотлар киритилгандан кейин аризачи уни ЭРИ билан тасдиқлайди.

Давлат хизматлари марказлари ва ЯИДХП аризачиларни давлат хизматлари олиш учун ЭРИнинг албатта мавжуд бўлиши тўғрисида олдиндан хабардор қилишади.

Давлат хизматлари марказлари аризачилар томонидан жойида ЭРИни олиш учун барча зарур шартларни таъминлаши шарт.

12. Болаларни муассасага қабул қилиш бўйича давлат хизмати бепул амалга оширилади.

13. Аризачиларда ЭРИнинг йўқлиги ёки уни олишни рад этиши ва анкетада ишончсиз маълумотларни кўрсатиши давлат хизматлари кўрсатишни рад этиш учун асослар ҳисобланади.

Давлат хизматлари кўрсатишни бошқа асосларга кўра рад этиш қатъиян тақиқланади.

14. Аризачи давлат хизматлари олишни уларни кўрсатишнинг исталган босқичида рад этиш ҳукукига эга.

Аризачи томонидан давлат хизматлари олиш рад этилган тақдирда унинг анкетаси кўриб чиқилмасдан қолдирилади.

15. Ўзи келган ҳолда мурожаат қилинган тақдирда Давлат хизматлари марказлари анкета тўлдирилган вақтдан бошлаб бир соат мобайнида уни ваколатли органга юборади.

ЯИДХП орқали мурожаат қилинган тақдирда анкета автоматик равишда ваколатли органга юборилади.

16. Ваколатли орган анкета келиб тушгандан бошлаб бир иш куни мобайнида:

а) йўлланмани расмийлаштиради — йўлланма олиш учун мурожаат қилинган ҳолатларда;

б) анкетани тегишли равишда умумий ёки имтиёзли рўйхатга киритади, шунингдек, хабарномани расмийлаштиради — навбатга киритиш учун мурожаат қилинган ҳолатларда;

в) Йўлланмани расмийлаштиради ва анкетани тегишли равишда умумий ёки имтиёзли рўйхатга киритади, шунингдек, хабарномани расмийлаштиради — йўлланма олиш учун битта муассасага мурожаат қилинган ва айни бир вақтда навбатга киритиш учун бошқа муассасага мурожаат қилинган ҳолатларда;

г) ушбу бандда назарда тутилган хатти-ҳаракатларни бажариш чоғида параллел равишда ўз тасарруфидаги муассасалар тўғрисидаги ахборотни расмий веб-сайтда онлайн режимида янгилайди.

17. Хабарномалар ушбу Регламентнинг 16-бандига мувофиқ расмийлаштирилган ҳолатларда тегишли йўлланмалар муассасаларда ўринлар бўшаган куни навбатга мувофиқ расмийлаштирилади. Бунда имтиёзли рўйхатга киритилган анкеталар бўйича йўлланмалар умумий рўйхатга киритилган анкеталарга нисбатан биринчи навбатда расмийлаштирилади.

18. Болаларнинг қуйидаги контингенти анкеталари имтиёзли рўйхатга киритилади:
ногирон бўлган шахсларнинг болалари;
уч нафар ёки ундан кўп болалари бўлган oilаларнинг болалари;
ҳарбий хизматчиларнинг ва ҳуқуқни муҳофаза қилиш органлари ходимларининг болалари;
талабалар ва педагогларнинг болалари;
етим болалар ёки ота-онасининг қаровисиз қолган болалар;
бошқа муассасалардан ўтказилган болалар;
акалари ёки опалари ушбу муассасанинг тарбияланувчилари жумласидан бўлган болалар.

Аризачиларда ушбу бандга мувофиқ устунлик ҳуқуқларининг мавжудлиги тўғрисидаги маълумот анкетада кўрсатилади. Бунда берилган йўлланмалар, тасдиқловчи ҳужжатларнинг асл нусхалари муассасага тақдим этилган ҳолатларда болаларни муассасага қабул қилиш учун асослар ҳисобланади.

19. Аризачи тақдим этган анкетада ишончсиз ёки нотўғри маълумотларнинг мавжудлиги, шу жумладан, унда кўрсатилган маълумотларнинг ушбу Регламентнинг 6, 9 ва 18-бандларида назарда тутилган маълумотларга номувофиқлиги йўлланмалар ва хабарномалар беришнинг рад этилиши учун асос ҳисобланади.

Йўлланмалар ва хабарномаларнинг берилишини бошқа асосларга кўра рад этиш қатъиян тақиқланади.

20. Ваколатли орган йўлланма ва хабарнома расмийлаштирилган куни уни ўзининг ЭРИ билан тасдиқлайди ва муассасага, шунингдек, давлат хизматлари марказига (ўзи келган ҳолда мурожаат қилинганда) ёки аризачига (электрон тарзда мурожаат қилинганда) ЯИДХП орқали электрон тарзда юборади.

Давлат хизматлари маркази йўлланма ёки хабарнома келиб тушгандан кейин бир соат мобайнида уни ўзи келган ҳолда мурожаат этилганда ўз муҳрини қўйган ҳолда аризачига беради.

21. Болаларни муассасага қабул қилиш йўлланмалар келиб тушган ёки тақдим этилган кундан бошлаб бир иш куни мобайнида, белгиланган тартибда расмийлаштирилади.

Болаларни муассасага йўлланмалар мавжуд бўлмаганда расмийлаштириш тақиқланади.

22. Аризачи болаларни муассасага қабул қилишни йўлланма олингандан кейин 15 кун мобайнида расмийлаштирмаган тақдирда йўлланма ҳақиқий эмас деб ҳисобланади.

3-боб. Яқунловчи қоидалар

23. Давлат хизматлари марказлари, ваколатли органлар ва муассасалар ўз фаолиятини амалга ошириш натижасида олинган аризачи тўғрисидаги маълумотларнинг махфийлигини таъминлаши керак.

24. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талабларининг бажарилиши бўйича давлат органлари ва бошқа

ташкiлотларнинг фаолияти юзасидан, шу жумладан, ЯИДХП орқали доимий назоратни ва мониторингни амалга оширадilar.

25. Давлат органлари ва бошқа ташкiлотлар ходимларининг хатти-ҳаракатлари юзасидан аризачи томонидан қонун ҳужжатларида белгиланган тартибда шикоят қилиниши мумкин.

26. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

1.2. Фуқарони жамғариб бориладиган пенсия тизимида ҳисобга қўйиш бўйича давлат хизмати

Фуқарони жамғариб бориладиган пенсия тизимида ҳисобга қўйиш

давлат хизматлари кўрсатишнинг

МАЪМУРИЙ РЕГЛАМЕНТИ

(Вазирлар Маҳкамасининг 2018 йил 26 мартдаги

238-сон қарори билан тасдиқланган)

1-боб. Умумий қоидалар

1. Ушбу Регламент Ўзбекистон Республикаси фуқароси, шу жумладан чет эл фуқаролари ва фуқаролиги бўлмаган шахсларни (кейинги ўринларда фуқаролар деб аталади) жамғариб бориладиган пенсия тизимида ҳисобга қўйиш тартибини (кейинги ўринларда ЖБПТ деб аталади) белгилайди.

2. ЖБПТда иштирок этиш мажбурий ёки ихтиёрий тартибда амалга оширилади.

Иш берувчиларнинг, шунингдек, меҳнат фаолиятини меҳнат шартномаси асосида амалга оширувчи фуқароларнинг жамғариб бориладиган пенсия тизимида иштирок этиши, агар қонун ҳужжатларида бошқача қоидалар назарда тутилмаган бўлса, мажбурийдир.

ЖБПТда ихтиёрий тартибда юридик шахс бўлмасдан тадбиркорлик фаолияти билан шуғулланувчи яқка тартибдаги тадбиркорлар ва деҳқон хўжаликлари аъзолари ва бошқа фуқаролар иштирок этади.

ЖБПТда мажбурий тарзда иштирок этишда ЖБПТда ҳисобга қўйишга мурожаатни иш берувчи беради.

ЖБПТда ихтиёрий тарзда иштирок этишда ЖБПТда ҳисобга қўйишга мурожаатни фуқаро беради.

3. Фуқарони ЖБПТда ҳисобга қўйишни АТБ «Ўзбекистон Республикаси Халқ банки» (кейинги ўринларда Халқ банки деб аталади) амалга оширади.

4. Давлат хизматлари марказлари ва Халқ банки ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

5. Фуқарони жамғариб бориладиган пенсия тизимида ҳисобга қўйиш ишлари мазкур Регламентга 1-иловага мувофиқ схема асосида амалга оширилади.

2-боб. Давлат хизматлари кўрсатиш тартиби

6. Иш берувчи ёки фуқаро (кейинги ўринларда аризачи деб аталади) фуқарони ЖБПТда ҳисобга қўйиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматини электрон тарзда олиш учун рўйхатдан ўтади.

7. Ўзи келиб мурожаат этган тақдирда Давлат хизматлари маркази ходими аризачи номидан, ЯИДХП орқали мурожаат этган тақдирда эса аризачи мустақил равишда мазкур Регламентга 2-иловага мувофиқ шаклдаги давлат хизмати олиш учун анкетани электрон тарзда тўлдиради.

Агар фуқаронинг паспортида фуқаронинг идентификация рақами (шахсий код) кўрсатилмаган бўлса, у ҳолда аризачи яшаш жойи бўйича ички ишлар органларидан

фуқаронинг идентификация рақами (шахсий кодини) сўраб олади ва уни аниқлагандан сўнг давлат хизмати олиш учун анкетанинг тегишли устунига зарур ёзувни киритади.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

8. Анкетага зарур маълумотларни расмийлаштиргандан ва киритгандан сўнг аризачи уни ўз ЭРИ билан тасдиқлайди.

Давлат хизматлари марказлари, шунингдек ЯИДХП ходимлари аризачиларни давлат хизматлари олишлари учун ЭРИ мажбурий тартибда бўлиши тўғрисида олдиндан хабардор қиладилар.

Давлат хизматлари марказлари аризачилар ЭРИни жойида олишлари учун барча зарур шароитларни таъминлашга мажбурдир.

9. Фуқарони ЖБПТда ҳисобга қўйиш бепул амалга оширилади.

10. Аризачиларда ЭРИ мавжуд эмаслиги ёки уни олишнинг рад этилганлиги ва анкетада нотўғри маълумотлар кўрсатилиши давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

11. Аризачи давлат хизмати олишдан уни кўрсатилишининг ҳар қандай босқичда тўхтатиш ҳуқуқига эга.

Аризачи давлат хизмати олишни рад этган тақдирда унинг анкетаси кўриб чиқилмайди.

12. Ўзи келиб мурожаат этганда Давлат хизматлари марказлари анкета тўлдирилган вақтдан бошлаб бир соат мобайнида уни фуқарони ЖБПТда ҳисобга қўйиш учун Халқ банкига юборади.

ЯИДХП орқали мурожаат қилинганда эса анкета автоматик тарзда Халқ банкига юборилади.

13. Халқ банки анкета келиб тушгандан сўнг бир кун ичида Давлат хизматлари марказига (ўзи келиб мурожаат этган тақдирда) ёки аризачига ЯИДХП орқали (электрон тарзда мурожаат этган тақдирда) фуқаро ЖБПТда ҳисобга қўйилганлиги тўғрисида хабарнома юборади.

Давлат хизматлари маркази фуқаро ЖБПТда ҳисобга қўйилганлиги тўғрисида хабарнома келиб тушгандан сўнг бир соат мобайнида бу ҳақда фуқарони хабардор қилади.

14. ЖБПТда ҳисобга қўйилган фуқароларга жамғариб бориладиган пенсия дафтарчаси белгиланган тартибда тақдим этилади.

3-боб. Яқунловчи қоидалар

15. Давлат хизматлари марказлари ва Халқ банки фуқарони ЖБПТда ҳисобга қўйиш натижасида олинган маълумотларнинг махфийлигини таъминлаши лозим.

16. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан ЯИДХП орқали, доимий назоратни ва мониторингни амалга оширадилар.

17. Аризачи Халқ банки ходимларнинг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

18. Ушбу Регламент талаблари бузилишида айбдор шахслар қонун ҳужжатларида белгиланган тартибда жавоб берадилар.

1.3, 1.4, 1.5. Меҳнат органларида фуқарони ишсиз сифатида рўйхатга олиш, Ишсизлик нафақасини тайинлаш, Ҳақ тўланадиган жамоат ишларига жалб қилиш учун ариза бўйича давлат хизмати

Меҳнат органларида фуқароларни ишсиз сифатида рўйхатга олиш, ҳақ тўланадиган жамоат ишларига жалб қилиш ҳамда ишсизлик нафақасини тайинлаш бўйича

давлат хизматларини кўрсатишнинг

ВАҚТИНЧАЛИК МАЪМУРИЙ РЕГЛАМЕНТИ

(Ўзбекистон Республикаси Президентининг Давлат маслаҳатчиси

Т.А.Худайбергенов томонидан 2018 йил 30 майда тасдиқланган)

Мазкур Регламент жисмоний шахсларни (бундан буён матнда талабгорлар деб юритилади) белгиланган Давлат хизматлари марказлари орқали иш қидирувчи ва ишсиз сифатида рўйхатга олиш, ҳақ тўланадиган жамоат ишларига жалб қилиш ҳамда ишсизлик нафақасини тайинлаш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари орқали Ўзбекистон Республикаси Бандлик ва меҳнат муносабатлари вазирлигининг тегишли аҳоли бандлигига кўмаклашиш марказлари (бундан буён матнда меҳнат органлари деб юритилади) томонидан Давлат хизматлари марказлари биносида ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали кўрсатилади.

Меҳнат органлари ходимлари Давлат хизматлари марказлари учун ўрнатилган меҳнат ва ички тартиб қоидаларга риоя этиши ва белгиланган вақтда Давлат хизматлари марказлари биноларида бўлиши зарур.

Давлат хизматлари марказлари ўз биносида меҳнат органлари ходимлари томонидан давлат хизматларини кўрсатиш учун барча зарур шароитларни таъминлайди.

2. Давлат хизматлари марказлари ва меҳнат органлари ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага қуйидаги ҳужжатлар илова қилинади:

паспорт ёки у бўлмаганда фуқаронинг шахсини тасдиқловчи бошқа ҳужжат;
маълумоти тўғрисидаги ҳужжат нусхаси.

Қуйидаги ҳужжатлар талабгор томонидан тааллуқлилиги бўйича тақдим этилади:
меҳнат дафтарчаси нусхаси (агар мавжуд бўлса);

касби ёки касбий малакаси мавжудлигини тасдиқлайдиган ҳужжат нусхаси – касбга эга бўлган шахслар учун;

сўнги 12 ой учун иш жойидан (талабгор ўриндошлик асосида бир неча жойда ишлаган бўлса, унинг танловига кўра бир иш жойидан) иш ҳақи (меҳнат даромади, пул таъминоти) тўғрисида маълумотнома – илгари ишлаганлар, шу жумладан жазони ижро этиш муассасаларидан озод этилган шахслар учун, тадбиркорлик фаолиятдан даромад олган шахслар учун эса – солиқ органидан маълумотнома;

талабгорга тавсия этилган иш характери ва шароитлари тўғрисида тиббий-меҳнат эксперт комиссияси хулосаси – ногиронлиги бўлган шахслар учун;

соғлиқни сақлаш муассасаларидан тегишли тиббий хулосалар ва бошқа тасдиқловчи ҳужжатлар – соғлиғи бўйича меҳнат фаолияти чекланган шахслар учун;

жазони ижро этиш муассасаларидан озод этилганлик тўғрисида маълумотнома – жазони ижро этиш муассасаларидан озод этилган шахслар учун;

талабгорнинг қарамоғидаги болаларининг туғилганлик ҳақидаги гувоҳномалари нусхалари – талабгорнинг қарамоғида фарзандлари бўлса ёки талабгорнинг қарамоғида бошқа шахслар бўлса, уларнинг қонун ҳужжатларида белгиланган нафақа ва пенсиялар олмаслиги тўғрисида ваколатли органларнинг (Ўзбекистон Республикаси Молия вазирлиги ҳузуридаги Бюджетдан ташқари пенсия жамғармасининг туман (шаҳар) бўлими ёки фуқароларни ўзини ўзи бошқариш органи) маълумотномаси нусхаси;

талабгорнинг даромадлари маълум қисмининг ушлаб қолиниши асослари, уларнинг миқдори ва ўтказилаётган манзили бўйича маълумотлар кўрсатилган ҳужжатлар нусхаси – суд қарори асосида даромадларининг маълум миқдори ушлаб қолинаётган шахслар.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, у қоғоз шаклда талабгорга берилади ҳамда талабгор маълумотларининг тўғрилигини текшириб, анкетани ўз имзоси билан тасдиқлайди.

7. Давлат хизматлари маркази ходими имзоланган анкетани сканер қилади ва уни ўз электрон рақамли имзоси билан тасдиқлайди.

8. Давлат хизматларини кўрсатиш учун тўлов ундирилмайди.

9. Анкетада ишончсиз маълумотлар кўрсатилганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Талабгор давлат хизматларидан фойдаланишдан бош тортганда унинг анкетаси кўрмасдан қолдирилади.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг имзоси билан тасдиқлангандан сўнг, барча ҳужжатлар 10 дақиқа ичида Давлат хизматлари маркази биносида ўтирган меҳнат органи ходимига электрон шаклда тақдим этилади. ЯИДХП орқали мурожаат қилинганда эса, анкета автоматик тарзда меҳнат органига юборилади.

12. Меҳнат органи ходими анкета ва бошқа ҳужжатлар олингандан сўнг, ҳужжатларни кўриб чиқиб, 5 дақиқа ичида талабгорни иш қидирувчи шахс сифатида рўйхатга олади ҳамда талабгорга мақбул келадиган иш юзасидан таклифлар беради.

Талабгор мақбул келадиган ишни рад этса, унга бошқа мавжуд мақбул келадиган иш таклиф этилади.

Талабгор берилган таклифлар асосида мақбул келадиган ишни танлаганда меҳнат органи ходими томонидан унга тегишли йўлланма берилади.

13. Анкета ва ҳужжатлар қабул қилиб олингандан сўнг 10 кун ичида:

берилган йўлланма асосида талабгор унда кўрсатилган кунда иш берувчига мурожаат қилади;

талабгор йўлланма бўйича ишга жойлашган тақдирда, бу ҳақда тегишли Давлат хизматлари маркази орқали меҳнат органига хабар беради;

14. Талабгорни ишсиз сифатида рўйхатга олиш ёки рўйхатга олишни рад этиш ҳақида қарор талабгор иш қидирувчи сифатида рўйхатга олингандан кейинги 10 кун ичида қабул қилинади. Ишсиз сифатида рўйхатга олишни рад этиш ҳақида қарор қабул қилинганда аниқ асослар ва қонун ҳужжатлари нормалари кўрсатилиши зарур.

15. Ишсиз деб эътироф этиш, ҳақ тўланадиган жамоат ишларига жалб қилиш ва ишсизлик нафақаси тайинлаш ҳақида қарор қабул қилинганда, меҳнат органининг масъул ходими 10 дақиқа ичида қарорни ўз электрон рақамли имзоси билан тасдиқлаб, тегишли Давлат хизматлари марказига (талабгорнинг ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон равишда юборади.

3-боб. Яқуний қоидалар

16. Давлат хизматлари марказлари ва меҳнат органлари ўз фаолиятини амалга ошириши натижасида олинган маълумотлар сир сақланишини таъминлайди.

17. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

18. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

19. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.6. Фуқароларга фарзанд туғилганда тўланадиган бир мартабалик нафақа пулини олиш учун мурожаат қилиш бўйича давлат хизмати

Фарзанд туғилганда бериладиган бир марталик нафақа пулини олиш учун ариза

**бериш бўйича давлат хизматлари кўрсатишнинг
ВАҚТИНЧАЛИК МАЪМУРИЙ РЕГЛАМЕНТИ**

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент фарзанд туғилганда бериладиган бир марталик нафақа пулини олиш учун ариза бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

Давлат хизматларидан фойдаланиш учун туғилган боланинг ота-онаси ёки уларнинг ўрнини босувчи шахслар, яъни, қонунда белгиланган тартибда болага нисбатан ота-оналик ҳуқуқини амалга оширувчи ва ота-оналик мажбуриятларини бажарувчи, лекин боланинг ота-онаси бўлмаган шахслар, фарзандликка олувчилар, васийлар ва ҳомийлар (бундан буён матнда талабгор деб юритилади) бола туғилганидан сўнг олти ой ичида мурожаат қилиш ҳуқуқига эга.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси (бундан буён матнда ваколатли орган деб юритилади) томонидан кўрсатилади ва нафақа пули АТ “Халқ банки”нинг тегишли филиалларида тўланади.

2. Давлат хизматлари марказлари ва ваколатли орган ўртасида ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага талабгорнинг паспорт нусхаси, туғилганлик ҳақида ФХДЁ бўлимининг маълумотномаси ва боланинг туғилганлиги ҳақида гувоҳнома нусхаси илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматини кўрсатишда тўлов ундирилмайди.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

ЯИДХП орқали мурожаат қилинганда эса, анкета автоматик тарзда ваколатли органга юборилади.

12. Ваколатли орган анкета келиб тушгандан сўнг уч иш соати ичида нафақа пулини тайинлаш ёки рад этиш ҳақида тегишли қарор қабул қилади. Нафақа тайинлашни рад этиш ҳақида қарор қабул қилинганда аниқ асослар ва қонун ҳужжатлари нормалари кўрсатилиши зарур.

13. Ваколатли орган нафақа пулини тайинлаган тақдирда, тўлов қайдномаларини шакллантириб, АТ “Халқ банки”нинг тегишли филиалига юборади ҳамда банкнинг қайси филиалидан ва қачон олиши мумкинлиги тўғрисидаги маълумотни кўрсатган ҳолда ахборот-коммуникация тизимлари орқали талабгорни ва Давлат хизматлари марказини хабардор қилади.

3-боб. Яқуний қоидалар

14. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

15. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

16. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

17. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.7. Дафн маросимларини ўтказиш учун тўланадиган бир марталик нафақа пулини олиш учун мурожаат қилиш бўйича давлат хизматлари

Дафн маросимларини ўтказиш учун бериладиган бир марталик нафақа пулини олиш учун ариза бериш бўйича давлат хизматлари кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент дафн маросимларини ўтказиш учун бериладиган бир марталик нафақа пулини тайинлаш учун ариза бериш бўйича давлат хизматлари (бундан буён матнда давлат хизматлари деб юритилади) кўрсатиш тартибini белгилайди.

Давлат хизматларидан фойдаланиш учун марҳумнинг эри (хотини), ота-онаси, фарзандлари ва бошқа қариндошлари ёки марҳумнинг қонуний вакили ёхуд бундай шахс бўлмаган тақдирда эса – дафнни амалга ошириш мажбуриятини зиммасига олган бошқа шахс (бундан буён матнда талабгор деб юритилади) олтмиш кун ичида мурожаат қилиш ҳуқуқига эга.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси (бундан буён матнда ваколатли орган деб юритилади) томонидан кўрсатилади ва нафақа пули АТ “Халқ банки”нинг тегишли филиалларида тўланади.

2. Давлат хизматлари марказлари ва ваколатли орган ўртасида ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага талабгорнинг паспорт нусхаси, ўлим ҳақида ФХДЁ бўлимининг маълумотномаси, ўлим тўғрисида гувоҳнома нусхаси ёки ўлик бола туғилганда ёхуд бола ҳаётининг биринчи ҳафтаси мобайнида вафот этган тақдирда (перинатал ўлим) қонун ҳужжатларида белгиланган тартибда берилган перинатал ўлим тўғрисидаги маълумотнома илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматини кўрсатишда тўлов ундирилмайди.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

ЯИДХП орқали мурожаат қилинганда эса, анкета автоматик тарзда ваколатли органга юборилади.

12. Ваколатли орган анкета келиб тушгандан сўнг 1 иш соати мобайнида нафақа пулини тайинлаш ёки рад этиш ҳақида тегишли қарор қабул қилади. Нафақа тайинлашни рад этиш ҳақида қарор қабул қилинганда аниқ асослар ва қонун ҳужжатлари нормалари кўрсатилиши зарур.

13. Ваколатли орган нафақа пулини тайинлаган тақдирда, тўлов қайдномаларини шакллантириб, АТ “Халқ банки”нинг тегишли филиалига юборади ҳамда банкнинг қайси филиалидан ва қачон олиши мумкинлиги тўғрисидаги маълумотни кўрсатган ҳолда ахборот-коммуникация тизимлари орқали талабгорни ва Давлат хизматлари марказини хабардор қилади.

3-боб. Яқуний қоидалар

14. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

15. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

16. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

17. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.8. Пенсия ва нафақа олувчилар рўйхатида мавжуд ёки мавжуд эмаслиги тўғрисидага маълумотнома бериш бўйича давлат хизмати

Фуқаронинг пенсия ва нафақа олувчилар рўйхатида мавжуд ёки мавжуд эмаслиги тўғрисида маълумотнома бериш бўйича давлат хизматлари кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент фуқароларга (бундан буён матнда талабгорлар деб юритилади) белгиланган Давлат хизматлари марказлари орқали пенсия ва нафақа олувчилар рўйхатида мавжуд ёки мавжуд эмаслиги тўғрисида маълумотнома бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси (бундан буён матнда ваколатли орган деб юритилади) томонидан кўрсатилади.

2. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага талабгорнинг паспорт нусхаси илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизмати кўрсатиш учун тўлов ундирилмайди.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда, унинг анкетаси кўрмасдан қолдирилади.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади. ЯИДХП орқали мурожаат қилинганда эса, анкета автоматик тарзда ваколатли органга юборилади.

12. Ваколатли орган томонидан анкета келиб тушганидан сўнг 1 иш соати ичида маълумотнома расмийлаштирилади ҳамда ваколатли орган масъул ходимининг электрон рақамли имзоси билан тасдиқланиб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

Маълумотнома шакли Ўзбекистон Республикаси Адлия вазирлиги билан келишилган ҳолда ваколатли орган томонидан тасдиқланади.

3-боб. Яқуний қоидалар

13. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

14. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

15. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

16. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.9. Пенсия ва нафақалар миқдори тўғрисидаги маълумотнома бериш бўйича давлат хизмати

Пенсия ва нафақалар миқдори тўғрисида маълумотнома бериш бўйича давлат хизматлари кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

(Ўзбекистон Республикаси Президентининг Давлат маслаҳатчиси Т.А.Худайбергенов томонидан 2018 йил 30 майда тасдиқланган)

Мазкур Регламент жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали пенсия ва нафақалар миқдори тўғрисида маълумотнома бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси (бундан буён матнда ваколатли орган деб юритилади) томонидан кўрсатилади.

2. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага талабгорнинг паспорт нусхаси илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматини кўрсатиш учун тўлов ундирилмайди.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда, унинг анкетаси кўрмасдан қолдирилади.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади. ЯИДХП орқали мурожаат қилинганда эса, анкета автоматик тарзда ваколатли органга юборилади.

12. Ваколатли орган томонидан анкета келиб тушганидан сўнг 1 иш соати ичида маълумотнома расмийлаштирилади ҳамда уни масъул ходими электрон рақамли имзоси билан тасдиқлаб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

Маълумотнома шакли Ўзбекистон Республикаси Адлия вазирлиги билан келишилган ҳолда ваколатли орган томонидан тасдиқланади.

3-боб. Яқуний қоидалар

13. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

14. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

15. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

16. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.10. Тошкент давлат юридик университетига ўқишга кириш учун хужжатларни топшириш бўйича давлат хизмати

Тошкент давлат юридик университетига ўқишга кириш учун хужжатларни қабул қилиш бўйича давлат хизматини кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент Тошкент давлат юридик университетига ўқишга кириш истагида бўлган фуқароларга (бундан буён матнда талабгор деб юритилади) Давлат хизматлари марказлари орқали уларнинг хужжатларини қабул қилиш бўйича давлат хизматларини (бундан буён матнда давлат хизматлари деб юритилади) кўрсатиш тартибини белгилайди.

Ушбу Регламент талаблари Тошкент давлат юридик университетининг магистратурасига ўқишга кириш учун хужжатларни топширишга, шунингдек, Тошкент давлат юридик университетининг бакалавриятига хужжат топширувчи хорижий фуқароларга, фуқаролиги бўлмаган шахсларга ҳамда 16 ёшга тўлмаган шахсларга нисбатан татбиқ этилмайди.

1-боб. Умумий қоидалар

1. Давлат хизматлари Давлат хизматлари марказлари орқали Ўзбекистон Республикаси Вазирлар Маҳкамаси ҳузуридаги Давлат тест маркази (бундан буён матнда Давлат тест маркази деб юритилади) томонидан кўрсатилади.

2. Давлат хизматлари марказлари ва Давлат тест маркази ўртасидаги ахборот алмашинуви идоралараро электрон ўзаро боғланиш ёрдамида амалга оширилади.

3. Тошкент давлат юридик университетига ўқишга кириш учун хужжатларни қабул қилиш жараёнида:

а) Давлат хизматлари марказлари:

талабгор томонидан тақдим этилган хужжатларни қабул қилади ва талабгор ҳақидаги маълумотларни тегишли хужжатлар (паспорт, ўрта, ўрта махсус маълумотни тасдиқловчи хужжат – коллеж, лицей дипломи ёки ўрта мактабни битирганлиги тўғрисидаги шаходатнома, ҳарбий қисм тавсияномаси, фан олимпиадалари ғолиблигини тасдиқловчи гувоҳнома ва ҳ.к.) асосида Давлат тест маркази махсус электрон базасига тўғри киритилишини таъминлайди;

Давлат тест маркази махсус электрон базасидан талабгор ҳақидаги маълумотлар киритилганлигини тасдиқловчи бланкни чоп этади;

б) талабгорлар 29 – 31 июль кунлари абитуриент рухсатномасини олиш учун шахсан Тошкент давлат юридик университетининг қабул комиссиясига мурожаат этадилар;

в) Тошкент давлат юридик университетининг қабул комиссияси талабгорларнинг паспортидаги биометрик маълумотларини махсус сканер орқали текшириб, бармоқ изларини олади.

4. Талабгорларнинг хужжатлари Давлат хизматлари марказлари томонидан 15 июндан 15 июлгача (шу куни ҳам) қабул қилинади.

Талабгорлар уларнинг доимий рўйхатда турган жойидан қатъи назар, истаган Давлат хизматлари марказларига мурожаат қилган ҳолда хужжатларини топшириши мумкин.

2-боб. Давлат хизматларини кўрсатиш тартиби

5. Талабгор ҳужжатларни ўқишга топшириш учун Давлат хизматлари марказларига шахсан ўзи келиб мурожаат этади.

6. Давлат хизматлари маркази ходими талабгор номидан ушбу Регламентнинг иловасига мувофиқ шаклдаги анкетани электрон равишда тўлдиради.

7. Давлат хизматлари маркази ходими Давлат тест маркази махсус базасига талабгор ҳақидаги маълумотларни электрон равишда киритади, шунингдек махсус фото-техника воситаси ёрдамида талабгорни суратга олади.

Давлат тест маркази махсус электрон базасига талабгорнинг куйидаги ҳужжатларининг асл нусхаларидан маълумотлар киритилади:

умумий ўрта таълим (11-синф негизида) ёки ўрта махсус, касб-хунар таълими муассасасини тугатганлиги ҳақидаги ҳужжат;
паспорт.

Тўлиқ давлат таъминотидаги етим болалар ва I гуруҳ кўзи ожиз ногиронлар ушбу ҳолатни тасдиқловчи ҳужжатларни тақдим этадилар.

Танловдан ташқари ўқишга кириш ҳуқуқига эга бўлган халқаро ва республика олимпиадалари, танловлар ва мусобақалар ғолиблари асл нусхадаги тасдиқловчи ҳужжатларни тақдим этадилар.

Ўзбекистон Республикаси Қуролли Кучлари сафида муддатли ҳарбий хизматни ўтаб бўлган фуқаролар ҳарбий қисм қўмондонлигининг тегишли тавсияномасининг аслини юқорида кўрсатилган ҳужжатлар билан биргаликда тақдим этадилар.

Кўрсатиб ўтилган ҳужжатлар тўлиқ ва яроқли ҳолда талабгор томонидан тақдим этилганда, Давлат хизматлари марказлари талабгорнинг ҳужжатларини қабул қилишни рад этишга ҳақли эмас.

Талабгордан бошқа ҳужжатларни талаб қилиш тақиқланади.

Ҳужжатлар қабул қилишнинг белгиланган муддатлари тугагандан сўнг ҳужжатларга қўшимчалар ва ўзгартиришлар киритиш қатъиян ман қилинади.

8. Давлат хизматини кўрсатишда тўлов ундирилмайди.

9. Давлат хизматлари маркази ходими маълумотларни расмийлаштиргандан сўнг, Давлат тест маркази махсус базасида автоматик тарзда юкланган бланкани икки нусхада чоп этади ва бир нусхасини талабгорга бериб, иккинчи нусхасини махсус йиғмажилдга тикиб қўяди.

10. Давлат хизматлари марказлари, Давлат тест маркази ва Тошкент давлат юридик университети қабул комиссияси ходимлари билан биргаликда ҳар кунлик Давлат тест маркази махсус базасига маълумотлари киритилган талабгорларнинг сонини қиёслашни амалга оширишлари шарт.

11. Талабгорлар давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

12. Талабгорлар уларнинг маълумотлари Давлат тест маркази махсус электрон базасига киритилганидан сўнг, давлат хизматидан фойдаланишдан бош тортганда ҳужжатларини топширган Давлат хизматлари марказига келиб эркин шаклда давлат хизматидан воз кечиш ҳақида ариза ёзади ҳамда уни ўзининг имзоси билан тасдиқлайди. Бунда, Давлат хизматлари маркази ходими талабгорнинг аризаси асосида, унинг маълумотларини Давлат тест маркази махсус базасидан чиқариб ташлаб, кўрмасдан қолдиради.

Агар талабгор унинг маълумотлари Давлат тест маркази махсус базасига охиргача киритилмагунига қадар давлат хизматидан воз кечса, ундан давлат хизматидан воз кечиш ҳақида ариза бериши талаб этилмайди.

13. Талабгорлар 29 – 31 июль кунлари абитуриент рухсатномасини олиш учун Тошкент давлат юридик университетининг қабул комиссиясига шахсан мурожаат этадилар.

Тошкент давлат юридик университетининг қабул комиссияси талабгорларга Давлат хизматлари маркази орқали берилган Давлат тест маркази бланкасини текширадилар ҳамда уларнинг паспортидаги биометрик маълумотларини махсус сканер орқали текшириб, бармоқ изларини олади ва тегишли абитуриент рухсатномасини беради.

3-боб. Яқуний қоидалар

14. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан доимий назоратни ва мониторингни амалга оширадилар.

15. Талабгор давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

16. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.11. Ўзбекистон Республикасига хорижий ишчи кучларни жалб қилишга рухсатнома бўйича давлат хизмати

Ўзбекистон Республикасида хорижий ишчи кучларини жалб қилиш ва улардан фойдаланиш тартиби тўғрисида НИЗОМ

*(Вазирлар Маҳкамасининг 1995 йил 19 октябрдаги
408-сон қарори билан тасдиқланган)*

1. Мазкур Низом Ўзбекистон Республикасида хорижий ишчи кучларини жалб қилишга рухсатномалар бериш (узайтириш), шунингдек хорижий фуқароларнинг Ўзбекистон Республикаси ҳудудида меҳнат фаолиятини амалга ошириш ҳуқуқига тасдиқномалар бериш (амал қилиш муддатини узайтириш) шартлари ва тартибини белгилайди.

2. Хорижий ишчи кучларини жалб қилиш рухсатномаси республика ҳудудида ишлаш учун ёлланадиган хорижий ходимларнинг умумий ва касблар гуруҳи бўйича йўл қўйилиши мумкин бўлган энг кўп сонини белгилайди.

3. Меҳнат фаолиятини амалга ошириш мақсадида Ўзбекистон Республикасига келувчи хорижий фуқаро 1-иловага мувофиқ шакл бўйича ва иш берувчи томонидан олинган рухсатнома асосида унинг номига берилган меҳнат фаолияти ҳуқуқи тасдиқномаси бўлгандагина Ўзбекистон Республикаси ҳудудида ишлаши мумкин.

4. Рухсатномалар ўзбекистонлик юридик шахсларга, Ўзбекистон Республикаси ҳудудида фаолият кўрсатаётган хорижий инвестиция иштирокидаги корхоналарга, шунингдек ўз шахсий хўжалигида ёлланган ходимлар меҳнатидан фойдаланувчи (бундан буён «иш берувчи» дейилади) айрим ўзбекистонлик ва Ўзбекистон Республикаси ҳудудида яшовчи хорижий жисмоний шахсларга берилиши мумкин. Бунда хорижий ходимлар меҳнат фаолиятларининг давом этиш муддати рухсатноманинг амалда бўлиш вақтидан ошиб кетмаслиги керак.

5. Рухсатнома бериш Ташқи меҳнат миграцияси агентлиги (кейинги ўринларда Агентлик деб юритилади) томонидан амалга оширилади.

6. Рухсатнома (тасдиқнома) берганлик ва унинг муддатини узайтирганлик учун белгиланган тартибда тўлов ундирилади.

7. Рухсатнома олиш учун иш берувчи Агентликка қуйидаги ҳужжатларни топширади:

ариза;

контракт лойиҳаси ёки хорижий фуқаролар ёхуд чет эл фирмалари билан тузилган хорижий мутахассисларни жалб қилиш мақсади ва шартлари тўғрисидаги олдидан ахдлашилганликни тасдиқловчи бошқа ҳужжатлар;

хорижий мутахассисга берилган фотосуратли анкета;

рухсатномани расмийлаштириш ва бериш учун тўлов тўланганлиги ҳақидаги банк (касса) ҳужжати;

«ВИЧ-инфекция» йўқлиги тўғрисида сертификат.

Агентлик рухсатнома бериш учун бошқа ваколатли органларда мавжуд бўлган зарур ҳужжатлар ва ахборотларни белгиланган тартибда ўзаро ахборот ҳамкорлиги йўли билан, шу жумладан электрон тарзда мустақил равишда олади, ушбу бандда назарда тутилган ҳужжатлар ва ахборотлар бундан мустасно.

8. Агентлик хорижий ишчи кучларини жалб қилиш ва улардан фойдаланиш учун рухсатнома беришда Ўзбекистон Республикаси фуқароларининг бўш иш жойларини

эгаллаш бўйича устунлик ҳуқуқлари принципидан, сўралаётган жойда кадри бир хил ишчи кучлари борлигидан келиб чиқиши керак.

Ушбу талаб Ўзбекистон Республикаси Туризмни ривожлантириш давлат қўмитасининг (кейинги ўринларда Давлат туризм қўмитаси деб аталади) илтимосномалари бўйича туризм соҳасида ишга жалб этиладиган хорижий мутахассисларга татбиқ этилмайди.

9. Рухсатнома бериш тўғрисидаги қарор иш берувчи ушбу Низомнинг 7-бандида назарда тутилган ҳужжатларни берган кундан бошлаб 30 кун мобайнида Агентлик томонидан қабул қилинади.

Юқори малака ва ишлаб чиқариш фаолиятида ноёб тажрибага шунингдек Давлат туризм қўмитасининг илтимосномалари бўйича туризм соҳасига ишга жалб этиладиган хорижий мутахассисларга эга бўлган хорижий фуқароларга Ўзбекистон Республикасида меҳнат фаолиятини амалга ошириш учун рухсатномалар иш берувчи ушбу Низомнинг 7-бандида назарда тутилган ҳужжатларни берган кундан бошлаб 15 кун мобайнида берилади. Бунда, хорижий фуқаронинг юқори малака ва ишлаб чиқариш фаолиятидаги ноёб тажрибаси иш берувчи томонидан белгиланади.

10. Хорижий ишчи кучини жалб қилиш ва ундан фойдаланиш учун рухсатнома беришни рад этиш тўғрисидаги асосланган қарор аризачига ушбу қарор қабул қилингандан сўнг бир ҳафта муддатда юборилади.

Хорижий ишчи кучларини жалб қилиш ва улардан фойдаланишга рухсатномани бериш тўғрисидаги аризанинг такрорий кўриб чиқишда Хорижий ишчи кучини жалб этиш ва ундан фойдаланишга рухсатнома беришнинг ушбу рухсатномани беришни рад этиш тўғрисидаги қарорда илгари кўрсатилмаган янги асослар бўйича рад этилишига йўл қўйилмайди.

11. Рухсатнома бир йил муддатга берилади, меҳнат контракти муддатини узайтириш томонларнинг розилигига кўра ва иш берувчининг мазкур Низомнинг 7-бандида назарда тутилган ҳужжатларни бериши асосида, меҳнат шартномасининг амалда бўлиш муддати тугагунга қадар, амалга оширилади.

12. Иш берувчидаги рухсатнома бошқа иш берувчиларга берилмаслиги керак. Рухсатнома асосида жалб қилинадиган хорижий ходимлар бошқа иш берувчига ишлаш учун ўтказилиши мумкин эмас.

13. Рухсатнома бланкида: рухсатнома берган органнинг номи, рухсатнома берилган иш берувчининг номи ва манзили, унинг давлат рўйхатидан ўтганлиги тўғрисидаги маълумотлар, ушбу шахс қайси давлат фуқароси эканлиги, фаолиятининг тури, рухсатнома амалда бўладиган ҳудуд, амалда бўлиш муддати, 2-иловага мувофиқ шакл бўйича узайтириш вақти кўрсатилади. Рухсатнома Агентлик раҳбари томонидан вакил қилинган масъул мансабдор шахс томонидан имзоланади ва муҳр билан тасдиқланади.

14. Иш берувчи рухсатномада кўрсатилган мазкур Низом шартларини, шунингдек Ўзбекистон Республикаси қонунчилигини бузганда, бунинг оқибатида хорижий мутахассисларнинг ҳуқуқлари жиддий камситилган ҳолларда Агентлик йўл қўйилган бузилишлар бартараф этилгунга қадар рухсатномани тўхтатиб қўйиши ёки уларни муайян муддатда бартараф этиш тўғрисида кўрсатма бериши мумкин. Бузилишлар белгиланган муддатда бартараф этилмаган тақдирда рухсатнома Агентлик қарорига кўра бекор қилиниши мумкин.

15. Меҳнат фаолиятини амалга ошириш мақсадида Ўзбекистон Республикасига келган ва мазкур Низомни бузган ҳолда ишга қабул қилинган хорижий мутахассислар иш берувчи маблағлари ҳисобига Ўзбекистон Республикаси Ички ишлар вазирлиги органлари томонидан Ўзбекистон Республикасидан чиқариб юборилдилар.

16. Агентлик хорижий мутахассисларни ҳисобга олишни амалга оширади, хорижий мутахассисларни ишга жойлаштиришнинг ва меҳнат шартларининг қонунийлигини текширувдан ўтказди. Йилнинг ҳар чорагида Ўзбекистон Республикаси Бандлик ва

меҳнат муносабатлари вазирлигини ва ички ишлар ҳудудий органларини хорижий мутахассисларнинг сони, касб-малака таркиби, бўлиш муддатлари ҳақида хабардор қилиб туради.

17. Рухсатномалар беришнинг мазкур Низом билан белгиланган мажбурий тартиби, шунингдек, меҳнат фаолияти ҳуқуқига эгалик тасдиқномалари қуйидаги хорижий фуқароларга нисбатан қўлланмайди:

а) дипломатик ва консуллик муассасаларининг, Ўзбекистон Республикаси ҳудудидаги дипломатик мақомдан фойдаланувчи ташкилотларнинг ходимларига;

б) Ўзбекистон Республикаси Ташқи ишлар вазирлигида аккредитация қилинган хорижий давлатларнинг халқаро ҳукуматлараро ташкилотлари ва ҳукумат ташкилотлари ваколатхоналари ходимларига;

в) 3 ойгача муддатга келадиган, Ўзбекистон Республикаси ҳудудида ишлаётган ёки ташкил этилаётган қўшма корхоналар ёки фирмаларнинг таъсисчилари ёки пайчилари ҳисобланадиганларга.

г) Давлат туризм қўмитасининг илтимосномалари бўйича туризм соҳасида ишлашга 3 ойгача муддатга жалб этиладиган мутахассисларга.

Кўрсатилган тартиб қуйидаги хорижий фуқароларга нисбатан ҳам қўлланмайди:

давлатлараро битимларга мувофиқ ташкил этилган Ўзбекистон ҳудудидаги муассасаларда ишловчи фан ва маданият арбобларига;

таътил вақтида Ўзбекистон олий касб таълими таълим муассасалари дастурлари доирасида ишлаб чиқариш амалиётини ўтаётган талабаларга;

Ўзбекистон Республикасида аккредитация қилинган мухбирлар ва журналистларга;

Ўзбекистон Республикаси Адлия вазирлигида аккредитация қилинган нодавлат нотижорат ташкилотларининг ходимларига;

Ўзбекистон Республикаси Инвестициялар бўйича давлат қўмитаси томонидан аккредитация қилинган хорижий тижорат ташкилотлари ваколатхоналари ходимларига;

Ўзбекистон академиялари ва олий касб таълими таълим муассасаларида маърузалар курсини ўқиш ва бошқа ишлар учун жалб қилинган маърузачилар ва йўриқчиларга;

Ўзбекистон Республикасининг хорижий мамлакатлар билан тузилган давлатлараро битимларга кўра ишга жойлаштиришнинг бошқа хил тартиби белгиланган шахсларга.

1.12. Хорижда меҳнат фаолиятини амалга оширишга рухсатнома бериш бўйича давлат хизмати

Ўзбекистон Республикаси фуқароларига хусусий меҳнат шартномалари (контрактлари) асосида хорижда меҳнат фаолиятини амалга оширишга рухсатнома бериш (муддатини узайтириш) бўйича давлат хизматини кўрсатишнинг ВАҚТИНЧАЛИК МАЪМУРИЙ РЕГЛАМЕНТИ (Ўзбекистон Республикаси Президентининг Давлат маслаҳатчиси Т.А.Худайбергенов томонидан 2018 йил 30 майда тасдиқланган)

Мазкур Регламент Ўзбекистон Республикаси фуқароларига (бундан буён матнда талабгорлар деб юритилади) белгиланган Давлат хизматлари марказлари орқали хусусий меҳнат шартномалари (контрактлари) асосида хорижда меҳнат фаолиятини амалга оширишга рухсатнома бериш (муддатини узайтириш) бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

Мазкур Регламент талаблари Вазирлар Маҳкамасининг 2003 йил 12 ноябрдаги 505-сон қарори билан тасдиқланган Ўзбекистон Республикаси фуқароларининг чет эллардаги меҳнат фаолияти тартиби тўғрисида низомнинг 11-бандида кўрсатилган Ўзбекистон Республикаси фуқароларига нисбатан татбиқ этилмайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Бандлик ва меҳнат муносабатлари вазирлиги ҳузуридаги Ташқи меҳнат миграцияси агентлиги (бундан буён матнда Агентлик деб юритилади) томонидан кўрсатилади.

2. Давлат хизматлари марказлари ва Агентлик ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага хорижий фирмдан (иш берувчидан) олинган ва давлат тилига таржима қилинган, барча ижтимоий кафолатлар ва тиббий суғурта кўрсатилган, шунингдек меҳнат визаси (EMPLOYMENT VIZA) билан таъминлаш борасида иш берувчининг мажбурияти назарда тутилган ҳолда нотариал тасдиқланган ва апостиль қўйилган контракт нусхаси (хорижий мамлакатда апостиль қўйиш имконияти мавжуд бўлмаган тақдирда, ҳужжат Ўзбекистон Республикасининг чет элдаги консуллик муассасаси томонидан легализация қилинади) илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда тўлов ундирилади. Давлат хизматларини кўрсатиш учун тўлов ундирилганлигини тасдиқлаш ахборот-коммуникация тизимлари орқали амалга оширилади.

9. Давлат хизматларини кўрсатиш учун амалга оширилган тўлов суммаси қонун ҳужжатларида белгиланган тартибда тақсимланади.

10. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматларини кўрсатиш учун тўловнинг амалга оширилмаганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

11. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳукукига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда амалга оширилган тўлов қайтарилмайди.

12. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида Агентликка электрон шаклда юборилади. ЯИДХП орқали мурожаат қилинганда эса, анкета автоматик тарзда Агентликка юборилади.

13. Агентлик анкета келиб тушган кундан бошлаб 3 иш куни ичида шартнома шартларининг халқаро меҳнат стандартларига мувофиқлигини ўрганади ва рухсатномани бериш ёки рухсатнома беришни рад этиш ҳақида қарор қабул қилади. Рухсатнома беришни рад этиш ҳақида қарор қабул қилинганда аниқ асослар ва қонун ҳужжатлари нормалари кўрсатилиши зарур.

Рухсатнома бериш рад этилган тақдирда, талабгор рад этиш учун асос бўлган ҳолатларни бартараф этиб, рухсатнома олиш учун ушбу Регламентда белгиланган тартибда такроран мурожаат қилиш ҳукукига эга.

Рухсатномани бериш масаласини такроран кўриб чиқишда Агентлик томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

14. Рухсатнома бериш ҳақида қарор қабул қилинганда, Агентлик масъул ходими 20 дақиқа ичида рухсатномани расмийлаштиради ҳамда уни ўз электрон рақамли имзоси билан тасдиқлаб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон равишда юборади.

Рухсатнома шакли Ўзбекистон Республикаси Адлия вазирлиги билан келишилган ҳолда Агентлик томонидан тасдиқланади.

3-боб. Яқуний қоидалар

15. Давлат хизматлари марказлари ва Агентлик ўз фаолиятини амалга ошириши натижасида олинган маълумотлар сир сақланишини таъминлайди.

16. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу

Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

17. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

18. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.13. Хорижий давлатларда таълим олганлик тўғрисидаги ҳужжатларни нострификациялаш (эквивалентлигини қайд этиш) бўйича давлат хизмати

Хорижий давлатларда таълим олганлик тўғрисидаги ҳужжатларни тан олиш ва нострификациялаш (эквивалентлигини қайд этиш) бўйича давлат хизматларини кўрсатишнинг

ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали хорижий давлатларда ўрта махсус, касб-хунар ёки олий таълим олганлик тўғрисидаги ҳужжатларни тан олиш ва нострификациялаш (эквивалентлигини қайд этиш) бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси (бундан буён матнда Давлат инспекцияси деб юритилади) томонидан кўрсатилади.

2. Давлат хизматлари марказлари ва Давлат инспекцияси ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага хорижий давлатларда таълим олганлик тўғрисидаги ҳужжат ва унинг иловаси нусхаси ҳамда уларнинг Ўзбекистон Республикаси давлат тилига нотариал тасдиқланган тўлиқ таржимаси илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматлари кўрсатиш учун йиғимнинг тўланмаганлиги давлат хизматларини кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда, унинг анкетаси кўрмасдан қолдирилади. Бунда тўланган йиғим қайтарилмайди.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида Давлат инспекциясига электрон шаклда юборилади. ЯИДХП орқали мурожаат қилинганда эса, анкета автоматик тарзда Давлат инспекциясига юборилади.

12. Давлат инспекциясига анкета тушган кундан бошлаб 15 кун ичида эксперт комиссияси ҳулосаси расмийлаштирилади ҳамда Давлат инспекцияси масъул ходимининг электрон рақамли имзоси билан тасдиқланиб, тегишли Давлат хизматлари марказига ёки ЯИДХП орқали талабгорга электрон равишда юборилади.

Эксперт комиссияси ҳулосаси ижобий бўлган тақдирда (махсус синовларни топширишга тавсия этилган), талабгор махсус синовдан ўтиш санасини белгилаш учун Давлат хизматлари маркази ёки ЯИДХП орқали Давлат инспекциясига мурожаат қилади. Махсус синовлардан ўтиш муддати тасдиқланган жадвалга мувофиқ талабгор томонидан танланади.

13. Махсус синовларни топшириш натижалари ижобий баҳоланганда, 1 иш куни ичида Давлат инспекцияси томонидан ностирификация гувоҳномаси расмийлаштирилади ҳамда Давлат инспекцияси масъул ходимининг электрон рақамли имзоси билан тасдиқланиб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

Ностирификация гувоҳномаси шакли Ўзбекистон Республикаси Адлия вазирлиги билан келишилган ҳолда Давлат инспекцияси томонидан тасдиқланади.

Талабгорнинг махсус синов натижалари салбий баҳоланганда, талабгор махсус синовларни қайта топшириш учун мазкур Регламентда белгиланган тартибда Давлат хизматлари марказлари ёки ЯИДХП орқали қайта мурожаат қилишга ҳақли. Бунда талабгорнинг ҳужжатлари бўйича экспертиза ҳулосаси талаб этилмайди.

Ностирификация гувоҳномалари “Гувоҳнома” ахборот тизимлари комплекси реестрига киритилиб, манфаатдор шахсларнинг танишиши учун Давлат инспекцияси веб-сайтига жойлаштирилади.

3-боб. Яқуний қоидалар

14. Давлат хизматлари марказлари ва Давлат инспекцияси ўз фаолиятини амалга ошириши натижасида олинган маълумотлар сир сақланишини таъминлайди.

15. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг

фаолияти устидан, шу жумладан, ЯИДХП орқали, доимий назоратни ва мониторингни амалга оширади.

16. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

17. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

1.14. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш бўйича давлат хизмати

**Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш тартиби тўғрисида
НИЗОМ**

*(Вазирлар Маҳкамасининг 2018 йил 31 майдаги
408-сон қарори билан тасдиқланган)*

1-боб. Умумий қоидалар

1. Мазкур Низом автоматотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш тартибини белгилайди.

2. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини ташкил этиш учун юридик шахсларга лицензия бериш, лицензиянинг амал қилиш муддатини узайтириш, лицензия амал қилишини тўхтатиб туриш ёки тўхтатиш, шунингдек, уни бекор қилиш ва қайта расмийлаштириш Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси томонидан амалга оширилади.

3. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини амалга ошириш ҳуқуқини берувчи лицензия чекланмаган муддатга берилади.

2-боб. Лицензия талаблари ва шартлари

4. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолияти билан шуғулланувчи юридик шахсларга қўйиладиган умумий лицензия талаблари ва шартларига қуйидагилар кирази:

Ўзбекистон Республикасининг таълим соҳасидаги қонун ва қонунчилик ҳужжатларига мажбурий риоя қилиш;

таълимнинг мажбурий равишда дунёвий характерда бўлиши, таълим жараёнида урушни, зўравонликни тарғиб қилишдан фойдаланишга, фуқароларнинг конституциявий ҳуқуқлари ва эркинлиги камситилишига, мамлакатдаги хавфсизлик ва ижтимоий-сиёсий барқарорликка, жамиятнинг ҳуқуқий ва маънавий асосларига, фуқаролар осойишталигига, миллатлараро ва динлараро тотувликка раҳна солинишига, Ўзбекистон Республикаси тўғрисида ишончсиз маълумотлар тарқатилишига ва халқнинг тарихий, маданий ва маънавий қадриятлари бузиб кўрсатилишига йўл қўймаслик;

илғор халқаро тажрибаларни инобатга олган ҳолда, ўқитишнинг инновацион шакллари, усуллари ва замонавий технологиялардан фойдаланиш асосида таълим соҳасида фаолият самарадорлиги ва натижадорлигини ошириш;

таълим жараёнини автомобилотранспорт воситаларини бошқараётган шахслар (ҳайдовчилар)нинг малакасини оширишга қўйиладиган давлат талаблари, автомобилотранспорт воситалари ҳайдовчиларини тайёрлаш ва қайта тайёрлашга қўйиладиган давлат талабларига, ўқув режаларига ва фанларнинг ўқув дастурларига мувофиқ ташкил этиш;

лицензия даъвогарига лицензияланаётган фаолиятни бажариш учун мўлжалланган, унга мулкӣ ёки бошқа ашёвий ҳуқуқ билан тегишли бўлган, ҳар бири камида 40 m² майдонга эга бўлган ва битта ҳудудда жойлашган икки ёки ундан ортиқ аудиторияларнинг мавжуд бўлиши;

ҳар бир аудиторияда видеопроектор ёки диагонали 50 дюймдан кам бўлмаган интерактив монитор (телевизор), компьютер, аудио ва видеокузатув тизими, йўл ҳаракати қоидалари бўйича кўргазмалӣ қўлланмалар, шунингдек, ўқув жараёни ва якуний тест синовларининг ошқоралигини таъминлаш учун ёзиб олиш тизимининг мавжуд бўлиши;

ўқув жараёнига ўзлаштиришни оширишга йўналтирилган ўқитиш мониторингини олиб бориш ва режалаштиришнинг автоматлаштирилган ахборот тизимини жорий этиш;

таълим жараёнининг белгиланган даражадаги натижадорлигига эришиш учун таълим жараёнининг иштирокчиларини зарур дарсликлар, ўқув-методик адабиётлар ва бошқа ахборот-кутубхона ресурслари билан таъминлаш;

ҳар бир ўқитувчини ўқув дастурлари, турли педагогик технологиялардан фойдаланиш йўриқномаларини ўз ичига олган батафсил технологик хариталар билан таъминлаш;

ҳар бир таълим олувчи (тингловчи)ни бутун ўқув жараёнини қамраб оладиган давлат талабларига мувофиқ уч ўлчамли анимация эффектлари ва видеоконтентга эга электрон ўқув-услубий қўлланмалар билан таъминлаш;

таълим олувчи (тингловчи)ларнинг билимларини якуний тест синовларидан ўтказиш учун компьютерлар билан жиҳозланган алоҳида аудиториянинг мавжуд бўлиши.

5. Автомобилотранспорт воситалари ва шаҳар электр транспорти воситалари ҳайдовчиларининг малакасини ошириш бўйича нодавлат таълим хизматлари фаолияти билан шуғулланувчи юридик шахсларга қўйиладиган махсус лицензия талаблари ва шартларига қуйидагилар киради:

йўл ҳаракати қоидалари ва йўл ҳаракати хавфсизлиги асослари бўйича ўқув аудиториясини автомобилотранспорт воситаларини бошқараётган шахслар (ҳайдовчилар)нинг малакасини оширишга қўйиладиган давлат талабларига асосан ва шу талабларга қатъий мос равишда жиҳозлаш;

автомобилотранспорт воситаларини бошқараётган шахслар (ҳайдовчилар)нинг малакасини оширишга қўйиладиган давлат талабларига мувофиқ малака ошириш курсларида билимлар ўзлаштирилиши сифатини аниқлаш учун анимация эффектларига эга ягона тест дастурининг мавжуд бўлиши;

автомобилотранспорт воситаларини бошқараётган шахслар (ҳайдовчилар)нинг малакасини ошириш бўйича давлат талабларига мувофиқ ўқитувчилар таркибининг мавжуд бўлиши;

битирувчиларга белгиланган тартибда малака ошириш курсларини тугатганлиги тўғрисида сертификат бериш.

6. Автомобилотранспорт воситалари ва шаҳар электр транспорти воситалари ҳайдовчилари тайёрлаш ва қайта тайёрлаш бўйича нодавлат таълим хизматлари фаолияти билан шуғулланувчи юридик шахсларга қўйиладиган махсус лицензия талаблари ва шартларига қуйидагилар киради:

йўл ҳаракати қоидалари, йўл ҳаракати хавфсизлиги асослари ва биринчи ёрдам кўрсатиш бўйича ўқув аудиториясини автомобилотранспорт воситалари ҳайдовчиларини тайёрлаш ва қайта тайёрлашга қўйиладиган давлат талабларида белгиланган тартиб асосида жиҳозлаш;

автомототранспорт воситаларининг тузилиши, ишлатилиш асослари, уларга техник (сервис) хизмат кўрсатиш ва меҳнатни муҳофаза қилиш бўйича ўқув аудиториясини автоматотранспорт воситалари ҳайдовчиларини тайёрлаш ва қайта тайёрлашга қўйиладиган давлат талабларида белгиланган тартиб асосида жиҳозлаш;

автомототранспорт воситалари ҳайдовчиларини тайёрлаш ва қайта тайёрлаш бўйича давлат талабларига мувофиқ ўқитувчилар ва инструкторлар таркибининг мавжуд бўлиши;

лицензия даъвогарига лицензияланаётган фаолиятни амалга ошириш учун мўлжалланган, унга мулкӣ ёки бошқа ашёвий ҳуқуқ билан тегишли бўлган, белгиланган тартибда қайта жиҳозланган ва рўйхатга олинган ўқув автоматотранспорт воситалари ёки шаҳар электр транспорти воситаларининг мавжудлиги;

лицензия даъвогарига лицензияланаётган фаолиятни амалга ошириш учун мўлжалланган, унга мулкӣ ёки бошқа ашёвий ҳуқуқ билан тегишли бўлган, белгиланган тартибда жиҳозланган ўқув автодроми ёки ёпиқ майдоннинг мавжудлиги;

битирувчиларга ўқув курсларини тугатгани тўғрисида белгиланган тартибда гувоҳномалар бериш.

3-боб. Лицензия олиш учун зарур бўлган ҳужжатлар

7. Лицензия олиш учун лицензия даъвогари қуйидаги ҳужжатларни Давлат хизматлари марказларига тақдим этади ёки электрон шаклда Ягона интерактив давлат хизматлари порталига юборади:

юридик шахсининг номи ва ташкилий-ҳуқуқӣ шакли, жойлашган жойи (почта манзили), нодавлат таълим фаолиятини амалга ошириш жойи манзиллари, банк муассасасининг номи ва банкдаги ҳисоб рақами, фаолиятнинг лицензияланаётган тури, таълим фаолияти йўналишлари рўйхати кўрсатилган лицензия бериш тўғрисидаги ариза. Лицензия бериш тўғрисидаги аризада лицензия даъвогарининг лицензия талаблари ва шартларига розилиги ва электрон манзили кўрсатилади;

ёнғин ва санитария-эпидемиология назорати органларининг мавжуд бинолар ва хоналарнинг ёнғин хавфсизлиги талабларига ва санитария-гигиена нормаларига мувофиқлиги тўғрисидаги ҳулосалари;

ўзлаштиришни кўтаришга йўналтирилган, ўқитишни мониторинг қилиш ва режалаштириш имконини берувчи автоматлаштирилган ахборот тизимини мулкӣ ёки бошқа ашёвий ҳуқуқ билан юридик шахсга тегишлилиги ҳақидаги ҳужжат;

бутун ўқув жараёнини қамраб оладиган давлат талабларига мувофиқ уч ўлчамли анимация эффектлари ва видеоконтентга эга автоматотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш учун алоҳида ҳамда уларнинг малакасини ошириш учун алоҳида ишлаб чиқилган электрон ўқув-услубий қўлланмалар билан аккредитация муддатига мулкӣ ёки бошқа ашёвий ҳуқуқ билан таъминланганлиги ҳақидаги ҳужжат;

автомототранспорт воситаларини бошқараётган шахслар (ҳайдовчилар)нинг малакасини оширишга қўйиладиган давлат талабларига мувофиқ малака ошириш курсларида билимлар ўзлаштирилишини аниқлаш учун анимация эффектларига эга ягона тест дастурининг аккредитация муддатига мулкӣ ёки бошқа ашёвий ҳуқуқ билан таъминланганлиги ҳақидаги ҳужжат;

ўқитувчи ва амалий бошқарув инструкторлари ҳақида маълумот;

ўқув режаси ва дастурларининг электрон шаклда;

лицензия даъвогари томонидан аризани кўриб чиққанлик учун йиғим тўланганлигини тасдиқловчи ҳужжат.

Лицензия бериш тўғрисидаги аризада лицензия даъвогарининг электрон манзили кўрсатилгани унинг аризаси бўйича қабул қилинган қарор ҳақидаги электрон шаклда хабарнома олишга бўлган розилиги ҳисобланади.

8. Ишончсиз ёки нотўғри маълумотлар тақдим этилганлиги учун лицензия даъвогари қонун ҳужжатларига мувофиқ жавоб беради.

4-боб. Аризаларни кўриб чиқиш, лицензия бериш ёки лицензия беришни рад этиш тўғрисида қарор қабул қилиш тартиби

9. Лицензия даъвогарининг аризасини кўриб чиқиш учун энг кам ойлик иш ҳақининг икки баравари миқдорида йиғим ундирилади.

Лицензия даъвогарининг лицензия бериш тўғрисидаги аризани кўриб чиққанлик учун йиғим суммаси лицензияловчи орган ҳисоб рақамига ўтказилади.

Лицензия даъвогари берилган аризадан воз кечган тақдирда тўланган йиғим суммаси қайтарилмайди.

10. Автомототранспорт воситалари ва шаҳар электр транспорт воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш ушбу Низомга иловадаги схемага мувофиқ амалга оширилади.

Ариза Давлат хизматлари марказлари орқали топширилганда, масъул ходим лицензия бериш учун ариза ва бошқа зарур ҳужжатларни рўйхат асосида қабул қилади. Давлат хизматлари марказларининг масъул ходими лицензия даъвогарининг аризасини зарур ҳужжатлар билан бирга Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясига ариза қабул қилинган куни юборади.

Ариза Ягона интерактив давлат хизматлари портали орқали юборилганда, лицензия даъвогарининг аризаси қабул қилинганлиги ҳақидаги электрон хабар Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясининг масъул ходими томонидан лицензия даъвогарининг электрон манзилига юборилади.

Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси ариза қабул қилгандан сўнг 9 иш куни ичида ҳужжатларнинг лицензия талаблари ва шартларига мувофиқлигини ўрганади.

Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси (унинг ҳудудий бўлимлари) Ички ишлар вазирлиги Давлат йўл ҳаракати хавфсизлиги хизмати ва Ўзбекистон автомобиль транспорти агентлигининг ҳудудий бўлинмаларидан малакали мутахассисларни жалб этган ҳолда лицензия даъвогарининг давлат талабларида назарда тутилган моддий-техник ва ўқув-методик базага эга эканлиги тўғрисидаги экспертиза хулосаларини тайёрлаш жараёнини ташкил этади.

Ижобий қарор қабул қилинганда электрон лицензия расмийлаштирилади, электрон рақамли имзо билан тасдиқлаб, давлат божи тўлангандан кейин Давлат хизматлари марказлари ёки Ягона интерактив давлат хизматлари портали орқали лицензия даъвогарига юборилади.

Лицензия беришни рад этиш тўғрисида қарор қабул қилинган тақдирда, 1 иш куни мобайнида лицензия даъвогарига рад этиш сабаблари ва лицензия даъвогари уларни бартараф этган ҳолда қайта кўриб чиқиш учун ариза бериши мумкин бўлган муддат кўрсатилган билдиришномани Давлат хизматлари марказлари ёки Ягона интерактив давлат хизматлари портали орқали юборади.

Лицензия бериш ёки лицензия беришни рад этиш тўғрисидаги қарор лицензия даъвогарининг аризаси олинган кундан бошлаб 9 иш кунидан ортиқ бўлмаган муддатда қабул қилинади.

11. Лицензиялар қонунчиликда белгиланган тартибда расмийлаштирилади.

Берилган, тўхтатиб турилган, янгиланган, қайта расмийлаштирилган ва бекор қилинган лицензиялар «Лицензия» ахборот тизимлари комплекси реестрига киритилади.

12. Лицензия бериш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунида назарда тутилган сабаблар бўйича рад этилиши мумкин.

Лицензия даъвогари лицензия беришнинг рад этилиши тўғрисидаги қарор, шунингдек, Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси ходимларининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эга.

13. Лицензия беришнинг рад этилишига асос бўлган сабаблар лицензия даъвогари томонидан бартараф этилган тақдирда, ҳужжатларни такроран кўриб чиқиш лицензия даъвогарининг аризаси олинган кундан бошлаб 10 иш кунидан ортиқ бўлмаган муддатда кўриб чиқилади.

Лицензия даъвогарининг аризасини қайта кўриб чиқишда лицензия беришни рад этиш тўғрисида аввалги билдиришномада кўрсатилмаган янги асослар бўйича лицензия беришни рад этишга йўл қўйилмайди.

Лицензия даъвогарларининг аризаларини такроран кўриб чиқиш учун йиғим ундирилмайди.

Лицензия бериш рад этилгани тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

5-боб. Лицензияларни қайта расмийлаштириш тартиби

14. Лицензиат қайта ташкил этилган, унинг номи ёки жойлашган жойи (почта манзили), ташкилий-ҳуқуқий шакли ўзгарган тақдирда, лицензиат ёки унинг ҳуқуқий вориси қайта рўйхатдан ўтганидан кейин бир ой муддатда лицензияловчи органга, кўрсатиб ўтилган маълумотларни тасдиқловчи тегишли ҳужжатларни илова қилган ҳолда, лицензияни қайта расмийлаштириш тўғрисида Давлат хизматлари марказларига ёки Ягона интерактив давлат хизматлари портали орқали электрон шаклда лицензияни қайта расмийлаштириш тўғрисида ариза бериши шарт.

15. Лицензиат таълим фаолиятини олиб бориш манзили ўзгарса, қўшимча манзилда фаолият олиб борса, қўшимча таълим йўналишлари бўйича фаолият олиб бормокчи бўлса, қайта рўйхатдан ўтганидан кейин бир ой муддатда лицензияловчи органга, кўрсатиб ўтилган маълумотларни тасдиқловчи тегишли ҳужжатларни илова қилган ҳолда, лицензияни қайта расмийлаштириш тўғрисида Давлат хизматлари марказларига ёки Ягона интерактив давлат хизматлари портали орқали ариза бериши шарт.

16. Лицензиат лицензия қайта расмийлаштирилгунга қадар унда кўрсатилган фаолиятни аввал берилган лицензия асосида амалга оширади.

17. Лицензия Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси томонидан тегишли ҳужжатлар илова қилинган ҳолда лицензияни қайта расмийлаштириш тўғрисидаги ариза олинган кундан бошлаб 10 иш кунидан ортиқ бўлмаган муддатда қайта расмийлаштирилади.

18. Лицензияни қайта расмийлаштиришда лицензия бериш тўғрисидаги аризани кўриб чиқиш учун тўланадиган йиғимнинг 50 фоизи миқдорида ундирилади. Йиғим суммаси лицензияловчи орган ҳисоб рақамига ўтказилади.

19. Лицензиат лицензия бериш тўғрисида қарор қабул қилингани ҳақида билдиришнома юборилган (топширилган) вақтдан бошлаб икки ой мобайнида, лицензияловчи органга лицензия берилгани учун давлат божи тўланганлигини тасдиқловчи ҳужжатни тақдим этмаса Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси лицензияни бекор қилиш тўғрисида қарор қабул қилишга ҳақли.

6-боб. Лицензия талаблари ва шартларига риоя этилишини назорат қилиш тартиби

20. Лицензия даъвогарининг нодавлат таълим хизматлари кўрсатиш мақсадида лицензия олиш учун ариза топширгани лицензия шартлари ва талабларига риоя этишига бўлган розилиги ҳисобланади.

21. Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси, таълимни бошқариш тизими органлари ва бошқа ваколатли органлар лицензия шартлари ва талабларига лицензиат томонидан риоя этилишини қонун ҳужжатларида белгиланган тартибда назорат қилади.

Ички ишлар вазирлигининг Давлат йўл ҳаракати хавфсизлиги хизмати автотранспорт воситалари ва шаҳар электр транспорт воситалари ҳайдовчиларини тайёрлаш ва қайта тайёрлаш ва уларнинг малакасини ошириш тизимида даврий равишда ўқув жараёнининг мониторингини олиб боради ва аниқланган камчиликлар юзасидан расмийлаштирилган далолатнома асосида Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясига тақдимнома киритади.

22. Лицензияловчи орган лицензия талаблари ва шартларига риоя этилишини назорат қилишда ўз ваколатлари доирасида қуйидаги ҳуқуқларга эга:

лицензия талаблари ва шартларига лицензиат томонидан риоя этилишини режали текшириш;

лицензия талаблари ва шартлари лицензиат томонидан бузилганлигидан далолат берувчи ҳоллар мавжуд бўлган тақдирда, лицензиат томонидан лицензия талаблари ва шартларига риоя этилишини қонун ҳужжатларида белгиланган тартибда текшириш;

лицензия талаблари ва шартларига риоя этилишини текшириш чоғида пайдо бўладиган масалалар бўйича зарур ахборотни лицензиатдан сўраш ва олиш;

текширишлар натижалари асосида лицензия талаблари ва шартларининг лицензиат томонидан бузилишларини аниқ кўрсатган ҳолда далолатномалар (маълумотномалар) расмийлаштириш;

лицензиатга лицензия талаблари ва шартларининг бузилишларини бартараф этиш мажбуриятини юкловчи қарорлар чиқариш, уларни бартараф этиш муддатларини белгилаш;

идоравий мансублиги ва ташкилий-ҳуқуқий шаклидан қатъи назар, лицензиатларни аттестация ва давлат аккредитациясидан ўтказиш;

қонун бузилишининг қўпол ҳолатлари аниқланганда лицензиянинг амал қилишини тўхтатиб туриш ва тўхтатиш ёхуд лицензияни бекор қилиш тўғрисида қонун ҳужжатларида белгиланган тартибда қарор чиқариш.

23. Автотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича хизмат кўрсатиш фаолиятни лицензиялаш учун қўшимча лицензия талаблари ва шартларига лицензиат томонидан риоя этилишини режали текшириш Ўзбекистон Республикаси Ички ишлар вазирлиги Давлат йўл ҳаракати хавфсизлиги хизматининг ваколатли вакили иштирокида амалга оширилади.

24. Лицензия талаблари ва шартларига риоя этилишини текширишда лицензияловчи орган ходимлари томонидан икки нусхада далолатнома тузилади, уларнинг биттаси лицензиатга берилади, иккинчи нусхаси Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясида қолади.

7-боб. Лицензиянинг амал қилишини тўхтатиб туриш, тўхтатиш ва лицензияни бекор қилиш тартиби

25. Лицензиянинг амал қилишини тўхтатиб туриш, тўхтатиш, лицензияни бекор қилиш «Фаолиятнинг айрим турларини лицензиялаш тўғрисида»ги Ўзбекистон

Республикаси Қонунида назарда тутилган ҳолларда ва тартибда Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси қарорига мувофиқ амалга оширилади.

26. Лицензиат лицензиянинг амал қилишини тўхтатиб туриш ёки тўхтатиш, шунингдек лицензияни бекор қилиш тўғрисидаги қарор юзасидан судга шикоят қилиш ҳуқуқига эга.

8-боб. Лицензиялар реестрини юритиш тартиби

27. Лицензияловчи орган таълим турлари бўйича «Лицензия» ахборот тизимлари комплексида лицензиялар реестрини юритади.

Лицензиялар реестрида қуйидагилар кўрсатилиши зарур:

лицензиатлар тўғрисидаги асосий маълумотлар, шу жумладан, юридик шахснинг номи, ташкилий-ҳуқуқий шакли, ташкилот раҳбарининг фамилияси, исми, отасининг исми, почта манзили, телефон, факс;

нодавлат таълим фаолиятининг тури, лицензияланаётган таълим йўналиши, фаолият амалга ошириладиган манзил, хизмат телефони, факс;

лицензиянинг берилган сана ва тартиб рақами;

лицензияни қайта расмийлаштириш, амал қилиш муддатини узайтириш, тўхтатиб туриш ва қайта тиклаш асослари ва саналари;

лицензиянинг амал қилишини тўхтатиш асоси ва санаси;

лицензияни бекор қилишнинг асоси ва санаси.

28. Лицензиялар реестридаги маълумотлар «Лицензия» ахборот тизимлари комплексидаги веб-сайтда жойлаштирилади ва танишиш учун очиқ ҳисобланади.

9-боб. Давлат божини ундириш тартиби

29. Автомототранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш бўйича нодавлат таълим хизматини кўрсатиш фаолиятни амалга ошириш учун ҳуқуқ бериш бўйича лицензияни бериш ёки амал қилиш муддатини узайтиш учун энг кам ойлик иш ҳақининг ўн баравари миқдорида давлат божи ундирилади.

30. Давлат божи суммаси қуйидаги тартибда тақсимланади:

20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси шахсий ҳисоб рақамига ўтказилади;

20 фоизи ахборот-коммуникация хизматларидан фойдаланган ҳолда хизматлар кўрсатиш ҳамда моддий-техника базасини мустаҳкамлаш учун лицензияловчи органнинг махсус ҳисоб рақамига ўтказилади;

давлат божи суммасининг қолган қисми Ўзбекистон Республикаси Давлат бюджетига ўтказилади.

10-боб. Яқунловчи қоида

31. Мазкур Низом қоидалари бузилишида айбдор бўлган шахслар қонун ҳужжатларига мувофиқ жавоб беради.

1.15. Нодавлат таълим хизматлари кўрсатиш соҳасидаги фаолиятни лицензиялаш бўйича давлат хизмати

Нодавлат таълим хизматлари кўрсатиш соҳасидаги фаолиятни лицензиялаш тартиби тўғрисида НИЗОМ

*(Вазирлар Маҳкамасининг 2018 йил 27 мартдаги
241-сон қарорига билан тасдиқланган)*

1-боб. Умумий қоидалар

1. Ушбу Низом нодавлат таълим хизматлари кўрсатиш соҳасидаги фаолиятни лицензиялаш тартибини белгилайди.

2. Нодавлат таълим хизматлари кўрсатиш соҳасидаги фаолиятни ташкил этиш учун юридик шахсларга лицензия бериш, лицензиянинг амал қилишини тўхтатиб туриш ёки тугатиш, шунингдек, уни бекор қилиш ва қайта расмийлаштириш Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси томонидан амалга оширилади.

Ушбу Низом юридик шахсларнинг автотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ва уларнинг малакасини ошириш билан боғлиқ йўналишлар бўйича фаолиятни лицензиялашга татбиқ этилмайди.

3. Нодавлат таълим хизматлари кўрсатувчи юридик шахсларга таълимнинг ҳар бир тури учун алоҳида лицензия берилади. Лицензияда фаолиятнинг лицензияланаётган тури, таълим фаолияти йўналишлари рўйхати аниқ кўрсатилади.

Нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини лицензиялаш тартиби қонун ҳужжатлари билан белгиланади.

4. Нодавлат таълим хизматлари фаолиятини амалга ошириш ҳуқуқини берувчи лицензия 5 йил муддатга берилади.

2-боб. Лицензия талаблари ва шартлари

5. Қуйидагилар нодавлат таълим хизматлари кўрсатувчи юридик шахслар фаолиятини амалга оширишда лицензия талаблари ва шартлари ҳисобланади:

Ўзбекистон Республикасининг таълим соҳасидаги қонун ва қонуности ҳужжатларига мажбурий риоя қилиш;

таълим-тарбия жараёнини давлат таълим стандартларига (давлат талабларига), ўқув режаларига ва таълим дастурларига мувофиқ ташкил этиш;

лицензия даъвогарига лицензияланаётган фаолиятни бажариш учун мўлжалланган, унга мулкӣ ёки бошқа ашёвий ҳуқуқ билан тегишли бўлган, белгиланган талабларга мувофиқ биноларнинг (хоналарнинг) мавжуд бўлиши;

аудиторияларни, ўқув хоналарини замонавий ахборот-коммуникация асбоб-ускуналари, ўқитишнинг техник воситалари ва анжомлар билан жиҳозлаш;

таълим дастурларининг белгиланган даражасини амалга ошириш учун ўқув биноларини зарур дарсликлар, ўқув-методик адабиётлар ва бошқа кутубхона-ахборот ресурслари ҳамда воситалари билан таъминлаш;

таълим дастурларини умумий ўрта, касб-ҳунар ва олий таълим давлат таълим стандартларига мувофиқ, шунингдек, мактабгача таълим, мактабдан ташқари таълим,

кадрлар малакасини ошириш ва уларни қайта тайёрлашга қўйиладиган давлат талабларига мувофиқ амалга ошириш;

таълимнинг мажбурий равишда дунёвий характерда бўлиши, таълим жараёнида урушни, зўравонликни тарғиб қилишдан фойдаланишга, фуқароларнинг конституциявий ҳуқуқлари ва эркинлиги камситилишига, мамлакатдаги хавфсизлик ва ижтимоий-сиёсий барқарорликка, жамиятнинг ҳуқуқий ва маънавий асослари, фуқаролар осойишталигига, миллатлараро ва динлараро тотувликка раҳна солинишига, Ўзбекистон Республикаси тўғрисида нотўғри ахборотлар тарқатилишига ҳамда унинг тарихий, маданий ва маънавий кадриятлари бузиб кўрсатилишига йўл қўймаслик;

иқтидорли болалар ва истеъдодли ёшларни аниқлаш ва қўллаб-қувватлаш орқали таълим-тарбиянинг юқори сифатини таъминлайдиган қулай шарт-шароитлар яратиш;

илғор халқаро тажрибаларни иноватга олиб, ўқитишнинг инновацион шакллари ҳамда замонавий технологияларидан фойдаланиш асосида таълим соҳасидаги самарадорлик ва натижадорликни ошириш;

ижтимоий ҳимояга муҳтож оилаларнинг қобилятли ва иқтидорли фарзандларини танлов асосида муассасадаги жами тарбияланувчилар, ўқувчилар умумий сонининг 10 фоизидан кам бўлмаган миқдорда бепул ўқишга қабул қилиш;

битирувчиларга белгиланган тартибда таълим тўғрисида ҳужжат бериш.

3-боб. Нодавлат таълим хизматлари кўрсатиш соҳасидаги фаолият бўйича лицензия олиш учун зарур бўлган ҳужжатлар

7. Нодавлат таълим хизматлари кўрсатиш соҳасида таълим турлари бўйича лицензия олиш учун лицензия даъвогари қуйидаги ҳужжатларни давлат хизматлари марказларига тақдим этади ёки электрон шаклда Ягона интерактив давлат хизматлари порталига юборади:

лицензия бериш тўғрисидаги ариза (унда юридик шахснинг номи ва ташкилий-ҳуқуқий шакли, жойлашган жойи, почта манзили, таълим фаолиятини амалга ошириш жойининг манзили, банк муассасасининг номи ва банкдаги ҳисоб рақами, фаолиятнинг лицензияланаётган тури, таълим фаолияти йўналишлари рўйхати. Лицензия бериш тўғрисидаги аризада лицензия даъвогарининг лицензия талаблари ва шартларига риоя қилиши тўғрисидаги розилиги ва электрон манзили кўрсатилади);

ёнғин ва санитария-эпидемиология назорати органларининг мавжуд бинолар ва хоналарнинг ёнғин хавфсизлиги талабларига ва санитария-гигиена нормаларига мувофиқлиги тўғрисидаги ҳулосалари;

педагог кадрлар ҳақида маълумот;

ўқув режаси ва дастурларининг электрон нусхалари;

ариза кўриб чиқилганлиги учун лицензия даъвогари томонидан йиғим тўланганлигини тасдиқловчи ҳужжат нусхаси.

Лицензия бериш тўғрисидаги аризада лицензия даъвогарининг электрон манзили кўрсатилгани унинг аризаси бўйича қабул қилинган қарор ҳақида ахборот тизими орқали электрон шаклда хабарнома олишга бўлган розилиги ҳисобланади.

8. Ишончсиз ёки нотўғри маълумотлар тақдим этилганлиги учун лицензия даъвогари конун ҳужжатларига мувофиқ жавоб беради.

4-боб. Нодавлат таълим хизматлари кўрсатиш соҳасида фаолият кўрсатиш учун аризаларни кўриб чиқиш ва лицензия бериш ёки лицензия беришни рад этиш тўғрисида қарор қабул қилиш тартиби

9. Лицензия даъвогарининг аризаси кўриб чиқилганлиги учун энг кам ойлик иш ҳақининг икки баравари миқдорида йиғим ундирилади.

Лицензия даъвогарининг лицензия бериш тўғрисидаги аризаси кўриб чиқилганлиги учун йиғим суммаси лицензияловчи орган ҳисоб рақамига ўтказилади.

Давлат хизматлари марказларига шахсан мурожаат қилинган тақдирда, аризани кўриб чиқиш учун тўланадиган йиғимлар суммасининг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг махсус ҳисоб рақамига, Ягона интерактив давлат хизматлари портали орқали мурожаат қилинганда аризани кўриб чиқиш учун тўланадиган йиғимлар суммасининг 10 фоизи белгиланган тартибда Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади.

Лицензия даъвогари берилган аризадан воз кечган тақдирда тўланган йиғим суммаси қайтариб берилмайди.

10. Нодавлат таълим хизматлари кўрсатиш соҳасидаги фаолиятни лицензиялаш ушбу Низомга иловадаги схемага мувофиқ амалга оширилади.

Ариза давлат хизматлари марказлари орқали топширилганда масъул ходим рўйхат асосида лицензия бериш учун ариза ва бошқа маълумотларни қабул қилади. Давлат хизматлари марказининг масъул ходими аризачига ариза қабул қилинган сана қайд этилган рўйхатга олиш нусхасини беради.

Давлат хизматлари марказларининг масъул ходими лицензия даъвогарининг аризасини зарур маълумотлари билан бирга Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясига ҳужжат қабул қилинган куни юборади.

Ариза Ягона интерактив давлат хизматлари портали орқали юборилганда, лицензия даъвогарининг аризаси қабул қилинганлиги ҳақидаги электрон хабар Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясининг масъул ходими томонидан лицензия даъвогарининг электрон манзилига юборилади.

Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси аризани қабул қилгандан сўнг 10 кун ичида ҳужжатларнинг лицензия талаблари ва шартларига мувофиқлигини ўрганади, ижобий қарор қабул қилинганда электрон лицензияни генерация қилади, электрон рақамли имзо билан тасдиқлаб, давлат божи тўланганидан кейин давлат хизматлари марказлари ёки Ягона интерактив давлат хизматлари портали орқали лицензия даъвогарига тақдим этади.

Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси Мактабгача таълим вазирлиги ва Халқ таълими вазирлиги билан биргаликда ҳар бир туман (шаҳар) мактабгача ва халқ таълими бўлимларидан малакали мутахассисларни жалб этган ҳолда, нодавлат таълим хизматлари кўрсатиш соҳасидаги фаолиятни лицензиялаш учун экспертиза хулосаларини тайёрлаш ва лицензия даъвогарига тақдим этиш жараёнини ташкил этади.

Лицензия беришни рад этиш тўғрисида қарор қабул қилинган тақдирда, 1 кун муддат ичида лицензия даъвогарига рад этиш сабаблари ва лицензия даъвогари уларни бартараф этган ҳолда қайта кўриб чиқиш учун ариза бериши мумкин бўлган муддат кўрсатилган билдиришномани давлат хизматлари марказлари ёки Ягона интерактив давлат хизматлари портали орқали юборади.

Лицензия бериш ёки лицензия беришни рад этиш тўғрисидаги қарор лицензия даъвогарининг аризаси олинган кундан бошлаб 10 кундан ортиқ бўлмаган муддатда қабул қилинади.

11. Лицензиялар қонунчиликда белгиланган тартибда расмийлаштирилади.

Берилган, тўхтатиб турилган, янгиланган, қайта расмийлаштирилган, бекор қилинган, шунингдек, амал қилиши тўхтатилган лицензиялар «Лицензия» ахборот тизимлари комплекси реестрига киритилади.

12. Лицензия бериш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунида назарда тутилган сабаблар бўйича рад этилиши мумкин.

Лицензия даъвогари лицензия беришнинг рад этилиши тўғрисидаги қарор, шунингдек, Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси ходимларининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эга.

13. Лицензия бериш рад этилишига асос бўлган сабаблар лицензия даъвогари томонидан бартараф этилган тақдирда, ҳужжатларни такроран кўриб чиқиш лицензия даъвогарининг аризаси олинган кундан бошлаб 10 кундан ортиқ бўлмаган муддатда кўриб чиқилади.

Лицензия даъвогарининг аризасини қайта кўриб чиқишда лицензия беришни рад этиш тўғрисида аввалги билдиришномада кўрсатилмаган янги асослар бўйича лицензия беришни рад этишга йўл қўйилмайди.

Лицензия даъвогарларининг аризалари такроран кўриб чиқилгани учун йиғим ундирилмайди.

Лицензия бериш рад этилгани тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

5-боб. Лицензияларни қайта расмийлаштириш, уларнинг амал қилиш муддатини узайтириш тартиби

14. Лицензиат қайта ташкил этилган, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтгандан кейин бир ой муддатда лицензияловчи органга, кўрсатиб ўтилган маълумотларни тасдиқловчи тегишли ҳужжатларни илова қилган ҳолда, лицензияни қайта расмийлаштириш тўғрисида давлат хизматлари марказларига ёки Ягона интерактив давлат хизматлари портали орқали электрон шаклда лицензияни қайта расмийлаштириш тўғрисида ариза бериши шарт.

15. Лицензиат таълим фаолиятини олиб бориш манзили ўзгарса, қўшимча манзилда фаолият олиб борса, қўшимча таълим йўналишлари бўйича фаолият олиб бормоқчи бўлса, қайта рўйхатдан ўтгандан кейин бир ой муддатда лицензияловчи органга, кўрсатиб ўтилган маълумотларни тасдиқловчи тегишли ҳужжатларни илова қилган ҳолда, лицензияни қайта расмийлаштириш тўғрисида Давлат хизматлари марказларига ёки Ягона интерактив давлат хизматлари портали орқали ариза бериши шарт.

16. Лицензиат лицензия қайта расмийлаштирилгунга қадар унда кўрсатилган фаолиятни аввал берилган лицензия асосида амалга оширади.

17. Лицензия Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси томонидан тегишли ҳужжатлар илова қилинган ҳолда лицензияни қайта расмийлаштириш тўғрисидаги ариза олинган кундан бошлаб 10 кундан ортиқ бўлмаган муддатда қайта расмийлаштирилади.

Лицензияни қайта расмийлаштиришда лицензия даъвогарининг лицензия бериш тўғрисидаги аризаси кўриб чиқилгани учун тўланадиган йиғимнинг 50 фоизи ундирилади. Йиғим суммаси лицензияловчи орган ҳисоб рақамига ўтказилади.

Лицензияни қайта расмийлаштириш тўғрисидаги ариза давлат хизматлари марказлари орқали юборилганда, аризани кўриб чиқиш учун тўланадиган йиғимлар суммасининг 20 фоизи белгиланган тартибда Ўзбекистон Республикаси Адлия вазирлиги ҳузуридаги давлат хизматлари агентлигининг махсус ҳисоб рақамига, Ягона интерактив давлат хизматлари портали орқали мурожаат қилинганда, аризани кўриб чиқиш учун тўланадиган йиғимлар суммасининг 10 фоизи белгиланган тартибда Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади.

18. Лицензиянинг амал қилиш муддати лицензиатнинг аризасига кўра узайтирилади.

Лицензиянинг амал қилиш муддатини узайтириш тўғрисидаги ариза давлат хизматлари марказларига ёки Ягона интерактив давлат хизматлари портали орқали электрон шаклда лицензиянинг амал қилиш муддати тугагунга қадар икки ойдан кечикмай берилиши керак.

19. Лицензия даъвогарининг амалдаги лицензияси амал қилиш муддатини узайтириш учун аризасини кўриб чиқишда энг кам ойлик иш ҳақининг икки баравари миқдорида йиғим ундирилади.

Лицензиянинг амал қилиш муддатини узайтириш тўғрисидаги ариза давлат хизматлари марказлари ёки Ягона интерактив давлат хизматлари портали орқали берилган тақдирда, йиғим суммаси лицензияловчи органнинг ҳисоб рақамига ўтказилади.

Лицензиянинг амал қилиш муддатини узайтириш тўғрисидаги ариза давлат хизматлари марказлари орқали юборилганда, аризани кўриб чиқиш учун тўланадиган йиғим суммасининг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг махсус ҳисоб рақамига, Ягона интерактив давлат хизматлари порталининг электрон манзили орқали мурожаат қилинганда, аризани кўриб чиқиш учун тўланадиган йиғим суммасининг 10 фоизи белгиланган тартибда Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади.

Лицензиянинг амал қилиш муддатини узайтириш ёки узайтиришни рад этиш тўғрисидаги қарор лицензия бериш учун назарда тутилган тартибда қабул қилинади.

20. Лицензия бланкалари қатъий ҳисобда турадиган ҳужжатлар ҳисобланади, ҳисобга олиш серияси, тартиб рақами ва ҳимояланганлик даражасига эга бўлади.

21. Лицензиат лицензия бериш тўғрисида қарор қабул қилингани ҳақида билдиришнома юборилган (топширилган) вақтдан бошлаб икки ой мобайнида, лицензияловчи органга лицензия берилгани учун давлат божи тўланганлигини тасдиқловчи ҳужжатни тақдим этмаса, Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси лицензияни бекор қилиш тўғрисида қарор қабул қилишга ҳақли.

6-боб. Лицензия талаблари ва шартларига риоя этилишини назорат қилиш тартиби

22. Лицензия даъвоғари томонидан нодавлат таълим хизматлари кўрсатиш мақсадида лицензия олиш учун ариза топширгани лицензия шартлари ва талабларига риоя этишига бўлган розилиги ҳисобланади

23. Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси, таълим тизими бошқаруви ва ваколатли органлар лицензия шартлари ва талабларига лицензиат томонидан риоя этилишини қонун ҳужжатларида белгиланган тартибда назорат қилади.

24. Лицензияловчи орган лицензия талаблари ва шартларига риоя этилишини назорат қилишда ўз ваколатлари доирасида қуйидаги ҳуқуқларга эга:

лицензия талаблари ва шартларига лицензиат томонидан риоя этилишини режали текшириш;

лицензия талаблари ва шартлари лицензиат томонидан бузилганлигидан далолат берувчи ҳоллар мавжуд бўлган тақдирда, лицензиат томонидан лицензия талаблари ва шартларига риоя этилишини қонун ҳужжатларида белгиланган тартибда текшириш;

лицензия талаблари ва шартларига риоя этилишини текшириш чоғида пайдо бўладиган масалалар бўйича зарур ахборотни лицензиатдан талаб қилиш ва олиш;

текширишлар натижалари асосида лицензия талаблари ва шартларининг лицензиат томонидан бузилишларини аниқ кўрсатган ҳолда далолатномалар (маълумотномалар) расмийлаштириш;

лицензиатга лицензия талаблари ва шартларининг бузилишларини бартараф этиш мажбуриятини юкловчи қарорлар чиқариш, уларни бартараф этиш муддатларини белгилаш;

лицензиянинг амал қилишини тўхтатиб туриш ва тугатиш ёхуд лицензияни бекор қилиш тўғрисида қонун ҳужжатларида белгиланган тартибда қарор чиқариш.

25. Лицензия талаблари ва шартларига риоя этилишини назорат қилишда лицензияловчи органнинг текширувчи ходимлари томонидан икки нусхада далолатнома тузилади, уларнинг биттаси лицензиатга берилади, иккинчи нусхаси тегишлилиги бўйича Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекциясида қолади.

7-боб. Лицензиянинг амал қилишини тўхтатиб туриш ва тугатиш, лицензияни бекор қилиш тартиби

26. Лицензиянинг амал қилишини тўхтатиб туриш ва тугатиш, лицензияни бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунида назарда тутилган ҳолларда ва тартибда Ўзбекистон Республикаси Вазирлар Маҳкамаси ҳузуридаги Таълим сифатини назорат қилиш давлат инспекцияси қарорига кўра амалга оширилади.

27. Лицензиат лицензиянинг амал қилишини тўхтатиб туриш ёки тугатиш, уни бекор қилиш тўғрисидаги қарор юзасидан судга шикоят қилиши мумкин.

8-боб. Лицензиялар реестрини юритиш тартиби

28. Лицензияловчи орган таълим турлари бўйича «Лицензия» ахборот тизимлари комплексида лицензиялар реестрини юритади.

Лицензиялар реестрларида қуйидагилар кўрсатилиши шарт:

лицензиатлар тўғрисидаги асосий маълумотлар, шу жумладан, юридик шахснинг номи ва идентификация рақами, ташкилий-ҳуқуқий шакли, ташкилот раҳбарининг фамилияси, исми, отасининг исми;

нодавлат таълим хизматининг тури, лицензияланаётган таълим йўналиши, амалга ошириладиган манзил, иш жойи телефони, факс;

лицензиянинг берилган санаси ва тартиб рақами;

лицензиянинг амал қилиш муддати;

лицензияни қайта расмийлаштиришнинг асослари ва санаси, унинг амал қилиш муддатининг узайтирилиши ва тикланиши;

лицензиянинг амал қилиш муддатини тўхтатиш асослари ва санаси;

лицензияни бекор қилишнинг асослари ва санаси.

29. Лицензиялар реестридаги маълумотлар «Лицензия» ахборот тизимлари комплексидаги веб-сайтда жойлаштирилади ва танишиш учун очиқ ҳисобланади.

9-боб. Давлат божини ундириш тартиби

30. Нодавлат таълим хизматлари кўрсатувчи юридик шахсларга фаолиятни амалга ошириш ҳуқуқига лицензия берганлик ва унинг амал қилиш муддатини узайтирганлик учун Ўзбекистон Республикаси қонун ҳужжатларида белгиланган энг кам ойлик иш ҳақининг ўн баравари миқдорида давлат божи ундирилади.

31. Тўланган давлат божининг 20 фоизи миқдоридаги маблағлар ахборот-коммуникация хизматларидан фойдаланган ҳолда хизматлар кўрсатиш ҳамда моддий-техника базасини мустаҳкамлаш учун лицензияловчи органнинг ваколатли банкдаги махсус ҳисоб рақамига ўтказилади.

Лицензия бериш учун давлат божининг қолган қисми Ўзбекистон Республикаси Давлат бюджетига ўтказилади.

10-боб. Яқунловчи қоида

32. Мазкур Низомнинг қоидалари бузилишида айбдор бўлган шахслар қонун ҳужжатларига мувофиқ жавоб беради.

1.16. Нодавлат таълим муассасаларининг чет тилларини ўрганиш бўйича ўқув курсларини ташкил этиш соҳасида фаолият кўрсатиши ҳуқуқига лицензия бўйича давлат хизмати

**Нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини лицензиялаш тартиби тўғрисида
НИЗОМ**

*(Вазирлар Маҳкамасининг 2013 йил 14 июндаги
169-сон қарори билан тасдиқланган)*

I. Умумий қоидалар

1. Мазкур Низом нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини лицензиялаш тартибини белгилайди.

2. Лицензияларни бериш, лицензиянинг амал қилишини тўхтатиб туриш ёки тўхтатиш, шунингдек уни бекор қилиш ва қайта расмийлаштириш тўғрисидаги қарорлар Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги ҳудудий комиссиялар (кейинги ўринларда ҳудудий комиссия деб аталади) томонидан қабул қилинади.

Ҳудудий комиссия фаолияти Ўзбекистон Республикаси Вазирлар Маҳкамаси томонидан тасдиқланадиган Нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини лицензиялаш бўйича ҳудудий комиссия тўғрисидаги Низомга мувофиқ ташкил этилади.

Ўрта махсус, касб-ҳунар таълими ҳудудий бошқармаси ҳудудий комиссиянинг ишчи органи функциясини (кейинги ўринларда ишчи орган деб аталади) бажаради.

3. Лицензия талабгори чет тилларни ўрганиш бўйича ўқув курсларини ташкил этиш соҳасидаги фаолияти билан бир вақтда таълим тури бўйича бошқа фаолиятни амалга оширган тақдирда бевосита Вазирлар Маҳкамасининг нодавлат таълим муассасалари фаолиятини лицензиялаш комиссиясига лицензия бериш тўғрисида ариза билан мурожаат қилиш ҳуқуқига эга.

4. Нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини амалга ошириш ҳуқуқига намунавий (оддий) лицензиялар берилади.

5. Лицензия нодавлат таълим муассасаларига чет тилларни ўрганиш бўйича ўқув курсларини ташкил этиш соҳасида таълимнинг ҳар бир тури учун алоҳида берилади.

6. Нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини амалга ошириш ҳуқуқига лицензия 5 йил муддатга берилади, лицензиянинг муддати тугагандан кейин белгиланган тартибда узайтирилиши мумкин.

II. Лицензия талаблари ва шартлари

7. Қуйидагилар нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини амалга оширишда лицензия талаблари ва шартлари ҳисобланади:

Ўзбекистон Республикасининг таълим соҳасидаги қонун ҳужжатларига мажбурий риоя қилиш;

таълим дастурларини чет тилларга ўқитиш бўйича давлат талабларига мувофиқ амалга ошириш;

таълимнинг мажбурий равишда дунёвий характерда бўлиши, таълим жараёнида урушни, зўравонликни тарғиб қилишдан фойдаланишга, фуқароларнинг конституциявий ҳуқуқлари ва эркинлиги камситилишига, мамлакатдаги хавфсизликка ва ижтимоий-сиёсий барқарорликка, жамиятнинг ҳуқуқий ва маънавий асосларига, фуқаролар оқилолигига, миллатлараро ва динлараро тотувликка раҳна солинишига, Ўзбекистон тўғрисида нотўғри ахборотлар тарқатилишига ҳамда унинг тарихий, маданий ва маънавий қадриятлари бузиб кўрсатилишига йўл қўймаслик;

лицензия талабгорида лицензияланаётган фаолиятни бажариш учун мўлжалланган, унга мулкӣ ёки бошқа ашёвий ҳуқуқ билан тегишли бўлган, белгиланган талабларга мувофиқ бинолар (хоналар)нинг мавжудлиги;

чет тилини тегишли базавий маълумотга эга бўлган, малакаси таълим дастурларининг белгиланган даражасини таъминлайдиган, шунингдек уларда Вазирлар Маҳкамаси ҳузуридаги Давлат тест маркази томонидан бериладиган чет тилини билиш ва эгаллаб олганлик даражаси тўғрисидаги давлат намунасидаги малака сертификати мавжуд бўлган шахслар томонидан ўқитиш;

ўқув ва тарбия жараёнини давлат талабларига, ўқув режаларига ва таълим дастурларига мувофиқ ташкил этиш;

лицензия талабгорида таълим дастурларининг белгиланган даражасини амалга ошириш учун зарур бўлган ўқув, ўқув-методик адабиётлар ва бошқа кутубхона-ахборот ресурслари ҳамда таълим жараёнларини таъминлаш воситалари мавжудлиги;

аудиторияларни, ўқув хоналарини замонавий ахборот-коммуникация асбоб-ускуналари, ўқитишнинг техник воситалари ва анжомлар билан жиҳозлаш.

8. Лицензия битимида ушбу Низомнинг 7-бандида қайд этилганлардан келиб чиқадиган лицензия талаблари ва шартлари кўрсатилади.

III. Лицензия олиш учун зарур бўлган ҳужжатлар

9. Лицензия олиш учун лицензия талабгори ишчи органга қуйидаги ҳужжатларни тақдим этади:

лицензия бериш тўғрисидаги ариза, унда қуйидагилар кўрсатилади: юридик шахснинг номи ва ташкилий-ҳуқуқий шакли, унинг жойлашган жойи (почта манзили), таълим фаолиятини амалга ошириш жойи манзили, банк муассасасининг номи ва банкдаги ҳисоб рақами, фаолиятнинг лицензияланаётган тури, шунингдек чет тилларни ўқитиш бўйича курслар рўйхати;

юридик шахснинг давлат рўйхатидан ўтказилганлиги тўғрисидаги гувоҳноманинг нусхаси;

фаолиятнинг лицензияланаётган тури амалга ошириладиган биноларга (хоналарга) мулкӣ ёки бошқа ашёвий ҳуқуқларнинг мавжудлигини, шунингдек мазкур бинолар (хоналар)нинг белгиланган талабларга мувофиқлигини тасдиқловчи ҳужжатлар;

ёнғин ва санитария-эпидемиология назорати органларининг мавжуд бинолар ва хоналарнинг ёнғин хавфсизлиги талабларига ва санитария-гигиена нормаларига мувофиқлиги тўғрисидаги хулосалари;

нодавлат таълим муассасаси уставининг нусхаси;

ўқув режалари ва дастурлари;

чет тилларга ўқитган ҳолларда педагогик кадрлар тўғрисида маълумот (маълумоти тўғрисидаги ҳужжатларнинг нусхаси ва Ўзбекистон Республикаси Вазирлар Маҳкамаси ҳузуридаги Давлат тест маркази томонидан бериладиган билимлар даражаси ва чет тилини билиш ва эгаллаб олганлик даражаси тўғрисидаги давлат намунасидаги малака сертификатининг нусхалари);

ўқув жараёнини таъминлаш учун зарур бўлган моддий воситаларнинг (ёки уларни молиялаштиришнинг аниқ манбаи) мавжудлигини тасдиқловчи ҳужжатлар;

ариза кўриб чиқилганлиги учун лицензия талабгори томонидан йиғим тўланганлигини тасдиқловчи ҳужжат.

10. Ҳужжатлар лицензия талабгори томонидан ишчи органга бевосита ёхуд уларнинг олинганлиги тўғрисидаги билдиришнома билан почта алоқаси воситаси орқали етказиб берилади.

Ҳужжатлар ишчи органнинг масъул шахси томонидан рўйхат бўйича қабул қилинади, рўйхатнинг нусхаси ҳужжатлар қабул қилиб олинган сана тўғрисида белги қўйилган ҳолда ариза берувчига юборилади (топширилади).

11. Ишончсиз ёки нотўғри маълумотлар тақдим этилганлиги учун лицензия талабгори қонун ҳужжатларига мувофиқ жавоб беради.

IV. Аризаларни кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

12. Лицензия талабгорининг аризаси кўриб чиқилганлиги учун Ўзбекистон Республикаси қонун ҳужжатларида белгиланган энг кам ойлик иш ҳақининг икки баравари миқдорида йиғим ундирилади.

Лицензиатнинг лицензия бериш тўғрисидаги аризаси кўриб чиқилганлиги учун йиғим суммаси ишчи органнинг ҳисоб рақамига ўтказилади.

Лицензия талабгори берилган аризадан воз кечган тақдирда тўланган йиғим суммаси қайтариб берилмайди.

13. Нодавлат таълим муассасаларининг чет тилларни ўрганиш бўйича ўқув курсларини ташкил этиш соҳасидаги фаолиятини лицензиялаш ушбу Низомга илова қилинаётган схемага асосан амалга оширилади.

Лицензия талабгорига лицензия бериш ёки лицензия беришни рад этиш тўғрисидаги қарор лицензия талабгорининг аризаси олинган кундан бошлаб ўттиз кундан ортиқ бўлмаган муддатда қабул қилинади.

Ишчи орган ариза олинган кундан бошлаб ўн беш кундан ортиқ бўлмаган муддатда ҳужжатларни кўриб чиқади, улар бўйича эксперт хулосаси тайёрлайди ва лицензия талабгорига лицензия бериш ёки лицензия беришни рад этиш тўғрисидаги таклифни тегишли қарор протоколи лойиҳаси билан бирга кўриб чиқиш учун комиссияга таклиф тақдим этади.

Худудий комиссия ишчи органнинг таклифи олингандан кейин ўн беш кундан ортиқ бўлмаган муддатда уни кўриб чиқади ва қабул қилинган қарор тўғрисидаги протоколни тасдиқлайди. Худудий комиссия қабул қилган қарор протоколини комиссия раиси (унинг ўринбосари) имзолайди. Зарур ҳолларда худудий комиссия қарори сўров йўли билан қабул қилиниши мумкин.

14. Ишчи орган лицензия талабгорини қабул қилинган қарор тўғрисида тегишли қарор қабул қилингандан кейин уч кун мобайнида хабардор қилади.

Лицензия бериш юзасидан қарор қабул қилингани тўғрисидаги билдиришнома лицензия талабгорига банк ҳисоб рақами реквизитлари, давлат божини тўлаш муддатлари кўрсатилган ҳолда ёзма шаклда жўнатилади (тақдим этилади).

Лицензия бериш тўғрисида қабул қилинган қарор тўғрисидаги билдиришнома билан бир вақтда лицензия талабгорига имзолаш учун лицензия битими юборилади.

Лицензияловчи орган ва лицензиатнинг ўзаро ҳуқуқлари ҳамда мажбуриятларини белгиловчи лицензия битими ишчи орган ва лицензиат ўртасида тузилади ва унда қуйидагилар бўлиши керак:

битимни имзолаган шахсларнинг фамилияси, исми, отасининг исми, лавозими; томонларнинг реквизитлари;

лицензия берилаётган аниқ таълим турининг номи ва таълим фаолияти йўналишларининг рўйхати;

лицензиянинг амал қилиш муддати;

лицензиатга қўйиладиган лицензия талаблари ва шартлари;

лицензиат томонидан таълим фаолиятини амалга ошириш жойи (почта манзили);

лицензия битими талаблари ва шартлари бузилганлиги учун томонларнинг жавобгарлиги;

лицензиат томонидан лицензия битими талаблари ва шартлари бажарилишини ишчи орган томонидан назорат қилиш тартиби.

Лицензия битими икки нусхада — лицензиат ва ишчи орган учун бир нусхадан тузилади.

15. Лицензиялар бланкалари қатъий ҳисобот бериладиган ҳужжатлар ҳисобланади, ҳисобга олиш сериясига, тартиб рақамига ва ҳимояланганлик даражасига эга бўлади. Лицензия бланкалари намуналари Вазирлар Маҳкамасининг нодавлат таълим муассасалари фаолиятини лицензиялаш комиссияси ишчи органи томонидан ишлаб чиқилади. Бланкалар намуналари Вазирлар Маҳкамасининг нодавлат таълим муассасалари фаолиятини лицензиялаш комиссияси томонидан тасдиқланади ва Ўзбекистон Республикаси Вазирлар Маҳкамаси ҳузуридаги Давлат тест маркази буюртмаси бўйича босмаҳона усулида «Давлат белгиси» давлат-ишлаб чиқариш бирлашмасида тайёрланади.

Ишчи орган лицензия бланкаларини Вазирлар Маҳкамаси ҳузуридаги Давлат тест марказидан олади ва унга берилган лицензиялар тўғрисида ҳисобот беради. Ҳисобот шакллари Ўзбекистон Республикаси Вазирлар Маҳкамаси ҳузуридаги Давлат тест маркази томонидан белгиланади.

Ишчи орган раҳбари лицензия бланкаларининг ҳисобга олиниши, сақланиши ва улардан мақсадли фойдаланилиши учун шахсан жавоб беради.

Лицензиялар ишчи орган томонидан расмийлаштирилади ва ҳудудий комиссия раиси томонидан имзоланади.

16. Лицензия талабгори томонидан давлат божи тўланганини тасдиқловчи ҳужжат тақдим этилгандан ва у лицензия битимини имзолагандан кейин уч кун муддатда берилади.

17. Агар лицензиат лицензия бериш тўғрисида қарор қабул қилинганлиги ҳақидаги билдиришнома юборилган (топширилган) вақтдан бошлаб уч ой мобайнида лицензияловчи органга лицензия берилганлиги учун давлат божи тўланганлигини тасдиқловчи ҳужжатни тақдим этмаса ёхуд лицензия битимини имзоламаса, ҳудудий комиссия лицензияни бекор қилиш тўғрисида қарор қабул қилишга ҳақлидир.

18. Лицензия бериш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 17-моддасида назарда тутилган асослар бўйича рад этилиши мумкин.

Лицензия талабгори лицензия бериш рад этилиши тўғрисидаги қарор, шунингдек ишчи орган мансабдор шахсининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эгадир.

19. Лицензия бериш рад этилиши тўғрисида қарор қабул қилинган тақдирда, рад этиш тўғрисидаги билдиришнома лицензия талабгорига рад этишнинг аниқ сабаблари ва лицензия талабгори кўрсатиб ўтилган сабабларни бартараф этиб ҳужжатларни такроран кўриб чиқишга тақдим этиши учун етарли бўлган муддат кўрсатилган ҳолда ёзма шаклда юборилади (топширилади). Лицензия беришни рад этиш ҳақидаги хабарномада кўрсатилган муддат камчиликларни бартараф этиш учун зарур бўлган вақтга мутаносиб бўлиши керак.

20. Лицензия бериш рад этилишига асос бўлган сабаблар лицензия талабгори томонидан бартараф этилган тақдирда, ҳужжатларни такроран кўриб чиқиш лицензия

талабгорининг аризаси барча зарур ҳужжатлар билан биргаликда олинган кундан бошлаб ўн кундан ортиқ бўлмаган муддатда амалга оширилади.

Бунда ишчи орган ҳужжатлар такроран тақдим этилгандан кейин тўрт кун мобайнида улар бўйича эксперт хулосаси тайёрлайди ва лицензия талабгорига лицензия бериш ёки беришни рад этиш тўғрисидаги таклифни тегишли қарор протоколи лойиҳаси билан бирга кўриб чиқиш учун ҳудудий комиссияга таклиф тақдим этади.

Ҳудудий комиссия ишчи орган таклифи олингандан кейин олти кун муддатда уни кўриб чиқади ва қабул қилинган қарор тўғрисидаги протоколни тасдиқлайди. Ҳудудий комиссия қабул қилган қарор протоколи комиссия раиси (унинг ўринбосари) томонидан имзоланади.

Лицензия талабгорларининг аризалари такроран кўриб чиқилганлиги учун йиғим ундирилмайди.

Лицензия талабгорининг аризасини қайта кўриб чиқишда илгари лицензия беришни рад этиш тўғрисидаги билдиришномада кўрсатилмаган янги асослар бўйича лицензия беришни рад этишга йўл қўйилмайди.

Лицензия бериш рад этилганлиги тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

V. Лицензияларни қайта расмийлаштириш, уларнинг амал қилиш муддатини узайтириш, дубликат бериш

21. Лицензиат қайта ташкил этилган, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтказилгандан кейин бир ой муддатда ишчи органга кўрсатиб ўтилган маълумотларни тасдиқловчи тегишли ҳужжатлар илова қилинган ҳолда лицензияни қайта расмийлаштириш тўғрисида ариза бериши шарт.

22. Лицензиат лицензия қайта расмийлаштирилгунга қадар унда кўрсатилган фаолиятни илгари берилган лицензия асосида амалга оширади.

23. Лицензияни қайта расмийлаштиришда ишчи орган лицензиялар реестрига тегишли ўзгартиришлар киритади. Лицензияни қайта расмийлаштириш ишчи орган томонидан тегишли ҳужжатлар илова қилинган ҳолда лицензияни қайта расмийлаштириш тўғрисида ариза олинган кундан бошлаб беш кун мобайнида амалга оширилади.

Лицензияни қайта расмийлаштиришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади. Йиғим суммаси ишчи орган ҳисоб рақамига ўтказилади.

24. Лицензиянинг амал қилиш муддатини узайтириш лицензиатнинг аризасига кўра амалга оширилади.

Лицензиянинг амал қилиш муддатини узайтириш тўғрисидаги ариза ишчи органга лицензиянинг амал қилиш муддати тугагунга қадар икки ойдан кечикмай берилиши керак.

Лицензиянинг амал қилиш муддатини узайтириш ёки узайтиришни рад этиш тўғрисидаги қарор лицензия бериш учун назарда тутилган тартибда қабул қилинади.

25. Амал қилиш муддати ўтмаган йўқолган ёки яроқсиз ҳолга келган лицензия ўрнига лицензиатнинг аризасига кўра унинг дубликати берилиши мумкин.

Лицензия дубликатлари беришда лицензия бериш тўғрисидаги ариза кўриб чиқилганлиги учун тўланадиган сумманинг ярми миқдорида йиғим ундирилади. Йиғим суммаси ишчи орган ҳисоб рақамига ўтказилади.

VI. Лицензия талаблари ва шартларига риоя этилишини назорат қилиш

26. Лицензия шартлари ва талабларига лицензиат томонидан риоя этилишини назорат қилиш ҳудудий комиссия томонидан тасдиқланган жадвал бўйича ишчи орган томонидан амалга оширилади.

27. Лицензия талаблари ва шартларига риоя этилишини назорат қилишни амалга оширишда ишчи орган ўз ваколатлари доирасида қонун ҳужжатларида белгиланган тартибда қуйидаги ҳуқуқларга эга:

лицензия талаблари ва шартларига лицензиат томонидан риоя этилишини режали текшириш;

лицензия талаблари ва шартлари лицензиат томонидан бузилганлигидан далолат берувчи ҳоллар мавжуд бўлган тақдирда лицензиат томонидан лицензия талаблари ва шартларига риоя этилишини режадан ташқари текшириш;

лицензия талаблари ва шартларига риоя этилишини текшириш чоғида пайдо бўладиган масалалар бўйича зарур ахборотни лицензиатдан сўраш ва олиш;

текширишлар натижалари асосида, лицензия талаблари ва шартларининг лицензиат томонидан аниқ бузилишларини кўрсатган ҳолда, далолатномалар (маълумотномалар) тузиш;

лицензиатга аниқланган бузилишларни бартараф этиш мажбуриятини юкловчи қарорлар чиқариш, бундай бузилишларни бартараф этиш муддатларини белгилаш;

лицензиянинг амал қилишини тўхтатиб туриш ва тўхтатиш ёхуд лицензияни бекор қилиш тўғрисидаги таклифларни ҳудудий комиссияга кўриб чиқиш учун киритиш.

28. Лицензия талаблари ва шартларига риоя этилишини текширишда ишчи органнинг текширувчи ходимлари томонидан икки нусхада далолатнома тузилади, уларнинг биттаси лицензиатга берилади, иккинчи нусхаси ишчи органда қолади.

VII. Лицензиянинг амал қилишини тўхтатиб туриш, тўхтатиш, лицензияни бекор қилиш

29. Лицензиянинг амал қилишини тўхтатиб туриш ва тўхтатиш, лицензияни бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 22 — 24-моддаларида назарда тутилган ҳолларда ва тартибда комиссия қарорига кўра амалга оширилади.

30. Ҳудудий комиссиянинг лицензиянинг амал қилишини тўхтатиб туриш ёки тўхтатиш, уни бекор қилиш тўғрисидаги қарори юзасидан судга шикоят қилиниши мумкин. Ҳудудий комиссия қарори суд томонидан асоссиз деб эътироф этилган тақдирда ҳудудий комиссия лицензиат олдида лицензиат кўрган зарар миқдорида жавоб беради.

VIII. Лицензиялар реестри

31. Ишчи орган таълим турлари бўйича лицензиялар реестрини юритади.

Лицензиялар реестрида қуйидагилар кўрсатилиши керак:

юридик шахснинг номи, унинг ташкилий-ҳуқуқий шакли, почта манзили, телефони;

солиқ тўловчининг идентификация тартиб рақами;

лицензияларнинг берилган санаси ва тартиб рақами;

лицензияларнинг амал қилиш муддати;

лицензияларни қайта расмийлаштириш, уларнинг амал қилиш муддатини узайтириш, амал қилишини тўхтатиб туриш ва тиклашнинг асослари ва санаси;

лицензияларнинг амал қилишини тўхтатиш асоси ва санаси;

лицензияларни бекор қилиш асоси ва санаси;

дубликат бериш асоси ва санаси.

32. Лицензияларнинг реестрларида мавжуд бўлган маълумотлар лицензияловчи органнинг веб-сайтига жойлаштирилади ва танишиб чиқиш учун очиқ бўлади

IX. Давлат божини тўлаш тартиби

32. Нодавлат таълим муассасаларининг чет тилларни ўрганиш бўйича ўқув курслари фаолиятини амалга ошириш ҳуқуқига лицензия берганлик ва унинг амал қилиш

муддатини узайтирганлик учун Ўзбекистон Республикаси қонун ҳужжатларида белгиланган энг кам ойлик иш ҳақининг ўн баравари миқдорида давлат божи ундирилади.
Давлат божи республика бюджети даромадига ўтказилади.

1.17. Фармацевтика фаолиятини лицензиялаш бўйича давлат хизмати

Фармацевтика фаолиятини (дори воситалари ва тиббий буюмларни чакана реализация қилиш бундан мустасно) лицензиялаш тартиби тўғрисида НИЗОМ

*(Вазирлар Маҳкамасининг 2017 йил 12 майдаги
284-сон қарори билан тасдиқланган)*

1-боб. Умумий қоидалар

1. Мазкур Низом фармацевтика фаолиятининг қуйидаги йўналишлари (уларнинг қисмларини) лицензиялаш тартибини белгилайди (кейинги ўринларда фармацевтика фаолияти деб аталади):

- а) дори воситаларини ва тиббий буюмларни ишлаб чиқариш;
- б) дори воситаларини ва тиббий буюмларни тайёрлаш;
- в) дори воситаларини ва тиббий буюмларни яратиш бўйича илмий-тадқиқот ишлари;
- г) дори воситалари ва тиббий буюмларнинг сифатини назорат қилиш;
- д) дори воситаларини ва тиббий буюмларни улгуржи реализация қилиш;
- е) доривор ўсимлик хом ашёсини қадоқлаш ва улгуржи реализация қилиш.

Фармацевтика фаолиятини лицензиялаш мазкур Низомга илова қилинган схемага мувофиқ амалга оширилади.

2. Фармацевтика фаолиятини лицензиялаш Ўзбекистон Республикаси Соғлиқни сақлаш вазирлиги (кейинги ўринларда лицензияловчи орган деб юритади) томонидан Давлат хизматлари марказлари (кейинги ўринларда марказ деб аталади) ёки Ўзбекистон Республикаси Интерактив давлат хизматлари ягона портали (кейинги ўринларда Ягона портал деб аталади) орқали амалга оширилади.

Лицензиялар бериш тўғрисидаги ҳужжатларни кўриб чиқиш, уларнинг муддатларини узайтириш, улар юзасидан хулосалар тайёрлаш учун лицензияловчи органда эксперт комиссияси тузилади. Эксперт комиссияси таркиби ва у тўғрисидаги низом лицензияловчи орган томонидан тасдиқланади. Бунда эксперт комиссияси таркибига мажбурий тартибда тегишли ихтисослик мутахассислари ва давлат санитария-эпидемиология назорати органларининг мутахассислари киритилади.

3. Фармацевтика фаолиятининг йўналишлари — дори воситалари ва тиббий буюмларни ишлаб чиқариш, дори воситалари ва тиббий буюмларни тайёрлаш, дори воситалари ва тиббий буюмларни яратиш бўйича илмий-тадқиқот ишлари, дори воситалари ва тиббий буюмларнинг сифатини назорат қилиш ва дори воситалари ва тиббий буюмларни улгуржи реализация қилишни амалга ошириш ҳуқуқига лицензиялар фақат юридик шахсларга берилади, бунда дори воситалари ва тиббий буюмларни тайёрлашга лицензиялар фақат дорихоналарга берилади.

Фармацевтика фаолиятининг йўналиши — доривор ўсимлик хом ашёсини қадоқлаш ва улгуржи реализация қилишни амалга ошириш ҳуқуқига лицензиялар юридик ва жисмоний шахсларга берилади.

Ушбу Низомнинг 1-банди «а» кичик бандида кўрсатилган фармацевтика фаолияти йўналишига лицензия олиш лицензиатларга улар ишлаб чиқарган дори воситалари ва тиббий буюмларни улгуржи реализация қилиш ҳуқуқини беради. Ушбу Низомнинг 1-банди «б» кичик бандида кўрсатилган фармацевтика фаолияти йўналишига лицензия

олиш лицензиатларга улар тайёрлаган дори воситалари ва тиббий буюмларни чакана реализация қилиш ҳуқуқини беради.

4. Фармацевтика фаолиятини амалга ошириш учун белгиланган тартибда намунавий (оддий) лицензиялар берилади.

5. Лицензия беш йил муддатга берилади. Лицензия фақат лицензия талабгорининг аризасига кўра беш йилдан кам муддатга берилиши мумкин.

6. Юридик ёки жисмоний шахс томонидан фармацевтика фаолияти фақат лицензияда белгиланган фаолият йўналиши (унинг қисми) бўйича амалга оширилиши мумкин.

Фармацевтика фаолиятининг бир неча йўналишларини (уларнинг қисмларини) амалга оширишга лицензия берилганда лицензияда ушбу йўналишларнинг ҳар бири (уларнинг қисмлари) кўрсатилади.

2-боб. Лицензия талаблари ва шартлари

7. Фармацевтика фаолиятини амалга оширишнинг лицензия талаблари ва шартлари қуйидагилардан иборат:

а) дори воситалари ва фармацевтика фаолияти тўғрисидаги қонун ҳужжатларига, жумладан дори воситалари ва тиббий буюмларнинг нархини давлат томонидан тартибга солишнинг белгиланган тартибига, шунингдек дори воситаларини ишлаб чиқариш, тайёрлаш, сақлаш ва улгуржи реализация қилиш доирасида техник жиҳатдан тартибга солиш соҳасидаги норматив ҳужжатларга мажбурий риоя қилиш;

б) экология ва санитария қоидалари, нормалари ва гигиеник нормативларга мажбурий риоя қилиш;

в) фаолиятни лицензияда кўрсатилган доирада, шунингдек лицензия битимида мувофиқ манзилда (манзилларда) амалга ошириш;

г) дори воситалари ва тиббий буюмларни улгуржи реализация қилиш билан шуғулланган тақдирда штатида фармацевтик маълумотга эга бўлган, шунингдек лавозим мажбуриятларига мувофиқ малакасини оширганлиги тўғрисида сертификатга ва иш тажрибасига эга бўлган дори воситаларини ва тиббий буюмларни улгуржи реализация қилувчи ташкилот омборхонаси мудирининг мавжудлиги;

д) дори воситалари ва тиббий буюмларни ишлаб чиқариш фаолияти билан шуғулланган тақдирда штатида махсус маълумотга эга бўлган, лавозим мажбуриятларига мувофиқ малакасини оширганлиги тўғрисида сертификатга ва иш тажрибасига эга бўлган, дори воситаларини ва тиббий буюмларни ишлаб чиқариш ва сифат назоратига масъул бўлган камида икки нафар мутахассиснинг мавжудлиги;

е) дори воситалари ва тиббий буюмларни тайёрлаш фаолияти билан шуғулланган тақдирда юридик шахс штатида олий фармацевтик маълумотга эга бўлган, шунингдек лавозим мажбуриятларига мувофиқ малакасини оширганлиги тўғрисида сертификатга ва иш тажрибасига эга бўлган дорихона мудирининг мавжудлиги;

ж) лицензияланаётган фаолият турини амалга ошириш учун мўлжалланган, ўзига мулк ҳуқуқи билан ёки бошқа ашёвий асосида тегишли бўлган ва тегишли санитария қоидалари, нормалари ва гигиеник нормативларга, шунингдек техник жиҳатдан тартибга солиш соҳасидаги норматив ҳужжатларга мувофиқ хоналарнинг мавжудлиги;

з) лицензияланадиган аниқ фаолият турини амалга ошириш учун шарт- шароитлар яратиш, шу жумладан тегишли моддий-техника базадан, асбоб-ускуналардан, бошқа техник воситалардан фойдаланиш;

и) дори воситалари ва тиббий буюмларни тайёрлашни, шунингдек доривор ўсимлик хом ашёсини қадоқлаш ва улгуржи реализация қилишни амалга ошириш учун ваколатли назорат-таҳлил лабораторияси билан мажбурий шартнома тузиш;

к) мазкур Низом билан белгиланган ҳолларда, муддатларда ва миқдорларда йиғимлар, давлат божларини тўлаш.

8. Фармацевтика фаолиятининг тегишли йўналишини (унинг бир қисмини) амалга ошириш учун зарур бўлган моддий-техника базага, шу жумладан асбоб-ускуналарга ва бошқа техника воситаларига, шунингдек ходимларга қўйиладиган талаблар белгиланган тартибда Ўзбекистон Республикаси Соғлиқни сақлаш вазирлиги томонидан белгиланади ва Интернетда мажбурий эълон қилинади.

3-боб. Лицензия олиш учун зарур бўлган ҳужжатлар

9. Лицензия олиш учун лицензия талабгори марказга ёки Ягона портал орқали электрон шаклда қуйидаги ҳужжатларни тақдим этади:

а) лицензияловчи орган томонидан тасдиқланган шаклга мувофиқ лицензия бериш тўғрисида ариза, унда қуйидагилар кўрсатилади:

юридик шахслар учун — юридик шахснинг номи ва ташкилий-ҳуқуқий шакли, унинг жойлашган жойи (почта манзили), банкнинг номи ва банкдаги ҳисоб рақами;

жисмоний шахслар учун — фамилияси, исми, отасининг исми, фуқаронинг шахсини тасдиқловчи ҳужжатга оид маълумотлари;

юридик ёки жисмоний шахслар амалга оширишни мўлжаллаётган фаолиятнинг лицензияланадиган йўналиши (унинг бир қисми) ва фаолиятнинг кўрсатиб ўтилган йўналиши (унинг бир қисми) амалга ошириладиган муддат;

лицензияловчи органнинг қабул қилган қарори тўғрисида хабарнома олиш шакли;

лицензия талабгорининг электрон манзили ва бошқа реквизитлар;

б) ушбу Низомнинг 8-банди талабларига мувофиқ лицензияловчи орган томонидан тасдиқланган шакл бўйича моддий-техника база, асбоб-ускуналар, бошқа техник воситалар ва ходимларнинг мавжудлиги тўғрисидаги маълумотлар.

10. Лицензия талабгоридан ушбу Низомда назарда тутилмаган ҳужжатларнинг тақдим этилишини талаб қилишга йўл қўйилмайди.

11. Лицензияловчи орган фармацевтика фаолиятини белгиланган тартибда лицензиялашда ушбу Низомнинг 9-бандида назарда тутилган ҳужжатлар ва маълумотлардан ташқари бошқа ваколатли органларда мавжуд бўлган лицензия бериш учун зарур бўлган ҳужжатларни мустақил равишда ахборот-коммуникация технологияларини қўллаган ҳолда, жумладан электрон шаклда электрон ахборот ҳамкорлиги тизимига мувофиқ олади.

12. Лицензия талабгори лицензия бериш тўғрисидаги аризани ушбу Низомнинг 9-бандида назарда тутилган маълумотларни кўрсатган ҳолда марказга ўзи келган ҳолда ёки Ягона портал орқали беради. Лицензия бериш тўғрисидаги ариза ушбу Низомнинг 9-бандида назарда тутилган маълумотларни кўрсатган ҳолда Ягона портал орқали электрон шаклда берилганда, ариза лицензия талабгорининг электрон рақамли имзоси билан тасдиқланади. Лицензия талабгори аризада у томонидан берилган аризани кўриб чиқиш натижалари бўйича қабул қилинган қарор тўғрисида хабарнома олиш шаклини кўрсатади.

Ягона портал орқали берилган ариза бевосита давлат хизматини кўрсатувчи лицензияловчи органга йўлланади.

Лицензия талабгори томонидан лицензия олиш учун Ягона портал орқали электрон шаклда тақдим этилган, зарур маълумотлар кўрсатилган ариза унинг олинганлиги тўғрисидаги хабарнома билан эксперт комиссиясининг масъул котиби томонидан қабул қилинади, шунингдек Ягона портал томонидан автоматик равишда ноёб рўйхат рақами берилиб қайд этилади.

Лицензия талабгори томонидан ариза зарур маълумотлар кўрсатилган ҳолда марказ орқали берилганда, марказ ходими мазкур аризани қонун ҳужжатларида белгиланган тартибда лицензияловчи органга йўллайди.

13. Нотўғри ёки бузиб кўрсатилган маълумотлар тақдим этилганлиги учун лицензия талабгори қонун ҳужжатларига мувофиқ жавоб беради.

4-боб. Аризани кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

14. Ариза кўриб чиқилганлиги учун лицензия талабгоридан ариза берилган кунда қонун ҳужжатларида белгиланган энг кам ойлик иш ҳақининг икки баравари миқдорида йиғим ундирилади. Лицензия бериш тўғрисидаги ариза бир вақтнинг ўзида филиал очиш билан бирга берилган ҳолларда аризанинг кўриб чиқилганлиги учун белгиланган йиғим ҳар бир очилаётган филиал учун ундирилади.

Лицензия бериш тўғрисидаги ариза Ягона портал орқали берилганда, аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун тўланадиган йиғимнинг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

Лицензия талабгори берилган аризани рад этган тақдирда тўланган йиғим суммаси қайтариб берилмайди.

15. Лицензия бериш ёки лицензия беришни рад этиш тўғрисидаги қарор барча зарур ҳужжатлар билан биргаликда лицензия талабгорининг аризаси олинган кундан бошлаб, улар қайси усулда тақдим этилишидан қатъи назар, ўн беш кундан ортиқ бўлмаган муддатда қабул қилинади.

16. Лицензия талабгорининг барча зарур ҳужжатлар билан биргаликдаги аризаси улар олинган кунда эксперт комиссияга кўриб чиқиш учун киритилади. Бунда электрон шаклда тақдим этилган маълумотлар эксперт комиссиясига кўриб чиқиш учун ахборот-коммуникация технологияларини қўллаш орқали киритилиши мумкин.

17. Лицензия талабгорининг лицензияланадиган фаолият йўналиши (унинг бир қисмини) амалга ошириш учун яратилган шароитларнинг белгиланган лицензия талаблари ва шартларига мувофиқлигини аниқлаш учун эксперт комиссияси томонидан жойнинг ўзига бориб экспертиза ўтказилади.

Яратилган шароитларнинг лицензияланадиган фаолият йўналиши (унинг бир қисмини) амалга ошириш учун мувофиқлигининг экспертизаси лицензияловчи органнинг ўз маблағлари ҳисобига амалга оширилади.

Экспертиза якунлари бўйича эксперт томонидан лицензия талабгорининг белгиланган лицензия талаблари ва шартларига мувофиқлиги ёки номувофиқлиги тўғрисида лицензияловчи орган томонидан тасдиқланган шаклга мувофиқ хулоса тайёрланади.

Яратилган шароитларнинг лицензияланадиган фаолият йўналишини (унинг бир қисмини) амалга ошириш учун мувофиқлиги жойнинг ўзига бориб экспертиза қилинган тақдирда эксперт эксперт хулосасини асослаш учун зарур ҳужжатлардан нусха олиш ҳуқуқига эга.

Тақдим этилган маълумотлар ва экспертиза якунлари бўйича эксперт комиссияси томонидан лицензия бериш ёки лицензия беришни рад этиш тўғрисида қарор тайёрланади.

Лицензияловчи орган тегишли хулосалар тайёрлаш учун шартнома асосида қўшимча экспертларни жалб қилиш ҳуқуқига эга.

Эксперт комиссиясининг қарори лицензияловчи орган томонидан тасдиқланади ва лицензияни бериш ёки беришни рад этиш учун асос ҳисобланади.

Лицензияловчи орган қабул қилинган қарор тўғрисидаги хабарномани лицензия талабгорига у томонидан аризада кўрсатилган шаклда банк ҳисоб рақами реквизитлари ва давлат божи тўлаш муддатлари кўрсатилган ҳолда тақдим этади.

18. Лицензия давлат божи тўланганлиги тўғрисида маълумот олинганлигидан ва лицензия битими имзолангандан кейин лицензия талабгори томонидан аризада кўрсатилган шаклда берилади.

Лицензия битими лицензияловчи орган ва лицензиатнинг ўзаро ҳуқуқ ва мажбуриятларини белгиловчи ҳужжат ҳисобланади ва унда қуйидагилар кўрсатилган бўлиши керак:

битимни имзолаган шахсларнинг фамилияси, исми, отасининг исми, лавозими;

амалга оширилишига лицензия берилаётган фармацевтика фаолияти йўналиши (унинг бир қисми) номи;

дори воситалари ва тиббий буюмларни улгуржи реализация қилувчи ташкилотлар учун — дори воситалари ва тиббий буюмларни улгуржи реализация қилувчи ташкилот омборхона мудирининг фамилияси, исми, отасининг исми, дори воситалари ва тиббий буюмларни тайёрлаш фаолияти билан шуғулланувчи ташкилотлар учун — дорихона мудирининг фамилияси, исми, отасининг исми;

лицензиатга қўйиладиган лицензия талаблари ва шартлари;

лицензиянинг амал қилиш муддати, унинг амал қилиш муддати тугайдиган сана кўрсатилган ҳолда;

лицензияланадиган фаолият йўналиши (унинг бир қисми) амалга ошириладиган манзил (манзиллар);

лицензия битими талаблари ва шартлари бузилганлиги учун томонларнинг жавобгарлиги;

лицензия битими талаблари ва шартлари бажарилишини лицензияловчи орган томонидан назорат қилиш тартиби;

лицензия талаблари ва шартлари бузилиши рўйхати, жумладан дори воситалари ва тиббий буюмларнинг нархини белгилаш соҳасида, лицензияни амал қилишини тўхтатиб туриш ёки тўхтатишга олиб келувчи бузилишлар;

томонларнинг реквизи́тлари.

Лицензия қайта расмийлаштирилган тақдирда, лицензия битимига бир вақтда ўзгартириш ёки қўшимчалар киритилади ёки янги лицензия битими тузилади.

Филиал очилган (ёпилган), фаолиятининг йўналишини (унинг бир қисмини) амалга ошириш манзили ўзгарган, дори воситалари ва тиббий буюмларни улгуржи реализация қилувчи ташкилот омборхона мудир, дори воситалари ва тиббий буюмларни тайёрлаш фаолияти билан шуғулланувчи дорихона мудир ўзгарган тақдирда, лицензия битимига ўзгартириш ёки қўшимчалар киритилади ёки мазкур Низомнинг 6-бобида назарда тутилган тартибда янги лицензия битими тузилади.

Лицензия битими икки нусхада — лицензиат ва лицензияловчи орган учун бир нусхадан тузилади.

Лицензия қонун ҳужжатларида белгиланган тартибда расмийлаштирилади.

Лицензиялар бланкалари қатъий ҳисобда турадиган ҳужжатлар ҳисобланади, ҳисобга олиш сериясига, тартиб рақамига ва ҳимояланганлик даражасига эга бўлади. Бланкалар шакли лицензияловчи орган томонидан тасдиқланади ва унинг буюртманомасига биноан «Давлат белгиси» давлат-ишлаб чиқариш бирлашмаси томонидан босмахона усулида тайёрланади. Лицензиялар бланкаларининг ҳисобга олиниши, сақланиши ва улардан мақсадли фойдаланилиши, шунингдек берилган, тўхтатиб турилган, қайта тикланган, қайта расмийлаштирилган, бекор қилинган, шунингдек амал қилиши тугатилган лицензиялар тўғрисида тегишли ахборот ресурсларига ишончли ва ўз вақтида маълумотларни киритиб бориш учун лицензияловчи орган раҳбари жавоб беради.

Шунингдек берилган, тўхтатиб турилган, қайта тикланган, қайта расмийлаштирилган, бекор қилинган, шунингдек амал қилиши тўхтатилган лицензиялар

тўғрисидаги маълумот «Лицензия» ахборот тизимлари комплекси электрон реестрига киритилади.

19. Агар лицензиат лицензия бериш тўғрисида қарор қабул қилинганлиги ҳақидаги хабарнома йўлланган вақтдан бошлаб уч ой мобайнида лицензия берилганлиги учун давлат божи тўламаса ёхуд лицензия битимини имзоламаса, лицензияловчи орган лицензияни бекор қилиш тўғрисида қарор қабул қилишга ҳақлидир.

20. Лицензия бериш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 17-моддасида белгиланган асослар бўйича рад этилиши мумкин.

Лицензия талабгори лицензияловчи органнинг лицензия беришни рад этиш тўғрисидаги қарори, шунингдек лицензияловчи орган мансабдор шахсининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эга.

21. Лицензия беришни рад этиш тўғрисида қарор қабул қилинган тақдирда лицензия беришнинг рад этилгани тўғрисидаги хабарнома лицензия талабгорига рад этишнинг сабаблари ва лицензия талабгори кўрсатиб ўтилган сабабларни бартараф этиб ҳужжатларни такроран кўриб чиқишга тақдим этиши учун етарли бўлган муддат кўрсатилган ҳолда аризада кўрсатилган шаклда йўлланади. Лицензия беришни рад этиш ҳақидаги хабарномада кўрсатилган муддат камчиликларни бартараф этиш учун зарур бўлган вақтга мутаносиб бўлиши керак.

Лицензия беришнинг рад этилишига асос бўлган сабаблар лицензия талабгори томонидан бартараф этилган тақдирда, лицензияловчи орган томонидан ҳужжатларни такроран кўриб чиқиш лицензия талабгорининг аризаси барча зарур ҳужжатлар билан биргаликда олинган кундан бошлаб ўн беш кундан ортиқ бўлмаган муддатда амалга оширилади.

Бунда такроран тақдим этилган ҳужжатлар улар қабул қилинган кунда эксперт комиссиясига кўриб чиқиш учун киритилади.

Тақдим этилган ҳужжатлар ва қайта экспертиза яқунлари бўйича эксперт комиссиясининг лицензия бериш ёхуд лицензия беришни рад этиш тўғрисидаги қарори тузилади.

Лицензия талабгорининг аризаси қайта кўриб чиқилганлиги учун йиғим ундирилмайди.

Лицензия талабгорининг аризасини қайта кўриб чиқишда олдин лицензия беришни рад этиш тўғрисидаги хабарномада кўрсатилмаган янги асослар бўйича лицензия беришни рад этишга йўл қўйилмайди;

Лицензия беришни рад этиш тўғрисидаги хабарномада кўрсатилган муддат ўтгандан кейин берилган ариза янгидан берилган ариза ҳисобланади.

5-боб. Лицензияни қайта расмийлаштириш, унинг амал қилиш муддатини узайтириш, дубликат бериш

22. Лицензиат қайта ташкил этилганда, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтказилгандан кейин бир ой муддатда лицензияловчи органга марказлар ёки Ягона портал орқали тегишли маълумотларни ва амалдаги лицензиянинг аслини илова қилган ҳолда электрон шаклда лицензияни қайта расмийлаштириш тўғрисида ариза тақдим этиши шарт.

Лицензиатлар — янги пайдо бўлган юридик шахснинг давлат рўйхатидан ўтказилиши санасида айнан бир хил лицензияланадиган фаолият йўналишига лицензияга эга бўлган юридик шахсларнинг бирлашишида лицензия мазкур Низомнинг 5-бобида кўрсатилган тартибда қайта расмийлаштирилишига рухсат этилади.

Лицензияловчи орган кўрсатилган тасдиқловчи маълумотларни қонун ҳужжатларига мувофиқ тадбиркорлик субъектларини давлат рўйхатидан ўтказиш ва ҳисобга қўйишнинг автоматлаштирилган тизими орқали олади.

Лицензияланувчи фаолият йўналишининг қисми(лари)га лицензиянинг амал қилиши муддати тўхтатилган тақдирда, лицензия қайта расмийлаштирилади.

Лицензиат — жисмоний шахснинг фамилияси, исми, отасининг исми ёки яшаш жойи ўзгарган тақдирда, лицензиат қайта рўйхатдан ўтказилгандан кейин бир ой муддатда лицензияловчи органга марказлар ёки Ягона портал орқали тегишли маълумотларни ва амалдаги лицензиянинг аслини илова қилган ҳолда электрон шаклда лицензияни қайта расмийлаштириш тўғрисида ариза тақдим этиши шарт.

23. Лицензиат лицензия қайта расмийлаштирилгунига қадар унда кўрсатилган фаолиятни олдин берилган лицензия асосида амалга оширади.

Лицензия қайта расмийлаштирилганда лицензияловчи орган электрон шаклда шакллантириладиган «Лицензия» ахборот тизимлари комплексидаги лицензиялар реестрига тегишли ўзгартиришларни киритади.

Лицензияни қайта расмийлаштириш лицензияни қайта расмийлаштириш ёки лицензияланувчи фаолият йўналишининг қисми(лари)га лицензиянинг амал қилиши тўхтатилиши тўғрисида қарор қабул қилинганлиги тўғрисидаги ариза лицензияловчи орган томонидан олинганлиги ҳақида лицензиатга билдиришнома юборилган кундан бошлаб беш кун мобайнида амалга оширилади.

Лицензияни қайта расмийлаштиришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади. Лицензияни қайта расмийлаштириш тўғрисидаги ариза Ягона портал орқали тақдим этилганда аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун тўланган йиғимнинг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

24. Лицензияловчи орган тақдим этилган ҳужжатларни кўриб чиқиб, қонун ҳужжатларида белгиланган тартибда янги бланкада лицензияни расмийлаштиради. Айни бир вақтда лицензия битимига тегишли ўзгартиришлар расмийлаштирилади.

25. Лицензиянинг амал қилиш муддати лицензиатнинг аризасига кўра узайтирилиши мумкин. Лицензиянинг амал қилиш муддатини узайтириш лицензия олиш учун назарда тутилган тартибда амалга оширилади.

Лицензиянинг амал қилиш муддатини узайтириш тўғрисидаги ариза лицензияловчи органга лицензиянинг амал қилиш муддати тугагунига қадар икки ойдан кечикмасдан берилиши керак.

26. Лицензия йўқотилган ёки у яроқсиз ҳолга келган тақдирда дубликат берилади. Дубликат олиш учун лицензиат марказлар ёки Ягона порталга ариза ва лицензия ва/ёки лицензия битими йўқотиб қўйилганлигини тасдиқловчи ҳужжат билан, шунингдек, лицензия берганлик учун назарда тутилган йиғим суммасининг ярми миқдорида тўлов тўлаб мурожаат қилади. Ариза Ягона портал орқали берилганда, аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун тўланган йиғимнинг 20 фоизи белгиланган тартибда

Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

6-боб. Лицензия битимига ўзгартириш ва қўшимчалар киритиш ёки янги лицензия битими тузиш

27. Филиал очилган (ёпилган), фаолиятни амалга ошириш манзили ўзгарган, дори воситаларини ва тиббий буюмларни улгуржи реализация қилувчи ташкилот омборхонаси мудирлари ёки дори воситалари ва тиббий буюмлар тайёрлаш билан шуғулланувчи дорихона мудирлари ўзгарган тақдирда, лицензиат лицензияловчи органга марказларга ўзи келган ҳолда ёки Ягона портал орқали лицензия битимига ўзгартириш ва қўшимчалар киритиш ёхуд янги лицензия битимини тузиш тўғрисидаги ариза билан мурожаат қилади.

28. Лицензия битимига ўзгартириш ва қўшимчалар киритиш ёхуд янги лицензия битимини тузиш тўғрисидаги аризага қуйидаги маълумотлар илова қилинади:

филиал очиш, фаолиятни амалга ошириш манзилини ўзгартириш учун — мазкур Низомнинг 9-банди «б» кичик бандида кўрсатилган маълумотлар ва лицензия битими;

дори воситалари ва тиббий буюмларни улгуржи реализация қилувчи ташкилот омборхонаси мудирлари ўзгарган тақдирда — янги ходимнинг Ўзбекистон Республикаси Соғлиқни сақлаш вазирлиги томонидан белгиланган талабларга мувофиқлиги ҳақидаги маълумот ва лицензия битими;

лицензия битимини қайта расмийлаштириш тўғрисидаги ариза кўриб чиқилганлиги учун йиғим тўланганлигини тасдиқловчи ҳужжат.

29. Лицензия битимига ўзгартириш ва қўшимчалар киритиш ёхуд янги лицензия битимини тузиш тўғрисидаги ариза, филиални ёпиш ёки амалга ошириладиган фаолиятнинг йўналишларини (унинг қисмларини) қисқартириш тўғрисида аризалардан ташқари, мазкур Низомнинг 16 ва 17-бандларида назарда тутилган тартибда амалга оширилади.

30. Лицензия битимига ўзгартириш ва қўшимчалар киритиш ёхуд янги лицензия битимини тузиш тўғрисидаги аризани кўриб чиқиш учун энг кам ойлик иш ҳақининг икки баравари миқдорида йиғим ундирилади. Лицензия битимига ўзгартириш ва қўшимчалар киритиш ёхуд янги лицензия битимини тузиш тўғрисидаги ариза Ягона портал орқали электрон шаклда берилганда аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказларга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун тўланган йиғимнинг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

Лицензиат ўзи берган аризани рад этган тақдирда тўланган йиғим суммаси қайтарилмайди.

Лицензия битимига ўзгартириш ва қўшимчалар киритиш ёхуд янги лицензия битимини тузиш учун давлат божи ундирилмайди.

31. Қуйидагилар лицензия битимига ўзгартириш ва қўшимчалар киритиш ёхуд янги лицензия битимини тузишни рад этиш учун асос ҳисобланади:

лицензиат томонидан зарур даражада расмийлаштирилмаган ҳужжатларнинг тақдим этилиши;

лицензиат томонидан тақдим этилган ҳужжатларда ҳақиқий бўлмаган ёки нотўғри маълумотлар мавжудлиги;

лицензиатнинг лицензия талаблари ва шартларига мувофиқ эмаслиги.

32. Экспертиза жараёнида лицензиат томонидан лицензия талаблари ва шартларини бузилиши фактлари аниқланган ҳолларда лицензия битимига ўзгартириш ва

қўшимчалар киритиш ёхуд янги лицензия битимини тузишни рад этиш тўғрисида қарор қабул қилинади ва аниқ муддатлари кўрсатилган ҳолда бузилишларни бартараф этиш ҳақида кўрсатма берилади.

Агар лицензия битимига ўзгартириш ва қўшимчалар киритиш ёхуд янги лицензия битимини тузишни рад этишга сабаб бўлган кўрсатма лицензиат томонидан бажарилмаса лицензияловчи орган белгиланган тартибда лицензиянинг амал қилишини тўхтатиб туриш ҳуқуқига эга.

33. Лицензия битимига ўзгартириш ва қўшимчалар киритиш ёхуд янги лицензия битимини тузишни рад этиш, шунингдек лицензиатнинг аризасини такроран кўриб чиқиш мазкур Низомнинг 21-бандида назарда тутилган тартибда амалга оширилади.

34. Лицензия битимига ўзгартириш ва қўшимчалар киритишда ёхуд янги лицензия битимини тузишда лицензияловчи орган «Лицензия» ахборот тизимлари комплексидаги лицензиялар реестрига тегишли ўзгартиришларни киритади.

7-боб. Лицензия битими талабларига риоя этилишини назорат қилиш

35. Лицензия битими талабларига риоя этилиши юзасидан назорат қонун ҳужжатларида белгиланган тартибда лицензияловчи орган томонидан амалга оширилади.

36. Лицензияловчи орган ўз ваколатлари доирасида қуйидаги ҳуқуқларга эга:

лицензиат томонидан лицензия талаблари ва шартларига риоя этилишини белгиланган тартибда режали текшириш;

лицензия талаблари ва шартларига лицензиат томонидан риоя этилиши юзасидан қисқа муддатли текширишларни жисмоний ва юридик шахсларнинг қонун ҳужжатлари бузилганлиги фактлари тўғрисидаги мурожаатлари асосида махсус ваколатли органнинг — Ўзбекистон Республикаси назорат органлари фаолиятини мувофиқлаштирувчи республика кенгашининг қарорига кўра қонун ҳужжатларида белгиланган тартибда ўтказиш;

лицензиатдан зарур ахборотни белгиланган тартибда сўраш ва олиш;

текширишлар натижалари асосида, лицензиат томонидан лицензия талаблари ва шартларининг аниқ бузилишларини кўрсатган ҳолда далолатномалар (маълумотномалар) тузиш;

лицензиатга аниқланган бузилишларни бартараф этишни юқловчи қарорлар чиқариш ва лицензиат аниқланган бундай бузилишларни бартараф этиши шарт бўлган муддатларни белгилаш;

лицензияларнинг амал қилишини тўхтатиб туриш, тўхтатиш ёки уни бекор қилиш тўғрисида қонун ҳужжатларида белгиланган тартибда қарор чиқариш ёки судга мурожаат қилиш;

хўжалик юритувчи субъектлар томонидан фармацевтика фаолияти лицензиясиз амалга оширилишининг аниқланган ҳолатлари тўғрисидаги материалларни қонун ҳужжатларида назарда тутилган чораларни кўриш учун белгиланган тартибда солиқ органларига юбориш.

37. Лицензия талаблари ва шартларига риоя этилишини текширишда лицензияловчи органнинг текширувчи ходимлари томонидан икки нусхада далолатнома тузилади, уларнинг биттаси лицензиатга берилади, иккинчи нусхаси лицензияловчи органда қолади.

8-боб. Лицензиянинг амал қилишини тўхтатиб туриш, тўхтатиш ва лицензияни бекор қилиш

38. Лицензиянинг амал қилишини тўхтатиб туриш ва тўхтатиш, уни бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 22, 23 ва 24-моддаларида назарда тутилган ҳолларда ва тартибда амалга оширилади.

Тўхтатиб турилган, бекор қилинган, шунингдек амал қилиши тўхтатилган лицензиялар тўғрисидаги маълумотлар лицензияловчи орган томонидан тегишли ахборот ресурсларига киритилади.

39. Лицензиянинг амал қилишини белгиланган тартибда тўхтатишга олиб келувчи лицензия талаби ва шартларининг қўпол равишда бузилишлари қуйидагилардан иборат:

лицензия талаблари ва шартларини, жумладан дори воситалари ва тиббий буюмларнинг нархини белгилаш бўйича тартибнинг мунтазам (бир йил давомида икки ва ундан ортиқ марта) бузилиши;

дори воситаларини ва тиббий буюмларни мувофиқлик сертификатисиз сақлаш ва (ёки) реализация қилиш;

рўйхатдан ўтказилмаган, сифатсиз, қалбакилаштирилган дори воситаларини ва тиббий буюмларни, шунингдек Ўзбекистон Республикасида рўйхатдан ўтказилган дори воситаларининг ғайриқонуний нусхаларини ишлаб чиқариш ва (ёки) реализация қилиш;

дори воситаларини ва тиббий буюмларни улгуржи реализация қилувчи ташкилотлар томонидан рўйхатдан ўтказилмаган, сифатсиз, қалбакилаштирилган дори воситаларини ва тиббий буюмларни, шунингдек Ўзбекистон Республикасида рўйхатдан ўтказилган дори воситаларининг ғайриқонуний нусхаларини сақлаш ва (ёки) реализация қилиш;

дори воситаларини ва тиббий буюмларни улгуржи реализация қилувчи ташкилот омборхонасига фармацевтик маълумотга эга бўлмаган шахснинг мудирлик қилиши;

лицензия фаолияти лицензия битимида кўрсатилмаган манзилда амалга оширилиши.

40. Лицензияловчи органнинг лицензиянинг амал қилишини тўхтатиб туриш, тўхтатиш, лицензияни бекор қилиш тўғрисидаги қарори юзасидан судга шикоят қилиниши мумкин. Лицензияловчи орган қарорининг асоссиз эканлиги суд томонидан эътироф этилган тақдирда, лицензияловчи орган лицензиат олдида унинг кўрган зарари миқдорида жавоб беради.

9-боб. Лицензиялар реестри

41. Лицензияловчи орган «Лицензия» ахборот тизими комплексида лицензиялар реестрини юритади.

42. Лицензиялар реестрида қуйидагилар кўрсатилиши керак:

а) лицензиатлар тўғрисидаги асосий маълумотлар, улар қуйидагиларни ўз ичига олади:

юридик шахслар учун — ташкилотнинг номи ва солиқ тўловчининг идентификация рақами, ташкилий ҳуқуқий шакли, ташкилот раҳбарининг фамилияси, исми, отасининг исми;

жисмоний шахслар учун — лицензиатнинг фамилияси, исми, отасининг исми, унинг паспортига оид маълумотлари, уй манзили, телефони;

б) лицензияланадиган фармацевтика фаолияти йўналиши (унинг бир қисми) амалга ошириладиган манзил, иш телефони, факс;

в) лицензияларнинг берилган санаси ва тартиб рақами;

г) лицензияларнинг амал қилиш муддати;

д) фармацевтика фаолиятининг лицензияланадиган йўналиши (унинг бир қисми);

е) лицензияларни қайта расмийлаштириш, амал қилиш муддатини узайтириш, тўхтатиб туриш ва тиклашнинг асоси ва санаси;

ж) лицензияларнинг амал қилиши тўхтатилишининг асоси ва санаси;

з) лицензияларни бекор қилишнинг асоси ва санаси.

Лицензияларнинг реестрларида мавжуд бўлган маълумотлар лицензияловчи органнинг «Лицензия» ахборот тизимлари комплексидаги веб-сайтида жойлаштирилади ва танишиш учун очиқ бўлади.

10-боб. Лицензия берилганлиги учун давлат божи

43. Фармацевтика фаолиятига лицензия берилганлиги ёки унинг амал қилиш муддати узайтирилганлиги учун энг кам ойлик иш ҳақининг ўн баравари миқдорида давлат божи ундирилади.

44. Тўланган давлат божлари қуйидаги тартибда тақсимланади:

Мурожаат шаклидан қатъи назар (электрон шаклда ёки ўзи келган ҳолда) — 20 фоиз миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига;

электрон шаклдаги мурожаатда — 10 фоизи лицензия берувчи органнинг ҳисоб рақамига ўтказилади;

қолган маблағлар республика бюджетига йўналтирилади.

11-боб. Яқунловчи қоида

45. Мазкур Низом талабларини бузилишида айбдор бўлган шахслар қонун ҳужжатларига мувофиқ жавоб беради.

1.18. Дори воситалари ва тиббий буюмларни чакана реализация қилишни лицензиялаш бўйича давлат хизмати

Дори воситалари ва тиббий буюмларни чакана реализация қилишни лицензиялаш тартиби тўғрисида

НИЗОМ

*(Вазирлар Маҳкамасининг 2017 йил 12 майдаги
284-сонли қарори билан тасдиқланган)*

1-боб. Умумий қоидалар

1. Ушбу Низом дори воситалари ва тиббий буюмларни чакана реализация қилишни лицензиялаш тартибини белгилайди.

2. Дори воситалари ва тиббий буюмларни чакана реализация қилишни лицензиялаш Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари (кейинги ўринларда — лицензияловчи орган деб аталади) томонидан лицензия талабгорининг давлат рўйхатидан ўтган манзили бўйича амалга оширилади.

Дори воситалари ва тиббий буюмларни чакана реализация қилишни лицензиялаш ушбу Низомга 1-иловадаги схемага мувофиқ амалга оширилади.

3. Дори воситалари ва тиббий буюмларни чакана реализация қилишни лицензиялаш Давлат хизматлари марказлари (кейинги ўринларда марказ деб аталади) ёки Ўзбекистон Республикаси интерактив давлат хизматлари кўрсатиш ягона портали (кейинги ўринларда Ягона портал деб аталади) орқали амалга оширилади.

4. Дори воситалари ва тиббий буюмларни чакана реализация қилиш фақат дорихоналар ва уларнинг филиаллари орқали амалга оширилади.

5. Дори воситалари ва тиббий буюмларни чакана реализация қилиш учун намунавий (оддий) лицензиялар берилади.

6. Дори воситалари ва тиббий буюмларни чакана реализация қилиш учун лицензия (кейинги ўринларда лицензия деб аталади) беш йил муддатга берилади.

Лицензия беш йилдан кам муддатга фақат лицензия талабгорининг аризасига биноан берилиши мумкин.

7. Дори воситалари ва тиббий буюмларни чакана реализация қилиш учун лицензия олиш фармацевтика фаолиятининг бошқа қисмларига лицензия олиш ҳуқуқини чекламайди.

Лицензияни ёки унга доир ҳуқуқларни бошқа шахсларга бериш тақиқланади.

2-боб. Лицензия талаблари ва шартлари

8. Дори воситалари ва тиббий буюмларни чакана реализация қилишда қуйидагилар лицензия талаблари ва шартлари ҳисобланади:

а) дори воситалари ва фармацевтика фаолияти тўғрисидаги қонун ҳужжатларига, шунингдек дори воситалари ва тиббий буюмлар муомаласини техник жиҳатдан тартибга солиш соҳасидаги норматив ҳужжатлар талабларига мажбурий риоя этиш;

б) юридик шахс штатида камида бир ходим — олий фармацевтик маълумотга эга бўлган, қонун ҳужжатларининг аниқланган бузилиши, шу жумладан дори воситалари ва тиббий буюмларнинг нархини белгилаш тартиби қўпол бузилганлиги оқибатида лицензиясининг амал қилиши тўхтатилган дорихоналарнинг ходимлари реестрига (кейинги ўринларда ходимлар реестри деб аталади) киритилмаган дорихона мудирининг мавжудлиги;

в) лицензиат томонидан дорихона филиали очилишида — юридик шахс штатида камида бир ходим — олий фармацевтик маълумотга ёки фармацевт ассистенти

(ёрдамчиси) ихтисослиги бўйича ўрта махсус касбий маълумотга эга бўлган дорихона филиали мудирининг мавжудлиги;

г) ходимлар реестрига киритилмаган шахслардан дорихона ва дорихона филиали ходимлари таркибини шакллантириш;

д) белгиланган тартибда дорихона ва/ёки дорихона филиали мудир малакасини ошириш;

е) дори воситалари ва тиббий буюмларни чакана сотиш учун мўлжалланган, ўзига мулк ҳуқуқи билан ёки бошқа қонуний асосда тегишли бўлган, мазкур Низомга 2-иловада назарда тутилган талабларга мувофиқ ҳамда қонун ҳужжатларининг аниқланган бузилиши, шу жумладан дори воситалари ва тиббиёт буюмларининг нархини белгилаш тартиби қўпол бузилганлиги оқибатида лицензиясининг амал қилиши тўхтатилган дорихона, дорихона филиалининг манзиллари реестрига киритилмаган бино (хоналар)нинг мавжудлиги;

ж) мазкур Низомга 2-иловада белгиланган талабларга мувофиқ моддий-техник базанинг мавжудлиги;

з) дорихона мудир ўзгариши, дорихона филиали мудир ўзгариши, дорихона филиали ёпилиши ҳақида мазкур ҳолат юз бергандан сўнг ўн кун муддатда лицензияловчи органга мазкур Низомга 3-иловада келтирилган шакл бўйича тузилган ёзма равишда хабарнома тақдим этиш;

и) мазкур Низомда белгиланган ҳолатлар, муддатлар ва миқдорларда йиғим ва давлат божларини тўлаш.

3-боб. Лицензия олиш учун зарур бўлган ҳужжатлар

9. Лицензия олиш учун лицензия талабгори бевосита марказга ўзи келиб ёки Ягона портал орқали электрон тарзда қуйидаги ҳужжатларни тақдим этади:

мазкур Низомга 4-иловада келтирилган шакл бўйича лицензия бериш тўғрисида ариза (кейинги ўринларда ариза деб аталади);

лицензия бериш тўғрисидаги ариза кўриб чиқилганлиги учун йиғим тўланганлигини тасдиқлайдиган маълумотлар.

Лицензия бериш тўғрисидаги аризада лицензия талабгорининг электрон манзили кўрсатилганлиги унинг аризаси бўйича қабул қилинган қарор ҳақида Ягона портал орқали электрон шаклда хабарнома олишга бўлган розилиги ҳисобланади.

10. Лицензия талабгоридан ушбу Низомнинг 9-бандида назарда тутилмаган бошқа ҳужжатлар ва маълумотларни тақдим этишни талаб қилишга йўл қўйилмайди.

11. Қорақалпоғистон Республикаси Соғлиқни сақлаш вазирлиги, вилоятлар соғлиқни сақлаш бошқармалари ва Тошкент шаҳри Соғлиқни сақлаш бош бошқармаси тегишли ҳудудий комиссияларнинг ишчи органи (кейинги ўринларда — ишчи орган деб аталади) ҳисобланади.

Ишчи орган лицензия бериш учун бошқа ваколатли органларда мавжуд бўлган зарур ҳужжатлар ва маълумотларни Ўзбекистон Республикаси Вазирлар Маҳкамаси томонидан белгиланган фармацевтика фаолиятини лицензиялашда электрон ахборот алмашинув схемасига мувофиқ мустақил олади.

12. Бевосита мурожаат этилган ҳолатларда марказ ходими лицензияловчи орган томонидан белгиланган тартибда тасдиқланган давлат хизмати паспортига мувофиқ ариза тўлиқ тўлдирилганлигини текширади.

Ариза рўйхатга олингандан сўнг марказ ходими лицензия талабгорига қайд этиш рақамини кўрсатган ҳолда ариза қабул қилинганлиги ҳақида ёзма маълумот беради ёки ариза нусхасига тегишли белгини қайд этади.

13. Марказ ходими ўзи келганида ариза қабул қилинган кунда, аризада қайд этилган маълумотларни махсус шаклга тушириб, Ягона портал орқали тегишли лицензияловчи ҳамда ишчи органга юборади.

14. Лицензия талабгори ўзи яшамайдиган жойдан бошқа жойдаги марказга ўзи келиб мурожаат қилган ҳолларда ариза марказ томонидан тегишлича ишчи органга Ягона портал орқали юборилади.

Лицензия талабгори аризани марказга электрон сақловчида тақдим этган тақдирда марказ ходими марказнинг ўзига ўзи хизмат қилиш учун ажратилган хонасида ариза Ягона портал орқали жўнатилишида ёрдам беради.

15. Ягона портал орқали жўнатиш ариза ноёб рўйхатга олиш рақами берилган ҳолда автоматик равишда рўйхатга олинади.

4-боб. Аризани кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

16. Лицензия бериш тўғрисидаги ариза кўриб чиқилганлиги учун лицензия талабгоридан ариза тақдим этилган кунда қонун ҳужжатларида белгиланган энг кам ойлик иш ҳақининг икки баравари миқдорида йиғим ундирилади. Дорихоналар филиали очилиши билан бир вақтда лицензия бериш тўғрисида ариза берилган тақдирда белгиланган йиғим ҳар бир филиал учун ундирилади.

17. Лицензия бериш ҳақидаги ариза талабгор томонидан Ягона портал орқали берилган тақдирда, аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун тўланадиган йиғимнинг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

Лицензия талабгори берилган аризани рад этган тақдирда тўланган йиғим суммаси қайтариб берилмайди.

18. Лицензия бериш ёки лицензия беришни рад этиш тўғрисидаги қарор лицензия талабгорининг аризаси олинган кундан бошлаб ўн беш кундан ортиқ бўлмаган муддатда қабул қилинади.

19. Лицензия бериш тўғрисидаги ҳужжатларни кўриб чиқиш, улар юзасидан хулосалар тайёрлаш учун лицензияловчи органда дори воситалари ва тиббий буюмларни чакана реализация қилиш учун лицензия бериш бўйича ҳудудий комиссиялар (кейинги ўринларда ҳудудий комиссия деб аталади) ташкил этилади.

Ҳудудий комиссия тўғрисидаги низом ва унинг намунавий таркиби Ўзбекистон Республикаси Вазирлар Маҳкамаси томонидан белгиланади.

20. Ариза марказга тақдим этилган санадан бошлаб ишчи орган:

икки кун мобайнида муддатда лицензия талабгорининг лицензия талаб ва шартларига мувофиқлигини мазкур Низомга 5-иловадаги шакл бўйича жойига чиқиб ўрганиш ўтказувчи ишчи органнинг ваколатли вакили фамилияси, исми ва отасининг исмининг бош ҳарфлари, ўрганиш ўтказиш санаси ва вақти ҳақида марказни Ягона портал орқали ёзма равишда хабардор қилиши шарт. Бунда марказ ходими зудлик билан лицензия талабгорини ўрганиш ўтказиш санаси ва вақти, шунингдек ваколатли вакил ҳақида хабардор қилади;

етти кун мобайнида ҳужжатларни кўриб чиқади ва ваколатли ходимнинг ўз вақтида жойига чиқиб ўрганишини таъминлайди. Ваколатли вакил лицензия талабгорига ўз хизмат гувоҳномасини кўрсатиб, лицензия талаблари ва шартларига мувофиқлигини ўрганиш тартибини унга тушунтиради. Ваколатли вакил ўрганиш ишларини бир иш куни давомида тугатиши шарт;

ўн кун мобайнида лицензия талабгорининг мазкур Низомнинг 8-бандида қайд этилган лицензия талаблари ва шартларига мувофиқлиги ёки мувофиқ эмаслигини

кўрсатган ҳолда, лицензиянинг талаб ва шартларига мослигини ўрганиш бўйича хулосани, шунингдек ҳудудий комиссия йиғилиши баённомаси лойиҳасини ҳудудий комиссияга тақдим этади.

Ваколатли вакиллар сифатида юқори малакага эга тегишли ихтисослик мутахассислари ҳамда санитария-эпидемиология назорати органларининг мутахассислари жалб қилиниши керак.

Ҳудудий комиссия ишчи орган томонидан Низомнинг мазкур бандида белгиланган муддатларга қатъий риоя этилишини таъминлайди.

21. Лицензияловчи орган лицензия талабгори томонидан тақдим этилган ҳужжатларни кўриб чиқиш учун шартнома асосида ишчи органнинг ваколатли вакиллари жалб қилиш ҳуқуқига эга.

22. Ҳудудий комиссия, унга ишчи органнинг хулосаси тақдим этилган кундан эътиборан икки иш куни мобайнида ишчи органнинг хулосасини кўриб чиқиб, имзоланган баённомани лицензияловчи органга киритади.

23. Лицензияловчи орган ҳудудий комиссия баённомани имзолаган кунда, лицензия бериш ёки лицензия беришни рад этиш тўғрисидаги қарорни кўрсатган ҳолда, уни тасдиқлайди.

Ҳудудий комиссия томонидан тасдиқланган баённома лицензияловчи органнинг лицензия бериш ёки лицензия беришни рад этиш тўғрисидаги қарори ҳисобланади.

24. Ҳудудий комиссия лицензияловчи орган томонидан лицензия бериш ёки лицензия беришни рад этиш тўғрисида қарор қабул қилинганидан сўнг икки иш куни мобайнида қабул қилинган қарор ҳақидаги хабарномани Ягона портал орқали:

белгиланган тартибда лицензия талабгорига юбориш (топшириш) учун марказга; тегишли ҳисобни юритиш учун тегишли ишчи органга юборади.

25. Қуйидагиларда:

Лицензия беришга қарор қилинганлиги тўғрисидаги хабарномада лицензия банк ҳисоб рақами реквизитлари ва лицензия берилганлиги учун давлат божи тўлаш муддатлари кўрсатилган бўлиши керак.

Лицензия бериш рад этилгани тўғрисидаги хабарномада рад этишнинг сабаблари, қонунчиликнинг аниқ нормалари ва лицензия талабгори кўрсатиб ўтилган сабабларни бартараф этиб ҳужжатларни такроран кўриб чиқишга тақдим этиши учун етарли бўлган муддат кўрсатилган бўлиши керак.

Лицензия беришни рад этиш ҳақидаги хабарномада кўрсатилган муддат камчиликларни бартараф этиш ва ҳужжатларни қайта кўриб чиқиш учун зарур бўлган вақтга мутаносиб бўлиши керак.

26. Лицензиялар ишчи орган томонидан расмийлаштирилиб, лицензияловчи орган раҳбари ёки у йўқлигида унинг ўринбосари томонидан имзоланади ва белгиланган тартибда лицензия талабгори томонидан давлат божи тўланганлигини тасдиқловчи ҳужжат тақдим этилгандан сўнг уч кун муддатда берилади.

Лицензия талабгори мазкур Низомга 4-илованинг XI бўлимида қайд этилган лицензия талаб ва шартларига риоя этишини тегишли белгиларни қўйиш орқали тасдиқлаган тақдирда, лицензия битимини имзолаш талаб этилмайди.

27. Лицензия махсус бланкаларда расмийлаштирилади.

Лицензия бланкаси намунаси мазкур Низомга 6-иловада кўзда тутилган намунавий шакл асосида лицензияловчи орган томонидан тасдиқланади.

Лицензиялар бланкалари қатъий ҳисобда турадиган ҳужжатлар ҳисобланади, ҳисобга олиш сериясига, тартиб рақамига ва ҳимояланганлик даражасига эга бўлади. Лицензиялар бланкалари лицензияловчи орган буюртманомасига биноан «Давлат белгиси» давлат-ишлаб чиқариш бирлашмаси томонидан босмаҳона усулида тайёрланади. Лицензиялар бланкаларининг ҳисобга олиниши, сақланиши ва улардан мақсадли фойдаланилиши, шунингдек берилган, тўхтатиб турилган, қайта тикланган, қайта

расмийлаштирилган, бекор қилинган ва амал қилиши тугатилган лицензиялар ҳақидаги маълумотлар ишончли ва ўз вақтида тегишли ахборот ресурсларига киритиш учун лицензияловчи орган раҳбари жавоб беради.

28. Агар лицензиат лицензия бериш тўғрисида қарор қабул қилинганлиги ҳақидаги хабарнома юборилган (топширилган) вақтдан бошлаб уч ой мобайнида лицензияловчи органга лицензия берилганлиги учун давлат божи тўламаса, лицензияловчи орган лицензияни бекор қилиш тўғрисида қарор қабул қилишга ҳақлидир.

29. Лицензия бериш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 17-моддасида белгиланган асослар бўйича рад этилиши мумкин.

Лицензия талабгори лицензияловчи органнинг лицензия беришни рад этиш тўғрисидаги қарори, шунингдек лицензияловчи орган мансабдор шахсининг хатти-ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эга.

30. Лицензия беришнинг рад этилишига асос бўлган сабаблар лицензия талабгори томонидан белгиланган муддатда бартараф этилган тақдирда, лицензияловчи орган томонидан ҳужжатларни такроран кўриб чиқиш ҳамда лицензия бериш ёки лицензия беришни рад этиш, лицензия талабгорининг рад этилишига сабаб бўлган ҳолатларни бартараф этганлиги тўғрисидаги аризаси уни тасдиқловчи барча зарур ҳужжатлар билан биргаликда олинган кундан бошлаб ўн кундан ортиқ бўлмаган муддатда амалга оширилади. Лицензия талабгорининг аризаси қайта кўриб чиқилганлиги учун йиғим ундирилмайди.

Лицензия талабгорининг аризаси такроран кўриб чиқишда илгари юборилган лицензия беришни рад этиш тўғрисидаги хабарномада қайд этилмаган янги асослар билан лицензия беришни рад этишга йўл қўйилмайди.

Лицензия талабгори томонидан лицензия беришни рад этиш тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади ва лицензияловчи орган томонидан умумий асосларда кўриб чиқилади.

Лицензия беришнинг рад этилишига асос бўлган сабаблар лицензия талабгори томонидан бартараф этилганлиги тўғрисидаги ариза ва уни тасдиқловчи тегишли ҳужжатлар мазкур Низомнинг 3-бобида назарда тутилган тартибда тақдим этилади. Бунда ишчи органнинг мазкур Низомнинг 20-бандида белгиланган тартибда амалга ошириши лозим бўлган ҳаракатлари муддати беш кундан ошиб кетмаслиги лозим.

31. Ишчи орган дорихона мудир, дорихона филиали мудир ўзгарганлиги тўғрисидаги хабарномани олган кундан эътиборан бир ой муддатда тақдим этилган маълумотларнинг тўғрилигини текширади ва улар мазкур Низомнинг 8-банди «в», «г», «д» ва «е» кичик бандларида белгиланган лицензия талаб ва шартларига мувофиқ эканлиги аниқланган тақдирда реестрга тегишли ўзгартиришларни киритади.

5-боб. Дорихонанинг филиалини очиш тартиби

32. Лицензиат томонидан дори воситалари ва тиббий буюмларни чакана реализация қилиш билан шуғулланиш учун берилган лицензия доирасида дорихона филиали очилган тақдирда лицензиат лицензияловчи органга мазкур Низомнинг 9-бандида белгиланган тартибда тегишли ариза билан мурожаат қилади.

33. Дори воситалари ва тиббий буюмларни чакана реализация қилиш билан шуғулланиш учун берилган лицензия доирасида дорихона филиали очилган тақдирда дорихона майдони, филиали мавжуд бўлган дорихоналарга қўйиладиган санитария-эпидемиологик меъёрларга мос бўлиши керак.

34. Ариза кўриб чиқилганлиги учун лицензиатдан энг кам ойлик иш ҳақининг икки баравари миқдорида йиғим ундирилади.

Ариза кўриб чиқилганлиги учун йиғим дори воситалари ва тиббий буюмларини чакана реализация қилиш билан шуғулланувчи очиладиган филиаллар сони баробаридаги миқдорда ундирилади.

Лицензиатнинг лицензия бериш тўғрисидаги аризаси Ягона портал орқали тақдим этилганда, аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун белгиланган йиғимнинг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

35. Аризани кўриб чиқиш мазкур Низомнинг 4-бобида белгиланган тартибда амалга оширилади.

36. Дорихона филиали учун лицензия қуйидаги қўшимча талабларни назарда тутган ҳолда, мазкур Низомнинг 27-бандига мувофиқ расмийлаштирилади:

«тире» белгиси орқали лицензиатга дори воситалари ва тиббий буюмларни чакана реализация қилиш билан шуғулланиш учун берилган лицензия рўйхат рақами ҳамда очилаётган филиал тартиб рақамини кўрсатиш;

дори воситалари ва тиббий буюмларни чакана реализация қилиш амалга ошириладиган филиал манзилини кўрсатиш.

37. Дорихона филиали учун лицензия беришда давлат божи ундириш талаб этилмайди.

6-боб. Лицензияни қайта расмийлаштириш, унинг амал қилиш муддатини узайтириш, дубликат бериш

38. Лицензиат қайта ташкил этилган, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтказилгандан кейин бир ой муддатда мазкур Низомнинг 9-бандида белгиланган тартибда лицензияни қайта расмийлаштириш тўғрисида ариза бериши шарт.

Янгидан юзага келган юридик шахсни давлат рўйхатидан ўтказиш санасида фаолиятнинг айна бир лицензияланадиган турини (унинг қисмини) амалга ошириш учун лицензияга эга юридик шахслар бўлмиш лицензиатлар қўшиб юборилган тақдирда, мазкур Низомнинг 9-бандида белгиланган тартибда лицензияни қайта расмийлаштиришга йўл қўйилади.

Лицензиянинг амал қилиши лицензияланадиган фаолият турининг бир қисми (қисмлари) учун тугатилган тақдирда, лицензия қайта расмийлаштирилади.

Мазкур Низомнинг 27-бандига мувофиқ равишда расмийлаштирилган лицензия лицензиат томонидан марказга бевосита тақдим этилади. Марказ ходими лицензияни олган кундан эътиборан уч кун муддатда уни лицензияловчи органга тақдим этади.

Ишчи орган кўрсатиб ўтилган маълумотларни тасдиқловчи тегишли ҳужжатларни қонун ҳужжатларига мувофиқ тадбиркорлик субъектларини давлат рўйхатига олиш ва ҳисобга қўйишнинг автоматлаштирилган тизими орқали олади.

39. Лицензиат лицензия қайта расмийлаштирилгунига қадар унда кўрсатилган фаолиятни илгари берилган лицензия асосида амалга оширади.

40. Лицензияни қайта расмийлаштиришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади. Лицензияни қайта расмийлаштириш тўғрисидаги ариза Ягона портал орқали тақдим этилганда аризани кўриб чиқиш йиғим суммасининг 20 фоизи миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг

бюджетдан ташқари шахсий ҳисоб рақамига, қолган қисми лицензия берувчи органнинг ҳисоб рақамига ўтказилади.

Марказга ўзи келиб мурожаат қилинган тақдирда лицензия бериш тўғрисидаги аризани кўриб чиқиш учун белгиланган йиғимнинг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

41. Лицензияни қайта расмийлаштириш лицензияни қайта расмийлаштириш тўғрисидаги ариза марказ олган кундан ёки Ягона портал орқали лицензияловчи орган томонидан олинган кундан бошлаб беш кун мобайнида амалга оширилади.

42. Лицензияловчи орган лицензияни қайта расмийлаштириш тўғрисидаги аризани кўриб чиқиб, лицензияни мазкур Низомнинг 27-бандига мувофиқ расмийлаштирилади.

Лицензияни қайта расмийлаштириш жараёнида лицензияловчи орган лицензиялар реестрига тегишли ўзгартиришларни электрон тарзда киритади.

Лицензияни қайта расмийлаштиришда илгари берилган лицензиянинг амал қилиш муддати ўзгармайди.

43. Лицензия йўқотиб қўйилган ёки у яроқсиз ҳолга келиб қолган тақдирда дубликат берилади. Дубликат олиш учун лицензиат ариза билан марказга ўзи келиб ёки Ягона портал орқали лицензияловчи органга ариза ва лицензия йўқотиб қўйилганлигини тасдиқловчи ҳужжат билан мурожаат қилади.

Лицензия дубликати беришда лицензия берганлик учун назарда тутилган йиғим суммасининг ярми миқдорида тўлов ундирилади.

44. Лицензиянинг амал қилиш муддати лицензиатнинг аризасига биноан узайтирилиши мумкин. Лицензиянинг амал қилиш муддатини узайтириш мазкур Низомнинг 2, 3 ва 4-бобларида назарда тутилган тартибда амалга оширилади.

Лицензиянинг амал қилиш муддатини узайтириш тўғрисидаги ариза органга мазкур Низомнинг 9-бандига мувофиқ лицензиянинг амал қилиш муддати тугагунга қадар икки ойдан кечикмасдан берилиши керак. Лицензиянинг амал қилиш муддатини узайтириш лицензия олиш учун назарда тутилган тартибда амалга оширилади.

7-боб. Лицензия талаблари ва шартларига риоя этилишини назорат қилиш

45. Лицензия талаблари ва шартларига риоя этилиши юзасидан назорат қонун ҳужжатларида белгиланган тартибда лицензияловчи орган томонидан амалга оширилади.

46. Лицензия талаблари ва шартларига риоя этилиши юзасидан назоратни амалга оширишда лицензияловчи орган ўз ваколатлари доирасида қуйидаги ҳуқуқларга эга:

лицензиат томонидан лицензия талаблари ва шартларига риоя этилишини қонун ҳужжатларида белгиланган тартибда режали текшириш;

қонун ҳужжатларида белгиланган тартибда жисмоний ва юридик шахсларнинг қонун ҳужжатлари бузилганлиги ҳолатлари бўйича берган мурожаатлари асосида махсус ваколатли орган — Назорат қилувчи органлар фаолиятини мувофиқлаштирувчи Республика кенгаши қарори бўйича лицензиат томонидан лицензия талаблари ва шартларига риоя этилишининг текширишларини ўтказиш;

лицензия талаблари ва шартларига риоя этилиши юзасидан текшириш ўтказишда тегишли ихтисослик бўйича мутахассисларни жалб қилиш;

лицензия талаблари ва шартларига риоя этилишини текширишда пайдо бўладиган масалалар бўйича лицензиатдан зарур ахборотни сўраш ва олиш;

текширишлар натижалари асосида, лицензиат томонидан лицензия талаблари ва шартларининг аниқ бузилишларини кўрсатган ҳолда далолатномалар (маълумотномалар) тузиш;

лицензиатга аниқланган бузилишларни бартараф этишни юқловчи қарорлар чиқариш ва лицензиат аниқланган бундай бузилишларни бартараф этиши шарт бўлган муддатларни белгилаш;

лицензияларнинг амал қилишини тўхтатиб туриш, тўхтатиш ёки бекор қилиш тўғрисида қонун ҳужжатларида белгиланган тартибда қарор чиқариш ёки судга мурожаат қилиш;

Ўзбекистон Республикаси Бош прокуратураси ҳузуридаги Солиқ, валютага оид жинойтларга ва жиноий даромадларни легаллаштиришга қарши курашиш департаменти томонидан тақдим этилган тегишли материаллар, шу жумладан текшириш учун харид қилиш ва назорат остида олиш бўйича материаллар асосида, шунингдек, Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитаси ва унинг ҳудудий бўлинмаларининг текширув ҳужжатлари асосида дори воситалари ва тиббий буюмларга нарх белгилаш тартиби қўпол равишда бузилганлиги учун дорихона, дорихона филиалига берилган лицензиянинг амал қилишини тўхтатиш тўғрисида белгиланган тартибда қарор чиқариш;

47. Лицензия талаблари ва шартларига риоя этилишини текширишда лицензияловчи органнинг текширувчи ходимлари томонидан икки нусхада далолатнома тузилади, уларнинг биттаси лицензиатга берилади, иккинчи нусхаси лицензияловчи органда қолади.

8-боб. Лицензиянинг амал қилишини тўхтатиб туриш, тўхтатиш ва бекор қилиш

48. Лицензиянинг амал қилишини тўхтатиб туриш, тўхтатиш ва бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 22, 23 ва 24-моддаларида назарда тутилган ҳолларда ва тартибда амалга оширилади.

Амал қилиши тўхтатиб турилган, тўхтатилган ва бекор қилинган лицензиялар ҳақидаги маълумотлар лицензияловчи орган томонидан тегишли ахборот ресурсларига киритилади.

49. Лицензиянинг амал қилиши белгиланган тартибда тўхтатилишига олиб келадиган, лицензия талаблари ва шартларини қўпол равишда бузилиши ҳолатлари қуйидагиларни ўз ичига олади:

мунтазам равишда (бир йил давомида икки ва ундан ортиқ марта) лицензия талаблари ва шартлари, шу жумладан дори воситалари ва тиббий буюмларига нарх белгилаш тартиби бузилиши;

дори воситалари ва тиббий буюмларни мувофиқлик сертификатларисиз сақлаш ва (ёки) реализация қилиш;

Ўзбекистон Республикасида рўйхатдан ўтказилмаган, сифатсиз, қалбакилаштирилган дори воситаларини ва тиббий буюмларни, шунингдек Ўзбекистон Республикасида рўйхатдан ўтказилган дори воситаларининг ғайриқонуний нусхаларини сақлаш ва (ёки) реализация қилиш;

дори воситалари ва тиббий буюмларнинг фармацевтик маълумотга эга бўлмаган шахс томонидан реализация қилиниши;

дорихонага олий фармацевтик маълумотга эга бўлмаган шахс, дорихона филиалига фармацевтик маълумотга эга бўлмаган шахснинг мудирлик қилиши;

дорихона филиали томонидан лицензияланадиган фаолият лицензиясиз амалга оширилиши.

50. Лицензияловчи органнинг лицензиянинг амал қилишини тўхтатиб туриш, тўхтатиш ва бекор қилиш тўғрисидаги қарори юзасидан судга шикоят қилиниши мумкин. Лицензияловчи орган қарорининг асоссиз эканлиги суд томонидан эътироф этилган тақдирда, лицензияловчи орган лицензиат олдида унинг кўрган зарари миқдорида жавоб беради.

9-боб. Лицензиялар реестри

51. Лицензияловчи орган «Лицензия» ахборот тизими комплекси орқали лицензиялар реестрини юритади.

52. Лицензиялар реестрида қуйидагилар кўрсатилиши керак:

а) лицензиатлар тўғрисидаги ташкилотнинг номи ва солиқ тўловчининг идентификация рақами, ташкилий-ҳуқуқий шакли, ташкилот раҳбарининг фамилияси, исми, отасининг исмини (мавжуд бўлган ҳолда) ўз ичига оладиган асосий маълумотлар;

б) дорихона мудир, дорихона филиали мудир ҳақидаги маълумотлар: фамилияси, исми, отасининг исми (мавжуд бўлган ҳолда);

паспортга оид маълумотлар (серияси, рўйхат рақами, берилган вақти, паспортни берган органнинг номи);

дорихона мудир учун — олий фармацевтик маълумот ҳақидаги дипломи маълумотлари (серияси, рўйхат рақами, берилган санаси, ким томонидан берилган), фармацевти ассистенти (ёрдамчиси)нинг ўрта махсус маълумот ҳақидаги дипломи маълумотлари;

мутахассислик номи;

в) лицензияланадиган фаолият тури амалга ошириладиган манзил (манзиллар), иш телефони, факс;

г) лицензия берилган сана ва тартиб рақами;

д) лицензиянинг амал қилиш муддати;

е) лицензияланадиган фаолият тури;

ж) лицензияни қайта расмийлаштириш, амал қилиш муддатини узайтириш, унинг амал қилиш муддатини тўхтатиб туриш ва тиклашнинг асослари ва санаси;

з) лицензиянинг амал қилишини тўхтатишнинг асослари ва санаси;

и) лицензияни бекор қилишнинг асослари ва санаси.

53. Лицензияловчи орган лицензиялар реестрини юритиш ваколатини ишчи органга бериш ҳуқуқига эга.

54. Лицензияларнинг реестрларида мавжуд бўлган маълумотлар лицензияловчи органнинг веб-сайтида «Лицензия» ахборот тизими комплексида жойлаштирилади ва танишиш учун очиқ бўлади.

10-боб. Манзиллар ва ходимлар реестри

55. Лицензияловчи орган қонун ҳужжатлари талаблари бузилганлиги, шу жумладан дори воситалари ва тиббий буюмларнинг нархини белгилаш тартиби қўпол равишда бузилганлиги оқибатида лицензиянинг амал қилиши тўхтатилган дорихона, дорихона филиалининг манзиллари реестри ва ходимлари реестрини шакллантиради.

56. Лицензияловчи орган қонун ҳужжатлари бузилганлиги, шу жумладан дори воситалари ва тиббий буюмларнинг нархини белгилаш тартиби қўпол равишда бузилганлиги оқибатида лицензиясининг амал қилиши тўхтатилганлиги тўғрисидаги суднинг қарорини олган кундан эътиборан бир кун муддатда қонун ҳужжатларига риоя этилиши юзасидан тузилган текширув далолатномаси асосида манзиллар реестри ва ходимлар реестрига дорихона ва дорихона филиаллари манзиллари ва ходимлари ҳақидаги маълумотларни киритади.

57. Манзиллар реестри ва ходимлар реестри лицензиялар реестрининг бир қисми ҳисобланади ва қуйидаги маълумотларни ўз ичига олади:

а) ташкилотнинг тўлиқ номи ва унинг солиқ тўловчининг идентификация рақами;

б) қонун ҳужжатлари талаблари бузилганлиги, шу жумладан дори воситалари ва тиббий буюмларнинг нархини белгилаш тартиби қўпол равишда бузилганлиги аниқланган дорихона, дорихона филиалининг тўлиқ манзили;

в) қонун ҳужжатлари талабларини бузган, шу жумладан дори воситалари ва тиббий буюмларнинг нарҳини белгилаш тартибини қўпол бузган ходимларнинг фамилияси, исми, отасининг исми;

г) қонун ҳужжатлари талаблари бузилганлиги, шу жумладан дори воситалари ва тиббий буюмларнинг нарҳини белгилаш тартиби қўпол равишда бузилганлиги оқибатида лицензиянинг амал қилишини тўхтатиш тўғрисида қарор қабул қилган суднинг номи, қарор қабул қилинган сана ва рўйхат рақами.

58. Лицензияловчи орган мазкур Низомнинг 55-бандида кўзда тутилган манзиллар реестри ва ходимлар реестрига киритилган маълумотларни улар киритилган вақтдан эътиборан уч йил ўтганидан сўнг реестрдан чиқариб ташлайди.

59. Манзиллар реестри ва ходимлар реестридаги маълумотлар танишиш учун очик бўлади.

11-боб. Лицензия берилганлиги учун давлат божи тўлаш тартиби

60. Лицензия берилганлиги ёки унинг амал қилиш муддати узайтирилганлиги учун лицензия талабгори, лицензиат томонидан энг кам ойлик иш ҳақининг ўн баравари миқдорида давлат божи тўланади.

61. Лицензия талабгори томонидан ариза Ягона портал орқали тақдим этилган тақдирда давлат божи суммасининг 20 фоиз миқдори Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига, қолган қисми Республика бюджетига йўналтирилади.

Марказларга ўзи келиб мурожаат қилинган тақдирда, тўланадиган давлат божининг 20 фоизи миқдоридаги маблағлар Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари шахсий ҳисоб рақамига ўтказилади.

12-боб. Яқуний қоида

62. Мазкур Низом талаблари бузилишида айбдор бўлган шахслар қонун ҳужжатларига мувофиқ жавоб берадилар.

1.19. Тиббий фаолиятни амалга ошириш ҳуқуқига лицензия бериш бўйича давлат хизмати

Тиббий фаолиятни лицензиялаш тартиби тўғрисида НИЗОМ

*(Вазирлар Маҳкамасининг 2017 йил 21 июндаги
405-сон қарори билан тасдиқланган)*

1-боб. Умумий қоидалар

1. Ушбу Низом тиббий фаолиятни лицензиялаш тартибини белгилайди.

2. Ушбу Низомда қуйидаги асосий тушунчалар қўлланилади:

диагностика — миждознинг шикоятлари, анамнези ва кўрик маълумотларини тўплаш ва таҳлил қилиш, ташхисни аниқлаш мақсадида лаборатория, инструментал, паталого-анатомик ва бошқа кўрикларни ўтказиш, миждозни даволаш бўйича тадбирларни танлаш ва (ёки) ушбу тадбирларнинг амалга оширилишини назорат қилиш бўйича амалга ошириладиган, ҳолатни ойдинлаштиришга ёки касалликнинг бор ёки йўқлиги фактини аниқлашга йўналтирилган тиббий аралашувлар мажмуи;

консултация — тиббий мутахассиснинг касалликни аниқлаш, бартараф этиш ва намоеън бўлиш шакллари ёки ҳолатини енгиллаштириш бўйича профессионал маслаҳати;

даволаш — тиббий мутахассиснинг кўрсатмасига кўра бажариладиган, у ёки бу касаллик ёки жароҳат, патологик ҳолат ёки организм фаолиятининг бошқача тарзда бузилиши аломатларини енгиллаштириш, йўқотиш ёки бартараф этиш мақсадида бажариладиган тиббий аралашувлар мажмуаси, ҳаётий фаолиятнинг бузилган жараёнларини нормаллаштириш ва соғломлаштириш, соғлиқни, меҳнатга лаёқатни ва турмуш сифатини тиклаш;

тиббий фаолият — махсус тиббий маълумот ва кўникмаларни талаб қилувчи касалликларнинг профилактикаси, диагностикаси, даволаш ва миждознинг реабилитациясига йўналтирилган фаолият;

амбулатория туридаги тиббий ташкилотлар — туну-кун кузатишга муҳтож бўлмаган миждозларга даволаш-диагностика ёрдами кўрсатиладиган ташкилот;

стационар турдаги тиббий ташкилотлар — туну-кун кузатиш, парвариш қилиш ва даволаш-сақлаш режимига муҳтож бўлган беморларга даволаш-диагностика ёрдами кўрсатувчи ташкилот;

нодавлат тиббий ташкилотлар — фаолияти лицензияланадиган, давлат соғлиқни сақлаш тизимига кирмайдиган ташкилотлар;

миждоз — касаллиги бор ёки йўқлигидан ва ҳолатидан қатъи назар, унга ёрдам кўрсатилаётган ёки тиббий ёрдам сўраб мурожаат қилган жисмоний шахс;

профилактика — миждознинг соғлиғини сақлаш ва мустаҳкамлашга йўналтирилган, соғлом турмуш тарзини шакллантириш, касалликларнинг юзага келиши ва (ёки) тарқалишининг олдини олиш, уларни барвақт аниқлаш, уларнинг юзага келиши ва ривожланиши сабабларини аниқлашдан иборат бўлган ҳамда одам соғлиғига у яшаётган муҳит омилларининг салбий таъсирини йўқотишга қаратилган тадбирлар мажмуи;

реабилитация — бошдан кечирилган касалликдан сўнг қўлланиладиган, одам организмнинг касаллик ёки жароҳат туфайли бузилган ёки тўлиқ йўқотилган нормал рухий ва физиологик функциялари (эҳтиёжлари)ни, унинг меҳнатга лаёқатини энг юқори даражада тиклаш ёки ўрнини босишга йўналтирилган тадбирлар мажмуи.

3. Тиббий фаолиятни лицензиялаш ушбу Низомнинг 1-иловасидаги схема бўйича амалга оширилади.

4. Тиббий фаолиятни лицензиялаш Ўзбекистон Республикаси Соғлиқни сақлаш вазирлиги (кейинги ўринларда лицензияловчи орган деб аталади) томонидан Давлат хизматлари марказлари (кейинги ўринларда марказлар деб аталади) ёки Ўзбекистон Республикасининг Ягона интерфаол давлат хизматлари портали (кейинги ўринларда Ягона портал деб аталади) орқали амалга оширилади.

5. Тиббий хизматлар маслаҳатлар, диагностика, даволаш ва реабилитация шаклида тегишли амбулатория ва стационар турдаги тиббий ташкилотларда кўрсатилади.

Тиббий фаолият лицензияловчи орган томонидан тасдиқланадиган тиббий ихтисослашув шакллари номенклатурасига (кейинги ўринларда ихтисослашув шакллари деб аталади) мувофиқ амалга оширилади.

Тиббий ихтисослашувнинг тегишли турини амалга ошириш учун зарур бўлган моддий-техник база, асбоб-ускуналар ва бошқа техник воситалар, шу жумладан тиббий техникага энг кам талаблар (кейинги ўринларда кам талаблар деб аталади), шунингдек тиббий асбоб-ускунанинг маънан эскирганлиги даражасини аниқловчи мезонлар тиббий ташкилотнинг туридан келиб чиқиб, лицензияловчи орган томонидан белгиланади.

6. Тиббий фаолиятни амалга ошириш учун ушбу Низомнинг 2-иловасидаги шаклга мувофиқ намунавий (оддий) лицензиялар берилади.

7. Тиббий фаолиятни амалга ошириш учун лицензия (кейинги ўринларда лицензия деб аталади) беш йил муддатга берилади. Лицензия лицензияга талабгорнинг аризасига кўра 5 йилдан кам муддатга берилиши мумкин.

8. Лицензия талабгорлари лицензия талабларига ва ушбу Низомда назарда тутилган шартларга мувофиқ бўлган юридик шахслар бўлиши лозим.

9. Ўзбекистон Республикаси Президенти ёки Ўзбекистон Республикаси Вазирлар Маҳкамасининг қарорларига биноан ташкил этилган давлат тиббий унитар корхоналари ва муассасалари, уларнинг тиббий фаолияти Ўзбекистон Республикаси Президенти ёки Ўзбекистон Республикаси Вазирлар Маҳкамасининг қарорларида назарда тутилган тақдирда лицензия олмасдан тиббий фаолият юритишга ҳақлидир. Ушбу қоида санаб ўтилган ташкилотларни лицензия талаблари ва шартларини (мутахассисларнинг малакавий тоифасига нисбатан лицензия талаблари бундан мустасно), шунингдек тиббий фаолиятни амалга ошириш бўйича қонунчиликда назарда тутилган бошқа талабларни бажаришдан озод этмайди.

2-боб. Лицензия талаблари ва шартлари

10. Қуйидагилар тиббий фаолиятни амалга ошириш бўйича лицензия талаблари ва шартлари ҳисобланади:

а) қуйидагиларнинг мавжудлиги:

бош шифокорда — олий тиббий маълумот ва малакавий тоифа, бошқа врач-мутахассисларда тегишли тиббий мутахассислик бўйича олий маълумот ва малакавий тоифа;

стационар турдаги нодавлат тиббий ташкилотда операция бўлими ташкил этилган тақдирда операция қилувчи врачда — камида биринчи малакавий тоифа;

хорижий мутахассис жалб этилган тақдирда операция қилувчи врачда камида етти йиллик иш стажига ёки етакчи тиббий муассасалар ёки клиникаларнинг операция қилувчи врачининг зарур касбий кўникмаларга эга эканлигини тасдиқловчи тавсияномаси;

мутахассис-врачларда белгиланган тартибда олинган малака ошириш бўйича амалдаги сертификат;

хорижий билим юртини тамомлаган мутахассисни ишга жалб қилишда хорижий мамлакатларда олинган маълумоти тўғрисидаги ҳужжатларнинг нострификацияси (эквивалентлигини белгилаш) ҳақидаги гувоҳноманинг давлат намунаси;

хорижий билим юртини тамомлаган мутахассисни ишга жалб қилишда мутахассислиги бўйича малакасини тасдиқловчи ҳужжат;

лицензия талабгорида — талабгорга мулкчилик асосида ёки бошқа мулккий ҳуқуқлар бўйича тегишли бўлган, санитария қоидалари, меъёрлари ва гигиеник нормативларга мос бўлган лицензияланган фаолият турини амалга оширишга мўлжалланган хоналар;

лицензия талабгорида — талабгорга мулкчилик асосида ёки бошқа мулккий ҳуқуқлар бўйича тегишли бўлган, тегишли метрологик меъёрлар ва техника хавфсизлиги меъёрларига мос бўлган ускуналар ва бошқа техника воситалари, шу жумладан, тиббий техника;

терапевтик йўналиш ва диагностика ихтисосликлари бўйича тиббий фаолиятни амалга оширишда стерилизация ишларини бажаришга шартнома ёки стерилизация бўлими;

хирургия йўналишидаги ихтисосликлар, шу жумладан, стоматология бўйича тиббий фаолиятни юритишда стерилизация бўлими;

тиббий ходимда — стерилизация ускунасида ишлаш бўйича ўқувдан ўтганлигини тасдиқловчи ҳужжат;

б) қонунчиликка қатъиян риоя қилган ҳолда тиббий фаолиятни амалга ошириш, бунда қуйидагиларга риоя қилиш:

лицензияловчи орган томонидан тасдиқланган намуналар ва шакллар бўйича бирламчи тиббий ҳужжатларни юритиш;

белгиланган тартибда Ўзбекистон Республикаси Соғлиқни сақлаш вазирлиги ҳузуридаги Жамоатчилик соғлиғи ва соғлиқни сақлашни ташкил қилиш бўйича илмий-тадқиқот институти филиалларига статистика маълумотларини тақдим этиш;

санитария қоидалари, меъёрлари ва гигиеник нормативларга риоя қилиш;

лицензияловчи орган томонидан тасдиқланган ва (ёки) халқаро тиббий амалиётда синовдан ўтган профилактика усуллари, диагностика ва даволаш стандартларига риоя қилиш;

лицензияловчи орган томонидан рухсат берилган доривор, дезинфекция ва зарарсизлантирувчи воситалар, лаборатория реагентларидан фойдаланиш;

тиббий фаолиятни қатъиян лицензияда кўрсатилган доирада амалга ошириш;

в) ушбу Низомда белгиланган ҳолатларда, муддатда ва миқдорда йиғимларни, давлат божларини тўлаш.

3-боб. Лицензияни олиш учун зарур бўлган ҳужжатлар

11. Лицензия олиш учун талабгор марказларга ёки Ягона портал орқали электрон шаклда лицензияловчи орган томонидан белгиланган шаклга мувофиқ лицензия берилиши ҳақидаги аризани тақдим этади ва унда қуйидагиларни кўрсатади:

юридик шахснинг номи ва ташкилий-ҳуқуқий шакли, жойлашган манзили (почта манзили) ва тиббий фаолиятни амалга ошириш манзили, электрон почтаси, банк реквизитлари;

тиббий ташкилотнинг тури ва юридик шахс кўрсатмоқчи бўлган ихтисослашувлар шакллари ва кўрсатилган тиббий фаолият амалга ошириладиган муддат;

тасдиқланган энг кам талабларга мувофиқ тиббий фаолиятни амалга ошириш учун зарур бўлган ускуналар ва бошқа техника воситалари, шу жумладан, тиббий техниканинг мавжудлиги ҳақидаги маълумот.

12. Лицензия талабгоридан ушбу Низомнинг 11-бандида назарда тутилмаган бошқа ҳужжатлар ва маълумотлар тақдим этилишини талаб қилишга йўл қўйилмайди.

13. Лицензия берувчи орган лицензия бериш учун зарур бўлган, бошқа ваколатли органларнинг ихтиёрида бўлган маълумотларни мустақил равишда, белгиланган тартибда, шу жумладан электрон шаклда олади, ушбу Низомнинг 11-бандида назарда тутилган ҳужжатлар бундан мустасно.

14. Лицензия талабгори лицензия бериш ҳақидаги аризани мазкур Низомнинг 11-бандида назарда тутилган маълумотларни кўрсатган ҳолда марказга шахсан топширади

ёки Ягона портал орқали етказди. Лицензия бериш ҳақидаги аризани мазкур Низомнинг 11-бандида назарда тутилган маълумотларни илова қилган ҳолда электрон шаклда Ягона портал орқали етказишда ариза лицензия талабгорининг электрон рақамли имзоси билан тасдиқланади. Лицензия талабгори аризада топширилган аризани кўриб чиқиш натижалари бўйича қабул қилинган қарор ҳақидаги хабарномани олиш шаклини кўрсатади.

Лицензияларни бериш, уларнинг амал қилиш муддатини узайтириш, улар бўйича хулосаларни тайёрлаш Ўзбекистон Республикаси Соғлиқни сақлаш вазирлигининг Нодавлат ташкилотлари тиббий фаолиятини лицензиялаш бошқармаси (кейинги ўринларда ишчи орган деб аталади) томонидан амалга оширилади.

Лицензия талабгори томонидан Ягона портал орқали тақдим этилган, керакли маълумотлар кўрсатилган ариза ишчи органнинг масъул ходими томонидан қабул қилинади ва унинг олинганлиги хабар қилинади, шунингдек автоматик тарзда Ягона порталда рўйхатга олинади ва такрорланмайдиган рўйхатга олиш рақами берилади.

Лицензия талабгори томонидан марказ орқали зарур маълумотлар кўрсатилгани ҳолда ариза берилганда, «ягона дарча» маркази ходими ушбу аризани қонунчиликда белгиланган тартибда лицензия берувчи органга юборади.

15. Лицензия талабгори ишончли бўлмаган ёки нотўғри маълумотлар тақдим этилгани учун қонунчиликка мувофиқ жавоб беради.

4-боб. Аризани кўриб чиқиш ва лицензия бериш ёки лицензия беришни рад этиш ҳақида қарор қабул қилиш

16. Лицензия бериш ҳақидаги аризани кўриб чиқиш учун лицензия талабгоридан ариза берилган кунда қонунчиликда белгиланган энг кам ойлик иш ҳақининг икки баравари миқдорида йиғим ундирилади.

17. Лицензия бериш ҳақидаги ариза талабгор томонидан Ягона портал орқали берилган тақдирда, аризани кўриб чиқиш учун йиғим суммасининг 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади, йиғим суммасининг қолган қисми эса лицензия берувчи органнинг ҳисоб рақамига ўтказилади.

Марказларга ўзи келиб мурожаат қилинган тақдирда, аризани кўриб чиқиш учун тўланадиган йиғимлар суммасининг 20 фоизи белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади.

Лицензия талабгори берилган аризадан бош тортган тақдирда тўланган йиғим суммаси қайтарилмайди.

18. Лицензия бериш ёки уни беришни рад этиш тўғрисидаги қарор талабгор аризаси олингандан сўнг йиғирма кундан ошмайдиган муддатда, унинг берилиши шаклидан қатъи назар, зарур маълумотлар кўрсатилган ҳолда қабул қилинади.

19. Лицензия талабгорининг аризаси барча зарур маълумотлар билан бирга берилган кунда ишчи органга кўриб чиқиш учун киритилади.

20. Тиббий фаолиятни амалга ошириш учун яратилган шароитларнинг белгиланган лицензия талаблари ва шартларига мослигини аниқлаш учун ишчи орган ариза қабул қилинган кундан бошлаб бир кун мобайнида тиббий фаолиятни амалга оширишга мўлжалланган хоналарнинг санитария қоидалари, меъёрлари ва гигиеник нормативларга мувофиқлиги ҳақидаги хулосани олиш учун давлат санитария-эпидемиология назоратининг тегишли ҳудудий марказига уни йўллаши шарт.

21. Давлат санитария-эпидемиология назоратининг тегишли ҳудудий маркази бир ҳафта давомида ишчи органга идоралараро электрон ҳамкорлик тизими орқали жойига бориб, ўрганиш хулосалари асосида тузилган хоналарнинг санитария қоидалари, меъёрлари ва гигиена нормативларига мослиги ҳақидаги хулосасини тақдим этади.

22. Ишчи орган эксперти хоналарнинг санитария қоидалари, меъёрлари ва гигиена нормативларига мослиги ҳақидаги хулоса олингандан сўнг жойига борган ҳолда бир ҳафта муддатда лицензия талабгорининг лицензия талаблари ва шартларига мувофиқлигини текшириш бўйича экспертиза ўтказлади.

Лицензия талабгорининг лицензия талаблари ва шартларига мувофиқлигини текшириш бўйича экспертиза лицензияловчи органнинг ўз маблағлари ҳисобига амалга оширилади.

Экспертизани амалга оширишда эксперт хулосасини асослаш учун зарур ҳужжатларнинг нусхаларини тайёрлашга ҳақли.

Экспертиза натижаларига кўра эксперт томонидан лицензия бериш ёки уни беришни рад этиш ҳақидаги эксперт хулосаси тузилади.

Тегишли хулосаларни тайёрлаш учун лицензияловчи орган шартномавий асосда кўшимча экспертларни жалб этишга ҳақли.

Лицензияловчи органнинг лицензия бериш ёки уни беришни рад этиш ҳақидаги қарори уч кун муддатда тасдиқланади ва лицензия бериш ёки уни беришни рад этиш учун асос ҳисобланади.

Лицензияловчи орган икки кун муддатда лицензия талабгорини у ўз аризасида кўрсатган шаклда, банк ҳисоб рақами реквизитлари ва давлат божини тўлаш муддати кўрсатилган ҳолда бундан хабардор қилади.

23. Лицензия талабгори давлат божи тўлаганлиги ҳақидаги ҳужжат ёки тўланганлигининг электрон тасдиғини тақдим этган кунда берилади.

24. Лицензиялар қонунчиликда белгиланган тартибда расмийлаштирилади.

Берилган, тўхтатиб турилган, янгиланган, қайта расмийлаштирилган, бекор қилинган, шунингдек амал қилиши тўхтатилган лицензиялар «Лицензия» ахборот тизимлари комплекси реестрига киритилади.

25. Лицензиат лицензия берилиши тўғрисида қарор қабул қилингани ҳақидаги хабарнома юборилган кундан бошлаб уч ой муддатда лицензия берилиши учун давлат божини тўламаган бўлса, лицензияловчи орган лицензияни бекор қилиш ҳақида қарор қабул қилишга ҳақли.

26. Ўзбекистон Республикасининг «Фаолиятнинг айрим турларини лицензиялаш тўғрисида»ги Қонунининг 17-моддасида назарда тутилган асослар бўйича лицензия бериш рад этилиши мумкин.

Лицензия талабгори лицензия берувчи органнинг лицензия беришни рад этиш, шунингдек лицензияловчи орган мансабдор шахсининг ҳаракатлари (ҳаракатсизлиги) юзасидан қонунчиликда белгиланган тартибда шикоят қилиш ҳуқуқига эга.

27. Лицензия беришни рад этиш тўғрисида қарор қабул қилинган тақдирда лицензия беришни рад этиш ҳақидаги хабарнома лицензия талабгорига у аризада кўрсатган шаклда йўлланади, унда рад этиш сабаблари ва лицензия талабгори уларни бартараф этган ҳолда қайта кўриб чиқиш учун ариза бериши мумкин бўлган муддат кўрсатилади. Лицензия беришни рад этиш тўғрисидаги хабарномада кўрсатилган муддат камчиликларни бартараф этиш учун етарли бўлиши зарур.

Лицензия беришни рад этишга асос бўлган сабаблар бартараф этилган тақдирда, лицензия бериш тўғрисидаги аризанинг лицензияловчи орган томонидан такроран кўриб чиқилиши лицензия талабгорининг аризаси барча зарур ҳужжатлар билан бирга тақдим этилгандан сўнг ўн кундан ошмаслиги керак.

Бунда такроран берилган ариза ишчи органга кўриб чиқиш учун улар қабул қилинган кунда берилади.

Тақдим этилган ҳужжатлар ва такрорий экспертиза хулосалари бўйича лицензияловчи органнинг лицензияни бериш ёки уни беришни рад этиш тўғрисидаги протоколи тузилади.

Лицензия талабгорининг аризаси қайта кўриб чиқилиши учун йиғим ундирилмайди.

Талабгорнинг аризасини қайта кўриб чиқишда лицензия беришни рад этиш тўғрисидаги аввалги хабарномада кўрсатилмаган янги асослар бўйича лицензия беришнинг рад этилишига йўл қўйилмайди.

Лицензия беришни рад этиш тўғрисидаги хабарномада кўрсатилган муддатдан сўнг берилган ариза янгидан берилган деб ҳисобланади.

28. Тиббий фаолиятнинг амалга оширилиш жойи, ташкилот тури, ихтисослашув тури ўзгарган ёки филиали очилган тақдирда лицензиат лицензия олиш учун қайта ариза бериши шарт. Бунда янги лицензия олингунгача лицензиат аввал берилган лицензия асосида тиббий фаолиятни амалга оширишга ҳақли.

5-боб. Лицензияни қайта расмийлаштириш, амал қилиш муддатини узайтириш, дубликат бериш

29. Лицензиат қайта ташкил этилган, унинг номи, жойи (почта манзили) ўзгарган тақдирда лицензиат ва унинг ҳуқуқий вориси рўйхатдан ўтгандан сўнг бир ой муддатда лицензияловчи органга марказлар ёки Ягона портал орқали электрон шаклда лицензияни қайта расмийлаштириш тўғрисида ариза бериши, унга тегишли маълумотларни ва амалдаги лицензиянинг асл нусхасини илова қилиши шарт.

Лицензиатлар — юридик шахслар бирлашган, давлат рўйхатидан ўтган санага кўра янгидан ташкил этилган юридик шахс ташкил қилиб, айнан ўша фаолият тури билан шуғулланиш учун лицензияга эга бўлган тақдирда, лицензиянинг ушбу бобда назарда тутилган тартибда қайта расмийлаштирилишига йўл қўйилади.

Лицензияловчи орган қонунчиликка мувофиқ тадбиркорлик субъектларини давлат рўйхатидан ўтказиш ва уларнинг ҳисобини юритиш бўйича автоматлаштирилган тизим орқали кўрсатилган маълумотларнинг тасдиғини олади.

Фаолиятнинг бир қисми (қисмлари) бўйича лицензиянинг амал қилиш муддати тугаган тақдирда лицензия қайта расмийлаштирилиши керак.

30. Лицензия қайта расмийлаштирилгунгача лицензиат унда кўрсатилган фаолият тури билан аввал берилган лицензия асосида фаолият юритади.

Лицензияни қайта расмийлаштиришда лицензияловчи орган электрон шаклда шакллантириладиган «Лицензия» ахборот тизимлари комплексидаги лицензиялар реестрига тегишли ўзгартиришлар киритади.

Лицензияни қайта расмийлаштириш лицензиатга лицензияловчи орган томонидан лицензияни қайта расмийлаштириш бўйича ариза олингани ҳақида хабарнома йўллангандан сўнг беш кун мобайнида амалга оширилади.

Лицензияни қайта расмийлаштиришда лицензия талабгорининг лицензия бериш тўғрисидаги аризасини кўриб чиқиш учун тўланадиган сумманинг ярми миқдорида йиғим ундирилади. Лицензияни қайта расмийлаштириш тўғрисидаги ариза электрон шаклда Ягона портал орқали берилган тақдирда йиғим суммасининг 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади, йиғим суммасининг қолган қисми эса лицензия берувчи органнинг ҳисоб рақамига ўтказилади.

Марказларга ўзи келиб мурожаат қилинганда аризаларни кўриб чиқиш учун тўланадиган сумманинг 20 фоизи миқдоридаги маблағлар белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади.

Лицензиат аризадан воз кечган тақдирда тўланган сумма қайтарилмайди. Лицензия қайта расмийлаштирилганда давлат божи ундирилмайди.

31. Лицензиянинг амал қилиш муддати лицензиатнинг аризасига кўра узайтирилиши мумкин. Лицензиянинг амал қилиш муддати лицензияни олиш учун назарда тутилган тартибда амалга оширилади.

Лицензиянинг амал қилиш муддатини узайтириш ҳақидаги ариза лицензияловчи органга лицензиянинг амал қилиш муддати тугашидан камида икки ой аввал берилиши керак.

32. Лицензия йўқотилган ёки яроқсиз ҳолга келган тақдирда унинг дубликати берилади. Дубликат олиш учун лицензиат марказларга ёки Ягона портал орқали ариза ва лицензиянинг йўқолганлигини тасдиқловчи ҳужжат билан, шунингдек, лицензияни олиш учун назарда тутилган йиғимнинг ярмини тўлаган ҳолда мурожаат қилади. Ариза электрон шаклда Ягона портал орқали берилган тақдирда, йиғим суммасининг 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади, йиғим суммасининг қолган қисми эса лицензияловчи органнинг ҳисоб рақамига ўтказилади.

Марказларга ўзи келиб мурожаат қилинган тақдирда аризаларни кўриб чиқиш учун тўланадиган сумманинг 20 фоизи миқдоридаги маблағлар белгиланган тартибда Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади.

6-боб. Лицензия талаблари ва шартларига риоя этилишини назорат қилиш

33. Лицензиат томонидан лицензия талаблари ва шартларига риоя қилиниши юзасидан назоратни амалга оширишда лицензияловчи орган ўз ваколатлари доирасида қуйидаги ҳуқуқларга эга:

фақат Республика назорат қилувчи органлар фаолиятини мувофиқлаштириш кенгаши қарори асосида қонунчиликда белгиланган тартибда лицензиат томонидан лицензия талаблари ва шартларига риоя қилиниши юзасидан режали ва қисқа муддатли текширувлар (кейинги ўринларда текширувлар деб аталади) ўтказиш;

лицензия талаблари ва шартларига риоя қилиниши юзасидан текширувларни ўтказишда пайдо бўладиган саволлар бўйича лицензиатдан зарур маълумотларни сўраш ва олиш;

текширишлар натижалари бўйича далолатномалар (маълумотномалар) тузиш ва унда лицензиат томонидан йўл қўйилган муайян лицензия талаблари ва шартлари бузилишини кўрсатиш;

бажарилиши шарт бўлган, лицензиат томонидан аниқланган камчиликларни бартараф этиш ҳақидаги кўрсатмаларни қабул қилиш, бундай бузилишларни тузатиш учун етарли бўлган муддатни белгилаш;

қонунчиликда белгиланган тартибда қарорлар қабул қилиш ҳамда лицензияларнинг амал қилишини тўхтатиб туриш, тўхтатиш ёки уни бекор қилиш тўғрисидаги тақдимномаларни киритиш;

жисмоний ва юридик шахслар томонидан лицензия олмасдан тиббий фаолият билан шуғулланиш ва/ёки лицензияда назарда тутилмаган тиббий хизматлар кўрсатиш ҳолатлари аниқланган тақдирда қонунчиликда назарда тутилган тартибда чоралар кўриш учун уларга оид материалларни ҳуқуқни муҳофаза қилувчи органларга юбориш.

34. Лицензияловчи органнинг текширувчи ходимлари томонидан текширув ўтказиш пайтида икки нусхада далолатнома тузилади, улардан бири лицензиатга берилади, иккинчи нусхаси лицензияловчи органда қолади.

35. Лицензияловчи орган, шунингдек лицензиат томонидан лицензия талаблари ва шартларига риоя қилиниши юзасидан қуйидаги йўللار билан мониторинг олиб бориши мумкин:

фуқаролар ва юридик шахсларнинг мурожаатларини белгиланган тартибда қабул қилиш ва ўрганиш;

лицензиатлардан фуқаролар ва юридик шахсларнинг мурожаатларига тегишли бўлган маълумотларни, ахборотларни ва ёзма тушунтиришларни олиш;

Ўзбекистон Республикаси Соғлиқни сақлаш вазирлиги марказий аппаратида ва соғлиқни сақлаш бошқармалари ҳудудий органларида ўрнатилган «ишонч телефонлари» орқали маълумотлар олиш;

назорат қилувчи бошқа органлар томонидан ўтказилган текширувлар натижалари бўйича келиб тушаётган маълумотларни йиғиш, умумлаштириш ва таҳлил қилиш;

молиявий-хўжалик фаолиятига аралашмаган ҳолда амалга оширилаётган лицензиявий фаолиятнинг ҳолати ва шартлари билан жойида танишиш.

7-боб. Лицензиянинг амал қилишини тўхтатиб туриш, тўхтатиш ва уни бекор қилиш

36. Лицензиянинг амал қилишини тўхтатиб туриш, тўхтатиш ва уни бекор қилиш Ўзбекистон Республикасининг «Фаолиятнинг айрим турларини лицензиялаш тўғрисида»ги Қонунининг 22, 23 ва 24-моддаларида назарда тутилган ҳолатларда ва тартибда амалга оширилади.

Амал қилиши тўхтатиб турилган, тўхтатилган, бекор қилинган лицензиялар ҳақидаги маълумотлар лицензияловчи орган томонидан тегишли ахборот ресурсларига киритилади.

37. Лицензияловчи органнинг лицензиянинг амал қилишини тўхтатиб туриш, тўхтатиш ва уни бекор қилиш тўғрисидаги қарори юзасидан судга ариза берилиши мумкин. Суд томонидан лицензиянинг амал қилишини тўхтатиш ҳақидаги қарор асоссиз деб топилган тақдирда, лицензияловчи орган лицензиат олдида унга етказилган зарар миқдорида жавобгар ҳисобланади.

8-боб. Лицензиялар реестри

38. Лицензияловчи орган «Лицензия» ахборот тизимлари комплексида лицензиялар реестрини юритади.

39. Лицензиялар реестрида қуйидагилар кўрсатилиши керак:

а) лицензиатлар тўғрисидаги асосий маълумотлар, шу жумладан, ташкилотнинг номи ва идентификация рақами, ташкилий-ҳуқуқий шакли, ташкилот раҳбарининг фамилияси, исми, отасининг исми;

б) тиббий фаолиятнинг лицензияланаётган йўналиши (унинг қисми) амалга ошириладиган манзил, иш жойи телефони, факс;

в) лицензиянинг берилган санаси ва тартиб рақами;

г) лицензиянинг амал қилиши муддати;

д) тиббий ихтисослашувнинг лицензияланаётган тури;

е) лицензияни қайта расмийлаштиришнинг асослари ва санаси, унинг амал қилиш муддатининг узайтирилиши ва тикланиши;

ж) лицензиянинг амал қилиш муддатини тўхтатиш асослари ва санаси;

з) лицензияни бекор қилишнинг асослари ва санаси.

Лицензиялар реестридаги маълумотлар «Лицензия» ахборот тизимлари комплексидаги веб-сайтда жойлаштирилади ва танишиш учун очик ҳисобланади.

9-боб. Лицензия берилиши учун ундириладиган давлат божи

40. Тиббий фаолиятни амалга ошириш учун лицензия бериш ёки унинг амал қилиш муддатини узайтириш учун энг кам ойлик иш ҳақининг беш баравари миқдорида давлат божи тўланади.

41. Тўланадиган давлат божи суммалари қуйидаги тартибда тақсимланади:

Мурожаат шаклидан қатъи назар (электрон шаклда ёки шахсан мурожаат қилинган тақдирда) — 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади;

электрон шаклда мурожаат қилинганда — 10 фоизи лицензияловчи органнинг ҳисоб рақамига ўтказилади;

қолган суммалар республика бюджетига йўналтирилади.

10-боб. Яқунловчи қоида

42. Мазкур Низомнинг қоидалари бузилишида айбдор бўлган шахслар қонунчиликка мувофиқ жавоб беради.

1.20. Жисмоний тарбия-соғломлаштириш ва спорт иншоотларининг паспорти бўйича давлат хизмати

ПОЛОЖЕНИЕ о физкультурно-оздоровительных и спортивных сооружениях Республики Узбекистан

*(Утверждено приказом министра по делам культуры и спорта
от 10 февраля 2006 года № 84)*

Настоящее Положение в соответствии с Законом Республики Узбекистан «О физической культуре и спорте», Протоколом заседания по вопросу организации исполнения Распоряжения Президента Республики Узбекистан от 31 декабря 2005 года № Р-2415 «Об утверждении бюджета Фонда развития детского спорта при Министерстве народного образования Республики Узбекистан и адресной программы строительства детских спортивных объектов на 2006 год», утвержденным Премьер-министром Республики Узбекистан от 12 января 2006 года, определяет категории, порядок эксплуатации и содержания спортивных и физкультурно-оздоровительных сооружений (в дальнейшем — спортсооружений) в Республике Узбекистан.

1. Общие положения

1. Настоящее Положение является обязательным для владельцев спортсооружений независимо от их ведомственной принадлежности и формы собственности, а также для органов, ведущих контроль над эксплуатацией и содержанием спортсооружений на территории Республики Узбекистан.

2. В данном Положении используются следующие понятия:

спортсооружения — специализированные сооружения крытого или открытого типа, предназначенные для обеспечения проведения спортивно-массовых мероприятий, учебно-тренировочных занятий и учебно-тренировочных сборов по различным видам спорта, а также для оказания физкультурно-оздоровительных услуг населению, построенные по утвержденному проекту или приспособленные сооружения, отвечающие соответствующим нормам и требованиям, предъявляемым к спортсооружениям, имеющие соответствующий паспорт;

паспорт спортсооружения — документ, в котором указываются технические и производственные мощности зданий и сооружений, входящих в состав спортсооружения, их рабочие и полезные площади, технические данные, пропускная способность, владелец и адрес спортсооружения, категория спортсооружения, определяющая порядок его эксплуатации, а также другая информация, касающаяся его функциональной направленности;

эксплуатация спортсооружения — комплекс мер, связанных с целевым и эффективным использованием спортсооружения;

содержание спортсооружения — комплекс мер, по обеспечению материальными, финансовыми и другими ресурсами для организации эффективного и полного функционирования спортсооружения;

Уполномоченный орган государственного управления физической культурой и спортом — Министерство по делам культуры и спорта Республики Узбекистан.

3. Уполномоченный орган государственного управления физической культурой и спортом возлагает функцию по паспортизации спортсооружений на свою соответствующую организацию.

Организация, на которую возложена функция по паспортизации спортсооружений, проводит анализ технических параметров спортсооружений, предоставляет документы

спортсооружений на рассмотрение и утверждение их категории комиссией по паспортизации спортивных сооружений, выдает паспорт на их эксплуатацию в порядке, утвержденном Уполномоченным органом государственного управления физической культурой и спортом. За оформление и выдачу паспорта спортивного сооружения для спортсооружений народного образования и среднего специального, профессионального образования взимается плата по ставкам, утвержденным Уполномоченным органом государственного управления физической культурой и спортом по согласованию с Министерством финансов Республики Узбекистан. За оформление и выдачу паспорта спортивного сооружения для других спортсооружений взимается плата по ставкам, утвержденным Уполномоченным органом государственного управления физической культурой и спортом и согласованным с организацией, осуществляющей паспортизацию спортсооружений.

2. Классификация спортсооружений

4. Основными целями и задачами Классификации спортсооружений являются:

использование их данных при проектировании и строительстве в Узбекистане, способствующие улучшению качества типового проектирования, уточнению показателей расчета сети спортсооружений;

использование их при установлении категории и типа спортсооружения при их паспортизации;

регламентирование использования спортсооружений для определенных видов спортивной и физкультурно-оздоровительной работы, в зависимости от параметров сооружений и их оснащенности.

5. В соответствии с планировочной структурой населенных мест спортсооружения подразделяются на:

микрорайонные, махаллинские — обслуживающие населения микрорайона, махалли, группы жилых домов или отдельного дома;

районные — обслуживающие населения жилого или производственно-жилого района;

межрайонные — обслуживающие населения группы жилых районов;

общегородские — обслуживающие населения всего города, поселка.

Общие определения спортсооружений приведены в приложении № 1.

6. По назначению спортсооружения подразделяются на спортивно-зрелищные (демонстрационные), учебно-тренировочные и физкультурно-оздоровительные (сооружения для активного отдыха населения).

Спортивно-зрелищное сооружение — сооружения, имеющие специальные места для зрителей, представляющих собой трибуны или отдельные ряды при обеспечении нормальной видимости и необходимых условий эвакуации (в помещении — 500 и более; на открытом воздухе — 1500 и более). К ним относятся стадионы, Дворцы спорта, универсальные площадки, велодромы, автомотодромы, лыжные и горнолыжные стадионы и другие спортивные сооружения, имеющие трибуны, скамейки, стулья, места для стояния.

Учебно-тренировочные сооружения — сооружения, предназначенные для учебно-тренировочного процесса. К учебно-тренировочным сооружениям относятся спортивные базы школ, высших и средних специальных учебных заведений и учебно-тренировочные центры подготовки спортсменов высших разрядов. Независимо от наличия зрительских мест все сооружения для гребного, парусного, лыжного, горнолыжного, стрелкового, конькобежного, конного (за исключением ипподромов), шахматного и шашечного спорта относятся к учебно-тренировочным.

Физкультурно-оздоровительные сооружения — сооружения, предназначенные для проведения физкультурно-оздоровительных работ и активного отдыха населения.

Физкультурно-оздоровительная работа осуществляется на всех сооружениях, где занятия не требуют специальной подготовки и не представляют опасности для жизни и здоровья занимающихся.

7. По своим архитектурно-планировочным особенностям спортсооружения подразделяются на специально построенные и приспособленные.

Специально построенные спортивные сооружения — сооружения, построенные по специально разработанному архитектурному проекту, согласно строительным нормам, на специально отведенном земельном участке.

Приспособленные спортивные сооружения — сооружения, построенные при несоблюдении строительных норм по спортсооружениям, которые переоборудованы под спортсооружения.

Также, спортсооружения могут быть отдельно стоящими — здания сооружений, построены отдельно и встроенными — сооружения встроены в здания спортивного или другого назначения.

По своим архитектурно-планировочным и объемно-конструктивным особенностям спортсооружения подразделяются на объемные и плоскостные. К объемным относятся все крытые спортсооружения: спортивные залы, дворцы спорта, крытые бассейны и манежи; к плоскостным — спортивные поля, конькобежные дорожки, лыжные и горнолыжные трассы и др.

8. Все спортсооружения, с учетом их мощности, делятся на отдельные, предназначенные для одного вида спорта (специализированные залы, бассейны с одной ванной, площадки по видам спорта, поля для футбола, регби, хоккея на траве, конного спорта, стрельбы из лука, легкоатлетические и конькобежные дорожки, лыжные и горнолыжные трассы, лыжные трамплины, велотреки, конные манежи, стрелковые тир, стрелково-охотничьи стенды и др.), и комплексные спортивные сооружения, состоящие из нескольких отдельных спортсооружений, объединенных общностью территории или размещенных в одном здании (стадионы, Дворцы спорта, бассейны с несколькими ваннами, комплексные площадки, многозальные спортивные корпуса и другие спортсооружения подобного типа).

9. По объемно-планировочной конструкции различают спортсооружения открытые и крытые.

Открытые спортсооружения — сооружения, в которых соревнования и учебно-тренировочные занятия проводятся под открытым небом.

Крытые спортсооружения — сооружения, в которых соревнования и учебно-тренировочные занятия проводятся в крытых залах, манежах, бассейнах, Дворцах спорта и т. п. Сооружения с навесом, в которых соревнования и учебно-тренировочные занятия проводятся на открытом воздухе, относятся к крытым сооружениям.

10. Каждое отдельное спортсооружение структурно состоит из трех элементов: основного, вспомогательного сооружения (объекта) и сооружения для зрителей.

Основное сооружение — сооружение, где непосредственно проходят соревнования и учебно-тренировочные занятия. Объемно-планировочные размеры, покрытия, разметка и оборудование основного сооружения должны соответствовать государственным строительным нормам, правилам соревнований соответствующих спортивных федераций по видам спорта и действующему табелю спортивного оборудования и инвентаря спортсооружений.

Вспомогательные спортсооружения — сооружения, предназначенные для обслуживания занимающихся и участников соревнований. К вспомогательным сооружениям относятся помещения для обслуживания занимающихся, помещения и сооружения инженерно-технических служб, хозяйственные и подсобные, административные, врачебно-медицинские, предназначенные для судей, представителей СМИ, сотрудников органов безопасности (пожарной охраны и милиции).

Сооружения для зрителей — трибуны (стационарные или трансформируемые), ряды сидений (стульев, скамеек) и места для стояния, располагаемые у основного сооружения (спортивного ядра, поля, площадки, зала, бассейна и т. д.) и другие помещения для обслуживания (павильоны, фойе, буфеты, кафе, санузлы и т. п.).

Спортсооружение, предназначенное для учебно-тренировочных занятий или физкультурно-оздоровительной работы, не содержит специально оборудованных мест для зрителей.

11. Примерная Классификация спортсооружений с учетом их объемно-планировочных конструкций и примерная схема структуры спортсооружений приведены в приложениях № 2 и 3.

12. Классификации спортсооружений используются при установлении категории спортсооружений, их учете и паспортизации.

3. Эксплуатация спортсооружений

13. Эксплуатация спортсооружений проводится строго в соответствии с их категориями на основании паспорта спортсооружения.

14. Порядок эксплуатации спортсооружения определяется его категорией. Категория спортсооружения определяет качество спортсооружения, его соответствие международным и государственным нормам и стандартам.

15. Спортсооружения подразделяются на следующие категории:

спортсооружение высшей категории — основные параметры спортсооружения, размеры и оснащение которого позволяют обеспечить проведение республиканских и международных соревнований (Олимпийские и Азиатские игры, чемпионаты, первенства и Кубки мира, Азии и Узбекистана, международные турниры). Сооружение не предназначено для проведения физкультурно-оздоровительной работы с населением;

спортсооружение 1 категории — основные параметры спортсооружения, размеры и оснащение которого позволяют обеспечить проведение республиканских и международных соревнований (чемпионаты, первенства и Кубки мира, Азии и Узбекистана, различные турниры), а также учебно-тренировочных занятий;

спортсооружение 2 категории — основные параметры спортсооружения, размеры и оснащение которого позволяют обеспечить проведение республиканских, областных и городских соревнований и турниров (чемпионаты, первенства и т. д.), а также учебно-тренировочных занятий и проведения физкультурно-оздоровительной работы с населением;

спортсооружение 3 категории — основные параметры спортсооружения, размеры и оснащение которого позволяют обеспечить условия проведения спортивно-массовых мероприятий, а также учебно-тренировочных и физкультурно-оздоровительных занятий;

спортсооружение 4 категории — основные параметры спортсооружения, размеры и оснащение которого позволяют обеспечить проведение учебно-тренировочных занятий и физкультурно-оздоровительных занятий среди населения.

Спортсооружения 4 категории подразделяются на две подгруппы:

спортсооружения, предназначенные для проведения учебно-тренировочных занятий и спортивных мероприятий;

физкультурно-оздоровительные сооружения, предназначенные для оказания физкультурно-оздоровительных услуг населению.

спортсооружение 5 категории — основные параметры спортсооружения, размеры и оснащение которого позволяют средствами физической культуры и спорта (боулинг, бильярд, дартс, картинг и др. виды спорта) обеспечить проведение физкультурно-оздоровительных и спортивно-развлекательных мероприятий и услуг.

16. На спортсооружениях допускается проведение развлекательных и массовых мероприятий (шоу, концерты и т.д.). На территории спортсооружений запрещается реализация, употребление и реклама алкогольных напитков и табачной продукции.

17. На спортсооружениях могут оказываться платные учебно-тренировочные и физкультурно-оздоровительные услуги населению.

18. При эксплуатации спортсооружения обеспечение технической, пожарной и иной безопасности на спортсооружениях определяется нормами и правилами, утвержденными в установленном законодательством порядке.

Порядок проведения в спортсооружениях спортивно-массовых и физкультурно-оздоровительных мероприятий и осуществление мер безопасности при их проведении обеспечивается согласно законодательством.

19. Общие сведения о спортсооружении, технические и производственные показатели зданий и сооружений, входящих в его состав, указываются в паспорте спортсооружения согласно приложению № 4.

Паспорт спортсооружения является документом, характеризующим производственные мощности, техническое состояние зданий и сооружений, их рабочие и полезные площади.

Паспорт спортсооружения действует до изменения архитектурно-планировочных и других параметров спортсооружения, которые влияют на изменение его категории и параметров основного объекта, указанных в паспорте.

20. Срок действия паспорта спортсооружения устанавливается в зависимости от категории спортсооружения. Срок действия паспорта для спортсооружений высшей и 1 категории — 4 года, спортсооружений 2, 3 и 4 категорий учреждений Министерства народного образования и Центра среднего специального, профессионального образования Министерства высшего и среднего специального образования Республики Узбекистан — 3 года, спортсооружений 2, 3 и 4 категорий других министерств, государственных комитетов и ведомств — 2 года, спортсооружений 5 категории — 1 год.

По истечении срока действия паспорта производится повторная паспортизация спортсооружения с последующей выдачей нового паспорта.

21. Запрещена эксплуатация спортсооружений при нарушении норм технической, пожарной и санитарной и безопасности.

22. На спортсооружениях, за исключением спортсооружений 5 категории, детям до 16-ти лет, инвалидам, детям-сиротам, пенсионерам, участникам и инвалидам ВОВ, а также лицам, приравненным к ним физкультурно-оздоровительные и спортивные услуги — оказываются бесплатно.

4. Содержание спортсооружений

23. Обеспечение спортсооружений спортивным оборудованием и инвентарем рекомендуется проводить в соответствии с номенклатурой и необходимым количеством оборудования, инвентаря и других спортивно-технологических средств, предназначенных для проведения массовых занятий по физической культуре и спорту, учебно-тренировочного процесса и соревнований, а также срокам эксплуатации спортивного оборудования и инвентаря, согласно приложению № 5.

24. Количество оборудования, инвентаря и других технологических средств по видам спорта рассчитываются на спортсооружение, соответствующее размерам строительных норм, нормам единовременной пропускной способности и санитарно-гигиеническим требованиям, а также Правилам проведения соревнований по видам спорта, утвержденных международными и республиканскими спортивными федерациями. В отдельных случаях перечни по видам спорта (в соответствии с представлениями федераций по видам спорта) составляются из расчета необходимого количества

спортивных изделий на одну тренирующуюся группу или учебную группу начинающих спортсменов.

25. Оплата за коммунальные услуги по содержанию сооружений производится организацией, на балансе которой оно находится в установленном законодательством порядке.

5. Заключительные положения

26. Владельцы сооружений несут ответственность за надлежащее хранение документов сооружения (проектной документации, документов на право собственности, паспорта сооружения и др. документации), эффективное и целевое использование сооружений, хранение и обслуживание спортивного оборудования, инвентаря и другого имущества, обеспечение условий проведения спортивно-массовых, физкультурно-оздоровительных мероприятий и учебно-тренировочных занятий.

27. Контроль за целевым использованием сооружений, осуществляется в соответствии с законодательством Республики Узбекистан.

28. Лица, нарушившие условия настоящего Положения, привлекаются к ответственности в соответствии с законодательством Республики Узбекистан.

1.21. Вояга етмаганларга мўлжалланган дори воситалари рекламасини жойлаштиришга рухсатнома бўйича давлат хизмати

Вояга етмаганлар учун мўлжалланган дори воситаларини реклама қилишга рухсатнома бериш тартиби тўғрисида НИЗОМ

*(Вазирлар Маҳкамасининг 2014 йил 15 декабрдаги
341-сон қарори билан тасдиқланган)*

I. Умумий қоидалар

1. Мазкур Низом «Тадбиркорлик фаолияти соҳасидаги рухсат бериш тартиб-таомиллари тўғрисида», «Реклама тўғрисида»ги Ўзбекистон Республикасининг қонунларига мувофиқ вояга етмаганларга мўлжалланган дори воситаларини реклама қилишга рухсатнома бериш тартибини белгилайди.

2. Профилактика, диагностика қилиш ва касалликларни даволаш учун фойдаланиладиган, шу жумладан тиббий жиҳатдан қўллаш йўриқномасига мувофиқ 18 ёшга тўлмаган шахслар томонидан фойдаланиладиган дори воситаси вояга етмаганлар учун мўлжалланган дори воситаси (кейинги ўринларда дори воситаси деб аталади) ҳисобланади.

3. Дори воситаларини реклама қилиш фақат ушбу Низомга мувофиқ берилган рухсатнома мавжуд бўлганда амалга оширилади.

Фақат рецептсиз бериладиган дори воситаларини реклама қилишга рухсат этилади.

4. Дори воситаларини реклама қилиш учун рухсатнома бериш ушбу Низомнинг 1-иловасига мувофиқ схема бўйича амалга оширилади.

5. Дори воситаларини реклама қилиш учун рухсатнома (кейинги ўринларда рухсатнома деб аталади) Ўзбекистон Республикаси Соғлиқни сақлаш вазирлиги (кейинги ўринларда ваколатли орган деб аталади) томонидан ушбу Низомнинг 2-иловасига мувофиқ шакл бўйича берилади.

6. Реклама қилишга рухсатнома бериш учун ариза билан ваколатли органга реклама берувчи, реклама яратувчи ёки рекламани тарқатувчи юридик ва жисмоний шахслар (кейинги ўринларда ариза берувчи деб аталади) мурожаат қилишлари мумкин.

7. Рухсатнома Ўзбекистон Республикасида реклама қилиш мўлжалланаётган дори воситасини рўйхатдан ўтказиш гувоҳномасининг амал қилиш муддатига берилади.

Рухсатнома реклама қилинадиган ҳар бир дори воситасига алоҳида берилади.

8. Амалдаги рухсатнома ўрнига янги рухсатнома реклама матни ўзгарган тақдирда олиниши зарур.

II. Рухсатнома беришга доир талаблар ва шартлар

9. Қуйидагилар рухсатнома бериш учун рўйхат этилиши мажбурий талаблар ва шартлар ҳисобланади:

а) рекламада қуйидагилар мавжуд бўлиши лозим:

дори воситасининг тўлиқ (шу жумладан халқаро фармокологик) номи ва ишлаб чиқарувчининг номи, дори воситасидан фойдаланиш ёки уни қўлланиш тўғрисида ахборот, шу жумладан қўлланишга доир асосий кўрсатмалар, сертификатлар мавжудлиги ҳақидаги маълумот;

дори воситасидан фойдаланиш ёки уни қўллаш мумкин бўлмаган ҳолатлар, фойдаланиш ёки қўллашга доир йўриқнома билан танишиш ёхуд мутахассисларнинг маслаҳатини олиш зарурлиги тўғрисидаги огоҳлантириш. Бунда огоҳлантиришга телевидениеда реклама учун жами мўлжалланган майдоннинг камида 10 фоизи,

шунингдек радиода дори воситасининг овозли рекламаси ролигига эфир вақтининг камида 5 секунди ажратилиши лозим;

қонун ҳужжатларида рекламага қўйиладиган бошқа талабларга жавоб бериши зарур;

б) реклама:

дори воситасини ноёб, энг самарали, қўшимча таъсирларнинг мавжуд эмаслиги жиҳатидан энг хавфсиз восита сифатида ифодаламаслиги;

дори воситасининг таркиби, ишлаб чиқарилиши, янгилиги ёки патентланганлиги хусусида янглиш тасаввур бермаслиги;

ишлаб чиқарувчи — рақобатчиларнинг обрўсига ёки товар белгисига (хизмат кўрсатиш белгисига), фирма номига, маҳсулотига, фаолиятига путур етказмаслиги;

ўзларининг машҳурлиги туфайли дори воситаларини қўллашни рағбатлантириши мумкин бўлган олимлар, соғлиқни сақлаш ходимлари, шунингдек давлат органлари мансабдор шахслари ёки бошқа шахсларнинг тавсияларини далил қилиб келтирмаслиги;

дори воситасининг фақат ёки асосан болалар учун мўлжалланганлигини кўрсатмаслиги;

дори воситасининг вояга етмаганлар томонидан қабул қилинаётганлиги ҳолатини ифодаламаслиги;

мазкур дори воситасининг хавфсизлиги ва самараси унинг табиий келиб чиқиши билан боғлиқ эканлигини тасдиқламаслиги;

рекламанинг таъсирини кучайтириш мақсадида бошқа дори воситалари билан муболағали таққослашга йўл қўймаслиги;

тиббий маслаҳатлар ёки жарроҳлик операцияларининг кераксизлиги тўғрисида тасаввур пайдо қилмаслиги;

мазкур дори воситасининг таъсири кафолатланганлиги тўғрисидаги фикрни тасдиқламаслиги;

дори воситасини қўлламаслик одам соғлиғини ёмонлаштириши тўғрисидаги фикрни истеъмолчининг онгига сингдирмаслиги керак;

в) дори воситасининг Ўзбекистон Республикаси Соғлиқни сақлаш вазирлиги томонидан тасдиқланадиган, рецептсиз бериладиган дори воситалари рўйхатида мавжудлиги;

г) дори воситаси Ўзбекистон Республикасида рўйхатдан ўтказилган ва унинг амалдаги рўйхатдан ўтказилганлик гувоҳномаси бўлиши керак.

III. Рухсатнома олиш учун зарур бўлган ҳужжатлар

10. Рухсатнома олиш учун ариза берувчи ваколатли органга қуйидаги ҳужжатларни тақдим этади:

а) рухсатнома бериш тўғрисида мазкур Низомнинг 3-иловасига мувофиқ шакл бўйича ариза;

в) реклама материаллари (матн, сценарий, видео, аудио, мақола, модуль ва бошқалар);

г) рухсатнома бериш тўғрисидаги аризани кўриб чиқиш учун йиғим тўланганлигини тасдиқловчи банк ҳужжати.

11. Ариза берувчидан ушбу Низомнинг 10-бандида назарда тутилмаган ҳужжатларнинг тақдим этилишини талаб қилишга йўл қўйилмайди.

12. Рухсатнома олиш учун зарур бўлган ҳужжатлар ариза берувчи томонидан ваколатли органга бевосита, почта алоқаси воситалари орқали ёки электрон шаклда, улар олинганлиги ҳақидаги хабардорнома билан бирга тақдим этилади. Электрон шаклда тақдим этилган ҳужжатлар ариза берувчининг электрон рақамли имзоси билан тасдиқланади.

13. Рухсатнома олиш учун ваколатли органга тақдим этилган ҳужжатлар рўйхат бўйича қабул қилинади, рўйхат ваколатли орган томонидан ҳужжатлар қабул қилинган сана тўғрисида белги қўйилган ҳолда дарҳол ариза берувчига топширилади (юборилади).

14. Рухсатнома олиш учун ариза берувчи томонидан тақдим этилган ҳужжатлар барча ҳолларда, токи ваколатли орган уларнинг ишончсизлигини исботламагунгача ишончли ҳисобланади.

IV. Аризани кўриб чиқиш ва рухсатнома бериш ёки рухсатнома беришни рад этиш тўғрисида қарор қабул қилиш

15. Рухсатнома бериш тўғрисидаги ариза кўриб чиқилганлиги учун қонун ҳужжатларида белгиланган энг кам ойлик иш ҳақининг бир баробари миқдорида йиғим ундирилади. Ариза кўриб чиқилганлиги учун йиғим суммаси ваколатли органнинг ҳисоб рақамига ўтказилади. Ариза берувчи берилган аризасидан воз кечган тақдирда тўланган йиғим суммаси қайтарилмайди.

16. Ваколатли орган рухсатнома бериш тўғрисидаги аризани ариза берувчидан ушбу Низомнинг 10-бандида назарда тутилган барча зарур ҳужжатлар қабул қилиб олинган санадан бошлаб ўн иш кунидан ошмайдиган муддатда кўриб чиқади.

17. Рухсатнома бериш тўғрисидаги аризани кўриб чиқиш учун ваколатли орган томонидан дори воситаларини реклама қилиш учун рухсатнома бериш бўйича комиссия (кейинги ўринларда комиссия деб аталади) тузилади.

18. Барча ҳужжатлар экспертизадан ўтказилгандан сўнг комиссия томонидан рухсатнома икки нусхада расмийлаштирилади ва реклама материали матни тасдиқланади, рухсатноманинг бир нусхаси (эълон қилинган материаллар, намуналар, видео ва аудиокассеталар, CD ва бошқалар) амал қилиш муддати тугагунга қадар ваколатли органда сақланади.

19. Рухсатнома олиш учун ариза берувчи томонидан ваколатли органга тақдим этилган ҳужжатлар ва материаллар қайтариб берилмайди.

20. Агар ваколатли орган аризани кўриб чиқишнинг белгиланган муддати мобайнида ариза берувчини рухсатнома бериш ёки уни беришни рад этиш тўғрисида хабардор қилмаса, ариза берувчи реклама қилиш учун рухсатнома олиш мўлжалланаётган дори воситасини реклама қилиш ҳуқуқига эга бўлади, бу ҳақда у ваколатли органни ёзма равишда хабардор қилади.

21. Ушбу Низомнинг 20-бандида назарда тутилган ҳолатда ваколатли орган ариза берувчининг ёзма хабарномаси олингандан кейин беш иш кун мобайнида унга рухсатнома бериши шарт. Рухсатнома олингунга қадар, тақдим этилган ҳужжатларнинг улар қабул қилиб олинган сана ҳақида белги қўйилган рўйхати ва ариза берувчи томонидан ваколатли органга йўлланган ёзма хабарнома рухсатномага тенглаштирилади ҳамда дори воситасини реклама қилиш учун асос ҳисобланади.

22. Ваколатли орган, тегишли қарор қабул қилинган санадан эътиборан бир иш кунидан кечикмай, ариза берувчига рухсатномани бериши (юбориши) ёки рухсатнома бериш рад этилганлиги тўғрисида уни ёзма шаклда хабардор қилиши шарт.

Рухсатнома берилганлиги учун йиғим ундирилмайди.

23. Қуйидагилар рухсатнома беришни рад этиш учун асос ҳисобланади:
рухсатнома берилиши учун зарур бўлган ҳужжатларнинг ариза берувчи томонидан тўлиқ бўлмаган ҳажмда тақдим этилганлиги;

ариза берувчининг рухсатнома беришга доир талаблар ва шартларга мувофиқ эмаслиги;

ариза берувчи томонидан тақдим этилган ҳужжатларда нотўғри ёки бузиб кўрсатилган маълумотларнинг мавжудлиги.

Рухсатнома беришнинг бошқа асослар, шу жумладан унинг мақсадга мувофиқ эмаслиги сабаблари бўйича рад этилишига йўл қўйилмайди.

24. Рухсатнома беришнинг рад этилганлиги ҳақидаги хабарнома ариза берувчига ёзма шаклда, рад этиш сабаблари, қонун ҳужжатларининг аниқ нормалари ва ариза берувчи кўрсатилган сабабларни бартараф этиб, такроран кўриб чиқиш учун ҳужжатларни тақдим этиши мумкин бўлган муддат кўрсатилган ҳолда юборилади (топширилади). Ариза берувчи рад этиш сабабларини бартараф этиб ва ҳужжатларни такроран кўриб чиқиш учун тақдим этиши мумкин бўлган муддат рухсатномани бериш рад этилганлиги ҳақидаги ёзма хабарнома олинган кундан эътиборан ўн иш кунидан кам бўлмаслиги керак.

25. Ариза берувчи рухсатнома беришни рад этиш учун асос бўлган сабабларни белгиланган муддатда бартараф этган тақдирда, ҳужжатлар такроран кўриб чиқиш, рухсатнома бериш ёки уни беришни рад этиш ариза берувчидан рад этиш сабаблари бартараф этилганлигини тасдиқловчи тегишли ҳужжатлар олинган кундан эътиборан ўн иш кун ичида ваколатли орган томонидан такроран кўриб чиқилади. Ариза такроран кўриб чиқилганлиги учун йиғим ундирилмайди.

26. Ҳужжатларни такроран кўриб чиқишда ариза берувчига илгари ёзма хабарномада баён қилинмаган рад этиш сабабларининг ваколатли орган томонидан келтирилишига йўл қўйилмайди, илгари кўрсатилган сабаблар бартараф этилганлигини тасдиқловчи ҳужжатлар билан боғлиқ рад этиш сабабларининг келтирилиши бундан мустасно.

27. Рухсатномани бериш рад этилганлиги ҳақидаги хабарномада кўрсатилган муддат ўтгандан кейин ариза берувчи томонидан топширилган ариза янгидан топширилган ҳисобланади ва ваколатли орган томонидан умумий асосларда кўриб чиқилади.

28. Ариза берувчи рухсатномани беришнинг рад этилганлиги, шунингдек ваколатли орган мансабдор (ваколатли) шахсининг ҳаракати (ҳаракатсизлиги) юзасидан белгиланган тартибда шикоят қилиш ҳуқуқига эга.

V. Рухсатномани қайта расмийлаштириш, унинг амал қилиш муддатини узайтириш, дубликатлар бериш

29. Юридик шахс бўлган ариза берувчи қайта ташкил этилганда, унинг номи ёки жойлашган жойи (почта манзили) ўзгарганда, ариза берувчи ёхуд унинг ҳуқуқий вориси қайта рўйхатдан ўтгандан кейин етти иш кун ичида мобайнида ваколатли органга рухсатномани қайта расмийлаштириш тўғрисидаги аризани, кўрсатилган маълумотларни тасдиқловчи ҳужжатларни илова қилган ҳолда, топширади.

Жисмоний шахс бўлган ариза берувчи ўзига берилган яқка тартибдаги тадбиркорни давлат рўйхатидан ўтказиш тўғрисидаги гувоҳномада кўрсатилган фамилияси, исми, отасининг исми ёки фаолият кўрсатадиган жойи ўзгарган тақдирда, у қайта рўйхатдан ўтгандан кейин етти иш кун ичида мобайнида ваколатли органга рухсатномани қайта расмийлаштириш тўғрисидаги аризани, кўрсатилган маълумотларни тасдиқловчи ҳужжатларни илова қилган ҳолда, топширади.

Ҳужжатлар ариза берувчи томонидан ваколатли органга бевосита, почта алоқаси воситалари орқали ёки электрон шаклда, улар олинганлиги ҳақидаги хабарнома билан бирга тақдим этилади. Электрон шаклда тақдим этилган ҳужжатлар ариза берувчининг электрон рақамли имзоси билан тасдиқланади.

Рухсатномани қайта расмийлаштиришда ариза берувчидан мазкур бўлимда назарда тутилмаган ҳужжатларни тақдим этишни талаб қилишга йўл қўйилмайди.

30. Рухсатнома қайта расмийлаштирилгунга қадар, рухсатномани қайта расмийлаштириш тўғрисида ариза берган ариза берувчи ёки унинг ҳуқуқий вориси рухсатномани қайта расмийлаштириш тўғрисида берилган, қабул қилиб олинган санаси ҳақида ваколатли органнинг белгиси қўйилган ариза асосида реклама қилишни амалга оширади.

Рухсатнома қайта расмийлаштирилганда ваколатли орган рухсатномалар реестрига тегишли ўзгартириш киритади. Рухсатномани қайта расмийлаштириш ва бериш рухсатномани қайта расмийлаштириш тўғрисидаги ариза тегишли ҳужжатлар илова қилинган ҳолда ваколатли орган томонидан қабул қилиб олинган кундан эътиборан икки иш кунидан кўп бўлмаган муддатда амалга оширилади.

31. Ушбу Низомда белгиланган ҳолатларда, рухсатномани қайта расмийлаштирганлик учун қайта расмийлаштириш тўғрисида ариза берилган санада рухсатнома бериш ҳақидаги ариза ваколатли орган томонидан кўриб чиқилганлиги учун тўланадиган сумманинг ярми миқдорида йиғим ундирилади. Йиғим суммаси ваколатли органнинг ҳисоб рақамига ўтказилади.

32. Рўйхатдан ўтказиш гувоҳномасининг амал қилиш муддати тугагач, ариза берувчининг аризасига кўра, матни ўзгармаган ҳолда рухсатноманинг амал қилиш муддати ушбу дори воситасининг Ўзбекистон Республикасида рўйхатдан ўтказилганлиги тўғрисидаги гувоҳноманинг янги амал қилиш муддати тугагунгача узайтирилиши мумкин, бу ҳолда рўйхатдан ўтказиш гувоҳномасини қайта рўйхатдан ўтказишда ёки амал қилиш муддатини узайтиришда ўзгартириш ва қўшимчалар киритилмаган бўлиши шарт.

33. Рухсатнома йўқолган ёки яроқсиз ҳолга келган тақдирда ариза берувчининг аризасига кўра унинг дубликати берилади.

Рухсатнома йўқолган ёки яроқсиз ҳолга келган тақдирда, ваколатли орган ариза, шунингдек рухсатноманинг асл нусхаси ҳамда рухсатноманинг дубликати берилганлиги учун ариза берувчи томонидан йиғим тўланганлигини тасдиқловчи ҳужжат олинган кундан эътиборан икки иш кунидан кўп бўлмаган муддатда рухсатноманинг дубликатини бериши (юбориши) шарт.

34. Рухсатноманинг дубликатини бериш тўғрисида ариза ваколатли орган томонидан кўриб чиқилганлиги учун рухсатнома дубликатини бериш тўғрисида ариза топширилган санада белгиланган энг кам ойлик иш ҳақининг ярми миқдорида йиғим ундирилади. Йиғим суммаси ваколатли органнинг ҳисоб рақамига ўтказилади.

VI. Рухсатноманинг амал қилишини тўхтатиб туриш ва тўхтатиш

35. Рухсатноманинг амал қилишини тўхтатиб туриш, тўхтатиш ва уни бекор қилиш «Тадбиркорлик фаолияти соҳасидаги рухсат бериш тартиб-таомиллари тўғрисида»ги Ўзбекистон Республикаси Қонунининг 22, 23 ва 25-моддаларида назарда тутилган тартибда ва ҳолларда ваколатли орган томонидан амалга оширилади.

36. Рухсат беришга доир талаблар ва шартларни бир маротаба қўпол равишда бузилишининг қуйидаги ҳолатлари рухсатноманинг амал қилишини тўхтатиш учун асос бўлиши мумкин:

рекламанинг рухсат этилган реклама материалларига номувофиқлиги ёки ушбу рекламанинг жиддий ножўя таъсирларга олиб келиши мумкинлиги аниқланганда;

дори воситасининг дозаси тўғрисида нотўғри ахборот берилганлиги аниқланганда.

37. Реклама қилинаётган дори воситаси рецептсиз бериладиган дори воситаларининг рўйхатидан чиқарилган тақдирда ариза берувчи дори воситасини рухсатнома амал қиладиган муддат мобайнида реклама қилишни тўхтатиши зарур. Бунда рухсатноманинг амал қилиши тегишли равишда тўхтайди.

VII. Берилган рухсатномалар реестри

38. Ваколатли орган берилган рухсатномалар реестрини белгиланган тартибда юритади ва уни ўз расмий веб-сайтида жойлаштиради.

39. Рухсатномалар реестрида қуйидаги маълумотлар кўрсатилиши керак:

ариза берувчилар тўғрисидаги асосий маълумотлар (номи, ташкилий-ҳукукий шакли, почта манзили, боғланиш телефони рақами);

рухсатноманинг тартиб рақами ва берилган санаси;

рухсатномани қайта расмийлаштиришнинг асослари ва санаси, унинг амал қилишини тўхтатиб туриш ва тиклаш;
рухсатноманинг амал қилишини тўхтатишнинг асос ва санаси;
дубликатни беришнинг асоси ва санаси.

VIII. Яқунловчи қоида

40. Мазкур Низом талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

II. Иқтисодиёт ва молия (жумладан, солиқ, божхона, тадбиркорлик, фаолиятнинг айрим турларини лицензиялаш, инвестиция ва савдо) соҳасидаги давлат хизматлари:

2.1. Алкоголли маҳсулотлар билан чакана савдо қилиш ҳуқуқини берадиган рухсат гувоҳномаси бўйича давлат хизмати

Алкоголли маҳсулотлар билан чакана савдо қилиш ҳуқуқини берадиган рухсат гувоҳномасини бериш тартиби тўғрисида НИЗОМ

(Ўзбекистон Республикаси Президентининг 2007 йил 16 мартдаги
ПҚ-605-сон қарори билан тасдиқланган)

I. Умумий қоидалар

1. Мазкур Низом алкоголли маҳсулотлар билан чакана савдо қилиш ҳуқуқини берадиган рухсат гувоҳномасини бериш тартибини белгилайди.

2. Алкоголли маҳсулотларнинг чакана савдоси билан фақат алкоголли маҳсулотлар билан чакана савдо қилиш ҳуқуқини берадиган рухсат гувоҳномасини олган юридик шахслар шуғулланишлари мумкин.

3. Рухсат гувоҳномаси бериш (амал қилиш муддатини 10 кун муддатгача тўхтатиб қўйиш, шунингдек амал қилишини тўхтатиш, бекор қилиш тартиб-қоидаси ташаббуси билан чиқиш) тўғрисидаги қарор Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги 1-иловага* мувофиқ таркибда ташкил этиладиган алкоголли маҳсулотлар билан чакана савдо қилиш ҳуқуқини берадиган рухсат гувоҳномасини бериш бўйича махсус комиссиялар (кейинги ўринларда «Комиссия» деб юритилади) томонидан қабул қилинади.

Ҳужжатларни қабул қилиш, улар бўйича Комиссиянинг хулосалари ва қарорлари лойиҳаларини тайёрлаш учун туманлар (шаҳарлар) даражасида туман (шаҳар) ҳокимликлари ҳузурида 2-иловага* мувофиқ таркибда алкоголли маҳсулотлар билан чакана савдо қилиш ҳуқуқини берадиган рухсат гувоҳномасини олиш учун ҳужжатларни кўриб чиқиш бўйича комиссиялар (кейинги ўринларда «ишчи орган» деб юритилади) ташкил этилади.

4. Алкоголли маҳсулотлар билан чакана савдо қилиш ҳуқуқини берадиган рухсат гувоҳномаси (кейинги ўринларда «рухсат гувоҳномаси» деб юритилади) ҳар бир турғун чакана савдо шохобчасига 3 ва 4-иловаларга мувофиқ схема ва шакл бўйича аризада кўрсатилган муддатга, бироқ икки йилдан ортиқ бўлмаган муддатга берилади.

II. Рухсат гувоҳномасини олиш учун юридик шахсларга қўйиладиган талаблар

5. Алкоголли маҳсулотлар билан чакана савдо қилиш ҳуқуқини берадиган рухсат гувоҳномасини олиш учун юридик шахсларга қуйидаги талаблар қўйилади:

рухсат гувоҳномасини олиш учун ариза берилган пайтда шаҳарларда — энг кам ойлик иш ҳақининг камида 100 баравари миқдорида ва қишлоқ жойларда ҳамда чекка тоғли туманларда энг кам ойлик иш ҳақининг 50 баравари миқдорида шаклланган устав фонди мавжуд бўлиши;

шаҳарларда — алоҳида кириладиган ва камида 25 квадрат метрли, қишлоқ жойларда камида 15 квадрат метрли савдо зали майдони бўлган (фақат алкоғолли маҳсулотлар билан чакана савдо қилишга мўлжалланган), чекка тоғли туманларда — алоҳида савдо секцияси бўлган, алкоғолли маҳсулотларни сақлаш ва сотишнинг санитария нормалари ва қоидаларига (шу жумладан назорат-касса машиналарини ва банк пластик карточкалари орқали тўловларни қабул қилиш бўйича ҳисоб-китоб терминалларини қўллаш шартларига, моддий бойликлар тўлиқ даражада сақланиши таъминланишига) мувофиқ бўлган омбор бинолари ва асбоб-ускуналари бўлган ўзининг ёки ижарага олинган турғун савдо шохобчаси мавжудлиги;

турғун савдо шохобчаси таълим, спорт ва диний муассасалардан радиуси камида беш юз метр масофада жойлашганлиги;

савдо шохобчалари жамоат транспорти тўхташ жойларида, шу жумладан метрополитен бекатларида, жамоат жойларида ва дам олиш жойларида, даволаш-профилактика ва спорт-соғломлаштириш муассасалари ҳудудида, ушбу муассасалар ва ишлаб чиқариш корхоналарининг ошхоналарида, шунингдек аэропортлар, темир йўл вокзаллари ва автостанцияларга туташиб кетган жойларда жойлашмаганлиги;

юридик шахс томонидан алкоғолли маҳсулотлар билан чакана савдо қилиш учун белгиланган тартибда рўйхатдан ўтказилган махсус фойдаланиладиган, ҳимояланган фискал хотирали назорат-касса машинаси ва банк пластик карточкалари орқали тўловларни қабул қилиш бўйича ҳисоб-китоб терминаллари мавжудлиги.

III. Рухсат гувоҳномасини олиш учун зарур бўлган ҳужжатлар

6. Рухсат гувоҳномасини олиш учун юридик шахслар турғун чакана савдо шохобчаси жойлашган жой бўйича Комиссиянинг ишчи органига қуйидагиларни тақдим этадилар:

юридик шахснинг номи ва ташкилий-ҳуқуқий шакли, у жойлашган жой (почта манзили), банк муассасаси номи ва банкдаги ҳисоб рақамининг тартиб рақами кўрсатилган ҳолда рухсат гувоҳномаси берилиши тўғрисида ариза;

Олдинги таҳрирга қаранг.

юридик шахс давлат рўйхатидан ўтказилганлиги тўғрисидаги гувоҳноманинг нусхаси;

шаҳарларда — энг кам ойлик иш ҳақининг камида 100 баравари миқдорида ва қишлоқ жойларда ҳамда чекка тоғли туманларда — энг кам ойлик иш ҳақининг 50 баравари миқдорида шакллантирилган устав фонди мавжудлигини тасдиқлайдиган ҳужжатнинг нусхаси. Устав фонди пул маблағларида шакллантирилган тақдирда тасдиқловчи ҳужжат хизмат кўрсатувчи банк томонидан берилади. Устав фонди бошқа мол-мулк билан шакллантирилган тақдирда юридик шахс ушбу мол-мулкка эгалик ҳуқуқи, унинг қиймати ва у устав фондига қўшилганлиги ҳақидаги тасдиқномани тақдим этади;

чакана савдо қилиш ҳуқуқи учун маҳаллий йиғим тўланганлигини тасдиқлайдиган банк ҳужжатининг нусхаси.

Ишчи орган рухсат гувоҳномасини бериш учун бошқа ваколатли органларда мавжуд бўлган зарур ҳужжатлар ва ахборотни белгиланган тартибда ахборот соҳасидаги ҳамкорлик воситасида, шу жумладан электрон кўринишида мустақил равишда олади, мазкур бандда назарда тутилган ҳужжатлар ва ахборот бундан мустасно.

7. Юридик шахсдан мазкур Низомда назарда тутилмаган ҳужжатларни тақдим этиш талаб қилинишига йўл қўйилмайди.

8. Ҳужжатлар юридик шахс томонидан ишчи органга бевосита ёхуд олинганлиги маълум қилинган ҳолда почта алоқаси воситаси орқали етказиб берилади.

Ҳужжатлар ишчи органнинг масъул шахси томонидан рўйхат бўйича қабул қилинади, уларнинг нусхаси ҳужжатлар қабул қилинган сана тўғрисидаги белги қўйилган ҳолда ариза берувчига топширилади (юборилади).

Қонун ҳужжатларида белгиланган тақдим этилган маълумотларнинг ишончлилиги учун юридик шахс — ариза берувчи жавоб беради.

IV. Ишчи орган томонидан аризалар кўриб чиқилиши тартиби

9. Ишчи орган 5 иш куни мобайнида тақдим этилган ҳужжатларни ўрганади ва уларнинг ишончлилигини ҳамда алкоғолли маҳсулотлар билан чакана савдо қилишнинг мазкур Низом билан белгиланган талабларига мувофиқлигини аниқлайди.

10. Ишчи органнинг барча аъзолари бир овоздан қарор қабул қилган тақдирда Комиссияга рухсат гувоҳномаси бериш тўғрисидаги таклиф киритилади.

Агар ишчи орган Комиссияга ижобий хулоса киритган тақдирда, хулоса билан биргаликда алкоғолли маҳсулотлар сотиш ва нақд пул тушумини тижорат банклари кассаларига топширишнинг прогноз ҳажмлари киритилади. Комиссия томонидан рухсат гувоҳномаси берилган тақдирда прогноз ҳажмларга йилнинг ҳар чорагида ишчи орган томонидан тузатишлар киритилади.

Комиссия раиси ва аъзолари мазкур Низомнинг 5-бандида назарда тутилган талабларга мос келмайдиган юридик шахсларга рухсат гувоҳномаси берилганлиги учун шахсан жавобгар бўладилар.

V. Ишчи органнинг хулосаси Комиссия томонидан кўриб чиқилиши ва рухсат гувоҳномасини бериш ёки рухсат гувоҳномаси беришни рад этиш тўғрисида қарор қабул қилиш тартиби

11. Комиссия 10 иш куни мобайнида ишчи орган томонидан тақдим этилган ҳужжатларни ўрганади ва комиссиянинг барча аъзолари бир овоздан қарор қабул қилган тақдирда рухсат гувоҳномасини бериш тўғрисида қарор қабул қилади.

Комиссия юридик шахсни тегишли қарор қабул қилингандан кейин 3 иш куни мобайнида қабул қилинган қарор тўғрисида хабардор қилади.

12. Рухсат гувоҳномаси Комиссия раиси томонидан имзоланади.

Рухсат гувоҳномаси бланкалари қатъий ҳисобот бериладиган ҳужжатлар ҳисобланади, ҳисобга олиш сериясига, тартиб рақамига, ҳимояланганлик даражасига эга бўлади.

Комиссия раиси рухсат гувоҳномаси бланкаларидан мақсадли фойдаланилиши, уларнинг сақланиши ва ҳисобга олиниши учун шахсан жавоб беради.

Рухсат гувоҳномаси бланкалари, шу жумладан алкоғолли маҳсулотлар билан чакана савдо қилиш учун юридик шахсларга берилган рухсат гувоҳномаси бланкалари ҳисоби Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан берилган рухсатномаларни рўйхатдан ўтказиш дафтарида юритилади.

VI. Рухсат гувоҳномаси беришни рад этиш учун асослар

13. Қуйидагилар рухсат гувоҳномаси беришни рад этиш учун асос ҳисобланади: рухсат гувоҳномасини бериш учун зарур ҳужжатларнинг тўлиқ ҳажмда тақдим этилмаслиги;

буюртмачининг алкоғолли маҳсулотлар билан чакана савдо қилиш учун мазкур Низомнинг 5-бандида белгиланган талабларга мувофиқ эмаслиги;

тақдим этилган ҳужжатларда ишончсиз ёки бузилган маълумотлар мавжудлиги.

Бошқа асослар бўйича, шу жумладан мақсадга мувофиқ эмаслиги сабаби билан рухсат гувоҳномаси бериш рад этилишига йўл қўйилмайди.

Юридик шахс рухсат гувоҳномаси бериш рад этилиши тўғрисидаги қарор устидан қонун ҳужжатларида белгиланган тартибда шикоят қилиш ҳуқуқига эгадир.

14. Рад этишнинг аниқ сабаблари кўрсатилган рухсат гувоҳномаси беришни рад этиш тўғрисидаги асосли қарор юридик шахсга комиссия раисининг имзоси билан ёзма шаклда топширилади (юборилади). Ушбу қарорда шунингдек юридик шахс кўрсатилган сабабларни бартараф этиб, ҳужжатларни такроран кўриб чиқиш учун тақдим этиши учун етарли бўлган муддат кўрсатилади.

Рухсат гувоҳномасини бериш тўғрисидаги аризани такроран кўриб чиқишда, мазкур гувоҳномани беришни рад этиш тўғрисидаги қарорда аввал кўрсатилмаган янги асослар бўйича рухсат гувоҳномасини беришни рад этишга йўл қўйилмайди.

VII. Рухсат гувоҳномасини қайта расмийлаштириш, унинг амал қилиш муддатини узайтириш, дубликат бериш

15. Юридик шахс қайта ўзгартирилган, унинг номи ёки жойлашган жойи (почта манзили) ўзгарган тақдирда юридик шахс ёки унинг ҳуқуқий вориси қайта рўйхатдан ўтказилгандан кейин бир ҳафта муддатда кўрсатиб ўтилган маълумотларни тасдиқлайдиган ҳужжатлар илова қилинган ҳолда ишчи органга рухсат гувоҳномасини қайта расмийлаштириш тўғрисида ариза бериши шарт.

Ушбу ҳолатда рухсат гувоҳномаси қайта расмийлаштирилгунга қадар юридик шахс рухсат гувоҳномасида кўрсатилган фаолиятни олдин берилган рухсат гувоҳномаси асосида амалга оширади.

16. Рухсат гувоҳномасини қайта расмийлаштиришда берилган рухсатномаларни рўйхатдан ўтказиш дафтарига тегишли ўзгартиришлар киритилади. Рухсат гувоҳномасини қайта расмийлаштириш ишчи орган томонидан юридик шахснинг тегишли ҳужжатлар илова қилинган рухсат гувоҳномасини қайта расмийлаштириш тўғрисидаги аризаси олинган кундан бошлаб 5 иш куни мобайнида амалга оширилади.

17. Рухсат гувоҳномасининг амал қилиш муддатини узайтириш юридик шахснинг аризаси бўйича амалга оширилади.

Рухсат гувоҳномасининг амал қилиш муддатини узайтириш тўғрисидаги ариза ишчи органга рухсат гувоҳномасининг амал қилиш муддати тамом бўлишидан камида 15 кун олдин берилиши керак.

Рухсат гувоҳномасининг амал қилиш муддатини узайтириш ёки узайтиришни рад этиш тўғрисидаги қарор рухсат гувоҳномасини бериш учун назарда тутилган тартибда қабул қилинади.

18. Амал қилиш муддати тамом бўлмаган йўқотилган ёки яроқсиз ҳолга келиб қолган рухсат гувоҳномаси ўрнига юридик шахснинг аризасига кўра дубликат берилиши мумкин.

VIII. Рухсат гувоҳномасининг амал қилишини тўхтатиб туриш, тўхтатиш ва уни бекор қилиш

19. Давлат солиқ хизмати органларининг тақдимномаси бўйича Комиссия алкоғолли маҳсулотлар билан чакана савдо қилиш қоидалари, шу жумладан нақд пул тушумини инкассация қилиш қоидалари бузилганлиги аниқланган тақдирда рухсат гувоҳномасининг амал қилишини 10 кундан ортиқ бўлмаган муддатга тўхтаб туриш тўғрисида қарор қабул қилиши мумкин.

20. Таъмирлаш ишлари амалга оширилиши, шунингдек шунга ўхшаш бошқа ҳолатлар муносабати билан фаолият вақтинча тўхтатилган тақдирда юридик шахс бу ҳақда Комиссияга ва давлат солиқ хизматининг тегишли органига ёзма равишда маълум қилиши шарт.

21. Юридик шахс томонидан алкоғолли маҳсулотлар билан чакана савдо қилиш қоидалари мунтазам равишда ёхуд бир марта кўпол равишда бузилган тақдирда,

шунингдек қонун ҳужжатларида белгиланган бошқа ҳолатларда рухсат гувоҳномасининг амал қилиши суд тартибида тўхтатилиши мумкин.

22. Қалбаки ҳужжатлардан фойдаланилган ҳолда рухсат гувоҳномаси олинishi ҳолати тасдиқланган тақдирда, шунингдек қонун ҳужжатларида белгиланган бошқа ҳолатларда рухсат гувоҳномасининг амал қилиши қонун ҳужжатларида белгиланган тартибда бекор қилиниши мумкин.

IX. Мазкур Низом бузилганлиги учун жавобгарлик

23. Мазкур Низомни бузишда айбдор бўлган шахслар қонун ҳужжатларида белгиланган тартибда жавоб берадилар.

2.2. Умумий овқатланиш корхоналари томонидан алкогольли маҳсулотларни сотиш ҳуқуқи учун рухсат гувоҳномасини бериш бўйича давлат хизмати

Умумий овқатланиш корхоналари томонидан алкогольли маҳсулотларни сотиш ҳуқуқи учун рухсат гувоҳномаси бериш тартиби тўғрисида

НИЗОМ

(Вазирлар Маҳкамасининг 2012 йил 28 мартдаги
89-сон қарори билан тасдиқланган)

I. Умумий қоидалар

1. Ушбу Низом умумий овқатланиш корхоналари томонидан алкогольли маҳсулотларни сотиш ҳуқуқи учун рухсат гувоҳномаси (кейинги ўринларда рухсат гувоҳномаси деб аталади) бериш тартибини белгилайди.

2. Умумий овқатланиш корхоналари алкогольли маҳсулотни сотишни фақат:

ушбу Низомга мувофиқ берилган рухсат гувоҳномаси;

белгиланган тартибда рўйхатдан ўтказилган, фискал хотирага эга бўлган назорат-касса машинаси;

ёнғинга қарши, санитария нормалари ва қоидаларига мувофиқ бўлган омборхоналарга ва асбоб-ускуналарга эга бўлган ўзининг ёки ижарага олинган умумий овқатланиш объекти мавжуд бўлганда амалга оширадилар. Бунда умумий овқатланиш объектилари таълим, спорт ва диний муассасалар ҳудудларида, жамоат транспорти бекатларида, даволаш-профилактика ва спорт-соғломлаштириш муассасалари ҳудудида, ушбу муассасалар ва ишлаб чиқариш корхоналари ошхоналарида жойлашмаган бўлиши керак.

3. Рухсат гувоҳномаси бериш (амал қилиш муддатини 10 кунгача тўхтатиб туриш, шунингдек амал қилиш муддатини тўхтатиш, уни бекор қилиш юзасидан суд тартиботини бошлаш) тўғрисидаги қарор Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги алкогольли маҳсулотларни чакана сотиш ҳуқуқи учун рухсат гувоҳномалари бериш бўйича махсус комиссиялар (кейинги ўринларда Комиссия деб аталади) томонидан қабул қилинади.

Ҳужжатларни қабул қилиш, улар бўйича Комиссия хулосалари ва қарорлари лойиҳаларини тайёрлаш туман (шаҳар) ҳокимликлари ҳузуридаги алкогольли маҳсулотларни чакана сотиш ҳуқуқи учун рухсат гувоҳномалари олишга оид ҳужжатларни кўриб чиқиш комиссиялари (кейинги ўринларда ишчи орган деб аталади) томонидан амалга оширилади.

Умумий овқатланиш корхоналари томонидан алкогольли маҳсулотларни сотиш ҳуқуқи учун қонун ҳужжатларида белгиланган миқдорда йиғим ундирилади, тушган маблағлар кейинчалик Ўзбекистон Республикаси Молия вазирлиги томонидан белгиланган тартибда тақсимланади.

4. Рухсат гувоҳномаси ҳар бир умумий овқатланиш объекти учун аризада кўрсатилган муддатга, лекин кўпи билан икки йил муддатга, ушбу Низомга 1 ва 2-иловаларга мувофиқ схема ва шакл бўйича берилади.

II. Рухсат гувоҳномаси олиш учун зарур бўлган ҳужжатлар

5. Рухсат гувоҳномаси олиш учун умумий овқатланиш корхонаси ўзи жойлашган жойдаги ишчи органга қуйидаги ҳужжатларни тақдим этади:

рухсат гувоҳномаси олиш учун ариза, унда умумий овқатланиш корхонасининг ташкилий-ҳуқуқий шакли ва номи, унинг жойлашган жойи (почта манзили), банкнинг номи ва банкдаги ҳисоб-китоб рақами кўрсатилади;

умумий овқатланиш корхонасининг давлат рўйхатидан ўтказилганлиги тўғрисидаги гувоҳнома нусхаси;

рухсат гувоҳномаси олиш учун ариза бериш вақтига келиб шаҳарларда — энг кам ойлик иш ҳақининг камида 100 баравари миқдорида ҳамда қишлоқ жойларда ва узоқ тоғли туманларда — энг кам ойлик иш ҳақининг камида 50 баравари миқдорида шакллантирилган устав фондининг мавжудлигини тасдиқловчи ҳужжат нусхаси. Агар устав фонди пул шаклида шакллантирилган бўлса — бу тўғридаги тасдиқловчи ҳужжат хизмат кўрсатувчи банк томонидан берилади. Устав жамғармаси бошқача мулк билан шакллантирилган тақдирда ушбу мулкка эгалик ҳуқуқини, унинг қийматини ва унинг устав фондига киритилишини тасдиқловчи ҳужжат тақдим этилади;

хизмат кўрсатувчи банкнинг банк пластик карточкаларидан тўловларни қабул қилиш бўйича ҳисоб-китоб терминалининг мавжудлиги тўғрисидаги маълумотномаси;

аризада кўрсатилган муддатга мувофиқ рухсат гувоҳномаси берилганлиги учун йиғим тўланганлигини тасдиқловчи банк ҳужжати нусхаси.

Ишчи орган рухсат гувоҳномаси бериш учун бошқа ваколатли органларда мавжуд бўлган зарур ҳужжатлар ва ахборотларни белгиланган тартибда ўзаро ахборот ҳамкорлиги йўли билан, шу жумладан электрон тарзда мустақил равишда олади, ушбу бандда назарда тутилган ҳужжатлар ва ахборотлар бундан мустасно.

6. Умумий овқатланиш корхонасидан ушбу Низомнинг 5-бандида назарда тутилмаган ҳужжатларнинг тақдим этилишини талаб қилишга йўл қўйилмайди.

7. Ҳужжатлар ишчи органга бевосита ёхуд уларнинг олинганлиги тўғрисидаги билдиришнома билан почта алоқаси воситалари орқали тақдим этилади.

Ҳужжатлар ишчи органнинг масъул шахси томонидан рўйхат бўйича қабул қилинади, рўйхатнинг нусхаси ҳужжатлар қабул қилинган сана тўғрисидаги белги қўйилган ҳолда ариза берувчига топширилади (юборилади).

Тақдим этилган маълумотларнинг ишончлилиги учун умумий овқатланиш корхонаси — ариза берувчи жавоб беради.

III. Аризаларни ишчи орган томонидан кўриб чиқиш тартиби

8. Ишчи орган тақдим этилган ҳужжатларни 5 иш куни мобайнида ўрганиб чиқади ва уларнинг ишончлилигини, шунингдек ушбу Низомда назарда тутилган талабларга мувофиқлигини аниқлайди.

9. Ишчи органнинг барча аъзолари томонидан бир овоздан қарор қабул қилинган тақдирда рухсат гувоҳномаси бериш тўғрисида Комиссияга таклиф киритилади.

Ишчи орган томонидан Комиссияга ижобий хулоса киритилган тақдирда, хулоса билан бир вақтда, умумий овқатланиш корхонаси томонидан алкоғолли маҳсулотларни сотиш ва нақд тушумни банклар кассасига топширишнинг прогноз ҳажмлари тақдим этилади, уларга ҳар чоракда ишчи орган томонидан тузатишлар киритилади.

IV. Ишчи орган хулосасини кўриб чиқиш ва рухсат гувоҳномасини бериш ёки беришни рад этиш тўғрисида қарор қабул қилиш тартиби

10. Комиссия ишчи орган томонидан тақдим этилган ҳужжатларни 10 иш кун мобайнида ўрганиб чиқади ва Комиссиянинг барча аъзолари томонидан бир овоздан қарор қабул қилинган тақдирда рухсат гувоҳномаси бериш тўғрисида қарор қабул қилади.

Қарор қабул қилингандан сўнг Комиссия умумий овқатланиш корхонасини қабул қилинган қарор тўғрисида 3 иш куни мобайнида хабардор қилади.

11. Рухсат гувоҳномаси Комиссия раиси томонидан имзоланади.

Рухсат гувоҳномаси бланкалари қатъий ҳисобот бериладиган ҳужжатлар ҳисобланади, ҳисобга олиш сериясига, тартиб рақамига, ҳимояланганлик даражасига эга бўлади.

Комиссия раиси рухсат гувоҳномаси бланкаларидан мақсадли фойдаланилиши, уларнинг сақланиши ва ҳисобга олиниши юзасидан шахсан жавоб беради.

Рухсат гувоҳномаси бланкаларининг ҳисоби Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан, Берилган рухсатномаларни рўйхатга олиш дафтарида юритилади.

12. Қўйидагилар рухсат гувоҳномаси беришнинг рад этилиши учун асослар ҳисобланади:

рухсат гувоҳномаси бериш учун зарур бўлган ҳужжатларнинг тўлиқ ҳажмда тақдим этилмаганлиги;

ариза берувчининг ушбу Низом талабларига номувофиқлиги;

тақдим этилган ҳужжатларда ишончсиз ёки нотўғри маълумотларнинг мавжудлиги.

Рухсат гувоҳномаси беришнинг бошқа асослар бўйича, шу жумладан мақсадга мувофиқ эмаслиги сабаблари бўйича рад этилишига йўл қўйилмайди.

Умумий овқатланиш корхонаси рухсат гувоҳномаси беришнинг рад этилиши тўғрисидаги қарор юзасидан қонун ҳужжатларида белгиланган тартибда шикоят билдириш ҳуқуқига эга.

13. Аниқ сабаблари кўрсатилган ҳолда рухсат гувоҳномаси беришнинг рад этилиши тўғрисидаги қарор ёзма шаклда, Комиссия раисининг имзоси билан умумий овқатланиш корхонасига берилади (юборилади). Ушбу қарорда рад этишга сабаб бўлган камчиликларни тугатиш ва ҳужжатларни такроран тақдим этиш учун етарли бўлган муддат кўрсатилади.

Лицензия талабгорининг рухсат гувоҳномаси бериш тўғрисидаги аризасини қайта кўриб чиқишда илгари рухсат гувоҳномаси беришни рад этиш тўғрисидаги билдиришномада кўрсатилмаган янги асослар бўйича ушбу гувоҳномани беришни рад этишга йўл қўйилмайди.

V. Рухсат гувоҳномасини қайта расмийлаштириш, унинг амал қилиш муддатини узайтириш, дубликат бериш

14. Умумий овқатланиш корхонаси қайта ташкил этилганда, унинг номи ёки жойлашган жойи (почта манзили) ўзгарганда умумий овқатланиш корхонаси ёки унинг ҳуқуқий вориси қайта рўйхатдан ўтказилгандан кейин бир ҳафта муддатда умумий овқатланиш корхонаси жойлашган жойдаги ишчи органга рухсат гувоҳномасини қайта расмийлаштириш тўғрисида ариза бериши, аризага кўрсатилган маълумотларни тасдиқловчи ҳужжатларни илова қилиши керак.

Бу ҳолда рухсат гувоҳномаси қайта расмийлаштирилгунгача умумий овқатланиш корхонаси алкоғолли маҳсулотлар сотишни илгари берилган рухсат гувоҳномаси асосида амалга оширади.

15. Рухсат гувоҳномасини қайта расмийлаштиришда тегишли ўзгартиришлар Берилган рухсатномаларни рўйхатдан ўтказиш дафтарида киритилади. Рухсат гувоҳномасини қайта расмийлаштириш умумий овқатланиш корхонасининг зарур ҳужжатлар илова қилинган ҳолда рухсат гувоҳномасини қайта расмийлаштириш тўғрисидаги аризаси тушган вақтдан бошлаб 5 иш кuni мобайнида ишчи орган томонидан амалга оширилади.

16. Рухсат гувоҳномасининг амал қилиш муддатини узайтириш умумий овқатланиш корхонасининг аризаси бўйича амалга оширилади.

Рухсат гувоҳномасининг амал қилиш муддатини узайтириш тўғрисидаги ариза ишчи органга рухсат гувоҳномасининг амал қилиш муддати ўтишидан 15 кун олдин берилиши керак.

Рухсат гувоҳномасининг амал қилиш муддатини узайтириш ёки муддатини узайтиришни рад этиш тўғрисидаги қарор рухсат гувоҳномаси бериш учун назарда тутилган тартибда қабул қилинади.

17. Йўқолган ёки яроқсиз ҳолга келган, муддати ўтмаган рухсат гувоҳномасининг ўрнига умумий овқатланиш корхонаси аризаси бўйича дубликат берилиши мумкин.

VI. Рухсат гувоҳномасининг амал қилишини тўхтатиб туриш, тўхтатиш ва уни бекор қилиш

18. Давлат солиқ хизмати органларининг тақдимномаси бўйича Комиссия томонидан рухсат гувоҳномасининг амал қилиш муддатини 10 кундан ортиқ бўлмаган муддатга тўхтатиб туриш тўғрисидаги қарор умумий овқатланиш корхонасида алкогольли маҳсулотларни сотиш қоидалари бузилганлиги, шу жумладан нақд пул тушумини инкассация қилишдаги бузилишлар аниқланган тақдирда қабул қилинади.

19. Рухсат гувоҳномасининг амал қилиши таъмирлаш ишлари бажарилиши муносабати билан, шунингдек бошқа шунга ўхшаш ҳолларда вақтинча тўхтатиб турилганда умумий овқатланиш корхонаси бу тўғрида Комиссияни ва давлат солиқ хизмати органини ёзма шаклда хабардор қилиши керак.

20. Рухсат гувоҳномасининг амал қилиши:

умумий овқатланиш корхонаси томонидан алкогольли маҳсулотларни умумий овқатланиш корхоналарида сотиш қоидалари мунтазам равишда ёхуд бир марта қўпол бузилган тақдирда;

қонун ҳужжатларида белгиланган бошқа ҳолларда суд тартибида тўхтатилиши мумкин.

21. Рухсат гувоҳномаси унинг қалбаки ҳужжатлардан фойдаланган ҳолда олинганлиги ҳолати аниқланганда, шунингдек қонун ҳужжатларида назарда тутилган бошқа ҳолларда қонун ҳужжатларида белгиланган тартибда бекор қилиниши мумкин.

VII. Ушбу Низомнинг бузилганлиги учун жавобгарлик

22. Ушбу Низомнинг бузилишида айбдор бўлган шахслар қонун ҳужжатларида белгиланган тартибда жавоб берадилар.

2.3. Кўчма савдони амалга оширишга рухсат бериш бўйича давлат хизмати

Кўчма савдога рухсат бериш тартиби тўғрисида НИЗОМ

*(Вазирлар Маҳкамасининг 2016 йил 13 июлдаги
233-сон қарори билан тасдиқланган)*

I боб. Умумий қоидалар

1. Мазкур Низом «Тадбиркорлик фаолияти соҳасидаги рухсат бериш тартиб-таомиллари тўғрисида», «Истеъмолчиларнинг ҳуқуқларини ҳимоя қилиш тўғрисида»ги Ўзбекистон Республикаси қонунларига ҳамда Ўзбекистон Республикаси Президентининг «Тадбиркорлик субъектларига «ягона дарча» тамойили бўйича давлат хизматлари кўрсатиш тартибини янада такомиллаштириш чора-тадбирлари тўғрисида» 2015 йил 28 сентябрдаги ПҚ-2412-сон қарорига мувофиқ Ўзбекистон Республикаси ҳудудида кўчма савдога рухсат бериш тартибини белгилайди.

2. Мазкур Низом талаблари қуйидагиларга:

шартномада кўчма савдога қўйиладиган товарларнинг турлари ва миқдори кўрсатилган ҳолда байрам ва байрамолди кунларида савдо хизмати кўрсатиш юзасидан юридик шахслар билан тузилган шартномалар асосида кўчма савдони амалга оширишга;

Ўзбекистон Республикаси Президентининг ва Ўзбекистон Республикаси Вазирлар Маҳкамасининг қарорлари асосида кўргазма ва ярмарка савдоси ўтказишга;

мева-сабзавот маҳсулотларини ва картошкани ушбу мақсадлар учун ажратилган жойларда чакана сотишга, шунингдек товарларни бозорлар ҳудудида сотишга;

махсус ажратилган жойларда умумий овқатланиш маҳсулотларини сотишга;

амалга ошириш тартиби Ўзбекистон Республикаси Президентининг ва Ўзбекистон Республикаси Вазирлар Маҳкамасининг алоҳида қарорларида назарда тутилган ҳолларга татбиқ этилмайди.

3. Ўзбекистон Республикаси ҳудудида кўчма савдо қилиш ҳуқуқи ушбу низомга 1-иловага мувофиқ шакл бўйича кўчма савдога бериладиган рухсатнома (кейинги ўринларда рухсатнома деб аталади) асосида, кўчма савдо объектининг жойлашиш схемаси тасдиқланган ҳолда, юридик шахсларга берилади.

4. Рухсатнома ушбу Низомга 2-иловага мувофиқ схема бўйича берилади.

5. Ушбу Низомда қуйидаги асосий тушунчалардан фойдаланилади:

кўчма савдо — кўчма савдо объектларидан фойдаланган ҳолда турғун савдо шохобчаларидан ташқарида озиқ-овқат ва ноозиқ-овқат товарлари билан чакана савдо қилиш;

кўчма савдо объектлари — вақтинчалик асосда жойлаштирилган ва мавсумий ёки мақсадли хусусиятга эга бўлган, шунингдек иш куни тамом бўлгандан кейин объектни қисмларга ажратиш ва кўчириш талаб этиладиган кўчма савдо объектлари (лотоклар, пештахталар, палаткалар, автодўконлар ва бошқалар);

кўчма савдо қилинадиган жой — рухсатномада кўрсатилган кўчма савдо объекти ҳудудий жойлашган жой;

ариза берувчи — рухсатнома бериш тўғрисида ариза берган юридик шахс.

6. Кўчма савдо объектининг тасдиқланган жойлашиш схемаси илова қилинган рухсатнома туман (шаҳар) ҳокимлиги (кейинги ўринларда ваколатли орган деб аталади) томонидан Давлат хизматлари марказлари (кейинги ўринларда марказ деб аталади) орқали берилади.

7. Туманлар (шаҳарлар) ҳокимликлари ҳар йили 1 ноябргача:

тегишли туман (шаҳар) ҳудудида кўчма савдо объектлари орқали сотилиши мумкин бўлган товарлар рўйхати;

ўринлар сони, сотиладиган товарлар рўйхати ва кўчма савдо даври кўрсатилган ҳолда тегишли туман (шаҳар) ҳудудида кўчма савдо объектларининг жойлашиши бўйича таклифлар тайёрлайди.

Тайёрланган таклифлар ҳар йили 10 ноябргача кўриб чиқиш ва тасдиқлаш учун тегишли равишда Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларига киритилади.

8. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари тақдим этилган:

тегишли туман (шаҳар) ҳудудида кўчма савдо объектлари орқали сотилиши мумкин бўлган товарлар рўйхатини — тегишли равишда Қорақалпоғистон Республикаси, вилоятлар ва Тошкент шаҳар давлат солиқ хизмати органларининг ҳудудий бўлинмалари, давлат санитария-эпидемиология назорати марказлари билан;

ўринлар сони, сотиладиган товарлар рўйхати ва кўчма савдо даври кўрсатилган кўчма савдо объектлари жойлашиши схемасини — тегишли равишда давлат солиқ хизмати органлари, Ўзбекистон Республикаси Ички ишлар вазирлиги, «Давархитектқурилиш» қўмитасининг ҳудудий бўлинмалари, давлат санитария-эпидемиология назорати марказлари билан келишади.

Келишилган таклифлар ҳар йили 1 декабргача Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан тасдиқланади.

Тасдиқланган кўчма савдо объектлари жойлашиши схемаларига, сотиладиган товарлар рўйхатига тузатишлар киритиш ва кўчма савдо даврини ўзгартириш ушбу Низомнинг 7 ва 8-бандлари билан белгиланган тартибга мувофиқ амалга оширилади.

9. Кўчма савдо объектлари орқали сотилиши мумкин бўлган товарларнинг тасдиқланган рўйхатлари, шунингдек кўчма савдо объектлари жойлашиши схемалари (ўринлар сони, сотиладиган товарлар рўйхати ва кўчма савдо даври кўрсатилган ҳолда) ҳар йили тасдиқлангандан кейин уч кун мобайнида тегишли туман (шаҳар)нинг марказларида, Ўзбекистон Республикаси интерактив давлат хизматлари ягона порталида ва маҳаллий давлат ҳокимияти органларининг расмий веб-сайтларида жойлаштирилиши керак.

10. Кўчма савдо объектларини давлат органлари биноларига тутшиб кетган ҳудудларда, мактабгача ва умумий ўрта таълим муассасалари ҳудудида, аэропортларда, метрополитенда, майдонларда, жамоат транспорти бекатларида, автомобиль тўхташ жойларида ҳамда йўловчилар ва автомобиль транспорти ҳаракатига ҳалақит бериши мумкин бўлган жойларда жойлаштиришга йўл қўйилмайди.

11. Рухсатнома уни бериш тўғрисидаги аризада кўрсатилган муддатга, бироқ олти ойдан кўп бўлмаган муддатга берилади.

12. Унга белгиланган тартибда рухсатнома берилган кўчма савдо жойини ёки унинг бир қисмини фойдаланиш учун бошқа шахсга бериш тақиқланади.

II боб. Рухсат берувчи талаблар ва шартлар

13. Кўчма савдони амалга оширишда қуйидагилар рухсат берувчи талаблар ва шартларга тегишлидир:

қонун ҳужжатларига, шу жумладан чакана савдо қоидаларига, санитария қоидаларига, нормаларга ва гигиеник нормативларга мажбурий риоя қилиш;

харидорлар билан нақд пулда ҳисоб-китоб қилишда фискал хотирали назорат-касса машиналарини қўллаш;

банк пластик карточкалардан фойдаланган ҳолда тўловларни қабул қилиш бўйича ҳисоб-китоб терминали мавжудлиги;

кўчма савдо жойини ва атроф ҳудудни зарур тарздаги санитария ҳолатида сақлаш;

сотувчиларда кўчма савдо объекти рухсатномасининг ва унинг жойлашишининг тасдиқланган схемасининг ва сотиладиган товарларнинг келиб чиқиши, сифати ва хавфсизлигини тасдиқлайдиган ҳужжатларнинг асл нусхалари бўлиши керак, шунингдек улар назорат органларининг мансабдор шахслари талабларига кўра кўрсатилиши керак;

иш куни тамом бўлгандан кейин кўчма савдо объектларини қисмларга ажратиш ёки кўчириш ва кўчма савдо жойини зарур тарздаги санитария ҳолатига келтириш;

товарларни рухсатномага мувофиқ объектлар орқали ва кўчма савдо жойи бўйича сотиш.

14. Товарларнинг қуйидаги турлари билан кўчма савдо қилиш тақиқланади:

маиший мақсадларидаги техник жиҳатдан мураккаб товарлар;

тез бузиладиган товарлар ва болалар овқати маҳсулотлари;

хайвонлар;

акциз солиғига тортиладиган товарлар;

ушбу Низомнинг 8-бандига мувофиқ тасдиқланадиган товарлар рўйхатига киритилмаган товарлар.

III боб. Рухсатнома олиш учун зарур бўлган ҳужжатлар

15. Рухсатнома олиш учун ариза берувчи қонун ҳужжатларида белгиланган тартибда ва усуллар билан кўчма савдо объекти жойлашган жой бўйича марказга рухсатнома бериш тўғрисида ариза беради. Аризага қуйидагилар илова қилинади:

туман (шаҳар) ҳудудида кўчма савдонинг тасдиқланган жойлашиш схемасига мувофиқ кўчма савдо объекти жойлашиши схемаси;

кўчма савдо даври кўрсатилган ҳолда кўчма савдо объектлари орқали сотилиши мумкин бўлган товарларнинг тасдиқланган рўйхати асосида сотиладиган товарлар рўйхати;

хизмат кўрсатувчи банк томонидан берилган банк пластик карточкаларидан фойдаланган ҳолда тўловларни қабул қилиш бўйича ҳисоб-китоб терминали мавжудлиги тўғрисидаги маълумотнома.

Ариза берувчидан ушбу бандда назарда тутилмаган ҳужжатлар тақдим этилишини талаб этишга йўл қўйилмайди.

Ваколатли орган ўзаро ахборот ҳамкорлиги, шу жумладан электрон шаклдаги ахборот ҳамкорлиги воситасида белгиланган тартибда фискал хотирали назорат-касса машинаси рўйхатдан ўтказилганлиги тўғрисида давлат солиқ хизмати органининг маълумотномасини мустақил олади.

16. Рухсатнома бериш тўғрисида берилган ариза кўриб чиқиш учун белгиланган тартибда ваколатли органнинг марказига юборилади.

17. Ваколатли органга:

рухсатнома бериш тўғрисидаги аризани бевосита ариза берувчилардан қабул қилиш тақиқланади, ўз-ўзидан бевосита ваколатли органга юбориладиган Ўзбекистон Республикаси интерактив давлат хизматлари ягона портали орқали берилган аризалар бундан мустасно;

қўшимча ҳужжатлар ва (ёки) маълумотларни тақдим этишни талаб қилиш, шунингдек давлат хизматлари кўрсатиш учун марказларга мурожаат қилган ариза берувчиларни рухсатнома бериш тўғрисидаги уларнинг аризаларини кўриб чиқиш жараёнида таклиф этиш тақиқланади.

IV боб. Рухсатнома бериш тўғрисидаги аризани кўриб чиқиш ва рухсатномани бериш ёки уни беришни рад этиш тўғрисида қарор қабул қилиш

18. Рухсатнома бериш тўғрисидаги қарор ваколатли орган томонидан қабул қилинади.

19. Рухсатнома бериш тўғрисидаги ариза кўриб чиқилганлиги учун йиғим ундирилмайди.

20. Рухсатнома бериш тўғрисидаги ариза ваколатли орган томонидан ариза тушган кундан бошлаб уч иш кунидан ортиқ бўлмаган муддатда кўриб чиқилади.

21. Кўчма савдо қилинадиган айна бир жойга рухсатнома бериш тўғрисида бир нечта ариза тушган тақдирда рухсатнома бериш тўғрисида биринчи бўлиб ариза берган ариза берувчи уни олишда устунлик ҳуқуқига эга бўлади.

22. Рухсатнома бериш тўғрисидаги ариза ваколатли орган томонидан кўриб чиқилгандан кейин рухсатнома расмийлаштирилади ва белгиланган тартибда марказга ёхуд ариза берувчига юборилади (Ўзбекистон Республикаси интерактив давлат хизматлари ягона портали орқали мурожаат қилинганда).

23. Агар ваколатли орган рухсатномани бериш, уни бериш ёки уни беришни рад этиш тўғрисидаги аризани кўриб чиқиш муддати мобайнида ариза берувчига рухсатномани бермаса ёки уни беришни рад этмаса, у ҳолда ушбу Низомнинг 20-бандида назарда тутилган муддат тамом бўлгандан кейин ариза берувчи бу ҳақда ваколатли органни ёзма равишда хабардор қилган ҳолда кўчма савдони амалга ошириш ҳуқуқига эга бўлади.

Ушбу банднинг биринчи хатбошида назарда тутилган ҳолатда ваколатли орган ариза берувчининг ёзма билдиришномаси олингандан кейин беш иш кун мобайнида унга рухсат этиш тусидаги ҳужжатни бериши шарт. Рухсат этиш тусидаги ҳужжат олингунига қадар тақдим этилган ҳужжатлар қабул қилинган сана ҳақида белги қўйилган ҳужжатлар рўйхати ва ариза берувчи томонидан ваколатли органга юборилган ёзма билдиришнома рухсат этиш тусидаги ҳужжатга тенглаштирилади ва кўчма савдони амалга ошириш учун асос ҳисобланади. Бунда шахс рухсат этиш тусидаги ҳужжатсиз фаолият билан шуғулланганлиги учун жавобгарликка тортилиши мумкин эмас.

24. Рухсатнома берилганлиги учун қуйидаги миқдорларда йиғим ундирилади:

энг кам ойлик иш ҳақининг бир баравари миқдорида — Тошкент шаҳрида кўчма савдо қилишда;

энг кам ойлик иш ҳақининг 75 фоизи миқдорида — Нукус шаҳрида, вилоятлар марказларида ва вилоят бўйсунлишидаги шаҳарларда кўчма савдо қилишда;

энг кам ойлик иш ҳақининг 50 фоизи миқдорида — туманларнинг маъмурий марказларида ва туман бўйсунлишидаги шаҳарларда кўчма савдо қилишда.

Бошқа аҳоли пунктларида кўчма савдо қилишда рухсатнома берилганлиги учун йиғим ундирилмайди.

Йиғим суммаси туман (шаҳар) ҳокимликлари учун махсус очилган ғазначилик ҳисоб рақамига ўтказилади, шундан 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси шахсий ҳисоб рақамига ўтказилади.

25. Қуйидаги ҳолларда рухсатномани бериш рад этилиши мумкин:

рухсатнома бериш учун зарур бўлган ҳужжатлар тўлиқ ҳажмда тақдим этилмаслиги;

ариза берувчининг рухсат берувчи талаблар ва шартларга номувофиқлиги;

ариза берувчи томонидан тақдим этилган ҳужжатларда ишончсиз ёки бузилган маълумотлар мавжудлиги;

агар кўчма савдонинг ариза берилган жойига бошқа юридик шахсга рухсатнома берилган бўлса.

Бошқа асослар бўйича, шу жумладан мақсадга мувофиқ эмаслик сабаби билан рухсатномани бериш рад этилишига йўл қўйилмайди.

26. Рухсатномани бериш рад этилганлиги тўғрисида қарор қабул қилинган тақдирда рад этиш тўғрисида билдиришнома рад этиш сабаблари, қонун ҳужжатларининг аниқ нормалари ва ариза берувчи кўрсатиб ўтилган сабабларни бартараф этиб

хужжатларни такроран кўриб чиқиш учун тақдим этиши мумкин бўлган муддат кўрсатилган ҳолда белгиланган тартибда марказга ёхуд ариза берувчига юборилади (Ўзбекистон Республикаси интерактив давлат хизматлари ягона портали орқали мурожаат қилинган тақдирда). Ариза берувчи рад этиш сабабларини бартараф этишга ва хужжатларни такроран кўриб чиқиш учун тақдим этишга ҳақли бўлган муддат рухсатномани бериш рад этилганлиги тўғрисидаги билдиришнома олинган кундан бошлаб ўн иш кунидан кам бўлиши мумкин эмас.

27. Рухсатномани бериш рад этилиши учун асос бўлиб хизмат қилган сабаблар ариза берувчи томонидан белгиланган муддатда бартараф этилган тақдирда хужжатларни такроран кўриб чиқиш, рухсатномани бериш ёки уни беришни рад этиш ваколатли орган томонидан рад этиш сабаблари бартараф этилганлиги тўғрисидаги ариза ва рад этиш сабаблари бартараф этилганлигини тасдиқлайдиган тегишли хужжатлар олинган кундан бошлаб икки иш кунидан ортиқ бўлмаган муддатда амалга оширилади. Ариза берувчининг аризаси такроран кўриб чиқилганлиги учун йиғим ундирилмайди.

28. Хужжатларни такроран кўриб чиқишда ваколатли орган томонидан рухсатномани бериш рад этилганлиги тўғрисидаги билдиришномада олдин баён қилинмаган рад этиш сабаблари келтирилишига йўл қўйилмайди, олдин кўрсатилган сабаблар бартараф этилганлигини тасдиқловчи хужжатлар билан боғлиқ рад этиш сабаблари келтирилиши, шунингдек, агар кўчма савдонинг ариза берилган жойига бошқа юридик шахсга рухсатнома берилган тақдирда рад этиш сабаблари келтирилиши бундан мустасно.

29. Ариза берувчи томонидан рухсатномани бериш рад этилганлиги тўғрисидаги билдиришномада кўрсатилган муддат тамом бўлгандан кейин берилган ариза янгидан берилган ариза деб ҳисобланади ва ваколатли орган томонидан умумий асосларда кўриб чиқилади.

30. Ариза берувчи рухсатнома бериш рад этилиши, шунингдек ваколатли орган мансабдор шахсининг ва марказнинг хатти-ҳаракати (ҳаракатсизлиги) устидан белгиланган тартибда шикоят қилиш ҳуқуқига эгадир.

V боб. Рухсатномани қайта расмийлаштириш, унинг амал қилиш муддатини узайтириш, дубликат бериш

31. Юридик шахс қайта ўзгартирилган, унинг номи ёки жойлашган жойи (почта манзили) ўзгарган тақдирда ариза берувчи (унинг ҳуқуқий вориси) қайта рўйхатдан ўтказишдан ўтилгандан кейин етти иш куни мобайнида қонун ҳужжатларида белгиланган тартибда ва усулларда марказга кўрсатиб ўтилган маълумотларни тасдиқлайдиган хужжатлар илова қилинган ҳолда рухсатномани қайта расмийлаштириш тўғрисида ариза бериши шарт.

32. Рухсатнома қайта расмийлаштирилгунига қадар рухсатномани қайта расмийлаштириш тўғрисида ариза берган ариза берувчи ёки унинг ҳуқуқий вориси кўчма савдони марказнинг ариза қабул қилинганлиги тўғрисидаги белгиси қўйилган аризанинг нусхаси асосида амалга оширади.

33. Рухсатномани қайта расмийлаштиришда ваколатли орган берилган рухсатномалар реестрига тегишли ўзгартиришлар киритади.

34. Ваколатли орган тегишли хужжатлар илова қилинган рухсатномани қайта расмийлаштириш тўғрисидаги ариза олинган кундан бошлаб икки иш кунидан ортиқ бўлмаган муддатда рухсатномани расмийлаштиради ва марказга юборади.

35. Рухсатноманинг амал қилиш муддатини узайтириш ариза берувчининг аризасига кўра амалга оширилади, бироқ ушбу Низомнинг 8-бандига мувофиқ тасдиқланган кўчма савдо даврларидан ортиқ бўлмаган муддатга узайтирилади.

Рухсатноманинг амал қилиш муддатини узайтириш тўғрисидаги ариза қонун ҳужжатларида белгиланган тартибда ва усулларда рухсатноманинг амал қилиш муддати тамом бўлгунига қадар марказга берилиши керак.

Рухсатноманинг амал қилиш муддатини узайтириш рухсатномани бериш учун назарда тутилган тартибда амалга оширилади.

36. Рухсатнома йўқотилган ёки яроқсиз ҳолга келган тақдирда ариза берувчининг аризасига кўра унинг дубликати берилади.

37. Рухсатноманинг дубликати ваколатли орган томонидан марказдан ариза, шунингдек рухсатнома яроқсиз ҳолда келиб қолган тақдирда унинг асл нусхаси олинган кундан бошлаб икки иш кунидан ортиқ бўлмаган муддатда берилади.

38. Рухсатнома қайта расмийлаштирилганлиги, унинг амал қилиш муддати узайтирилганлиги ва дубликат берилганлиги учун йиғим ундирилмайди.

VI боб. Рухсатноманинг амал қилишини тўхтатиб туриш, тўхтатиш ва уни бекор қилиш

39. Рухсатноманинг амал қилишини тўхтатиб туриш, тўхтатиш ва уни бекор қилиш «Тадбиркорлик фаолияти соҳасидаги рухсат бериш тартиб-таомиллари тўғрисида»ги Ўзбекистон Республикаси Қонунининг 22, 23 ва 25-моддаларида назарда тутилган ҳолларда ва тартибда амалга оширилади.

40. Кўчма савдони амалга ошириш натижасида фуқароларнинг ҳаёти ва соғлиғига зарар етказиш ёхуд бундай зарар етказилишининг амалий хавфини яратиш рухсатноманинг амал қилишини белгиланган тартибда тўхтатиш учун асос бўладиган рухсат бериш талаблари ва шартларининг бир марта қўпол равишда бузилишига тегишлидир.

VII боб. Берилган рухсатномалар реестри

41. Ваколатли орган берилган рухсатномалар реестрини юритади ва уларни ўзининг расмий веб-сайтида жойлаштиради.

42. Берилган рухсатномалар реестрида қуйидаги маълумотлар кўрсатилади:
юридик шахснинг номи, унинг ташкилий-ҳуқуқий шакли, почта манзили, телефони;

кўчма савдо жойи;

сотиладиган товарлар рўйхати;

рухсатнома берилган сана ва рақами;

рухсатноманинг амал қилиш муддати;

рухсатномани қайта расмийлаштириш, амал қилиш муддатини узайтириш, амал қилишини тўхтатиб туриш ва тиклашнинг асоси ва санаси;

рухсатноманинг амал қилиши тўхтатилишининг асоси ва санаси;

рухсатномани бекор қилишнинг асоси ва санаси;

рухсатноманинг дубликатларини беришнинг асоси ва санаси.

43. Берилган рухсатномалар реестридаги маълумотлар юридик ва жисмоний шахсларнинг танишиши учун очиқ бўлади.

VIII боб. Якунловчи қоидалар

44. Ҳар бир берилган рухсатнома тўғрисидаги маълумотлар ўн кун муддатда ваколатли орган томонидан кўчма савдо жойлашган жой бўйича тегишли давлат туман (шаҳар) давлат солиқ инспекциясига электрон тарзда тақдим этилади.

45. Ушбу Низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

2.4. Экспорт назорати объектларини олиб чиқиш учун рухсатнома бўйича давлат хизмати

Экспорт назорати тўғриси

(Ўзбекистон Республикаси Қонуни Тошкент ш., 2004 йил 26 август, ЎРҚ–658-II-сон)

1-модда. Ушбу Қонуннинг мақсади ва асосий вазифалари

Ушбу Қонуннинг мақсади экспорт назорати соҳасидаги муносабатларни тартибга солишдан иборат.

Ушбу Қонуннинг асосий вазифалари экспорт назоратини амалга ошириш орқали Ўзбекистон Республикаси хавфсизлигини ҳамда Ўзбекистон Республикасининг ялпи қирғин қуроли ва бошқа турдаги қурол-яроғларни тарқатмаслик соҳасидаги халқаро мажбуриятлари бажарилишини таъминлашдан иборат.

2-модда. Экспорт назорати тўғрисидаги қонун ҳужжатлари

Экспорт назорати тўғрисидаги Қонун ҳужжатлари ушбу Қонун ва бошқа қонун ҳужжатларидан иборатдир.

Агар Ўзбекистон Республикасининг халқаро шартномасида Ўзбекистон Республикасининг экспорт назорати тўғрисидаги қонун ҳужжатларида назарда тутилганидан бошқача қоидалар белгиланган бўлса, халқаро шартнома қоидалари қўлланилади.

3-модда. Экспорт назорати

Экспорт назорати Ўзбекистон Республикаси ҳудудидан экспорт назорати объектларини олиб чиқишнинг (бундан буён матнда экспорт назорати объектларини олиб чиқиш деб юритилади) экспорт назорати тўғрисидаги қонун ҳужжатларида белгиланган тартиби юридик ва жисмоний шахслар томонидан таъминланишига қаратилган барча чора-тадбирлардан иборат бўлади.

4-модда. Экспорт назорати объектлари

Ўз хосса ҳамда хусусиятларига кўра ялпи қирғин қуролини (ядровий, кимёвий, бактериологик (биологик) ва захарловчи қурол) ҳамда уни етказиб бериш воситаларини (ракеталар ва ялпи қирғин қуролини етказиб беришга қодир бошқа техника воситаларини), бошқа турдаги қурол-яроғ ҳамда ҳарбий техникани яратишда муҳим ҳисса қўшиши мумкин бўлган, экспорт назорати объектлари рўйхатларида кўрсатилган товарлар, асбоб-ускуналар, илмий-техника ахбороти, ишлар ва хизматлар, интеллектуал фаолият натижалари экспорт назорати объектларидир.

Экспорт назорати объектларининг рўйхатлари белгиланган тартибда эълон қилиниши керак.

5-модда. Экспорт назоратини амалга оширишнинг асосий принциплари

Экспорт назоратини амалга оширишнинг асосий принциплари қуйидагилардан иборат:

Ўзбекистон Республикаси хавфсизлиги манфаатларининг устуворлиги;

Ўзбекистон Республикаси халқаро мажбуриятларининг виждонан бажарилиши;

экспорт назорати масалаларига доир ахборотнинг ошкоралиги ва барча учун очиқлиги.

6-модда. Экспорт назоратини амалга ошириш усуллари

Экспорт назоратини амалга оширишнинг усуллари қуйидагилардан иборат:

экспорт назорати объектларини олиб чиқиш тартибини белгилаш;

экспорт назорати объектларини олиб чиқиш ва улардан фойдаланиш тартиби устидан назорат ўтказиш;

ички назорат ўтказиш;

экспорт назорати соҳасида халқаро ҳамкорлик қилиш.

7-модда. Ўзбекистон Республикаси Вазирлар Маҳкамасининг экспорт назорати соҳасидаги ваколатлари

Ўзбекистон Республикаси Вазирлар Маҳкамаси:

экспорт назорати соҳасида давлат сиёсати ўтказилишини таъминлайди;

экспорт назорати объектларини олиб чиқиш ва улардан фойдаланиш тартибини белгилайди;

экспорт назорати объектлари рўйхатларини тасдиқлайди;

Ўзбекистон Республикаси хавфсизлигини ҳамда Ўзбекистон Республикасининг халқаро мажбуриятлари бажарилишини таъминлаш мақсадида экспорт назорати объектларининг олиб чиқилишига, шу жумладан айрим чет давлатларга олиб чиқилишига нисбатан чеклашлар ва тақиқлар жорий этади;

ички назоратни амалга ошириш тартибини белгилайди;

қонун ҳужжатларига мувофиқ бошқа ваколатларни амалга оширади.

8-модда. Экспорт назорати соҳасидаги ваколатли давлат органи

Олдинги таҳрирга қаранг.

Ўзбекистон Республикаси Ташқи савдо вазирлиги экспорт назорати соҳасидаги ваколатли давлат органидир (бундан буён матнда ваколатли орган деб юритилади).

(8-модданинг биринчи қисми Ўзбекистон Республикасининг 2017 йил 14 сентябрдаги ЎРҚ-446-сонли Қонуни таҳририда — ЎР ҚХТ, 2017 й., 37-сон, 978-модда)

Ваколатли орган:

экспорт назорати объектларини олиб чиқиш учун белгиланган тартибда рухсатнома беради;

экспорт назорати соҳасида давлат органларининг фаолиятини мувофиқлаштиради;

экспорт назорати объектларини олиб чиқиш ҳамда улардан фойдаланиш тартиби тўғрисида юридик ва жисмоний шахсларни хабардор қилиш ишларини ташкил этади;

экспорт назоратини амалга ошириш учун зарур ҳужжатларни ва бошқа ахборотни талаб қилиб олади;

чет давлатнинг экспорт назорати объектларидан Ўзбекистон Республикаси ҳудудида баён этилган мақсадларда фойдаланилишига тааллуқли ёзма мажбурият беради;

экспорт назорати тўғрисидаги қонун ҳужжатларини такомиллаштириш юзасидан таклифлар ишлаб чиқади;

қонун ҳужжатларига мувофиқ бошқа ваколатларни амалга оширади.

9-модда. Экспорт назорати объектларини олиб чиқиш ва улардан фойдаланиш тартиби

Экспорт назорати объектларини олиб чиқиш ва улардан фойдаланиш Ўзбекистон Республикаси Вазирлар Маҳкамаси томонидан белгиланадиган тартибда амалга оширилади.

Ўзбекистон Республикаси Вазирлар Маҳкамаси томонидан белгиланган ҳолларда, экспорт назорати объектларини олиб чиқиш экспорт назорати объектларини оловчи чет давлатнинг ва (ёки) чет давлат юридик ҳамда жисмоний шахсларининг мазкур объектлардан ялпи қирғин қуролини ҳамда уни етказиб бериш воситаларини, бошқа турдаги қурол-яроғ ва ҳарбий техникани яратиш мақсадида фойдаланилмаслиги тўғрисида ёзма мажбурияти бўлган тақдирда амалга оширилади.

Ваколатли орган, қонун ҳужжатларида белгиланган ҳолларда, экспорт назорати объектларини олиб чиқишга рухсатнома бераётганда қўшимча талаблар қўйиши мумкин.

Ялпи қирғин қуролини ишлаб чиқаришда компонентлар сифатида фойдаланиш мумкин бўлган ядровий, кимёвий ва бактериологик (биологик) материалларни, шу жумладан ўта хавфли инфекцияларнинг патогенлари ва штаммларини олиб чиқиш қонун ҳужжатларига мувофиқ Ўзбекистон Республикаси Олий Мажлиси палаталари билан келишувга биноан амалга оширилади.

10-модда. Экспорт назорати объектларини олиб чиқиш ва улардан фойдаланиш тартиби устидан назорат

Экспорт назорати объектларини олиб чиқиш ва улардан фойдаланиш тартиби устидан назорат:

экспорт назорати объектларини олиб чиқишни амалга оширишда божхона назоратини;

олиб чиқиладиган товарлар, асбоб-ускуналар, илмий-техника ахбороти, ишлар, хизматлар, интеллектуал фаолият натижаларининг экспорт назорати объектлари рўйхатларига киритилган экспорт назорати объектларига мувофиқлигини аниқлашни;

Ўзбекистон Республикаси Вазирлар Маҳкамаси томонидан белгиланган ҳолларда, олиб чиқиладиган экспорт назорати объектларидан ялпи қирғин қуролини ҳамда уни етказиб бериш воситаларини, бошқа турдаги қурол-яроғ ва ҳарбий техникани яратиш мақсадида фойдаланилмаслиги тўғрисида ёзма мажбурият олишни;

экспорт назорати объектларини олиб чиқиш ва улардан фойдаланиш мониторингини;

экспорт назорати объектларини олиб чиқиш ва улардан фойдаланиш тартибини бузиш ҳоллари тўғрисида ахборот тўплаш ҳамда бундай ахборотларни текширишни;

экспорт назорати объектларини олиб чиқиш ва улардан фойдаланишнинг белгиланган тартибини бузган шахсларга нисбатан жавобгарлик чораларини қўллашни ўз ичига олади.

11-модда. Ички назорат

Ички назорат экспорт назорати объектларини олиб чиқиш ва улардан фойдаланиш тартибига риоя этишнинг юридик шахслар томонидан белгиланган барча чоратadbирларидан иборат бўлади.

Экспорт назорати объектларини олиб чиқувчи юридик шахслар, шунингдек Ўзбекистон Республикасининг мудофаа қобилияти ҳамда хавфсизлигини сақлаш соҳасида давлат эҳтиёжларини таъминлаш бўйича илмий ва (ёки) ишлаб чиқариш фаолиятини амалга оширувчи ташкилотлар учун ички назорат ўтказиш мажбурийдир.

12-модда. Юридик ва жисмоний шахсларнинг экспорт назорати объектларини олиб чиқишдаги мажбуриятлари

Экспорт назорати объектларини олиб чиқувчи юридик ва жисмоний шахслар:

экспорт назорати объектларини олиб чиқишга рухсатнома олиши;

экспорт назоратини амалга ошириш учун зарур ҳужжатлар ва бошқа ахборотларни ваколатли орган ҳамда бошқа давлат органларининг талабига биноан тақдим этиши;

агар экспорт назорати объектлари рўйхатларига киритилмаган товарлар, асбоб-ускуналар, илмий-техника ахбороти, ишлар ва хизматлар, интеллектуал фаолият натижалари олиб чиқиладиган бўлса, улардан ялпи қирғин қуролини ҳамда уни етказиб бериш воситаларини, бошқа турдаги қурол-яроғ ва ҳарбий техникани яратиш учун фойдаланиш эҳтимоли тўғрисида маълумотлар мавжудлигидан ваколатли органни хабардор қилиши шарт.

Экспорт назорати объектларини олиб чиқишни амалга оширувчи юридик ва жисмоний шахслар экспорт назорати объектларини олиб чиқишга рухсатнома олиш учун тақдим этилган ҳужжатлардаги маълумотларнинг тўғрилигига жавобгардирлар.

13-модда. Экспорт назорати соҳасидаги халқаро ҳамкорлик

Экспорт назорати соҳасидаги халқаро ҳамкорлик Ўзбекистон Республикасининг қонун ҳужжатлари ва халқаро шартномаларига мувофиқ амалга оширилади.

14-модда. Экспорт назоратини амалга ошириш учун тақдим этилган ахборотдан фойдаланиш

Экспорт назоратини амалга ошириш учун давлат органларига тақдим этилган ахборотдан фақат экспорт назорати мақсадида фойдаланилади.

15-модда. Низоларни ҳал қилиш

Экспорт назорати соҳасидаги низолар қонун ҳужжатларида белгиланган тартибда ҳал қилинади.

16-модда. Экспорт назорати тўғрисидаги қонун ҳужжатларини бузганлик учун жавобгарлик

Экспорт назорати тўғрисидаги қонун ҳужжатларини бузганликда айбдор шахслар белгиланган тартибда жавобгар бўладилар.

2.5. Қимматбаҳо металллар ва қимматбаҳо тошлар билан ишлашга рўйхатдан ўтказиш гувоҳномаси бўйича давлат хизмати

Қимматбаҳо металллар ва қимматбаҳо тошлар билан ишлаш учун рўйхатдан ўтказиш гувоҳномасини бериш тартиби тўғрисида

НИЗОМ

(Вазирлар Маҳкамасининг 2018 йил 29 майдаги 399-сон қарори билан тасдиқланган)

1-боб. Умумий қоидалар

1. Ушбу Низом қимматбаҳо металллар ва қимматбаҳо тошлар билан ишлаш учун рўйхатдан ўтказиш гувоҳномасини (кейинги ўринларда рўйхатдан ўтказиш гувоҳномаси деб аталади) бериш тартибини белгилайди.

2. Ушбу Низомда қуйидаги асосий тушунчалар қўлланилади:

рўйхатдан ўтказиш гувоҳномаси — юридик шахсларга қимматбаҳо металллар ва қимматбаҳо тошлар билан ишларни амалга ошириш, рўйхатдан ўтказиш маълумотлари реестрига киритилганини тасдиқловчи тегишли ахборот тизими таркибида матрицали штрих кодига (кейинги ўринларда QR код деб аталади) эга бўлган заргарлик буюмлари билан савдо қилиш ҳуқуқини берувчи ҳужжат;

ариза берувчи — Давлат хизматлари кўрсатиш марказига ёхуд Ўзбекистон Республикаси Ягона интерактив давлат хизматлари кўрсатиш порталига (кейинги ўринларда Ягона портал деб аталади) рўйхатдан ўтказиш гувоҳномасини олиш учун тегишли ариза билан мурожаат қилган юридик шахс ёхуд у тарафидан белгиланган тартибда ваколат берилган шахс.

3. Рўйхатдан ўтказиш гувоҳномасини бериш фақат Давлат хизматлари кўрсатиш маркази ёхуд Ягона портал орқали амалга оширилади.

4. Рўйхатдан ўтказиш гувоҳномаси Ўзбекистон Республикаси Марказий банки ҳузуридаги Қимматбаҳо металллар агентлигининг Давлат асиллик даражасини белгилаш палатаси (кейинги ўринларда Асиллик палатаси деб аталади) томонидан:

қимматбаҳо металллар ва қимматбаҳо тошлар билан ишларни амалга оширишга ушбу Низомга 1-иловага мувофиқ схема бўйича беш йил муддатга;

заргарлик буюмлари ва қимматбаҳо металллар ва қимматбаҳо тошлардан ясалган бошқа буюмлар (кейинги ўринларда заргарлик буюмлари деб аталади) билан савдо қилиш учун ушбу Низомга 2-иловага мувофиқ схема бўйича бир йил муддатга берилади.

5. Қимматбаҳо металллар ва қимматбаҳо тошларни ишлаб чиқариш, илмий, ҳарбий, ўқув ва ижтимоий-маданий мақсадларда (шу жумладан, ахборот-телекоммуникация технологияларидан фойдаланган ҳолда) қазиб олувчи, қайта ишловчи, ишлов берувчи, савдода воситачилик хизматлари кўрсатувчи (шу жумладан, ахборот-телекоммуникация технологияларидан фойдаланган ҳолда), сотиб олувчи, гаровга қабул қилувчи, баҳолаш, сақлаш, кўрсатилган қимматликларни, турли предметлар ва уларни ташкил этувчиларни кўргазмага қўйиш билан шуғулланувчи, қимматбаҳо металллар ва қимматбаҳо тошларнинг парчалари ва чиқиндиларини тайёрловчи ва қайта ишловчи ташкилий-ҳуқуқий шаклидан қатъи назар, юридик шахслар, шунингдек, Ўзбекистон Республикаси Мудофаа вазирлиги, Ички ишлар вазирлиги, Ўзбекистон Республикаси Мудофаа саноати давлат қўмитасига идоравий мансуб ҳарбий қисмлар, тузилмалар, бўлинмалар, ташкилотлар ва муассасалар кейинчалик қайта ишлаш корхоналарига жўнатиш учун таркибида қимматбаҳо металллар ва қимматбаҳо тошлар бўлган узел ва деталларни ажратиб олиш мақсадида ҳарбий техника воситаларини утилизация қилувчи бошқа вазирликлар ва идоралар Асиллик палатасида рўйхатдан ўтказилиши керак.

Агар ушбу банднинг биринчи хатбошида кўрсатилган ишларнинг турлари ташкилотнинг юридик шахс мақомига эга бўлмаган бир ёки бир нечта таркибий бўлинмалари томонидан амалга оширилса, бўйсунлишида ушбу таркибий бўлинмалар бўлган ташкилот рўйхатдан ўтказилади. Бунда рўйхатдан ўтказиш гувоҳномаси, тегишли бўлинманинг реквизитлари кўрсатилган ҳолда ташкилотга — юридик шахсга расмийлаштирилади ва ҳар бир таркибий бўлинма учун алоҳида берилади.

6. Асиллик палатасида:

таҳлил учун азот кислотали кумушдан, таркибида қимматбаҳо металллар бўлган сотиб олинган ускуналар, приборлар, электрон техника, тиббиёт техникаси, ташкилий техника, бутловчи буюмлар, узеллар ва деталлардаги ишга тушириш-тартибга солиш қурилмалари ва автоматикалардан (олдин сотиб олинган ускуналар, приборлар, тиббиёт техникаси, ишга тушириш-тартибга солиш қурилмалари ва автоматикаларга янгидан сотиб олинган таркибида қимматбаҳо металллар бўлган эҳтиёт қисмлар, бутловчи буюмлар, узеллар ва деталлар бундан мустасно);

кумуш таркибли ёруғликка таъсирчан материаллардан фойдаланувчи юридик шахслар, шунингдек кинофоторентген-плёнкалар, кинофоторентген-пластинкалар ва шу каби материалларни ишлатувчи кинодан нусха кўчирувчи корхоналар ва киностудиялар рўйхатдан ўтказилмайди,

7. Рўйхатдан ўтказиш гувоҳномаси Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига 2 ва 3-иловаларда назарда тутилган фаолиятнинг муайян турларига (фаолият турлари гуруҳлари ёки уларнинг қисмлари доирасида) ишлар турларининг бир гуруҳи доирасида берилади.

Ариза берувчининг хоҳишига кўра фаолият турларининг турли гуруҳларида назарда тутилган ишларни амалга оширишга рўйхатдан ўтказиш гувоҳномаси фаолият турларининг ҳар бир гуруҳига алоҳида расмийлаштирилади.

8. Рўйхатдан ўтказиш гувоҳномаси ушбу Низомга 3-иловага мувофиқ шакл бўйича расмийлаштирилади ва тегишли ахборот тизими реестрига ёзилганлигини кўрсатувчи, шу жумладан, Интернет тармоғига манзилли ҳаволани ҳам идентификация қилиш имконини берувчи, тегишли дастурий — аппарат ускуналар ёрдамида текширилганида ариза берувчи ҳақидаги асосий ахборот (давлат рўйхатидан ўтганлик ҳақидаги маълумотлар) мавжуд бўлган QR кодини ўз ичига олади.

9. Асиллик палатаси бошлиғи берилган, қайта расмийлаштирилган, муддати узайтирилган, тўхтатиб қўйилган, қайта тикланган, амал қилиши тўхтатилган рўйхатдан ўтказиш гувоҳномалари тўғрисидаги маълумотларнинг тўғрилиги ва ўз вақтида тегишли ахборот тизимига ўз вақтида киритилиши учун шахсан жавоб беради.

2-боб. Рухсат бериш талаблари ва шартлари

10. Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига иловаларда назарда тутилган қимматбаҳо металллар ва қимматбаҳо тошлар билан ишлашга рухсат беришдаги рухсат бериш талаблари ва шартлари қуйидагилардан иборат:

қимматбаҳо металллар ва қимматбаҳо тошлар билан ишларни амалга оширганда белгиланган талабларга мос мулкка эгалик қилиш ҳуқуқи ёки бошқа ашёвий ҳуқуқ асосида тегишли бўлган бинолар ва иншоотлар, ишлаб чиқариш майдонлари мавжудлиги;

фаолият кўрсатиладиган жойларда ёнғин хавфсизлиги, санитария қоидалари, нормалари ва гигиена нормативлари, техник мустаҳкамлик ва материаллар, хомашё, тайёр буюмларни сақлаш қоидалари талабларига риоя қилиш;

қимматбаҳо металллар ва қимматбаҳо тошлар билан ишларни амалга ошириш учун зарур бўлган моддий-техника база, ускуналар ва бошқа техника воситаларининг мавжудлиги.

11. Фаолият турлари гуруҳлари доирасида қимматбаҳо металллар ва қимматбаҳо тошлар билан ишлашга рухсат берилганда қўшимча рухсат бериш талаблари ва шартлари қуйидагилардан иборат:

а) ломбард, микрокредит ва баҳолаш фаолиятини амалга оширганда:

тегишли фаолият тури билан шуғулланишга ҳуқуқ берувчи лицензияга эга бўлиш, лицензия талабларига риоя қилиш;

рўйхатдан ўтказиш гувоҳномаси расмийлаштирилган фаолият турлари гуруҳларига мувофиқ қимматбаҳо металллар ва қимматбаҳо тошлар билан ишларни амалга оширишга қўйиладиган талабларни тартибга солувчи норматив-техник ҳужжатларнинг мавжудлиги;

б) таркибида қимматбаҳо металллар бўлган хомашё билан ишлаганда, ишлаб чиқариш мақсадларида қимматбаҳо металллар ва қимматбаҳо тошлардан фойдаланилганда, қимматбаҳо металллардан авиация ва/ёки ҳарбий техникада фойдаланилганда:

қимматбаҳо металллар ва қимматбаҳо тошлар билан ишларни амалга оширишга қўйиладиган талабларни тартибга солувчи норматив-техник ҳужжатларнинг мавжудлиги;

ариза берувчи томонидан қимматбаҳо металллар ва қимматбаҳо тошларни олиш, сарфлаш, ҳисобини юритиш ва сақлаш юзасидан талабларга мажбурий риоя қилиниши, қимматбаҳо металлларнинг чиқинди ва парчаларини қайта ишлаш корхоналарига топшириш учун тайёрлаш, қадоқлаш, ташиш ва қабул қилиш-топшириш шартларига мажбурий риоя қилиниши;

Ариза берувчи томонидан Асиллик палатаси томонидан белгилаган муддатлар ва шакллар бўйича қимматбаҳо металллар ва қимматбаҳо тошлар ҳаракати ҳақидаги ҳисоботлар тақдим этилишининг мажбурийлиги;

в) таркибида қимматбаҳо металллар ва қимматбаҳо тошлар бўлган ускуналар билан ишлаганда:

таркибида қимматбаҳо металллар ва қимматбаҳо тошлар бўлган ускуналар билан ишларни амалга оширишга қўйиладиган талабларни тартибга солувчи норматив-техник ҳужжатларнинг мавжудлиги;

қимматбаҳо металллар ва қимматбаҳо тошларни олиш, сарфлаш, ҳисобини юритиш ва сақлаш юзасидан талабларга ариза берувчи томонидан мажбурий риоя қилиниши, қимматбаҳо металлларнинг чиқинди ва парчаларини қайта ишлаш корхоналарига топшириш учун тайёрлаш, қадоқлаш, ташиш ва қабул қилиш-топшириш шартларига мажбурий риоя қилиш;

г) ижтимоий-маданий мақсадларда қимматбаҳо металллар ва қимматбаҳо тошлардан фойдаланилганда:

ижтимоий-маданий мақсадларда қимматбаҳо металллар ва қимматбаҳо тошлар билан ишларни амалга ошириш юзасидан талабларни тартибга солувчи норматив-техник ҳужжатларнинг мавжудлиги;

қимматбаҳо металллар ва қимматбаҳо тошларни олиш, ҳисобини юритиш ва сақлаш юзасидан талабларга ариза берувчи томонидан мажбурий риоя қилиниши;

д) қимматбаҳо металллар ва қимматбаҳо тошлардан ясалган заргарлик буюмлари савдоси билан шуғулланганда:

заргарлик буюмлари билан савдо қилишга қўйиладиган талабларни тартибга солувчи норматив-техник ҳужжатларнинг мавжудлиги;

заргарлик буюмларини сотиш тартибига, уларнинг бутлигини, ҳисоби юритилиши ва сақланишини таъминлаш талабларига риоя қилиш.

3-боб. Рўйхатдан ўтказиш гувоҳномасини олиш учун зарур ҳужжатлар

12. Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига 2-иловада назарда тутилган ишларни (фаолият турлари гуруҳлари доирасида) бажариш учун рўйхатдан ўтказиш гувоҳномасини олиш учун ариза берувчи қонун ҳужжатларида белгиланган тартибда Давлат хизматлари кўрсатиш марказига

шахсан ўзи бориб ёки Ягона портал орқали электрон рақамли имзо (кейинги ўринларда ўринларда ЭРИ деб аталади) билан тасдиқланган рўйхатдан ўтказиш гувоҳномасини олиш учун электрон шаклдаги аризани ушбу Низомга 4-иловада назарда тутилган шакл бўйича қуйидагиларни кўрсатган ҳолда беради:

юридик шахснинг номи ва ташкилий-ҳуқуқий шакли, солиқ тўловчининг идентификация рақами (СТИР), жойлашган жойи (почта манзили), фаолият юритиш жойи (манзил), банк бўлинмаларининг номлари ва банк ҳисоб рақамлари, телефон рақамлари, электрон почта манзиллари, веб-саҳифа — мавжуд бўлса;

ариза берувчи амалга оширишни мўлжаллаётган фаолият (лар) тури (ёки уларнинг қисми);

тарози ва тошлар (ҳар хил оғирликдаги) текширилганлиги ҳақидаги маълумот;

қимматбаҳо металллар ва қимматбаҳо тошлар билан ишлаш мўлжалланаётган бинонинг ёнғин хавфсизлиги талабларига жавоб бериши ҳақидаги маълумот;

Ўзбекистон Республикаси Марказий банки захирасидан ажратилган қимматбаҳо металллар билан ишлаш мўлжалланаётган объектлар учун объектнинг техник мустаҳкамлиги ва Ўзбекистон Республикаси ички ишлар органлари қўриқлаш бўлинмалари техник қўриқлаш Маркази (пункти)га уланганлиги ҳақидаги маълумотлар;

рўйхатдан ўтказиш гувоҳномасини олиш учун берилган ариза кўриб чиқилганлиги учун йиғим ва рўйхатдан ўтказиш гувоҳномаси берилганлиги учун йиғим тўланганлигини тасдиқловчи маълумотлар.

Ариза берувчи рўйхатдан ўтказиш гувоҳномасини олиш учун Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига иловаларга мувофиқ фаолият турлари гуруҳлари доирасида назарда тутилган қимматбаҳо металллар ва қимматбаҳо тошлар билан ишлаш турлари гуруҳининг ҳаммасини кўрсатган ҳолда ёки гуруҳдаги исталган бир нечта фаолият турларини кўрсатган ҳолда ариза бериш ҳуқуқига эга.

13. Ариза берувчи Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига 3-иловада назарда тутилган заргарлик буюмлари ва бошқа буюмлар билан савдо қилиш турларига рўйхатдан ўтказиш гувоҳномасини олиш учун қонун ҳужжатларида белгиланган тартибда Давлат хизматлари кўрсатиш марказига шахсан ўзи бориб ёки Ягона портал орқали электрон рақамли имзо билан тасдиқланган рўйхатдан ўтказиш гувоҳномасини олиш тўғрисидаги электрон шаклдаги аризани ушбу Низомга 4-иловада назарда тутилган шаклда қуйидагиларни кўрсатган ҳолда беради:

юридик шахснинг номи ва ташкилий-ҳуқуқий шакли, солиқ тўловчининг идентификация рақами (СТИР), жойлашган жойи (почта манзили), фаолият юритиш жойи (манзил), банк бўлинмаларининг номлари ва банк ҳисоб рақамлари, телефон рақамлари, электрон почта манзиллари, веб-саҳифа — мавжуд бўлса;

ариза берувчи амалга оширишни мўлжаллаётган заргарлик буюмлари ва бошқа буюмлар савдоси тури (турлари);

тарози ва тошлар (ҳар хил оғирликдаги) текширилганлиги ҳақидаги маълумот;

заргарлик буюмлари ва қимматбаҳо металллардан ясалган бошқа буюмлар билан ишлаш мўлжалланаётган объектнинг ёнғин хавфсизлиги талабларига мувофиқлиги ҳақидаги маълумот;

рўйхатдан ўтказиш гувоҳномасини олиш учун берилган ариза кўриб чиқилганлиги учун йиғим ва рўйхатдан ўтказиш гувоҳномаси берилганлиги учун йиғим тўланганлигини тасдиқловчи маълумотлар.

Ариза берувчи заргарлик буюмлари ва қимматбаҳо металллардан ясалган бошқа буюмлар савдоси билан шуғулланиш учун рўйхатдан ўтказиш гувоҳномаси берилиши тўғрисида Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига 2-иловага мувофиқ назарда тутилган фаолият турлари доирасида қимматбаҳо металллар ва қимматбаҳо тошлар билан ишлашнинг барча турларини

кўрсатган ҳолда ёки ушбу гуруҳлардаги исталган бир нечта фаолият турларини кўрсатган ҳолда ариза бериш ҳуқуқига эга.

14. Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига 4-иловада назарда тутилган электрон идоралараро ҳамкорлик тизими схемасига мувофиқ Асиллик палатаси рўйхатдан ўтказиш гувоҳномасини бериш учун зарур бўлган бошқа ваколатли идоралардаги мавжуд маълумотларни белгиланган тартибда мустақил равишда олади.

15. Асиллик палатасига:

рўйхатдан ўтказиш гувоҳномаси берилиши учун аризаларни ариза берувчидан бевосита, почта алоқаси воситалари орқали ёки электрон шаклда олиш;

Давлат хизматлари кўрсатиш марказига ёхуд Ягона порталга мурожаат қилган ариза берувчиларни уларнинг аризалари кўриб чиқиладиган жараёнлар даврида таклиф қилиш;

ариза берувчилардан ушбу Низомнинг 12 ва 13-бандларида назарда тутилмаган маълумотлар тақдим этилишини талаб қилиш тақиқланади.

16. Ариза берувчи аризада у томонидан берилган ариза кўриб чиқирилиши натижаси бўйича қабул қилинган қарор ҳақидаги билдиришнома шаклини кўрсатади.

Ариза берувчининг рўйхатдан ўтказиш гувоҳномасини олиш учун берган аризасида электрон манзили кўрсатилиши унинг аризаси бўйича қабул қилинган қарор тўғрисидаги билдиришнома электрон шаклда берилишига розилигини билдиради.

17. Ариза берувчи шахсан ўзи келиб мурожаат қилган тақдирда Давлат хизматлари кўрсатиш маркази ходими Асиллик палатаси томонидан белгиланган тартибда тасдиқланган давлат хизматлари паспортига мувофиқ аризанинг тўлиқлигини текширади.

Ариза рўйхатга олингандан кейин Давлат хизматлари кўрсатиш маркази ходими ариза берувчига ариза қабул қилганлиги ҳақида тилхат беради ёки аризанинг нусхасига аризанинг рўйхатга олинганлиги ҳақидаги рақамни кўрсатган ҳолда тегишли белги қўяди.

18. Давлат хизматлари кўрсатиш маркази ходими ариза берувчи томонидан шахсан топширилган аризани олган куни Ягона портал орқали Асиллик палатасига юбориладиган хизматлар паспортига мувофиқ шаклда аризада кўрсатилган маълумотларни киритади.

19. Ариза берувчи ўзи турган жойдан бошқа жой бўйича Давлат хизматлари кўрсатиш марказига мурожаат қилган тақдирда унинг аризаси Давлат хизматлари кўрсатиш маркази томонидан Ягона портал орқали Асиллик палатасига юборилади.

Ариза берувчи томонидан ариза Давлат хизматлари кўрсатиш марказига электрон ускунада тақдим этилса, Давлат хизматлари кўрсатиш маркази ходими, зарурат бўлганда, Давлат хизматлари кўрсатиш марказининг ўзига ўзи хизмат қилиш учун ажратилган хонасида унга аризани Ягона портал орқали жўнатишга кўмаклашади.

Қоғозга расмийлаштирилган «PDF»да (ҳужжатларнинг платформааро форматида) нусхалар шаклида бўлган сканерланган ҳужжатлар илова қилинган маълумотларни жўнатишга рухсат этилади. Ҳар бир ҳужжат алоҳида файл шаклида бўлиши, ҳар бир файлнинг ҳажми 10 Мб дан ошмаслиги ва барча аутентик белгиларнинг асиллиги сақланишини таъминлайдиган (ҳар дюймга 200 нуктадан кам бўлмаган) бўлиши керак.

20. Ягона портал орқали жўнатишган ариза автоматик равишда ноёб рўйхатга олиш рақами берилган ҳолда рўйхатга олинади.

Ариза Асиллик палатасининг масъул ходими томонидан қабул қилинади, қабул қилинганлиги ҳақида билдиришнома берилади.

4-боб. Аризани кўриб чиқиш ва рўйхатдан ўтказиш гувоҳномасини бериш ёки рўйхатдан ўтказиш гувоҳномасини беришни рад этиш тўғрисида қарор қабул қилиш

21. Асиллик палатаси ариза бериш усулидан қатъи назар, қонун ҳужжатларида белгиланган тартибда қабул қилинган аризани кўриб чиқади, рўйхатдан ўтказиш гувоҳномасини беради ёки рўйхатдан ўтказиш гувоҳномасини беришни рад этади ва ариза қабул қилинган санадан бошлаб:

рўйхатдан ўтказиш гувоҳномасини бериш ёки амал қилиш муддатини узайтириш учун — 7 иш кунидан;

рўйхатдан ўтказиш гувоҳномасини қайта расмийлаштириш учун — 5 иш кунидан;

ўз хоҳиши билан вақтинча фаолиятни тўхтатиб туриш учун — 8 иш соатидан;

ўз хоҳиши билан фаолиятни тиклаш учун — 8 иш соатидан;

ўз хоҳиши билан фаолиятни тўхтатиш учун — 8 иш соатидан ошмайдиган муддатда кўриб чиқади.

Асиллик палатаси ходимларига рўйхатдан ўтказиш гувоҳномасини бериш тўғрисидаги аризани бевосита ариза берувчилардан, почта алоқаси воситаси орқали ёки электрон шаклда қабул қилиш ҳамда аризани кўриб чиқиш жараёнида Давлат хизматлари кўрсатиш маркази ёки Ягона портал орқали мурожаат қилган ариза берувчини таклиф қилиш таққиланади.

22. Рўйхатдан ўтказиш гувоҳномасини бериш тўғрисидаги ариза кўриб чиқилганлиги учун ариза берувчидан бир энг кам ойлик иш ҳақи миқдорида йиғим ундирилади.

Тўлов Интернет тармоғи орқали реал вақт режимида «SMS-ахборотлаш» хизмати уланган банк картаси билан нақд пулсиз ҳисоб-китоб қилиш орқали, Ўзбекистон Республикаси банклари кассаларида нақд пулсиз ҳисоб-китоб қилиш орқали, ҳисоб рақамидан банк ўтказмалари ёрдамида амалга оширилиши мумкин.

23. Давлат хизматлари кўрсатиш марказига ўзи келиб ёки почта алоқаси воситаси ёхуд Ягона портал орқали мурожаат қилинган ҳолатларда рўйхатдан ўтказиш гувоҳномасини бериш тўғрисидаги ариза кўриб чиқилганлиги учун тўланаётган йиғимнинг 20 фоизи миқдоридаги маблағ Ўзбекистон Республикаси Адлия вазирлиги ҳузуридаги Давлат хизматлари кўрсатиш агентлигининг (кейинги ўринларда Агентлик деб аталади) махсус шахсий ҳисоб рақамига ўтказилади ва Агентликнинг фаолиятини молиялаштириш манбаи сифатида фойдаланилади.

Ариза Ягона портал орқали тақдим қилинган тақдирда рўйхатдан ўтказиш гувоҳномасини бериш тўғрисидаги ариза кўриб чиқилганлиги учун тўланаётган йиғимнинг 10 фоизи миқдоридаги маблағ Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисоб рақамига ўтказилади ва Интерактив давлат хизматлари ягона портали фаолиятини янада ривожлантириш ҳамда вазирлик ходимларини қўшимча рағбатлантиришни молиялаштириш манбаи сифатида ишлатилади, қолган қисми Асиллик палатасининг ҳисоб рақамига ўтказилади ва тушадиган маблағлар унинг моддий-техника базасини мустаҳкамлашга, меҳнатга ҳақ тўлашга ва унинг ходимларини рағбатлантиришга йўналтирилади.

24. Ариза берувчи берилган аризани рад этган тақдирда ариза кўриб чиқилганлиги учун тўланган йиғим суммаси қайтарилмайди.

25. Қимматбаҳо металллар ва қимматбаҳо тошлар билан ишларни бажариш натижасида фуқароларнинг ҳаёти ва/ёки соғлиғига, жамоат хавфсизлигига ва/ёки атроф-муҳитга зарар етиши хавфи пайдо бўлишига шубҳа пайдо бўлган тақдирда Асиллик палатаси рўйхатдан ўтказиш гувоҳномасини бериш ёки беришни рад этиш тўғрисида қарор қабул қилиш учун ариза берувчининг ишлаб чиқариш базасини унинг қимматбаҳо металллар ва қимматбаҳо тошлар билан ишлашга тайёрлигини аниқлаш юзасидан текширишдан ўтказиш ҳуқуқига эга.

26. Ушбу Низомнинг 21-бандида назарда тутилган қарорни қабул қилиш муддати тугашидан камида уч иш соатидан кечикмай, Асиллик палатаси қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига ушбу Низомга 3-иловага мувофиқ шакл бўйича берилган аризага кўра расмийлаштирилган рўйхатдан ўтказиш гувоҳномасини ёки ушбу

Низомга 5-иловага мувофиқ шакл бўйича рўйхатдан ўтказиш гувоҳномасини беришни рад этиш тўғрисидаги билдиришномани юборади.

Давлат хизматлари кўрсатиш марказига аризани ўрганиб чиқиш натижаси бўйича тушган, Давлат хизматлари кўрсатиш маркази томонидан қоғозга чоп этилган ва унинг муҳри босилган ҳужжат Асиллик палатаси томонидан берилган рўйхатдан ўтказиш гувоҳномасига тенглаштирилади.

27. Агар Асиллик палатаси ариза берувчининг қонун ҳужжатларида белгиланган тартибда тақдим қилинган рўйхатдан ўтказиш гувоҳномасини бериш тўғрисидаги аризасини кўриб чиқишнинг белгиланган муддати мобайнида ариза берувчига ушбу Низомга 3-иловага мувофиқ шакл бўйича расмийлаштирилган рўйхатдан ўтказиш гувоҳномасини юбормаса ёки ушбу Низомга 5-иловага мувофиқ шакл бўйича унинг аризасида кўрсатилган шаклда рўйхатдан ўтказиш гувоҳномасини беришни рад этиш тўғрисида хабардор қилмаса, ушбу Низомнинг 21-бандида назарда тутилган муддат ўтгач ариза берувчи бу тўғрида Давлат хизматлари кўрсатиш маркази ёхуд Ягона портал орқали тегишли билдиришномани юбориб қимматбаҳо металллар ва қимматбаҳо тошлар билан ишларни бажариш ҳуқуқига эга бўлади.

Ушбу банднинг биринчи хатбошида назарда тутилган ҳолатда Асиллик палатаси ариза берувчининг тегишли билдиришномаси олинган кундан бошлаб уч иш куни мобайнида ушбу Низомга 3-иловага мувофиқ шакл бўйича расмийлаштирилган рўйхатдан ўтказиш гувоҳномасини юбориши шарт.

Рўйхатдан ўтказиш гувоҳномаси олингунга қадар Давлат хизматлари кўрсатиш марказининг ноёб рўйхатдан ўтказиш рақамига эгалик тўғрисидаги билдиришномаси ёки ноёб рўйхатдан ўтказиш рақами қабул қилинганлиги ва у тўғрисидаги белги қўйилган билдиришнома олинганлиги тўғрисидаги тилхат рўйхатдан ўтказиш гувоҳномасига тенглаштирилади ҳамда қимматбаҳо металллар ва қимматбаҳо тошлар билан ишларни амалга ошириш учун асос ҳисобланади.

28. Рўйхатдан ўтказиш гувоҳномаси электрон ҳужжат шаклида расмийлаштирилади ва Асиллик палатаси бошлиғининг, у йўқлигида эса ўринбосарининг ЭРИ билан тасдиқланади, қонун ҳужжатларида белгиланган тартибда берилган аризага кўра Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига юборилади.

Рўйхатдан ўтказиш гувоҳномаси расмийлаштирилганлиги тўғрисидаги зарур маълумотлар тегишли ахборот тизимларига киритилади ва қоғозда расмийлаштириладиган реестрда қайд этилади.

29. Рўйхатдан ўтказиш гувоҳномаси берилганлиги учун бир энг кам ойлик иш ҳақи миқдорида йиғим ундирилади.

30. Тўлов Интернет тармоғи орқали реал вақт режимида «SMS-ахборотлаш» хизмати уланган банк картаси билан нақд пулсиз ҳисоб-китоб қилиш орқали, Ўзбекистон Республикаси банклари кассаларида нақд пулсиз ҳисоб-китоб қилиш орқали, ҳисоб рақамидан банк ўтказмалари ёрдамида амалга оширилиши мумкин.

31. Давлат хизматлари кўрсатиш марказига келган ҳолда ёки почта алоқаси воситаси ёхуд Ягона портал орқали мурожаат қилинган ҳолатларда рўйхатдан ўтказиш гувоҳномаси берилганлиги учун тўланаётган йиғимнинг 20 фоизи миқдоридаги сумма Агентликнинг махсус шахсий ҳисоб рақамига ўтказилади ва унинг фаолиятини молиялаштириш манбаи сифатида ишлатилади.

Ариза Ягона портал орқали тақдим қилинган тақдирда рўйхатдан ўтказиш гувоҳномаси берилганлиги учун тўланаётган йиғимнинг 10 фоизи миқдоридаги сумма Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисоб рақамига ўтказилади ва Интерактив давлат хизматлари ягона портали фаолиятини янада ривожлантириш ҳамда вазирлик ходимларини қўшимча рағбатлантиришни молиялаштириш манбаи сифатида

ишлатилади, қолган қисми Асиллик палатасининг ҳисоб рақамига ўтказилади ва тушадиган маблағлар унинг моддий-техника базасини мустаҳкамлашга, меҳнатга ҳақ тўлашга ва унинг ходимларини рағбатлантиришга йўналтирилади.

32. Асиллик палатаси томонидан рўйхатдан ўтказиш гувоҳномасини беришни рад этиш тўғрисида қарор қабул қилинганда, шунингдек, ариза берувчи берилган аризани рад этган тақдирда рўйхатдан ўтказиш гувоҳномасини бериш учун тўланган йиғим суммаси қайтарилиши керак.

33. Заргарлик буюмлари ва қимматбаҳо металллардан ясалган бошқа буюмлар билан савдо қилишга рўйхатдан ўтказиш гувоҳномасини бериш тўғрисидаги аризани кўриб чиқиш якунлари бўйича Асиллик палатаси ушбу Низомга 3-иловага мувофиқ шакл бўйича расмийлаштирилган рўйхатдан ўтказиш гувоҳномаси билан бирга ариза берувчига Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан тасдиқланган савдо объектининг дислокациясини (кейинги ўринларда жойлашиш тартиби деб аталади) юборади.

34. Савдо объектининг жойлашиш тартибини олиш учун Асиллик палатаси ариза олинган санадан бошлаб бир иш кундан кечикмай идоралараро электрон ҳамкорлик тизими орқали тегишли равишда Қорақалпоғистон Республикаси Вазирлар Кенгашига, вилоятлар ва Тошкент шаҳри ҳокимликларига жойлашиш тартибини олиш учун сўров юборади.

Жойлашиш тартиби учун идоралараро электрон сўров юборилган сана у идоралараро электрон ҳамкорлик тизимига юборилган сана ҳисобланади.

Савдо қилишга мўлжалланган бир жойнинг ўзига заргарлик буюмлари ва қимматбаҳо металллардан ясалган бошқа буюмлар билан савдо қилишга рўйхатдан ўтказиш гувоҳномасини олиш учун бир нечта ариза тушган тақдирда, рўйхатдан ўтказиш гувоҳномасини олиш учун устунлик ҳуқуқига биринчи бўлиб ариза юборган ариза берувчи эга бўлади. Қолган ариза берувчиларга сабаблари кўрсатилган ҳолда рўйхатдан ўтказиш гувоҳномасини беришни рад этиш тўғрисида хабар юборилади.

35. Жойлашиш тартибини расмийлаштириш учун Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари бошқа ваколатли органларда мавжуд бўлган зарур маълумотларни белгиланган тартибда мустақил равишда олади.

36. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан тасдиқланган жойлашиш тартиби идоралараро электрон сўров тушган санадан бошлаб уч иш кундан кечикмай Асиллик палатасига юборилади.

Тасдиқланган жойлашиш тартиби идоралараро электрон ҳамкорлик тизимига юборилган сана тасдиқланган жойлаштириш тартиби ҳудудий мансубликка мувофиқ жўнатилган сана ҳисобланади.

37. Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан тасдиқланган жойлашиш тартиби (асослари кўрсатилган рад этиш мавжуд бўлмаганда) тақдим этилмаслиги ёки ўз вақтида тақдим этилмаслиги ариза берувчига заргарлик буюмлари ва қимматбаҳо металллардан ясалган бошқа буюмлар билан савдо қилиш учун рўйхатдан ўтказиш гувоҳномаси берилиши рад этилиши учун асос ҳисобланмайди.

38. Рўйхатдан ўтказиш гувоҳномасини бериш қуйидаги асослар бўйича рад этилиши мумкин:

рўйхатдан ўтказиш гувоҳномасини олиш учун зарур бўлган маълумотлар ариза берувчи томонидан тўлиқ бўлмаган ҳажмда тақдим этилиши;

ариза берувчининг ушбу Низомнинг 10 ва 11-бандларида назарда тутилган рухсат бериш талаблари ва шартларига номувофиқлиги;

ариза берувчи томонидан кўрсатилган маълумотларда ишончсиз ёки нотўғри маълумотларнинг мавжудлиги;

ушбу Низомнинг 25-бандига мувофиқ ўтказилган текширишлар якунлари бўйича хулосанинг асосли равишда салбий бўлиши сабабларининг мавжудлиги.

Рўйхатдан ўтказиш гувоҳномасини беришнинг бошқа асосларга, шу жумладан, мақсадга мувофиқ эмаслигига кўра рад этилишига йўл қўйилмайди.

39. Рўйхатдан ўтказиш гувоҳномаси беришни рад этиш ҳақида қарор қабул қилинган тақдирда Асиллик палатаси қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига рад этиш ҳақида ушбу Низомга 5-иловага мувофиқ шакл бўйича рад этиш сабабларини, қонун ҳужжатларининг аниқ нормаларини кўрсатиб ва ариза берувчи кўрсатилган сабабларни бартараф этиб қайта кўриб чиқиш учун ҳужжатларни тақдим этиши мумкин бўлган муддатни кўрсатган ҳолда тегишли билдиришнома жўнатади.

Ариза берувчи рад этиш сабабларини бартараф этиш ва ҳужжатларни қайта кўриб чиқиш учун тақдим этиш ҳуқуқига эга бўлган муддат ўттиз календарь кун доирасида белгиланади.

40. Рўйхатдан ўтказиш гувоҳномасини беришни рад этиш учун олдин асос бўлган сабаблар ариза берувчи томонидан белгиланган муддатда бартараф этилган тақдирда, ҳужжатларни такроран кўриб чиқиш, рўйхатдан ўтказиш гувоҳномасини бериш ёки уни беришни рад этиш Асиллик палатаси томонидан ариза берувчининг рад этишнинг сабаблари бартараф этилгани ва уларнинг бартараф этилгани тўғрисидаги аризаси ва сабабларнинг бартараф этилганлигини тасдиқловчи тегишли маълумотлар олинган кундан бошлаб беш иш кунидан ошмайдиган муддатда амалга оширилади. Ариза такроран кўриб чиқилганлиги учун йиғим ундирилмайди.

Рад этишнинг сабаблари бартараф этилганлиги тўғрисидаги ариза ва тегишли маълумотлар ушбу Низомнинг 3-бобида назарда тутилган тартибда тақдим қилинади.

41. Аризани такроран кўриб чиқишда рад этиш тўғрисидаги билдиришномада олдин кўрсатилмаган янги асослар билан рўйхатдан ўтказиш гувоҳномасини беришни рад этишга йўл қўйилмайди, олдин кўрсатилган сабаблар бартараф этилганлигини тасдиқловчи ҳужжатлар билан боғлиқ бўлган рад этиш сабабларининг кўрсатилиши бундан мустасно.

42. Рад этилгани тўғрисидаги ёзма билдиришномада кўрсатилган муддат ўтгандан кейин ариза берувчи томонидан берилган ариза янгидан берилган ариза ҳисобланади ва ушбу Низомнинг 12 ва 13-бандларида кўрсатилган шартларда кўриб чиқилади.

43. Ариза берувчи рўйхатдан ўтказиш гувоҳномасини бериш рад этилганлиги, шунингдек, Асиллик палатаси мансабдор шахсининг хатти-ҳаракати (ҳаракатсизлиги) юзасидан белгиланган тартибда шикоят қилиш ҳуқуқига эга.

5-боб. Рўйхатдан ўтказиш гувоҳномасини қайта расмийлаштириш ва унинг амал қилиш муддатини узайтириш

44. Юридик шахс қайта ташкил этилган, жойлашган жойи (почта манзили) ўзгарган, фирма номи, ташкилий-ҳуқуқий шакли ўзгарган, таъсис ҳужжатларига ўзгартиришлар киритилган ёхуд у томонидан рўйхатдан ўтказиш гувоҳномасида кўрсатилган жойни ва/ёки фаолият турини ўзгартириш ҳақида қарор қабул қилганида, юридик шахс (унинг ҳуқуқий вориси) ушбу Низомнинг 12 ва 13-бандларида назарда тутилган тартибда қайта рўйхатдан ўтганидан кейин беш иш кунини давомида ушбу Низомга 6-иловага мувофиқ шакл бўйича рўйхатдан ўтказиш гувоҳномаси қайта расмийлаштирилганлиги ҳақида:

ушбу банднинг биринчи хатбошида кўрсатилган ўзгаришларни тасдиқловчи маълумотларни;

рўйхатдан ўтказиш гувоҳномасининг рақами, берилган ва амал қилиш муддати тугаган саналарни;

қимматбаҳо металллар ва қимматбаҳо тошлар билан ишларни амалга ошириш мўлжалланган объектнинг (рўйхатдан ўтказиш гувоҳномасида кўрсатилган фаолият турини амалга ошириш жойи ўзгарган тақдирда) ёнгин хавфсизлиги талабларига мувофиқлиги ҳақидаги маълумотларни;

Ўзбекистон Республикаси Марказий банки захирасидан ажратилган қимматбаҳо металллардан (рўйхатдан ўтказиш гувоҳномасида кўрсатилган фаолият турини амалга ошириш жойи ўзгарган тақдирда) фойдаланиш мўлжалланган объектлар учун — объектнинг техник мустаҳкамлиги ва Ўзбекистон Республикаси ички ишлар органлари қўриқлаш бўлинмаларининг техник қўриқлаш Маркази (пункти)га уланганлиги ҳақидаги маълумотларни;

рўйхатдан ўтказиш гувоҳномасини қайта расмийлаштириш учун тўланган йиғим ҳақидаги маълумотларни кўрсатган ҳолда ариза бериши керак.

45. Ариза қонун ҳужжатларида белгиланган тартибда Давлат хизматлари кўрсатиш марказига ўзи бориб ёки почта алоқаси воситаларидан фойдаланиб ёхуд Ягона портал орқали электрон шаклда ариза берувчининг ЭРИ билан тасдиқланиб тақдим этилади.

46. Рўйхатдан ўтказиш гувоҳномаси қайта расмийлаштирилганлиги учун энг кам ойлик иш ҳақининг 50 фоизи миқдорида йиғим ундирилади.

Давлат хизматлари кўрсатиш марказига ўзи бориб ёки почта алоқаси воситалари ёхуд Ягона портал орқали мурожаат этилган ҳолларда рўйхатдан ўтказиш гувоҳномасини қайта расмийлаштириш учун тўланадиган йиғим суммасининг 20 фоизи Агентликнинг махсус ҳисоб рақамига унинг фаолиятини молиялаштириш манбаи сифатида фойдаланиш учун ўтказилади.

Ягона портал орқали ариза тақдим қилинган тақдирда рўйхатдан ўтказиш гувоҳномасини қайта расмийлаштириш тўғрисидаги ариза кўриб чиқилганлиги учун тўланаётган йиғимнинг 10 фоизи миқдоридаги маблағ Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисоб рақамига ўтказилади ва Интерактив давлат хизматлари ягона портали фаолиятини янада ривожлантириш ҳамда вазирлик ходимларини қўшимча рағбатлантиришни молиялаштириш манбаи сифатида ишлатилади, қолган қисми Асиллик палатасининг ҳисоб рақамига ўтказилади ва тушадиган маблағлар унинг моддий-техника базасини мустаҳкамлашга, меҳнатга ҳақ тўлашга ва унинг ходимларини рағбатлантиришга йўналтирилади.

Рўйхатдан ўтказиш гувоҳномасини қайта расмийлаштиришни рад этиш ҳақида қарор қабул қилинган тақдирда Асиллик палатаси қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига ушбу Низомга 7-иловага мувофиқ шакл бўйича рад этиш сабабларини, қонун ҳужжатларининг аниқ нормаларини кўрсатиб ва ариза берувчи кўрсатилган сабабларни бартараф этиб қайта кўриб чиқиш учун ҳужжатларни тақдим этиши мумкин бўлган муддатни кўрсатган ҳолда рад этиш ҳақида тегишли билдиришномани юборади.

Асиллик палатаси томонидан рўйхатдан ўтказиш гувоҳномасини қайта расмийлаштиришни рад этиш ҳақида қарор қабул қилинган тақдирда тўланган йиғим суммаси қайтарилади.

47. Асиллик палатасидан рўйхатдан ўтказиш гувоҳномаси қайта расмийлаштирилганлиги ҳақидаги билдиришнома олингунга қадар ноёб рўйхатдан ўтказиш рақами билан ариза қабул қилинганида берилган тилхат ёки Давлат хизматлари кўрсатиш марказининг ариза қабул қилинганлиги ва ноёб рўйхатдан ўтказиш рақами тўғрисида белги қўйилган аризанинг нусхаси рўйхатдан ўтказиш гувоҳномасига тенглаштирилади ва қимматбаҳо металллар билан ишларни амалга оширишни давом эттиришга асос бўлади (рўйхатдан ўтказиш гувоҳномасида кўрсатилган, фаолият

кўрсатиш жойи ва/ёки фаолият тури ўзгариши билан боғлиқ бўлган қайта расмийлаштириш бундан мустасно).

48. Асиллик палатаси рўйхатдан ўтказиш гувоҳномасини қайта расмийлаштириш учун тақдим этилган аризани кўриб чиқиб ушбу Низомда назарда тутилган тартибда рўйхатдан ўтказиш гувоҳномасини расмийлаштиради.

Рўйхатдан ўтказиш гувоҳномасини қайта расмийлаштириш жараёнида Асиллик палатаси қоғозда расмийлаштирилган рўйхатдан ўтказиш гувоҳномаси реестрига тегишли ўзгартиришлар киритади, шунингдек, рўйхатдан ўтказиш гувоҳномаси қайта расмийлаштирилганлиги ҳақидаги маълумотларни тегишли ахборот тизимларидаги электрон шаклдаги реестрга киритади.

Рўйхатдан ўтказиш гувоҳномаси қайта расмийлаштирилганда олдин берилган рўйхатдан ўтказиш гувоҳномасининг амал қилиш муддати ўзгармайди.

49. Рўйхатдан ўтказиш гувоҳномасини қайта расмийлаштириш Давлат хизматлари кўрсатиш марказидан рўйхатдан ўтказиш гувоҳномасини қайта расмийлаштириш учун ариза олинган ёхуд Ягона портал орқали ариза берувчи томонидан Асиллик палатасига тегишли ариза тақдим этилганлиги тўғрисидаги билдиришнома олинган кундан бошлаб беш иш куни мобайнида амалга оширилади.

50. Фаолият кўрсатиш жойи ўзгариши муносабати билан заргарлик буюмлари ва қимматбаҳо металллардан ясалган бошқа буюмлар билан савдо қилиш учун рўйхатдан ўтказиш гувоҳномасини қайта расмийлаштириш тўғрисидаги аризани (Ўзбекистон Республикаси Вазирлар Маҳкамасининг 2018 йил 29 майдаги 399-сон қарорига 3-иловага мувофиқ шакл бўйича) кўриб чиқиш якунлари бўйича Асиллик палатаси рўйхатдан ўтказиш гувоҳномаси билан биргаликда тегишли равишда ҳудудий мансубликка кўра Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан тасдиқланган (янги) жойлашиш тартибини ариза берувчига юборади.

51. Асиллик палатаси (янги) жойлашиш тартибини олиш учун рўйхатдан ўтказиш гувоҳномасини қайта расмийлаштиришга ариза олинган кундан бошлаб бир иш кунидан кеч бўлмаган муддатда идоралараро электрон ҳамкорлик тизими орқали тегишли равишда ҳудудий мансубликка кўра Қорақалпоғистон Республикаси Вазирлар Кенгашига, вилоятлар ва Тошкент шаҳри ҳокимликларига сўровнома юборади.

Идоралараро электрон сўровнома юборилган сана у идоралараро электрон ҳамкорлик тизимига юборилган сана ҳисобланади.

Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари жойлашиш тартибини расмийлаштириш учун бошқа ваколатли органларда бор бўлган ўзларига зарур маълумотларни белгиланган тартибда мустақил равишда оладилар.

Тегишли равишда Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари томонидан тасдиқланган жойлашиш тартиби Асиллик палатасининг идоралараро электрон сўрови тушган санадан бошлаб уч иш кунидан кечикмай Асиллик палатасига юборилади.

Тасдиқланган жойлашиш тартиби идоралараро электрон ҳамкорлик тизимига юборилган сана у юборилган сана ҳисобланади.

52. Тасдиқланган (янги) жойлашиш тартиби тақдим этилмаслиги (асосланган рад этиш мавжуд бўлмаганда) ёки ўз вақтида тақдим этилмаслиги заргарлик буюмлари ва қимматбаҳо металллардан ясалган бошқа буюмлар билан савдо қилиш учун рўйхатдан ўтказиш гувоҳномасини қайта расмийлаштиришда ариза берувчига рад жавоби берилиши учун асос ҳисобланмайди.

53. Асиллик палатасига аризаларни кўриб чиқиш жараёнида бевосита ариза берувчилардан почта алоқаси воситалари орқали ёки электрон шаклда рўйхатдан ўтказиш гувоҳномасини қайта расмийлаштириш тўғрисидаги аризани қабул қилиш, Давлат

хизматлари кўрсатиш марказига ёхуд Ягона портали орқали мурожаат этган ариза берувчиларни уларнинг аризаларини кўриб чиқиш жараёнида таклиф қилиш тақиқланади.

54. Рўйхатдан ўтказиш гувоҳномасининг амал қилиш муддати ариза берувчи томонидан унда кўрсатган муддат ўтгунга қадар узайтирилиши мумкин.

Вазирлар Маҳкамасининг 2018 йил 29 майдаги 399-сон қарорига 2-иловада назарда тутилган қимматбаҳо металллар ва қимматбаҳо тошлар билан ишларни амалга оширишга (фаолият турлари гуруҳлари доирасида) рўйхатдан ўтказиш гувоҳномасининг амал қилиш муддатини узайтириш учун ариза берувчи қонун ҳужжатларида белгиланган тартибда, ушбу Низомга 6-иловага мувофиқ шакл бўйича Давлат хизматлари кўрсатиш марказига шахсан ўзи келиб ёхуд Ягона порталга ЭРИ билан тасдиқланган электрон шаклдаги рўйхатдан ўтказиш гувоҳномасининг амал қилиш муддатини узайтириш ҳақидаги ариза билан мурожаат қилади ва унда қуйидагилар кўрсатилади:

юридик шахснинг ташкилий-ҳуқуқий шакли ва номи, солиқ тўловчининг идентификация рақами (СТИР), жойлашган жойи (почта манзили), фаолиятни олиб бориш жойи (манзили), банк бўлинмаси номи ва банкнинг ҳисоб рақами, телефон рақамлари, электрон почта манзиллари, веб-сайт — мавжуд бўлганда;

рўйхатдан ўтказиш гувоҳномасининг рақами, берилган вақти ва амал қилиш муддати тамом бўлиши санаси;

тарози ва тошлар текширишдан ўтганлиги ҳақидаги маълумот (тарозилар фарқи);

қимматбаҳо металллар ва қимматбаҳо тошлар билан ишларни амалга ошириш учун мўлжалланган объектнинг ёнғин хавфсизлиги талабларига мувофиқлиги ҳақидаги маълумотлар;

Ўзбекистон Республикаси Марказий банки захирасидан берилаётган қимматбаҳо металллардан фойдаланиш мўлжалланган объектлар учун — объектнинг техник мустаҳкамлиги ва объект Ўзбекистон Республикаси ички ишлар органлари қўриқлаш бўлинмаларининг техник қўриқлаш Марказига (пунктига) уланганлиги ҳақидаги маълумотлар;

рўйхатдан ўтказиш гувоҳномасининг амал қилиш муддати узайтирилганлиги учун йиғим тўлаганлигини тасдиқловчи маълумотлар.

55. Заргарлик буюмлари ва қимматбаҳо металллардан ясалган бошқа буюмлар билан савдо қилиш учун рўйхатдан ўтказиш гувоҳномасининг амал қилиш муддатини узайтириш учун (Вазирлар Маҳкамасининг 2018 йил 29 майдаги 399-сон қарорига 3-иловага мувофиқ шакл бўйича) ариза берувчи қонун ҳужжатларида белгиланган тартибда, ушбу Низомга 6-иловага мувофиқ шакл бўйича Давлат хизматлари кўрсатиш марказига ёхуд Ягона порталга ЭРИ билан тасдиқланган электрон шаклдаги рўйхатдан ўтказиш гувоҳномасининг амал қилиш муддатини узайтириш ҳақидаги ариза билан мурожаат қилади ва унда қуйидагилар кўрсатилади:

юридик шахснинг ташкилий-ҳуқуқий шакли ва номи, солиқ тўловчининг идентификация рақами (СТИР), жойлашган жойи (почта манзили), фаолиятни олиб бориш жойи (манзили), банк бўлинмаси номи ва банкнинг ҳисоб рақами, телефон рақамлари, электрон почта манзиллари, веб-сайт — мавжуд бўлганда;

рўйхатдан ўтказиш гувоҳномасининг рақами, берилган вақти ва амал қилиш муддати тамом бўлиши санаси;

тарози ва тошлар текширишдан ўтганлиги ҳақидаги маълумот (тарозилар фарқи);

қимматбаҳо металллар ва қимматбаҳо тошлар билан ишларни амалга ошириш учун мўлжалланган объектнинг ёнғин хавфсизлиги талабларига мувофиқлиги ҳақидаги маълумотлар;

рўйхатдан ўтказиш гувоҳномасининг амал қилиш муддати узайтирилганлиги учун йиғим тўланганлигини тасдиқловчи маълумотлар.

56. Рўйхатдан ўтказиш гувоҳномасининг амал қилиш муддати узайтирилганлиги учун энг кам ойлик иш ҳақининг 50 фоизи миқдорида йиғим ундирилади.

Давлат хизматлари кўрсатиш марказига ўзи келиб ёки почта алоқаси ёхуд Ягона портал орқали мурожаат қилинган ҳолатларда рўйхатдан ўтказиш гувоҳномасининг амал қилиш муддати узайтирилганлиги учун тўланаётган йиғимнинг 20 фоизи миқдоридаги маблағ Агентликнинг махсус шахсий ҳисоб рақамига ўтказилади ва унинг фаолиятини молиялаштириш манбаи сифатида фойдаланилади.

Ариза Ягона портал орқали тақдим қилинган тақдирда рўйхатдан ўтказиш гувоҳномасининг амал қилиш муддати узайтирилганлиги учун тўланаётган йиғимнинг 10 фоизи миқдоридаги маблағ Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисоб рақамига ўтказилади ва Интерактив давлат хизматлари ягона портали фаолиятини янада ривожлантириш ҳамда вазирлик ходимларини қўшимча рағбатлантиришни молиялаштириш манбаи сифатида ишлатилади, қолган қисми Асиллик палатасининг ҳисоб рақамига ўтказилади ва тушадиган маблағлар уни сақлашга, моддий-техника базасини мустаҳкамлашга, меҳнатга ҳақ тўлашга ва унинг ходимларини рағбатлантиришга йўналтирилади.

Ушбу Низомнинг 21-бандида назарда тутилган қарор қабул қилиш муддати тугаллангунга қадар уч иш соатидан кечикмай, Асиллик палатаси қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига ушбу Низомга 3-иловага мувофиқ шакл бўйича берилган ариза ҳисобга олинган ҳолда узайтирилган рўйхатдан ўтказиш гувоҳномасини ёки рад этиш сабаблари, қонун ҳужжатларининг аниқ нормалари ва ариза берувчи кўрсатиб ўтилган сабабларни бартараф этиб ҳужжатларни такроран кўриб чиқиш учун тақдим этиши мумкин бўлган муддат кўрсатилган ҳолда ушбу Низомга 8-иловага мувофиқ шакл бўйича рўйхатдан ўтказиш гувоҳномасини беришни рад этиш тўғрисидаги билдиришномани юборади.

Асиллик палатаси томонидан рўйхатдан ўтказиш гувоҳномасининг амал қилиш муддатини узайтиришни рад этиш ҳақида қарор қабул қилинган тақдирда тўланган йиғим қайтарилади.

57. Рўйхатдан ўтказиш гувоҳномасининг амал қилиш муддатини узайтириш бўйича ижобий қарор қабул қилинган тақдирда Асиллик палатаси қоғозда расмийлаштирилган рўйхатдан ўтказиш гувоҳномалари реестрига тегишли ўзгартиришлар киритади, шунингдек, тегишли ахборот тизимларида электрон шаклда шакллантирилган реестрга рўйхатдан ўтказиш гувоҳномасининг амал қилиш муддати узайтирилганлиги ҳақидаги маълумотларни киритади.

58. Рўйхатдан ўтказиш гувоҳномасининг амал қилиши унда кўрсатилган амал қилиши муддати тугаган санадан тўхтатилади.

Рўйхатдан ўтказиш гувоҳномасининг амал қилиш муддатини узайтириш тўғрисида ариза тушмаган ҳолларда Асиллик палатаси қонун ҳужжатларида белгиланган тартибда ва усулда Давлат хизматлари кўрсатиш марказига ёки ариза берувчининг Ягона порталдаги шахсий кабинетига ушбу Низомга 9-иловага мувофиқ шакл бўйича рўйхатдан ўтказиш гувоҳномасининг амал қилиши тўхтатилганлиги ҳақидаги билдиришномани юборади ва унинг амал қилиши тўхтатилганлиги ҳақидаги маълумотларни тегишли ахборот тизимига киритади.

59. Рўйхатдан ўтказиш гувоҳномасининг амал қилиш муддати тамом бўлган санадан бошлаб юридик шахс қимматбаҳо металллар ва қимматбаҳо тошлар билан боғлиқ ишларни бажариш билан боғлиқ ўз фаолиятини тўхтатиши шарт.

6-боб. Рўйхатдан ўтказиш гувоҳномасининг амал қилишини тўхтатиб туриш, қайта тиклаш ва тўхтатиш

60. Рўйхатдан ўтказиш гувоҳномасининг амал қилишини тўхтатиб туриш ва тўхтатиш «Тадбиркорлик фаолияти соҳасидаги рухсат бериш тартиб-таомиллари

тўғрисида»ги Ўзбекистон Республикаси Қонунининг 22 ва 23-моддаларида назарда тутилган ҳолларда ва тартибда амалга оширилади.

Амал қилиш муддати тўхтатиб турилган, қайта тикланган ёхуд тўхтатилган рўйхатдан ўтказиш гувоҳномалари тўғрисидаги маълумотлар Асиллик палатаси томонидан тегишли ахборот тизимларига киритилади.

Рўйхатдан ўтказиш гувоҳномалари амал қилишини белгиланган тартибда тўхтатишга олиб келадиган рухсат бериш талаблари ва шартларининг бир марта қўпол равишда бузилишига қўйидагилар қиради:

рухсат бериш талаблари ва шартларига риоя этилишини Асиллик палатаси томонидан белгиланган тартибда ўтказиладиган текширишлардан бош тортиш;

Ўзбекистон Республикасининг давлат асиллик тамғаси қўйилмаган ва/ёки уларни сотишнинг амалдаги тартибларини бузган ҳолда заргарлик буюмлари ва қимматбаҳо металллардан ясалган бошқа буюмларни сотиш;

қимматбаҳо металллар ва қимматбаҳо тошлар билан ишларни бажариш натижасида фуқароларнинг ҳаёти ва/ёки соғлиғига, юридик шахсларнинг ва/ёки яқка тартибдаги тадбиркорларнинг мол-мулкига зарар етказилиши ёхуд бундай зарар етказилишининг аниқ хавфи пайдо бўлиши.

61. Асиллик палатаси томонидан рўйхатдан ўтказиш гувоҳномасининг амал қилишини тўхтатиш ёки тўхтатиб қўйиш тўғрисида қарор қабул қилинганда тўхтатиш ҳақидаги тегишли билдиришнома (ушбу Низомга 9-иловага мувофиқ шакл бўйича) ёки тўхтатиб қўйилганлиги ҳақидаги тегишли билдиришнома (ушбу Низомга 10-иловага мувофиқ шакл бўйича) ариза берувчининг электрон почта манзилига, унинг жойлашган почта манзилига ёки Ягона порталдаги шахсий кабинетига аризада кўрсатилган шаклда рўйхатдан ўтказиш гувоҳномасининг амал қилиши тўхтатиб турилиши ёки тўхтатилишининг асосланган сабаблари, қонун ҳужжатларининг аниқ нормалари ва ариза берувчи кўрсатилган сабабларни бартараф қилиб ҳужжатларни қайта кўриб чиқиш учун тақдим этиши мумкин бўлган муддатлар кўрсатилган ҳолда юборилади.

Рўйхатдан ўтказиш гувоҳномасининг амал қилиши тўхтатилганлиги ёки тўхтатиб қўйилганлиги тўғрисида қабул қилинган қарорлар бўйича Асиллик палатаси қоғозда расмийлаштирилган рўйхатдан ўтказиш гувоҳномалари реестрига тегишли ўзгартиришларни киритади ҳамда тегишли ахборот тизимларида шакллантириладиган электрон шаклда тузиладиган реестрга тўхтатиб қўйилган ва/ёки тўхтатилган рўйхатдан ўтказиш гувоҳномалари тўғрисидаги маълумотларни киритади.

62. Рўйхатдан ўтказиш гувоҳномасининг амал қилиши тўхтатиб қўйилишига олиб келган сабаблар ариза берувчи томонидан белгиланган муддатда бартараф этилган тақдирда аризани кўриб чиқиш Асиллик палатаси томонидан ариза тушган кундан бошлаб беш иш кунидан ошмаган муддатда амалга оширилади.

Рўйхатдан ўтказиш гувоҳномасининг амал қилиши тўхтатиб қўйилганлиги сабаблари бартараф қилинганлиги тўғрисидаги ариза ва тўхтатиб қўйилишига сабаб бўлган камчиликлар бартараф қилинганлигини тасдиқловчи тегишли маълумотлар ушбу Низомнинг 4-бобида назарда тутилган тартибда тақдим қилинади.

Ариза такроран кўриб чиқилганлиги учун йиғим ундирилмайди.

63. Амал қилиши тўхтатиб қўйилган рўйхатдан ўтказиш гувоҳномасининг қайта тикланганлиги тўғрисида қарор қабул қилинган тақдирда ишчи орган қоғозда расмийлаштирилган рўйхатдан ўтказиш гувоҳномалари реестрига тегишли ўзгартиришларни киритади ҳамда амал қилиши тўхтатиб қўйилган рўйхатдан ўтказиш гувоҳномасининг қайта тикланганлиги тўғрисидаги маълумотни тегишли ахборот тизимларида электрон шаклда шакллантириладиган реестрга киритади. Ушбу Низомга 11-иловага мувофиқ шакл бўйича тегишли билдиришнома ариза берувчига унинг аризасида кўрсатилган шаклда юборилади.

64. Ариза берувчи томонидан ўз фаолиятини ихтиёрий равишда вақтинча тўхтатиб туриш тўғрисида қарор қабул қилинган тақдирда ариза берувчи томонидан қонун ҳужжатларида белгиланган тартиб ва усулга мувофиқ Давлат хизматлари кўрсатиш марказига ёхуд Ягона портал орқали ЭРИ билан тасдиқланган электрон шаклда ушбу Низомга 5-иловага мувофиқ шакл бўйича ўз фаолиятини ихтиёрий равишда вақтинча тўхтатиб туриш тўғрисида ариза берилади, аризада:

юридик шахснинг номи ва ташкилий-ҳуқуқий шакли, солиқ тўловчининг идентификация рақами (СТИР), у жойлашган жой (почта манзили), фаолият амалга ошириладиган жой (манзил), банк бўлинмасининг номи ва банк ҳисоб рақами, телефон рақамлари, электрон почта манзиллари, веб-сайт — мавжуд бўлганда;

рўйхатдан ўтказиш гувоҳномасининг рақами, берилган санаси ва унинг амал қилиш муддати тамом бўлиши санаси кўрсатилади.

65. Ушбу Низомнинг 21-бандида назарда тутилган қарор қабул қилиш муддати тамом бўлишидан камида уч иш соатидан кечикмай, Асиллик палатаси қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига у томонидан аризада кўрсатилган шаклда ушбу Низомга 12-иловага мувофиқ шакл бўйича қабул қилинган қарор тўғрисидаги билдиришномани юборади ва тегишли ахборот тизимларига рўйхатдан ўтказиш гувоҳномаси амал қилиши ихтиёрий вақтинча тўхтатиб турилиши ҳақида электрон шаклдаги маълумотни киритади.

Қонун ҳужжатларида белгиланган тартибда қабул қилинган қарор тўғрисида ариза берувчи хабардор қилинган санадан бошлаб рўйхатдан ўтказиш гувоҳномасининг амал қилиши тўхтатиб турилган деб ҳисобланади.

66. Вақтинча тўхтатиб турилган рўйхатдан ўтказиш гувоҳномасининг амал қилиши муддати узайтирилиши тўғрисида ариза тушмаган тақдирда Асиллик палатаси унинг амал қилиш муддати тамом бўлгандан кейин кейинги кунда унинг тўхтатилиши тўғрисидаги маълумотларни тегишли ахборот тизимларига киритади ва қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига ушбу Низомга 9-иловага мувофиқ шакл бўйича рўйхатдан ўтказиш гувоҳномасининг амал қилиши тўхтатилиши тўғрисидаги билдиришномани юборади.

67. Вақтинча тўхтатиб турилган рўйхатдан ўтказиш гувоҳномасининг амал қилиши ихтиёрий равишда тикланганлиги тўғрисида қарор қабул қилинганда ариза берувчи томонидан қонун ҳужжатларида белгиланган тартибга ва усулга мувофиқ Давлат хизматлари кўрсатиш марказига ёхуд Ягона портал орқали ЭРИ билан тасдиқланган электрон шаклдаги ушбу Низомга 6-иловага мувофиқ шакл бўйича ихтиёрий равишда тўхтатиб турилган рўйхатдан ўтказиш гувоҳномаси тикланишига ариза берилади, аризада:

юридик шахснинг номи ва ташкилий-ҳуқуқий шакли, солиқ тўловчининг идентификация рақами (СТИР), у жойлашган жой (почта манзили), фаолият амалга ошириладиган жой (манзил), банк бўлинмасининг номи ва банк ҳисоб рақами, телефон рақамлари, электрон почта манзиллари, веб-сайт — мавжуд бўлганда;

рўйхатдан ўтказиш гувоҳномасининг рақами, берилган санаси ва унинг амал қилиш муддати тамом бўлиши санаси кўрсатилади.

68. Ушбу Низомнинг 21-бандида назарда тутилган қарор қабул қилиш муддати тугалланишидан камида уч иш соатидан кечикмай, Асиллик палатаси қонун ҳужжатларида белгиланган тартибда Давлат хизматлари кўрсатиш марказига ёхуд ариза берувчининг Ягона порталдаги шахсий кабинетига у томонидан аризада кўрсатилган шаклда ушбу Низомга 13-иловага мувофиқ шакл бўйича қабул қилинган қарор тўғрисидаги билдиришномани юборади ва тегишли ахборот тизимларига вақтинча тўхтатиб турилган рўйхатдан ўтказиш гувоҳномасининг амал қилиши тикланганлиги ҳақида электрон шаклдаги маълумотни киритади.

Белгиланган тартибда қабул қилинган қарор тўғрисида ариза берувчи томонидан аризада кўрсатилган тартиб ва усулда ариза берувчи хабардор қилинган санадан бошлаб рўйхатдан ўтказиш гувоҳномасининг амал қилиши тикланган деб ҳисобланади.

69. Юридик шахснинг муассислари (қатнашчилари) томонидан ихтиёрий равишда тугатиш ёки фаолиятнинг ушбу турини амалга оширишни тўхтатиш тўғрисида қарор қабул қилинган тақдирда ариза берувчи томонидан қонун ҳужжатларида белгиланган тартибда Давлат хизматлари кўрсатиш марказига ёхуд Ягона портал орқали ЭРИ билан тасдиқланган электрон шаклдаги ушбу Низомга 6-иловага мувофиқ шакл бўйича рўйхатдан ўтказиш гувоҳномасининг амал қилишини ихтиёрий равишда тўхтатишга ариза берилади, аризада:

юридик шахснинг номи ва ташкилий-ҳуқуқий шакли, солиқ тўловчининг идентификация рақами (СТИР), у жойлашган жой (почта манзили), фаолият амалга ошириладиган жой (манзил), банк бўлинмасининг номи ва банк ҳисоб рақами, телефон рақамлари, электрон почта манзиллари, веб-сайт — мавжуд бўлганда;

рўйхатдан ўтказиш гувоҳномасининг рақами, берилган санаси ва унинг амал қилиш муддати тамом бўлиши санаси кўрсатилади.

70. Рўйхатдан ўтказиш гувоҳномасининг амал қилишини ихтиёрий равишда тўхтатиш тўғрисида Ягона портал орқали ариза берилган тақдирда Асиллик палатаси ушбу Низомнинг 21-бандида назарда тутилган қарор қабул қилиш муддати тугалланишигача уч иш соатидан кечикмай ариза берувчи томонидан аризасида кўрсатилган шаклда ушбу Низомга 14-иловага мувофиқ шакл бўйича ариза берувчини қабул қилинган қарор тўғрисида хабардор қилади, рўйхатдан ўтказиш гувоҳномасининг амал қилиши тўхтатилиши тўғрисидаги маълумотни тегишли ахборот тизимларида шакллантириладиган реестрга электрон шаклда киритади.

71. Қабул қилинган қарор тўғрисида ариза берувчи у томонидан аризада кўрсатилган белгиланган тартибга ва усулга мувофиқ хабардор қилинган санадан бошлаб рўйхатдан ўтказиш гувоҳномасининг амал қилиши ихтиёрий равишда тўхтатилган деб ҳисобланади.

72. Амалга оширилишига рўйхатдан ўтказиш гувоҳномаси расмийлаштирилган фаолият турлари гуруҳлари доирасидаги ишлар фақат ариза берувчи томонидан амалга оширилиши мумкин. Берилган рўйхатдан ўтказиш гувоҳномаси бўйича ҳуқуқларни бошқа шахсларга бериш тақиқланади.

73. Асиллик палатасининг рўйхатдан ўтказиш гувоҳномасининг амал қилишини тўхтатиб қўйиш ёки тўхтатиш ҳақидаги қарори устидан судга шикоят қилиш мумкин.

7-боб. Рўйхатдан ўтказиш гувоҳномалари реестри

74. Асиллик палатаси «Лицензия» ахборот тизимлари комплекси воситасида рўйхатдан ўтказиш гувоҳномалари реестрини шакллантиради.

75. Рўйхатдан ўтказиш гувоҳномалари реестрида қуйидагилар кўрсатилади:

а) аризачи берувчи тўғрисидаги асосий маълумотлар, шу жумладан, ташкилотнинг номи ва солиқ тўловчининг идентификация рақами, ташкилий-ҳуқуқий шакли;

б) почта манзили, иш телефони, факс, электрон почта манзили;

в) фаолият амалга ошириладиган жой манзили;

г) рўйхатдан ўтказиш гувоҳномаси берилган сана ва рақами;

д) рўйхатдан ўтказиш гувоҳномаси амал қилиши муддатининг тамом бўлиши санаси;

е) уни (уларни) амалга оширишга рўйхатдан ўтказиш гувоҳномаси берилган фаолият турлари гуруҳлари доирасида иш тури (турлари);

ж) рўйхатдан ўтказиш гувоҳномасини қайта расмийлаштириш, амал қилиш муддатини узайтириш, тўхтатиб туриш ва қайта тиклаш санаси ва асослари;

з) рўйхатдан ўтказиш гувоҳномаси амал қилишини тўхтатишнинг асоси ва санаси.

76. Рўйхатдан ўтказиш гувоҳномалари реестридаги маълумотлар Асиллик палатасининг расмий веб-сайтида, «Лицензия» ахборот тизимлари комплексида жойлаштирилади ва танишиш учун очиқ ҳисобланади.

8-боб. Яқунловчи қоида

77. Ушбу Низом талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

2.6. Қимматбаҳо металллар ва қимматбаҳо тошлардан заргарлик ва бошқа буюмлар ишлаб чиқаришни лицензиялаш бўйича давлат хизмати

Қимматбаҳо металллар ва қимматбаҳо тошлардан заргарлик ва бошқа буюмлар ишлаб чиқаришни лицензиялаш тартиби тўғрисида

НИЗОМ

(Вазирлар Маҳкамасининг 2017 йил 30 сентябрдаги 777-сон қарори билан тасдиқланган)

1-боб. Умумий қоидалар

1. Ушбу Низом қимматбаҳо металллар ва қимматбаҳо тошлардан заргарлик ва бошқа буюмлар ишлаб чиқаришни лицензиялаш (кейинги ўринларда заргарлик буюмларини ишлаб чиқаришни лицензиялаш деб аталади) тартибини белгилайди.

2. Заргарлик буюмларини ишлаб чиқаришни лицензиялаш Ўзбекистон Республикаси Марказий банки ҳузуридаги Қимматбаҳо металллар агентлиги (кейинги ўринларда лицензиялаш органи деб аталади) томонидан Қимматбаҳо металллар ва қимматбаҳо тошлардан заргарлик ва бошқа буюмлар ишлаб чиқаришни лицензияланадиган ишлар турлари рўйхатига мувофиқ амалга оширилади.

3. Заргарлик буюмларини ишлаб чиқаришни лицензиялаш фақат тадбиркорлик субъектларига Давлат хизматлари марказлари (кейинги ўринларда марказлар деб аталади) ёки Ўзбекистон Республикасининг Интерактив давлат хизматлари ягона портали (кейинги ўринларда Ягона портал деб аталади) орқали ушбу Низомга 1-иловага мувофиқ схема бўйича амалга оширилади.

4. Заргарлик буюмлари ишлаб чиқариш учун лицензия (кейинги ўринларда лицензия деб аталади) беш йил муддатга берилади.

Даъвогар аризасига кўра, лицензия беш йилдан кам бўлган муддатга берилиши мумкин.

5. Ушбу Низомда қуйидаги асосий тушунчалар қўлланилади:

лицензия — юридик шахслар ва юридик шахсни ташкил этмасдан якка тартибдаги тадбиркорларга (кейинги ўринларда якка тартибдаги тадбиркор деб аталади) бериладиган, тегишли ахборот тизими реестрига рўйхатга олиш маълумотлари киритилганини тасдиқлайдиган заргарлик буюмларини ишлаб чиқариш (ҳуқуқи) учун матрицали штрих кодга эга (кейинги ўринларда QR коди деб аталади) рухсатнома;

Олдинги таҳрирга қаранг.

даъвогар — юридик шахс ёки якка тартибдаги тадбиркор ёхуд уларнинг лицензия олиш учун тегишли ариза билан белгиланган тартибда марказларга ёки Ягона давлат портали орқали мурожаат қиладиган ваколатли шахси.

ишлаб чиқарувчининг шахсий тамғаси (кейинги ўринларда шахсий тамға деб аталади) — лотин алифбоси учта бош ҳарфининг ишлаб чиқарувчилар тўғрисида шифрланган кўринишдаги ахборотни ўз ичига олган комбинацияси бўлиб, заргарлик буюмлари ишлаб чиқарувчига берилади.

6. Лицензия лицензиатларга ўзлари ишлаб чиқарган заргарлик буюмларини сотиш ҳуқуқини беради.

2-боб. Лицензиялаш талаблари ва шартлари

7. Қуйидагилар лицензияланадиган ишлар турлари рўйхатига мувофиқ заргарлик буюмларини ишлаб чиқариш фаолиятини амалга ошириш бўйича лицензияланган талаблар ва шартлар ҳисобланади:

қимматбаҳо металллар ва қимматбаҳо тошлар тўғрисида, қимматбаҳо металллардан тайёрланган буюмлар намуналари ва уларни тамғалаш ҳақидаги қонун ҳужжатларига,

шунингдек қимматбаҳо металллар ва қимматбаҳо тошлардан заргарлик буюмлари ишлаб чиқариш фаолиятини техник тартибга солиш соҳасидаги норматив ҳужжатлар талабларига сўзсиз риоя этиш;

заргарлик буюмларини ишлаб чиқариш бўйича лицензияладиган ишлар турларини амалга ошириш талабларига мос мулкка эгалик қилиш ҳуқуқи ёки бошқа мол-мулк ҳуқуқи асосида тегишли бўлган бинолар, иншоотлар, ишлаб чиқариш майдонлари ва шароитларнинг мавжудлиги;

заргарлик буюмларини ишлаб чиқариш учун зарур бўлган моддий-техника базаси, ускуналар ва бошқа техника воситаларининг мавжудлиги.

8. Қуйидагилар заргарлик буюмларини ишлаб чиқаришда қўшимча лицензиялаш талаблари ва шартлари ҳисобланади:

а) Ўзбекистон Республикаси Давлат бюджети ҳисобидан молиялаштириладиган ва/ёки низом жамғармасида камида 50 фоиз давлат улушига эга бўлган юридик шахслар учун;

фаолият кўрсатадиган жойда ёнғин хавфсизлиги чора-тадбирлари, санитария қоидалари, нормалари ва гигиена нормативлари, техник мустаҳкамлик йўриқномалари, материаллар, хом ашё ва тайёр буюмларни сақлаш қоидаларига белгиланган талабларга мувофиқ риоя этилишини таъминлаш;

қимматбаҳо металллар ва қимматбаҳо тошлар билан ишлаш бўйича талабларни тартибга солувчи техник ва норматив ҳужжатларнинг мавжудлиги (қимматбаҳо металлларни сарфлаш, ҳисобга олиш ва сақлаш бўйича объект ичидаги йўриқномалар, техник қайдлар, маршрут технологиялари харитаси, бичиш хариталари, барча операциялар учун операциялар бўйича нормативлар, қимматбаҳо металлларни сарфлашнинг батафсил операция нормалари ва жамланган нормалари);

заргарлик буюмларини ишлаб чиқариш учун малакали ходимларнинг мавжудлиги;

даъвогарнинг қимматбаҳо металлларни олиш, сарфлаш, ҳисобга олиш, сақлаш тартиби, қимматбаҳо металлларни тайёрлаш, қадоқлаш, транспортировка қилиш, уларнинг парчалари ва чиқиндиларини қайта ишлаш корхоналарига топшириш тартибига риоя қилиш бўйича талабларни сўзсиз бажариши;

қимматбаҳо металлларнинг келиб тушиши, сарфланиши ва хом ашёда, ярим тайёр маҳсулотлар, тугалланмаган ишлаб чиқаришда ва таркибида қимматбаҳо металллар бўлган буюмларда уларнинг қолдиқларини, шунингдек ушбу бойликлар чиқиндилари ва йўқотишларнинг қатъий ҳисобини юритиш;

хом ашёда, ярим тайёр маҳсулотлар, тугалланмаган ишлаб чиқаришда ва таркибида қимматбаҳо металллар бўлган буюмларда, барча сақлаш жойлари ҳамда бевосита ишлаб чиқаришда уларнинг қолдиқларини белгиланган муддатларда инвентаризациядан ўтказиш;

қимматбаҳо металллар ҳосил бўладиган жойлар ва манбаларда уларнинг барча турдаги парчалари ва чиқиндиларининг тўлиқ тўплаш, ҳисобга олиш ҳамда сақлашни таъминлаш;

даъвогарнинг лицензия берувчи орган томонидан белгиланадиган шакллар бўйича ва муддатларда қимматбаҳо металллар ҳамда қимматбаҳо тошлар ҳаракати тўғрисида ҳисоботларни албатта тақдим этиши;

б) Ўзбекистон Республикаси Давлат бюджети ҳисобидан молиялаштирилмайдиган ва/ёки низом жамғармасида камида 50 фоиз давлат улушига эга бўлмаган юридик шахслар учун;

фаолият кўрсатадиган жойда ёнғин хавфсизлиги чора-тадбирлари, санитария қоидалари, нормалари ва гигиена нормативлари, техник мустаҳкамлик йўриқномалари, материаллар, хом ашё ва тайёр буюмларни сақлаш қоидаларига белгиланган талабларга мувофиқ риоя этилишини таъминлаш;

қимматбаҳо металллар ва қимматбаҳо тошлар билан ишлашни амалга ошириш учун техник ва норматив ҳужжатларнинг мавжудлиги;

лицензиат томонидан лицензия берувчи органга ҳар чоракда қимматбаҳо металллар ва қимматбаҳо тошлар ҳаракати тўғрисида (қимматбаҳо металл сотиб олинган чоракдан кейинги ойнинг 10-санасига қадар) эркин шаклда, қоғоз шаклда, раҳбар томонидан тасдиқланиб, муҳрланган, қимматбаҳо металл сотиб олинган сана ва ҳужжатлар реквизитлари, харид қилинган қимматбаҳо металл номи, лигатур оғирлиги, пробаси, металлнинг ҳар бир пробаси ва тури бўйича тайёрланган буюмлар сони, буюмларнинг лигатур оғирлиги, ўрнатилган тошлар оғирлиги, Ўзбекистон Республикаси Марказий банки ҳузуридаги Қимматбаҳо металллар агентлигининг Давлат асиллик даражасини белгилаш палатаси томонидан синаб кўриш ва тамғалашдан кейинги пробаси, лигатур оғирликдаги қимматбаҳо металлларнинг соф оғирлиги, қолдиқлари харид қилинган қимматбаҳо металлнинг лигатур оғирлиги, пробаси ва соф оғирлиги кўрсатилган ҳисоботларни тақдим этиши;

в) якка тартибдаги тадбиркорлар учун — даъвогарнинг қимматбаҳо металлларни ҳисобга олиш ва сақлаш талабларига қатъий амал қилиши.

3-боб. Лицензия олиш учун зарур ҳужжатлар

9. Даъвогар қимматбаҳо буюмлар ишлаб чиқариш бўйича лицензия олиш учун қонун ҳужжатларида белгиланган тартиб ва услубда марказга келиб ёки Ягона портал орқали электрон рақамли имзо билан тасдиқланган электрон шаклдаги (кейинги ўринларда ЭРИ деб аталади) ушбу Низомга 2-иловага мувофиқ шаклда лицензия бериш тўғрисида қуйидагилар кўрсатилган аризани тақдим этади:

юридик шахснинг номи ва ташкилий-ҳуқуқий шакли, солиқ тўловчининг идентификация рақами (СТИР), жойлашган манзили (почта манзили), фаолият кўрсатадиган жойи (манзили), банк бўлимининг номи ва ҳисоб-рақами, телефон рақами ва мавжуд бўлса, электрон почтаси ҳамда веб-сайти;

якка тартибдаги тадбиркорнинг исми, фамилияси ва отасининг исми (мавжуд бўлса), солиқ тўловчининг идентификация рақами (СТИР), жойлашган манзили, фаолият кўрсатадиган жойи (манзили), боғланиш учун ахборот (телефон, электрон почта);

даъвогар амалга ошириш ниятида бўлган фаолият турлари (ёки уларнинг қисмлари);

тарози ва тошлар текширилгани ҳақида маълумотлар;

заргарлик буюмларини ишлаб чиқариш тахмин қилинаётган объектнинг ёнғин хавфсизлиги талабларига мос келиши ҳақида маълумотлар;

Ўзбекистон Республикаси Марказий банки захирасидан ажратилган қимматбаҳо металллар ва қимматбаҳо тошлардан фойдаланиш мўлжалланаётган объектлар учун (юридик шахслар учун) — объектнинг техник жиҳатдан мустаҳкамлиги ва Ўзбекистон Республикаси ички ишлар органлари қўриқлаш бўлиmlарининг техник қўриқлаш марказига (пунктига) улангани ҳақида маълумот;

аризани кўриб чиқиш учун йиғимлар ва лицензия олиш учун давлат божи тўланганини тасдиқловчи маълумотлар.

Даъвогар лицензия олиш ариза тақдим этиш ҳуқуқига эга бўлиб, бунда 1 ва 2 гуруҳдаги ёки ҳар қандай гуруҳдаги барча фаолият турини кўрсатади.

Даъвогарнинг лицензия бериш тўғрисидаги аризасида электрон манзилининг кўрсатилиши унинг Ягона портал орқали электрон шаклдаги аризаси бўйича қарор қабул қилингани тўғрисидаги хабарни олишга розилигини англатади.

10. Даъвогарнинг ушбу Низомнинг 9-моддасида назарда тутилмаган маълумотларни тақдим этишни талаб қилишига йўл қўйилмайди.

11. Даъвогар марказга келиб мурожаат қилган тақдирда, марказ ходими аризанинг лицензия берувчи давлат органи томонидан белгиланган тартибда тасдиқланган давлат хизматлари паспортига мувофиқ аризанинг тўғри тўлдирилганини текширади.

Марказнинг ходими аризани рўйхатдан ўтказгандан сўнг даъвогарга аризани қабул қилиб олгани ҳақида тилхат беради ёки ариза нусхасига унинг рўйхат рақами кўрсатилган тегишли қайдни киритади.

12. Марказ ходими аризани белгиланган тартибда қабул қилиб олган кунда ундаги маълумотларни Ягона портал орқали лицензия берувчи органга юбориладиган махсус шаклга киритади.

13. Даъвогар ўзи яшамайдиган жойдаги марказга келиб мурожаат қилган ҳолатда, ариза марказ томонидан лицензия берувчи органга Ягона портал орқали юборилади.

14. Даъвогар аризани марказга электрон шаклда тақдим қилган ҳолатда, марказ ходими зарур бўлганда унга аризани марказнинг ўз-ўзига хизмат кўрсатиш учун ажратилган биносида жойлашган Ягона портал орқали юборишга кўмаклашади.

Қоғозда расмийлаштирилган «PDF» форматидаги (ҳужжатларнинг платформалар ўртасидаги формати) нусхалар кўринишида сканерланган ҳужжатлар илова қилинган маълумотларни юборишга рухсат этилади. Ҳар бир ҳужжат асл нусхага мос келадиган барча белгилар сақланиши таъминлайдиган алоҳида файл кўринишида бўлиши лозим (бир дюймда камида 200 нуқта). Битта файлнинг ҳажми 10 Мб дан ошмаслиги керак.

15. Даъвогар аризани Ягона портал орқали тақдим этиши учун фойдаланувчининг шахсий кабинети ёки «Тадбиркорлик субъектининг кабинети» шахсий кабинетдан фойдаланишга рухсат олиши, «Заргарлик буюмларини ишлаб чиқаришни лицензиялаш» хизматини танлаши ва хизматлар паспортига мувофиқ аризани белгиланган шакли бўйича хизматлар кўрсатиш учун сўровномани шакллантириши зарур.

16. Ягона портал орқали жўнатилган ариза автоматик равишда рўйхатга олинади ва унга ўзига хос рўйхатга олиш рақами берилади.

17. Ариза лицензияловчи органнинг масъул ходими томонидан қабул қилинади ва уни олганлиги ҳақида маълум қилади.

4-боб. Аризани кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

18. Лицензия бериш ҳақидаги аризаларни кўриб чиқиш ва улар юзасидан хулосалар тайёрлаш учун лицензияловчи органда заргарлик буюмларини ишлаб чиқаришни лицензиялаш бўйича Ўзбекистон Республикаси Марказий банки томонидан тасдиқланадиган комиссия ташкил этилади (кейинги ўринларда комиссия деб аталади).

19. Комиссиянинг шахсий таркиби Ўзбекистон Республикаси Марказий банки томонидан тасдиқланади.

20. Ўзбекистон Республикаси Марказий банки ҳузуридаги Қимматбаҳо металллар агентлигининг Давлат асиллик даражасини белгилаш палатаси комиссиянинг ишчи органи (кейинги ўринларда ишчи органи деб аталади) ҳисобланади.

21. Ишчи орган лицензия бериш учун бошқа ваколатли органларда мавжуд зарур маълумотларни белгиланган тартибда идоралараро электрон ҳамкорлик схемасига мувофиқ олади.

22. Комиссия ишчи органи билан биргаликда қонун ҳужжатларида белгиланган тартиб ва услубда олинган аризани кўриб чиқади ҳамда аризани тақдим этиш услубидан қатъи назар, қуйидагилар учун ариза қабул қилинган муддатдан ошмайдиган муддатда лицензия беради ёки беришни рад этади:

лицензия бериш ёки унинг амал қилиш муддатини узайтириш учун — 10 иш куни;

лицензияни қайта расмийлаштириш учун — 5 иш куни;

ихтиёрий бекор қилиш учун — 8 иш куни.

Комиссияга:

лицензия бериш тўғрисидаги аризани бевосита даъвогардан почта алоқаси воситаси орқали ёки электрон шаклда қабул қилиш;

марказга мурожаат қилган даъвогарларни уларнинг лицензия бериш ҳақидаги аризаларини кўриб чиқиш жараёнида таклиф этиш тақиқланади.

23. Даъвогардан лицензия бериш тўғрисидаги аризани кўриб чиқиш учун ариза тақдим этилган кундаги энг кам иш ҳақининг бир баравари миқдорида тўлов ундирилади: юридик шахслар учун — энг кам иш ҳақининг 5 баравари миқдорида ; якка тартибдаги тадбиркорлар учун — энг иш ҳақининг 2 баравари миқдорида.

Тўлов Интернет ахборот тармоғи орқали реал вақт режимида банк карталари ва «SMS-хабардор қилиш» хизмати ёрдамида нақдсиз, Ўзбекистон Республикаси банкларининг кассалари орқали нақд тўланиши мумкин.

24. Аризани кўриб чиқиш учун тўланадиган йиғим суммалари қуйидаги тартибда тақсимланади:

Мурожаат шаклидан қатъи назар (электрон шаклда ёки шахсан мурожаат қилинган тақдирда) — 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади;

тўланадиган маблағнинг 10 фоиз миқдори Ягона интерактив давлат хизматлари порталини янада ривожлантиришни молиялаштириш ҳамда вазирлик ходимларини қўшимча рағбатлантириш манбаи сифатида Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисобрақамига ўтказилади.

Лицензия бериш тўғрисидаги аризани кўриб чиқиш учун тўловнинг қолган қисми ишчи органнинг ҳисобига ўтказилади ва кейинчалик тушадиган маблағлар ишчи органни сақлаш, унинг моддий-техника базасини мустаҳкамлаш, ходимлари меҳнатига ҳақ тўлаш ва рағбатлантириши учун йўналтирилади.

Даъвогар тақдим этган аризасидан воз кечган тақдирда тўланган тўлов қайтариб берилмайди.

25. Ишчи орган ушбу Низомнинг 22-бандида назарда тутилган қарор қабул қилиш муддати тугашигача 3 иш соатдан кечиктирмасдан, қонун ҳужжатларида белгиланган тартиб ва услубда марказга ёки даъвогарнинг Ягона порталдаги шахсий кабинетида тақдим этилган аризага ва ушбу Низомнинг 3-иловасига мувофиқ шаклда расмийлаштирилган лицензияни ёхуд ушбу Низомнинг 4-иловасига мувофиқ шаклда лицензия бериш рад этилгани ҳақидаги хабарни юборади.

26. Аризани кўриб чиқиш натижаси бўйича келган ҳужжат марказ томонидан қоғозда чоп этилгандан сўнг унга марказ муҳри қўйилади ва ушбу ҳужжат лицензияловчи орган берган лицензияга тенглаштирилади.

27. Агар ишчи орган қонун ҳужжатларида белгиланган тартиб ва услубда тақдим этилган лицензия бериш тўғрисидаги аризани кўриб чиқиш учун белгиланган муддатда даъвогарга ушбу Низомнинг 3-иловасига мувофиқ шаклда расмийлаштирилган лицензияни юбормаса ёки уни аризада қайд этилган шаклда хабардор қилмаса, ушбу Низомнинг 22-бандида назарда тутилган муддат тугагандан сўнг даъвогар марказ ёхуд Ягона портал орқали тегишли хабарнома тақдим этган ҳолда заргарлик буюмлари тайёрлаш ишларини бажариш ҳукукига эга.

28. 27-бандда назарда тутилган ҳолатда, ишчи орган даъвогардан тегишли хабарномани олгандан сўнг 3 иш куни давомида ушбу Низомнинг 3-иловасига мувофиқ шаклда расмийлаштирилган лицензияни юбориши шарт.

29. Лицензия олингунга қадар, ўзига хос рўйхат рақамига эга хабарномани олганлик тўғрисидаги тилхат ёки марказнинг қабул қилингани ҳақида белги қўйилган ҳамда ўзига хос рўйхат рақамига эга хабарнома нусхаси лицензияга тенглаштирилади ва заргарлик буюмлари ишлаб чиқариш учун асос бўлиб хизмат қилади.

30. Ишчи орган лицензияловчи органдан даъвогарнинг аризасини олган кундан:

уч иш куни мобайнида марказни ёки даъвогарни Ягона портал орқали ишчи органи ваколатли вакилининг даъвогар жойлашган жойга унинг лицензия талаблари ва шартларига ушбу Низомга 5-иловага мувофиқ шаклда мос келиши ёки келмаслигини ўрганиш учун борадиган вақти ва муддати, унинг фамилияси ҳамда отасининг исми

ҳақида маълум қилади. Бунда марказ ходими даъвогарга ўрганиш ўтказиладиган вақт ва муддат, шунингдек, ишчи органи ваколатли вакили ҳақида зудлик маълум қилади;

уч иш куни давомида тақдим этилган ахборотни кўриб чиқади ва даъвогарга хизмат гувоҳномасини кўрсатиб, лицензия талаблари ва шартларига мувофиқлик бўйича ўрганишни амалга ошириш тартибини тушунтирадиган ваколатли вакилнинг даъвогар жойлашган жойга ўз вақтида боришини таъминлайди. Ваколатли вакил ўрганиш ишларини бир иш куни давомида ниҳоясига етказиши ва ушбу Низомга 5-иловага мувофиқ шаклда икки нусхада хулоса тайёрлаши лозим. Хулосанинг бир нусхаси даъвогарда қолади, иккинчи нусхаси комиссияга тақдим этилади;

икки иш куни давомида комиссияга ушбу Низомнинг 7 ва 8-бандларида назарда тутилган лицензия талаблари ва шартларига даъвогарнинг мос келиши ёки мос келмаслигини ўрганиш ҳақидаги хулосани, шунингдек комиссия мажлиси протоколининг лойиҳасини тақдим этади.

Тегишли соҳадаги юқори малакали мутахассисларгина ваколатли вакиллар сифатида жалб қилиниши керак.

Комиссия ишчи органнинг ушбу бандда назарда тутилган муддатга риоя этишини таъминлайди.

31. Комиссия ишчи органининг хулосасини кўриб чиқади ва хулоса тақдим этилгандан сўнг икки иш кунида имзоланган протоколни лицензияловчи органга киритади.

32. Лицензияловчи орган комиссия протоколни имзолагандан сўнг бир кун муддатда уни тасдиқлайди ва унда лицензияни бериш ёки лицензия беришни рад этиш тўғрисидаги қарорни кўрсатади.

Лицензияловчи орган томонидан тасдиқланган ва ишчи органга бериладиган протокол лицензияловчи органнинг лицензияни бериш ёки лицензия беришни рад этиш тўғрисидаги қарорини ўз ичига олади.

33. Ишчи орган лицензияловчи орган лицензия бериш ёки лицензия беришни рад этиш тўғрисидаги қарор қабул қилган кундан бошлаб икки иш куни мобайнида Ягона портал орқали қонун ҳужжатларида белгиланган тартиб ва услубда қуйидагилар ҳақида хабарнома юборади:

ушбу Низомга 6-иловага мувофиқ шаклда лицензия бериш тўғрисида қарор қабул қилингани ҳақида, унда протокол рақами ҳамда қарор қабул қилинган сана кўрсатилади;

ушбу Низомга 4-иловага мувофиқ шаклда лицензия беришни рад этиш тўғрисида, унда рад этиш сабаблари, қонун ҳужжатларининг аниқ нормалари ва даъвогар қайд этилган сабабларни бартараф этиб, такрорий кўриб чиқиш учун ҳужжатлар тақдим этиши мумкин бўлган муддат кўрсатилади.

34. Лицензия бериш қуйидагиларга асосан рад этилиши мумкин:

даъвогар лицензия олиш учун зарур бўлган маълумотларни тўлиқ тақдим этмаса;

даъвогар қайд этган маълумотлар ишончсиз ёки нотўғри кўрсатилса;

даъвогар ушбу Низомнинг 7 ва 8-бандларида кўзда тутилган талаблар ва шартларга мос келмаса;

ушбу Низомнинг 30-бандига биноан ўтказилган сўров натижалари бўйича асосли салбий хулоса берилса;

лицензияни бошқа сабабларга кўра, жумладан, мақсадга мувофиқ эмаслиги туфайли бериш рад этилса.

35. Даъвогар рад қилиш сабабларини бартараф этиши ва қайта кўриб чиқиш учун ҳужжатларни тақдим этиш муддати рад этиш сабабларини бартараф этиш учун зарур бўлган вақтга мутаносиб бўлиши, лекин камида 10 иш кунидан ошмаслиги керак.

36. Агар лицензия беришни рад этиш тўғрисида қарор қабул қилинса, шунингдек даъвогар тақдим этган аризасидан воз кечса, лицензия бериш учун тўланган давлат божи миқдори қайтариб берилади.

37. Даъвогар лицензия беришни рад этиш учун асос бўлган сабабларни белгиланган муддатда бартараф этса, лицензияловчи орган даъвогардан ариза ва рад этиш сабаблари бартараф этилганини тасдиқловчи тегишли маълумотлар қабул қилиб олинган кундан эътиборан 7 иш кунидан ошмайдиган муддатда унинг аризасини, лицензия бериш ёки беришни рад этишни қайта кўриб чиқади. Даъвогарнинг аризасини қайта кўриб чиқишда тўлов ундирилмайди.

38. Даъвогарнинг лицензия беришни рад этиш сабабларини бартараф этгани ҳақида аризаси ва рад этиш сабаблари бартараф этилганини тасдиқловчи тегишли маълумотлар ушбу Низомнинг 3-бобида назарда тутилган тартибда тақдим этилади.

39. Аризани қайта кўриб чиқишда аввалги рад этиш хабарномасида кўрсатилмаган бошқа сабаблар туфайли лицензия беришни рад этишга йўл қўйилмайди, аввал қайд этилган сабаблар бартараф этилганини тақиқловчи маълумотлар билан боғлиқ рад этиш сабабларини келтириш бундан мустасно.

40. Даъвогар лицензия беришни рад этиш тўғрисида ёзма хабарномада кўрсатилган муддат тугаганидан кейин тақдим этган аризаси қайта тақдим этилган деб ҳисобланади ва ушбу Низомнинг 9-бандида назарда тутилган муддатларда кўриб чиқилади.

41. Лицензия ишчи орган томонидан электрон ҳужжат шаклида расмийлаштирилади, лицензияловчи орган раҳбарининг, у бўлмаганда ўринбосарининг ЭРИ билан имзоланади ва қонун ҳужжатларида белгиланган тартибда марказга ёки даъвогарнинг Ягона порталдаги шахсий кабинетига тақдим этилган аризага мувофиқ юборилади.

42. Лицензия ушбу Низомга 3-иловага мувофиқ шаклда расмийлаштирилади ва тегишли дастурий-аппарат воситасининг даъвогар ҳақида уни идентификациялаш имконини берадиган асосий ахборотни (рўйхатга олинганини тасдиқловчи маълумотлар), шунингдек Интернет тармоғида тегишли электрон ахборот ресурсида шахсий тамға берилгани тўғрисида маълумотлар қайд этилганидан далолат берувчи манзилни ўқиш имконини берадиган QR-кодини ўз ичига олади.

43. Даъвогар аризанинг XVI-бўлимида ушбу Низомга 2-иловага мувофиқ шаклда барча белгиларни қўйиш орқали лицензия талаблари ва шартларига риоя этилгани ҳақидаги маълумотларни тасдиқлаган ҳолатда, лицензияни алоҳида имзолаш талаб этилмайди ва бу лицензия шартномаси имзолашга тенглаштирилади.

44. Ишчи орган тегишли ахборот тизимларига лицензия расмийлаштирилгани ҳақида зарур ахборотни киритади ва қоғоз манбада шакллантириладиган реестрда қайд этилади.

45. Лицензия бериш учун даъвогардан ариза тақдим этилган кундаги энг кам иш ҳақининг бир баравари миқдорида давлат божи ундирилади:

юридик шахслар учун — энг кам ойлик иш ҳақининг 5 баравари миқдорида;

якка тартибдаги тадбиркорлар учун — энг кам иш ҳақининг 2 баравари миқдорида.

46. Лицензия бериш учун тўланадиган давлат божи суммалари қуйидаги тартибда тақсимланади:

Мурожаат шаклидан қатъи назар (электрон шаклда ёки шахсан мурожаат қилинган тақдирда) — 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади;

электрон шаклда мурожаат этганда — тўланадиган маблағнинг 10 фоиз миқдори Ягона интерактив давлат хизматлари порталини янада ривожлантиришни молиялаштириш ҳамда вазирлик ходимларини қўшимча рағбатлантириш манбаи сифатида Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисобрақамига ўтказилади;

Лицензия бериш учун давлат божининг қолган қисми Ўзбекистон Республикаси Давлат бюджетига ўтказилади.

47. Ишчи орган раҳбари тегишли ахборот ресурсларида берилган, узайтирилган, қайта расмийлаштирилган, тўхтатилган, қайта тикланган, шунингдек амал қилиш бекор қилинган лицензиялар ҳақидаги ахборотнинг ишончилиги ва ўз вақтида киритилиши учун шахсан жавоб беради.

48. Даъвогар лицензияловчи органнинг лицензия беришни рад этиш тўғрисидаги қарори, шунингдек лицензияловчи орган мансабдор шахсининг ҳаракатлари (ҳаракатсизлиги) устидан қонун ҳужжатларида белгиланган тартибда шикоят қилиш ҳуқуқига эга.

5-боб. Шахсий тамғани бериш, уни рўйхатдан ўтказиш ва фойдаланиш тартиби

49. Лицензия бериш тўғрисида қарор қабул қилинган тақдирда даъвогарга ишчи орган томонидан ишлаб чиқилган ишлаб чиқарувчи шахсий тамғаси (ҳарфли белгилар) берилади.

50. Шахсий тамғани ишлаб чиқишда аввал ишлатилган ҳарфлар комбинациясини бошқа даъвогарга такроран бериш ҳолатларига йўл қўйилмаслиги керак.

51. Шахсий тамға ишчи органи томонидан даъвогарни ушбу Низомнинг 55-бандида назарда тутилган тартибда рўйхатдан ўтказиш шарти билан лицензиатга лицензияланадиган фаолиятни амалга оширишнинг бутун даври учун берилади.

52. Шахсий тамғадаги муҳр лицензиат томонидан тайёрланган буюмларга уларни бошқа ишлаб чиқарувчи тайёрлаган заргарлик буюмларидан ажратиш имкониятига эга бўлиш учун қўйилади.

53. Ишчи орган лицензиатни ушбу Низомга 6-иловага мувофиқ шаклда шахсий тамғадаги муҳрни рўйхатдан ўтказиш қоидалари ҳақида хабардор қилади.

Шахсий тамға шифрларини даъвогар лицензия расмийлаштирилган пайдан уч ой давомида сақлайди.

54. Лицензиат ўз аризасида қайд этган шаклдаги хабарномани олганидан шахсий тамғани тайёрлаб бериш учун ихтисослаштирилган корхоналарга мустақил мурожаат қилади.

55. Шахсий тамға ишчи орган томонидан лицензиат ишчи орган белгиланган ҳажмдаги жез пластинада тамға муҳрларини (майда, ўртача, чуқур) тақдим этганидан сўнг рўйхатдан ўтказилади.

Ишчи орган тақдим этилган муҳрларни текширувдан ўтказгач, шахсий тамғадаги муҳрни рўйхатдан ўтказиш ёки ўтказишни рад этиш ҳақида қарор қабул қилади.

Ушбу Низомга 7-иловага мувофиқ шаклда рўйхатга олиш ҳақидаги тегишли хабарнома ёки Ушбу Низомга 8-иловага мувофиқ шаклда рўйхатга олиш рад этилгани ҳақидаги хабарнома ариза берувчига электрон почта орқали ёки лицензиатнинг Ягона порталдаги шахсий кабинетига унинг аризада кўрсатган шаклда юборилади ҳамда унда рўйхатдан ўтказиш рад этилганининг аниқ сабаблари ва муддатлари кўрсатилади. Лицензиат ушбу муддат давомида қайд этилган сабабларни бартараф этиб, шахсий тамғадаги муҳрларни такроран кўриб чиқиш учун тақдим этиши мумкин.

56. Ишчи органнинг тегишли бўлинмаси лицензиатларга шахсий тамғадаги муҳрлари ўз вақтида берилишини назорат қилади.

Агар лицензиат ушбу Низомга 6-иловага мувофиқ шакл бўйича хабарнома олинган кундан қирқ беш кун мобайнида шахсий тамғадаги муҳрни ишчи органга юбормаса, лицензияловчи орган ишчи орган тақдими бўйича заргарлик буюмларини ишлаб чиқариш учун лицензияга амал қилишни тўхтатади.

57. Лицензияловчи органнинг лицензияга амал қилишни тўхтатиш ҳақида қарор қабул қилса, ушбу Низомга 9-иловага мувофиқ шаклдаги тўхтатиш ҳақида тегишли хабарнома ариза берувчига электрон почта орқали ёки лицензиатнинг Ягона порталдаги шахсий кабинетига унинг аризада кўрсатган шаклда юборилади ҳамда унда рўйхатдан ўтказиш рад этилганининг аниқ сабаблари ва муддатлари кўрсатилади. Лицензиат ушбу

муддат давомида қайд этилган сабабларни бартараф этиб, шахсий тамғадаги муҳрларни такроран қўриб чиқиш учун тақдим этиши мумкин.

Лицензиатга тўхтатиш сабабларини бартараф қилиш имконини берадиган муддат уларни бартараф этиш учун зарур вақтга мутаносиб бўлиши, аммо лицензияга амал қилиш тўхталиши ҳақида хабар олинган пайтдан ўттиз календарь кунидан ошмаслиги керак.

58. Ишчи орган лицензия тўхтатилгани ҳақида тегишли ахборот тизимларига зарур ахборотни киритади ва қоғоз манбада шакллантириладиган реестрда қайд этилади.

59. Лицензиат лицензияга амал қилишни тўхтатиш учун асос бўлган сабабларни белгиланган муддатда бартараф этган тақдирда, лицензияловчи орган лицензияга амал қилиш муддатини қайта тиклаш ёки қайта тиклашни рад этиш тўғрисидаги аризани қонун ҳужжатларида белгиланган тартибда тақдим этилган сабабларни бартараф этилгани тўғрисидаги аризани ҳамда тўхтатиш сабаблари бартараф этилганини тасдиқловчи тегишли маълумотлар олинган кундан ўн иш кунидан ошмайдиган муддатда қайта қўриб чиқади.

60. Лицензияловчи орган тўхтатилган лицензияни қайта тиклаш тўғрисида қарор қабул қилса, ушбу Низомга 10-иловага мувофиқ шаклдаги тегишли хабарнома ариза берувчига унинг аризасида кўрсатилган шаклда юборилади ва тегишли ахборот тизимларига зарур ахборот киритилади.

61. Лицензиат лицензия расмийлаштирилган кундан уч ой мобайнида иш органда унга берилган шахсий тамғамдаги муҳрни белгиланган тартибда рўйхатдан ўтказмаса, лицензияловчи орган ишчи органга ахборот тақдим этиш асосида берилган лицензияга амал қилишни тўхтатиш ҳақида қарор қабул қилади, лицензиатнинг почта манзили ёки Ягона порталдаги шахсий кабинетида ушбу Низомга 11-иловага мувофиқ шаклда тегишли хабарнома юборади ҳамда берилган лицензияга амал қилиш тўхтатилгани ҳақида тегишли ахборот тизимларига маълумот киритади.

6-боб. Лицензияни қайта расмийлаштириш, унга амал қилиш муддатини узайтириш

62. Фирма номи, ташкилий-ҳуқуқий шакл ўзгартирилса, таъсис ҳужжатларига бошқа ўзгартиришлар киритилиб, қайта ташкил этилса (бирлаштириш, қўшилиш, қайта ташкил этиш, ажратиш) ёки лицензияда қайд этилган фаолият жойини ўзгартириш ҳақида қарор қабул қилинса, юридик шахс (унинг вориси) қайта расмийлаштиришдан ўтгандан сўнг беш кун ичида ушбу Низомга 2-иловага мувофиқ шаклда лицензияни қайта расмийлаштириш ҳақида Низомнинг 9-бандида назарда тутилган тартибда ариза тақдим этади.

Давлат рўйхатидан ўтиш санасида заргарлик буюмлари ишлаб чиқариш учун лицензияси бўлган янги ташкил этилган юридик шахсга эга юридик шахслар бирлашган ҳолатда, лицензияни ушбу бандда назарда тутилган тартибда қайта расмийлаштиришга рухсат этилади.

Якка тартибдаги тадбиркорнинг рўйхатга олиш маълумотлари ўзгартирилганда (қўшимчалар киритилганда), шу жумладан лицензияда қайд этилган фаолият жойи ўзгартирилганда якка тартибдаги тадбиркор қайта расмийлаштиришдан ўтгандан сўнг беш кун ичида ушбу Низомга 2-иловага мувофиқ шаклда лицензияни қайта расмийлаштириш ҳақида Низомнинг 9-бандида назарда тутилган тартибда ариза тақдим этади.

63. Ариза марказга қонун ҳужжатларида белгиланган тартиб ва услубда почта алоқаси воситаларидан фойдаланган ҳолда ёки Ягона портал орқали ариза берувчининг ЭРИ билан тасдиқланган электрон шаклда марказга келиб тақдим этилади ва унда:

ушбу Низомнинг 62-бандида кўрсатилган ўзгартиришларни тасдиқловчи маълумотлар;

лицензия рақами, берилгани санаси ва амал қилиш муддати тугаган сана;

заргарлик буюмлари тайёрлаш ишлари амалга ошириш тахмин қилинаётган объектнинг (лицензияда қайд этилган фаолият кўрсатиш жойи ўзгартирилган тақдирда) ёнгин хавфсизлиги талабларига мос келиши ҳақидаги маълумотлар;

объектнинг техник жиҳатдан мустаҳкамлиги ва Ўзбекистон Республикаси ички ишлар органлари қўриқлаш бўлимларининг техник қўриқлаш марказига (пунктига) улангани ҳақида маълумот — лицензияда кўрсатилган фаолият юритиш жойи ўзгарганда, Ўзбекистон Республикаси Марказий банки захирасидан ажратилган қимматбаҳо металллар ва қимматбаҳо тошлардан фойдаланиш мўлжалланаётган объектлар учун (юридик шахслар учун);

лицензияни қайта расмийлаштириш учун тўловлар тўлангани ҳақида маълумотлар.
Олдинги таҳрирга қаранг.

64. Марказ масъул ходими аризани қабул қилган куннинг ўзида лицензияловчи органга жўнатади.

65. Ишчи орган лицензияловчи органдан аризани қабул қилиб олгач, қайд этилган маълумотларни тасдиқловчи тегишли ҳужжатларни қонун ҳужжатларига мувофиқ тадбиркорлик субъектларини давлат рўйхатидан ўтказиш ва ҳисобга қўйиш бўйича автоматлаштирилган тизим орқали сўрайди.

66. Лицензиат лицензия қайта расмийлаштирилгунига қадар унда қайд этилган фаолиятни аввал берилган лицензия асосида (лицензияда кўрсатилган фаолият юритиш жойи ўзгартирилган ҳолатлар бундан мустасно) амалга оширади.

Ўзига хос рўйхат рақамига эга лицензияни қайта расмийлаштириш тўғрисидаги аризани ёки унинг марказ томонидан қабул қилингани ва ўзига хос рўйхат рақамига эга нусхасини олганлик тўғрисидаги тилхат фаолиятни давом эттириш учун асос ҳисобланади.

67. Лицензияни расмийлаштириш учун лицензиатдан ариза тақдим этилган кундаги энг кам иш ҳақининг бир баравари миқдорида тўлов ундирилади:

юридик шахслар учун — энг кам ойлик иш ҳақининг икки ярим баравари миқдорида;

якка тартибдаги тадбиркорлар учун — энг кам иш ҳақининг бир баравари миқдорида.

Олдинги таҳрирга қаранг.

Лицензияни қайта расмийлаштириш учун тўланадиган йиғим суммалари қуйидаги тартибда тақсимланади:

муружаат шаклидан қатъи назар (электрон шаклда ёки шахсан муружаат қилинган тақдирда) — 20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси ҳисоб рақамига ўтказилади;

электрон шаклда муружаат этганда — тўланадиган маблағнинг 10 фоиз миқдори Ягона интерактив давлат хизматлари порталини янада ривожлантиришни молиялаштириш ҳамда вазирлик ходимларини қўшимча рағбатлантириш манбаи сифатида Ўзбекистон Республикаси Ахборот технологиялари ва коммуникацияларини ривожлантириш вазирлигининг ваколатли банкдаги махсус ҳисоб-рақамига ўтказилади;

Лицензияни қайта расмийлаштириш учун тўловларнинг қолган қисми ишчи органнинг ҳисобига ўтказилади ва кейинчалик тушадиган маблағлар ишчи органни сақлаш, унинг моддий-техника базасини мустаҳкамлаш, ходимлари меҳнатига ҳақ тўлаш ва рағбатлантириши учун йўналтирилади.

68. Лицензия марказдан лицензияни қайта расмийлаштириш ҳақидаги ариза ёки Ягона портал орқали лицензиат томонидан лицензияловчи органга тегишли ариза тақдим этилгани тўғрисидаги хабарнома олинган кундан бошлаб, фаолият юритиш жойи, жойлашган жой (почта манзили) ўзгарганда етти иш кунда, фирма номи, унинг ташкилий-ҳукукий шакли ва таъсис ҳужжатларининг бошқа ўзгартиришлари

(қўшимчалари) билан боғлиқ ўзгартиришлар бўлган тақдирда беш иш кунида қайта расмийлаштирилади.

69. Ишчи орган лицензияни қайта расмийлаштириш учун тақдим этилган аризани кўриб чиқиб, лицензияни ушбу Низомнинг 25 ва 30-бандларида назарда тутилган тартибда (лицензиат фаолият юритиш жойини ўзгартирганда) расмийлаштиради.

Ишчи орган лицензияни қайта расмийлаштириш жараёнида қоғоз манбада шакллантириладиган реестрга тегишли ўзгартиришлар, шунингдек тегишли ахборот тизимларига электрон шаклда расмийлаштириладиган реестрда лицензияни қайта расмийлаштириш ҳақида ахборотни киритади. Ушбу Низомга 12-иловага мувофиқ шаклдаги тегишли хабарнома унинг аризасида кўрсатилган шаклда юборилади.

Лицензияни қайта расмийлаштиришда аввал берилган лицензиянинг амал қилиш муддати ўзгармайди.

70. Лицензиянинг амал қилиш муддати лицензиатнинг унда қайд этилган муддат тугунига қадар тақдим этилган аризасига биноан узайтирилиши мумкин. Лицензиянинг амал қилиш муддати ушбу Низомнинг 2, 3 ва 4-бобларида назарда тутилган тартибда узайтирилади.

Лицензиянинг амал қилиш муддатини узайтириш ҳақидаги ариза (Низомнинг 9-банди) лицензия муддати тугагунига қадар бир ойда кечиктирилмасдан тақдим этилиши шарт. Лицензиянинг амал қилиш муддати лицензия бериш учун назарда тутилган тартибда узайтирилади.

Лицензиянинг амал қилиш муддатини узайтириш бўйича ижобий қарор қабул қилинса, ишчи орган қоғоз манбада шакллантириладиган реестрга тегишли ўзгартиришларни, шунингдек тегишли ахборот тизимларига электрон шаклда расмийлаштириладиган реестрда лицензияни қайта расмийлаштириш ҳақида ахборотни киритади. Ушбу Низомга 13-иловага мувофиқ шаклдаги тегишли хабарнома унинг аризасида кўрсатилган шаклда юборилади.

7-боб. Лицензия талабларига риоя этилишини назорат қилиш

71. Лицензиатнинг лицензия талаблари ва шартларига риоя этилишини ишчи орган назорат қилади.

72. Ишчи орган назоратни амалга оширишда ўз ваколати доирасида қуйидаги ҳуқуқларга эга бўлади:

қонун ҳужжатларида белгиланган тартибда лицензиатнинг лицензия талабларига риоя этилиши, Ўзбекистон Республикаси Марказий банки захирасидан хом ашё сифатида сотиб олинган қимматбаҳо металлар ва қимматбаҳо тошлардан мақсадли фойдаланишини режали ва қисқа муддатли текшириш;

лицензиатдан текширувни ўтказиш чоғида юзага келадиган масалалар бўйича зарур ахборотни сўраб олиш;

текширув натижалари лицензиат томонидан йўл қўйилган аниқ бузилишлар кўрсатилган далолатномалар (маълумотномалар) тузиш;

лицензиатга аниқланган камчиликларни бартараф этиш мажбуриятини юклайдиган қарорлар чиқариш, бундай бузилишларни бартараф этиш муддатларини белгилаш;

қонун ҳужжатларида белгиланган тартибда лицензияларнинг амал қилишини бекор қилиш ҳақида қарор чиқариш ёки судга мурожаат қилиш;

қонун ҳужжатлари бузилиши, жумладан, лицензия талаблари ва шартларининг бир марта бўлса ҳам қўпол бузилиши ва/ёки Ўзбекистон Республикаси Марказий банки захирасидан хом ашё сифатида сотиб олинган қимматбаҳо металлар ва қимматбаҳо тошлардан мақсадсиз фойдаланиш оқибатида, шунингдек ишчи органи томонидан лицензия талабларига риоя этиш бўйича белгиланган тартибда ўтказиладиган текширувлардан бўйин товлаганлик учун лицензиянинг амал қилишини бекор қилиш ҳақида белгиланган тартибда қарор чиқариш.

73. Лицензия талаблари ва шартларига риоя этилишини текшириш натижаларига кўра икки нусхада далолатнома тузилади ва унинг бир нусхаси лицензиатга берилади, иккинчиси ишчи органда қолади.

8-боб. Лицензиянинг амал қилишини тўхтатиш, қайта тиклаш ва бекор қилиш

74. Лицензиянинг амал қилиши ишчи орган томонидан «Фаолиятнинг айрим турларини лицензиялаш тўғрисида» Ўзбекистон Республикаси Қонунининг 22 ва 23-моддаларида назарда тутилган ҳолатларда ва тартибда тўхтатилади ва бекор қилинади.

Ишчи орган амал қилиш муддати тўхтатилган ёки бекор қилинган лицензиялар ҳақидаги маълумотларни тегишли ахборот тизимларига киритади.

75. Қуйидагилар лицензиянинг амал қилишини белгиланган тартибда бекор қилишга сабаб бўладиган лицензия талаблари ва шартларини бир марта қўпол бузиш ҳисобланади:

Ўзбекистон Республикаси Марказий банки захирасидан хом ашё сифатида сотиб олинган қимматбаҳо металллар ва қимматбаҳо тошлардан мақсадсиз фойдаланиш;

ишчи органи томонидан лицензия талабларига риоя этиш бўйича белгиланган тартибда ўтказиладиган текширувлардан бўйин товлаш;

лицензия берилган фаолият натижасида давлат хавфсизлигига таҳдид қилиш, фуқаролар ҳаёти ва саломатлигига, шахслар ва/ёки якка тартибдаги тадбиркорлар мол-мулкига зарар етказиш ёхуд бундай зарарни етказадиган реал хавфни юзага келтириш лицензиянинг амал қилишини белгиланган тартибда бекор қилишга сабаб бўладиган лицензия талаблари ва шартларини бир марта қўпол бузиш ҳисобланади.

76. Қуйидагилар лицензиянинг амал қилишини белгиланган тартибда бекор қилишга сабаб бўладиган лицензия талаблари ва шартларини мунтазам (бир календарь йилида икки марта) бўзиш ҳисобланади:

қимматбаҳо металлларни олиш, сарфлаш, ҳисобга олиш, сақлаш тартиби, қимматбаҳо металлларни тайёрлаш, қадоқлаш, транспортировка қилиш, уларнинг парчалари ва чиқиндиларини қайта ишлаш корхоналарига топшириш тартибига риоя қилиш талабларини бузиш (Ўзбекистон Республикаси Давлат бюджетидан молиялаштириладиган ва/ёки устав жамғармасида камида 50 фоиз давлат улушига юридик шахслар учун);

қимматбаҳо металллар ва қимматбаҳо тошлар ҳаракати тўғрисидаги ҳисоботларни лицензияловчи орган томонидан белгиланадиган шакллар ва муддатлар бўйича ўз вақтида тақдим этмаслик.

Лицензияловчи орган лицензиянинг амал қилишини тўхтатиш ёки бекор қилиш бўйича қарор қабул қилган ҳолатда тўхташи ҳақидаги хабарнома ушбу Низомга 9-иловага мувофиқ шаклда ёки бекор қилиш тўғрисидаги хабарнома 11-иловага мувофиқ шаклда лицензиатнинг (даъвогарнинг) электрон почта манзилига ёхуд Ягона порталдаги шахсий кабинетига унинг аризасида кўрсатилган шаклда тўхтатиш ёки бекор қилиш сабаблари кўрсатилган ҳолда юборилади.

77. Юридик шахс таъсисчилари (иштирокчилари) якка тартибдаги тадбиркор ушбу турдаги фаолиятни ихтиёрий тугатгани ёки тўхтатгани ҳақида қарор қабул қилса, лицензиат ушбу Низомга 5-иловага мувофиқ шаклда лицензиянинг амал қилишини ихтиёрий тўхтатиш ҳақида қуйидагилар кўрсатилган аризани марказга қонун ҳужжатларида белгиланган тартиб ва услубда ёки Ягона порталга ЭРИ билан тасдиқланган электрон шаклда тақдим этади:

ариза берувчининг номи ва ташкилий-ҳуқуқий шакли, жойлашган жойи (почта манзили), солиқ тўловчининг идентификация рақами (СТИР),) банк бўлимининг номи ва ҳисоб рақами, телефон рақами ва мавжуд бўлса, электрон почтаси ҳамда веб-сайти;

якка тартибдаги тадбиркорнинг исми, фамилияси ва отасининг исми (мавжуд бўлса), солиқ тўловчининг идентификация рақами (СТИР), жойлашган манзили (почта

манзили), фаолият кўрсатадиган жойи (манзили), боғланиш учун ахборот (телефон, электрон почта);

лицензия рақами, берилган санаси ва амал қилиш муддати тугаган сана.

78. Лицензиянинг амал қилишини ихтиёрий тўхтатиш ҳақидаги ариза Ягона портал орқали тақдим этилган ҳолатда, ишчи орган ушбу Низомнинг 22-бандида назарда тутилган қарор қабул қилиш муддати тугашигача 3 иш соатдан кечиктирмасдан, лицензиатни унинг аризада кўрсатган шаклда қабул қилинган қарор ҳақида хабардор қилади, тегишли ахборот тизимларига лицензиянинг амал қилиши тўхтатилгани ва шахсий тамға ҳақида электрон шаклдаги ахборотни киритади.

79. Лицензиянинг амал қилиши лицензиатга қабул қилинган қарор тўғрисида ушбу Низомга 14-иловага мувофиқ шакл бўйича ҳамда аризада кўрсатилган тартиб ва услубда маълум қилинган санадан ихтиёрий тўхтатилган ҳисобланади.

80. Лицензия ҳуқуқини бошқа шахсларга ўтказиш ман этилади.

81. Лицензияловчи органнинг лицензиянинг амал қилишини тўхтатиш ёки бекор қилиш ҳақидаги қарори юзасидан судда мурожаат қилиш мумкин. Суд лицензиянинг амал қилишини тўхтатиш асоссиз деб топган ҳолларда лицензияловчи орган лицензиат олдида унга етказилган зарар миқдорда жавобгар бўлади.

9-боб. Лицензиялар ва шахсий тамғалар реестри

82. Ишчи орган «Лицензия» ахборот тизимлари комплекси орқали лицензиялар реестрини шакллантиради.

83. Лицензиялар реестрида қуйидагилар кўрсатилиши шарт:

а) лицензиат ҳақида ташкилотнинг номи, солиқ тўловчининг идентификация рақами ва ташкилий-ҳуқуқий шаклни ўз ичига олган асосий маълумотлар;

б) фаолият юритиладиган жой манзили, ишчи телефон, факс;

в) шахсий тамға шифри;

г) лицензия берилган сана ва унинг рақами;

д) лицензиянинг амал қилиш муддати;

е) лицензияланадиган фаолият турлари;

ж) лицензияни қайта расмийлаштириш, амал қилиш муддатини узайтириш, тўхтатиш ва қайта тиклаш учун асослар ҳамда муддатлар;

з) лицензиянинг амал қилишини бекор қилиш учун асос ва муддат.

84. Лицензиялар реестридаги ахборот лицензияловчи органнинг расмий веб-сайти, «Лицензия» ахборот тизимлари комплексида жойлаштирилади ҳамда танишиш учун очик ҳисобланади.

10-боб. Яқуний қоидалар

85. Ушбу Низом талабларини бузишда айбдор шахслар қонун ҳужжатларига мувофиқ жавоб беради.

2.7. Туризм фаолиятини амалга ошириш учун лицензия бериш бўйича давлат хизмати

Туризм фаолиятини лицензиялаш бўйича давлат хизматларини кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

(Ўзбекистон Республикаси Президентининг Давлат маслаҳатчиси Т.А.Худайбергенов томонидан 2018 йил 30 майда тасдиқланган)

Мазкур Регламент юридик шахсларга (бундан буён матнда талабгорлар деб юритилади) туризм фаолиятини амалга ошириш ҳуқуқини берувчи лицензия бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Туризмни ривожлантириш давлат қўмитасининг ҳудудий бошқармалари (бундан буён матнда лицензияловчи орган деб юритилади) томонидан кўрсатилади.

2. Давлат хизматлари марказлари ва лицензияловчи орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгор давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкетага қуйидаги ҳужжатлар илова қилинади:
юридик шахс штатидаги ходимнинг “туризм” йўналишидаги олий таълим ёхуд ўрта махсус, касб-хунар таълими дипломи ёки лицензияловчи орган томонидан белгиланган тартибда берилган амалдаги малака сертификати;

устав капиталининг миқдори туризм фаолиятининг тегишли йўналиши учун қонун ҳужжатларида белгиланган миқдордан кам эмаслигини тасдиқловчи ҳужжат;

туризм хизматларининг мувофиқлик сертификати.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматларини кўрсатиш учун йиғимнинг тўланмаганлиги давлат хизматларини кўрсатишни рад этиш учун асос ҳисобланади. Давлат хизматларини кўрсатишни бошқа асослар бўйича рад этиш тақиқланади.

10. Талабгор давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда тўланган йиғим қайтарилмайди.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида лицензияловчи органга электрон шаклда юборилади. ЯИДХП орқали мурожаат қилинганда эса, анкета автоматик тарзда лицензияловчи органга юборилади.

12. Лицензияловчи орган анкета тушган кундан бошлаб 10 иш куни ичида талабгорга лицензияни бериш ҳақида қарор қабул қилади ёки аниқ асосларини ва қонун ҳужжатлари нормаларини кўрсатган ҳолда лицензияни беришни рад этади.

13. Лицензияловчи орган томонидан лицензияни бериш ҳақида қарор қабул қилингандан сўнг, 1 иш куни ичида лицензия бериш учун давлат божи суммаси ва уни тўлаш муддати кўрсатилган ҳолда хабарнома расмийлаштирилиб, лицензияловчи орган масъул ходимининг электрон рақамли имзоси билан тасдиқланиб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон равишда мурожаат этган тақдирда) ЯИДХП орқали электрон равишда юборилади.

Лицензияловчи орган томонидан хабарнома билан бирга Давлат хизматлари марказига QR-код (матрик штрихли код) қўйилган лицензияни юборилади.

Давлат хизматлари маркази хабарнома тушганидан сўнг бу ҳақида талабгорни ахборот-коммуникация тизими орқали хабардор қилади.

14. Талабгор хабарномани олган кундан бошлаб 3 ой ичида фаолият йўналишига қараб ахборот-коммуникация тизимлари орқали тегишли давлат божи тўловини амалга оширади.

Тўланган давлат божи суммаси қонун ҳужжатларида белгиланган тартибда тақсимланади.

15. Талабгор томонидан лицензияни олиш учун давлат божи тўланганидан сўнг:

Давлат хизматлари маркази 20 дақиқа ичида (ўзи келиб мурожаат этган тақдирда) талабгорнинг электрон манзилига QR-код (матрик штрихли код) қўйилган ҳолда лицензияни юборади ёки унинг сўровига асосан лицензияни қоғоз шаклида беради;

лицензияловчи орган – ЯИДХП орқали электрон тарзда мурожаат этган талабгорга QR-код (матрик штрихли код) қўйилган ҳолда лицензияни электрон шаклда юборади.

16. Лицензияни бериш учун давлат божи тўлови белгиланган муддатларда амалга оширилмаслиги лицензияловчи орган томонидан лицензиянинг бекор қилиниши учун асос бўлади. Бунда лицензия талабгори лицензияни олиш учун умумий тартибда қайта мурожаат қилиш ҳуқуқига эга бўлади.

17. Лицензия беришни рад этиш учун Ўзбекистон Республикасининг “Фаолиятнинг айрим турларини лицензиялаш тўғрисида”ги Қонунида назарда тутилган ҳолатлар асос бўлади.

Лицензия беришни бошқа асосларга кўра рад этиш тақиқланади.

Лицензия беришни рад этиш тўғрисидаги қарорда рад этишнинг сабаблари, қонунчиликнинг аниқ нормалари ва мурожаат этувчи кўрсатиб ўтилган сабабларни баргараф этиб, давлат хизматларини кўрсатиш учун йиғимни тўламасдан лицензияни олиш учун қайта мурожаат қилиши учун етарли муддат кўрсатилади.

18. Лицензия шакллари Ўзбекистон Республикаси Адлия вазирлиги билан келишилган ҳолда лицензияловчи орган томонидан тасдиқланади.

3-боб. Яқуний қоидалар

19. Давлат хизматлари марказлари ва лицензияловчи орган ўз фаолиятини амалга ошириши натижасида олинган маълумотлар сир сақланишини таъминлайди.

20. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

21. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

22. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

2.15-25. Тадбиркорлик субъектларини рўйхатдан ўтказишга доир хизматлар:

2.15. Тадбиркорлик субъектларини рўйхатдан ўтказиш ва юридик шахс ташкил этмаган деҳқон хўжалигини бўйича давлат хизмати

2.16. Юридик шахс ташкил этган деҳқон хўжалиги ва Давлат корхоналари негизида ташкил этиладиган акциядорлик жамиятини рўйхатдан ўтказиш бўйича давлат хизмати

2.17. Бориш қийин бўлган ва тоғли туманларда ташкил этиладиган тадбиркорлик субъектларини давлат рўйхатидан ўтказиш;

2.18. Хорижий инвестициялар иштирокидаги корхоналарни рўйхатдан ўтказиш бўйича давлат хизмати

2.19. Фаолиятини суғурталовчилар, суғурта брокерлари, аудиторлик ташкилотлари, солиқ маслаҳатчилари ташкилотлари, биржалар, ломбардлар, инвестиция фондлари, «Ўзбекизоқовқатзахира» мева-сабзавот маҳсулотларини тайёрлаш ва ғамлаш уюшмаси таркибига кирувчи мева-сабзавот маҳсулотларини тайёрлаш ва ғамлаш корхоналари, бозорлар, Ўзбекистон Республикаси Президенти ва Ўзбекистон Республикаси Вазирлар Маҳкамасининг тегишли қарорлари билан ташкил этилган акциядорлик жамиятлари (шу жумладан холдинглар) шаклидаги хўжалик бошқарув органлари сифатида амалга оширувчи тадбиркорлик субъекти — юридик шахсни рўйхатдан ўтказиш бўйича давлат хизмати

2.20. Тадбиркорлик субъектлари ягона давлат реестридан тадбиркорлик субъектининг ўзи тўғрисида кўчирма бўйича давлат хизмати

2.21. Тадбиркорлик субъектлари ягона давлат реестридан кўчирма, махфий ахборот бундан мустасно бўйича давлат хизмати

2.22. Тадбиркорлик субъектлари ягона давлат реестридан тадбиркорлик субъектининг ўзига нисбатан битта ҳужжатни бериш бўйича давлат хизмати

2.23. Тадбиркорлик субъектлари ягона давлат реестридан битта ҳужжатни бериш, махфий ахборот бундан мустасно бўйича давлат хизмати

2.24. Тадбиркорлик субъектлари ягона давлат реестридан сўралаётган ахборот ва (ёки) ҳужжат мавжуд эмаслиги тўғрисида маълумотнома бериш бўйича давлат хизмати

Тадбиркорлик субъектларини давлат рўйхатидан ўтказиш тартиби тўғрисида НИЗОМ

(Ўзбекистон Республикаси Вазирлар Маҳкамасининг 2017 йил 9 февралдаги 66-сон қарорига)

1-боб. Умумий қоидалар

1. Ушбу Низом юридик ва жисмоний шахсларни — тадбиркорлик субъектларини давлат рўйхатидан ўтказиш тартиби ва муддатларини белгилайди.

Ушбу Низом талаблари давлат рўйхатидан ўтказилиши қонун ҳужжатларида белгиланган тартибда амалга ошириладиган банклар ва кредит бюролари, уларнинг ваколатхоналари ҳамда филиаллари, шунингдек нодавлат нотижорат ташкилотларини давлат рўйхатидан ўтказишга татбиқ этилмайди.

2. Тадбиркорлик субъектларини давлат рўйхатидан ўтказиш ва қайта рўйхатдан ўтказиш Давлат хизматлари марказлари (кейинги ўринларда рўйхатдан ўтказувчи органлар деб аталади) томонидан амалга оширилади.

3. Ушбу Низомда қуйидаги асосий тушунчалардан фойдаланилади:

тадбиркорлик субъектларини давлат рўйхатидан ўтказиш ва ҳисобга қўйишнинг автоматлаштирилган тизими (кейинги ўринларда Тизим деб аталади) — тадбиркорлик субъектларини давлат рўйхатидан ўтказишни, шунингдек рўйхатдан ўтказувчи органлар ва ваколатли ташкилотларнинг ушбу жараёндаги электрон ҳамкорлигини таъминловчи ахборот-коммуникация технологиялари комплекси;

тадбиркорлик субъектини давлат рўйхатидан ўтказиш (давлат рўйхатидан ўтказиш) — рўйхатдан ўтказувчи органнинг тадбиркорлик субъектларининг рўйхатдан ўтказиш маълумотларини қонун ҳужжатларида белгиланган тартибда Тадбиркорлик субъектлари ягона давлат реестрига (кейинги ўринларда Реестр деб аталади) киритиш билан боғлиқ бўлган ҳаракатлари;

тадбиркорлик субъектини давлат рўйхатидан қайта ўтказиш (қайта рўйхатдан ўтказиш) — рўйхатидан ўтказувчи органнинг қонун ҳужжатларида белгиланган тартибда Реестрдаги тадбиркорлик субъектларининг рўйхатдан ўтказиш маълумотларини ўзгартириш билан боғлиқ бўлган ҳаракатлари;

ариза берувчи — рўйхатдан ўтказувчи органларга тегишли сўровнома, ариза билан мурожаат қилган юридик ёки жисмоний шахслар ёхуд улар томонидан белгиланган тартибда ваколат берилган шахслар;

умумий маълумотнома — рўйхатдан ўтказувчи органлар ва ваколатли ташкилотлар томонидан Тизимда жойлашган маълумотларни автоматик тарзда янгилаб бориш, шунингдек ариза берувчилар томонидан Тизим орқали тақдим этиладиган рўйхатдан ўтказиш маълумотларини туркумлаш имконини берадиган классификаторларни ўз ичига олувчи, Тизимда консолидация қилинган маълумотнома;

Тизимдан фойдаланувчи — рўйхатдан ўтказувчи орган ёки ваколатли ташкилотнинг тегишли орган зиммасига юкланган вазифа ва функцияларни бажариш учун раҳбар буйруғи билан Тизимдан фойдаланишга ваколат берилган ходими;

тадбиркорлик субъекти давлат рўйхатидан ўтказилганлиги тўғрисидаги гувоҳнома (кейинги ўринларда рўйхатдан ўтказилганлиги тўғрисидаги гувоҳнома деб аталади) — рўйхатдан ўтказиш маълумотлари Реестрга киритилганлиги ҳолатини тасдиқловчи белгиланган намунадаги электрон ҳужжат;

ваколатли ташкилотлар — қонун ҳужжатлари билан давлат солиқ хизмати органларида, давлат статистика органларида давлат ҳисобига қўйиш, тадбиркорлик субъектларига рухсат этиш хусусиятига эга ҳужжатлар, лицензиялар беришга доир функциялар зиммасига юкланган давлат органлари ва бошқа ташкилотлар, шунингдек қонун ҳужжатларида белгиланган тартибда баҳолаш, матбаа, банк фаолиятини амалга оширувчи тадбиркорлик субъектлари;

электрон ҳужжатларнинг репозиторийси — электрон ҳужжатларни қайта ишлашни ва сақлашни таъминловчи, шунингдек Ўзбекистон Республикаси Ягона интерактив давлат хизматлари порталида (кейинги ўринларда Ягона портал деб аталади) шакллантирилган электрон ҳужжатнинг ҳақиқийлигини текшириш воситаларини тақдим этувчи ахборот ресурси;

Фойдаланувчиларни идентификация қилиш ягона ахборот тизими (Ягона идентификация қилиш тизими) — жисмоний ва юридик шахсларни ҳақиқий идентификация қилишни, шунингдек идоралараро электрон ҳамкорликда мансабдор шахсларнинг ахборот тизимлари ва маълумотлар базаларидан рухсат олиб фойдалана олишларини таъминловчи давлат ахборот тизими.

4. Давлат рўйхатидан ўтказиш ушбу Низомга 1-иловадаги схемага мувофиқ қуйидаги усуллардан бири билан амалга оширилади:

Интернет жаҳон ахборот тармоғи орқали Тизим воситасида Ягона порталда; ушбу Низомнинг 5-бобига мувофиқ ўзи келган ҳолда.

5. Тадбиркорлик субъектларини давлат рўйхатидан ўтказиш, қайта рўйхатдан ўтказиш, Тадбиркорлик субъектлари ягона давлат реестридан маълумотлар бериш учун тегишлича ушбу Низомга 2-иловада назарда тутилган ставкалар бўйича давлат божлари ва йиғимлар тўланади.

Давлат рўйхатидан ўтказиш ва қайта рўйхатдан ўтказиш ушбу Низомга 3-иловада назарда тутилган муддатларда амалга оширилади.

Ушбу Низомга 2-иловада назарда тутилган давлат божлари, йиғимлар электрон тўлов тизимлари орқали тўланганда ариза берувчидан Тадбиркорлик субъектларини давлат рўйхатидан ўтказишда рўйхатдан ўтказувчи органлар ва ваколатли ташкилотлар ҳамкорлик регламентида белгиланган тартибда мутаносиб равишда тақсимланадиган тўлов суммасининг бир фоизи миқдорида воситачилик ҳақи ушлаб қолинади.

6. Тизим орқали қуйидагилар амалга оширилади:

давлат рўйхатидан ўтказиш;

қайта ташкил этиш йўли билан ташкил этилаётган тадбиркорлик субъектларини давлат рўйхатидан ўтказиш;

қайта рўйхатдан ўтказиш;

давлат рўйхатидан ўтказиш, қайта рўйхатдан ўтказиш учун давлат божини тўлаш;

рўйхатдан ўтказилганлиги тўғрисидаги гувоҳномани эркин олиш;

якка тартибдаги тадбиркор фаолиятини вақтинча тўхтатиб туриш ва тиклаш тўғрисида ариза топшириш;

рўйхатдан ўтказувчи органлар ва ваколатли ташкилотларнинг белгиланган тартибдаги ҳамкорлиги;

рўйхатдан ўтказувчи органлар ва ваколатли ташкилотларни, шунингдек давлат ва хўжалик бошқаруви органларини тадбиркорлик субъектининг манзили (жойлашган жойи, яшаш жойи) ўзгарганлиги тўғрисида хабардор қилиш;

«тадбиркорлик субъектининг шахсий кабинети»ни очиш ва ундан эркин фойдаланиш;

Реестрдан кўчирма, сўралаётган ҳужжат, тадбиркорлик субъектларининг рўйхати ёки сўралаётган маълумотнинг ва (ёхуд) ҳужжатнинг мавжуд эмаслиги тўғрисидаги маълумотнома шаклидаги аниқ тадбиркорлик субъектлари ҳақида маълумот сўраш ва олиш.

7. Ушбу Низомнинг 6-бандида назарда тутилган ҳаракатларни амалга ошириш учун ариза берувчи Вазирлар Маҳкамасининг 2015 йил 17 декабрдаги 365-сон қарори билан тасдиқланган «Электрон ҳукумат» тизимининг жисмоний ва юридик шахслар марказий маълумотлар базаларини шакллантириш ва юритиш тартиби тўғрисидаги низомда назарда тутилган тартибда тегишлича фойдаланувчининг шахсий кабинети ёки «тадбиркорлик субъектининг шахсий кабинети»дан эркин фойдаланиш имконига эга бўлиши керак.

8. Ариза берувчи ушбу Низомнинг 6-бандида назарда тутилган ҳаракатларни амалга ошириш учун фойдаланувчининг шахсий кабинети ёки «тадбиркорлик субъектининг шахсий кабинети»дан эркин фойдаланиш имконига эга бўлгандан сўнг «бизнесни рўйхатдан ўтказиш» — давлат хизматини танлайди.

2-боб. Рўйхатдан ўтказиш тартиби

9. Давлат рўйхатидан ўтказиш учун ариза берувчи «бизнесни рўйхатдан ўтказиш» — давлат хизматини танлайди ва давлат рўйхатидан ўтказиш учун қуйидаги белгиланган ариза шакллари бўйича:

ушбу Низомга 4-иловага мувофиқ юридик шахс ташкил этмаган тадбиркорлик субъектларининг (кейинги ўринларда якка тартибдаги тадбиркор деб аталади);

ушбу Низомга 5-иловага мувофиқ тадбиркорлик субъектлари — юридик шахсларнинг уни кўрсатишга сўровномани (кейинги ўринларда сўровнома деб аталади) шакллантиради.

10. Ариза берувчи томонидан сўровнома шакллантирилиши босқичма-босқич амалга оширилади. Ариза берувчи сўровномани сўралаётган маълумотларни киритиш ва Тизим томонидан умумий маълумотномадан таклиф этилаётган маълумотларни танлаш йўли билан шакллантиради. Ариза берувчи сўровномани шакллантиришни исталган босқичда тўхтатиш ёки давом эттириш ҳуқуқига эга.

Давлат ахборот ресурсларида мавжуд бўлган маълумотлар, ариза берувчининг Ягона идентификациялаш тизимидан олинган ҳақиқий шахсий маълумотларини инобатга олган ҳолда Тизим томонидан автоматик тарзда шакллантирилади. Тизим ҳар бир босқичда сўровномада шакллантирилган маълумотларни сақлаб боради.

11. Ариза берувчи томонидан фирма номини танлаш бир хиллигининг текширилиши Тизим томонидан автоматик тарзда амалга ошириладиган, лотин алифбосидаги эркин фирма номларидан сўровнома шакллантирилганда амалга оширилади.

Ариза берувчи у томонидан фирма номи танланаётганда Ўзбекистон Республикасининг «Фирма номлари тўғрисида»ги Қонуни, шунингдек юридик шахслар номлари тўғрисидаги бошқа қонун ҳужжатлари талабларига риоя этганлик учун қонун ҳужжатларида белгиланган тартибда жавоб беради.

Сўровнома шакллантирилганда танланган фирма номи Тизим томонидан 60 календарь кунига ариза берувчи номига сақланиб туради.

Агар ариза берувчи шакллантирилган сўровномани рўйхатдан ўтказувчи органга ушбу бандда кўрсатилган муддат мобайнида жўнатмаган бўлса, ариза берувчи томонидан танланган фирма номининг белгиси Тизим томонидан бекор қилинади. Бунда ариза берувчи томонидан шакллантирилган бошқа маълумотлар уларни очиб кўриш, ўзгартириш ва сўровномани шакллантиришни давом эттириш имконияти билан Тизим томонидан тегишлича фойдаланувчининг шахсий кабинети ёки «тадбиркорлик субъектининг шахсий кабинети»да сақланиб туради.

Фирма номини қайта танлаш ушбу Низомда назарда тутилган тартибда амалга оширилади.

12. Тизим воситасида давлат рўйхатидан ўтказиш учун тегишлича сўровномага қуйидагилар илова қилинади:

давлат тилидаги таъсис ҳужжатлари;

топшириш далолатномаси — қўшиб юборилганда;

тақсимлаш баланси — бўлишда ва ажратиб чиқаришда.

Топшириш далолатномаси ва тақсимлаш баланси қайта ташкил этилаётган юридик шахсларнинг барча кредиторлари ва қарздорларига нисбатан барча мажбуриятлари бўйича, шу жумладан тарафлар баҳслашаётган мажбуриятлар бўйича, ҳуқуқий ворислик тўғрисидаги қоидаларни ўз ичига олган бўлиши керак — қайта ташкил этиш йўли билан тузилаётган тадбиркорлик субъектлари учун.

Агар тақсимлаш баланси қайта ташкил этилган юридик шахснинг ҳуқуқий ворисини аниқлаш имконини бермаса, унда янгидан пайдо бўлган юридик шахслар қайта ташкил этилган юридик шахснинг ўз кредиторлари олдидаги мажбуриятлари бўйича солидар жавобгар бўладилар.

Ариза берувчи таъсис ҳужжатларини ўз ихтиёрига кўра қонун ҳужжатлари талабларини инобатга олган ҳолда намунавий шакллар асосида ёки бошқа шаклларда расмийлаштириш ҳуқуқига эга.

13. Сўровномага илова қилинаётган ҳужжатлар электрон ҳужжат шаклида бўлиши керак.

Рўйхатдан ўтказувчи органга сўровномани қоғозда расмийлаштирилган ҳужжатларнинг «PDF» (portable document format) форматида сканер қилинган нусхалари шаклида илова қилган ҳолда жўнатишга йўл қўйилади.

Давлат рўйхатидан ўтказиш (қайта рўйхатдан ўтказиш) учун юборилган сўровномалар:

икки ва ундан ортиқ муассислари бўлган тадбиркорлик субъектлари — юридик шахсларда муассиснинг сўровномада кўрсатилган электрон почта манзилига Тизим томонидан юборилган хабарнома ва унинг муассислигини Ягона идентификациялаш тизими орқали идентификациялашни тасдиқлаш йўли билан ҳар бир муассиснинг муассислар таркибига киритилганлигига розилиги мавжуд бўлиши керак, Ўзбекистон Республикаси фуқароси бўлмаган шахслар бундан мустасно;

муассислари таркибида Ўзбекистон Республикаси фуқароси бўлмаган шахслар кўрсатилган хорижий инвестициялар иштирокидаги корхоналар, чет эл сармояси иштирокидаги корхоналар, бошқа тадбиркорлик субъектлари — юридик шахсларда мажбурий тартибда кўрсатилган шахсларнинг электрон рақамли имзоси (кейинги ўринларда ЭРИ деб аталади) билан имзоланади.

Рўйхатдан ўтказувчи органга юборилаётган ҳар бир алоҳида ҳужжат барча аутентик белгилари ҳақиқийлиги сақланишини таъминловчи (ҳар бир дюймга 200 нуктадан кам бўлмаган) алоҳида файл кўринишида сўровномага илова қилиниши керак. Ҳар бир файл ўлчами 10 Мбдан ошмаслиги керак.

14. Ариза берувчи сўровнома шакллантирилиши охирига етганидан сўнг ставкаси ушбу Низомга 2-иловага мувофиқ Тизим томонидан автоматик тарзда аниқланадиган давлат божини Тизим томонидан таклиф этилаётган қуйидаги тўлов усуллари орқали тўлашни амалга оширади:

Интернет жаҳон ахборот тармоғи орқали реал вақт режимида — банк картаси ва уланган «SMS хабар бериш» хизмати ёрдамида нақдсиз ҳисоб-китоб кўринишида;

Ўзбекистон Республикаси банкларининг кассалари орқали — Тизим томонидан шакллантирилган сўровноманинг ноёб рақами кўрсатилган ҳолда нақд ёки нақдсиз ҳисоб-китоб кўринишида;

ҳисоб рақамидан банк ўтказмаси ёрдамида нақдсиз ҳисоб-китоб кўринишида.

Тўланган давлат божи қайтарилмайди, қонун ҳужжатларида белгиланган тартибда ортиқча тўланган суммалар бундан мустасно.

15. Давлат божи тўланган пайтдан бошлаб ушбу Низомнинг 9 — 14-бандлари талаблари инобатга олинган ҳолда сўровнома Тизим фойдаланувчисига — рўйхатдан ўтказувчи орган масъул ходимининг шахсий кабинетига автоматик тарзда хабарнома юборадиган Тизим томонидан сақланади.

16. Тизим ушбу Низомга 3-иловада назарда тутилган давлат рўйхатидан ўтказиш муддатларида ариза берувчи томонидан тақдим этилган маълумотларни текширади ва улар Тизимнинг тегишли маълумотлар базаларига мувофиқ бўлганда:

Реестрга автоматик тарзда тегишли ёзувлар киритиш йўли билан давлат рўйхатидан ўтказишни амалга оширади;

ушбу Низомга 6, 6а, 6б-иловаларга мувофиқ тегишли шакллар бўйича рўйхатдан ўтказилганлиги тўғрисидаги гувоҳномани шакллантиради;

рўйхатдан ўтказилганлиги тўғрисидаги гувоҳномани, таъсис ҳужжатларини электрон ҳужжатлар репозиторийсида сақлайди;

электрон ҳужжатлар депозиторийсида давлат рўйхатидан ўтказишга, қайта рўйхатдан ўтказишга рад этишни шакллантиради ва сақлайди.

Юридик шахслар учун — рўйхатдан ўтказилганлиги тўғрисидаги гувоҳномага, таъсис ҳужжатларига ҳавола (гиперҳавола) шаклидаги хабарнома автоматик тарзда Тизим фойдаланувчисининг — рўйхатдан ўтказувчи орган масъул ходимининг ЭРИси билан

имзоланади ва «тадбиркорлик субъектининг шахсий кабинети»га, шунингдек сўровномада кўрсатилган электрон почта манзилига жўнатилади.

Ариза берувчи томонидан тегишли электрон ҳужжатлар Ягона порталдаги «тадбиркорлик субъектининг шахсий кабинети» орқали қабул қилиб олинган пайт ушбу бандда назарда тутилган электрон ҳужжатлар берилган вақт бўлиб ҳисобланади.

17. Рўйхатдан ўтказилганлиги тўғрисидаги гувоҳномада, таъсис ҳужжатларида Тизим фойдаланувчисининг — рўйхатдан ўтказувчи орган масъул ходимининг ЭРИСи ва QR-код (матрицали штрих код), шунингдек идентификация рақамлари бўлиши керак.

QR-код тегишли дастурий-аппарат воситалари билан ўқилганда рўйхатдан ўтказилганлиги тўғрисидаги гувоҳноманинг, таъсис ҳужжатларининг идентификация рақамлари ва Ягона порталдаги электрон ҳужжатлар репозиторийсига ҳаволалар (гиперҳаволалар) бўлиши керак.

18. Ариза берувчи юридик шахслар учун — Ягона порталдаги электрон ҳужжатлар репозиторийсида сақланаётган рўйхатдан ўтказилганлиги тўғрисидаги гувоҳномани, таъсис ҳужжатларини эркин олиш, шунингдек уларнинг нусхаларини қоғозда чоп этиш ҳуқуқига эга.

19. Давлат рўйхатидан ўтганидан сўнг тадбиркорлик субъекти қонун ҳужжатларида белгиланган тартибда банк ҳисоб рақамларини очиш учун банкларга мурожаат қилади. Банк ҳисоб рақамларини очиш учун рўйхатдан ўтказилганлиги тўғрисидаги гувоҳноманинг, таъсис ҳужжатларининг асл нусхаларини ва нусхаларини тақдим этиш талаб қилинмайди.

20. Кичик тадбиркорлик субъектлари давлат рўйхатидан ўтказилганда, шунингдек улар томонидан тадбиркорлик фаолияти амалга оширилганда муҳр ва штамплар, шунингдек уларнинг эскизларини тайёрлаш талаб қилинмайди.

3-боб. Қайта рўйхатдан ўтказиш тартиби

21. Ушбу Низомга 7-иловага мувофиқ рўйхат бўйича рўйхатдан ўтказиш маълумотларига киритилган ўзгартириш ва қўшимчалар мажбурий қайта рўйхатдан ўтказилади.

Ариза берувчи давлат хизматини танлаганидан сўнг ушбу Низомга 7-иловада назарда тутилган муддат мобайнида ушбу Низомга 8 ва 9-иловаларга мувофиқ белгиланган қайта рўйхатдан ўтказиш учун аризалар шакллари бўйича ушбу Низомнинг 10, 11, 13, 14-бандларида назарда тутилган талабларни инобатга олган ҳолда сўровномани шакллантиради.

Қайта рўйхатдан ўтказиш учун Тизим воситасида ушбу Низомнинг 13-бандида назарда тутилган талабларни инобатга олган ҳолда кўйидаги ҳужжатлар сўровномага илова қилинади:

тадбиркорлик субъекти ваколатли бошқарув органининг таъсис ҳужжатларига устав фонди миқдорининг оширилиши, улушнинг (ҳиссанинг) бошқа шахсга ўтиши билан боғлиқ бўлган ўзгартириш ва (ёки) қўшимчалар киритиш тўғрисидаги қарори;

давлат тилидаги таъсис ҳужжатлари;

топшириш далолатномаси — қўшиб юборилганда ва қайта тузилганда;

тақсимлаш баланси — ажратиб чиқаришда;

тадбиркорлик субъекти ваколатли органининг таъсис ҳужжатларида эълон қилинган устав фонди миқдори шакллантирилганлиги тўғрисидаги ҳужжат — устав фонди миқдори оширилганда;

тадбиркорлик субъекти — юридик шахс иштирокчилари томонидан қўшимча ҳиссалар ва учинчи шахслар томонидан тўла миқдордаги ҳиссалар киритилганлигини тасдиқловчи ҳужжатлар — устав фонди миқдори оширилганда;

улушнинг (ҳиссанинг) бошқа шахсга ўтганлигини тасдиқловчи ҳужжат (шартнома, хат, ҳуқуқий ворислик, мерос, суд қарори ва шу кабилар) — улуш (ҳисса) бошқа шахсга ўтганда.

Топшириш далолатномаси ва тақсимлаш баланси қайта ташкил этилаётган юридик шахсларнинг барча кредиторлари ва қарздорларига нисбатан барча мажбуриятлари бўйича, шу жумладан тарафлар баҳслашаётган мажбуриятлар бўйича, ҳуқуқий ворислик тўғрисидаги қоидаларни ўз ичига олган бўлиши керак — қайта ташкил этиш йўли билан тузилаётган тадбиркорлик субъектлари учун.

Агар тақсимлаш баланси қайта ташкил этилган юридик шахснинг ҳуқуқий ворисини аниқлаш имконини бермаса, унда янгидан пайдо бўлган юридик шахслар қайта ташкил этилган юридик шахснинг ўз кредиторлари олдидаги мажбуриятлари бўйича солидар жавобгар бўладилар.

Таъсис ҳужжатларига ўзгартириш ва (ёки) қўшимчалар киритиш ушбу Низом 12-бандининг еттинчи хатбошида назарда тутилган ҳуқуқни инобатга олган ҳолда таъсис ҳужжатларни янги таҳрирда қабул қилиш йўли билан амалга оширилади.

Акциядорлик жамияти қайта рўйхатдан ўтказилган тақдирда, ушбу банднинг тўртинчи хатбошида улушнинг (ҳиссанинг) бошқа шахсга ўтиш қисмида, тўққизинчи, ўнинчи хатбошиларида назарда тутилган ҳужжатлар талаб этилмайди.

22. Давлат божи тўланган пайтдан бошлаб Тизим ушбу Низомнинг 15 ва 16-бандларида назарда тутилган ҳаракатларни бажаради.

23. Устав фонди миқдорининг оширилиши, улушнинг (ҳиссанинг) бошқа шахсга ўтиши билан боғлиқ бўлган қайта рўйхатдан ўтказиш амалга оширилган тақдирда Тизим фойдаланувчиси — рўйхатдан ўтказувчи орган масъул ходими хабарнома олганидан сўнг ушбу Низомга 3-иловада назарда тутилган муддатларда тақдим этилган ҳужжатларни ушбу Низомнинг 44-бандида кўрсатилган рад этиш учун асослар мавжуд эмаслиги юзасидан кўриб чиқиши ва қайта ишлаши шарт.

24. Тизим фойдаланувчиси — рўйхатдан ўтказувчи орган масъул ходими устав фонди миқдорининг оширилиши, улушнинг (ҳиссанинг) бошқа шахсга ўтиши билан боғлиқ бўлган қайта рўйхатдан ўтказиш учун қонун ҳужжатларида белгиланган муддатларда сўровномани кўриб чиқиш ва қайта ишлаш учун:

маълумотлар ва ҳужжатлар қонун ҳужжатлари талабларига мувофиқ бўлган тақдирда, Тизим воситасида Реестрга киритиладиган ёзувни шакллантиради ва киритилишини тасдиқлайди, бунда Тизим ушбу Низомнинг 16-бандида назарда тутилган ҳаракатларни бажаради;

маълумотлар ва ҳужжатлар қонун ҳужжатлари талабларига номувофиқ бўлган тақдирда, Тизим ушбу Низомнинг 47-бандида назарда тутилган ҳаракатларни бажаради.

4-боб. Қайта ташкил этилаётган тадбиркорлик субъектини — юридик шахсни давлат рўйхатидан ўтказиш

25. Қайта ташкил этиш йўли билан тузилаётган тадбиркорлик субъектларини — юридик шахсларни давлат рўйхатидан ўтказиш, қайта рўйхатдан ўтказиш Тизим воситасида амалга оширилади.

26. Тадбиркорлик субъекти — юридик шахс:

ажратиб чиқариш йўли билан қайта ташкил этилганда — қайта ташкил этилаётган тадбиркорлик субъекти — юридик шахсга нисбатан унинг таъсис ҳужжатлари билан боғлиқ бўлган қайта рўйхатдан ўтказиш, ажратиб чиқарилаётган тадбиркорлик субъекти — юридик шахсга нисбатан эса — янгидан тузилган тадбиркорлик субъектини — юридик шахсни давлат рўйхатидан ўтказиш амалга оширилади;

қўшиб олиш йўли билан қайта ташкил этилганда — қўшиб олиш амалга оширилаётган тадбиркорлик субъектининг — юридик шахснинг таъсис ҳужжатлари билан

боғлиқ бўлган қайта рўйхатдан ўтказиш Реестрга қўшиб олинган юридик шахс фаолиятини тугатиш тўғрисида ёзув киритиш билан амалга оширилади;

қўшиб юбориш, бўлиш ва ўзгартириш йўли билан қайта ташкил этилганда — янгидан тузилган тадбиркорлик субъектини — юридик шахсни давлат рўйхатидан ўтказиш амалга оширилади.

27. Қайта ташкил этиш йўли билан тузилаётган тадбиркорлик субъектларини — юридик шахсларни давлат рўйхатидан ўтказиш тегишлича ушбу Низомнинг 2 ва 3-бобларида назарда тутилган тартибда амалга оширилади.

Янгидан пайдо бўлган юридик шахсларни давлат рўйхатидан ўтказиш рўйхатдан ўтказувчи орган томонидан қайта ташкил этиш натижасида тугатилаётган акциядорлик жамиятининг чиқарилган қимматли қоғозлари бекор қилинганидан, шунингдек у Реестрдан чиқарилганидан сўнг амалга оширилади.

28. Давлат рўйхатидан ўтказиш, қайта рўйхатдан ўтказиш учун сўровнома ёки ариза юборилишидан олдин қайта ташкил этилаётган тадбиркорлик субъекти — юридик шахс томонидан кредиторларни таништириш учун ушбу Низомга 10-иловага мувофиқ расмийлаштирилган хабарнома Ягона порталда эълон қилинади. Бунда кўрсатилган хабарномани босма оммавий ахборот воситаларида эълон қилиш талаб этилмайди.

Агар қайта ташкил этилаётган тадбиркорлик субъекти — юридик шахс акциядорлик жамияти бўлса, тегишли ахборот қонун ҳужжатларида белгиланган тартибда қимматли қоғозлар бозорини тартибга солиш бўйича ваколатли давлат органининг расмий веб-сайтида — Корпоратив ахборот ягона порталида, шунингдек акциядорлик жамиятининг корпоратив веб-сайтида эълон қилинади

29. Ушбу Низомнинг 5-бобида назарда тутилган ҳолатларда:

қайта ташкил этиш йўли билан тузилаётган тадбиркорлик субъектларини — юридик шахсларни давлат рўйхатидан ўтказиш қайта ташкил этилаётган тадбиркорлик субъектлари — юридик шахслар жойлашган жойдаги рўйхатдан ўтказувчи органлар томонидан амалга оширилади;

агар қайта ташкил этиш йўли билан тузилаётган тадбиркорлик субъектлари — юридик шахслар жойлашган жой қайта ташкил этилаётган тадбиркорлик субъекти — юридик шахс жойлашган жойдан фарқ қилса, давлат рўйхатидан ўтказиш қайта ташкил этиш йўли билан тузилаётган тадбиркорлик субъектлари — юридик шахслар жойлашган жойда амалга оширилади.

5-боб. Ўзи келган ҳолда давлат рўйхатидан ўтказиш, қайта рўйхатдан ўтказиш

30. Ариза берувчилар давлат рўйхатидан ўтказиш, қайта рўйхатдан ўтказиш учун тегишли (почта манзилига мувофиқ жойлашган жойдаги — юридик шахслар учун ёки доимий рўйхатда турган жойидаги ёхуд доимий яшаш жойидаги — жисмоний шахслар учун) рўйхатдан ўтказувчи органга ўзлари келиб мурожаат қилиш ҳуқуқига эга.

31. Рўйхатдан ўтказувчи органга ўзи келиб мурожаат қилинганида қоғоз ҳужжатларнинг асл нусхалари бир нусхада тақдим этилади.

Агар Тизим фойдаланувчисига — рўйхатдан ўтказувчи орган масъул ходимида ҳужжатлар ўзи келиб ариза берувчининг вакили томонидан тақдим этилса, шунингдек унинг шахсини тасдиқловчи ҳужжат (паспорт, ҳарбий билет, ҳайдовчилик гувоҳномаси, шахсини ва Ўзбекистон Республикасидаги яшаш жойини тасдиқловчи бошқа ҳужжат) ва ариза берувчи вакилининг ваколатларини тасдиқловчи ҳужжат (ишончнома, шартнома, тадбиркорлик субъекти — юридик шахс муассисларининг қонун ҳужжатларида белгиланган тартибда расмийлаштирилган қарори, қонун ҳужжатларига мувофиқ бошқа ҳужжатлар) тақдим этилади.

Давлат рўйхатидан ўтказиш, қайта рўйхатдан ўтказиш учун ушбу Низомга 2-иловада назарда тутилган ставка бўйича давлат божи тўланади. Бунда давлат божини

тўлаш Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси шахсий ҳисоб рақамига амалга оширилади.

32. Тадбиркорлик субъектини — юридик шахсни давлат рўйхатидан ўтказиш, қайта рўйхатдан ўтказиш учун ариза берувчи рўйхатдан ўтказувчи органга тегишлича ушбу Низомнинг 12 ва 21-бандларида назарда тутилган ҳужжатларни, шунингдек давлат божи тўланганлиги тўғрисидаги маълумотларни ёки белгиланган давлат божи миқдори тўланганлиги тўғрисида банк тўлов ҳужжатининг (кейинги ўринларда тўлов ҳужжати деб аталади) нусхасини тақдим этади.

33. Якка тартибдаги тадбиркор сифатида давлат рўйхатидан ўтиш учун ариза берувчи рўйхатдан ўтказувчи органга паспортини — Ўзбекистон Республикаси фуқаролари учун, шахсини ва Ўзбекистон Республикасидаги яшаш жойини тасдиқловчи паспортни ёки бошқа ҳужжатни — чет эл фуқаролари ва фуқаролиги бўлмаган шахслар учун, шунингдек давлат божи тўланганлиги тўғрисидаги маълумотларни ёхуд тўлов ҳужжати нусхасини тақдим этади.

34. Қайта ташкил этилаётган тадбиркорлик субъектини — юридик шахсни давлат рўйхатидан ўтказиш учун рўйхатдан ўтказувчи органга ушбу Низомнинг 32-бандида назарда тутилган ҳужжатларга қўшимча равишда қўшиб юборилаётган, қўшиб олинаётган, ўзгартирилаётган, бўлинаётган, ажратиб чиқарилаётган тадбиркорлик субъектлари — юридик шахслар муассисларининг (иштирокчиларининг) ёки таъсис ҳужжатлари билан бунга ваколат берилган органларнинг тегишли қарорлари тақдим этилади.

35. Тизим фойдаланувчиси — рўйхатдан ўтказувчи орган масъул ходими давлат рўйхатидан ўтказиш, қайта рўйхатдан ўтказиш учун ўзи келиб тақдим этилган ҳужжатлар ва маълумотларни олганидан сўнг тегишли ариза шаклини тўлдиради.

Тизимдан фойдаланувчи — рўйхатдан ўтказувчи орган масъул ходими ушбу бобда назарда тутилган ҳаракатларни фақат ариза берувчи томонидан белгиланган давлат божи миқдори Тизим воситасида тўлаганидан сўнг амалга оширади.

36. Ҳужжатлар ўзи келиб тақдим этилган тақдирда Тизим фойдаланувчиси — рўйхатдан ўтказувчи орган масъул ходими томонидан рўйхатдан ўтказиш маълумотлари киритилаётганда Тизим фойдаланувчиси — рўйхатдан ўтказувчи орган масъул ходими тақдим этилган ҳужжатлар мазмунини ушбу Низомнинг 6-бобида назарда тутилган рад этиш учун асосларнинг мавжуд эмаслиги юзасидан қўриб чиқиши шарт — устав фонди миқдорининг оширилишида, улушнинг (ҳиссанинг) бошқа шахсга ўтишида қайта рўйхатдан ўтказишни рад этиш учун асосларни ўрганиш бундан мустасно.

37. Рўйхатдан ўтказиш маълумотларини Тизимга киритиш охирига етганидан сўнг Тизим фойдаланувчиси — рўйхатдан ўтказувчи орган масъул ходими Тизим томонидан унга киритилган рўйхатдан ўтказиш маълумотлари асосида шакллантирилган аризани, унда кўрсатилган маълумотлар билан рози бўлган тақдирда аризани ўз қўли билан имзоловчи ариза берувчи уни текшириб чиқиши учун аризани қоғоз кўринишида чоп этади.

Давлат рўйхатидан ўтказишни, қайта рўйхатдан ўтказишни (устав фонди миқдорининг оширилиши, улушнинг (ҳиссанинг) бошқа шахсга ўтиши бундан мустасно) рад этиш учун асослар мавжуд бўлмаганда, ариза ариза берувчи томонидан имзоланганидан сўнг Тизим фойдаланувчиси — рўйхатдан ўтказувчи орган масъул ходими барча қоғоз кўринишида тақдим этилган ҳужжатларни (паспорт ва тўлов ҳужжатининг нусхалари бундан мустасно) сканер қилади, Тизимга киритади ва уларни ариза берувчига қайтариб беради, тўлдирилган ариза бундан мустасно.

38. Ариза ариза берувчи томонидан имзоланганидан сўнг Тизим фойдаланувчиси — рўйхатдан ўтказувчи орган масъул ходими томонидан Тизимга киритилган рўйхатдан

ўтказиш маълумотлари бузиб кўрсатилган, ўзгартирилган ва (ёки) қонун ҳужжатлари талабларига номувофиқ бўлган тақдирда рўйхатдан ўтказувчи орган жавоб беради.

39. Тизим, Тизим фойдаланувчиси — рўйхатдан ўтказувчи орган масъул ходими ушбу Низомга 3-иловада назарда тутилган муддатларда тегишлича ушбу Низомнинг 16, 23 ва 24-бандларида назарда тутилган ҳаракатларни амалга оширадилар.

6-боб. Давлат рўйхатидан ўтказишни, қайта рўйхатдан ўтказишни рад этиш учун асослар

40. Қуйидагилар давлат рўйхатидан ўтказишни, қайта рўйхатдан ўтказишни рад этиш учун асос бўлади:

давлат божи тўланмаганлиги ёки унинг тўлиқ бўлмаган миқдорда тўланганлиги;

ушбу Низомнинг 5-бобида назарда тутилган ҳолатларда тегишли бўлмаган рўйхатдан ўтказиш органига мурожаат қилинганлиги;

ушбу Низомда назарда тутилган ҳужжатлар ва (ёки) маълумотлар тўлиқ бўлмаган ҳажмда тақдим этилганлиги;

қонун ва таъсис ҳужжатлари билан ваколат берилмаган орган томонидан таъсис ҳужжатларини тасдиқлаш (хулосага келиш), уларга ўзгартириш ва (ёки) қўшимчалар киритиш тўғрисида қарор қабул қилинганлиги — устав фонди миқдори оширилган, улуш (хисса) бошқа шахсга ўтган, қайта ташкил этилган тақдирда;

давлат рўйхатидан ўтказишда, қайта рўйхатдан ўтказишда қонун ҳужжатлари билан устав фондининг миқдорига доир талаблар белгиланган тадбиркорлик субъектлари — юридик шахслар учун таъсис ҳужжатларида ушбу Низомга 11-иловада назарда тутилган устав фондининг энг кам миқдоридан кам бўлган миқдорнинг белгиланганлиги.

41. Хорижий инвестициялар иштирокидаги корхонани давлат рўйхатидан ўтказишни, қайта рўйхатдан ўтказишни рад этиш учун ушбу Низомнинг 40-бандида кўрсатилган асосларга қўшимча равишда қуйидагилар асос бўлади:

таъсис ҳужжатларида кўрсатилган хорижий инвестициялар улуши миқдорининг хорижий инвестициялар иштирокидаги корхоналар учун қонун ҳужжатларида белгиланган улуши миқдорига номувофиқлиги;

хорижий инвестициялар иштирокидаги корхона муассисларининг таркибида хорижий юридик шахснинг мавжуд эмаслиги.

42. Бозорни, шунингдек фаолият юритаётган бозор негизида қайта тузилган савдо мажмуасини давлат рўйхатидан ўтказишни, қайта рўйхатдан ўтказишни рад этиш учун ушбу Низомнинг 40-бандида кўрсатилган асосларга қўшимча равишда бозор ва савдо мажмуаси муассислари таркибида устав фондида эллик бир фоиздан кам бўлмаган улушга эга бўлган маҳаллий давлат ҳокимияти органларининг мавжуд эмаслиги асос бўлади.

43. Акциядорлик жамиятини давлат рўйхатидан ўтказишни, қайта рўйхатдан ўтказишни рад этиш учун ушбу Низомнинг 40-бандида кўрсатилган асосларга қўшимча равишда жамият устав фондида ўн беш фоиздан кам бўлмаган улушга эга бўлган бир ёки ундан ортиқ хорижий инвесторларнинг мавжуд эмаслиги асос бўлади, Ўзбекистон Республикаси Президенти ва Ўзбекистон Республикаси Вазирлар Маҳкамаси қарорларида белгиланган ҳолатлар бундан мустасно.

44. Устав фонди миқдорининг оширилиши, улушнинг (хиссанинг) бошқа шахсга ўтиши билан боғлиқ бўлган давлат рўйхатидан ўтказишни, қайта рўйхатдан ўтказишни рад этиш учун ушбу Низомнинг 40-бандида кўрсатилган асосларга қўшимча равишда тақдим этилган ҳужжатларнинг ва (ёки) маълумотларнинг қонун ҳужжатлари талабларига номувофиқлиги асос бўлади.

45. Якка тартибдаги тадбиркорни, тадбиркорлик субъектини — юридик шахсни, рўйхатдан ўтказиш маълумотларига киритилаётган ўзгартириш ва (ёки) қўшимчаларни давлат рўйхатидан ўтказишни, қайта рўйхатдан ўтказишни бошқа асосларга, шу жумладан мақсадга мувофиқ эмаслиги сабабларига кўра рад этишга йўл қўйилмайди.

46. Давлат рўйхатидан ўтказишни, қайта рўйхатдан ўтказишни рад этиш рад этиш асослари бартараф этилиши шарт билан ҳужжатларни давлат рўйхатидан ўтказиш, қайта рўйхатдан ўтказиш учун қайтадан топширишга тўсиқ бўла олмайди.

47. Тизимдан фойдаланувчи — рўйхатдан ўтказувчи орган масъул ходими тегишлича сўровномани, аризани олган пайтидан бошлаб ушбу Низомга 3-иловада назарда тутилган муддат мобайнида Тизим воситасида ушбу Низомга 12-иловага мувофиқ шакл бўйича давлат рўйхатидан ўтказишга, қайта рўйхатдан ўтказишга рад этишни расмийлаштиради ва Тизим воситасида сўровномада, аризада кўрсатилган усуллар билан бу ҳақида ариза берувчини хабардор қилади.

48. Ариза берувчилар тўланган давлат божини қайтаришни талаб қилиш ҳуқуқига эга эмас, қонун ҳужжатларида белгиланган тартибда ортиқча тўланган суммалар бундан мустасно.

Давлат рўйхатидан ўтказиш, қайта рўйхатдан ўтказиш рад этилган тақдирда тўланган давлат божи қайтарилмайди.

7-боб. Яқунловчи қоидалар

49. Тадбиркорлик субъектлари унга тааллуқли бўлган ҳужжатлар ва (ёки) маълумотлар рўйхатдан ўтказувчи органлар ҳамда ваколатли ташкилотлар томонидан сўралганлиги ҳолатлари тўғрисидаги ахборотни Тизим имкониятларидан фойдаланиш воситасида реал вақт режимида бепул ва тўсиқсиз олиш ҳуқуқига эга, тадбиркорлик субъектларининг бу каби ахборотни олиш имконияти қонун ҳужжатларига мувофиқ чекланган ҳолатлар бундан мустасно.

50. Тизимдан ўз манфаатлари ёки учинчи шахслар манфаатларида фойдаланган рўйхатдан ўтказувчи орган, ваколатли ташкилот ходимлари қонун ҳужжатларига мувофиқ жавоб берадилар.

51. Рўйхатдан ўтказувчи органлар, ваколатли ташкилотлар тегишли Тизимдан фойдаланувчилар томонидан амалга оширилган ҳаракатлар учун жавоб берадилар.

52. Тизимдан фойдаланувчи телекоммуникация хизматларидан фойдаланилганда оператор ва (ёки) провайдернинг айби билан электрон ҳужжатлар ва (ёки) маълумотларни жўнатишда (олишда) юзага келиш эҳтимоли бўлган тўхталишлар учун жавоб бермайди.

53. Рўйхатдан ўтказувчи органлар давлат рўйхатидан ўтказиш, қайта рўйхатдан ўтказиш учун тақдим этилган маълумотлар ва ҳужжатлар ҳақиқийлигини текширишни амалга оширмайдилар, шунингдек уларнинг тўғрилиги ҳамда қонун ҳужжатларига номувофиқлиги учун жавоблар бермайдилар.

54. Ариза берувчилар рўйхатдан ўтказувчи органга тақдим этилган маълумотларнинг тўғрилиги, аниқлиги, бузиб кўрсатилганлиги, шунингдек таъсис ҳужжатларининг қонун ҳужжатларига мувофиқлиги учун жавоб берадилар. Сўровнома интерактив тарзда шакллантирилган ва таъсис ҳужжатлари намунавий шакллар асосида расмийлаштирилган тақдирда, ариза берувчилар Тизим танлаши учун ноаниқ ва бузиб кўрсатилган маълумотлар таклиф этилганлиги учун жавобгарликдан озод этиладилар.

55. Ушбу Низом талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

2.26. Франшизинг тўғрисидаги шартномани (муҳим ўзгартиришлар, қўшимчаларни) давлат рўйхатидан ўтказиш бўйича давлат хизмати

Комплекс тадбиркорлик лицензияси (франшизинг) шартномаларини давлат рўйхатидан ўтказиш тартиби тўғрисида НИЗОМ

*(Ўзбекистон Республикаси Вазирлар Маҳкамасининг
2010 йил 4 ноябрдаги 244-сон қарорига)*

I. Умумий қоидалар

1. Ушбу Низом комплекс тадбиркорлик лицензияси шартномаларини (кейинги ўринларда «франшизинг тўғрисидаги шартнома» деб юритилади) давлат рўйхатидан ўтказишда, франшизинг тўғрисидаги шартномаларга ўзгартириш, қўшимчалар киритиш ёки уларни бекор қилишда қонун ҳужжатларига мувофиқ тадбиркорлик субъектларини давлат рўйхатидан ўтказиш ваколатига эга бўлган давлат органлари билан франшизинг тўғрисидаги шартнома бўйича лицензиат ёки лицензиар сифатида иш кўрадиган юридик шахслар (тижорат ташкилотлари), яқка тадбиркорлар ўртасида юзага келадиган муносабатларни тартибга солади.

Тадбиркорлик фаолиятининг айрим турларини амалга ошириш учун тегишли рухсатномалар (лицензиялар) олиш зарур бўлган тақдирда, лицензиат тегишли рухсатнома (лицензия) олиши ва бундай фаолиятни фаолиятнинг ушбу турини тартибга соладиган норматив-ҳуқуқий ҳужжатлар талабига мувофиқ амалга ошириши шарт.

2. Ушбу Низом мақсадлари учун қуйидаги тушунчалардан фойдаланилади:

франшизинг тўғрисидаги шартнома — у бўйича бир тараф (лицензиар) иккинчи тарафга (лицензиатга) ҳақ эвазига лицензиарнинг фирма номидан ҳамда қўриқланадиган тижорат ахборотидан, шунингдек шартномада назарда тутилган мутлақ ҳуқуқларга кирувчи бошқа объектлардан (товар белгиси, хизмат кўрсатиш белгиси ва ихтиролар ҳамда бошқалардан) лицензиатнинг тадбиркорлик фаолиятида фойдаланиш ҳуқуқини ўз ичига оладиган мутлақ ҳуқуқлар комплекси (лицензия комплекси)ни бериш мажбуриятини оладиган шартнома;

комплекс тадбиркорлик бўйича қўшимча лицензия шартномаси (кейинги ўринларда «қўшимча лицензия шартномаси» деб юритилади) — бу лицензиат томонидан унга берилган лицензия комплексидан ёки унинг қисмидан лицензиар билан келишилган ёхуд франшизинг тўғрисидаги шартномада белгиланган шартларда фойдаланиш ҳуқуқини бошқа шахсларга бериш тўғрисидаги шартнома;

лицензиар — франшизинг тўғрисидаги шартнома бўйича тараф, лицензиатга комплекс мутлақ ҳуқуқларни ҳақ эвазига фойдаланиш учун берувчи комплекс мутлақ ҳуқуқлар (лицензия комплекси)нинг ҳуқуқий эгаси;

лицензиат — франшизинг тўғрисидаги шартнома бўйича тараф, лицензиарнинг комплекс мутлақ ҳуқуқларидан тадбиркорлик фаолияти учун ҳуқуқий фойдаланувчи;

франшизинг тўғрисидаги шартномани давлат рўйхатидан ўтказиш — тегишли рўйхатдан ўтказувчи органларда Франшизинг тўғрисидаги шартномаларни (уларни тузишни, уларга муҳим ўзгартиришлар, қўшимчалар киритиш ёки уларни бекор қилишни) давлат рўйхатидан ўтказишни ҳисобга олиш журналига (кейинги ўринларда «Журнал» деб аталади) ёзиш тартиб-қоидаси;

франшизинг тўғрисидаги шартномага муҳим ўзгартириш ва қўшимчалар — шартнома предмети, етказиб бериладиган товар (ишлар, хизматлар)нинг миқдори, сифати, тури, нархи, бажариш муддатлари, ҳисоб-китоб тартиби, тарафларнинг реквизитлари,

шартнома тузилган сана ва жой, шунингдек франшизинг тўғрисидаги шартномалар учун қонун ҳужжатларида белгиланган ёки уларга нисбатан тарафлардан бири томонидан берилган ариза бўйича битимга эришилиши керак бўлган бошқа муҳим шартлар бўйича ўзгартириш ва қўшимчалар.

II. Франшизинг тўғрисидаги шартномаларни давлат рўйхатидан ўтказиш тартиби

3. Франшизинг тўғрисидаги шартномалар, уларга муҳим ўзгартириш ва қўшимчалар киритиш, шунингдек уларнинг амал қилишини бекор қилиш давлат рўйхатидан ўтказилиши керак.

4. Франшизинг тўғрисидаги шартнома (муҳим ўзгартириш ва қўшимчалар ҳамда бекор қилиш) шартнома бўйича лицензиар сифатида иш кўрадиган юридик шахс ёки якка тадбиркорни давлат рўйхатидан ўтказадиган орган (кейинги ўринларда «рўйхатдан ўтказувчи орган» деб аталади) томонидан давлат рўйхатидан ўтказилиши керак. Ушбу қоидага риоя қилмаслик шартноманинг ҳақиқий ҳисобланмаслигига олиб келади.

Агар лицензиат хорижий давлатда юридик шахс ёки якка тадбиркор сифатида рўйхатдан ўтказилган бўлса, франшизинг тўғрисидаги шартномани (муҳим ўзгартиришлар, қўшимчалар ҳамда бекор қилиш)ни давлат рўйхатидан ўтказиш шартнома бўйича лицензиат сифатида иш кўрадиган юридик шахс ёки якка тадбиркорни давлат рўйхатидан ўтказган Ўзбекистон Республикасининг рўйхатидан ўтказувчи органи томонидан амалга оширилади.

Агар франшизинг тўғрисидаги шартномада ташқи савдо операциялари (товарлар, ишлар ва хизматлар экспорти-импорти) назарда тутилган бўлса, у ҳолда бундай операцияларга нисбатан қонун ҳужжатларида белгиланган талабларга ҳам риоя қилиниши керак.

Ўзбекистон Республикаси қонун ҳужжатларида назарда тутилган ҳолларда интеллектуал мулк объектларига нисбатан мутлақ ҳуқуқларни ўз ичига оладиган франшизинг тўғрисидаги шартнома (лицензия шартномаси)нинг тегишли қисми Ўзбекистон Республикаси Интеллектуал мулк агентлигида ҳам рўйхатдан ўтказилиши керак. Бунда лицензия шартномаси франшизинг тўғрисидаги шартноманинг ажралмас қисми ҳисобланади. Ушбу талабга риоя қилинмаган тақдирда, агар шартноманинг бошқа шартлари бевосита ўз кучини сақлаб қолиши мумкин бўлса, шартноманинг (лицензия шартномасининг) тегишли қисми ёхуд франшизинг тўғрисидаги шартнома умуман тузилмаган ва ҳақиқий эмас деб ҳисобланади. Агар интеллектуал мулк объекти Ўзбекистон Республикаси ҳудудида рўйхатдан ўтказилмаган бўлса, интеллектуал мулк ҳуқуқини рўйхатдан ўтказиш ва уни франшизинг тўғрисидаги шартнома бўйича бериш шартнома тарафларининг хоҳишига кўра амалга оширилади.

5. Давлат рўйхатидан ўтказиш ушбу Низомнинг 9—11-бандларида назарда тутилган ҳужжатлар рўйхатдан ўтказувчи органга тақдим этилган кундан бошлаб 3 (уч) иш кунидан ортиқ бўлмаган муддатда амалга оширилади.

6. Франшизинг тўғрисидаги шартнома (муҳим ўзгартиришлар, қўшимчалар ёки бекор қилиш)ни давлат рўйхатидан ўтказиш тўғрисидаги ариза:

а) якка тадбиркор;

б) юридик шахс — ҳуқуқ эгаси (шартномага ўзгартириш, қўшимчалар киритиш ёки уни бекор қилиш тўғрисида суд органининг қарори асосида, ёки, агар ҳуқуқ эгаси хорижий шахс бўлса, ҳуқуқдан фойдаланувчи)нинг доимий ишлайдиган ижро этувчи органи раҳбари ёки юридик шахс номидан ишончномасиз иш кўриш ҳуқуқига эга бўлган бошқа шахс;

в) ҳуқуқ эгаси бўлган юридик шахс ёки якка тадбиркор номидан ишончнома асосида иш кўрадиган бошқа шахс томонидан берилиши мумкин.

7. Франшизинг тўғрисидаги шартномани давлат рўйхатидан ўтказиш тўғрисидаги ариза эркин шаклда тузилади.

Бунда лицензиар (лицензиат) аризада қуйидаги маълумотларни кўрсатади:

а) лицензиар (лицензиат)нинг номи, ташкилий-ҳуқуқий шакли ва манзили, лицензиар ўз фаолиятини амалга ошираётган ва келгусида лицензиат ўз фаолиятини амалга оширадиган ном (савдо маркаси, савдо белгиси ва ҳоказолар);

б) шартнома предмети бўлган франшизингнинг қисқача тавсифи;

в) лицензиарнинг интеллектуал мулки ҳақидаги лицензиатга бериладиган:

рўйхатдан ўтказиш ёки рўйхатдан ўтказиш учун бериш;

интеллектуал мулк эгаси;

интеллектуал мулкка рухсат берувчи ҳужжатнинг амал қилиш муддати ҳақидаги маълумотлар;

г) франшизинг тўғрисидаги шартномани амалга ошириш учун зарур бўлган бошқа маълумотлар.

Франшизинг тўғрисидаги шартномага муҳим ўзгартиришлар, қўшимчалар ёки бекор қилишни давлат рўйхатидан ўтказиш тўғрисидаги аризада лицензиар (лицензиат)нинг номи, ташкилий-ҳуқуқий шакли ва манзили ҳамда аризанинг нима ҳақда берилаётганлиги кўрсатилади.

Ариза берувчи аризани ваколатли шахс (раҳбар ёки ишончнома асосида иш кўрувчи бошқа шахс)нинг имзоси ва ўз муҳри билан тасдиқлайди. Ариза юридик шахснинг раҳбари томонидан имзоланганда унинг лавозими кўрсатилади.

8. Ҳужжатлар ваколатли шахснинг (ариза берувчининг) ўзи томонидан рўйхатдан ўтказувчи органга тақдим этилади ёки топширилганлик тўғрисидаги билдириш қоғози билан почта жўнатмаси орқали юборилади.

Франшизинг тўғрисидаги шартнома (муҳим ўзгартиришлар, қўшимчалар ёки бекор қилиш)ни давлат рўйхатидан ўтказиш учун ҳужжатлар бевосита тақдим этилганда кўрсатиб ўтилган ҳужжатларни тақдим этган шахсга рўйхатдан ўтказувчи орган томонидан ҳужжатларнинг рўйхати ва улар олинган сана кўрсатилган ҳолда ҳужжатлар олинганлиги тўғрисида тилхат берилади. Тилхат ҳужжатлар рўйхатдан ўтказувчи орган томонидан олинган кунда берилиши керак.

Почта орқали юборилган ҳужжатлар рўйхатдан ўтказувчи органга тушганда тилхат ҳужжатлар рўйхатдан ўтказувчи орган томонидан олинган кундан кейинги бир иш кунидан кечикмай топширилганлиги тўғрисидаги билдириш қоғози билан ваколатли шахсга почта жўнатмаси орқали жўнатилади.

Рўйхатдан ўтказувчи орган томонидан рўйхатдан ўтказилган шартномалар ёки давлат рўйхатидан ўтказишни рад этиш сабаблари кўрсатилган қарор почта орқали юборилган тақдирда улар ваколатли шахсга почта орқали жўнатиш учун топширилган ҳужжатлар рўйхати илова қилинган ҳолда топширилганлик ҳақидаги билдиришнома билан юборилади.

9. Давлат рўйхатидан ўтказиш учун франшизинг тўғрисидаги шартномалар рўйхатдан ўтказувчи органга тақдим этилганда давлат рўйхатидан ўтказиш тўғрисидаги аризага қуйидагилар илова қилинади:

а) франшизинг тўғрисидаги шартнома ҳар бир тарафининг юридик шахс ёки якка тадбиркор сифатидаги мақомини тасдиқлайдиган ҳужжатнинг нусхаси (гувоҳнома, патент, хорижий лицензиар учун — хорижий давлатнинг тегишли давлат реестридан кўчирма ёки тегишли ўрнини босувчи ҳужжатлар);

в) тарафлар томонидан имзоланган франшизинг тўғрисидаги шартноманинг уч нусхаси тикилган, варақлари рақамланган бўлиши керак, уларда ўчириб тузатишлар, қўшимча ёзувлар, усти чизилган сўзлар ёки бошқа қайд этилмаган тузатишлар бўлмаслиги керак;

г) рўйхатдан ўтказиш йиғими тўланганлиги тўғрисидаги ҳужжат.

Агар ваколатли шахс ишончнома асосида иш кўрадиган шахс бўлса, кўрсатиб ўтилган шахснинг ваколатини тасдиқлайдиган, белгиланган тартибда тасдиқланган ҳужжатнинг нусхаси ҳам тақдим этилади.

Тарафлар томонидан имзоланган франшизинг тўғрисидаги шартноманинг тақдим этилган нусхаларига тегишли рўйхатдан ўтказувчи орган томонидан ёзув қайд этилади (штамп босилади).

Франшизинг тўғрисидаги шартноманинг икки нусхаси франшизинг тўғрисидаги шартнома давлат рўйхатидан ўтказилган кундан кейинги бир иш кунидан кечикмай ваколатли шахсга берилади (юборилади), учинчи нусхаси рўйхатдан ўтказувчи органда сақланади.

10. Франшизинг тўғрисидаги шартномага муҳим ўзгартириш ва қўшимчаларни давлат рўйхатидан ўтказиш учун рўйхатдан ўтказувчи органга тегишли ҳужжатларни топширишда давлат рўйхатидан ўтказиш тўғрисидаги аризага қуйидаги ҳужжатлар илова қилинади:

а) тарафлар томонидан имзоланган франшизинг тўғрисидаги шартномага киритилаётган муҳим ўзгартириш ва қўшимчаларнинг уч нусхаси;

б) суд органининг қарори асосида франшизинг тўғрисидаги шартномага ўзгартириш ва қўшимчалар киритишда — ушбу ҳужжатнинг нусхаси;

в) рўйхатдан ўтказиш йиғими тўланганлиги тўғрисидаги ҳужжат.

Агар ваколатли шахс ишончнома асосида иш кўрадиган шахс бўлса, кўрсатиб ўтилган шахснинг ваколатини тасдиқлайдиган, белгиланган тартибда тасдиқланган ҳужжатнинг нусхаси ҳам тақдим этилади.

Тарафлар томонидан имзоланган франшизинг тўғрисидаги шартномага муҳим ўзгартириш ва қўшимчаларнинг тақдим этилган нусхаларига тегишли рўйхатдан ўтказувчи орган томонидан ёзув қайд этилади (штамп босилади).

Франшизинг тўғрисидаги шартномага киритилаётган муҳим ўзгартириш ва қўшимчаларнинг икки нусхаси франшизинг тўғрисидаги шартномага ўзгартириш ва қўшимчалар давлат рўйхатидан ўтказилган кундан кейинги бир иш кунидан кечикмай ваколатли шахсга берилади (юборилади), франшизинг тўғрисидаги шартномага ўзгартириш ва қўшимчаларнинг учинчи нусхаси эса рўйхатдан ўтказувчи органда сақланади.

11. Франшизинг тўғрисидаги шартноманинг бекор қилиниши давлат рўйхатидан ўтказилаётганда рўйхатдан ўтказувчи органга бериладиган давлат рўйхатидан ўтказиш тўғрисидаги аризага қуйидаги ҳужжатлар илова қилинади:

а) тарафлар томонидан имзоланган франшизинг тўғрисидаги шартномани бекор қилиш тўғрисидаги битимнинг уч нусхаси;

б) франшизинг тўғрисидаги шартнома суднинг ҳужжати асосида бекор қилинганда франшизинг тўғрисидаги шартномани бекор қилиш тўғрисидаги битим ўрнига ушбу ҳужжатнинг нусхаси тақдим этилади.

Франшизинг тўғрисидаги шартноманинг амал қилиш муддати тугаганлиги муносабати билан франшизинг тўғрисидаги шартнома бекор қилинган тақдирда ариза берувчи рўйхатдан ўтказувчи органга фақат ариза тақдим этади.

Агар ваколатли шахс ишончнома асосида иш кўрадиган шахс бўлса, кўрсатиб ўтилган шахснинг ваколатини тасдиқлайдиган, белгиланган тартибда тасдиқланган ҳужжатнинг нусхаси ҳам тақдим этилади.

Тарафлар томонидан имзоланган франшизинг тўғрисидаги шартномани бекор қилиш тўғрисидаги битимнинг тасдиқланган нусхаларига тегишли рўйхатдан ўтказувчи орган томонидан ёзув қайд этилади (штамп босилади).

Франшизинг тўғрисидаги шартномани бекор қилиш тўғрисидаги битимнинг икки нусхаси франшизинг тўғрисидаги шартномани бекор қилиш давлат рўйхатидан ўтказилган кундан кейинги бир иш кунидан кечикмай ваколатли шахсга берилади

(юборилади), франшизинг тўғрисидаги шартномани бекор қилиш тўғрисидаги битимнинг учинчи нусхаси рўйхатдан ўтказувчи органда сақланади.

12. Кўрсатилган рўйхатдан ортиқча қўшимча ҳужжатлар ва маълумотлар сўраш тақиқланади.

12¹. Рўйхатдан ўтказувчи орган давлат рўйхатидан ўтказиш учун бошқа ваколатли органларда мавжуд бўлган зарур ҳужжатлар ва ахборотларни белгиланган тартибда ўзаро ахборот ҳамкорлиги йўли билан, шу жумладан электрон тарзда мустақил равишда олади, ушбу Низомнинг 9 — 11-бандларида назарда тутилган ҳужжатлар ва ахборотлар бундан мустасно.

13. Давлат рўйхатидан ўтказиш Журналга франшизинг тўғрисидаги шартнома (муҳим ўзгартиришлар, қўшимчалар ёки бекор қилиш) бўйича ёзувни киритиш ва франшизинг тўғрисидаги шартномалар (муҳим ўзгартиришлар, қўшимчалар ёки бекор қилиш) (ёки унинг ўрнини босувчи ҳужжатлар)нинг тақдим этилган нусхаларига ушбу Низомга 1-иловада келтирилган намунага мувофиқ тегишли штамп ва рўйхатдан ўтказувчи органнинг муҳри қўйилиши орқали амалга оширилади.

Журнал ушбу Низомга 2-иловага мувофиқ шаклда қоғозда юритилади.

Журналдаги ҳар бир ёзувга рўйхатдан ўтказиш тартиб рақами берилади. Рақамлаш ҳар бир ёзувга бирдан бошлаб навбатдаги тартиб рақами бериш йўли билан амалга оширилади. Тартиб рақами навбатдаги йилга ўзгаришсиз ўтадиган тарзда қўйилади. Ҳар бир ёзув учун унинг Журналга киритилган санаси (давлат рўйхатидан ўтказиш санаси) кўрсатилади.

14. Шартнома бўйича лицензиар сифатида иш кўрадиган юридик шахс ёки якка тадбиркорнинг рўйхатдан ўтказувчи органи ўзгарган тақдирда, франшизинг тўғрисидаги шартномага бундан кейин муҳим ўзгартириш ва қўшимчаларни киритиш ёки уни бекор қилиш лицензиар янги рўйхатдан ўтказилган жойдаги рўйхатдан ўтказувчи органда (хорижий лицензиар билан боғлиқ ҳолатда — лицензиат рўйхатдан ўтказилган янги жой бўйича) амалга оширилади.

Ушбу Низомда назарда тутилган ҳужжатлар билан бирга рўйхатдан ўтказувчи органга бошқа рўйхатдан ўтказувчи органнинг Журналидан кўчирма ҳам тақдим этилади.

Кўчирма Журналида франшизинг тўғрисидаги шартнома рўйхатдан ўтказилган рўйхатдан ўтказувчи орган томонидан лицензиар (лицензиат)нинг мурожаати олингандан бошлаб бир кун мобайнида берилади, унда франшизинг тўғрисидаги шартноманинг олдинги рўйхатдан ўтказиш санаси ва органи тўғрисидаги маълумотлар кўрсатилади.

Тегисли рўйхатдан ўтказувчи орган икки кун мобайнида Журналида франшизинг тўғрисидаги шартнома рўйхатдан ўтказилган рўйхатдан ўтказувчи органга рўйхатдан ўтказиш ҳужжатлари туркуми берилиши тўғрисида сўров юборади. Тегисли сўров олингандан кейин Журналида франшизинг тўғрисидаги шартнома рўйхатдан ўтказилган рўйхатдан ўтказувчи орган франшизинг тўғрисидаги тегисли шартнома бўйича рўйхатдан ўтказиш ҳужжатларини янгидан рўйхатдан ўтказган органга юборади ва бу ҳақда Журналга тегисли ёзувни киритади.

15. Лицензиат ёки лицензиар тугатилган тақдирда франшизинг тўғрисидаги шартнома ҳам бекор қилиниши ва ушбу Низомда назарда тутилган тартибда улар тугатилгунга қадар рўйхатдан ўтказилиши керак.

16. Франшизинг тўғрисидаги шартнома (муҳим ўзгартиришлар, қўшимчалар) давлат рўйхатидан ўтказилганлиги учун рўйхатдан ўтказувчи органнинг банкдаги ҳисоб рақамига энг кам ойлик иш ҳақининг учдан бири миқдоридан рўйхатдан ўтказиш йиғими тўланади.

Рўйхатдан ўтказиш йиғими:

суд органининг ҳужжати асосида франшизинг тўғрисидаги шартномага ўзгартириш ва қўшимчаларни давлат рўйхатидан ўтказишда;

франшизинг тўғрисидаги шартнома бекор қилинганда;

франшизинг тўғрисидаги шартнома (муҳим ўзгартиришлар, қўшимчалар)ни давлат рўйхатидан ўтказиш бўйича ҳужжатлар такроран кўриб чиқилганда тўланмайди.

17. Қўшимча лицензия тўғрисидаги шартномани давлат рўйхатидан ўтказиш франшизинг тўғрисидаги шартномани давлат рўйхатидан ўтказиш учун белгиланган тартибда амалга оширилади.

18. Рўйхатдан ўтказувчи орган қуйидаги асослар бўйича:

а) тегишли бўлмаган рўйхатдан ўтказувчи органга мурожаат қилинганда;

б) комплекс мутлақ ҳуқуқларнинг мувофиқ бўлмаган ҳуқуқ эгалари (ҳуқуқдан фойдаланувчилар) томонидан мурожаат қилинганда;

в) ариза берувчининг ташкилий-ҳуқуқий шакли ушбу Низом шартларига номувофиқ бўлганда;

г) ушбу Низомнинг 9—11-бандларида назарда тутилган ҳужжатлар тўлиқ бўлмаган ҳажмда тақдим этилганда ёки қасддан сохта ҳужжатлар ёки маълумотлар тақдим этилганда;

д) тақдим этилган ҳужжатларнинг Ўзбекистон Республикаси қонун ҳужжатлари талабларига номувофиқлиги, шу жумладан франшизинг тўғрисидаги шартномани бекор қилишда олдиндан маълум қилиш муддатларига риоя қилинмаганда франшизинг тўғрисидаги шартномани (муҳим ўзгартиришлар, қўшимчалар ёки бекор қилишни) давлат рўйхатидан ўтказишни рад этиши мумкин.

е) фаолиятнинг тегишли турини амалга ошириш ҳуқуқига зарур рухсатномалар (лицензиялар)нинг мавжуд эмаслиги, агар бундай рухсатнома (лицензия) Ўзбекистон Республикасининг қонунчилигига мувофиқ талаб этилса.

19. Тақдим этилган ҳужжатлар фақат ушбу Низомнинг 18-бандида кўрсатилган рад этиш учун асослар мавжуд эмаслиги юзасидан ўрганилади. Бошқа сабабларга кўра, шу жумладан мақсадга мувофиқ эмаслиги мулоҳазаси билан давлат рўйхатидан ўтказиш рад этилишига йўл қўйилмайди.

Давлат рўйхатидан ўтказишнинг асосли рад этилиши тўғрисидаги қарор рўйхатдан ўтказувчи орган томонидан қабул қилинади ва ҳужжатлар тақдим этилган пайтдан бошлаб 3 (уч) иш куни мобайнида ариза берувчига ёзма шаклда берилади.

20. Мулоҳазалар ва таклифлар тузатилгандан кейин ариза берувчи ҳужжатларни рўйхатдан ўтказувчи органга рўйхатдан ўтказувчи органнинг ёзма рад этиши олинган пайтдан бошлаб 3 (уч) ой мобайнида ушбу Низомда белгиланган тартибда такроран топшириш ҳуқуқига эга. Ушбу муддат тамом бўлгандан кейин берилган ариза янгидан берилган ариза ҳисобланади. Ҳужжатларни такроран кўриб чиқишда рўйхатдан ўтказувчи орган томонидан олдин ариза берувчига ёзма шаклда баён қилинмаган янги ёки аниқлаштирувчи мулоҳазалар билдирилишига йўл қўйилмайди.

21. Давлат рўйхатидан ўтказиш муддатлари рўйхатдан ўтказувчи органнинг айби билан бузилган тақдирда франшизинг тўғрисидаги шартнома (муҳим ўзгартиришлар, қўшимчалар ёки бекор қилиш) белгиланган муддатларда рўйхатдан ўтказилган ҳисобланади, бу ҳақда ариза берувчининг талабига кўра рўйхатдан ўтказувчи орган томонидан бирор-бир қўшимча талабларсиз франшизинг тўғрисидаги шартнома (муҳим ўзгартиришлар, қўшимчалар ёки бекор қилиш) (ёки унинг ўрнини босувчи ҳужжатлар)га тегишли ёзув ёзилади (штамп босилади) ва рўйхатдан ўтказувчи органнинг муҳри босилади.

22. Ариза берувчи рўйхатдан ўтказувчи органнинг қароридан, унинг мансабдор шахсларининг ноқонуний хатти-ҳаракатлари (ҳаракатсизлиги)дан ёки давлат рўйхатидан ўтказиш муддатлари бузилишидан норози бўлган тақдирда белгиланган тартибда юқори давлат органига ва (ёки) судга мурожаат қилишга ҳақлидир.

III. Жавобгарлик

23. Ушбу Низом бузилишида айбдор бўлган шахслар Ўзбекистон Республикаси қонун ҳужжатларига мувофиқ жавоб берадилар.

2.27. Жисмоний шахс-солиқ тўловчинининг солиқ ва бошқа қарзи йўқлиги(борлиги) ҳақида маълумотнома бериш бўйича давлат хизмати

Жисмоний шахс — солиқ тўловчининг солиқлар ва бошқа мажбурий тўловлардан солиқ қарзи мавжуд ёки мавжуд эмаслиги ҳақида маълумотнома бериш бўйича давлат хизмати кўрсатишининг

МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 13 октябрдаги 823-сон қарорига)

1-боб. Умумий қоидалар

1. Мазкур Регламент жисмоний шахсларга (кейинги ўринларда ариза берувчилар деб аталади) Давлат хизматлари марказлари орқали солиқлар ва бошқа мажбурий тўловлардан солиқ қарзи мавжуд ёки мавжуд эмаслиги ҳақида маълумотнома бериш бўйича давлат хизмати (кейинги ўринларда давлат хизмати деб аталади) кўрсатиш тартибини белгилайди.

2. Давлат хизмати Давлат хизматлари марказлари ёки Ўзбекистон Республикаси Ягона интерактив давлат хизматлари портали (кейинги ўринларда ЯИДХП деб аталади) орқали Ўзбекистон Республикаси Давлат солиқ қўмитаси (кейинги ўринларда ваколатли орган деб аталади) томонидан кўрсатилади.

3. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро ўзаро электрон боғланиш ёрдамида амалга оширилади.

4. Давлат хизмати кўрсатиш мазкур Регламентга 1-иловага мувофиқ схема асосида амалга оширилади.

2-боб. Давлат хизмати кўрсатиш тартиби

5. Ариза берувчи давлат хизматидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

6. Ариза берувчи ўзи келиб мурожаат этган тақдирда, Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса, мустақил равишда ушбу Регламентнинг 2-иловасига мувофиқ шаклдаги сўровномани электрон тарзда тўлдиради.

7. Сўровнома тўлдирилгандан сўнг, ариза берувчи маълумотларнинг тўғрилигини текшириб, сўровномани ўз ЭРИси билан тасдиқлайди.

8. Ариза берувчи Давлат хизматлари маркази ходими ва ЯИДХП томонидан давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари ариза берувчилар ЭРИсини шу жойнинг ўзида олишлари учун барча зарур шароитларни таъминлашга мажбур.

9. Давлат хизмати кўрсатилгани учун йиғим ундирилмайди.

10. Ариза берувчиларда ЭРИси мавжуд эмаслиги ёки уни олишнинг рад этилганлиги, сўровномада нотўғри маълумотларнинг кўрсатилиши давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш тақиқланади.

11. Ариза берувчилар давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Ариза берувчи давлат хизматидан фойдаланишдан бош тортганда унинг сўровномаси кўриб чиқилмасдан қолдирилади.

12. Ариза берувчи Давлат хизматлари марказига келиб мурожаат этганда, унинг сўровномаси Давлат хизматлари маркази ходими томонидан тўлдирилиб, ариза берувчининг ЭРИси билан тасдиқлангандан сўнг 10 дақиқа мобайнида ваколатли органга электрон шаклда юборилади. ЯИДХП орқали мурожаат қилинганда эса, сўровнома автоматик тарзда ваколатли органга юборилади.

13. Ваколатли орган сўровнома тушган вақтдан бошлаб 1 иш соати мобайнида QR-кодли (матрик штрихли код) маълумотномани расмийлаштиради ҳамда уни ўз ЭРИси билан тасдиқлаб, тегишли Давлат хизматлари марказига ёки (ўзи келиб мурожаат этган тақдирда) ариза берувчига (электрон тарзда мурожаат этган тақдирда) ЯИДХП орқали электрон тарзда юборади.

14. Давлат хизматлари маркази, маълумотнома келиб тушгандан сўнг 10 дақиқа мобайнида уни ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Давлат хизматлари маркази ариза берувчи ўзи келиб мурожаат қилган тақдирда ариза берувчининг сўровига кўра унга маълумотномани электрон ёки қоғоз шаклда тақдим этиши мумкин.

3-боб. Якунловчи қоидалар

15. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотларнинг сир сақланишини таъминлайди.

16. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали доимий назоратни ва мониторингни амалга оширади.

17. Ариза берувчилар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

18. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

2.28. Жисмоний шахсларга СТИР бериш бўйича давлат хизмати

Солиқ тўловчи жисмоний шахсларни давлат солиқ хизмати органларида ҳисобга қўйиш, уларга солиқтўловчининг идентификация рақамини бериш бўйича давлат хизмати кўрсатишнинг

МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 13 октябрдаги 823-сон қарорига)

1-боб. Умумий қоидалар

1. Мазкур Регламент жисмоний шахсларни (кейинги ўринларда ариза берувчилар деб аталади) Давлат хизматлари марказлари орқали давлат солиқ хизмати органларида ҳисобга қўйиш, уларга солиқ тўловчининг идентификация рақамини (СТИР) бериш бўйича давлат хизмати (кейинги ўринларда давлат хизмати деб аталади) кўрсатиш тартибини белгилайди.

2. Давлат хизмати Давлат хизматлари марказлари ёки Ўзбекистон Республикаси Ягона интерактив давлат хизматлари портали (кейинги ўринларда ЯИДХП деб аталади) ёхуд Ўзбекистон Республикаси Давлат солиқ қўмитасининг расмий веб-сайти орқали Ўзбекистон Республикаси Давлат солиқ қўмитаси (кейинги ўринларда ваколатли орган деб аталади) томонидан кўрсатилади.

3. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро ўзаро электрон боғланиш ёрдамида амалга оширилади.

4. Давлат хизмати кўрсатиш мазкур Регламентга 1-иловага мувофиқ схема асосида амалга оширилади.

2-боб. Давлат хизмати кўрсатиш тартиби

5. Ариза берувчи давлат хизматидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади ёхуд Ўзбекистон Республикаси Давлат солиқ қўмитасининг расмий веб-сайти орқали мурожаат қилади.

6. Ариза берувчи ўзи келиб мурожаат этган тақдирда, Давлат хизматлари маркази ходими ариза берувчи номидан, ЯИДХП ёхуд Ўзбекистон Республикаси Давлат солиқ қўмитасининг расмий веб-сайти орқали мурожаат этган тақдирда эса мустақил тарзда ушбу Регламентнинг 2-иловасига мувофиқ шаклдаги сўровномани электрон равишда тўлдиради.

7. Сўровнома тўлдирилгандан сўнг Давлат хизматлари маркази ходими сўровномани чоп этади ва ариза берувчига беради. Ариза берувчи маълумотларнинг тўғрилигини текшириб, сўровномани ўз имзоси билан тасдиқлайди. Сўровномага ариза берувчи паспортининг нусхаси илова қилинади.

8. Давлат хизмати кўрсатилгани учун йиғим ундирилмайди.

9. Сўровномада нотўғри маълумотларнинг кўрсатилиши давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш тақиқланади.

10. Ариза берувчилар давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Ариза берувчи давлат хизматидан фойдаланишдан бош тортганда унинг сўровномаси кўриб чиқилмасдан қолдирилади.

11. Ариза берувчи Давлат хизматлари марказига келиб мурожаат этганда, унинг сўровномаси Давлат хизматлари маркази ходими томонидан тўлдирилиб, ариза берувчининг имзоси билан тасдиқлангандан сўнг, паспортининг нусхаси илова қилиниб, Давлат хизматлари маркази ходимининг ЭРИси билан тасдиқланган ҳолда 10 дақиқа мобайнида ваколатли органга электрон шаклда юборилади. ЯИДХП орқали мурожаат қилинганда эса сўровнома автоматик тарзда ваколатли органга юборилади.

12. Ваколатли орган сўровнома тушган вақтдан бошлаб 1 иш соати мобайнида QR-кодли (матрик штрихли код)солиқ тўловчи сифатида ҳисобга қўйилганлиги ҳақидаги гувоҳномани расмийлаштиради ҳамда уни ўз ЭРИси билан тасдиқлаб, тегишли Давлат хизматлари марказига ёки (ўзи келиб мурожаат этган тақдирда) ариза берувчига (ЯИДХП ёки Ўзбекистон Республикаси Давлат солиқ қўмитасининг расмий веб-сайти орқали мурожаат этган тақдирда) электрон тарзда юборади.

13. Давлат хизматлари маркази гувоҳнома келиб тушгандан сўнг 10 дақиқа мобайнида уни ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Ўзи келиб мурожаат қилган тақдирда унинг сўровига кўра Давлат хизматлари маркази ариза берувчига гувоҳномани электрон ёки қоғоз шаклда тақдим этиши мумкин.

3-боб. Яқунловчи қоидалар

14. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотларнинг сир сақланишини таъминлайди.

15. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан доимий назоратни ва мониторингни амалга оширади.

16. Ариза берувчилар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

17. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

III. Экология ва қишлоқ хўжалиги (жумладан, саноат, йўл-транспорт, телекоммуникация) соҳасидаги давлат хизматлари:

3.1. Ўрмон фондида кирмайдиган дарахт ва буталарни кесишга рухсат бериш бўйича давлат хизмати

Давлат ўрмон фондида кирмайдиган дарахтлар ва буталарни кесишга рухсатнома бериш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Вазирлар Маҳкамасининг 2018 йил 31 мартдаги 255-сон қарори билан тасдиқланган)

1-боб. Умумий қоидалар

1. Ушбу Регламент жисмоний ва юридик шахсларга (кейинги ўринларда ариза берувчилар деб аталади) давлат ўрмон фондида кирмайдиган дарахтлар ва буталарни кесишга рухсатномалар (кейинги ўринларда рухсатномалар деб аталади) бериш тартибини белгилайди.

2. Давлат ўрмон фондида кирмайдиган дарахтлар ва буталарни кесишга фақат санитария мақсадларида ҳамда бинолар, иншоотлар ва коммуникацияларни қуриш ва реконструкция қилиш билан боғлиқ ҳолда йўл қўйилади.

Табиий омиллар ёки ўсимликлар зараркундалари, касалликлари таъсирида шикастланган, қуриётган ёки қуриб қолган, шунингдек, одамларнинг ҳаёти ва соғлиғига, юридик ва жисмоний шахсларнинг мол-мулкига хавф солаётган дарахтлар ва буталарни кесиш учун рухсатнома тўловни амалга оширмасдан берилади.

Юридик ёки жисмоний шахснинг мулки бўлган ва улар томонидан ёғоч-тахта ва ҳосил олиш учун экилган дарахтлар ва буталарни (терақ ва бошқа тез ўсувчи навлар, тут плантациялари, мевали дарахтлар ва буталар) кесишга рухсатнома талаб этилмайди.

3. Давлат ўрмон фондида кирмайдиган дарахтлар ва буталарни рухсатнома олмасдан кесиш тақиқланади.

4. Рухсатнома бериш жараёнини амалга оширишда:

а) ҳудудий экология ва атроф муҳитни муҳофаза қилиш органлари (кейинги ўринларда Давлат экология қўмитаси органлари деб аталади) ўз хулосаларини туманлар (шаҳарлар) ҳокимликларига юборади;

б) туманлар (шаҳарлар) ҳокимликлари Давлат экология қўмитаси органларининг хулосаларига асосан рухсатномалар беради.

5. Давлат хизматлари марказлари, туманлар (шаҳарлар) ҳокимликлари ва Давлат экология қўмитаси органлари ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

6. Рухсатномани бериш ушбу Регламентга 1-иловага мувофиқ схема бўйича амалга оширилади.

2-боб. Давлат хизмати кўрсатиш тартиби

7. Ариза берувчилар рухсатномаларни олиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

8. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса ариза берувчи мустақил равишда ушбу Регламентга 2-иловага мувофиқ шакл бўйича давлат хизматидан фойдаланиш учун сўровномани электрон тарзда тўлдиради.

Ариза берувчилардан ушбу бандда кўрсатилмаган маълумотларни, шунингдек, бошқа хужжатларни тақдим этишни талаб этиш қатъиян тақиқланади.

9. Ариза берувчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизматлари маркази ходими ва ЯИДХП ариза берувчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчилар ЭРИни жойнинг ўзида олишлари учун барча зарур шароитларни таъминлашга мажбурдир.

10. Давлат хизматлари кўрсатиш учун энг кам ойлик иш ҳақининг 30 фоизи миқдорида йиғим ундирилади.

Давлат хизматини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тенг миқдорда туманлар (шаҳарлар) ҳокимликлари ва Давлат экология қўмитаси органларининг банк ҳисоб рақамларига ўтказилади.

11. Ариза берувчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

12. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

13. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни туманлар (шаҳарлар) ҳокимликларига ва Давлат экология қўмитаси органларига юборади.

ЯИДХП орқали мурожаат қилинганда эса сўровнома автоматик тарзда туманлар (шаҳарлар) ҳокимликларига ва Давлат экология қўмитаси органларига юборилади.

14. Давлат экология қўмитаси органлари сўровнома тушган кундан бошлаб беш иш куни мобайнида:

дарахтлар ва буталарнинг ҳолатини, шунингдек, уларнинг кесилиши ушбу Регламентнинг 2-бандига мувофиқлигини ўрганади;

туманлар (шаҳарлар) ҳокимликларига, шунингдек, Давлат хизмати марказларига (ўзи келиб мурожаат этган тақдирда) ёки аризачи берувчига (электрон тарзда мурожаат этган тақдирда) ЯИДХП орқали рухсатнома бериш учун тўлов миқдорларини кўрсатган ҳолда, ушбу Регламентнинг 2-банди иккинчи хатбошида назарда тутилган ҳолатлардан ташқари, хулосани электрон тарзда юборади.

15. Ўзи келиб мурожаат қилганда Давлат хизматлари маркази хулоса тушганидан сўнг бир соат мобайнида унга ўзининг муҳрини босиб, ариза берувчига беради.

16. Дарахтлар ва буталарнинг кесилиши ушбу Регламентнинг 2-бандида кўрсатилган мақсадларга мувофиқ эмаслиги ижобий хулоса бериш рад этилиши учун асос бўлади.

Бошқа асослар бўйича ижобий хулоса беришни рад этиш қатъиян тақиқланади.

17. Ариза берувчи ижобий хулоса олинган кундан бошлаб тўрт иш куни мобайнида хулосада кўрсатилган миқдорда рухсатномани бериш учун тўловни амалга оширади, ушбу Регламентнинг 2-банди иккинчи хатбошида назарда тутилган ҳолатлар бундан мустасно.

Рухсатномани бериш учун тўловлар тўланганлигини тасдиқлаш ахборот-коммуникация тизимлари орқали амалга оширилади.

Рухсатномани бериш учун тўловлар миқдорлари Ўзбекистон Республикаси Вазирлар Маҳкамаси томонидан белгиланади.

18. Рухсатномани бериш учун тўловлар белгиланган муддатларда амалга оширилмаган тақдирда ариза берувчи рухсатномани олиш учун умумий тартибда қайта мурожаат қилиш ҳуқуқига эга.

19. Туман (шаҳар) ҳокимликлари Давлат экология қўмитаси органларининг ижобий хулосаси мавжуд бўлганда рухсатномани бериш учун тўлов тўланганидан сўнг, ушбу Регламентнинг 2-банди иккинчи хатбошида кўрсатилган ҳолатлардан ташқари, бир иш куни мобайнида Ўзбекистон Республикаси Экология ва атроф муҳитни муҳофаза қилиш давлат қўмитаси томонидан Ўзбекистон Республикаси Адлия вазирлиги билан келишилган ҳолда тасдиқланадиган шакл бўйича рухсатномани расмийлаштиради ва уни ўзининг ЭРИ билан тасдиқлайди.

Ушбу Регламентнинг 2-банди иккинчи хатбошида назарда тутилган ҳолатларда туманлар (шаҳарлар) ҳокимликлари рухсатномани Давлат экология қўмитаси органларининг ижобий хулосаси олинганидан сўнг бир иш куни мобайнида расмийлаштиради.

20. Туманлар (шаҳарлар) ҳокимликлари рухсатнома расмийлаштирилган куни уни Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали электрон шаклда юборади.

Ўзи келиб мурожаат қилганда Давлат хизматлари маркази рухсатнома тушганидан сўнг бир соат мобайнида унга ўзининг муҳрини босиб, ариза берувчига беради.

3-боб. Яқунловчи қондалар

21. Давлат хизматлари марказлари, туманлар (шаҳарлар) ҳокимликлари ва Давлат экология қўмитаси органлари ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

22. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

23. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

24. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

3.2. Сувдан махсус фойдаланиш ёки сув истеъмолига рухсат бериш бўйича давлат хизмати

Сувдан махсус фойдаланиш ёки сувни махсус истеъмол қилишга рухсатнома бериш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Вазирлар Маҳкамасининг 2018 йил 31 мартдаги 255-сон қарори билан тасдиқланган)

1-боб. Умумий қоидалар

1. Ушбу Регламент сувдан махсус фойдаланиш ёки сувни махсус истеъмол қилишга рухсатнома (кейинги ўринларда рухсатнома деб аталади) бериш тартибини белгилайди.

2. Ушбу Регламентнинг амал қилиши сувдан махсус фойдаланиш ёки сувни махсус истеъмол қилишни, шу жумладан, сувни олишни ва оқова сувларни оқизиб юборишни амалга оширувчи жисмоний ва юридик шахсларга (кейинги ўринларда ариза берувчилар деб аталади) татбиқ этилади.

Ушбу Регламент талаблари коммунал сув қувурлари ва канализациянинг марказлаштирилган тармоқларидан фойдаланишга, шунингдек, суткасига 5 м³гача сувни олишга татбиқ этилмайди.

3. Рухсатнома олмасдан сувдан махсус фойдаланиш ёки сувни махсус истеъмол қилиш тақиқланади.

4. Рухсатнома бериш жараёнини амалга оширишда:

а) экология ва атроф муҳитни муҳофаза қилиш органлари (табiiй сув объектлари сувларидан фойдаланилганида ёки истеъмол қилинганида, ер ости сувларидан ташқари), геология ва минерал ресурслар бўйича органлар (ер ости сувларидан фойдаланилганида ёки истеъмол қилинганида), сув хўжалиги органлари (сув объектлари сувларидан фойдаланилганида ёки истеъмол қилинганида) (кейинги ўринларда ваколатли органлар деб аталади) рухсатномани тайёрлайди ва беради;

б) сув хўжалиги органлари, ер қаърининг геологик жихатдан ўрганилиши, саноатда, кончиликда ва коммунал-маиший секторда ишлар хавфсиз олиб борилишини назорат қилиш органлари, санитария назорати органлари (кейинги ўринларда келишувчи органлар деб аталади) ўзларининг идоравий мансублигига қарашли рухсатномани келишади.

5. Давлат хизматлари марказлари, ваколатли ва келишувчи органлар ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

6. Рухсатномани бериш ушбу Регламентга 1-иловага мувофиқ схема бўйича амалга оширилади.

2-боб. Давлат хизмати кўрсатиш тартиби

7. Ариза берувчилар рухсатномалар олиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

8. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса ариза берувчи мустақил

равишда ушбу Регламентга 2-иловага мувофиқ шакл бўйича давлат хизматидан фойдаланиш учун сўровномани электрон тарзда тўлдиради.

Сўровномага ушбу Регламентга 3а — 3з-иловаларга мувофиқ хужжатлар илова қилинади.

Ариза берувчилардан ушбу бандда кўрсатилмаган маълумотларни, шунингдек, бошқа хужжатларни тақдим этишни талаб этиш қатъиян тақиқланади.

9. Ариза берувчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизматлари маркази ходимлари ва ЯИДХП ариза берувчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизмати марказлари ариза берувчилар ЭРИни жойнинг ўзида олишлари учун барча зарур шароитларни таъминлашга мажбурдир.

10. Давлат хизматлари кўрсатиш учун энг кам ойлик иш ҳақининг 30 фоизи миқдорида йиғим ундирилади.

Давлат хизматлари кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ ваколатли органнинг банк ҳисоб рақамига ўтказилади.

12. Ариза берувчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматини кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

13. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда Давлат хизматлари маркази унинг сўровномасини кўрмасдан қолдиради. Бунда, тўланган йиғим суммаси қайтарилмайди.

14. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ваколатли органга юборади.

ЯИДХП орқали мурожаат қилинганда эса сўровнома автоматик тарзда ваколатли органга юборилади.

15. Ваколатли орган сўровнома тушганидан сўнг беш иш куни мобайнида тегишлича Экология ва атроф муҳитни муҳофаза қилиш давлат қўмитаси ёки Давлат геология ва минерал ресурслар қўмитаси ёхуд Сув хўжалиги вазирлиги томонидан Ўзбекистон Республикаси Адлия вазирлиги билан келишган ҳолда тасдиқланадиган шакллар бўйича рухсатнома лойиҳасини тайёрлайди, уни ўзининг ЭРИ билан тасдиқлайди ва уни иловалар билан биргаликда келишувчи органларга юборади ёки электрон шаклда рухсатнома лойиҳасини тайёрлашни рад этади.

16. Келишувчи органлар рухсатнома лойиҳасини олганларидан сўнг беш иш куни мобайнида рухсатнома лойиҳасини кўриб чиқадилар, келишадилар ёки келишишни рад этадилар.

17. Рухсатнома лойиҳаси келишилган куни келишувчи орган уни ваколатли органга электрон шаклда юборади.

18. Ваколатли орган келишилган рухсатнома тушган кундан бошлаб уни уч иш кунни мобайнида электрон шаклда Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали юборади.

Ўзи келиб мурожаат қилганда Давлат хизматлари маркази рухсатнома тушганидан сўнг бир соат мобайнида унга ўзининг муҳрини босиб, ариза берувчига беради.

19. Сувдан махсус фойдаланиш ёки сувни махсус истеъмол қилиш соҳасидаги қонун ҳужжатлари талабларининг бузилиши рухсатнома лойиҳасини тайёрлаш ҳамда келишишни рад этиш учун асос бўлади.

Бошқа асослар бўйича ва қонун ҳужжатларининг аниқ нормалари кўрсатилмасдан рухсатнома лойиҳасини тайёрлаш ҳамда келишишни рад этиш қатъиян тақиқланади.

Ариза берувчи рухсатнома берилиши рад этилган кундан бошлаб ўн кун мобайнида давлат хизмати кўрсатилиши учун йиғимни тўламаган ҳолда рухсатнома олиш учун такроран мурожаат қилиш ҳуқуқига эга.

Рухсатнома бериш масаласини такроран кўриб чиқишда ваколатли ва келишувчи органлар томонидан аввалги рад этиш учун асосларда баён этилмаган сабаблар келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

20. Ариза берувчининг ташаббуси билан рухсатноманинг амал қилиш муддатини узайтириш, тўхтатиб қўйиш, қайта тиклаш, тугатиш Ўзбекистон Республикасининг «Тадбиркорлик фаолияти соҳасидаги рухсатномалар бериш тартиб-таомиллари тўғрисида»ги Қонуни талаблари инобатга олинган ҳолда ушбу Регламентда белгиланган тартибда амалга оширилади.

3-боб. Яқунловчи қоидалар

21. Рухсатномани ишлаб чиқиш ва бериш, шунингдек, уни келишиш тўлов ундирилмаган ҳолда амалга оширилади, давлат хизматлари кўрсатилганлиги учун йиғим ундирилиши бундан мустасно.

22. Давлат хизматлари марказлари, ваколатли ва келишувчи органлар ўз фаолиятини амалга ошириш натижасида олинган ариза берувчи ҳақидаги маълумотларнинг махфийлигини таъминлаши керак.

23. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

24. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

25. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

3.3. Ўсимлик дунёси объектларидан махсус фойдаланишга рухсат бериш бўйича давлат хизмати

Ўсимлик дунёси объектларидан махсус фойдаланишга рухсатнома бериш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Вазирлар Маҳкамасининг 2018 йил 31 мартдаги 255-сон қарори билан тасдиқланган)

1-боб. Умумий қоидалар

1. Ушбу Регламент юридик ва жисмоний шахсларга (кейинги ўринларда ариза берувчилар деб аталади) ўсимлик дунёси объектларидан махсус фойдаланишга рухсатнома (кейинги ўринларда рухсатнома деб аталади) бериш тартибини белгилайди.

2. Ушбу Регламентнинг амал қилиши Қизил китобга киритилмаган ўсимлик турларини йиғиш (тайёрлаш)/табiiй муҳитдан ажратиб олишга рухсатномалар олиш учун татбиқ этилади.

Питомниклар ва плантацияларда етиштирилган ўсимликларни йиғиш (тайёрлаш) учун рухсатномани олиш талаб этилмайди.

Рухсатномалар жорий йил учун белгиланган квоталар доирасида берилади.

3. Қизил китобга киритилмаган ўсимлик турларини рухсатнома олмасдан йиғиш (тайёрлаш)/табiiй муҳитдан ажратиб олиш тақиқланади.

4. Рухсатнома бериш жараёнини амалга оширишда:

а) Ўзбекистон Республикаси Экология ва атроф муҳитни муҳофаза қилиш давлат қўмитаси ҳузуридаги Биохилмаҳиллик ва муҳофаза этиладиган табiiй ҳудудларни муҳофаза қилиш ва улардан фойдаланишни назорат қилиш инспекцияси (кейинги ўринларда Биоинспекция деб аталади) Ўзбекистон Республикасининг бутун ҳудудидаги, давлат ўрмон фондида кирмайдиган ерлардан ташқари, Қизил китобга киритилмаган ўсимлик турларини йиғиш (тайёрлаш)/табiiй муҳитдан ажратиб олишга рухсатнома беради;

б) Ўзбекистон Республикаси Ўрмон хўжалиги давлат қўмитаси (кейинги ўринларда Ўрмон хўжалиги давлат қўмитаси деб аталади) давлат ўрмон фондида кирадиган ерларда Қизил китобга киритилмаган ўсимлик турларини йиғиш (тайёрлаш)/табiiй муҳитдан ажратиб олишга рухсатнома беради.

5. Давлат хизматлари марказлари, Биоинспекция ва Ўрмон хўжалиги давлат қўмитаси ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

6. Рухсатномани бериш ушбу Регламентга 1-иловага мувофиқ схема бўйича амалга оширилади.

2-боб. Давлат хизматини кўрсатиш тартиби

7. Ариза берувчилар рухсатномалар олиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматларидан электрон тарзда фойдаланиш учун рўйхатдан ўтади.

8. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса ариза берувчи мустақил

равишда ушбу Регламентга 2-иловага мувофиқ шаклдаги давлат хизматидан фойдаланиш учун сўровномани электрон тарзда тўлдиради.

Сўровномада Қизил китобга киритилмаган ўсимлик турларини йиғиш (тайёрлаш)/табiiй муҳитдан ажратиб олиш назарда тутилаётган ҳудудларнинг ер эгалари, ердан фойдаланувчиларнинг ёки маҳаллий давлат ҳокимияти органларининг розилиги мавжудлиги ҳақидаги маълумотлар кўрсатилган бўлиши шарт.

Ариза берувчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб этиш қатъиян тақиқланади.

9. Ариза берувчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизмати маркази ходимлари ва ЯИДХП ариза берувчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизмати марказлари ариза берувчилар ЭРИни жойнинг ўзида олишлари учун барча зарур шароитларни таъминлашга мажбурдир.

10. Давлат хизматлари кўрсатиш учун энг кам ойлик иш ҳақининг 30 фоизи миқдорида йиғим ундирилади.

Давлат хизматлари кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тегишлича Биоинспекция ёки Ўрмон хўжалиги давлат қўмитасининг банк ҳисоб рақамларига ўтказилади.

12. Ариза берувчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш қатъиян тақиқланади.

13. Ариза берувчи давлат хизматидан фойдаланишда уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

14. Ўзи келиб мурожаат этганда Давлат хизматлари маркази сўровнома тўлдирилган вақтдан бошлаб бир соат мобайнида уни тегишлича Биоинспекция ёки Ўрмон хўжалиги давлат қўмитасига юборади.

ЯИДХП орқали мурожаат қилинганда эса сўровнома автоматик тарзда тегишлича Биоинспекция ёки Ўрмон хўжалиги давлат қўмитасига юборилади.

15. Биоинспекция ёки Ўрмон хўжалиги давлат қўмитаси сўровнома тушган кундан бошлаб беш иш куни мобайнида Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали рухсатномани бериш учун тўловни амалга оширишга электрон шаклда ҳисобварақ-фактурани юборади ёки уни юборишни рад этади.

Ўзи келиб мурожаат қилганда Давлат хизматлари маркази ҳисобварақ-фактура тушганидан сўнг бир соат мобайнида унга ўзининг муҳрини босиб, ариза берувчига беради.

16. Қуйидагилар ҳисобварақ-фактурани юборишни рад этиш учун асос бўлади:

ўсимлик дунёси объектларини тайёрлаш шартларининг ўрганилиши, тадқиқ этилиши, текширилиши ёки бошқа илмий ва техник баҳолашлар якунлари бўйича асосланган салбий хулоса олинганлиги;

ариза берувчининг рухсат бериш талаблари ва шартларига номувофиқлиги;

ўсимлик дунёси объектларининг сўралаётган ҳажми ва тури тасдиқланган квоталарга — доривор, озиқ-овқатбоп ва техник ўсимликларни йиғиш (тайёрлаш)/табiiй муҳитдан ажратиб олишнинг қонуний белгиланган нормаларига номувофиқлиги.

Бошқа асослар бўйича ҳисобварақ-фактурани юборишни рад этиш қатъиян ман этилади.

17. Ариза берувчи ҳисобварақ-фактура тушган кундан бошлаб тўрт иш куни мобайнида ҳисобварақ-фактурада кўрсатилган миқдорда рухсатномани бериш учун тўловни амалга оширади.

Рухсатномани бериш учун тўловлар тўланганлигини тасдиқлаш ахборот-коммуникация тизимлари орқали амалга оширилади.

Рухсатномани бериш учун тўловлар миқдорлари Ўзбекистон Республикаси Вазирлар Маҳкамаси томонидан белгиланади

18. Рухсатномани бериш учун тўловларни белгиланган муддатларда амалга оширмаган тақдирда ариза берувчи рухсатномани олиш учун умумий тартибда қайта мурожаат қилиш ҳуқуқига эга.

19. Биоинспекция ёки Ўрмон хўжалиги давлат қўмитаси рухсатномани бериш учун тўловлар тушганидан сўнг бир иш куни давомида тегишлича Биоинспекция ёки Ўрмон хўжалиги давлат қўмитаси томонидан Ўзбекистон Республикаси Адлия вазирлиги билан келишилган ҳолда тасдиқланадиган шакллар бўйича рухсатномани расмийлаштиради ва уни ўзининг ЭРИ билан тасдиқлайди.

20. Биоинспекция ёки Ўрмон хўжалиги давлат қўмитаси рухсатнома расмийлаштирилган куни уни Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали электрон шаклда юборади.

Ўзи келиб мурожаат қилганда Давлат хизмати маркази рухсатнома тушганидан сўнг бир соат мобайнида унга ўзининг муҳрини қўйиб, ариза берувчига беради.

3-боб. Якунловчи қондалар

21. Давлат хизматлари марказлари, Биоинспекция ва Ўрмон хўжалиги давлат қўмитаси ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

22. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

23. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

24. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

3.4-3.7. Ўзбекистон Республикасининг Қизил китобига киритилмаган ўсимлик ва ҳайвонот дунёсидан фойдаланишга доир хизматлар:

3.4. Ўзбекистон Республикасининг Қизил китобига киритилмаган ёввойи ўсимликлар, уларнинг қисмларини олиб кириш ва олиб чиқишга рухсатнома бўйича давлат хизмати

3.5. Ўзбекистон Республикасининг Қизил китобига киритилмаган ёввойи ҳайвонларни тутқинликда сақлашга рухсатнома бўйича давлат хизмати

3.6. Ўзбекистон Республикасининг Қизил китобига киритилмаган ёввойи ҳайвонлар, уларнинг қисмлари, ҳаёт фаолияти маҳсулотлари, зоология коллекциялари, ўлжалар, тулумларни олиб кириш ва олиб чиқишга рухсатнома бўйича давлат хизмати

3.7. Ўзбекистон Республикасининг Қизил китобига киритилмаган ёввойи ҳайвонлар сақланадиган ва урчитиладиган питомникларни, шунингдек зоология коллекцияларини ҳисобга қўйиш тўғрисидаги гувоҳнома бўйича давлат хизмати

Ўсимлик дунёси объектларидан фойдаланиш ва ўсимлик дунёси объектларидан фойдаланиш соҳасида рухсат бериш тартиб-таомилларидан ўтиш тартиби тўғрисида НИЗОМ

*(Ўзбекистон Республикаси Вазирлар Маҳкамасининг
2014 йил 20 октябрдаги 290-сон қарорига)*

I. Умумий қоидалар

1. Мазкур Низом «Ўсимлик дунёсини муҳофаза қилиш ва ундан фойдаланиш тўғрисида», «Тадбиркорлик фаолияти соҳасидаги рухсат бериш тартиб-таомиллари тўғрисида»ги Ўзбекистон Республикаси қонунларига мувофиқ ишлаб чиқилган ҳамда ўсимлик дунёси объектларидан фойдаланиш, шунингдек ўсимлик дунёси объектларидан фойдаланиш соҳасида рухсат бериш тартиб-таомилларидан ўтиш тартибини белгилайди.

Давлат ўрмон фондидаги ўсимлик дунёси объектларидан фойдаланиш хусусиятлари бошқа қонун ҳужжатлари билан белгиланади.

Мазкур Низом талаблари ҳовлиолди, хусусий боғлар ва дала ҳовлиларда фойдаланилаётган дарахт ва буталарга татбиқ этилмайди.

2. Мазкур Низомда қуйидаги асосий тушунчалар қўлланилади:

квота — доривор, озиқ-овқатбоп ва техник ўсимликларни йиғиш ва тайёрлашнинг қонуний белгиланган меъёрлари;

ботаника коллекциялари — уруғлар, гуллар, мевалар, пиёзбошчалар, илдизлар, барглар, гербарийлар, консервация қилинган ва тирик ўсимликларнинг тартибга солинган мажмуаси;

маданийлаштирилган ўсимликлар — табиий ўсиш шароитлари ёввойи ҳолдаги шароитдан минимал даражада фарқ қилувчи питомник ва плантацияларда муайян моддий ва меҳнат харажатлари билан чегараланган парваришлаш, кўпайтириш ва ишлов беришни амалга оширувчи шахснинг қисман назоратидаги ёввойи ўсимликлар;

яшаш фаолияти маҳсулотлари — уруғлар, гуллар, мевалар, барглар, поялар, илдизлар, пиёзбошчалар, шарбат (елим);

маҳсус экин майдонлари (плантациялар), парваришхоналар — ўсимликларнинг уруғи, илдизи, пиёзбошчалари, мицелийлари ва қаламчаларидан кўпайтириш мақсадида фойдаланиладиган, инсоннинг доимий назоратидаги майдонлар;

ваколатли органлар — қонун ҳужжатлари билан зиммасига тадбиркорлик субъектларига рухсат этиш хусусиятига эга ҳужжатларни бериш вазифаси юкланган давлат органлари ва бошқа ташкилотлар;

рухсат этиш хусусиятига эга ҳужжат — ваколатли орган томонидан қабул қилинадиган ва табиатдан фойдаланувчига бериладиган, ҳаракатларни бажариш ва (ёки) муайян фаолиятни амалга ошириш ҳуқуқини берадиган ҳамда рухсатнома, келишув, ҳулоса шаклида, шунингдек қонун ҳужжатларида назарда тутилган бошқа шаклларда ифодаланадиган қарор.

3. Қуйидагилар ўсимлик дунёси объектлари ҳисобланади:

ёввойи ҳолда ўсувчи организмлар — дарахтлар, буталар ва ўтсимон уруғлайдиган ўсимликлар, қиркқулоқсимонлар, йўсинсимонлар, сувўтлар, лишайниклар ва замбуруғлар ўзининг барча хилма-хил турлари билан;

ёввойи организмлардан ташкил топадиган табиий ўсимлик гуруҳлари ёки уларнинг ҳар қандай мажмуи;

камёб ва йўқолиб кетиш хавфи остидаги ўсимлик турлари;

ёввойи ўсимликларнинг мевалари, уруғлари ва бошқа қисмлари ёки уларнинг ўсиш давридаги маҳсуллари.

Танаси, пўстлоғи, шохлари, пояси, илдизи, ғунчаси, гуллари, уруғлари, мевалари, барглари, пиёзбошчалари ва шарбати (елими) ўсимликларнинг қисмлари ҳисобланади.

II. Ўсимлик дунёси объектларидан фойдаланиш

4. Қуйидагилар ўсимлик дунёси объектларидан фойдаланиш турлари ҳисобланади:

а) ёввойи ҳолда ўсувчи озуқа маҳсулотларини чорвачилик эҳтиёжлари учун ғамлаш;

б) чорва молларини ўтлатиш;

в) ўсимлик дунёси объектларидан овчилик хўжалиги эҳтиёжлари учун фойдаланиш;

г) ёввойи ўсимликларнинг техник хом ашёсини ғамлаш;

д) ёввойи ўсимликларнинг доривор хом ашёсини ғамлаш (йиғиш);

е) ёввойи ўсимликларни озиқ-овқат мақсадлари учун ғамлаш (йиғиш);

ж) дарахт ва буталарни кесиш (санитария тартибида, фуқаролар хавфсизлигини таъминлашда, шунингдек бино, иншоот ва коммуникация қурилишлари билан боғлиқ ҳолатларда);

з) ўсимлик дунёси объектларидан илмий-тадқиқот мақсадларида фойдаланиш;

и) ўсимлик дунёси объектларидан маданий-маърифий, тарбия, соғломлаштириш, рекреацион ва эстетик мақсадларда фойдаланиш;

к) ўсимлик дунёси объектларидан табиатни муҳофаза қилиш мақсадларида фойдаланиш;

л) ўсимлик дунёси объектларидан коллекциялаш мақсадларида фойдаланиш.

Ўсимлик дунёси объектларидан фойдаланиш қонун ҳужжатларида назарда тутилган бошқа турларда ҳам амалга оширилиши мумкин.

5. Ўсимлик дунёси объектларидан фойдаланиш умумий ва маҳсус бўлиши мумкин.

6. Ўсимлик дунёси объектларидан умумий фойдаланиш мазкур Низомнинг 4-банди «г», «д», «е», «и» кичик бандларида назарда тутилган турларда ҳаётий зарур эҳтиёжларни қондириш учун жисмоний шахслар томонидан амалга оширилади.

7. Ўсимлик дунёси объектларидан умумий фойдаланиш фойдаланувчилар томонидан ҳаётий зарур эҳтиёжларни қондириш учун бепул амалга оширилади.

Умумий фойдаланиш меъёрлари ва тартиби Ўзбекистон Республикаси Табиатни муҳофаза қилиш давлат қўмитаси (кейинги ўринларда Давлат қўмитаси деб аталади) билан келишув бўйича маҳаллий давлат ҳокимияти органлари томонидан белгиланади.

8. Ўсимлик дунёси объектларидан махсус фойдаланиш мазкур Низомнинг 1 ва 2-иловаларига мувофиқ, тўлов эвазига Давлат қўмитаси томонидан бериладиган рухсатномалар бўйича амалга оширилади.

9. Чорвачилик эҳтиёжлари ва чорва молларини ўтлатиш учун ёввойи озуқа маҳсулотларини ғамлашга рухсатнома берилганлиги учун тўлов миқдори маҳаллий давлат ҳокимияти органлари томонидан, ерларнинг тоифаси ва яйловларнинг (пичанзорларнинг) ҳосилдорлигини ҳисобга олган ҳолда белгиланади.

Махсус экин майдонлари (плантациялар) ва парваришхоналарда етиштирилган ўсимликларни ғамлаш (тўплаш) учун тўлов ундирилмайди.

10. Юридик ва жисмоний шахсларга ёввойи ҳолда ўсадиган ўсимликларни ғамлаганлик (тўплаганлик) бўйича имтиёзлар:

қишлоқ хўжалигига мўлжалланган ерларда Ўзбекистон Республикасининг яланғоч қизилмия илдизидан экстракт ишлаб чиқарувчи қайта ишлаш ташкилотлари билан тузилган яланғоч қизилмияни етказиб беришга оид шартномалар бўйича мажбуриятларни ижро этиш юзасидан яланғоч қизилмияни ғамлаш (тўплаш) шарти билан яланғоч қизилмияни ғамлашда (тўплашда) ўсимлик дунёси объектларидан махсус фойдаланишга рухсатнома олишдан озод этиш;

ғамлаганлик (тўплаганлик) учун тўловларни камайтириш шаклида берилади:

белгиланган тўловларнинг 50 фоизи миқдорида камайтириш- Қизил китобга кирмайдиган ҳамда ёввойи ҳолда ўсадиган ўсимликлар рўйхатига киритилган ёввойи ҳолда ўсадиган ўсимликлардан (яланғоч қизилмиядан ташқари) экстракт тайёрланганда ёки Ўзбекистон Республикасининг экстракт ишлаб чиқарувчи қайта ишлаш ташкилотлари билан уларни хомашё сифатида етказиб бериш юзасидан шартномалар мавжуд бўлганда;

«Нукус-фарм», «Зомин-фарм», «Косонсой-фарм», «Сирдарё-фарм», «Бойсун-фарм», «Бўстонлик-фарм» ва «Паркент-фарм» эркин иқтисодий зоналари ҳудудларида Ўзбекистон Республикаси Қизил китобига кирмайдиган (яланғоч қизилмиядан ташқари) ҳамда ёввойи ҳолда ўсадиган ўсимликлар рўйхатига киритилган ёки кўрсатилган эркин иқтисодий зона қатнашчилари билан ёввойи ўсимликлардан тайёр фармацевтика маҳсулотлари ишлаб чиқарувчи ташкилотлари билан шартномалар мавжуд бўлганда — белгиланган тўловларнинг 50 фоизи миқдорида камайтириш;

плантациялар ташкил этиш мақсадида экиш материаллари (уруғлар, кўчатлар) учун белгиланган тўловларнинг 90 фоизи миқдорида камайтириш;

белгиланган тўловларнинг 90 фоизи миқдорида камайтириш — қишлоқ хўжалигига мўлжалланган ерлардан бошқа ерларда яланғоч қизилмия ғамлаш (тўплаш) ва Ўзбекистон Республикасининг яланғоч қизилмия илдизидан экстракт ишлаб чиқарувчи қайта ишлаш ташкилотлари билан тузилган яланғоч қизилмия илдизини хом ашё сифатида етказиб бериш юзасидан шартномалар мавжуд бўлганда.

Ёввойи ҳолда ўсадиган ўсимликлар рўйхати, шунингдек республика бўйича ғамлаш (тўплаш) ҳажмлари Ўзбекистон Республикаси Фанлар академиясининг ҳулосаси ва республиканинг ёввойи ҳолда ўсадиган ўсимликлардан экстракт ва тайёр фармацевтика маҳсулотлари ишлаб чиқарувчи қайта ишлаш ташкилотлари буюртманомалари асосида Ўзбекистон Республикаси Табиатни муҳофаза қилиш давлат қўмитаси томонидан тасдиқланади.

Ўзбекистон Республикасининг ёввойи ҳолда ўсадиган ўсимликлардан экстракт ва тайёр фармацевтика маҳсулотлари ишлаб чиқарувчи қайта ишлаш ташкилотлари етказиб беришга шартномалар нусхаларини тегишли ҳисобни юритиш учун ёввойи ўсимликлар ғамланадиган (тўпланадиган) ҳудуд бўйича Ўзбекистон Республикаси Табиатни муҳофаза қилиш давлат қўмитасининг ҳудудий бўлинмаларига тақдим этадилар.

10¹. Ўсимлик дунёси объектларидан махсус фойдаланишга рухсатнома олишдан озода этиш шаклида улар бўйича юридик ва жисмоний шахсларга имтиёз берилган ҳолда яланғоч қизилмия ғамланганлиги (тўпланганлиги) учун тўлов Ўзбекистон Республикасининг яланғоч қизилмия илдизидан экстракт ишлаб чиқарувчи, хом ашё шаклида яланғоч қизилмияни етказиб беришга юридик ва жисмоний шахслар билан шартномалар тузган қайта ишлаш ташкилотлари томонидан (рухсатнома олинмасдан) белгиланган тўловларнинг 3 фоизи миқдоридан тўланади.

11. Ўсимлик дунёси объектларидан махсус фойдаланиш тасдиқланган квоталар доирасида амалга оширилади.

Доривор ва озиқ-овқатбоп ўсимликларининг ёввойи турларини ва ёввойи ўсимликлар техник хом ашёсини ғамлашга квоталар ҳар йили Ўзбекистон Республикаси Фанлар академияси билан келишган ҳолда Давлат қўмитаси томонидан тасдиқланади.

Келгуси йил учун доривор ва озиқ-овқатбоп ўсимликларининг ёввойи турларини ва ёввойи ўсимликлар техник хом ашёсини ғамлашга квоталар табиатдан фойдаланувчилар томонидан жорий йилнинг 1 декабридан 30 декабрга қадар бўлган даврда берган буюртманомалари асосида шакллантирилиб, Ўзбекистон Республикаси Фанлар академиясига келишиш учун юборилади. Табиатдан фойдаланувчиларнинг буюртманомаларига асосан 1 апрелдан 30 майга қадар ушбу ўсимлик турлари захираларининг мавжудлиги тўғрисидаги Ўзбекистон Республикаси Фанлар академиясининг ижобий ҳулосасига асосан уларни ғамлаш (тўплаш) учун қўшимча квоталар ажратилиши мумкин.

Пичан ўриш ҳамда табиий пичанзорлар ва яйловларда чорва молларини ўтлатиш меъёрлари ва муддатлари тегишли қишлоқ ҳамда сув, шунингдек ўрмон хўжалиги давлат органларининг тақдимномаси бўйича маҳаллий давлат ҳокимияти органлари томонидан тасдиқланади.

Тасдиқланган квоталар, шунингдек пичан ўриш ва чорва молларини ўтлатиш меъёрлари ҳамда муддатлари табиатни муҳофаза қилиш ҳудудий қўмиталарига, шунингдек ўсимлик дунёси объектларидан фойдаланувчиларга уларнинг буюртманомалари асосида етказилади.

12. Тўлов эвазига ўсимлик дунёсидан махсус фойдаланиш фойдаланувчиларни ёввойи ўсимликлар ва уларнинг ўсиш жойларини муҳофаза қилиш, қайта тиклаш ва биотехник тадбирларни бажаришдан озода этмайди. Муҳофаза этиладиган ҳудудларда ўсимлик дунёсидан фойдаланиш уларда белгиланган режимлар асосида амалга оширилади.

14. Қуриб қолган, табиий зараркунандалар ва касалликлар таъсирида кучли зарарланиб қуриётган дарахт ва буталарни кесиш ҳудудий табиатни муҳофаза қилиш қўмиталари билан келишилган ҳолда, маҳаллий давлат ҳокимияти органларининг қарорига кўра махсус рухсатномасиз амалга оширилади.

15. Дарахтзорлар ва бутазорларнинг қуйидаги тоифалари давлат ўрмон фондига қирмайди:

қишлоқ хўжалигига мўлжалланган ерлар атрофига экилган дарахтлар ва туп-туп дарахтлар, экинзорларнинг ихота дарахтзорлари, шунингдек бошқа дарахтзорлар ва бутазорлар;

давлат захира ерларида жойлашган темир йўл, автомобиль йўллари, каналлар ва бошқа сув объектларининг ажратилган минтақаларидаги ихота дарахтзорлари;

ташкilotлар ва муассасалар ҳудудидаги дарахтлар, шунингдек шаҳарлар ва бошқа аҳоли пунктларидаги кўкаламзорлаштириш учун экилган ўсимликлар;

сувни муҳофаза қилиш ва эрозияга қарши экилган дарахтлар, ўрмон фондида жойлашмаган ўрмон массивлари, шаҳар ичидаги ўрмонлар, шаҳар атрофидаги ва аҳоли яшаш ҳудудларидаги яшил ўрмон ҳудудлари, илмий ва тарихий аҳамиятга эга ўрмонлар, бошқа аҳамиятга эга ўрмонлар, аҳоли яшаш ҳудудларидаги дарахтзор ва бутазорлар, шунингдек бошқа дарахтзор ва бутазорлар.

III. Ўсимлик дунёси объектларидан фойдаланиш соҳасида рухсат бериш тартиб-таомилларидан ўтиш тартиби

Умумий қоидалар

16. Ўсимлик дунёси объектларидан фойдаланиш соҳасида ҳаракатларни бажариш ва (ёки) муайян фаолиятни амалга ошириш учун рухсатнома тегишли ваколатли органлар томонидан мазкур Низомнинг 4-иловасидаги схемага асосан берилади.

17. Ўсимлик дунёси объектларидан фойдаланиш, шу жумладан Ўзбекистон Республикасининг Қизил китобига киритилганлари учун рухсатномалар жорий йил учун белгиланган квоталар доирасида берилади.

Ушбу талаблар Йўқ бўлиб кетиш хавфи остидаги ёввойи фауна ва флора турлари билан халқаро савдо қилиш тўғрисидаги Конвенция (CITES)нинг I, II ва III иловаларига кирувчи ўсимликлар намуналарини олиб кириш ва олиб чиқиб кетишга рухсатномаларга татбиқ этилмайди.

18. Ўсимлик дунёси объектларидан фойдаланиш учун рухсатномалар қуйидаги ваколатли органлар томонидан берилади:

Ўзбекистон Республикаси Табиатни муҳофаза қилиш давлат қўмитаси томонидан:

Ўзбекистон Республикасининг барча ҳудудида Қизил китобга киритилмаган ўсимлик турларини табиий муҳитдан ғамлашга (тўплашга) олиш учун;

Ўзбекистон Республикаси Қизил китобига киритилган камёб ва йўқолиб кетиш хавфи остидаги ўсимлик турларини табиий муҳитдан олиш учун;

ёввойи ўсимликларни, уларнинг қисмларини олиб кириш ва четга олиб чиқиб кетиш учун;

Табиатни муҳофаза қилиш давлат қўмитаси ўрмон фондига кирмайдиган ерларда дарахт ва буталарни кесишни келишади;

Давлат ўрмон фонди ерларида — Ўзбекистон Республикаси Ўрмон хўжалиги давлат қўмитаси томонидан:

Ўрмон фонди ерларида Ўзбекистон Республикаси Қизил китобига киритилмаган ўсимлик турларини табиий муҳитдан ғамлашга (тўплашга) олиш учун;

пичан ўриш учун яроқли ўрмон фонди ерларида пичан ўриш учун;

ўрмон фондининг яйлов ерларида чорва молларини ўтлатиш учун;

Маҳаллий давлат ҳокимияти органлари томонидан:

ўрмон фондига кирмайдиган дарахтлар ва буталарни санитария кесиш мақсадида ёки кесиш учун;

пичан ўриш ва чорва молларини ўтлатиш учун.

19. Табиатни муҳофаза қилиш давлат қўмитаси Қизил китобга киритилган, камёб ва йўқолиб кетиш хавфи остидаги ўсимлик турларини табиий муҳитдан олишни келишиш учун Ўзбекистон Республикаси Вазирлар Маҳкамасига тақдимнома киритади.

Тақдимномага Ўзбекистон Республикаси Фанлар академиясининг хулосаси ва Табиатни муҳофаза қилиш давлат қўмитаси томонидан тасдиқланган квота илова қилинади.

Махсус экин майдонлари (плантация) ва парваришхоналарда етиштирилган ўсимликларни йиғиш (тўплаш) учун рухсатнома талаб этилмайди.

20. Ўзбекистон Республикаси Вазирлар Маҳкамаси киритилган тақдимномани 10 иш куни мобайнида келишади ва уни Табиатни муҳофаза қилиш давлат қўмитасига юборади.

Табиатни муҳофаза қилиш давлат қўмитаси Ўзбекистон Республикаси Вазирлар Маҳкамасининг келишуви асосида тегишли рухсатномаларни расмийлаштиради.

21. Рухсатномаларнинг амал қилиш муддати 31 декабрдан кеч бўлмаган муддатда тугайди.

Йўқ бўлиб кетиш хавфи остидаги ёввойи фауна ва флора турлари билан халқаро савдо қилиш тўғрисидаги Конвенция (CITES)нинг иловаларига киритилган ёввойи ўсимликлар ва уларнинг қисмларини, ўсиш давридаги маҳсуллари, ботаника коллекцияларини Ўзбекистон Республикасига олиб кириш ва ундан олиб чиқиб кетиш учун рухсатномаларнинг амал қилиш муддатлари Конвенция талабларига мувофиқ белгиланади.

22. Ўсимлик дунёси объектларидан махсус фойдаланиш, шу жумладан олиб кириш ва четга олиб чиқиб кетиш учун рухсатномалар белгиланган намунадаги бланкалар асосида берилади, уларда назорат маркалари, ҳисобга олиш рақамлари ва ҳимояланганлик даражалари бўлади.

23. Ўсимлик дунёси объектларидан махсус фойдаланиш учун рухсатномалар мазкур Низомнинг 5 — 12-иловаларига мувофиқ шакллар бўйича берилади.

Рухсат беришга доир талаблар ва шартлар

24. Қуйидагилар ҳаракатларни бажаришда ва (ёки) муайян фаолиятни амалга оширишда ҳаракатларни бажариш ва (ёки) муайян фаолиятни амалга ошириш учун рухсатнома беришга доир талаблар ва шартлар ҳисобланади:

табиатдан фойдаланувчилар томонидан ҳаракатларни бажаришда ва (ёки) муайян фаолиятни амалга оширишда қонун талабларига мажбурий риоя этиш;

табиатдан фойдаланувчи — юридик шахс бўлганда, унинг номи ёки жойлашган ери (почта манзили) ўзгарган тақдирда, табиатдан фойдаланувчи — жисмоний шахс бўлганда, унга давлат рўйхатидан ўтказилганлиги ҳақида берилган гувоҳномада кўрсатилган фамилияси, исми, отасининг исми ёки фаолият кўрсатадиган жойи ўзгарган тақдирда қайта рўйхатдан ўтгандан кейин 7 иш куни мобайнида ваколатли органларни хабардор қилиш;

ўсимликларни тайёрлаш ишлари жадал суръатларда олиб борилаётган хўжаликлар ва ҳудудларда ўсимликларнинг ўсиш жойларини сақлаб қолиш учун биотехник ҳамда қайта тиклаш тадбирларини, шу жумладан фойдаланиш жараёни натижасида бузилган ўсимлик ва тупроқ қопламини рекультивация қилишни экологик, санитария ва гигиена, бошқа меъёр ва қоидаларга қатъий риоя этиш бўйича ваколатли орган томонидан тасдиқланган ҳукукий ҳужжатлар талабларини амалга ошириш;

рухсатномаларда кўрсатилган доирада ҳаракатларни бажариш ва (ёки) муайян фаолиятни амал ошириш;

олинган рухсатноманинг амал қилиш муддати тугангандан сўнг, 10 иш куни давомида қисқа ҳисобот билан уни берган органга қайтариш (ўсимлик дунёси объектларининг ғамланган ҳажми, вақти ва тўплаш жойи);

рухсатномада кўрсатилган талабларга риоя қилиш;

рухсатномага ўз ихтиёри билан қандайдир тузатишлар ва қўшимчаларни киритишни тақиқлаш;

рухсатномани олишга аризани кўриб чиқиш ва рухсатномани бериш учун тўлов.

Ўсимлик дунёси объектларидан фойдаланиш юзасидан давлат назоратини амалга ошириш мақсадида ёввойи ўсимликларни ғамлаш (тўплаш) учун рухсатнома фақат аризачига ёки унинг ишончли вакилига, бошқа шахсларга бермаслик ҳукуқи билан берилади.

Рухсатнома талабларига риоя қилган, ёввойи ўсимликларни муҳофаза қилиш ва қайта тиклаш тадбирларини амалга оширган, ўсимлик маҳсулотлари захирасини аниқлаш мақсадида тадқиқот ўтказган юридик ва жисмоний шахслар тенг шароитларда ёввойи ўсимлик турларини ғамлаш ва тўплашга рухсатномалар олишда устувор ҳуқуқлардан фойдаланадилар.

25. Рухсатнома олган шахс фойдаланиш учун уни бошқа шахсга бериш ҳуқуқига эга эмас, рухсатнома корхона раҳбари номига берилган ҳолатлар бундан мустасно.

Амал қилиш муддати тугаган ўсимликларни ғамлаш (тўплаш) учун берилган рухсатномалар фойдаланиб бўлингандан сўнг ҳудудий табиатни муҳофаза қилиш органларига қайтарилади (10 иш куни давомида).

26. Ўсимлик дунёси объектларини олганлиги учун тўлов ариза ваколатли органда рўйхатдан ўтказилган кундан бошлаб, амалдаги қонунчилик асосида 15 иш куни давомида ундирилади.

27. Ўсимлик дунёси объектларини олиб кириш ва четга олиб чиқиб кетиш учун берилган рухсатномалар фойдаланилмаган ёки қисман фойдаланилган бўлса, божхона органларининг қўйилган белгиси билан олинган жойига қайтарилади. Табиатдан фойдаланувчининг аризасига кўра, четга олиб чиқилмаган (олиб кирилмаган) ўсимлик дунёси объектларининг миқдори учун янги рухсатнома берилиши мумкин. Агар аввал берилган рухсатнома энг кам ойлик иш ҳақи миқдори ўзгаргунгача расмийлаштирилган бўлса, бундай ҳолларда нархлардаги тафовут қўшимча равишда тўланади.

28. Четга олиб чиқиладиган ўсимлик дунёси объектларининг божхона расмийлаштируви Табиатни муҳофаза қилиш давлат қўмитаси томонидан берилган рухсатнома асосида амалга оширилади, ушбу объектлар давлат чегарасидан олиб ўтиладиганда божхона органлари томонидан тегишли белги қўйилади.

29. Ўсимлик дунёси объектларини Ўзбекистон Республикаси ҳудудидан ташқарига олиб чиқиш учун тўловлар миқдорларини ҳисоблаш мазкур Низомнинг 13-иловасига мувофиқ амалга оширилади.

Рухсат этиш хусусиятига эга ҳужжатларни олиш тартиби

31. Ўзбекистон Республикаси Қизил китобига киритилган камёб ва йўқолиб кетиш хавфи остидаги ўсимлик турларини табиий муҳитдан олишга рухсатномалар, Ўзбекистон Республикаси Вазирлар Маҳкамасининг розилигига биноан Табиатни муҳофаза қилиш давлат қўмитаси томонидан, табиатдан фойдаланувчиларнинг аризасида қуйидагилар кўрсатилган ҳолда берилади:

юридик шахснинг номи, унинг реквизитлари, СТИР, раҳбарнинг исми, фамилияси;

жисмоний шахснинг маълумотлари — фамилияси, исми, отасининг исми, СТИР, яшаш манзили, (телефон рақами) ва паспортдан нусха;

ўсимлик тури, унинг ғамланадиган қисмларини — барглари, илдизлари, мевалари, шарбати ва бошқаларни кўрсатган ҳолда;

ғамлаш ёки тўплаш усули;

ғамлаш ҳудуди (вилоят, туман);

ғамлаш ёки тўплаш ҳажми (кг, тн, дона, кубометр);

ғамлаш (тўплаш) муддатлари.

Табиатдан фойдаланувчининг Ўзбекистон Республикаси Қизил китобига киритилган камёб ва йўқолиб кетиш хавфи остидаги ўсимлик турларини табиий муҳитдан тўплашга рухсатнома олиш учун аризасида ўсимлик турларини ғамлаш (тўплаш), олиш назарда тутиладиган ҳудудларнинг ер эгалари, ердан фойдаланувчилар ёки маҳаллий давлат ҳокимияти органларининг розилиги кўрсатилган бўлиши шарт.

32. Ёввойи ўсимликлар, уларнинг қисмларини олиб кириш ва четга олиб чиқишга рухсатнома Табиатни муҳофаза қилиш давлат қўмитаси томонидан, табиатдан фойдаланувчиларнинг аризасида қуйидагилар кўрсатилган ҳолда берилади:

юридик шахснинг номи, унинг реквизитлари, СТИР, раҳбарнинг исми, фамилияси;

жисмоний шахснинг маълумотлари — фамилияси, исми, отасининг исми, СТИР, яшаш манзили, (телефон рақами) ва паспортидан нусха;

турлар бўйича четга олиб чиқиладиган ёки олиб кириладиган ўсимликларнинг, уларнинг қисмлари, мевалари, уруғлари ва ботаника коллекциялари миқдори ва сони. Ботаника коллекцияларини четга олиб чиқишда экспонатлар ҳар бир нусхасининг сони кўрсатилади;

четга олиб чиқиш (мамлакат, шаҳар) ёки олиб кириш жойи;

олиб чиқиш учун асос — ёввойи ўсимликнинг қонуний сотиб олинганлигини тасдиқловчи ҳужжат (ёввойи ўсимликларни қонуний ғамлаш (тўплаш) олишга рухсатноманинг тартиб рақами);

33. Сунъий шароитда (махсус экин майдонларида (плантацияларда, парваришхоналарда) ўстирилган ўсимликларнинг маҳсулотларини четга олиб чиқиш учун қуйидагиларни кўрсатган ҳолда ариза берилади:

юридик шахснинг номи, унинг реквизитлари, СТИР, раҳбарнинг исми, фамилияси;

жисмоний шахснинг маълумотлари — фамилияси, исми, отасининг исми, СТИР, яшаш манзили, (телефон рақами) ва паспортидан нусха;

олиб чиқиладиган ўсимликлар, уларнинг қисмлари, мевалари, уруғлари миқдори.

Аризага қуйидаги ҳужжатлар илова қилинади:

маҳаллий давлат ҳокимияти органларининг ер майдонини ажратиш тўғрисидаги қарори ёки ер майдонини ижарага бериш шартномаси;

ёввойи ўсимликлар захирасининг ҳолати тўғрисида илмий-тадқиқот ташкилотлари ва таълим муассасалари биолог мутахассисларининг хулосаси.

36. Пичан ўриш ва чорва молларини ўтлатиш учун рухсатномалар Ўзбекистон Республикаси Ўрмон хўжалиги давлат қўмитаси (давлат ўрмон хўжалиги органлари томонидан — ўрмон фонди ерларида), маҳаллий давлат ҳокимияти органлари (захира ерларда) томонидан, қуйидагилар кўрсатилган ҳолда берилади:

юридик шахснинг номи, унинг реквизитлари, СТИР, раҳбарнинг исми, фамилияси;

жисмоний шахснинг маълумотлари — фамилияси, исми, отасининг исми, СТИР, яшаш манзили, (телефон рақами) ва паспортидан нусха;

фойдаланиш тури (пичан ўриш ёки чорва молларини ўтлатиш);

пичан ўриш миқдори ҳажмлари (кг, тонна, кубометр), отлар, эшаклар сони қорамоллар (чорва моллари) ўтлатилганда — уларнинг тахминий ёши) ва фойдаланиш муддати;

Рухсатнома аризачига дафтарга ёки рухсатнома нусхасига имзо қўйилгандан сўнг берилади.

37. Рухсат этиш хусусиятига эга ҳужжатни олиш учун зарур бўлган ҳужжатлар тадбиркорлик субъекти томонидан ваколатли органга бевосита, почта алоқа воситалари орқали ёки электрон шаклда, улар олинганлиги ҳақида хабардор қилинган ҳолда тақдим этилади. Электрон шаклда тақдим этилган ҳужжатлар тадбиркорлик субъектининг электрон рақамли имзоси билан тасдиқланади.

38. Рухсат этиш хусусиятига эга ҳужжатни олиш учун тегишли ваколатли органга тақдим этилган ҳужжатлар рўйхат ёки ариза нусхаси бўйича қабул қилинади, рўйхат мазкур орган томонидан ҳужжатлар қабул қилинган сана тўғрисида белги қўйилган ҳолда дарҳол табиатдан фойдаланувчига берилади.

Аризани кўриб чиқиш ва рухсатномани бериш ёки беришни рад этиш тўғрисида қарорни қабул қилиш

39. Ариза ҳужжатлар қабул қилинган санадан бошлаб 15 иш кунидан ортиқ бўлмаган муддатда кўриб чиқилади.

40. Ўсимлик дунёси объектларини ғамлашга (тўплашга) рухсатнома бериш тўғрисидаги ариза кўриб чиқилганлиги ва рухсатнома берилганлиги учун ҳар гал Ўзбекистон Республикаси фуқаролари — жисмоний шахслардан энг кам ойлик иш ҳақининг 0,1 коэффиценти миқдорида, табиатдан фойдаланувчилар — юридик шахслардан 0,2 коэффиценти миқдорида ва хорижий фуқаролардан — 10 АҚШ доллари миқдорида йиғим ундирилади.

Ариза кўриб чиқилганлиги учун тўланган йиғим суммаси қайтарилмайди.

41. Ёввойи ўсимликлар, уларнинг қисмларини олиб кириш ва четга олиб чиқишга рухсатнома бериш учун аризаларни кўриб чиқишда ҳар гал:

Ўзбекистон Республикаси фуқаролари — жисмоний шахслардан энг кам ойлик иш ҳақининг 0,1 коэффиценти миқдорида;

табиатдан фойдаланувчилардан — юридик шахслардан энг кам ойлик иш ҳақининг 0,2 коэффиценти миқдорида;

хорижий фуқаролардан — CITES рухсатномалари учун 50 АҚШ доллари ва бошқа рухсатнома учун — 10 АҚШ доллари миқдорида йиғим ундирилади.

Ариза кўриб чиқилганлиги учун тўланган йиғим суммаси қайтарилмайди.

42. Рухсатнома берганлик учун йиғим суммаси «Биоинспекция»нинг махсус ҳисоб рақамига ёки Ўзбекистон Республикаси Ўрмон хўжалиги давлат қўмитасининг Ўрмон хўжалигини ривожлантириш жамғармасининг ғазначилик шахсий ҳисоб рақамига ўтказилади.

43. Ваколатли орган табиатдан фойдаланувчига рухсатнома бериш учун, бошқа ваколатли органлар томонидан бериладиган қўшимча ҳужжатлар олиши талаб қилинадиган ҳолларда, рухсатнома бериш соддалаштирилган тартибда «бир дарча» орқали амалга оширилади, бунда ваколатли орган мазкур ҳужжатларни табиатдан фойдаланувчининг иштирокисиз мустақил равишда олади.

44. Ўзбекистон Республикаси Қизил китобига киритилган ёввойи ўсимликлар ҳажмларини аниқлаш юзасидан Ўзбекистон Республикаси Фанлар академиясининг хулосасини олиш зарур бўлган тақдирда Табиатни муҳофаза қилиш давлат қўмитаси Фанлар академиясига қуйидагилар кўрсатилган ҳолдаги хат билан мурожаат қилади:

ўсимлик тури;

хулоса олишдан мақсад;

ғамлаш (тўплаш) ҳудуди (жойи) .

45. Ўзбекистон Республикаси Фанлар академияси томонидан хатни кўриб чиқиш муддати — ҳужжат қабул қилинган кундан бошлаб кўпи билан 5 иш кун.

46. Фанлар академиясидан ижобий жавоб олинган тақдирда рухсатнома бериш масаласини келишишни сўраб Табиатни муҳофаза қилиш давлат қўмитаси Ўзбекистон Республикаси Вазирлар Маҳкамасига Фанлар академиясининг хулосасини илова қилган ҳолда мурожаат қилади.

Вазирлар Маҳкамасининг розилиги олинган тақдирда Табиатни муҳофаза қилиш давлат қўмитаси табиатдан фойдаланувчига ўсимликни ғамлаш (тўплаш) учун тўлов тўлагандан сўнг рухсатнома беради.

47. Ваколатли орган қарор қабул қилиш учун табиатдан фойдаланувчилар томонидан ҳаракатларни бажариш ва (ёки) муайян фаолиятни амалга ошириш имкониятини аниқлаш учун зарур бўлса, мустақил равишда ёки учинчи шахсларни жалб этган ҳолда тадқиқлар, текширишлар ёки бошқа илмий ва техник баҳолашлар ўтказиш ҳуқуқига эга. Бунда кўриб чиқиш муддати 30 кунгача узайтирилади.

48. Ваколатли орган тегишли қарор қабул қилинган кундан бошлаб бир иш кунидан кечиктирмай табиатдан фойдаланувчиларга рухсатнома беради (юборади) ёки рухсатнома бериш рад этилганлиги тўғрисида уларни ёзма шаклда хабардор қилади.

49. Рухсатнома бериш қуйидаги асослар бўйича рад этилиши мумкин:

рухсатнома берилиши учун зарур бўлган ҳужжатларнинг табиатдан фойдаланувчи томонидан тўлиқ бўлмаган ҳажмда тақдим этилганлиги;

табиатдан фойдаланувчининг рухсат беришга доир талаблар ва шартларга мувофиқ эмаслиги;

табиатдан фойдаланувчи томонидан тақдим этилган ҳужжатларда нотўғри ёки бузиб кўрсатилган маълумотларнинг мавжудлиги;

ўсимлик дунёси объектларини ғамлаш, уларни ушлаб туриш (сақлаш), транспортда ташишни ўрганишлар, тадқиқлар, текширишлар ёки бошқа илмий ва техник баҳолашларнинг якунлари бўйича асослантирилган салбий ҳулоса олинганлиги.

50. Рухсатнома беришни рад этиш тўғрисида қарор қабул қилинган тақдирда рад этиш ҳақидаги хабарнома табиатдан фойдаланувчига ёзма шаклда, рад этиш сабаблари, қонун ҳужжатларининг аниқ меъёрлари ва табиатдан фойдаланувчи кўрсатилган сабабларни бартараф этиб, такроран кўриб чиқиш учун ҳужжатларни тақдим этиши мумкин бўлган муддат кўрсатилган ҳолда юборилади (топширилади).

Табиатдан фойдаланувчи рад этиш сабабларини бартараф этиб ва ҳужжатларни такроран кўриб чиқиш учун тақдим этиши мумкин бўлган муддат рухсатномани бериш рад этилганлиги ҳақидаги хабарнома олинган кундан эътиборан ўн иш кунидан кам бўлмаслиги керак.

51. Табиатдан фойдаланувчи рухсатномани беришнинг рад этилиши учун асос бўлган сабабларни белгиланган муддатда бартараф этган тақдирда, ҳужжатларни такроран кўриб чиқиш, рухсатномани бериш ёки уни беришни рад этиш табиатдан фойдаланувчининг рад этиш сабаблари бартараф этилганлиги тўғрисидаги аризаси ва рад этиш сабаблари бартараф этилганлигини тасдиқловчи тегишли ҳужжатлар олинган кундан эътиборан ўн иш кунидан кўп бўлмаган муддатда ваколатли орган томонидан амалга оширилади. Ариза такроран кўриб чиқилганлиги учун йиғим ундирилмайди.

52. Аризани такроран кўриб чиқишда ваколатли орган томонидан ариза берувчига илгари ёзма шаклда баён қилинмаган рад этиш сабабларини ваколатли орган томонидан келтирилишига йўл қўйилмайди, илгари кўрсатилган сабаблар бартараф этилганлигини тасдиқловчи ҳужжатлар билан боғлиқ рад этиш сабабларининг келтирилиши бундан мустасно.

53. Рухсатномани бериш рад этилганлиги ҳақидаги ёзма хабарномада кўрсатилган муддат ўтгандан кейин табиатдан фойдаланувчи томонидан берилган ариза янгидан берилган ҳисобланади ва ваколатли орган томонидан умумий асосларда кўриб чиқилади.

54. Табиатдан фойдаланувчи рухсатномани бериш рад этилганлиги, шунингдек ваколатли орган мансабдор шахсининг ҳаракати (ҳаракатсизлиги) юзасидан белгиланган тартибда шикоят қилиш ҳуқуқига эга.

Рухсатномаларни қайта расмийлаштириш ва уларнинг дубликатларини бериш

55. Табиатдан фойдаланувчи — юридик шахс қайта ташкил этилган унинг номи ёки жойлашган жойи (почта манзили) ўзгарган тақдирда табиатдан фойдаланувчи ёхуд унинг ҳуқуқий вориси қайта рўйхатдан ўтгандан кейин 7 иш куни мобайнида ваколатли органга рухсатномани қайта расмийлаштириш тўғрисидаги аризани кўрсатилган маълумотларни тасдиқловчи ҳужжатларни илова қилган ҳолда топшириши шарт.

56. Табиатдан фойдаланувчи — жисмоний шахснинг унга давлат рўйхатидан ўтказилганлиги тўғрисида берилган гувоҳномада кўрсатилган фамилияси, исми, отасининг исми ёки фаолият кўрсатадиган жойи ўзгарган тақдирда табиатдан

фойдаланувчи қайта рўйхатдан ўтгандан кейин 7 иш куни мобайнида ваколатли органга рухсатномани қайта расмийлаштириш тўғрисидаги аризани кўрсатилган маълумотларни тасдиқловчи ҳужжатларни илова қилган ҳолда топшириши шарт.

57. Ҳужжатлар табиатдан фойдаланувчи томонидан ваколатли органга бевосита, почта алоқа воситалари орқали ёки электрон шаклда, уларнинг олинганлиги ҳақида хабардор қилган ҳолда тақдим этилади. Электрон шаклда тақдим этилган ҳужжатлар табиатдан фойдаланувчининг электрон рақамли имзоси билан тасдиқланади.

58. Рухсат этиш хусусиятига эга ҳужжат қайта расмийлаштирилгунга қадар рухсатномани қайта расмийлаштириш тўғрисида ариза берган табиатдан фойдаланувчи ёки унинг ҳуқуқий вориси (меросхўри) рухсатномани қайта расмийлаштириш тўғрисида берилган, қабул қилиб олинган санаси ҳақида ваколатли органнинг белгиси қўйилган ариза асосида, унда кўрсатилган ҳаракатни ва (ёки) фаолиятни бажаради ёки амалга оширади.

59. Рухсатнома қайта расмийлаштирилганда ваколатли орган берилган рухсатномалар реестрига тегишли ўзгартишларни киритади. Рухсатномани қайта расмийлаштириш ва бериш рухсатномани қайта расмийлаштириш тўғрисидаги ариза тегишли ҳужжатлар илова қилинган ҳолда ваколатли орган томонидан олинган кундан бошлаб беш иш кунидан кўп бўлмаган муддатда амалга оширилади.

60. Рухсатномани қайта расмийлаштирилганлик учун табиатдан фойдаланувчининг рухсатномани бериш тўғрисидаги аризаси ваколатли орган томонидан кўриб чиқилганлиги учун қайта расмийлаштириш тўғрисида ариза топширилган санада тўланадиган сумманинг 50 фоизи миқдорида йиғим ундирилади. Йиғим суммаси рухсатнома берувчи ваколатли органларнинг ҳисоб рақамига ўтказилади.

Олинган маблағлар моддий-техник таъминот ва табиатни муҳофаза қилиш мақсадларига сарфланади.

61. Ваколатли органга рухсатноманинг амал қилиш муддатини узайтириш учун ариза унинг амал қилиш муддати тугагунга қадар топширилган бўлиши керак. Рухсатноманинг амал қилиш муддатини узайтириш, фойдаланилмаганлик ҳолатининг асосланган сабаблари кўрсатилганда, рухсат бериш тартиб-таомилларидан ўтиш тартибида амалга оширилади.

62. Рухсатнома йўқолган ёки яроқсиз ҳолга келган тақдирда табиатдан фойдаланувчининг аризасига кўра унинг дубликати берилади.

63. Ваколатли орган ариза, шунингдек ҳужжат яроқсиз ҳолга келган тақдирда, рухсатноманинг асл нусхаси ҳамда рухсатноманинг дубликати берилганлиги учун табиатдан фойдаланувчи томонидан йиғим тўланганлигини тасдиқловчи ҳужжат олинган кундан эътиборан 5 иш кунидан кўп бўлмаган муддатда рухсатноманинг дубликатини бериши (юбориши) шарт.

Рухсатноманинг дубликати берилганлиги учун табиатдан фойдаланувчининг рухсатномани бериш тўғрисидаги аризаси ваколатли орган томонидан кўриб чиқилганлиги учун, дубликатни бериш ҳақидаги ариза топширилган санада тўланадиган сумманинг 50 фоизи миқдорида йиғим ундирилади. Йиғим суммаси ваколатли органларнинг ҳисоб рақамига ўтказилади.

Рухсатноманинг амал қилишини тўхтатиб туриш, тўхтатиш ва уни бекор қилиш

64. Рухсатноманинг амал қилишини тўхтатиб туриш ва тўхтатиш, уни бекор қилиш «Тадбиркорлик фаолияти соҳасидаги рухсат бериш тартиб-таомиллари тўғрисида»ги Ўзбекистон Республикаси Қонунининг 22, 23 ва 25-моддаларида назарда тутилган ҳолларда ва тартибда амалга оширилади.

65. Қуйидагилар рухсат беришга доир талаблар ва шартларни бир маротаба кўпол равишда бузганлик учун рухсатноманинг амал қилишини белгиланган тартибда тўхтатишга асос бўлади:

ваколатли органнинг рухсат беришга доир талаблар ва шартларнинг бажарилишини белгиланган тартибда текширишидан бош тортиш;

рухсатнома бериш натижасида ҳаракатларни бажариш ва (ёки) муайян фаолиятни амалга ошириш фуқароларнинг ҳаёти ва соғлиғига ёки ўсимлик дунёси объектларига ҳақиқатда хавф солишга олиб келса, рухсатномада кўрсатилган уларнинг ўсиш муҳитидан ташқари (ғамлаш, тўплаш ва бошқа) ҳаракатлардан ташқари;

табиатни муҳофаза қилиш қонунчилиқ меъёрларининг ва рухсатнома талабларининг бузилиши;

рухсатнома олиш учун қалбаки ҳужжатларнинг тақдим этилганлиги ёки ўсимликларни тўплаш ва сақлаш шароитларининг мавжуд эмаслиги.

Берилган рухсатномалар реестри

66. Ваколатли органлар берилган рухсатномаларнинг реестрини юритади ва уни ўз расмий веб — сайтларига жойлаштиради.

67. Берилган рухсатномалар реестрида табиатдан фойдаланувчилар тўғрисида қуйидаги маълумотлар кўрсатилади:

табиатдан фойдаланувчи — юридик шахсларнинг номи, унинг ташкилий-ҳуқуқий шакли;

табиатдан фойдаланувчи — жисмоний шахсларнинг фамилияси, исми, отасининг исми;

рухсатноманинг берилган санаси ва тартиб рақами;

рухсатноманинг амал қилиш муддати;

рухсатномани қайта расмийлаштириш, унинг амал қилишини тўхтатиб туриш ва тиклаш асослари ва санаси;

рухсатноманинг амал қилишини тўхтатиш асослари ва санаси;

рухсатномани бекор қилиш асослари ва санаси;

рухсатнома дубликатини бериш асослари ва санаси.

68. Берилган рухсатномалар реестридаги мавжуд маълумотлар юридик ва жисмоний шахсларнинг танишиши учун очиқ ҳисобланади.

IV. Ўсимлик дунёси объектларидан фойдаланилишини назорат қилиш тартиби

69. Ўсимлик дунёси объектларини муҳофаза қилиш, улардан фойдаланиш ва уларни кўпайтириш юзасидан давлат назорати қонун ҳужжатларида белгиланган тартибда, маҳаллий давлат ҳокимияти органлари ва Табиатни муҳофаза қилиш давлат қўмитаси органлари томонидан амалга оширилади.

70. Ўсимлик дунёси объектларини муҳофаза қилиш, улардан фойдаланиш ва уларни кўпайтириш юзасидан идоравий назорат ёввойи ўсимликлар ўсадиган ҳудуд қарашли бўлган органлар: давлат ўрмон фондида — Ўзбекистон Республикаси Ўрмон хўжалиги давлат қўмитаси томонидан; ўз ҳудудларида — ер эгалари ва ердан фойдаланувчилар томонидан амалга оширилади.

71. Ўсимлик дунёси объектларини муҳофаза қилиш, улардан фойдаланиш ва уларни кўпайтириш юзасидан жамоатчилик назорати жамоат бирлашмалари, бошқа нодавлат нотижорат ташкилотлари ва фуқаролар томонидан амалга оширилади.

72. Давлат назорати органлари томонидан фойдаланувчиларнинг белгиланган муддатларга, меъёрларга ҳамда ўсимлик дунёси объектларидан фойдаланиш, уларни муҳофаза қилиш ва кўпайтиришнинг бошқа қоидаларига риоя этилиши текширилади.

73. Табиатни муҳофаза қилиш давлат инспекторлари қуйидаги ҳуқуқларга эга:

ўсимлик дунёси объектларини муҳофаза қилиш ва улардан фойдаланиш меъёрлари ва талаблари бузилишини аниқлаш мақсадида ёввойи ўсимликлар кўпайтириладиган ҳудудни қаршиликсиз бориб кўриш;

ўсимлик дунёси объектларидан фойдаланиш ҳуқуқини берадиган ҳужжатларни текшириш, ўсимлик дунёси объектларининг тайёрланган маҳсулотларини, ўрмончи ва егерлар қоровулхонасини, муҳофаза қилинадиган табиий ҳудудларнинг қоровулхоналарини, омборлар ва бошқа иморатларни текшириш, шунингдек транспорт воситаларининг барча турларини кўздан кечириш ва тўхтатиб туриш;

ўсимлик дунёсининг тайёрланган объектлари билан боғлиқ шахслардан ўсимлик дунёси объектларидан фойдаланиш учун берилган ҳужжатларни кўрсатишни, улар томонидан ўсимлик дунёсини муҳофаза қилиш ва ундан фойдаланиш тўғрисидаги қонун ҳужжатларининг бузилиши сабабли ёзма тушунтиришлар берилишини талаб этиш;

мазкур Низом, ўсимлик дунёсини муҳофаза қилиш ва ундан фойдаланиш қоидалари, меъёрлари, муддатлари ва бошқа талаблари бузилишини бартараф этиш тўғрисида ўсимлик дунёси объектларидан барча фойдаланувчиларнинг бажариши мажбурий бўлган кўрсатмаларни бериш;

мазкур Низом ва ўсимлик дунёсини муҳофаза қилиш ва ундан фойдаланиш бўйича қонун ҳужжатларида белгиланган бошқа талаблар бузилган ҳолда амалга оширилаётган ўсимлик дунёси объектларидан фойдаланиш ҳуқуқини берувчи ҳужжатларни олиб қўйиш, шунингдек ноқонуний тайёрланган маҳсулотларни белгиланган тартибда олиб қўйиш ҳамда тайёрлов ва савдо ташкилотларига бериш;

ўтказилган текшириш тўғрисида далолатномалар ва маъмурий қонунбузарликлар тўғрисида баённомалар тузиш;

ўсимлик дунёсини муҳофаза қилиш ва уларни кўпайтириш бўйича фойдаланувчилар томонидан амалга оширилаётган чора-тадбирларни назорат қилиш;

«Ўсимлик дунёсини муҳофаза қилиш ва ундан фойдаланиш тўғрисида»ги Ўзбекистон Республикаси Қонуни, мазкур Низом ҳамда ўсимлик дунёсини муҳофаза қилиш ва ундан фойдаланиш бўйича бошқа қонун ҳужжатлари талаблари бузилган ҳолда амалга оширилаётган ишларни тўхтатиб қўйиш;

ўсимлик дунёсини муҳофаза қилиш ва ундан фойдаланиш тўғрисидаги қонун ҳужжатларини бузганларни белгиланган тартибда жавобгарликка тортиш ва қонун бузилиши тўғрисидаги материалларни тегишли органларга юбориш;

хизмат юзасидан берилган ўқ отиш қуролини ва унинг ўқ-дориларини белгиланган тартибда олиб юриш.

74. Табиатни муҳофаза қилиш давлат инспекторлари юридик ва жисмоний шахсларнинг ҳуқуқларига риоя қилишга ва ўз фаолиятини берилган ваколатлар доирасида амалга оширишга мажбур.

75. Рухсатномасиз ёки қонун ҳужжатларида белгиланган тартиблар ва меъёрлар (квоталар) бузилган ҳолда тайёрланган ўсимлик дунёси объектлари қонунни бузувчилардан олиб қўйилади, кўрсатиб ўтилган қонун бузилишида айбдор бўлган шахслар эса ўсимлик дунёсига етказилган зарар учун жавобгар бўладилар ва зарарни ундириш миқдорларини ҳисоблаш учун коэффицентларни ҳисобга олган ҳолда, мазкур Низомнинг 14 — 19-иловаларига мувофиқ ўсимлик дунёсига етказилган зарарни қоплаши шарт.

Ғамлашга (тўплашга) тўловлар бўйича имтиёзлар берилган ҳолда ғамланган (тўпланган) яланғоч қизилмиядан бошқа мақсадларда фойдаланилган тақдирда, имтиёзлар берилиши муносабати билан тўланмаган тўловлар суммаси ўсимлик дунёсига етказилган зарар қопланган ҳолда ушбу банднинг биринчи хатбошига мувофиқ ундирилади.

76. Ўзбекистон Республикаси ҳудудида рухсатномасиз ноқонуний равишда йиғилган, тайёрланган, шунингдек қонун ҳужжатлари бузилган ҳолда ташиш, сотиш,

унинг ҳудудидан олиб чиқишга уриниш вақтида ушланган ёки олиб қўйилган ўсимлик дунёси объектлари ҳамда уларнинг қисмлари қонунни бузувчилардан олиб қўйилади ва:

агар қонун бузилиши ва олиб қўйиш давлат ўрмон фонди ерлари бошқарувида бўлган ўрмон қўриқчилиги томонидан амалга оширилган бўлса — табиатни муҳофаза қилиш органига ёки ўрмон хўжалиги органига,

ёввойи ўсимликлар маҳсулотлари ноқонуний ғамланган ҳуқуқбузарлик ҳолатлари табиатни муҳофаза қилиш давлат инспекторлари томонидан аниқланганда ва олиб қўйилганда — маҳсулотлар табиатни муҳофаза қилиш органларига топширилади.

77. Олиб қўйилган ёввойи ўсимликлардан, шунингдек уларнинг қисмларидан, ўсиш давридаги маҳсулларидан қуйидаги тарзда фойдаланилади:

тирик ўсимликлар Фанлар академиясининг Ўсимлик ва ҳайвонот олами генофонди институтига сақлаш ва келгусида фойдаланиш учун ёки уларни сотиш ҳуқуқига эга бўлган савдо ташкилотларига шартномавий нархлар бўйича сотиш учун берилади;

жонсиз ўсимликлар ва уларнинг қисмлари қонун ҳужжатларида белгиланган тартибда, сотиш ҳуқуқига эга бўлган савдо ташкилотларига шартномавий нархлар бўйича сотиш учун берилади.

Товарни олиб қўйишдан бошлаб у топширилгунгача бўлган барча тартиботлар учун харажатлар товар эгаси томонидан тўланади.

78. Фойдаланувчилар томонидан қонунчилик талаблари бузилган тақдирда ўсимлик дунёси объектларидан фойдаланиш ҳуқуқи тўхтатиб турилиши ёки тўхтатилиши мумкин. Табиий ўсимлик гуруҳларида қайта тиклаб бўлмайдиган ўзгаришлар хавфи пайдо бўлган тақдирда ўсимлик дунёси объектларидан фойдаланиш ҳуқуқи тўхтатилади.

79. Ўсимлик дунёсини муҳофаза қилиш ва ундан фойдаланиш тўғрисидаги қонун ҳужжатлари бузилишида айбдор бўлган шахслар белгиланган тартибда интизомий, маъмурий ва жиноий жавобгарликка тортиладилар.

Юридик ва жисмоний шахслар ўсимлик дунёсини муҳофаза қилиш ва ундан фойдаланиш тўғрисидаги қонун ҳужжатларини бузиш оқибатида етказилган зарарни қонун ҳужжатларида белгиланган тартибда ва шартларда қоплаши шарт. Зарарни қоплаш айбдорларни қонун ҳужжатларига мувофиқ жавобгарликдан озод қилмайди.

3.8. Ветеринария фаолиятини амалга ошириш учун лицензия бериш бўйича давлат хизмати

Ветеринария фаолиятини лицензиялаш бўйича давлат хизматларини кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

(Ўзбекистон Республикаси Президентининг Давлат маслаҳатчиси

Т.А.Худайбергенов томонидан 2018 йил 30 майда тасдиқланган)

Мазкур Вақтинчалик маъмурий регламент юридик шахслар ва яқка тартибдаги тадбиркорларга (бундан буён матнда талабгорлар деб юритилади) ветеринария фаолиятини амалга ошириш ҳуқуқини берувчи лицензия бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Давлат ветеринария қўмитаси ва унинг ҳудудий бошқармалари (бундан буён матнда лицензияловчи орган деб юритилади) томонидан кўрсатилади.

2. Давлат хизматлари марказлари ва лицензияловчи орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгор давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон равишда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг тегишли иловасига мувофиқ шаклдаги анкетани электрон равишда тўлдиради.

5. Яқка тартибдаги тадбиркорларнинг анкетасига тегишли фаолият йўналишини амалга ошириш учун олий маълумотли ветеринар мутахассислик дипломи ёки унинг кўчирмасидан нусха илова қилинади.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгор электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат

хизматларини кўрсатиш учун йиғимнинг тўланмаганлиги давлат хизматларини кўрсатишни рад этиш учун асос ҳисобланади. Давлат хизматларини кўрсатишни бошқа асослар бўйича рад этиш тақиқланади.

10. Талабгор давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда амалга оширилган йиғим қайтарилмайди.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида лицензияловчи органга электрон шаклда юборилади. ЯИДХП орқали мурожаат қилинганда эса, анкета автоматик тарзда лицензияловчи органга юборилади.

12. Лицензияловчи органга анкета тушган кундан бошлаб 15 иш куни ичида талабгорга лицензияни бериш ҳақида қарор қабул қилади ёки аниқ асосларини ва қонун ҳужжатлари нормаларини кўрсатган ҳолда лицензияни беришни рад этади.

13. Лицензияловчи орган лицензияни бериш ҳақида қарор қабул қилганидан сўнг, 1 иш куни ичида лицензия бериш учун давлат божи суммаси ва уни тўлаш муддатини кўрсатган ҳолда хабарномани расмийлаштириб, лицензияловчи орган масъул ходимининг электрон рақамли имзоси билан тегишли Давлат хизматлари марказига (ўзи келиб мурожаат этган тақдирда) ёки талабгорга (электрон равишда мурожаат этган тақдирда) ЯИДХП орқали электрон равишда юборади.

Лицензияловчи орган хабарнома билан бирга Давлат хизматлари марказига QR-код (матрик штрихли код) қўйилган лицензияни юборади.

Давлат хизматлари маркази хабарнома тушганидан сўнг бу ҳақида талабгорни ахборот-коммуникация тизими орқали хабардор қилади.

14. Талабгор хабарнома олинган кундан бошлаб 3 ой ичида энг кам ойлик иш ҳақининг ўн баравари миқдорида давлат божи тўловини ахборот-коммуникация тизимлари орқали амалга оширади.

Тўланган давлат божи суммаси қонун ҳужжатларида белгиланган тартибда тақсимланади.

15. Талабгор лицензияни олиш учун давлат божи тўлангандан сўнг:

Давлат хизматлари маркази томонидан талабгорга 20 дақиқа ичида (ўзи келиб мурожаат этган тақдирда) унинг электрон манзилига QR-код (матрик штрихли код) қўйилган ҳолда лицензияни юборади ёки унинг сўровига асосан лицензия қоғоз шаклида берилади;

лицензияловчи орган – ЯИДХП орқали электрон тарзда мурожаат этган талабгорга QR-код (матрик штрихли код) қўйилган ҳолда лицензияни электрон шаклда юборади.

16. Лицензияни бериш учун давлат божи тўлови белгиланган муддатларда амалга оширилмаслиги лицензияловчи орган томонидан лицензиянинг бекор қилиниши учун асос бўлади. Бунда лицензия талабгори лицензияни олиш учун умумий тартибда қайта мурожаат қилиш ҳуқуқига эга бўлади.

17. Лицензия беришни рад этиш учун Ўзбекистон Республикасининг “Фаолиятнинг айрим турларини лицензиялаш тўғрисида”ги Қонунида назарда тутилган ҳолатлар асос бўлади.

Лицензия беришни бошқа асосларга кўра рад этиш тақиқланади.

Лицензия беришни рад этиш тўғрисидаги қарорда рад этишнинг сабаблари, қонунчиликнинг аниқ нормалари ва мурожаат этувчи кўрсатиб ўтилган сабабларни бартараф этиб, рад этилган кундан бошлаб 10 иш куни ичида давлат хизматларини кўрсатиш учун йиғимни тўламасдан лицензияни олиш учун қайта мурожаат қилиш ҳуқуқига эга.

18. Лицензияни шакли Ўзбекистон Республикаси Адлия вазирлиги билан келишилган ҳолда лицензияловчи орган томонидан тасдиқланади.

3-боб. Якуний қоидалар

19. Давлат хизматлари марказлари ва лицензияловчи орган ўз фаолиятини амалга ошириши натижасида олинган маълумотлар сир сақланишини таъминлайди.

20. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

21. Талабгор давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

22. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

3.9. Телекоммуникациялар тармоқларини лойиҳалаш, қуриш, фойдаланиш ва хизмат кўрсатиш фаолиятини амалга ошириш учун лицензия бўйича давлат хизмати

Телекоммуникациялар тармоқларини лойиҳалаш, қуриш, фойдаланиш ва хизматлар кўрсатиш фаолиятини амалга ошириш учун лицензия бериш бўйича давлат хизматларини кўрсатишнинг

ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент юридик шахсларга (бундан буён матнда талабгорлар деб юритилади) телекоммуникациялар тармоқларини лойиҳалаш, қуриш, фойдаланиш ва хизматлар кўрсатиш фаолиятини амалга ошириш учун лицензия бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Ахборот технологиялари ва коммуникацияларини ривожлантириш вазирлиги (бундан буён матнда лицензияловчи орган деб юритилади) томонидан кўрсатилади.

2. Давлат хизматлари марказлари ва лицензияловчи орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгор давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон равишда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Талабгорларнинг анкетасига қуйидаги ҳужжатлар илова қилинади:

а) телекоммуникациялар тармоқларидан фойдаланиш ва (ёки) улар хизматларини кўрсатиш учун лицензия олишда – телекоммуникациялар асосий техник воситаларининг (мулк ҳуқуқида ёки бошқа қонуний асосда мавжуд бўлган) тавсифи, радиочастоталарнинг диапазонлари ва номиналлари (улардан фойдаланишда) кўрсатилган ҳолда уларнинг рўйхати;

телекоммуникациялар тармоқларини лойиҳалаштириш ва (ёки) қуриш учун лицензия олишда – лойиҳалаштириш, қурилиш ишларини амалга ошириш учун зарур бўлган техник воситалар (мулк ҳуқуқида ёки бошқа қонуний асосда мавжуд бўлган) рўйхати;

б) тармоқни ташкил этиш режаси ва ривожлантириш прогнози, белгиланган шакл бўйича бажариладиган ишларга қараб бошқа зарур маълумотлар (абонентлар,

шаҳарлараро портлар, халқаро станциялар, маълумотларни узатиш тизимлари ва тармоқлари, қоплаш зоналари сони

ва телекоммуникацияларнинг аниқ тармоқлари ёки иншоотлари учун бошқа параметрлар);

в) талабгор томонидан телекоммуникациялар соҳасидаги фаолиятнинг айрим турларига лицензия олиш учун қўйиладиган талаблар ва шартлар бажарилиши имкониятини тасдиқловчи ҳужжатлар:

объектни қўриқлаш талабларига мувофиқлик тўғрисида тегишли органларнинг ҳулосаси;

Ўзбекистон Республикасининг радиочастоталаридан фойдаланиш

ва уларни назорат қилиш бўйича органларнинг берилган частоталардан фойдаланиш имконияти, узатувчи қурилмалар қуввати тўғрисидаги маълумотлар (радиоалоқа воситаларидан фойдаланиш билан боғлиқ фаолиятга лицензия олишда);

бошқа шахсга тегишли асбоб-ускунадан фойдаланиш мўлжалланаётган тақдирда ушбу асбоб-ускуна ижарага олинганлиги (фойдаланилганлиги)ни тасдиқловчи ҳужжат тақдим этилади. Тасдиқлаш шартнома ёки унинг белгиланган тартибда тасдиқланган нусхасини тақдим этиш тарзида бўлиши мумкин.

Ўз тармоғини яратиш ҳуқуқсиз маълумотларни узатиш тармоқлари, жумладан Интернет, маълумотларни узатиш операторлари тармоғи орқали провайдер хизматлари кўрсатишга лицензия олишда мазкур банднинг “а” ва “б” кичик бандларида назарда тутилган ҳужжатлар тақдим этилмайди.

Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматларини кўрсатиш учун йиғимнинг тўланмаганлиги давлат хизматларини кўрсатишни рад этиш учун асос ҳисобланади. Давлат хизматларини кўрсатишни бошқа асослар бўйича рад этиш тақиқланади.

10. Талабгор давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда тўланган йиғим қайтарилмайди.

11. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида лицензияловчи органга электрон шаклда юборилади. ЯИДХП орқали мурожаат қилинганда эса, анкета автоматик тарзда лицензияловчи органга юборилади.

12. Лицензияловчи орган анкета тушган кундан бошлаб 20 иш куни ичида талабгорга лицензияни бериш ҳақида қарор қабул қилади ёки аниқ асосларини ва қонун ҳужжатлари нормаларини кўрсатган ҳолда лицензияни беришни рад этади.

13. Лицензияловчи орган томонидан лицензияни бериш ҳақида қарор қабул қилингандан сўнг, 1 иш куни ичида лицензия бериш учун давлат божи суммаси ва уни тўлаш муддати кўрсатилган ҳолда хабарнома расмийлаштирилиб, лицензияловчи орган масъул ходимининг электрон рақамли имзоси билан тасдиқланиб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон равишда мурожаат этган тақдирда) ЯИДХП орқали электрон равишда юборилади.

Лицензияловчи орган томонидан хабарнома билан бирга Давлат хизматлари марказига QR-код (матрик штрихли код) қўйилган лицензияни юборилади.

Давлат хизматлари маркази хабарнома тушганидан сўнг бу ҳақида талабгорни ахборот-коммуникация тизими орқали хабардор қилади.

14. Талабгор хабарномани олган кундан бошлаб 3 ой ичида Ўзбекистон Республикаси Вазирлар Маҳкамаси томонидан белгиланган миқдорда давлат божи тўловини ахборот-коммуникация тизимлари орқали амалга оширади.

Тўланган давлат божи суммаси қонун ҳужжатларида белгиланган тартибда тақсимланади.

15. Талабгор томонидан лицензияни олиш учун давлат божи тўланганидан сўнг:

Давлат хизматлари маркази томонидан талабгорга 20 дақиқа ичида (ўзи келиб мурожаат этган тақдирда) унинг электрон манзилига QR-код (матрик штрихли код) қўйилган ҳолда лицензия юборилади ёки унинг сўровига асосан лицензия қоғоз шаклда берилади;

лицензияловчи орган – ЯИДХП орқали электрон тарзда мурожаат этган талабгорга QR-код (матрик штрихли код) қўйилган ҳолда лицензияни электрон шаклда юборади.

16. Лицензияни бериш учун давлат божи тўлови белгиланган муддатларда амалга оширилмаслиги лицензияловчи орган томонидан лицензиянинг бекор қилиниши учун асос бўлади. Бунда лицензия талабгори лицензияни олиш учун умумий тартибда қайта мурожаат қилиш ҳуқуқига эга бўлади.

17. Лицензия беришни рад этиш учун Ўзбекистон Республикасининг “Фаолиятнинг айрим турларини лицензиялаш тўғрисида”ги Қонунида назарда тутилган ҳолатлар асос бўлади.

Лицензия беришни бошқа асосларга кўра рад этиш тақиқланади.

Лицензия беришни рад этиш тўғрисидаги қарорда рад этишнинг сабаблари, қонунчиликнинг аниқ нормалари ва мурожаат этувчи кўрсатиб ўтилган сабабларни баргараф этиб, давлат хизматларини кўрсатиш учун йиғимни тўламасдан лицензияни олиш учун қайта мурожаат қилиши учун етарли муддат кўрсатилади.

18. Лицензия шакллари Ўзбекистон Республикаси Адлия вазирлиги билан келишилган ҳолда ваколатли орган томонидан тасдиқланади.

3-боб. Яқуний қоидалар

19. Мазкур Регламент талаблари Ўзбекистон Республикаси Вазирлар Маҳкамаси ҳузуридаги Ахборот фаолияти ва маълумотлар узатишни такомиллаштириш ва самарадорлигини ошириш бўйича идоралараро мувофиқлаштирувчи комиссия томонидан кўриб чиқиладиган масалаларга нисбатан татбиқ этилмайди.

20. Давлат хизматлари марказлари ва лицензияловчи орган ўз фаолиятини амалга ошириши натижасида олинган маълумотлар сир сақланишини таъминлайди.

21. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

22. Талабгор давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

23. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

3.10. Ўз тармоғини яратиш ҳуқуқисиз маълумотларни узатиш тармоқлари орқали провайдер хизматлари кўрсатишга лицензия бериш бўйича давлат хизмати

Телекоммуникациялар соҳасидаги фаолиятни лицензиялаш тўғрисида НИЗОМ

*(Ўзбекистон Республикаси Вазирлар Маҳкамасининг
2000 йил 22 ноябрдаги 458-сон қарорига)*

I. Умумий қоидалар

1. Мазкур Низом «Алоқа тўғрисида», «Телекоммуникациялар тўғрисида», «Фаолиятнинг айрим турларини лицензиялаш тўғрисида»ги қонунларга мувофиқ ишлаб чиқилган ва телекоммуникациялар соҳасида лицензиялаш тартибини, лицензия талаблари ва шартларини белгилаб беради.

2. Телекоммуникациялар соҳасида юридик шахслар фаолияти турларини лицензиялашни Ўзбекистон Республикаси Ахборот технологиялари ва коммуникацияларини ривожлантириш вазирлиги (кейинги ўринларда «лицензияловчи орган» деб юритилади) амалга оширади.

3. Телекоммуникациялар қуйидаги турларининг, яъни:

маҳаллий тармоқлар;

шаҳарлараро тармоқлар;

халқаро тармоқлар;

кўчма радиотелефон алоқа тармоқлари;

маълумотлар узатиш тармоқлари;

телерадиоэшиттиришларни тарқатиш (трансляция қилиш) тармоқлари лойиҳалаштирилиши, қурилиши*, улардан фойдаланиш** ва уларнинг хизматлар кўрсатиши лицензияланиши шарт.

4. Юридик шахс бўлмасдан тадбиркорлик фаолияти билан шуғулланувчи жисмоний шахслар (якка тартибдаги тадбиркорлар)нинг телекоммуникациялар соҳасидаги фаолиятнинг лицензияланадиган турларини амалга ошириши тақиқланади.

5. Агар:

телекўрсатувнинг кабель тармоғи ва радиоэшиттиришнинг симли тармоғи бир муассаса, ўқув юрти ёки саноат корхонаси биноси ва ҳудуди билан чекланган ёхуд абонентларнинг умумий сони 10 тадан ортиқ бўлмаса;

юридик шахс маҳаллий, шаҳарлараро алоқа хизматлари кўрсатса, шунингдек дўкончалар, лавкалар, дўконлар, барлар, ресторанлар, дорихоналар, ўйин комплекслари, санаторийларда, автомобиль бош йўллари бўйида маҳаллий тармоқлар операторлари томонидан ажратилган телефон рақамларидан халқаро телефон сўзлашувлари хизматлари кўрсатса (алоқанинг таксофон хизматлари) ва факс бўйича ахборотни жўнатса (ва қабул қилса);

фаолият аҳолининг ҳаёти ва соғлиғига хавф солувчи ҳамда қутқариш ва авария-тузатиш ишларини талаб этувчи табиий офатлар, эпидемиялар, йирик ҳалокатлар оқибатларини тугатиш билан, шунингдек фақат давлат бошқаруви, мудофаа, хавфсизлик ва ҳуқуқ-тартиботни муҳофаза қилиш мақсадларида фойдаланиш учун мўлжалланган телекоммуникациялар тармоғини ташкил этиш ва уларнинг ишлаши билан боғлиқ бўлса, лицензия олиш талаб этилмайди.

телекоммуникациялар тармоқларидан (маҳаллий, радиотелефон, маълумотлар узатиш) телекоммуникациялар хизматлари кўрсатмасдан фақат ишлаб чиқариш-технология мақсадларида фойдаланилади.

Маҳаллий тармоқлар операторлари томонидан ажратилган телефон рақамларидан телекоммуникация хизматлари кўрсатувчи юридик шахслар ўз фаолиятини қонун ҳужжатларида белгиланган тартибда, телекоммуникациялар операторлари билан тузилган шартномалар асосида амалга оширадilar.

II. Лицензиялар

6. Телекоммуникациялар соҳасида фаолиятни амалга оширишга лицензиялар намунавий (оддий) ёки якка тартибдаги лицензиялар бўлиши мумкин.

Намунавий (оддий) лицензиялар жумласига телекоммуникациялар соҳасида ягона шартлар ва талаблар асосида фаолиятни амалга оширишга чекланмаган доирадаги юридик шахсларга бериладиган лицензиялар киради.

Якка тартибдаги лицензиялар жумласига юридик шахсларга алоҳида талаблар ва шартлар асосида бериладиган, лицензиатларга фаолиятнинг мазкур турини амалга оширишда мутлақ ҳуқуқлар берувчи, миқдорий чекланган лицензиялар киради. Якка тартибдаги лицензиялар аниқ шароитларга қараб миқдори, муддати, амал қилиш ҳудуди, фаолият объектига кўра чекланади. Бунда якка тартибдаги лицензияларнинг амал қилиш муддати 5 йилдан кам бўлиши мумкин эмас.

7. Якка тартибдаги лицензиялар маҳаллий, шаҳарлараро, халқаро тармоқлар, кўчма радиотелефон алоқа, маълумотлар узатиш, телерадиоэшиттиришларни тарқатиш (трансляция қилиш) тармоқлари лойиҳалаштирилиши, қурилиши, улардан фойдаланиш ва телекоммуникация хизматлари кўрсатиш бўйича фаолиятни амалга оширишга берилади.

Халқаро тармоқлар лойиҳалаштирилиши, қурилиши, улардан фойдаланиш ва телекоммуникациялар хизматлари кўрсатишга якка тартибдаги лицензия биринчи марта фақат битта даъвогарга берилади, унинг амал қилиш муддати тамом бўлгач фаолиятнинг мазкур турини амалга оширишга якка тартибдаги лицензиялар бошқа даъвогарларга ҳам берилиши мумкин.

Телекоммуникациялар соҳасида фаолиятнинг айрим турларига якка тартибдаги лицензиялар бериш танлов (тендер) асосида амалга оширилиши мумкин. Танловлар (тендерлар) ўтказиш тартиби ва шартлари Ўзбекистон Республикаси Вазирлар Маҳкамаси томонидан белгиланади.

Танловлар (тендерлар) ўтказиш шартлари, тендер таклифларини кўриб чиқиш муддатлари, малака талаблари, лицензия талаблари лойиҳалари ва лицензия бериш учун даъвогарларни танлаш шартлари, мезонлари матбуотда эълон қилинади.

8. Лицензия ҳар бир лицензияланадиган фаолият тури учун алоҳида берилади. Лицензия даъвогарининг аризасига мувофиқ лицензия лицензияланаётган фаолият турининг бир қисмига (қисмларига) берилиши мумкин.

9. Амалга оширилиши учун лицензия олинган фаолият тури фақат лицензияни олган юридик шахс томонидан амалга оширилиши мумкин. Лицензияларни ёки уларга доир ҳуқуқларни бошқа шахсларга бериш тақиқланади.

10. Амалга оширилиши учун лицензия берилган фаолият, агар лицензия талаблари ва шартларида бошқача қоида назарда тутилмаган бўлса, Ўзбекистон Республикасининг бутун ҳудудида амалга оширилиши мумкин.

11. Маҳаллий, шаҳарлараро, халқаро тармоқлар, кўчма радиотелефон алоқа, тармоқлар лойиҳалаштирилиши, қурилиши, улардан фойдаланиш ва коммуникациялар хизматлари кўрсатишга лицензиялар 15 йилгача бўлган муддатга, бироқ камида 5 йил муддатга берилади. Бунда халқаро тармоқларини лойиҳалаштирилиши, қурилиши, улардан фойдаланиш ва телекоммуникациялар хизматлари кўрсатишга мазкур Низомга

мувофиқ биринчи марта берилган якка тартибдаги лицензиянинг амал қилиш муддати 5 йилдан ортиқ бўлмайди.

12. Маълумотларни узатиш тармоқлари лойиҳалаштирилиши, қурилиши, улардан фойдаланиш ва улар хизматларини кўрсатишга ҳамда телерадиоэшиттиришларни тарқатиш (трансляция ва ретрансляция қилиш)га лицензия 5 йил муддатга берилади.

III. Лицензиялар бериш

14. Лицензия олиш учун лицензия даъвогари лицензияловчи органга қуйидагиларни тақдим этади:

а) лицензия бериш тўғрисида белгиланган шакл бўйича ариза, унда:

юридик шахсининг номи ва ташкилий-ҳуқуқий шакли, жойлашган ери (почта манзили), банк муассасасининг номи ва банк муассасасидаги ҳисоб рақами зарурат бўлганда электрон манзили (1-илова);

юридик шахс амалга оширишни мўлжаллаган фаолиятнинг лицензияланаётган тури (унинг бир қисми) ҳамда фаолиятнинг мазкур тури амалга ошириладиган муддат кўрсатилади;

б) юридик шахс давлат рўйхатидан ўтказилганлиги тўғрисидаги гувоҳноманинг нусхаси;

в) лицензияловчи орган лицензия даъвогарининг аризасини кўриб чиқиши учун лицензия даъвогари энг кам ойлик иш ҳақининг бир баравари миқдорида йиғим тўлаганлигини тасдиқловчи ҳужжат;

д) қуйидагилар:

телекоммуникациялар тармоқларини ишлатиш ва (ёки) улар хизматларини кўрсатиш учун лицензия олишда — телекоммуникациялар асосий техник воситаларининг (мулк ҳуқуқида ёки бошқа қонуний асосда мавжуд бўлган) тавсифи, радиочастоталарнинг диапазонлари ва номиналлари (улардан фойдаланишда) кўрсатилган ҳолда уларнинг рўйхати;

телекоммуникациялар тармоқларини лойиҳалаштириш ва (ёки) қуриш учун лицензия олишда — лойиҳалаштириш, қурилиш ишларини амалга ошириш учун зарур бўлган техник воситалар (мулк ҳуқуқида ёки бошқа қонуний асосда мавжуд бўлган) ва норматив-ҳуқуқий ҳужжатларнинг рўйхати.

е) тармоқни ташкил этиш режаси ва ривожлантириш прогнози, белгиланган шакл бўйича бажариладиган ишларга қараб бошқа зарур маълумотлар (абонентлар, шаҳарлараро портлар, халқаро станциялар, маълумотларни узатиш тизимлари ва тармоқлари, қоплаш зоналари сони ва телекоммуникацияларнинг аниқ тармоқлари ёки иншоотлари учун бошқа параметрлар);

ж) лицензия талабгори томонидан телекоммуникациялар соҳасидаги фаолиятнинг айрим турларига лицензия олиш учун қўйиладиган талаблар ва шартлар бажарилиши имкониятини тасдиқловчи ҳужжатлар:

санитария, ёнғин нормалари ва объектни кўриқлаш талабларига мувофиқлик тўғрисида тегишли органларнинг ҳулосаси;

Ўзбекистон Республикасининг радиочастоталаридан фойдаланиш ва уларни назорат қилиш бўйича органларнинг берилган частоталардан фойдаланиш имконияти, узатувчи қурилмалар қуввати тўғрисидаги маълумотлар (радиоалоқа воситаларидан фойдаланиш билан боғлиқ фаолиятга лицензия олишда);

бошқа шахсга тегишли асбоб-ускунадан фойдаланиш мўлжалланаётган тақдирда ушбу асбоб-ускуна ижарага олинганлиги (фойдаланилганлиги)ни тасдиқловчи ҳужжат тақдим этилади. Тасдиқлаш шартнома ёки унинг белгиланган тартибда тасдиқланган нусхасини тақдим этиш тарзида бўлиши мумкин;

телекоммуникациялар тармоқларини лойиҳалаштириш ва (ёки) қуриш учун лицензия олишда — олий маълумот тўғрисидаги дипломнинг, телекоммуникациялар

тармоқларини лойиҳалаштириш, қуриш бўйича мутахассислар меҳнат дафтарчасининг нусхалари.

Ўз тармоғини яратиш ҳуқуқсиз маълумотларни узатиш тармоқлари, шу жумладан Интернет, маълумотларни узатиш операторлари тармоғи орқали провайдер хизматлари кўрсатишга лицензия олишда мазкур банднинг «г», «д» ва «е» кичик бандларида назарда тутилган ҳужжатлар тақдим этилмайди.

15. Ўзбекистон Республикаси ҳудудидан учинчи мамлакатларга хорижий теле ва радио станцияларнинг дастурларини ретрансляция қилиш учун лицензия бериш тўғрисида ариза берилганда халқаро битимларнинг тегишли шартларига мувофиқ қўшимча ҳужжатлар талаб этилади.

16. Ҳужжатлар лицензия даъвоғари томонидан лицензияловчи органга бевосита, почта алоқа воситаси ёки ахборот тизимлари орқали электрон шаклда, улар олинганлиги ҳақидаги хабарномани олган ҳолда, тақдим этилади. Электрон шаклда тақдим этилган ҳужжатлар лицензия даъвогарининг электрон рақамли имзоси билан тасдиқланади.

17. Лицензия олиш учун лицензияловчи органга тақдим этилган ҳужжатлар рўйхат бўйича масъул шахс (эксперт комиссияси котиби) томонидан қабул қилинади, уларнинг нусхалари ҳужжатлар кўрсатиб ўтилган орган томонидан қабул қилинган сана тўғрисида белги қўйилган ҳолда лицензия талабгорига бевосита, почта алоқа воситаси орқали ёки ахборот-коммуникация технологияларини қўллаш орқали электрон шаклда юборилади (топширилади).

18. Нотўғри ёки бузиб кўрсатилган маълумотларни тақдим этганлик учун лицензия даъвоғари қонунга мувофиқ жавоб беради.

19. Лицензияловчи орган томонидан лицензия даъвогарининг аризаси кўриб чиқилганлиги учун фаолиятнинг ҳар бир тури бўйича Ўзбекистон Республикасида белгиланган энг кам ойлик иш ҳақининг бир баравари миқдорида йиғим ундирилади.

Лицензия даъвогарларининг аризаларини кўриб чиққанлик учун йиғим суммалари лицензияловчи орган ҳисоб рақамига ўтказилади.

Лицензия даъвоғари берган аризасидан воз кечган ёки лицензияловчи орган томонидан лицензия бериш рад этилган тақдирда тўланган йиғим суммаси қайтарилмайди.

20. Лицензия бериш ёки уни беришни рад этиш тўғрисидаги қарорни лицензияловчи орган барча зарур ҳужжатлар билан биргаликда лицензия даъвогарининг аризаси олинган кундан бошлаб йигирма кундан кечикмай қабул қилади.

Лицензиялар бериш тўғрисидаги ҳужжатларни кўриб чиқиш ва улар бўйича хулоса тайёрлаш учун лицензияловчи органда эксперт комиссияси ташкил этилади. Эксперт комиссиясига Ўзбекистон Республикаси Ахборот технологиялари ва коммуникацияларини ривожлантириш вазирининг ўринбосари раҳбарлик қилади, лицензиялаш масалалари унинг функционал вазифаларига киради. Эксперт комиссияси таркибига телекоммуникациялар техникаси ва технологияси, юриспруденция, радиочастота спекторидан фойдаланиш, бозор қайта ўзгартиришлари, телекоммуникациялар соҳасида назорат органи, Оммавий коммуникациялар соҳасида мониторинг маркази ва бошқа йўналишлар бўйича мутахассислар киритилади. Эксперт комиссияси тўғрисидаги низом ва унинг шахсий таркиби лицензияловчи орган томонидан тасдиқланади. Эксперт комиссияси бир ойда камида бир марта мажлис ўтказди.

Эксперт комиссияси лицензия талабгорининг барча зарур ҳужжатлар билан биргаликдаги аризаси олинган кундан бошлаб 15 кундан ошмайдиган муддатда тақдим этилган ҳужжатларни кўриб чиқади ва Телекоммуникациялар соҳасида тегишли фаолият турлари бўйича оммавий коммуникациялар соҳасида мониторинг маркази хулосасини ҳисобга олган ҳолда улар бўйича лицензия бериш ёки лицензия беришни рад этиш тўғрисидаги эксперт хулосасини тайёрлайди.

Лицензияловчи орган беш кун муддатда эксперт комиссиясининг хулосаси асосида лицензия бериш ёки лицензия беришни рад этиш тўғрисида қарор қабул қилади;

Лицензияловчи орган зарурият бўлганда тегишли хулосалар тайёрлаш учун экспертларни ўз маблағлари ҳисобига шартнома асосида жалб этишга ҳақлидир.

Телекоммуникациялар соҳасидаги фаолиятни лицензиялаш мазкур Низомга 4-иловага мувофиқ схемага биноан амалга оширилади.

21. Лицензияловчи орган лицензия даъвогарини қабул қилинган қарор тўғрисида банк ҳисоб рақами реквизитлари ва давлат божи тўлаш муддати кўрсатилган ҳолда қарор қабул қилингандан кейин уч кун мобайнида ёзма шаклда почта алоқаси ёки ахборот-коммуникация технологиялари воситаларини қўллаш орқали хабардор қилади.

22. Лицензиялар лицензия талабгори томонидан давлат божи тўлангандан ҳамда лицензия талабгори ва лицензияловчи орган томонидан лицензия битими имзолангандан кейин бир кун муддатда берилади.

23. Агар лицензиат унга лицензия бериш тўғрисидаги қарор қабул қилингани ҳақидаги хабарнома юборилган (топширилган) пайтдан эътиборан уч ой ичида лицензияловчи органга лицензия берганлик учун давлат божи тўланганлигини тасдиқловчи ҳужжатни тақдим этмаган ёки лицензия шартномасини имзоламаган бўлса, лицензияловчи орган мазкур лицензияни бекор қилишга ҳақли.

24. Лицензия лицензиатларни телекоммуникациялар воситалари лойиҳалаштирилиши, қурилиши ва улардан фойдаланиш ҳамда хизматлар кўрсатиш бўйича амалдаги қоидаларда назарда тутилган зарур гувоҳномалар, сертификатлар ва бошқа ҳужжатлар олиш мажбуриятидан озод этмайди.

25. Лицензия бериш ёки лицензиянинг амал қилиш муддати узайтирилиши рад этилишининг сабаблари қуйидагилар бўлиши мумкин:

лицензия даъвогарининг ҳужжатларни лозим тарзда расмийлаштирмай тақдим этиши;

лицензия даъвогари тақдим этган ҳужжатларда нотўғри ёки бузиб кўрсатилган маълумотларнинг мавжудлиги;

лицензия даъвогарининг лицензия талаблари ва шартларига, шунингдек танлов (тендер) шартларига номувофиқлиги.

Бошқа асосларга кўра, шу жумладан лицензия бериш мақсадга мувофиқ эмас деган ваз билан лицензия беришни рад этишга йўл қўйилмайди.

26. Лицензия беришни рад этиш ҳақидаги хабарнома лицензия даъвогарига ёзма шаклда, почта алоқаси, ёхуд ахборот-коммуникация технологиялари воситаларини қўллаш орқали рад этишнинг сабаблари ва лицензия даъвогари кўрсатилган сабабларни бартараф қилиб, ҳужжатларни кўриб чиқиш учун такрор тақдим этиши мумкин бўлган муддат кўрсатилган ҳолда юборилади (топширилади). Лицензия беришни рад этиш ҳақидаги хабарномада кўрсатилган муддат камчиликларни бартараф этиш учун зарур бўлган вақтга мутаносиб бўлиши керак.

Лицензия талабгори лицензия беришни рад этиш учун асос бўлган сабабларни бартараф этган тақдирда, ҳужжатларни такрорий кўриб чиқиш лицензия талабгорининг барча зарур ҳужжатлар билан бирга олган кундан бошлаб ўн кундан ошмаган муддатда амалга оширилади. Аризаларнинг такрорий кўриб чиқилганлиги учун лицензия талабгорларидан йиғим ундирилмайди.

Лицензия талабгорининг аризасини такрорий кўриб чиқишда лицензия беришнинг лицензия бериш рад этилиши тўғрисидаги билдиришномада илгари кўрсатилмаган янги асослар бўйича рад этилишига йўл қўйилмайди.

Лицензия беришнинг рад этилганлиги тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

Эксперт комиссияси олти кундан ошмайдиган муддатда тақдим этилган ҳужжатларни такроран кўриб чиқади ва улар бўйича лицензия бериш ёки лицензия беришни рад этиш тўғрисида эксперт ҳулосасини тайёрлайди.

Лицензияловчи орган тўрт кун муддатда эксперт комиссиясининг ҳулосаси асосида лицензия бериш ёки лицензия беришни рад этиш тўғрисида қарор қабул қилади.

27. Лицензия даъвогари лицензияловчи органнинг лицензия беришни рад этиш тўғрисидаги қарори устидан, шунингдек лицензияловчи орган мансабдор шахсининг ҳаракати (ҳаракатсизлиги) устидан қонун ҳужжатларида белгиланган тартибда шикоят қилишга ҳақли.

28. Лицензиялар махсус бланкаларда расмийлаштирилади (3-илова). Лицензиялар бланкалари қатъий ҳисобда турадиган ҳужжат ҳисобланади, ҳисобга олиш сериясига, тартиб рақамига ва ҳимояланганлик даражасига эга бўлади. Лицензиялар бланкалари лицензияловчи органнинг буюртмаси бўйича «Давлат белгиси» давлат ишлаб чиқариш бирлашмасида босмаҳона усулида тайёрланади. Лицензияловчи органнинг раҳбари лицензия бланкалари ҳисобга олиниши, сақланиши ва улардан мақсадли фойдаланилиши учун белгиланган тартибда жавоб беради.

29. Амал қилиш муддати тамом бўлмаган йўқолган ёки яроқсиз ҳолга келган лицензия ўрнига даъвогарнинг аризасига кўра унинг дубликати берилиши мумкин.

Бунда лицензиат йўқолган ёки яроқсиз ҳолга келган лицензиянинг ҳақиқий эмаслиги тўғрисида оммавий ахборот воситаларида эълон бериши, шунингдек лицензияловчи органга ушбу эълонни тақдим этиши шарт.

Лицензия дубликати берилганлиги учун лицензия бериш тўғрисида лицензия даъвогарининг аризаси кўриб чиқилганлиги учун тўланадиган сумманинг ярми миқдорида йиғим ундирилади.

30. Лицензиялар, лицензия битимлари Ўзбекистон Республикаси Ахборот технологиялари ва коммуникацияларини ривожлантириш вазирлиги томонидан имзоланади.

IV. Лицензия талаблари ва шартлари

31. Фаолиятнинг тегишли турларига лицензия талаблари ва шартларида уларнинг хусусиятига боғлиқ равишда яқка тартибдаги ва намунавий лицензиялар учун умумий бўлган қуйидаги асосий маълумотлар, тавсифлар, талаблар ва шартлар бўлиши керак:

- лицензия доирасида амалга оширишга рухсат бериладиган телекоммуникациялар соҳасидаги фаолият турлари;

- лицензиат томонидан қонун ҳужжатларига риоя этилиши;

- лицензияладиган фаолиятни амалга оширишга рухсат этиладиган ҳудуд чегараси;

- асосий асбоб-ускуна ва иншоотларнинг техник тавсифлари;

- радиочастоталарнинг ажратилган номиналлари ёки полосалари (телевизион каналларнинг номерлари, кўчма радио алоқа ва симсиз фойдаланиш стандартларининг номи ва бошқалар);

- тармоқларни ривожлантиришни ташкил этиш режаси ва прогнози;

- Ўзбекистон Республикаси қонун ҳужжатларида белгиланган тартибда телекоммуникацияларнинг техник воситаларини сертификациялашни таъминлаш;

- кўрсатиладиган хизматларнинг белгиланган сифат меъёрларини таъминлаш;

- фойдаланувчиларнинг манфаатлари ва ҳуқуқларига риоя қилиш;

- тармоқлараро қўшилишларни ташкил этиш, бошқа операторлар ва провайдерларга ўз тармоғидан фойдаланиш, шунингдек улар ўртасида ўзаро-ҳисоб-китоб шартлари ва тартиби;

- техник протоколлар ва тармоқлараро қўшилишлар спецификацияларнинг номи, тармоқларни номерлаш режаси, телекоммуникациялар воситаларидан фойдаланиш тавсифлари;

давлат хавфсизлиги ва мудофаа қобилияти, ҳуқуқни муҳофаза қилиш органлари манфаатлари йўлида ва алоҳида муҳим ижтимоий-сиёсий тадбирларни ўтказишда телекоммуникациялар воситалари ишларини таъминлаш бўйича махсус талаблар;

берилган номиналлар ёки радиочастоталар полосаларидан фойдаланиш тартиби;

хизматлар кўрсатиш шартлари, тарифлар ва ахборот маълумотларини миқдорларга етказиш, шу жумладан, оммавий ахборот воситалари лицензияловчи органнинг расмий веб-сайти орқали етказиш;

телефон орқали гаплашишлар, телеграф ва телекоммуникациялар тармоқлари бўйича бериладиган бошқа хабарларнинг махфийлигини, ахборот хавфсизлигини, шу жумладан телекоммуникациялар объектлари ва иншоотлари хавфсизлигини таъминлаш;

фавқулодда ҳолатларда, шунингдек оператив-қидирув тадбирларини ўтказиш учун асбоб-ускуналарни ўрнатиш ва уларнинг ишлашини таъминлаш бўйича телекоммуникациялар тармоқларини тайёрлаб қўйиш ва уларни ишлатиш;

умумдавлат вазифаларини ҳал этиш учун телекоммуникацияларни ривожлантиришнинг миллий дастурларини амалга оширишда лицензиатнинг иштирок этиши;

атроф муҳитни ва инсон саломатлигини муҳофаза қилиш, хавфсизлик техникаси ва меҳнатни муҳофаза қилиш, ёнғинга қарши хавфсизлик ва саноат санитарияси;

телекоммуникациялар тармоқлари, иншоотлари ва объектларини лойиҳалаш ва қуриш;

фаолиятни бошлаш ва хизматлар кўрсатиш шартлари ва муддати;

оператив-техник бошқарув тизими билан ўзаро ҳамкорликни таъминлаш;

лицензияланадиган фаолият тўғрисидаги маълумотларни лицензияловчи ва назорат қилувчи органга бериш;

Ўзбекистон Республикаси қонунчилик ҳужжатларига мувофиқ телекоммуникациялар хизматларидан фойдаланишда имтиёзлар ва афзалликлар бериш;

телекўрсатувлар, радиоэшиттиришларни тарқатиш (трансляция қилиш) ва маълумотларни узатиш тармоқларидан фойдаланиш ва хизматлар кўрсатиш учун Ўзбекистон матбуот ва ахборот агентлигида давлат рўйхатидан (қайта рўйхатдан) ўтиш.

телекоммуникациялар тармоқларини лойиҳалаштириш ва (ёки) қуриш учун лицензия олишда — юридик шахс штаида телекоммуникациялар тармоқларини лойиҳалаштириш ва қуриш бўйича камида беш йил иш стажига, олий техник маълумотга эга бўлган камида уч нафар мутахассиснинг мавжуд бўлиши;

қурилиш меъёрлари ва нормаларига, идоравий техник лойиҳалаштириш меъёрларига риоя қилиш;

Якка тартибдаги лицензияларда қўшимча равишда қуйидаги мажбурий талаблар ва шартлар бўлиши керак:

лицензиатлар томонидан қишлоқ жойлардаги, аҳоли сийрак ва бориш қийин бўлган туманлардаги фойдаланувчилар учун мажбурий равишда кўрсатиладиган хизматларнинг номи;

белгиланган тарифлар бўйича, шу жумладан қишлоқ жойларда, аҳоли сийрак ва бориш қийин бўлган туманларда универсал хизматлар кўрсатилишини таъминлаш;

умумий фойдаланиладиган телекоммуникациялар тармоқларига адолатлилиқ ва камситмаслиқ асосида рухсат бериш;

умумий фойдаланиладиган телекоммуникация тармоғини ривожлантириш режаси прогнози (белгиланган ҳудудни қамраб олиш, узатувчи аппарат қувватини ва абонентлар сонини кўпайтириш ва бошқалар).

Лицензия талаблари ва шартлари фаолиятнинг лицензияланаётган турининг хусусиятига қараб бошқа маълумот, талаб ва шартларни ўз ичига олади.

V. Лицензияларнинг амал қилиш муддатини узайтириш ва уларни қайта расмийлаштириш

32. Лицензиянинг амал қилиш муддати тугагач, у лицензиатнинг аризасига биноан узайтирилиши мумкин.

33. Лицензиянинг амал қилиш муддатини узайтириш тўғрисидаги ариза лицензияловчи органга лицензиянинг амал қилиш муддати тугашидан камида икки ой олдин берилиши лозим.

34. Лицензиянинг амал қилиш муддатини узайтириш лицензия бериш учун назарда тутилган тартибда амалга оширилади ва лицензиат йиғимлар ва давлат божларининг белгиланган миқдорида тегишлича ҳақ тўлайди.

35. Лицензиянинг амал қилиш муддатини узайтириш илгари берилган лицензия бланкасига махсус белги қўйиш йўли билан амалга оширилади. Бунда лицензия шартномасининг амал қилиш муддати ўз-ўзидан худди шу муддатга узайтирилган ҳисобланади.

Телекоммуникациялар соҳасидаги фаолиятга берилган лицензияларнинг амал қилиш муддатини узайтириш лицензия талаблари ва шартларига ўзгартириш ва қўшимчалар киритишга олиб келмайди.

36. Лицензиат – юридик шахс қайта ташкил этилган, унинг номи ёки жойлашган ўрни (почта манзили) ўзгарган ҳолларда лицензиат ёки унинг ҳуқуқий вориси қайта рўйхатдан ўтгандан сўнг бир ой муддатда кўрсатиб ўтилган маълумотларни тасдиқловчи тегишли ҳужжатларни илова қилган ҳолда лицензияни қайта расмийлаштириш тўғрисида лицензияловчи органга ариза бериши шарт.

37. Ҳужжатлар лицензиат томонидан лицензияловчи органга бевосита ёки почта алоқаси, ёхуд ахборот тизимлари орқали электрон шаклда, улар олинганлиги ҳақидаги хабарномани олган ҳолда тақдим этилади.

38. Лицензия қайта расмийлаштирилгунга қадар лицензиат унда кўрсатилган фаолиятни илгари берилган лицензия асосида амалга оширади.

39. Лицензияни қайта расмийлаштириш лицензияловчи орган тегишли ҳужжатлар илова қилинган ҳолда лицензияни қайта расмийлаштириш тўғрисидаги аризани олган кундан бошлаб беш кун ичида амалга оширилади.

40. Лицензия қайта расмийлаштирилганда лицензия даъвогарининг лицензия бериш тўғрисидаги аризасини кўриб чиқиш учун тўланадиган сумманинг ярми миқдорида йиғим ундирилади.

Йиғим суммаси лицензияловчи орган ҳисоб рақамига ўтказилади.

VI. Давлат божини тўлаш

41. Лицензия берганлик ва лицензиянинг амал қилиш муддатини узайтирганлик учун давлат божи ундирилади.

Телекоммуникациялар соҳасидаги давлат божи лицензияни олиш билан бир вақтда ёхуд ҳар йили тенг улушларда тўланади, унинг миқдори Ўзбекистон Республикаси Вазирлар Маҳкамаси томонидан белгиланади.

42. Телекоммуникациялар соҳасидаги фаолиятни амалга ошириш ҳуқуқини берадиган лицензияларни берганлик учун давлат божи лицензияловчи органнинг махсус ҳисоб-китоб рақамига ўтказилади ва улар қуйидагича тақсимланади:

50 фоизи – Ахборот-коммуникация технологияларини ривожлантириш бюджетдан ташқари жамғармасига йўналтирилади ва улардан қишлоқ жойларда телекоммуникацияларни ривожлантириш ва универсал хизматлар кўрсатишда кўрилган зарарларни қоплаш учун фойдаланилади;

50 фоизи — давлат бюджетига йўналтирилади.

VII. Лицензия талаблари ва шартларига риоя этилишини назорат қилиш

43. Лицензиатлар томонидан лицензия талаблари ва шартларига риоя қилиниши устидан назорат қонун ҳужжатларига мувофиқ Алоқа, ахборотлаштириш ва телекоммуникациялар технологиялари соҳасида назорат бўйича давлат инспекцияси (кейинги ўринларда — назорат қилувчи орган деб аталади) томонидан амалга оширилади.

44. Назорат қилувчи орган ўз ваколати доирасида қуйидаги ҳуқуқларга эгадир:

лицензиатлар лицензия талаблари ва шартларига риоя этаётганлиги устидан қонун ҳужжатларида белгиланган тартибда режали текширувлар ўтказиш;

лицензиат томонидан лицензия талаблари ва шартлари бузилганлигидан гувоҳлик берувчи фактлар мавжуд бўлган ҳолларда, лицензиат лицензия талаблари ва шартларига риоя этаётганлиги устидан қонун ҳужжатларида белгиланган тартибда режадан ташқари текширувлар ўтказиш;

лицензия талаблари ва шартларига риоя қилиниши устидан текширувлар ўтказилаётганда юзага келадиган масалалар бўйича лицензиатдан зарур маълумотларни талаб қилиш ва олиш;

текширувлар натижалари, Телекоммуникациялар соҳасида тегишли фаолият турлари бўйича оммавий коммуникациялар соҳасида мониторинг маркази хулосалари асосида лицензиат йўл қўйган лицензия талаблари ва шартларининг аниқ қоидабузилишларини кўрсатган ҳолда далолатномалар (маълумотномалар) тузиш;

лицензиат зиммасига аниқланган қоидабузарликларни бартараф этиш мажбуриятини юкловчи қарорлар чиқариш, шу жумладан Телекоммуникациялар соҳасида тегишли фаолият турлари бўйича оммавий коммуникациялар соҳасида мониторинг маркази хулосаси асосида бундай қоидабузарликларни бартараф этиш муддатларини белгилаш;

лицензиянинг амал қилишини тўхтатиб туриш ёки тугатиш тўғрисидаги таклифни лицензияловчи органнинг кўриб чиқиши учун тақдим этиш.

Назорат қилувчи ва ҳуқуқни муҳофаза қилувчи органлар лицензиат томонидан лицензия талаблари ва шартлари бузилишларига йўл қўйилганлигини аниқлашган тақдирда ўз ваколатлари доирасида лицензия берган лицензияловчи органга аниқланган қоидабузарликлар ҳақида хабар қиладилар.

VIII. Лицензиянинг амал қилишини тўхтатиб туриш

45. Лицензияловчи орган лицензиянинг амал қилишини қуйидаги ҳолларда ўн иш кунидан ортиқ бўлмаган муддатга тўхтатиб туриши мумкин:

лицензиат лицензия шартномасида назарда тутилган лицензия талаблари ва шартларини бузганлиги аниқланганда, шу жумладан, телекўрсатув, радиоэшиттиришларни тарқатиш (трансляция қилиш) ва маълумотлар узатиш тармоқларидан фойдаланиш ва хизматлар кўрсатиш учун Ўзбекистон матбуот ва ахборот агентлиги давлат рўйхатидан ўтган муддат тугаганда;

назорат қилувчи органнинг лицензиат зиммасига аниқланган қоидабузарликларни бартараф этиш мажбуриятини юкловчи ёзма кўрсатмалари лицензиат томонидан бажарилмаганда;

Лицензиянинг амал қилишини ўн иш кунидан ортиқ муддатга тўхтатиб туриш суд тартибида амалга оширилади.

46. Лицензияни тўхтатиб туриш учун асослар аниқланганда лицензияловчи ёки назорат қилувчи орган қоидабузилишларини бартараф этиш учун лицензиатга ёзма кўрсатма беради. Агар лицензиат ёзма кўрсатма олгандан сўнг белгиланган муддат мобайнида қоидабузилишларни бартараф этмаса, лицензияловчи орган лицензиянинг амал қилишини ўн иш кунидан ортиқ бўлмаган муддатга ёки лицензиянинг амал қилишини ўн иш кунидан ортиқ муддатга тўхтатиб туриш тўғрисида судга мурожаат қилади, тўхтатиб туриш тўғрисида қарор чиқаради.

47. Лицензияловчи органнинг лицензиянинг амал қилишини тўхтатиб туриш тўғрисидаги қарори ёзма шаклда почта алоқаси, ёхуд ахборот-коммуникация технологиялари воситаларини қўллаш орқали, асосланган сабаблари кўрсатилган ҳолда, қарор қабул қилинган кундан бошлаб уч кундан кечикмай етказилади. Суднинг лицензиянинг амал қилишини тўхтатиб туриш тўғрисидаги қарори қонун ҳужжатларида белгиланган муддатларда етказилади.

48. Лицензиянинг амал қилиши тўхтатиб турилишига олиб келган ҳолатларни лицензиат бартараф этган тақдирда, лицензиянинг амал қилишини тўхтатиб турган лицензияловчи орган кўрсатиб ўтилган ҳолатлар бартараф этилганлиги тўғрисидаги тасдиқномани олган кундан бошлаб ўн кун муддатда лицензиянинг амал қилишини тиклаш тўғрисида қарор қабул қилади.

Лицензияловчи органнинг лицензиянинг амал қилишини тўхтатиб туриш тўғрисидаги қарори устидан судга шикоят қилиниши мумкин.

Лицензиянинг амал қилишини тўхтатиб туриш ва тиклаш тўғрисидаги қарор оммавий ахборот воситаларида эълон қилиниши керак.

IX. Лицензиянинг амал қилишини тўхтатиш

49. Лицензиянинг амал қилиши қуйидаги ҳолларда тўхтатилади:

лицензиат лицензиянинг амал қилишини тўхтатиш тўғрисида ариза билан мурожаат қилганда;

юридик шахс тугатилганда — тугатилган вақтдан бошлаб ёки унинг фаолияти қайта ташкил этиш натижасида тугатилганда — қайта ташкил этилган вақтдан бошлаб, унинг ўзгартирилиши бундан мустасно;

лицензиат лицензия талабларини ва шартларини мунтазам равишда ёки бир маротаба қўпол равишда бузганда;

лицензиат лицензиянинг амал қилишини тўхтатиб туришга олиб келган ҳолатларни лицензияловчи ёки назорат қилувчи орган ёхуд суд белгиланган муддатда бартараф этмаганда;

лицензияловчи органнинг лицензия бериш тўғрисидаги қарорининг қонунга зидлиги аниқланганда;

лицензиянинг амал қилиш муддати тўхтатилганда.

Лицензиянинг амал қилиши ушбу банднинг тўртинчи—олтинчи хатбошида назарда тутилган ҳолларда суд қарорига кўра, бошқа ҳолларда эса лицензияловчи органнинг қарорига кўра тўхтатилади.

50. Лицензияловчи органнинг лицензиянинг амал қилишини тўхтатиш тўғрисидаги қарори ёзма шаклда, почта алоқаси ёки ахборот-коммуникация технологиялари воситаларини қўллаш орқали, асосланган сабаблари кўрсатилган ҳолда, қарор қабул қилинган кундан бошлаб уч кундан кечикмай етказилади. Суднинг лицензиянинг амал қилишини тўхтатиб туриш тўғрисидаги қарори қонун ҳужжатларида белгиланган муддатларда етказилади.

Лицензиат лицензиянинг амал қилишини тўхтатиш тўғрисидаги қарорни олган кундан бошлаб ўн кун ичида лицензия лицензияловчи органга қайтарилиши ва йўқ қилиниши керак.

Лицензиянинг амал қилиши тўхтатиш тўғрисида қарор қабул қилинган кундан бошлаб тўхтатилади.

51. Лицензияловчи органнинг лицензиянинг амал қилишини тўхтатиш тўғрисидаги қарори устидан судга шикоят қилиниши мумкин.

X. Лицензияни бекор қилиш

52. Лицензия қуйидаги ҳолларда бекор қилиниши мумкин:

ушбу Низомнинг 23-бандида назарда тутилган ҳолатда;

лицензиатнинг аризаси бўйича;
лицензия сохта ҳужжатлардан фойдаланилган ҳолда олинганлиги факти аниқланганда.

Лицензия ушбу банднинг тўртинчи хатбошида назарда тутилган ҳолларда суд қарорига кўра, бошқа ҳолларда эса лицензияловчи органнинг қарорига кўра бекор қилинади.

Лицензияловчи органнинг лицензияни бекор қилиш тўғрисидаги қарори ёзма шаклда, почта алоқаси ёки ахборот-коммуникация технологиялари воситаларини қўллаш орқали асосли сабаби кўрсатилган ҳолда, қарор қабул қилинган кундан бошлаб уч кундан кечикмай етказилади. Суднинг лицензияни бекор қилиш тўғрисидаги қарори қонун ҳужжатларида белгиланган муддатларда етказилади. Лицензияни бекор қилиш тўғрисидаги қарор лицензиат томонидан олинган кундан бошлаб ўн кун мобайнида лицензия лицензияловчи органга ва йўқ қилиш учун қайтарилади.

Лицензияни бекор қилиш тўғрисидаги қарор оммавий ахборот воситаларида эълон қилиниши керак.

53. Лицензияловчи органнинг бекор қилиш тўғрисидаги қарори устидан судга шикоят қилиниши мумкин.

XI. Лицензиялар реестрини юритиш

54. Лицензияловчи орган фаолиятнинг ҳар бир тури учун алоҳида лицензиялар реестрини юритади.

55. Ҳар бир реестрда қуйидагилар кўрсатилади:

лицензиат – юридик шахснинг номи ва унинг жойлашган ўрни (почта манзили);

телефон (факс) рақами;

банкдаги ҳисоб рақами;

солиқ тўловчининг идентификация рақами;

лицензияларнинг берилган санаси ва тартиб рақами;

лицензияларнинг амал қилиш муддати;

лицензияларни қайта расмийлаштириш, уларнинг амал қилишини тўхтатиб туриш ва қайта тиклаш асослари ва саналари;

лицензияларнинг амал қилишини тўхтатиш асослари ва саналари;

лицензияларни бекор қилиш асослари ва саналари.

56. Лицензияларнинг реестрларида мавжуд бўлган маълумотлар лицензияловчи органнинг веб-сайтига жойлаштирилади ва танишиб чиқиш учун очиқ бўлади.

XII. Лицензияловчи ва назорат қилувчи органнинг қарорлари устидан шикоят қилиш

60. Лицензияловчи органнинг қарори устидан белгиланган тартибда судга шикоят қилиниши мумкин.

Назорат қилувчи органнинг қарори устидан лицензияловчи органга ёки судга шикоят қилиниши мумкин.

3.11. Озонни бузувчи моддаларни ва таркибида озонни бузувчи моддалар бўлган маҳсулотларни олиб кириш ва олиб чиқишга рухсатнома бериш бўйича давлат хизмати

Озонни бузувчи моддаларни ва таркибида улар мавжуд бўлган маҳсулотларни Ўзбекистон Республикасига импорт қилишга ва Ўзбекистон Республикасидан экспорт қилишга рухсат бериш тартиб-тамойилларидан ўтиш тартиби тўғрисида НИЗОМ

*(Ўзбекистон Республикаси Вазирлар Маҳкамасининг
2018 йил 9 январдаги 17-сон қарорига)*

1-боб. Умумий қоидалар

1. Ушбу Низом озонни бузувчи моддалар ва таркибида улар бўлган маҳсулотларнинг Ўзбекистон Республикасига импорт қилиш ва Ўзбекистон Республикасидан экспорт қилишга рухсат бериш тартиб-тамойилларидан ўтиш тартибини белгилайди.

2. Мазкур Низом ўз мақсадларида фойдаланишга, нотижорат мақсадларига мўлжалланган ва тадбиркорлик фаолиятига мўлжалланмаган маҳсулот бўлган, таркибида озонни бузувчи моддалар бўлган маҳсулотларнинг импорти ва экспортини амалга оширувчи жисмоний шахсларга татбиқ этилмайди.

3. Озонни бузувчи моддалар ва таркибида улар бўлган маҳсулотларнинг импорти ва экспорти, Ўзбекистон Республикаси ҳудудидан транзит ташишлардан ташқари, Ўзбекистон Республикаси Экология ва атроф-муҳитни муҳофаза қилиш давлат қўмитаси (кейинги ўринларда Давлат экология қўмитаси деб аталади), Қорақалпоғистон Республикаси Экология ва атроф муҳитни муҳофаза қилиш қўмитаси, вилоятлар ва Тошкент шаҳар экология ва атроф муҳитни муҳофаза қилиш бошқармалари (кейинги ўринларда ҳудудий бўлинмалар деб аталади) томонидан бериладиган рухсатномалар асосида амалга оширилади.

4. Озонни бузувчи моддалар ва таркибида улар бўлган маҳсулотларнинг импорти ва экспорти учун рухсатнома (кейинги ўринларда рухсатнома деб аталади) ушбу Низомга 1-иловадаги схемага мувофиқ берилади.

5. Таркибида озонни бузувчи моддалар бўлган, Ўзбекистон Республикасига импорти ва Ўзбекистон Республикасидан экспорти рухсатномалар бўйича амалга ошириладиган маҳсулотлар турлари рўйхатининг 1 ва 2-бандларида назарда тутилган, таркибида озонни бузувчи моддалар бўлган маҳсулотлар импорти ва экспортига рухсатнома ҳудудий бўлинма томонидан берилади.

6. Озонни бузувчи моддалар ва таркибида улар бўлган маҳсулотларнинг импорти ва экспорти юзасидан назоратни Давлат экология қўмитаси томонидан Ўзбекистон Республикаси Давлат божхона қўмитаси билан биргаликда, белгиланган тартибда амалга оширилади.

7. Ўзбекистон Республикаси томонидан озонни бузувчи моддаларни ишлатиш бўйича ҳисоботларни тайёрлаш ҳамда Вена конвенцияси ва Монреал протоколи Котибиятига тақдим этиш Давлат экология қўмитаси томонидан 30 июнгача, ушбу Низомга 2-иловада келтирилган схема бўйича, Давлат экология қўмитасига ҳар йили 30 майгача тақдим этиладиган:

аризачилардан — амалда Ўзбекистон Республикасига импорт қилинган (Ўзбекистон Республикасидан экспорт қилинган) озонни бузувчи моддалар миқдори ҳақидаги маълумотлар;

Ўзбекистон Республикаси Давлат божхона қўмитасидан — озонни бузувчи моддалар ва таркибида улар бўлган маҳсулотларнинг импорти ва экспорти ҳақидаги жамланма маълумотлар асосида амалга оширилади.

2-боб. Рухсат бериш талаблари ва шартлари

8. Қуйидагилар озонни бузувчи моддалар ва таркибида улар бўлган маҳсулотларнинг импорти ва экспортини амалга оширишда рухсат беришнинг талаблари ва шартлари ҳисобланади:

а) озонни бузувчи моддалар ва таркибида улар бўлган маҳсулотларнинг импорти ва экспортини амалга оширишда қонун ҳужжатларига мажбурий равишда риоя этиш;

б) рухсат этилган озонни бузувчи моддаларнинг импорти ва экспортини Ўзбекистон Республикасига импорти ва Ўзбекистон Республикасидан экспорти рухсатномалар бўйича амалга ошириладиган озонни бузувчи моддалар турлари рўйхатига мувофиқ амалга ошириш;

в) озонни бузувчи ёки уларга боғлиқ бўлган моддалардан фойдаланган ҳолда ишлаб чиқарилган совутиш жиҳозлари ва ҳавони кондиционерлаш ускуналарининг:

Ўзбекистон Республикасига импорти ва Ўзбекистон Республикасидан экспорти рухсатномалар бўйича амалга ошириладиган, озонни бузувчи моддалар турлари рўйхатининг А рўйхатидаги I гуруҳга ва С рўйхатидаги I гуруҳга мансуб бўлмаган;

Ўзбекистон Республикасига импорти тақиқланган озонни бузувчи моддалар турлари рўйхатига мансуб бўлмаганларининг импортини амалга ошириш;

г) озонни бузувчи моддаларнинг Ўзбекистон Республикасига импортини ушбу моддалар учун белгиланган ва тақсимланган квотасига мувофиқ амалга ошириш;

д) экспортчи экспорт қилувчи мамлакатда, тегишли мамлакатнинг ваколатли органларидан олинган маълумотга асосан, тегишли озонни бузувчи модда билан ишлаш учун рухсатномага эга бўлган ташкилот эканлиги ҳолати тасдиқланиши, импортга рухсат этилган ҳолда;

е) озонни бузувчи модданинг импортини импорт қилувчи мамлакат қонун ҳужжатлари, шунингдек Монреал протоколи талабларини бузмаган ҳолда амалга ошириш;

ж) озонни бузувчи янги моддали (рециркуляция қилинган, тикланган озонни бузувчи моддали, уларнинг рециркуляция ёки тикланганлиги ҳолати, ушбу ишларни амалга оширган ташкилотларнинг номи ва манзиллари кўрсатилган ҳолда), таркибида озонни бузувчи моддалар бўлган маҳсулотларнинг импорт ёки экспорт қилинадиган контейнерларини, берилган рухсатнома асосида маркировкалашни амалга ошириш;

з) импорт қилинган ва сотилган озонни бузувчи моддалар миқдорларининг, харидорларнинг номлари ва манзиллари ҳамда қўлланилиши тахмин қилинган соҳалар кўрсатилган ҳолда ҳисобини юритиш, шунингдек, экспорт қилинган озонни бузувчи моддалар миқдорлари ҳисобини юритиш;

и) Давлат экология қўмитасига мазкур Низомнинг 2 ва 3-иловаларидаги схема ва шаклга мувофиқ, амалда импорт қилинган озонни бузувчи моддалар миқдори ва уларнинг қўлланиш соҳалари бўйича сотилган миқдорлари ҳақидаги, шунингдек амалда экспорт қилинган озонни бузувчи моддалар миқдорлари тўғрисидаги маълумотларни ҳар йили тақдим этиш;

к) ушбу Низомда белгиланган ҳолатлар, муддатлар ва миқдорларда йиғимлар тўлаш.

9. Мазкур Низомда кўзда тутилган рухсат бериш тартиб-тамойиллари ва шартлари рўйхати мукаммал ҳисобланади.

3-боб. Рухсатнома олиш учун зарур ҳужжатлар

10. Аризачи рухсатнома олиш учун Давлат экология қўмитасига ёки унинг ҳудудий бўлинмасига, 2018 йилнинг 1 июлидан бошлаб эса, Давлат хизматлари марказларига ёки Ўзбекистон Республикаси Ягона интерактив давлат хизматлари портали орқали (кейинги ўринларда Ягона портал деб аталади) қуйидаги ҳужжатларни тақдим этади;

а) ушбу Низомга 4-иловага (озонни бузувчи моддалар учун) ва 5-иловага (таркибида озонни бузувчи моддалар бўлган маҳсулотлар учун) мувофиқ ариза;

б) озонни бузувчи моддалар ва таркибида улар бўлган маҳсулотларнинг импорти ёки экспорти учун битим (шартномалар, инвойслар ва ҳ.к.);

в) озонни бузувчи моддаларнинг утилизацияси ёки тикланишини амалга оширган ихтисослаштирилган ташкилотнинг етказиб берилган ҳажмлар кўрсатилган ҳолдаги маълумотномаси (аввал ишлатилган ва тикланган озонни бузувчи моддалар Ўзбекистон Республикасига импорт қилинганда тақдим этилади);

г) рухсатнома бериш ҳақидаги аризани кўриб чиқиш учун йиғим тўланганлиги ҳақидаги банк ҳужжати;

д) импорт қилинаётган озонни бузувчи моддаларнинг таркиби, шунингдек, Давлат экология қўмитасининг талабига кўра, экспортни амалга ошираётган мамлакат томонидан берилган лицензиядан нусха.

11. Рухсатнома бериш ҳақидаги аризада аризачи электрон манзилининг кўрсатилиши унинг аризаси бўйича Ягона портал орқали қабул қилинган қарор ҳақидаги хабарномани олишга унинг розилиги ҳисобланади.

12. Аризачи рухсатнома беришга аризани кўриб чиқиш учун тақдим этиладиган маълумотларнинг ишончлилиги учун жавобгардир.

13. Аризачидан мазкур Низомнинг 10-бандида кўзда тутилмаган ҳужжат ва маълумотларни тақдим этишини талаб қилинишига йўл қўйилмайди.

14. Зарурат бўлганда Давлат экология қўмитаси:

экспорт қилувчи мамлакатнинг ваколатли органларидан, аризачининг иштирокисиз, озонни бузувчи моддалар ва таркибида улар бўлган маҳсулотларнинг аризачи томонидан тақдим этилган ариза ва битимдаги (шартномада, инвойсда ва ҳ.к.) маълумотларга мослиги ҳақида қўшимча ҳужжат ва маълумотлар олади;

Ўзбекистон Республикаси Давлат божхона қўмитаси ходимлари, шунингдек, тегишли соҳанинг юқори малакали мутахассислари билан биргаликда, озонни бузувчи моддалар, таркибида улар бўлган маҳсулотларни ташқи кўздан кечиришни, уларнинг рухсатномага мувофиқлигини аниқлаш учун асбоб-ускуналар ёрдамида ўлчовлар, ўрганишлар, тадқиқотлар, кўздан кечиришлар ва бошқа илмий ва техник баҳолашлар ўтказди.

15. Давлат экология қўмитаси ёки унинг ҳудудий бўлинмаларига рухсатнома олиш учун тақдим этилган ҳужжатлар рўйхат бўйича қабул қилинади ва у ҳужжатлар қабул қилинган сана кўрсатилган ҳолда дарҳол аризачига берилади (юборилади).

16. Келиш тартибида мурожаат қилинганда Давлат хизматлари маркази ходими аризани тўлдиришнинг тўлиқлигини Давлат экология қўмитаси томонидан белгиланган тартибда тасдиқланган давлат паспортига мувофиқ текширади.

Аризани рўйхатга олганидан сўнг, Давлат хизматлари маркази ходими аризачига ариза олинганлиги тўғрисида тилхат беради ёки ариза нусхасига аризанинг рўйхатга олинган рақами кўрсатилган ҳолда тегишли белги қўяди.

17. Келиш тартибида ариза олинган кунда Давлат хизматлари маркази ходими аризада кўрсатилган маълумотларни Давлат экология қўмитаси ёки унинг ҳудудий бўлинмасига Ягона портал орқали юбориладиган махсус шаклга киритади.

18. Келиш тартибида Давлат хизматлари марказига аризачи жойлашмаган жойидан мурожаат қилганда, ариза Давлат хизматлари маркази томонидан, Ягона портал орқали Давлат экология қўмитаси ёки унинг ҳудудий бўлинмасига юборилади.

Аризачи Давлат хизматлари марказига келиш тартибида, аризани электрон шаклда тақдим этса, Давлат хизматлари маркази ходими зарурат бўлганда, ўзига ўзи хизмат кўрсатиши учун мўлжалланган, Давлат хизматлари марказида ажратилган хонада аризани Ягона портал орқали юборишда унга ёрдам кўрсатади.

19. Ягона портал орқали юборилган ариза, автоматик равишда, рўйхатга олиш ID рақами берилган ҳолда рўйхатга олинади.

4-боб. Аризани кўриб чиқиш ва рухсатнома бериш ёки уни беришни рад этиш тўғрисида қарор қабул қилиш

20. Давлат экология қўмитаси ёки унинг ҳудудий бўлинмаси рухсат олиш учун зарур бўлган ҳужжатларни, Ўзбекистон Республикаси ташқи иқтисодий фаолиятининг Товар номенклатурасига мувофиқ, товар номенклатураси кодлари бўйича, унда озонни бузувчи моддалар бор ёки йўқлигини аниқлаш мақсадида кўриб чиқади.

Озонни бузувчи модда ёки таркибида озонни бузувчи модда бўлган маҳсулот импорт ёки экспорт қилинган ҳолатларда, битим (шартнома, инвойс ва ҳ.к.лар)нинг Ташқи иқтисодий фаолият товар номенклатурасининг ҳар бир кодига рухсатнома берилади.

Озонни бузувчи бўлмаган ёки таркибида озонни бузувчи модда бўлмаган маҳсулотга, импорт ёки экспорт қилинадиган моддаларга рухсатнома талаб этилмаслиги ҳақидаги хулоса берилади (кейинги ўринларда хулоса деб аталади).

Таркибида озонни бузувчи моддалар бўлмаган ва мамлакат корхоналари томонидан ишлаб чиқариладиган, экспорт қилинадиган совутиш жиҳозларига, ҳавони кондиционерлаш ускуналарига ушбу Низомда белгиланган тартибда, барча ишлаб чиқариладиган маҳсулотлар турларига Ташқи иқтисодий фаолият товар номенклатураси кодларига мувофиқ бир йилда бир маротаба хулоса берилади.

21. Аризани кўриб чиқиш учун ариза берилган кунда қонун ҳужжатларида белгиланган энг кам ойлик иш ҳақининг бир минимал миқдорида йиғим ундирилади.

22. Рухсатнома бериш ҳақидаги аризани кўриб чиқиш учун йиғим суммаси куйидаги ҳолларда:

аризачи рухсатнома бериш ҳақидаги аризани Ягона портал орқали берганда — Давлат экология қўмитаси тизими ёки унинг ҳудудий бўлинмасини ривожлантириш Жамғармасининг бюджетдан ташқари маблағлар бўйича ғазначилик ҳисоб рақамларига ўтказилади;

Давлат хизматлари марказларига келиш тартибида мурожаат қилинганда — тўланадиган йиғим суммасининг 20 фоизи миқдорида Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси шахсий ҳисоб рақамига белгиланган тартибда ўтказилади;

аризачи рухсатнома бериш ҳақидаги аризасидан воз кечганда — йиғим суммаси қайтарилмайди.

23. Давлат экология қўмитаси ёки унинг ҳудудий бўлинмаси аризачининг аризасини мазкур Низомнинг 10-бандида кўзда тутилган, шу жумладан рухсатнома Давлат хизматлари марказидан бериладиган ҳолатларда, ҳужжатлар берилган санадан бошлаб етти иш кунидан ошмаган муддатда кўриб чиқади ва рухсатномани беради ёки беришни рад этади.

24. Зарурат бўлганда, Давлат экология қўмитаси ёки унинг ҳудудий бўлинмаси аризачининг аризасини мазкур Низомнинг 14-бандида кўзда тутилган, шу жумладан рухсатнома Давлат хизматлари марказидан бериладиган ҳолатларда, ҳужжатлар берилган

санадан бошлаб йигирма иш кунидан ошмаган муддатда кўриб чиқади ва рухсатномани беради ёки беришни рад этади.

25. Давлат экология қўмитаси ёки унинг ҳудудий бўлинмаси аризачига рухсатномани беради (юборади) ёки уни ёзма равишда хабардор қилади, 2018 йилнинг 1 июлидан эса, тегишли қарор қабул қилинган пайтдан бошлаб бир иш кунидан кечиктирмаган ҳолда, бундай рухсатнома беришнинг рад жавоби тўғрисида Давлат хизматлари маркази ёки Ягона портал орқали хабардор қилади.

26. Рухсатнома расмийлаштирилаётганда:

Давлат экология қўмитаси ёки унинг ҳудудий бўлинмаси томонидан рўйхатга олинаётган ариза рақами ёки Ягона портал орқали юборилган аризанинг рўйхатга олиш ID рақамидан;

товарнинг ташқи иқтисодий фаолият товар номенклатурасининг тегишли кодидан иборат бўлган рақам қўйилади.

Рухсатнома аризачига Давлат экология қўмитаси ёки унинг ҳудудий бўлинмаси томонидан, ушбу Низомнинг 6, 7, 8 ва 9-иловаларига мувофиқ шакллар бўйича берилади.

27. Хулоса Давлат экология қўмитаси ёки унинг ҳудудий бўлинмасининг белгиланган намунадаги бланкасида расмийлаштирилади.

Рухсатнома ва хулосани бериш учун йиғим ундирилмайди.

28. Рухсатнома озонни бузувчи моддалар ва таркибида улар бўлган маҳсулотларнинг импорти ёки экспортини амалга ошириш учун зарур бўлган муддатга, бироқ ҳар жорий йилнинг 31 декабридан ошмаган муддатга берилади.

29. Рухсатнома беришни рад этиш учун қуйидагилар асос бўлади:

рухсатнома бериш учун зарур бўлган ҳужжатларнинг аризачи томонидан тўлиқ бўлмаган ҳажмда тақдим этилганлиги;

аризачининг рухсат беришга доир талаблар ва шартларга мувофиқ эмаслиги;

аризачи томонидан тақдим этилган ҳужжатларда нотўғри ёки бузиб кўрсатилган маълумотларнинг мавжудлиги;

ушбу Низомнинг 14-банди иккинчи хат бошида кўзда тутилган асбоб-ускуналар ёрдамидаги ўлчашлар, ўрганишлар, тадқиқотлар, кўздан кечиришлар ёки бошқа илмий ва техник баҳолашлар натижаларига кўра асосланган салбий хулоса.

Рухсатнома беришни бошқа асосларга кўра, шу жумладан, мақсадга мувофиқ эмас деган важлар билан рад этишга йўл қўйилмайди.

30. Рухсатнома берилишини рад этиш ҳақида қарор қабул қилинган тақдирда, рад ҳақидаги хабарнома аризачига юборилади (тақдим этилади), 2018 йилнинг 1 июлидан эса, Давлат хизматлари маркази ёки Ягона портал орқали, рад этиш сабаблари, қонун ҳужжатларининг аниқ нормалари, аризачи кўрсатилган сабабларни бартараф этган тақдирда, ҳужжатларнинг такроран кўриб чиқилиши учун тақдим этиши мумкин бўлган муддат кўрсатилган ҳолда хабарнома юборилади.

Аризачи рад этиш сабабларини бартараф этиб, ҳужжатларни такроран кўриб чиқишга тақдим этиш учун зарур бўлган муддат, рухсатнома берилиши рад этилганлиги ҳақида ёзма ёки электрон хабарнома олинган кундан бошлаб ўн иш кунидан кам бўлиши мумкин эмас.

31. Рухсатномани беришда рад учун асос бўлган сабаблар аризачи томонидан белгиланган муддатда бартараф этилган тақдирда, ҳужжатларни такроран кўриб чиқиш, рухсатномани бериш ёки унинг берилишини рад этиш Давлат экология қўмитаси ёки унинг ҳудудий бўлинмаси томонидан, аризачининг рад этилганлик сабабларини бартараф этганлиги тўғрисидаги аризаси ва рад этиш сабаблари бартараф этилганлигини тасдиқловчи тегишли ҳужжатлари олинган кундан эътиборан ўн иш кунидан ошмаган муддатда амалга оширилади.

Аризачининг аризаси такроран кўриб чиқилиши учун йиғим ундирилмайди.

32. Хужжатларни такроран кўриб чиқишда Давлат экология қўмитаси ёки унинг ҳудудий бўлинмаси томонидан аризачига, аввал баён этилган рад этиш сабабларини келтиришига, аввал кўрсатилган сабаблар бартараф этилганлигини тасдиқловчи хужжатлар билан боғлиқ рад этиш сабабларини келтиришидан ташқари, йўл қўйилмайди.

33. Рухсатнома бериш рад этилганлиги тўғрисидаги ёзма хабарномада кўрсатилган муддат ўтгандан кейин аризачи томонидан берилган ариза янгидан берилган деб ҳисобланади ва Давлат экология қўмитаси ёки унинг ҳудудий бўлинмаси томонидан умумий асосларда кўриб чиқилади.

34. Аризачи рухсатнома бериш рад этилганлиги, шунингдек, Давлат экология қўмитаси ёки унинг ҳудудий бўлинмаси мансабдор шахсининг ҳаракати (ҳаракатсизлиги) юзасидан белгиланган тартибда шикоят қилишга ҳақли.

5-боб. Рухсатноманинг амал қилиш муддатини узайтириш, уни қайта расмийлаштириш, дубликат бериш

35. Рухсатноманинг амал қилиш муддати, рухсатнома амал қилиш муддати тугагунча, бироқ ҳар бир кейинги йилнинг 31 декабридан ошмайдиган муддатгача бериладиган аризачининг аризасига кўра узайтирилиши мумкин.

Рухсатноманинг амал қилиш муддатини узайтириш рухсатнома бериш учун кўзда тутилган тартибда амалга оширилади.

Рухсатноманинг узайтирилганлиги ёзма равишда, рухсатноманинг асл нусхасига ёзув билан қайд қилиш орқали тасдиқланади, ваколатли шахс томонидан имзоланади ва Давлат экология қўмитаси ёки унинг ҳудудий бўлинмасининг муҳри билан тасдиқланади.

36. Аризачи ўзгартирилган тақдирда, берилган рухсатнома қайта расмийлаштирилиши лозим.

Рухсатномани қайта расмийлаштиришда Давлат экология қўмитаси ёки унинг ҳудудий бўлинмаси берилган рухсатномалар рўйхатига тегишли ўзгартиришлар киритади.

Рухсатномани қайта расмийлаштирганлик учун, қайта расмийлаштириш ҳақидаги ариза бериш санасига рухсатнома бериш ҳақидаги аризачининг аризасини Давлат экология қўмитаси ёки унинг ҳудудий бўлинмаси томонидан кўриб чиқирилиши учун тўланадиган сумманинг ярми миқдорида йиғим ундирилади.

37. Рухсатнома йўқолган ёки бузилган тақдирда, аризачининг аризасига кўра унинг дубликати берилади.

Давлат экология қўмитаси ёки унинг ҳудудий бўлинмаси рухсатноманинг дубликатини бериш(юбориш)га мажбур, 2018 йилнинг 1 июлидан эса, Давлат хизматлари маркази ёки Ягона портал орқали, ариза, рухсатноманинг асл нусхаси олинган кундан эътиборан, у бузилган тақдирда, шунингдек, дубликат берилганлик учун йиғим тўланганлигини тасдиқловчи маълумотлар беш иш кунидан ошмаган муддатда бериш(юбориш)га мажбур.

Рухсатноманинг дубликатини бериш учун Давлат экология қўмитаси ёки унинг ҳудудий бўлинмаси аризачининг дубликатни бериш ҳақидаги ариза берилган санага рухсатнома бериш тўғрисидаги аризасини кўриб чиқиш учун тўланадиган сумманинг ярми миқдорида йиғим ундирилади.

38. Аризачи томонидан рухсатномани қайта расмийлаштириш ёки дубликатини бериш ҳақидаги ариза берилган тақдирда, қайта расмийлаштириш ёки дубликат бериш ҳақидаги аризани кўриб чиқиш учун йиғим суммаси:

Ягона портал орқали — Давлат экология қўмитаси ёки унинг ҳудудий бўлинмасини ривожлантириш Жамғармасининг бюджетдан ташқари маблағлар бўйича ғазначилик ҳисоб рақамларига ўтказилади;

Давлат хизматлари марказларига келиш тартибда — рухсатномани қайта расмийлаштириш ёки дубликатини бериш ҳақидаги аризани кўриб чиқиш учун тўланадиган йиғим суммасининг 20 фоизи миқдорида Ўзбекистон Республикаси Адлия

вазирлиги ҳузуридаги Давлат хизматлари агентлигининг бюджетдан ташқари жамғармаси шахсий ҳисоб рақамига белгиланган тартибда ўтказилади.

6-боб. Рухсатноманинг амал қилиш муддатини вақтинча тўхтатиб туриш, тўхтатиш ва уни бекор қилиш

39. Рухсатноманинг амал қилиш муддатини вақтинчалик тўхтатиб туриш ва тўхтатиш, уни бекор қилиш «Тадбиркорлик фаолияти соҳасидаги рухсат бериш тартиб-тамойиллари тўғрисида»ги Ўзбекистон Республикаси Қонунининг тегишли равишда 22, 23 ва 25-моддаларида назарда тутилган ҳолатларда ва тартибда амалга оширилади.

40. Рухсатноманинг амал қилиш муддатини белгиланган тартибда бекор қилинишига асос бўладиган, рухсат бериш тартиб ва тамойиллари талаблари ва шартларининг бир марталик қўпол бузилишига қуйидагилар киради:

Ўзбекистон Республикасининг божхона ҳудудига тақиқланган озонни бузувчи моддалар ва таркибида улар бўлган маҳсулотларнинг импорт қилинганлик ҳолати аниқланганлиги;

Ўзбекистон Республикасининг божхона ҳудудига озонни бузувчи моддаларнинг Ўзбекистон Республикасига импорти учун белгиланган ва тақсимланган квотадан ортиқ импорт қилинганлик ҳолати аниқланганлиги;

экспортчи экспорт қилинадиган мамлакатда тегишли озон бузувчи модда билан ишлаш учун рухсатномага эга бўлмаган ташкилот эканлиги ҳолати, импорт учун рухсат бўлган ҳолда, тегишли мамлакатнинг ваколатли органларидан олинган маълумот асосида аниқланганлиги;

озонни бузувчи модданинг импорти ноқонуний муомала ҳолатини ташкил этганлиги ёхуд импортчи мамлакатда импортчи мамлакатнинг Монреал протоколи бўйича мажбуриятларини бажариш мақсадида қабул қилинган чора-тадбирларнинг амалга оширилиши назоратига ноқулай таъсир кўрсатганлиги ёхуд экспортга рухсат этилган ҳолатда — ушбу мамлакат учун мазкур Протоколда назарда тутилган миқдор чекловларининг ошишига олиб келганлиги аниқланганлиги;

ушбу Низомнинг 14-банди иккинчи хат бошида назарда тутилган асбоб-ускуна ёрдамидаги ўлчовлар, ўрганишлар, тадқиқотлар, кўздан кечиришлар ва бошқа илмий ва техник баҳолашлар якуни бўйича рухсат бериш тартиб-тамойиллари талаб ва шартлари бузилганлик ҳолати аниқланганлиги.

41. Ўзбекистон Республикасининг божхона ҳудудига келиб тушган, озонни бузувчи моддалар ва таркибида улар бўлган маҳсулотлар импорти учун рухсатнома бекор қилинганда, улар импортини амалга оширган аризачининг маблағлари ҳисобидан қайта ташиб кетилади.

7-боб. Берилган рухсатномалар реестри

42. Давлат экология қўмитаси ёки унинг ҳудудий бўлинмаси берилган рухсатномалар реестрини юритади ва уларни ўз веб-сайтида жойлаштиради.

Берилган рухсатномалар реестрида аризачи ҳақидаги қуйидаги асосий маълумотлар кўрсатилиши лозим:

аризачи — юридик шахснинг номи, унинг ташкилий-ҳуқуқий шакли, почта манзили, телефони;

аризачи — жисмоний шахснинг фамилияси, исми, отасининг исми, унинг паспорт маълумотлари, почта манзили, телефони;

рухсатнома берилган сана ва рақами, рухсатноманинг амал қилиш муддати;

рухсатноманинг қайта расмийлаштирилишига асослар, амал қилиш муддатини узайтириш, вақтинча тўхтатиш ва амал қилишини қайта бошлаш саналари;

рухсатноманинг бекор қилиниши асослари ва саналари;

рухсатнома дубликатини бериш асослари ва саналари;

43. Берилган рухсатномалар реестрларидаги маълумотлар юридик ва жисмоний шахсларнинг улар билан танишишлари учун очик ҳисобланади.

8-боб. Яқунловчи қоидалар

44. Рухсат бериш тартиб-тамойиллари соҳасида пайдо бўладиган низолар қонун ҳужжатларида белгиланган тартибда ҳал этилади.

45. Ушбу Низом талаблари бузилишида айбдор бўлган шахслар қонун ҳужжатларига мувофиқ жавоб берадилар.

IV. Архитектура ва қурилиш, кадастр ва коммунал хўжалик соҳасидаги давлат хизматлари

4.1. Газ тизимига уланиш бўйича давлат хизмати

Юридик ва жисмоний шахсларни газ тармоқларига улаш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 31 мартдаги 256-сон қарорига)

1-боб. Умумий қоидалар

1. Ушбу Регламент юридик ва жисмоний шахсларни (кейинги ўринларда истеъмолчилар деб аталади) газ тармоқларига улаш тартибини белгилайди.

2. Ушбу Регламентнинг амал қилиши истеъмолчиларнинг газ тармоқларига уланаётган янги ва қўшимча газ истеъмоли жиҳозларига, шунингдек, газ таъминоти лойиҳаси ва табиий газдан фойдаланиш ҳажмлари ўзгаришига олиб келадиган уланиш нуқталари, ишлаб чиқариш фаолияти турлари ўзгартирилаётганда татбиқ этилади.

Ушбу Регламент талаблари истеъмолчиларнинг 1,2 МПа босимдан юқори бўлган газ тармоқларига уланишига татбиқ этилмайди.

3. Табиий газни газ таъминоти шартномасини тузмасдан етказиб бериш тақиқланади.

4. Истеъмолчиларни газ тармоқларига улаш жараёни қуйидагиларни назарда тутати:

техник шартларни ишлаб чиқиш;

газ таъминоти лойиҳасини ишлаб чиқиш ва келишиш;

қурилиш-монтаж ишларини амалга ошириш;

табиий газни ҳисобга олиш приборини пломбалаш;

созлаш-ишга тушириш ишларини амалга ошириш учун, йилига 100 000 ва ундан ортиқ кубметр табиий газдан битта прибор учун ёқилғи сифатида фойдаланувчи юридик шахслар газ хўжалигининг мавсумий ва узоқ муддат ишловчи газ истеъмоли объектларини ишга тушириш учун рухсатномалар бериш;

газ таъминоти шартномасини тузиш;

созлаш-ишга тушириш ишларини амалга ошириш;

табиий газни етказиб бериш.

5. Истеъмолчиларни газ тармоқларига улаш жараёнини амалга оширишда:

а) ҳудудий газ таъминоти корхонаси (кейинги ўринларда ХГК деб аталади):

техник шартларни ишлаб чиқади;

лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

газ таъминоти лойиҳасини техник шартларга мувофиқлиги юзасидан келишади, агар лойиҳани ишлаб чиқувчи лойиҳалаш ташкилоти бўлса;

табиий газни ҳисобга олиш приборини пломбалашда иштирок этади;

газ таъминоти шартномасини тузади;

табиий газни етказиб беришни амалга оширади;

б) лойиҳалаш, қурилиш-монтаж ва созлаш-ишга тушириш ташкилотлари лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

в) Ўзбекистон Республикаси Бош прокуратураси ҳузуридаги Мажбурий ижро бюроси (кейинги ўринларда Бюро деб аталади) табиий газни ҳисобга олиш приборини пломбалашда иштирок этади;

г) Ўзбекистон Республикаси Вазирлар Маҳкамаси ҳузуридаги Ер қабрини геологик ўрганиш, саноатда, кончиликда ва коммунал-маиший секторда ишларнинг бехатар олиб борилишини назорат қилиш давлат инспекцияси (кейинги ўринларда «Саноатгеоконтехназорат» ДИ деб аталади) созлаш-ишга тушириш ишларини амалга ошириш учун, йилига 100 000 ва ундан ортиқ кубметр табиий газдан битта прибор учун ёқилғи сифатида фойдаланувчи юридик шахсларнинг газ хўжалигининг мавсумий ва узок муддат ишловчи газ истеъмоли объектларини ишга тушириш учун рухсатномалар беради.

6. Давлат хизматлари марказлари, Бюро, ХГК, лойиҳалаш, қурилиш-монтаж ва созлаш-ишга тушириш ташкилотлари ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. Истеъмолчиларни газ тармоқларига улаш ушбу Регламентга 1-иловага мувофиқ схема бўйича амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

8. Истеъмолчилар газ тармоқларига уланиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

9. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 2-иловага мувофиқ давлат хизматидан фойдаланиш учун сўровномани электрон тарзда тўлдирди.

Зарур ҳолларда сўровномада уланиш назарда тутилаётган газ коммуникациялари балансида сақловчиларининг розилиги мавжудлиги ҳақида маълумотлар кўрсатилади.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

10. Истеъмолчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизматлари маркази ходимлари ва ЯИДХП истеъмолчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари истеъмолчилар ЭРИни жойнинг ўзида олишлари учун барча зарур шароитларни таъминлашга мажбурдир.

11. Давлат хизматларини кўрсатиш учун энг кам ойлик иш ҳақининг 10 фоизи миқдорида йиғим ундирилади.

Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ ХГКнинг банк ҳисоб рақамларига ўтказилади.

13. Истеъмолчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматларини

кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

14. Истеъмолчи давлат хизматларидан фойдаланишдан у кўрсатилишининг ҳар қандай босқичида бош тортиш ҳуқуқига эга.

Истеъмолчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ХГКга техник шартларни ишлаб чиқиш учун юборади.

ЯИДХП орқали мурожаат қилинганда эса сўровнома автоматик тарзда ХГКга техник шартларни ишлаб чиқиш учун юборилади.

2-§. Техник шартларни ишлаб чиқиш ва бериш, шунингдек, тижорат таклифлари ва шартномалар лойиҳаларини тақдим этиш

16. ХГК сўровнома тушганидан сўнг уч иш куни мобайнида техник шартларни ишлаб чиқади ва электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) юборади ёхуд уларни ишлаб чиқишни рад этади.

ХГК лойиҳалаш, қурилиш-монтаж ва созлаш-ишга тушириш ишларини амалга ошириш бўйича ўзининг тижорат таклифларини ҳамда шартномалари лойиҳаларини ҳам юбориш ҳуқуқига эга.

Ўзи келиб мурожаат этганда Давлат хизматлари маркази техник шартлар ҳамда ХГКнинг лойиҳалаш, қурилиш-монтаж ва созлаш-ишга тушириш ишларини амалга ошириш бўйича тижорат таклифлари ва шартномалар лойиҳалари тушганидан сўнг бир соат мобайнида техник шартларга ўзининг муҳрини босиб, истеъмолчига беради.

17. Истеъмолчининг объекти жойлашган ҳудудда қуввати ХГК томонидан истеъмолчига табиий газни етказиб беришни таъминлайдиган газ тақсмоти тармоғининг мавжуд эмаслиги техник шартларни ишлаб чиқишни рад этиш учун асос бўлади.

Бошқа асосларга кўра техник шартларни ишлаб чиқишни рад этиш қатъиян тақиқланади.

18. Ишлаб чиқилган техник шартлар истеъмолчининг алоқа қилинадиган маълумотлари илова қилинган ҳолда лойиҳалаш, қурилиш-монтаж ва созлаш-ишга тушириш ишларини амалга ошириш бўйича ўзларининг тижорат таклифлари ва шартномалар лойиҳаларини тақдим этиши мақсадида лойиҳалаш, қурилиш-монтаж ва созлаш-ишга тушириш ташкилотларининг танишиши учун ЯИДХПда жойлаштирилади.

3-§. Истеъмолчиларни газ тармоқларига улаш

19. Газ таъминоти лойиҳасини ишлаб чиқиш учун истеъмолчилар ХГК ёки бошқа лойиҳалаш ташкилотлари билан лойиҳалаш ишларини бажариш бўйича шартномалар тузиш ҳуқуқига эга.

20. Лойиҳалаш ишлари лойиҳалаш ишларини амалга ошириш бўйича шартномаларда белгиланган муддатларда амалга оширилади.

21. Лойиҳалаш ташкилоти лойиҳалаш ишларини амалга оширганидан сўнг ЯИДХПда ушбу Регламентга 3-илова мувофиқ шаклда сўровномани тўлдиради ва уни ўзининг ЭРИ билан тасдиқлайди.

Сўровномага газ таъминоти лойиҳаси электрон шаклда илова қилинади.

Лойиҳалаш ташкилотидан ушбу бандда кўрсатилмаган ҳужжатлар ва маълумотларни тақдим этишни талаб этиш қатъиян тақиқланади.

Сўровнома газ таъминоти лойиҳасини келишиш учун ХГКга автоматик тарзда юборилади.

22. Газ таъминоти лойиҳаси ХГК томонидан ишлаб чиқилган ҳолларда газ таъминоти лойиҳасини келишиш талаб этилмайди.

23. ХГК сўровнома тушганидан сўнг уч иш куни давомида газ таъминоти лойиҳасини келишади ёки келишишни рад этади.

Газ таъминоти лойиҳасини келишиш уни ХГКнинг ЭРИ билан тасдиқлаш орқали амалга оширилади.

24. Газ таъминоти лойиҳасининг техник шартлар талабларидан четга чиқиши газ таъминоти лойиҳасини келишишни рад этишга асос бўлади.

Бошқа сабабларга кўра газ таъминоти лойиҳасини келишишни рад этиш қатъиян тақиқланади.

Газ таъминоти лойиҳасини келишишни рад этиш учун асос бўлган сабаблар лойиҳалаш ташкилоти томонидан бартараф этилган тақдирда, қайта келишиш такрорий сўровнома тушганидан сўнг бир иш кунидан ошмаган муддатда амалга оширилади.

Газ таъминоти лойиҳасини такроран кўриб чиқишда ХГК томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

25. Келишилган газ таъминоти лойиҳаси у келишилган кунда электрон шаклда ХГК томонидан лойиҳалаш ташкилотига ЯИДХП орқали юборилади.

26. Газ тармоқларига улаш бўйича қурилиш-монтаж ишларини амалга ошириш учун истеъмолчилар ХГК ёки бошқа қурилиш-монтаж ташкилотлари билан тегишли шартномалар тузиш ҳуқуқига эга.

27. Қурилиш-монтаж ишлари қурилиш-монтаж ишларини ўтказиш бўйича шартномаларда белгиланган муддатларда амалга оширилади.

4-§. Табиий газни ҳисобга олиш приборини пломбалаш, газ таъминоти шартномасини тузиш ва табиий газни етказиб бериш

28. Табиий газни ҳисобга олиш приборини пломбалаш ва газ таъминоти шартномасини тузиш газ тармоқларига уланиш бўйича қурилиш-монтаж ишлари бажарилгандан сўнг амалга оширилади.

29. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 4-иловага мувофиқ табиий газни ҳисобга олиш приборини пломбалаш ва газ таъминоти шартномасини тузиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

30. Истеъмолчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

31. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ХГК ва Бюрога табиий газни ҳисобга олиш приборини пломбалаш ва газ таъминоти шартномасини тузиш учун юборади.

ЯИДХП орқали мурожаат қилинганда сўровнома автоматик тарзда ХГК ва Бюрога табиий газни ҳисобга олиш приборини пломбалаш ва газ таъминоти шартномасини тузиш учун юборилади.

32. ХГК ва Бюро сўровнома тушган кундан бошлаб икки иш куни мобайнида жойнинг ўзига чиқиб табиий газни ҳисобга олиш приборини пломбалашни амалга оширади.

Табиий газни ҳисобга олиш приборини пломбалаш кўшма тасдиқланган жадваллар асосида олдиндан белгиланган вақтда амалга оширилади.

33. ХГК табиий газни ҳисобга олиш прибори пломбаланган куннинг ўзида электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) пломбалаш амалга оширилганлиги тўғрисида маълумотлар кўрсатилган расмийлаштирилган газ таъминоти шартномасини юборади.

34. Давлат хизматлари маркази расмийлаштирилган газ таъминоти шартномаси тушгандан сўнг бир соат мобайнида бу ҳақида истеъмолчини ахборот-коммуникация тизимлари орқали хабардор қилади.

35. Истеъмолчи расмийлаштирилган газ таъминоти шартномаси тушгандан сўнг беш иш куни мобайнида уни ўзининг ЭРИ билан тасдиқлайди.

Истеъмолчи томонидан тасдиқланган газ таъминоти шартномаси Давлат хизматлари маркази томонидан (ўзи келиб мурожаат этганда) ХГКга ёки истеъмолчи томонидан ЯИДХП орқали (электрон шаклда мурожаат қилинганда) юборилади.

36. Истеъмолчи газ таъминоти шартномасини тасдиқлашдан бош тортганда ёки у белгиланган муддатда юборилмаганда газ таъминоти шартномаси тузилмаган ҳисобланади.

37. Табиий газни етказиб бериш ХГК томонидан қуйидаги тартибда амалга оширилади:

конун ҳужжатларида олдиндан тўловни амалга ошириши назарда тутилган истеъмолчилар учун — истеъмолчи томонидан олдиндан тўлов амалга оширилган куни;

конун ҳужжатларида олдиндан тўловни амалга ошириши назарда тутилмаган истеъмолчилар учун — истеъмолчи томонидан тасдиқланган шартнома олинган куни.

38. Газ истеъмоли жиҳозларни созлаш-ишга тушириш ишлари ҳамда улаш конун ҳужжатларида белгиланган тартибда амалга оширилади.

5-§. Созлаш-ишга тушириш ишларини амалга ошириш учун, йилига 100 000 ва ундан ортиқ кубметр табиий газдан битта прибор учун ёқилғи сифатида фойдаланувчи юридик шахслар газ хўжалигининг мавсумий ва узоқ муддат ишловчи газ истеъмоли объектларини ишга тушириш учун рухсатномалар бериш

39. Йилига 100 000 гача кубметр табиий газдан битта прибор учун ёқилғи сифатида фойдаланувчи юридик шахслар газ хўжалигининг мавсумий ва узоқ муддат ишловчи газ истеъмоли объектларини ишга тушириш учун, созлаш-ишга тушириш ишларини амалга ошириш учун рухсатномалар олиш талаб этилмайди.

40. Созлаш-ишга тушириш ишларини амалга ошириш учун, йилига 100 000 ва ундан ортиқ кубметр табиий газдан битта прибор учун ёқилғи сифатида фойдаланувчи юридик шахслар газ хўжалигининг мавсумий ва узоқ муддат ишловчи газ истеъмоли объектларини ишга тушириш учун рухсатномалар «Саноатгеоконтехназорат» ДИ томонидан конун ҳужжатларида белгиланган тартибда берилади.

3-боб. Якунловчи қоидалар

41. Техник шартларни, шу жумладан, қўшимча техник шартларни ишлаб чиқиш, бериш, газ таъминоти лойиҳаларини келишиш ва табиий газни ҳисобга олиш приборини пломбалаш тўлов ундирилмаган ҳолда амалга оширилади, давлат хизматлари кўрсатилганлиги учун йиғим ундирилиши бундан мустасно.

42. Давлат хизматлари марказлари, ХГК, «Саноатгеоконтехназорат» ДИ, Бюро, лойиҳалаш, қурилиш-монтаж ва ишга тушириш-созлаш ташкилотлари ўз фаолиятини амалга ошириши натижасида олинган истеъмолчи ҳақидаги маълумотларнинг махфийлигини таъминлаши керак.

43. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

44. Истеъмолчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

45. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.2-4.4. Табиий газни ҳисобга олиш(ҳисоблагич) ускунаси ўрнатиш, ечиш ва қиёслашга ариза бериш бўйича давлат хизмати

Табиий газни ҳисобга олиш ускунасини (ҳисоблагични) ечиш, қиёслашдан ўтказиш ва ўрнатиш бўйича давлат хизматлари кўрсатишнинг

ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент юридик ва жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали табиий газни ҳисобга олиш (ҳисоблагич) ускунасини (бундан буён ҳисобга олиш ускуналари деб юритилади) ечиш, қиёслашдан ўтказиш ва ўрнатиш бўйича давлат хизматларини (бундан буён матнда давлат хизматлари деб юритилади) кўрсатиш тартибини белгилайди.

Мазкур Регламент талаблари Ўзбекистон Республикаси Президентининг 2017 йил 13 ноябрдаги ПҚ-3384-сон “Электр энергияси ва табиий газ назорати ва ҳисобининг автоматлаштирилган тизимини жадал жорий этиш чора-тадбирлари тўғрисида”ги қарори асосида ўрнатилган ҳисобга олиш ускуналари, шунингдек ўлчов комплексларига нисбатан татбиқ этилмайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали кўрсатилади. Бунда:

а) ҳудудий газ таъминоти филиали (бундан буён матнда ХГТФ деб юритилади) – ҳисобга олиш ускуналарини ечиш ва ўрнатишни амалга оширади, ечилган ҳисобга олиш ускуналарини “Ўзстандарт” агентлигининг давлат метрологик хизматида (бундан буён матнда метрологик хизмат деб юритилади) қиёслашдан ўтказиш ишларининг амалга оширилишини таъминлайди;

б) Ўзбекистон Республикаси Бош прокуратураси ҳузуридаги Мажбурий ижро бюросининг ҳудудий бўлинмалари (бундан буён матнда Бюро деб юритилади) барча жараёнларда ХГТФ билан ҳамкорлик қилади, ҳисобга олиш ускуналарига тамға (пломба) қўйишни амалга оширади;

в) метрологик хизмат ечилган ҳисобга олиш ускуналарини қиёслашдан ўтказиш билан боғлиқ ишларни амалга оширади;

г) талабгорлар ечилган ҳисобга олиш ускуналарини ўрнатиш ва ечиш учун зарур шароит яратади ва ушбу жараёнда иштирок этади.

2. Давлат хизматлари марказлари, ХГТФ, Бюро ва метрологик хизмат ўртасида ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил

равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматларини кўрсатиш учун тўловнинг амалга оширилмаганлиги давлат хизматларини кўрсатишни рад этиш учун асос ҳисобланади. Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда тўланган тўлов қайтарилмайди.

11. Талабгорлар Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг,

20 дақиқа ичида ХГТФ ва Бюрога электрон шаклда юборилади (қиёслашдан ўтказиш учун мурожаат қилинганда, метрологик хизматга ҳам юборилади). ЯИДХП орқали мурожаат қилинганда эса, анкета автоматик тарзда ХГТФ

ва Бюрога электрон шаклда юборилади (қиёслашдан ўтказиш учун мурожаат қилинганда, метрологик хизматга ҳам юборилади).

2-§. Ҳисобга олиш ускуналарини ечиш тартиби

12. ХГТФ ва Бюро ходимлари анкета келиб тушганидан сўнг 5 иш куни ичида талабгор билан келишиб, унинг иштирокида тегишли далолатнома тузган ҳолда ҳисобга олиш ускунасини ечиб олади ва уни талабгорга далолатноманинг бир нусхаси билан бирга топширади.

Талабгор ҳисобга олиш ускунасини қиёслашдан ўтказиш учун мурожаат қилганда, ҳисобга олиш ускунаси ХГТФ томонидан далолатнома билан бирга метрологик хизматга топширилади.

13. Талабгор ёки унинг вакили келишилган вақтда ва манзилда бўлмаган тақдирда, бу ҳақда ҳолислар иштирокида далолатнома тузилиб, фуқароларнинг ўзини ўзи бошқариш органи муҳри билан расмийлаштирилади ва белгиланган тартибда давлат хизматлари кўрсатиш рад этилади.

Давлат хизматлари кўрсатиш рад этилганлиги ҳақида ХГТФ масъул ходими томонидан электрон рақамли имзо билан тасдиқланган хабарнома тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

3-§. Ҳисобга олиш ускуналарини қиёслашдан ўтказиш тартиби

14. Ҳисобга олиш ускунаси ҲГТФдан қабул қилиб олинганидан сўнг, 3 кун ичида метрологик хизмат томонидан қиёслашдан ўтказилади.

15. Ҳисобга олиш ускунасини қиёслашдан ўтказиш натижаси ижобий бўлган тақдирда, ҳисобга олиш ускунаси фойдаланишга яроқли деб топилади ва метрологик хизмат томонидан ҳисобга олиш ускунасининг қиёслашдан ўтказилганлиги ҳақида сертификат расмийлаштирилади.

Ҳисобга олиш ускунаси унинг ҳисоблаш механизми ва созлаш элементига ўзгартириш киритишнинг олдини олиш мақсадида метрологик хизмат томонидан тамғаланади.

Ҳисобга олиш ускунасини қиёслашдан ўтказиш натижаси салбий бўлганда, ҳисобга олиш ускунаси фойдаланишга яроқсиз деб топилади ва бу ҳақда шу куннинг ўзида метрологик хизмат масъул ходими томонидан ҳисобга олиш ускунасининг яроқсизлиги ҳақида хабарнома расмийлаштирилади.

Сертификат ёки хабарнома расмийлаштирилгандан сўнг, 20 дақиқа ичида метрологик хизмат масъул ходими уларни ўзининг электрон рақамли имзоси билан тасдиқлаб, ҲГТФ ва Бюрога, шунингдек Давлат хизматлари маркази (ўзи келиб мурожаат этган тақдирда) ёки ЯИДХП орқали талабгорга (электрон тарзда мурожаат этган тақдирда) электрон шаклда юборади.

16. ҲГТФ сертификат ёки хабарнома келиб тушганидан сўнг 2 иш куни ичида приборни метрологик хизматдан олиб кетади.

4-§. Ҳисобга олиш ускуналарини ўрнатиш тартиби

17. ҲГТФ ва Бюро ходимлари ҳисобга олиш ускунаси қиёслашдан ўтказилгандан кейин 3 иш куни ичида уч нусхада тегишли далолатнома тузган ҳолда талабгор иштирокида ўрнатилиб, тамғаланади. Далолатноманинг бир нусхаси талабгорда қолдирилади.

Ҳисобга олиш ускунасини ўрнатиб бериш бўйича мурожаат қилинганда (анкета келиб тушганда) ҲГТФ ва Бюро ходимлари томонидан

3 иш куни ичида, талабгор билан келишилган вақтда, анкетада кўрсатилган манзилга бориб, ҳисобга олиш ускунаси ўрнатиб берилади.

Талабгор ёки унинг вакили келишилган вақтда ва манзилда бўлмаган тақдирда, бу ҳақда ҳолислар иштирокида далолатнома тузилиб, фуқароларнинг ўзини ўзи бошқариш органи муҳри билан расмийлаштирилади ва белгиланган тартибда давлат хизматлари кўрсатиш рад этилади.

18. Давлат хизматлари кўрсатиш рад этилганлиги ҳақида ҲГТФ масъул ходими томонидан электрон рақамли имзо билан тасдиқланган хабарнома тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

3-боб. Яқуний қоидалар

19. Давлат хизматлари марказлари, ҲГТФ, Бюро ва метрологик хизмат ўз фаолиятини амалга ошириши натижасида олинган маълумотлар сир сақланишини таъминлайди.

20. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари

ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

21. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

22. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

*Вазирлар Маҳкамасининг 2018 йил
12 январдаги 22-сон қарорига
2-ИЛОВА*

Табиий газдан фойдаланиш ҚОИДАЛАРИ

1-боб. Умумий қоидалар

1. Ушбу Қоидалар Ўзбекистон Республикаси Фуқаролик кодекси, «Энергиядан оқилona фойдаланиш тўғрисида», «Хўжалик юритувчи субъектлар фаолиятининг шартномавий-ҳуқуқий базаси тўғрисида», «Табиий монополиялар тўғрисида», «Истеъмолчилар ҳуқуқларини ҳимоя қилиш тўғрисида» Ўзбекистон Республикаси қонунлари ва бошқа норматив-ҳуқуқий ҳужжатларга мувофиқ табиий газни етказиб бериш ва истеъмол қилиш соҳасидаги муносабатларни тартибга солиди.

2. Ушбу Қоидалар табиий газ ишлаб чиқарувчилар, газ транспорти ва газ таъминоти ташкилотлари, истеъмолчилар, қурилиш-монтаж, лойиҳалаш, ишга тушириш-созлаш ташкилотлари, шунингдек, Ўзбекистон Республикаси Бош прокуратураси ҳузуридаги Мажбурий ижро бюроси (кейинги ўринларда Бюро деб аталади) томонидан бажариш учун мажбурий ҳисобланади.

2-боб. Асосий тушунчалар

3. Ушбу Қоидаларда қуйидаги асосий тушунчалар қўлланилади:

авария ҳолатларида газ етказиб бериш жадваллари — авария ҳолатларида ёки магистрал ва тақсимлаш газ қувурларининг технологик иш режими бузилган ҳолатларда, истеъмолчиларни газ тармоқларидан (қисман ёки тўлиқ) узиб қўйиш навбатини ҳисобга олган ҳолда, уларга табиий газ етказиб бериш жадваллари;

маиший истеъмолчилар — маиший эҳтиёж (овқат тайёрлаш, иссиқ сув ва иситиш) учун табиий газдан фойдаланувчи аҳоли;

табиий газ — газни қайта ишлаш ташкилотлари ишлаб чиқарадиган, газ узатиш ташкилотлари томонидан ташиладиган газ, шунингдек нефтни қайта ишлаш ташкилотлари томонидан ишлаб чиқилмайдиган ва ёқилғи ёки хомашё сифатида фойдаланиш учун мўлжалланган ёқилғи газ;

газdan фойдаланиш ускунаси — энергия самарадорлиги ва энергияни тежаш талабларига жавоб берадиган, марказлаштирилган иситиш ва иссиқ сув таъминоти учун иссиқлик энергияси ишлаб чиқариш учун, турли ишлаб чиқаришларнинг технологик жараёнларида табиий газдан ёқилғи сифатида фойдаланадиган қозонлар, ишлаб чиқариш печлари, утилизаторлар, технологик линиялар ҳамда газдан хомашё сифатида фойдаланадиган бошқа қурилмалар, шунингдек, кўп хонадонли ва турар жой биноларида ўрнатилган ва газдан шахсий, оилавий, уй-жой, хўжалик ва бошқа эҳтиёжлар учун ёқилғи сифатида фойдаланадиган бошқа ускуналар;

газ узатиш ташкилоти — табиий газни қабул қилувчи, узатувчи, газ таъминоти ташкилотлари ва истеъмолчиларга магистрал газ қувурлари орқали етказиб берувчи ташкилот;

газ ташкилоти — табиий газни қабул қилиш, тақсимлаш ва истеъмолчиларга шартнома асосида етказиб беришни таъминловчи ташкилот;

табиий газ ишлаб чиқарувчилар — табиий газни қабул қилиш, қайта ишлаш, ишлаб чиқариш ва етказиб беришни таъминлаш ташкилотлари, шунингдек, нефть ва (ёки)

газ конденсатини қабул қилиш ва қайта ишлаш, табиий газни ишлаб чиқариш ва етказиб беришни таъминловчи нефтни қайта ишлаш ташкилотлари;

газ тармоғининг бўлиниш чегараси — газ узатиш ташкилоти, газ таъминоти ташкилоти ва истеъмолчилар ўртасида газ тармоғининг табиий газни истеъмол қилишни ҳисобга олиш приборлари ўрнатилиши лозим бўлган ва тегишлилиги бўйича аниқланадиган бўлиниш нуқтаси. Бунда, агар табиий газни истеъмол қилишни ҳисобга олиш прибори истеъмолчига тегишли бўлса, ташқи (узиб қўядиган) кран, агар табиий газни истеъмол қилишни ҳисобга олиш прибори газ таъминоти (газ узатувчи) ташкилотга тегишли бўлса — табиий газни истеъмол қилишни ҳисобга олиш прибори газ тармоғининг бўлиниш чегараси ҳисобланади;

табиий газни етказиб бериш шартномаси — газ таъминоти (газ узатувчи) ташкилотига табиий газни истеъмолчига ўзининг газ тармоқлари орқали узатиш, истеъмолчига эса қабул қилинган табиий газ учун тўловни амалга ошириш мажбуриятини юклайдиган битим;

коммунал ва маиший истеъмолчилар — умумий ҳисоб қуввати 100 кВт бўлган газдан фойдаланиш ускуналарида маиший мақсадларда (овқат тайёрлаш, иссиқ сув таъминоти ва иситиш) газдан фойдаланувчи ва юридик шахс мақомини ташкил қилмасдан тадбиркорлик фаолияти билан шуғулланувчи юридик ва жисмоний шахслар;

кўрсаткичларни назорат учун олиш — Бюронинг масъул вакили томонидан табиий газ истеъмолини ҳисобга олиш приборининг кўрсаткичларини олиш ва ўрнатилган тамғалар бутунлигини кўздан кечириш;

ишлаб чиқариш фаолияти билан шуғулланувчи истеъмолчилар — газдан ёқилғи ёки хомашё сифатида, шунингдек, умумий ҳисоб қуввати 100 кВт юқори бўлган газдан фойдаланиш ускуналарида маиший эҳтиёжларда (овқат тайёрлаш, иссиқ сув таъминоти ва иситиш) фойдаланувчи, юридик шахсни ташкил этмасдан тадбиркорлик фаолияти билан шуғулланувчи юридик ва жисмоний шахслар.

ижтимоий аҳамиятга эга бўлган истеъмолчилар — табиий газ етказиб бериш шартлари ва рўйхати маҳаллий давлат ҳокимияти органлари томонидан аниқланадиган ижтимоий соҳа муассасалари ва бюджет ташкилотлари;

стратегик аҳамиятга эга бўлган истеъмолчилар — узлуксиз фаолият кўрсатувчи ишлаб чиқариш-технологик объектларга эга бўлган ҳамда табиий газ етказиб бериш шартлари ва рўйхати Ўзбекистон Республикаси Вазирлар Маҳкамаси томонидан белгиланадиган истеъмолчилар;

табиий газ истеъмолини ҳисобга олиш приборлари — бир ёки бир нечта функцияларни: табиий газ сарфини (ҳажмини), ҳароратини ва босимини ўлчаш, приборларнинг ишлаш вақтини ҳисобга олиш; ўлчов кўрсаткичлари тўғрисидаги ахборотларни тўплаш, сақлаш ва акс эттиришни бажариш учун мўлжалланган ўлчов техника воситалари;

ишга тушириш-созлаш ишлари — коммуникациялар ва арматураларга эга газдан фойдаланиш ускунасини ишлашга тайёрлаш ва ишга тушириш, газдан фойдаланиш ускунаси юкламасини газдан фойдаланиш ускуналари эгаси бўлган ташкилот билан келишилган даражагача етказиш, шунингдек фойдали иш коэффицентини мақбуллаштирмасдан газдан фойдаланиш ускунасининг иситиш режимини созлашдан иборат бўлган ишлар комплекси;

заҳира ёқилғи — табиий газ етказиб бериш қисқарадиган ёки тўхтайдиган даврда фойдаланиш учун мўлжалланган ёқилғи;

заҳира ёқилғи хўжалиги — заҳира ёқилғисини сақлаш, узатиш ва ундан фойдаланиш учун мўлжалланган ускуналар ва қурилмалар комплекси;

режим-созлаш ишлари — иш юкламалари диапозонида лойиҳадаги (паспортдаги) фойдали иш коэффицентига эришиш мақсадида газдан фойдаланиш ускуналарини созлаш, ёқилғи ёқиш жараёнларини тартибга солиш воситаларини,

иссиқликни утилизация қилувчи ва ёрдамчи ускуналарни созлашни ўз ичига оладиган ишлар комплекси;

мавсумий истеъмолчилар — уланиш учун белгиланган техник шартларга мувофиқ табиий газдан асосий ёқилғи сифатида маълум бир давр мобайнида фойдаланувчи истеъмолчилар;

газлаштириш техник шартлари — шартларига риоя этиш истеъмолчининг газдан фойдаланиш ускунасини газ таъминоти (газ узатиш) ташкилоти газ тармоқларига улашнинг техник имкониятини яратадиган ва газлаштириш лойиҳасини (лойиҳа-техник хужжатларни) ишлаб чиқиш учун асос ҳисобланадиган дастлабки хужжат.

3-боб. Табиий газга бўлган йиллик эҳтиёжни аниқлаш

4. Истеъмолчи (маиший истеъмолчилардан ташқари), шу жумладан оилавий корхоналар ҳар йили 15 июлгача бўлган муддатда газ таъминоти ташкилотига чораклар бўйича (қиш даври учун — ойлар бўйича) тақсимланадиган келгуси йилги табиий газ истеъмолининг прогноз қилинаётган ҳажми учун буюртма беради.

5. «Ўзбекнефтегаз» АЖ ҳар йили 1 августгача бўлган муддатда келгуси йил учун табиий газни қазиб олиш, қайта ишлаш, узатиш, сақлаш ва тақсимлашда ўзининг газга бўлган эҳтиёжлари ва технологик йўқотишларни аниқлайди.

6. Келгуси йилда табиий газга бўлган эҳтиёж ишлаб чиқариладиган маҳсулот (ишлар, хизматлар) бирлиги учун техник ва илмий асосланган нормаларга кўра маҳсулот ишлаб чиқаришнинг прогноз қилинаётган ҳажмларини ҳисобга олган ҳолда, табиий газнинг икки йиллик (ҳар чораклик) амалдаги сарфи ва маҳсулот ишлаб чиқариш асосида истеъмолчи томонидан тегишли ҳисоб-китоблар билан асосланган бўлиши керак.

Маиший истеъмолчилар ва коммунал хўжалик истеъмолчиларнинг келгуси йилда табиий газга бўлган эҳтиёжи табиий газни белгиланган истеъмол қилиш меъёрлари ва (ёки) икки йиллик (ҳар чораклик) амалдаги сарфи асосида газ таъминоти ташкилотлари томонидан аниқланади.

7. Газ таъминоти ташкилотлари ҳар йили 1 сентябргача табиий газга бўлган эҳтиёжни чоракларга (қиш даври учун — ойлар бўйича) тақсимлаган ҳолда (келгуси йилда янгидан ишга тушириладиган объектлар учун захира ҳажмларини назарда тутган ҳолда), келгуси йил учун газ эҳтиёжи прогнозини шакллантиради ҳамда умумлаштириш ва кейинчалик «Ўзбекнефтегаз» АЖга тақдим этиш учун «Ўзтрансгаз» АЖга юборади.

8. «Ўзбекнефтегаз» АЖ тақдим этилган буюртмалар асосида ресурс ва газ узатиш имкониятлари, шунингдек, ички тармоқ эҳтиёжи ва табиий газ экспорти ҳажмларини ҳисобга олиб, табиий газга бўлган эҳтиёжни чораклар бўйича (қиш даври учун — ойлар бўйича) тақсимлаган ҳолда, республика бўйича келгуси йил учун табиий газ ресурсларининг ва газни тақсимлаш балансини тузади ҳамда ушбу балансни келгуси йил республика бўйича табиий газ ресурслари ва газни тақсимлаш баланси лойиҳасини тайёрлаш учун Ўзбекистон Республикаси Иқтисодиёт вазирлигига 15 сентябргача тақдим этади.

9. «Ўзбекнефтегаз» АЖ келгуси йил учун республика бўйича табиий газ ресурсларининг ва газни тақсимлашнинг тасдиқланган балансига мувофиқ, ҳар йили 1 декабрга қадар «Ўзтрансгаз» АЖга ва кейинчалик газ таъминоти ташкилотларига юбориш учун истеъмолчиларга табиий газ етказиб беришнинг йиллик ва чораклик (қиш даври учун — ойлар бўйича) ҳажмларини тақдим этади.

Газ таъминоти ташкилотлари истеъмолчилар (маиший истеъмолчилардан ташқари) буюртмаларини табиий газ ресурсларининг ва газни тақсимлашнинг тасдиқланган балансига мувофиқ ажратилган ҳажмлар даражасида қайта кўриб чиқишга ҳақлидир.

10. Қуйидагилар табиий газ етказиб бериш устувор вазифа ҳисобланади:

- маиший истеъмолчилар, шу жумладан оилавий корхоналарга;

- қонун ҳужжатларида белгиланган стратегик ва ижтимоий аҳамиятга эга бўлган истеъмолчиларга.

4-боб. Маиший ва коммунал хўжалик истеъмолчиларни газ тармоқларига уланиш учун ҳужжатларни расмийлаштириш тартиби

11. Истеъмолчилар (шу жумладан, умумий ҳисоб қуввати 100 кВт гача бўлган газдан фойдаланиш ускуналарига эга оилавий корхоналар) амалдаги норматив-ҳуқуқий ҳужжатлар талабларига мувофиқ ва қонун ҳужжатларига кўра газлаштириш ишларини бажариш ҳуқуқига эга ташкилотлар томонидан ёнғин хавфсизлиги қоидаларига риоя этилган ҳолда ишлаб чиқилган газлаштириш лойиҳаларига асосан газ билан таъминланади.

12. Истеъмолчиларни қуйидаги тартибда газ билан таъминлаш имкониятлари кўриб чиқилади:

истеъмолчи газ таъминоти ташкилотига электрон ёки ёзма шаклда газлаштириш ҳақидаги аризани кадастр ҳужжати нусхасини илова қилган ҳолда тақдим этади;

тақдим этилган ариза уч иш кунни мобайнида газ таъминоти ташкилотининг мутахассислари томонидан жойларга чиқиб, газлаштиришнинг техник имкониятларига мос келиши ёки мос келмаслиги бўйича ўрганилади. Ўрганиш натижасида газ таъминоти ташкилоти томонидан ижобий қарор қабул қилинган тақдирда, истеъмолчига ички газ қувурлари, газда ишлайдиган асбоблар (тури ва сони) ва табиий газ истеъмолини ҳисобга олиш приборларига қўйилган талабларни ўз ичига олган газлаштириш техник шартлари берилади.

Истеъмолчи объекти жойлашган ҳудудда истеъмолчига газтаъминоти ташкилоти томонидан табиий газ узатиш имконини берадиган қувватга эга бўлган газни тақсимлаш тармоғи мавжуд бўлганда, истеъмолчини газ билан таъминлашнинг техник имконияти мавжуд деб тан олинади.

Газлаштирилган хусусий уй-жойлар маиший истеъмолчи ва оилавий корхонага ажратилган тақдирда, уларнинг ҳар бири газлаштириш лойиҳалари асосида, табиий газ истеъмолини ҳисобга олиш учун алоҳида приборлар ўрнатиш шarti билан ва оилавий корхонани газлаштириш учун қўшимча газлаштириш техник шarti олинган ҳолда газ билан таъминланади.

Газлаштирилган хусусий уй-жойлар икки ва ундан ортиқ маиший истеъмолчига ажратилган тақдирда, ҳар бир уй қисми учун алоҳида газлаштириш лойиҳаларини ишлаб чиқиш ва газлаштириш учун қўшимча техник шартларни олмасдан табиий газ истеъмолини ҳисобга оладиган алоҳида приборлар ўрнатиш шarti билан уй-жойни ажратиш режалари (кадастр ҳужжати) асосида газ билан таъминланади.

13. Газлаштириш (газдан фойдаланиш ускуналари, қурилма ва уй ичи газ қувурлари) лойиҳаси қонун ҳужжатларига мувофиқ мазкур фаолият билан шуғулланиш ҳуқуқига эга бўлган лойиҳа ташкилотлари томонидан газлаштириш техник шартлари асосида ишлаб чиқилади.

14. Газлаштириш лойиҳасида қуйидаги ечимлар назарда тутилиши керак:

белгиланган стандартларга мувофиқ самарали газдан фойдаланиш ускунасини ўрнатиш;

истеъмол қилинаётган табиий газ сарфининг ҳисобланган диапазонида ҳисобга олишнинг ишончлилигини таъминлайдиган, газ ҳажмини стандарт шартларга мувофиқлаштириш учун зарур қурилмалар билан жиҳозланган ҳамда табиий газ истеъмолини автоматик тарзда назорат қилиш ва ҳисобга олиш тизимига мос келадиган табиий газ истеъмолини ҳисобга олиш приборларини (уларни қулай жойлашув нуқталарини кўрсатган ҳолда) ўрнатиш.

15. Газлаштириш лойиҳаси газ таъминоти ташкилоти томонидан қурилиш-монтаж ишлари (кейинги ўринларда ҚМИ деб аталади) бошланишидан аввал, бироқ газлаштириш

учун техник шартлар берилган кундан бошлаб 24 ойдан кечикмасдан рўйхатдан ўтказилган бўлиши лозим.

16. ҚМИ газлаштириш лойиҳасига мувофиқ, мазкур ишларни бажариш ҳуқуқига эга ташкилот томонидан ижро-техник ҳужжатлар ва ертўла иншоотларидаги бошқа коммуникацияларнинг кириш жойларини герметик зич ёпилганлиги ҳақидаги далолатномани тузган ҳолда бажарилади.

17. ҚМИни амалга оширган ташкилот газ таъминоти ташкилотига дудбурон ва вентиляция каналларини текшириш, шунингдек, ертўла иншоотларидаги бошқа коммуникацияларнинг кириш жойларини герметик зич ёпилганлиги ҳақидаги далолатномаларни тақдим этади.

18. Янги қурилган ички газ қувурини фойдаланишга қабул қилиш ва газдан фойдаланиш ускунасини ишга тушириш-созлаш ишлари (кейинги ўринларда ИТСИ деб аталади) газ таъминоти ташкилоти томонидан белгиланган тартибда амалга оширилади.

19. ИТСИ яқунлангач, ишга тушириш далолатномаси тузилади ва истеъмолчига табиий газдан фойдаланиш қоидалари бўйича кўрсатмалар берилади. Шундан сўнг истеъмолчи ишга тушириш далолатномасига имзо чекади ва табиий газни етказиб бериш шартномаси тузилади (ишга тушириш далолатномасининг бир нусхаси газ таъминоти ташкилотида сақланади).

5-боб. Ишлаб чиқариш фаолияти билан шуғулланувчи, ижтимоий ва стратегик аҳамиятга эга истеъмолчиларни газ тармоқларига улаш учун ҳужжатларни расмийлаштириш тартиби

20. Истеъмолчилар (шу жумладан умумий ҳисоб қуввати 100 кВт дан юқори бўлган газдан фойдаланиш ускуналарига эга оилавий корхоналар) амалдаги норматив-ҳуқуқий ҳужжатлар талабларига мувофиқ ва қонун ҳужжатларига кўра газлаштириш ишларини бажариш ҳуқуқига эга ташкилотлар томонидан ёнғин хавфсизлиги қоидаларига риоя этилган ҳолда ишлаб чиқилган лойиҳа-техник ҳужжатларга асосан газ билан таъминланади.

21. Янги турдаги газдан фойдаланиш ускуналарини ишга тушириш ва (ёки) фойдаланилаётган қувватларни реконструкция қилиш ёки техник жиҳатдан қайта жиҳозлашни мўлжаллаётган истеъмолчилар газтаъминоти ташкилотлари билан газ тармоқларига уланишнинг техник имкониятларини келишиш учун белгиланган шаклда табиий газ истеъмоли бўйича асосланган ҳисоб-китобларни тақдим этади.

22. Газ таъминоти ташкилоти газлаштириш масаласи бўйича ижобий қарор қабул қилган тақдирда, истеъмолчи газ таъминоти ташкилотига газлаштириш техник шартини олиш учун буюртма беради.

Буюртмада табиий газдан фойдаланиш даври, газдан фойдаланиш ускунасининг тури ва техник тавсифлари тўғрисидаги маълумотлар, захира ёқилғидан фойдаланиш ҳисобга олинган ҳолда, газ истеъмолининг режалаштирилаётган ҳажмлари кўрсатилади ва унга ишлаб чиқариш қувватларининг жойлашиш режаси илова қилинади.

Ушбу ҳужжатлар янги газлаштириш техник шартларини олишда ёки муддатини узайтиришда ҳам тақдим этилади.

Буюртмани кўриб чиқиш муддати уч иш кунини ташкил қилади.

23. Газ таъминоти ташкилоти ижобий қарор қабул қилган тақдирда, истеъмолчига қуйидагилар кўрсатилган газлаштириш техник шартлари берилади:

газ қувурига уланиш жойи;

бўлиниш чегаралари ва табиий газ истеъмолини ҳисобга олиш приборларининг жойлашуви;

уланиш нуқтасидаги табиий газнинг максимал соатлик, кунлик, йиллик сарфи ва ишчи босими, шунингдек, ушбу босимнинг ўзгариш чегаралари;

газ тақсимлаш шохобчаси (кейинги ўринларда ГТШ деб аталади) иншоотини қуриш зарурлиги, ГТШга бўлган техник талаблар, автоматика тури, газ қувурлари сони ва

уларнинг ҳар биридаги табиий газ босими, чиришдан ҳимоялаш чора-тадбирлари ва бошқалар;

кўшимча газ қувурларини қуриш ишлари;

газдан фойдаланиш ускунаси ва газ горелкали қурилмаларига қўйиладиган талаблар (тури ва сони), мувофиқлик сертификатининг мавжудлиги;

табиий газ истеъмолини ҳисобга олиш приборига қўйиладиган талаблар;

табиий газдан асосий ёқилғи тури сифатида фойдаланишнинг аниқ даври (ойлар бўйича);

заҳира ёқилғидан фойдаланиш даврини кўрсатган ҳолда, заҳира ёқилғи хўжалигини қуриш зарурлиги.

Газлаштириш техник шартларининг амал қилиш муддати улар берилган кундан бошлаб 2 йилни ташкил қилади. Белгиланган муддат ўтгач, агар истеъмолчи газлаштиришни тугатмаган бўлса, газлаштириш учун янги техник шартлар олиниши лозим.

24. Газлаштириш учун техник шартларни бериш имконияти мавжуд бўлмаган тақдирда, газ таъминоти ташкилоти мазкур Қоидаларнинг 22-банди тўртинчи хатбошида кўрсатилган муддатда истеъмолчига рад этиш сабабларини асослаган ҳолда, тегишли ёзма хабарнома юборади ва тақдим қилинган ҳужжатларни қайтаради.

25. Истеъмолчилар ва газлаштириш лойиҳа-техник ҳужжатларини ишлаб чиқиш оширилган лойиҳалаштириш ташкилоти газлаштириш техник шартлари талабларини бажариши мажбурий ҳисобланади. Техник шартларда кўрсатилган талабларни рад этишга фақат газ таъминоти ташкилоти билан келишилган тақдирда йўл қўйилади.

Келишиш буюртма берилган кундан кейин уч иш куни давомида амалга оширилади ва ёзма шаклда расмийлаштирилади.

26. Истеъмолчи техник шартларда кўрсатиб ўтилган талабларни ўзгартиришга эҳтиёж бўлмаганда ўзгарган тақдирда, табиий газ етказиб бериш тўғрисидаги шартнома янги истеъмолчи билан қайта тузилади. Бунда газлаштириш техник шартларини такрорий расмийлаштириш талаб қилинмайди.

27. Тадбиркорлик субъектларига газлаштириш техник шартларини бериш Давлат хизматлари марказлари томонидан қонун ҳужжатларида белгиланган тартибда тўлов ундирилмасдан амалга оширилади. Бунда истеъмолчиларнинг хоҳиши билан газ тармоқларига «тайёр ҳолда» уланиш мумкин.

28. Газлаштириш лойиҳа-техник ҳужжатлари (кейинги ўринларда ЛТХ деб аталади) қуйидагилардан иборат:

тушунтириш хати;

иссиқлик-механика қисми;

технология қисми;

назорат-ўлчов приборлари ва автоматика қисми;

газ таъминоти қисми;

заҳира ёқилғи хўжалиги қисми;

ускуналар ва материаллар спецификацияси қисми;

электр қисми.

29. ЛТХ мазкур турдаги фаолиятни амалга ошириш ҳуқуқига эга лойиҳалаш ташкилотлари томонидан ишлаб чиқилади.

Лойиҳалаш ташкилоти газ таъминоти бўйича ишлаб чиқилган лойиҳанинг амалдаги норматив-техник нормалар ва қоидаларга мувофиқлиги юзасидан жавоб беради.

30. ЛТХ қуйидагиларни назарда тутиши керак:

юқори тежамкор технологик схемаларни, жараёнларни ва сертификатланган газдан фойдаланиш қурилмаларни ва газ горелка қурилмалари қўлланиши;

истеъмол қилинаётган табиий газ сарфининг ҳисобланган диапозонида ҳисобга олишнинг ишончлилигини таъминлайдиган, газ ҳажмини стандарт шартларга келтириш

учун зарур қурилмалар билан жиҳозланган ҳамда табиий газни истеъмол қилишни автоматик тарзда назорат қилиш ва ҳисобга олиш тизимига мос бўлган табиий газни ҳисобга олиш приборларини қўллаш;

иккиламчи энергия ресурсларидан иқтисодий асосланган ва техник жиҳатдан мумкин бўлган тарзда фойдаланиш;

хавфсизлик автоматика приборларининг мавжудлиги;

иссиқлик жараёнларини автоматик тарзда тартибга солиш ва назорат қилиш тизимларини қўллаш;

табиий газнинг ва ундан фойдаланган ҳолда ишлаб чиқилган маҳсулотнинг ҳисобга олинишини таъминлаш;

ишлаб чиқарилаётган маҳсулот (ишлар, хизматлар) бирлигига ёқилғи-энергетика ресурсларини норматив бўйича сарфлаш кўрсаткичлари;

амалдаги лойиҳалаш нормаларига мувофиқ агрегатларни ва иссиқлик қувурларининг қизиш юзасини ҳимояловчи иссиқлик изоляцияларини қўллаш;

ёнадиган маҳсулотлар таркибини ва ҳароратини назорат қилишни таъминлаш;

бинолар ва иншоотларнинг иситиладиган ҳажмлари, шунингдек, объектлардан газ қувурларигача бўлган масофа тўғрисидаги маълумотлар.

31. ЛТХ белгиланган тартибда саноат хавфсизлиги юзасидан экспертизадан ўтказилиши керак.

32. ЛТХ газ таъминоти ташкилоти томонидан ҚМИ бошланишига қадар, техник шартлар берилган кундан бошлаб 24 ойдан кечиктирилмасдан рўйхатдан ўтказилиши керак.

Лойиҳа конун ҳужжатларида белгиланган тартибда экспертизадан ўтказилгандан кейин истеъмолчининг ёзма шаклдаги мурожаати асосида ЛТХ газ таъминоти ташкилотида 5 иш кунидан кечикмай тўлов ундирилмасдан рўйхатдан ўтказилади.

Агар, ҚМИ рўйхатдан ўтказиш кунидан буён 24 ой мобайнида бошланмаган ёхуд газлаштиришда техник шартлардан чекланиш ҳолатлари аниқланган бўлса, ЛТХ газ таъминоти ташкилотида қайта рўйхатдан ўтказилиши шарт.

ЛТХни рўйхатдан ўтказиш рад этилган тақдирда, газ таъминоти ташкилоти 5 иш куни мобайнида истеъмолчига рад этиш сабабларини ва бартараф этилиши керак бўлган камчиликларни асослаган ҳолда, тегишли ёзма хабарнома юборади.

33. ЛТХга мувофиқ ҚМИ ушбу ишларни амалга ошириш учун ҳуқуқига эга ташкилот томонидан тегишли ижро-техник ҳужжатларни тузган ҳолда бажарилади.

34. Газ таъминотининг мавжуд тизимларини кенгайтириш, реконструкция қилиш ва техник жиҳатдан қайта жиҳозлашда қурилиш ва фойдаланишга топшириш талаблари янги қурилиш объектларига бўлгани каби тақдим этилиши керак.

35. ҚМИ тугалланганидан сўнг мазкур ишларни бажариш ҳуқуқига эга ташкилот томонидан газдан фойдаланиш ускунасини ИТСИ ва режим-созлаш ишлари (кейинги ўринларда — РСИ деб аталади) амалга оширилади.

РСИ бир йилда 100 000 куб метр ва ундан кўп табиий газдан фойдаланадиган корхоналар ва технологик нефть-газ объектлари (қурилмалари) учун мажбурий ҳисобланади.

36. ИТСИ ва РСИ тугалланганлиги тегишли далолатномалар билан расмийлаштирилади. Бундан ташқари, техник ҳисобот тузилади ва унда газдан фойдаланиш ускунасининг турли иш режимларида газдан оқилона фойдаланишга, хавфсизлик ҳамда ёқилғини ёндириш жараёнларини автоматик тарзда тартибга солиш приборлари ва воситаларини, иссиқликни утилизация қилиш ва ёрдамчи ускуналарни ҳамда қозонхоналар учун сув тайёрлаш тизимлари ускунасини созлашга таъсир кўрсатадиган энергия самарадорлигининг барча кўрсаткичлари қайд этилади.

37. ИТСИ ва РСИ натижалари асосида уларни бажарган ташкилот истеъмолчи томонидан тасдиқланадиган вақтинчалик режим (технология) хариталарини беради.

38. Вақтинчалик режим (технология) хариталарининг асл нусхалари истеъмолчида сақланади, иш жойларида эса уларнинг нусхалари осиб қўйилган бўлиши керак.

39. Ишлаётган газдан фойдаланиш ва ёрдамчи ускунада ҳар 3 йилда камида бир марта, газдан энергия сифатида фойдаланувчи ташкилотларда эса (мукаммал ва жорий таъмирлашни ўтказиш хусусиятини ҳисобга олган ҳолда) ҳар 4 йилда бир марта РСИнинг қуйидаги турларини ўтказиш назарда тутилиши керак:

газдан фойдаланиш ускунасини иссиқлик техникаси (режим) жиҳатидан созлаш;
ёниш жараёнини назорат қилиш ва автоматик тарзда тартибга солиш воситаларини созлаш;

газдан фойдаланиш ускунаси ҳавфсизлигининг автоматика воситаларини созлаш;
иссиқликни утилизация қиладиган ва ёрдамчи ускуналарни созлаш;

сувни тайёрлаш тизимларини созлаш;

заҳира ёнилғи хўжалигини созлаш;

табiiй газ ва заҳира ёқилғини биргаликда ёндиришда ёниш жараёнини созлаш.

40. Газдан фойдаланиш ускунасида ва ёрдамчи ускунада РСИ қуйидаги ҳолатларда амалга оширилади:

газдан фойдаланиш ускунасини мукаммал ёки режадан ташқари таъмирлашдан кейин;

газдан фойдаланиш самарадорлигига таъсир кўрсатадиган конструктив ўзгаришлар киритилгандан кейин;

газдан фойдаланиш ускунаси режим (технология) хариталари талабларидан мунтазам равишда чекинилган ҳолда ишлаганда;

фойдаланилаётган ёқилғининг тури ва тавсифлари ўзгарганда.

41. Янгидан қурилган, реконструкция қилинган ёки техник жиҳатдан қайта жиҳозланаётган газдан фойдаланиш ускунасини, газ қувурларини ва улардаги ускуналарни фойдаланишга қабул қилиш ишлари қабул қилиш комиссияси томонидан норматив ҳужжатлар ва ушбу Қоидаларга мувофиқ амалга оширилади.

42. Газдан фойдаланиш ускунасини кўрикдан ўтказиш ва табiiй газ узатишга рухсатнома бериш истеъмолчининг аризаси тушган кундан бошлаб, 10 иш кунни мобайнида газ таъминоти ташкилоти томонидан амалга оширилади.

Объектни кўрикдан ўтказиш учун истеъмолчи газ таъминоти ташкилотига лойиҳа ва ижро-техник ҳужжатларига берилган қуйидаги рухсатномаларни тақдим этиши керак:

«Саноатгеоконтехназорат» ДИ томонидан ишга тушириш-созлаш ишларини ўтказиш учун берилган рухсатнома;

«Саноатгеоконтехназорат» ДИ томонидан газдан фойдаланиш ускунасида узок вақт (ёки мавсумий) ҳавфсиз фойдаланиш имконияти тўғрисидаги рухсатнома;

«Ўздавнефтвазинспекция» ҳудудий бўлимининг қўлланиладиган технологиялар ва асбоб-ускуналарнинг энергия жиҳатидан самарадорлик кўрсаткичларига мувофиқлиги ҳамда ёқилғининг муқобил турларидан фойдаланиш тўғрисида хулосаси.

43. «Саноатгеоконтехназорат» ДИ рухсатномасисиз ва «Ўздавнефтвазинспекция» ҳудудий бўлимининг қўлланиладиган технологиялар ва асбоб-ускуналарнинг энергия жиҳатидан самарадорлик кўрсаткичларига мувофиқлиги ҳамда ёқилғининг муқобил турларидан фойдаланиш тўғрисида хулосасисиз газ сарфловчи ускуналарга табiiй газ етказиб бериш тақиқланади.

44. «Саноатгеоконтехназорат» ДИ рухсатномасисиз ва «Ўздавнефтвазинспекция» ҳудудий бўлимининг қўлланиладиган технологиялар ва асбоб-ускуналарнинг энергия жиҳатидан самарадорлик кўрсаткичларига мувофиқлиги ҳамда ёқилғининг муқобил турларидан фойдаланиш тўғрисида хулосасисиз газ сарфловчи ускуналарга табiiй газ етказиб бериш аниқланганда, тегишли органлар (ташкилотлар)нинг тақдимномаларига

асосан, табиий газ етказиб бериш тақиқланади. Газдан фойдаланувчи ускуналарга табиий газни бериш аниқланган камчиликлар бартараф этилган тақдирда қайта тикланади.

45. Газ таъминоти ташкилоти янгидан қурилган, реконструкция қилинган ёки техник жиҳатдан қайта жиҳозланган газдан фойдаланиш ускунасига, газ қувурлари ва ускуналарга табиий газ ушбу Қоидаларнинг 42-банди талаблари бажарилган тақдирда узатилади.

46. Истеъмолчида ушбу Қоидаларнинг 42-бандида кўрсатилган ҳужжатлар мавжуд бўлган тақдирда, ИТСИ ва РСИ амалга ошириш учун кўрсатилган ҳажмда газ берилишини таъминлаш юзасидан етказиб берувчи ва истеъмолчи ўртасида табиий газ етказиб бериш шартномаси тузилади.

47. Истеъмолчи РСИ тугаллангач, бажарилган ишларнинг сифатини баҳолаш учун «Ўздавнефтегазинспекция»нинг ҳудудий бўлинмасига ёзма шаклда мурожаат қилиши ва техник ҳисоботни илова қилиши мумкин.

Бажарилган созлаш ишларининг сифати паст бўлган тақдирда «Ўздавнефтегазинспекция» ҳудудий бўлинмаларининг кўрсатмасига асосан созлаш ишларини бажарган ташкилот ҳисобидан газдан фойдаланиш ускунаси такроран созланади.

6-боб. Табиий газни етказиб бериш бўйича шартнома тузиш

48. Газ таъминоти (газ узатувчи) ташкилоти ва истеъмолчи ўртасида табиий газ етказиб бериш бўйича шартнома ушбу Қоидаларга 1 ва 2-иловаларга мувофиқ тузилади.

49. Майишй истеъмолчилар билан табиий газ етказиб бериш шартномаси тузилмаган тақдирда, шартнома газ тармоғига белгиланган тартибда амалда уланган вақтдан тузилган ҳисобланади.

Бунда газ таъминоти ташкилоти мазкур истеъмолчи билан табиий газни етказиб бериш шартномаси тузиш ҳамда ушбу Қоидалар талабларига мувофиқ табиий газдан фойдаланиш қоидаларини таъминлаш юзасидан зарур чоралар кўриши шарт.

Ўзбекистон Республикаси Ер ресурслари, геодезия, картография ва давлат кадастри давлат кўмитаси ва унинг ҳудудий бўлинмалари кўчмас мулк ҳуқуқларини давлат рўйхатидан ўтказгандан сўнг уч кун муддат ичида истеъмолчи билан шартномани қайта расмийлаштириш учун газ таъминоти ташкилотига кўчмас мулк эгаси тўғрисида маълумот юборади.

50. Табиий газ истеъмолчиларининг бошқа тоифаларига табиий газ фақат шартномалари асосида етказиб берилади.

51. Истеъмолчиларга шартномада белгиланган ҳажмда табиий газ (маишйй истеъмолчилардан ташқари) мазкур Қоидаларнинг 4 ва 9-бандларида назарда тутилган талабларга мувофиқ етказиб берилади.

52. Табиий газни етказиб бериш шартномасида газдан фойдаланиш ускуналари ва табиий газ истеъмолини ҳисобга олиш приборларига техник хизмат кўрсатиш даврийлиги ва тартиби қонун ҳужжатлари талаблари ва техник ҳужжатларга мувофиқ кўрсатилиши шарт.

53. Табиий газни етказиб бериш бўйича шартнома 2 нусхада, тарафларнинг ҳар бири учун бир нусхадан тузилади.

7-боб. Истеъмолчиларга табиий газ етказиб бериш тартиби

54. Истеъмолчиларга табиий газ етказиб бериш газ таъминоти (газ узатиш) ташкилоти томонидан ушбу Қоидаларга мувофиқ амалга оширилади.

55. Истеъмолчига етказиб берилаётган табиий газ фақат истеъмолчи томонидан табиий газни етказиб бериш шартномасида кўрсатилган мақсадларда фойдаланишига йўл қўйилади. Етказиб берилган табиий газ ҳажмидан бир қисмини учинчи шахсларга ўтказиш ёки сотиш фақат газ таъминоти ташкилоти билан табиий газни етказиб бериш

шартномасини тузиш ҳамда алоҳида табиий газни истеъмол қилишни ҳисобга олиш приборини ўрнатиш асосида амалга оширилиши шарт.

56. Газ таъминоти ташкилоти табиий газни ўртача суткалик норма доирасида ой мобайнида бир хил миқдорда, истеъмол қилишнинг суткалик нормасидан камайтириш ҳисобиغا чекиниш зарурати бўлган ҳолатларда эса — томонлар ўртасида келишилган диспетчерлик жадваллари бўйича етказиб бериши, истеъмолчи эса (маиший истеъмолчилар ва умумий ҳисоб қуввати 100 кВт.дан кўп бўлмаган газдан фойдаланиш ускунасига эга оилавий корхоналардан ташқари) уни бўлиниш чегарасида ўрнатилган табиий газ истеъмолини ҳисобга олиш прибори орқали олиши шарт.

Газ таъминоти ташкилотларига ГТСнинг алоҳида чиқиш газ қувурлари (нуқталар) орқали етказиб берилган табиий газ ҳажмлари истеъмолчилар билан бўлиниш чегарасида ўрнатилган табиий газ истеъмолини ҳисобга олиш приборлари кўрсаткичларининг умумий йиғиндиси бўйича аниқланади. ГТСнинг алоҳида чиқиш газ қувурлар (нуқталар) ва истеъмолчилар билан бўлиниши чегарасида ўрнатилган табиий газ истеъмолини ҳисобга олиш приборларига қадар ўрнатилган бошқа табиий газ истеъмолини ҳисобга олиш приборлари, газ таъминоти ташкилотлари билан ўзаро ҳисоб-китоб қилиш учун яроқсиз деб ҳисобланади.

Республика ҳудуди бўйича табиий газни етказиб беришнинг ойлик ҳажмлари «Ўзтрансгаз» АЖ томонидан газ ташиш тизимининг ресурс ва техник имкониятларидан келиб чиққан ҳолда аниқланади.

57. Газ узатиш ташкилоти табиий газнинг газ тақсимлаш станциясидан чиқиш босимини норматив-техник ҳужжатларга мос равишда ушлаб туради.

58. Ушбу Қоидаларнинг 10-бандида келтирилган истеъмолчиларни об-ҳаво совиб кетиши даврида табиий газ билан узлуксиз таъминлаш мақсадида Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари, «Ўздавнефтегазинспекция», табиий газ ишлаб чиқариш, газ таъминоти (газ узатиш) ташкилотлари ва истеъмолчилар (маиший ва коммунал хўжалик истеъмолчилари ҳамда оилавий корхоналардан ташқари) билан келишилган ҳолда корхоналарни заҳира ёқилғига ўтказиш жадвалларини тузиб, ушбу жадваллар Ўзбекистон Республикаси Вазирлар Маҳкамаси томонидан тасдиқланади.

Тасдиқланган жадваллар барча манфаатдор ташкилотларга юборилади. Жадваллар табиий газни етказиб бериш прогноз кўрсаткичлари мазкур Қоидаларнинг 10-бандида келтирилган истеъмолчиларни табиий газ билан узлуксиз таъминлаш имконини бермаган тақдирда, Вазирлар Маҳкамасининг қарорлари билан газ таъминоти (газ узатиш) ташкилотлари томонидан жорий этилади.

Жадвалга киритилган истеъмолчилар қисқармайдиган миқдорда (камида 3 ой давомида эҳтиёжни қоплайдиган) заҳира ёқилғи захирасига эга бўлиши ва ҳаво ҳарорати пасайиб кетган даврларда ушбу ёқилғига ўтиши шарт.

Ҳаво ҳарорати пасайиб кетган даврда ёки куз-қиш мавсумида заҳира ёқилғига ўтказиш жадвалига киритилган алоҳида истеъмолчиларга табиий газни қайтадан етказиб бериш Вазирлар Маҳкамасининг қарори билан амалга оширилади, бунда тасдиқланган корхоналарни заҳира ёқилғи турларига ўтказиш жадвалларига тегишли ўзгартишлар киритилади.

59. Газ таъминоти ташкилотлари 1 сентябргача бўлган муддатда газ тармоқларидан узиладиган мавсумий истеъмолчилар рўйхатини тузади (уларни мажбурий тарзда хабардор қилган ҳолда) ва Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликларига тасдиқлаш учун тақдим этади.

60. «Ўзтрансгаз» АЖ тақдимномаси бўйича Қорақалпоғистон Республикаси Вазирлар Кенгаши, вилоятлар ва Тошкент шаҳри ҳокимликлари истеъмолчиларга (маиший ва коммунал хўжалик истеъмолчилари, шунингдек оилавий корхоналар бундан мустасно) табиий газни етказиб бериш жадвалларини ва авариялар рўй бериши ёки

магистрал ва тақсимловчи газ қувурлари ишида технологик режим бузилишлари оқибатида газ тармоқларидан уларни узиб қўйиш навбатини тасдиқлайди.

Тасдиқланган авариялар пайтидаги газ етказиб бериш жадваллари тегишли ташкилотларга юборилади ва магистрал ва тақсимловчи газ қувурларида авария вазиятларида газ таъминоти ташкилоти томонидан амалга киритилади.

Авариялар натижасида объектлар, магистрал ва тақсимловчи газ қувурларининг технологик иш режимлари бузилган тақдирда, газ таъминоти ташкилотларининг диспетчерлик хизматлари истеъмолчиларга кўрсатиб ўтилган авариялар пайтидаги жадвалларни амалда жорий этиш тўғрисида истеъмолчиларга суткалик газ етказиб бериш ҳажмларидаги тегишли ўзгаришлар билан бирга кўрсатмалар берадилар, маҳаллий давлат ҳокимияти органларини ҳамда аҳолини бу ҳақида оммавий ахборот воситалари орқали хабардор қиладилар.

Газ етказиб беришнинг режалаштирилаётган қисқариши (тўхтатилиши) тўғрисида:

табiiй газ ишлаб чиқарувчилар («Ўзнефтгазқазибчиқариш» АЖ орқали) газ узатиш ташкилотини — 2 соат мобайнида;

газ узатиш ташкилотлари («Ўзтрансгаз» АЖ орқали) газ таъминоти ташкилотини — 2 соат мобайнида;

газ таъминоти ташкилотлари (жойлардаги маҳаллий ҳокимияти органлари орқали) истеъмолчиларни — 1 соат мобайнида хабардор қилиши шарт.

61. Табiiй газни қазиб олиш, қайта ишлаш, узатиш, тақсимлаш ва истеъмол қилиш режимининг ягона узлуксиз технологик жараёнини ҳисобга олиб, табiiй газни ишлаб чиқарувчи «Ўзнефтгазқазибчиқариш» АЖ, «Ўзтрансгаз» АЖ ва газ таъминоти ташкилотларининг кўрсатмаларини бажариш истеъмолчилар учун мажбурий ҳисобланади.

62. Газни узатишда табiiй газни ишлаб чиқарувчилар, газ таъминоти (газ узатиш) ташкилотлари ва истеъмолчилар газ қазиб чиқариш жойлари, газни қайта ишлаш заводлари, магистрал газ қувурлари, шунингдек, истеъмолчиларнинг ускуналари ва газ тармоқларидан фойдаланишда техника хавфсизлиги қоидалари ва фойдаланиш қоидаларига қатъий риоя этишлари шарт.

63. Газ узатиш ташкилоти табiiй газни:

магистрал газ қувурларга тўғридан-тўғри чиқиш жойига эга истеъмолчиларга — бевосита тузилган шартномалар асосида бўлиниш чегарасида ўрнатилган табiiй газ истеъмол қилишни ҳисобга олиш приборлари орқали;

магистрал газ қувурлари ва газ тармоқлари бўлиниши чегарасидаги газ таъминот ташкилотларига — кейинчалик истеъмолчиларга сотиш учун хўжалик ҳисобидаги табiiй газ истеъмолини ҳисобга олиш приборлари орқали етказиб беради.

64. Табiiй газни етказиб бериш юзасидан бошқа барча шартлар табiiй газ етказиб бериш шартномаларида назарда тутилади.

8-боб. Табiiй газни ҳисобга олиш тартиби

65. Истеъмолчиларга табiiй газни ҳисобга олмасдан етказиб беришга йўл қўйилмайди.

66. Истеъмолчиларга (маиший истеъмолчилардан ташқари) етказиб берилаётган газ миқдори газ тармоқларининг бўлиниш чегарасида ўрнатилган табiiй газ истеъмолини ҳисобга олиш приборлари кўрсаткичлари бўйича аниқланади ва иккала тараф имзолайдиган табiiй газни етказиб бериш — қабул қилиш далолатномаси билан расмийлаштирилади.

Етказиб берилган табiiй газ учун ҳисоб-китоб стандарт шартларга нисбатан газ ҳажмини — куб метрларда келтирган ҳолда ($T = 20^{\circ}\text{C}$, $P = 760$ мм симоб устуни ҳисобида) амалга оширилади.

Табiiй газ сарфини ҳисоб-китоб қилишда қуйидаги жиҳатлар ҳисобга олинади:

манометрлар ва термометрларнинг созлиги, уларнинг давлат қиёсловидан ўтганлигининг амал қилиш муддати;

ГТШни созлаш (тартибга солиш) муддати, шунингдек амалдаги ишчи босимининг ГТШнинг созланганлиги тўғрисидаги далолатномада қайд этилган параметрларга мувофиқлиги.

Юқоридаги кўрсаткичларга риоя қилинмаганда, $P_{\text{ортиқча}} = 1,0 \text{ кг/см}^2$ коэффиценти қўлланади.

Газ таъминоти (газ узатиш) ташкилоти Истеъмолчи билан биргаликда табиий газ истеъмолини ҳисобга олиш приборига, унинг сифат лабораторияси томонидан тақдим этиладиган газ таркиби бўйича тузатувчи ўзгартиришларни, тақдим этилган вақтдан 12 соатдан кечиктирмасдан киритиши керак. Газ таркиби бўйича кўрсаткичларнинг ўз вақтида ва ҳаққоний киритилиши учун жавобгарлик газ таъминоти (газ узатиш) ташкилоти зиммасида бўлади.

67. Қуйидаги ҳолатларда етказиб берилган табиий газ учун пломбаланмаган газдан фойдаланиш асбоб-ускуналарининг бир суткада тўлиқ қувват билан 24 соат ишлаши (маиший истеъмолчилар бундан мустасно) ҳисобидан амалга оширилади:

газни ҳисобга олиш приборини давлат қиёсловидан ўтказиш муддати тугаганда ва истеъмолчи давлат қиёсловини ўтказишга тўсқинлик қилган ҳолатда, тегишли ҳисоб-китоб қиёслов муддати тугаган вақтдан бошлаб у ўтказилгандан кейин газни ҳисобга олиш приборини ўрнатишгача бўлган даврга;

приборнинг носозлиги, тамға бус-бутунлиги бузилиши, ҳисоблаш приборининг ўзбошимчалик билан ечиб олинганлиги аниқланган ҳолатларда, Бюро ёки газ таъминоти ташкилоти вакили сўнгги ташрифи кунидан.

68. Маиший истеъмолчилар томонидан истеъмол қилинаётган табиий газ ҳажми табиий газ истеъмолини ҳисобга олиш приборлари бўйича, улар мавжуд бўлмаган тақдирда эса — Ўзбекистон Республикаси Молия вазирлиги томонидан тасдиқланадиган, газни ҳисобга олиш приборлари мавжуд бўлмаган ҳолларда аҳолига коммунал ва маиший эҳтиёжлар учун бериладиган табиий газнинг бир ойлик сарф меъёрлари бўйича аниқланади.

69. Газ истеъмолини ҳисобга олиш приборларини монтаж қилиш, улардан фойдаланиш ва уларни текшириш амалдаги норматив ва техник ҳужжатларга мувофиқ амалга оширилади.

70. Табиий газни ҳисоблаш учун фақатгина Ўзбекистон Республикаси ўлчов воситалари Давлат реестрига киритилган турдаги приборлардан фойдаланилиши шарт.

71. Табиий газни истеъмол қилишни ҳисобга олиш приборлари уларнинг фойдаланиш учун яроқли эканлигини тасдиқловчи ҳужжат, ишлаб чиқарувчи корхона томонидан белгиланган жойларда тегишли шаклдаги амал қилувчи белгилар ва тамғаларга эга бўлиши шарт.

72. Табиий газ истеъмолини ҳисобга олиш ва назорат қилишнинг автоматлаштирилган тизимини жорий қилиш лойиҳаси доирасида ўрнатилган табиий газ истеъмолини ҳисобга олиш замонавий электрон приборлари газ таъминоти ташкилотларининг мулки ҳисобланади.

73. Табиий газ истеъмолини ҳисобга олишнинг замонавий электрон приборларини ўрнатишга қадар, табиий газ истеъмолини ҳисобга оладиган мавжуд приборларни даврий давлат қиёсловидан ўз вақтида ўтказишни ташкил этиш учун жавобгарлик газ таъминоти ташкилотига юкланади.

Давлат қиёсловидан ўтказиш вақтида табиий газ истеъмолини ҳисобга олиш приборлари яроқсизлиги (таъмирлаш имконияти бўлмаганда) аниқланган тақдирда, ҳисобга олиш прибори фойдаланишга яроқсизлиги ҳақидаги метрология органи хулосаси билан мулкдорга қайтарилади.

74. Табиий газ истеъмолини ҳисобга олиш приборларини таъмирлаш ва давлат қиёсловидан ўтказиш сарф-харажатлари ҳисобга олиш прибори мулкдори томонидан қопланади.

75. Табиий газ истеъмолини ҳисобга олиш приборларига тамға қўйиш Бюронинг масъул ходимлари томонидан газ таъминоти ташкилотлари вакиллари билан ҳамкорликда истеъмолчи иштирокида далолатномани расмийлаштирган ҳолда амалга оширилади.

76. Табиий газ истеъмолини ҳисобга олиш приборлари, шу жумладан ўрнатилган тамғаларнинг сақланиши ва бутунлиги учун жавобгарлик истеъмолчи зиммасига юклатилади.

77. Табиий газ истеъмолини ҳисобга олиш приборлари ўрнатилгандан сўнг газ таъминоти ташкилоти томонидан рўйхатга олинади.

78. Табиий газ истеъмолини ҳисобга олиш приборларини давлат қиёсловидан ўтказиш метрология хизмати органлари томонидан қонунчиликка мувофиқ амалга оширилади.

79. Табиий газ истеъмолини ҳисобга олиш приборларини қиёслов даврийлиги «Ўзстандарт» агентлиги томонидан белгиланади.

80. Табиий газ истеъмолини ҳисобга олиш приборларини ўрнатиш, уларга хизмат кўрсатиш, таъмирлаш ва давлат қиёсловидан ўтказишни ташкил этиш ишлари «Ўзтрансгаз» АЖ тасдиқлайдиган Табиий газ истеъмолини ҳисобга олиш приборларига хизмат кўрсатиш регламентига мувофиқ газ таъминоти ташкилоти томонидан амалга оширилади.

81. Табиий газ истеъмолини ҳисобга олиш приборларини алмаштириш, таъмирлаш, хизмат кўрсатиш, давлат қиёсловидан ўтказиш ва созлигини мониторинг қилиш учун ечиб олиш газ таъминоти ташкилоти вакиллари ва Бюро вакиллари томонидан Истеъмолчи иштирокида амалга оширилади.

Бундай ҳолатда ҳисобга олиш прибори ўрнига текширилган бошқа ҳисобга олиш прибори газ таъминоти ташкилоти ҳисобидан дарҳол ўрнатилади.

82. Алмаштириш, таъмирлаш, хизмат кўрсатиш, давлат қиёсловидан ўтказиш ва созлигини мониторинг қилиш учун ечиб олинган табиий газ истеъмолини ҳисобга олиш приборини ўрнатиш газ таъминоти ташкилоти вакиллари томонидан амалга оширилади ва шу вақтнинг ўзида Бюронинг масъул ходимлари билан бирга тамғаланади.

83. Хизмат кўрсатиш, таъмирлаш ва давлат қиёсловидан ўтказиш учун табиий газ истеъмолини ҳисобга олиш приборларини ечиб олиш ва ўрнатиш тартиби табиий газни етказиб бериш шартномасида кўрсатилади.

84. Табиий газ истеъмолини ҳисобга олиш приборини давлат қиёсловидан ўтказиш натижаларидан норози бўлган истеъмолчилар белгиланган тартибда юқори турувчи орган (ташкилот) ёки судга мурожаат қилиши мумкин.

85. Истеъмолчи Бюронинг ваколатли ходимларига сутканинг исталган вақтида табиий газ истеъмолини ҳисобга олиш приборини кўздан кечириш учун кириш имкониятини таъминлаши шарт. Маиший истеъмолчиларнинг табиий газ истеъмолини ҳисобга олиш приборларини кўздан кечириш соат 08⁰⁰ дан 20⁰⁰ гача амалга оширилади.

86. Бюро ходимини табиий газ истеъмолини ҳисобга олиш приборларини кўздан кечиришга йўл қўймаслик ҳолати далолатнома билан расмийлаштирилади. Истеъмолчи мазкур далолатнома билан танишиши лозим. Истеъмолчи далолатномани имзолашни рад этган тақдирда, далолатномада бу қайд этилади. Рад этиш ҳолати икки гувоҳ ёки фуқароларнинг ўзини ўзи бошқариш органи вакили томонидан тасдиқланиши керак. Истеъмолчи далолатномани имзолашни рад этиш сабабини баён қилиш ҳуқуқига эга ва бу далолатномага қайд этилиши шарт.

Далолатномага имзо қўйишни рад этиш истеъмолчини газ тармоғидан узиб қўйиш учун асос бўлади ва у бу ҳақида огоҳлантирилади.

9-боб. Маиший истеъмолчилар, шу жумладан оилавий корхоналар томонидан табиий газ учун ҳисоб-китоб қилиш тартиби

87. Ҳисоб-китоб ойида етказиб берилган табиий газ ҳажми Бюро вакиллари томонидан табиий газ истеъмолини ҳисобга олиш приборидан кўрсаткичларни ёзиб олиш (ТГХНАТга уланган, шунингдек, табиий газни истеъмол қилишни ҳисобга олиш приборларига эга бўлмаган ва белгиланган меъёрлар бўйича ҳисоб-китоб қиладиган истеъмолчилар бундан мустасно) асосида, кейинчалик ёзиб олинган кўрсаткичлар биллинг тизимига киритиш, шунингдек, истеъмолчилар томонидан табиий газ истеъмолини ҳисобга олиш приборлари кўрсаткичларини интерактив хизматлар воситаларига киритиш орқали аниқланади. Бунда оилавий корхоналар томонидан ҳисоб-китоб ойида истеъмол қилинган табиий газ ҳажми, фақат табиий газ истеъмолини ҳисобга олиш приборларидан кўрсаткичларни тўлиқ ечиб олиш асосида аниқланади.

88. Ҳисоб-китоб ойида табиий газ истеъмолини ҳисобга олиш приборларидан кўрсаткичларни тўлиқ ёзиб олиш таъминланмаган тақдирда, қамраб олинмаган истеъмолчилар билан ҳисоб-китоб жорий ойда табиий газни истеъмол қилиш меъёрларидан келиб чиқиб ва кейинги ойда ҳақиқатда истеъмол қилинган ҳажмга аниқлик киритган ҳолда амалга оширилади. Бунда кўрсаткичларга аниқлик киритилгандан сўнг ҳақиқатда истеъмол қилинган газ учун қайта ҳисоб-китоб амалга оширилади.

89. Табиий газ истеъмолини ҳисобга олиш ва назорат қилишнинг автоматлаштирилган тизими (ТГХНАТ) уланган ва белгиланган меъёрлар асосида ҳисоб-китоб қилинадиган истеъмолчиларга ҳисоб-китоб ойида етказиб берилган табиий газ ҳажми биллинг тизими орқали автоматлаштирилган режимда аниқланади.

90. Биллинг тизимига киритилган кўрсаткичлар асосида газ таъминоти ташкилоти етказиб берилган табиий газ ҳажмини, дебиторлик ва кредиторлик қарздорлик бўйича ишончли ҳисобни амалга ошириш учун ҳар бир истеъмолчининг шахсий ҳисобрақамлари бўйича якуний ҳисоб-китобни амалга оширади.

91. Истеъмолчининг телефон рақами мавжуд бўлган тақдирда, газ таъминоти ташкилоти истеъмолчиларни табиий газ учун тўловни амалга ошириш зарурлиги ҳақида автоматик режимда (овозли кўнғироқ ёки СМС) хабардор қилишни таъминлайди.

92. Истеъмолчи ой тугаганидан сўнг 10 кун мобайнида истеъмол қилинган газ ҳажми учун табиий газ истеъмолини ҳисобга олиш приборлари кўрсаткичлари ёки белгиланган меъёрлар асосида тўловни амалга оширади.

93. Ушбу Қоидаларнинг [92-бандида](#) кўрсатиб ўтилган муддатда истеъмол қилинган табиий газ ҳақи ўз вақтида тўланмаган тақдирда, истеъмолчи газ таъминоти ташкилотига қонун ҳужжатларида белгиланган миқдорда пеня тўлайди.

Истеъмол қилинган табиий газ бўйича қарздорлик мавжуд бўлганда маиший истеъмолчига тегишли бўлган турар жойда прописка қилинган вояга етган жисмоний шахслар қарздорликни тўлаш бўйича солидар жавобгар бўладилар. Вояга етган жисмоний шахснинг солидар жавобгарлиги у маиший истеъмолчига тегишли бўлган турар жойга прописка қилинган вақтдан бошлаб вужудга келади ва пропискадан чиқарилган вақтгача амал қиладди.

94. Истеъмол қилинган табиий газ учун тўлов банк муассасалари ва коммунал тўловларни қабул қилиш кассалари, шунингдек, электрон тўловлар орқали ёки бевосита нақд бўлмаган шаклда тўлов қабул қилиш имкониятига эга бўлган Бюро вакили орқали амалга оширилиши мумкин.

95. Газ таъминоти ташкилоти ҳар ойнинг 11 санасидан кечиктирмай, етказиб берилган табиий газ учун қарздор бўлган истеъмолчилар рўйхатини шакллантиради ва ягона электрон идоралараро база орқали Бюрога тақдим қиладди.

96. Бюро етказиб берилган табиий газ учун қарздор бўлган истеъмолчилар рўйхатини олган куннинг эртасидан кечиктирмай, истеъмолчиларни қарзни беш кун ичида узиш лозимлиги ҳақида хабардор қилишни таъминлайди.

97. Бюро истеъмолчилар хабардор қилинган вақтдан бошлаб беш кун муддат ўтгандан сўнг, қарздорликни қонун ҳужжатларида белгиланган тартибда мажбурий ундириш, шу жумладан келиб чиққан қарздорликни энг кам ойлик иш ҳақининг икки бараваридан кўп бўлмаган миқдорда ушбу истеъмолчиларнинг пластик карталарига хизмат кўрсатиладиган банк ҳисобварақларидан сўзсиз ҳар ойда чиқариш, шунингдек, истеъмолчиларни газ тармоқларидан узиш чораларини кўради.

98. Истеъмолчиларни дебитор қарздорлик учун газ тармоқларидан узиш ва уларни қайтадан улаш қонун ҳужжатларида белгиланган тартибда амалга оширилади.

99. Қайта уланишда истеъмолчидан тўлов куни амалда бўлган энг кам иш ҳақининг икки баравари миқдорида ҳақ ундирилади. Табиий газ истеъмолни ҳисобга олиш ва назорат қилишнинг автоматлаштирилган тизимларига уланган истеъмолчиларни газ тармоқларига қайта уланиши учун ҳақ ундирилмайди.

100. Газ таъминот ташкилотлари маълумотлар базасида белгиланган тарифлар ўзгариши (ортиши) вақтига қадар Истеъмолчи амалга оширган тўловлар ҳақидаги ҳисобга олинмаган ҳужжатлар аниқланган тақдирда, ушбу Истеъмолчи бўйича ҳисоб-китоб (қайта ҳисоб-китоб) тўлов вақти (санаси) амалда бўлган тарифлар асосида амалга оширилиб, кейинчалик биллинг тизимидаги шахсий ҳисобрақами кўрсаткичларига тузатиш киритилади.

101. Фойдаланилган табиий газ учун тўлов суммаси табиий газ истеъмолини ҳисобга олиш приборларидан кўрсаткичларни олиш вақтида амал қилинган тарифлар асосида ҳисобланади. Тарифлар ўзгарганда, аввал ҳисобланган сумма бўйича тарифлар ўзгаришига қадар тўлов амалга оширилмаган бўлса, қайта ҳисоб-китоб қилинмайдиган қарздорлик вужудга келган деб тан олинади.

102. Тарифлар ўзгарган ҳолларда табиий газ ҳажми учун аванс тариқасида тўловни амалга оширган истеъмолчи ўн икки ойдан ортиқ бўлмаган муддатга қўшимча тўловларни амалга оширишдан озод қилинади.

10-боб. Ишлаб чиқариш фаолияти билан шуғулланувчи, ижтимоий ва стратегик аҳамиятига эга истеъмолчилар, шунингдек, коммунал-маиший истеъмолчиларнинг табиий газ учун ҳисоб-китоб қилиш тартиби

103. Истеъмолчи табиий газ етказиб бериш учун тузилган шартнома асосида етказиб бериладиган табиий газ учун юз фоиз олдиндан тўловни амалга ошириши шарт.

Ўзбекистон Республикаси Президентининг «Энергия ресурсларидан оқилона фойдаланишни таъминлаш чора тадбирлари тўғрисида» 2017 йил 8 ноябрдаги ПҚ-3379-сон қарорига иловадаги [рўйхатга](#) мувофиқ табиий газни сотишда нархни шакллантиришнинг алоҳида тартиби белгиланган истеъмолчилар етказиб берилган табиий газ учун тўловларни Ўзбекистон Республикаси Вазирлар Маҳкамасининг қарорлари билан белгиланган ўсиб боровчи коэффициентлар ва тарифлар асосида амалга оширилади.

104. Табиий газдан фойдаланишда истеъмолчининг айби билан табиий газ етказиб беришга шартномада кўрсатилганидан ҳажмдан кам фойдаланилган тақдирда, аванс тарзида тўланган маблағлар қайтарилмайди, кўрсатиб ўтилган маблағлар эса келгусида газдан фойдаланишда ҳисобга олинади.

105. Истеъмолчи томонидан табиий газ етказиб бериш учун тузилган шартномада белгиланганидан кўп ҳажмда ва газ таъминоти ташкилоти билан олдиндан келишилмасдан газ олинган тақдирда, истеъмолчидан шартномадаги ҳажмлардан ортиқча олинган табиий газ қийматига нисбатан 2 коэффициент билан оширилган тўлов ундирилади. Вужудга келган қарздорлик учун тўлов ўз вақтида амалга оширилмаган тақдирда, истеъмолчи газ таъминоти ташкилотига қонун ҳужжатларида белгиланган миқдорда пеня тўлайди.

106. Навбатдаги ой (чорак) учун кўрсатилган табиий газ ҳажмлари бўйича табиий газ етказиб бериш тўғрисидаги шартнома ўзгартирилишидан олдин истеъмолчи газ

таъминоти ташкилотига бу ҳақида ўн кундан кечикмай хабар берган тақдирда, бундай ҳолатлар ортқча олинган миқдор деб ҳисобланмайди.

107. Табиий газ учун истеъмолчининг тўлов муддати ўтган қарзи мавжуд бўлган тақдирда, унинг аванс тўлови ҳисобига ўтказилган маблағлари истеъмолчини хабардор қилган ҳолда, тўлов муддати ўтган қарзни тўлашга йўналтирилади ва аванс тўлови сифатида ҳисобга олинмайди.

108. Ваколатли орган томонидан табиий газ учун амалдаги тарифлар (наرخлар) ўзгаришлари тўғрисида қарор қабул қилингандан кейин ушбу ўзгаришлар тўғрисидаги маълумотлар газ таъминоти ташкилоти томонидан ўзгаришларнинг кучга киришидан олдин ўн беш кундан кечикмай оммавий-ахборот воситаларида эълон қилинади.

Бунда табиий газ учун тарифларнинг ўзгарган санасидан қатъи назар, табиий газ етказиб бериш бўйича шартнома ўз кучида қолади, истеъмолчи эса истеъмол қилинган табиий газ учун қонун ҳужжатларида белгиланган тартибда, у кучга кирган кундан бошлаб янги тариф бўйича тўловни амалга ошириши шарт.

109. Истеъмолчиларни дебитор қарздорлик учун газ тармоқларидан узиб қўйиш ва уларни қайтадан улаш қонун ҳужжатларида белгиланган тартибда амалга оширилади.

110. Қайта уланишда истеъмолчидан тўлов куни амалда бўлган энг кам иш ҳақининг ўн баравари миқдорида ҳақ ундирилади. Табиий газ истеъмолини ҳисобга олиш ва назорат қилишнинг автоматлаштирилган тизимларига уланган истеъмолчиларни газ тармоқларига қайта уланиши учун ҳақ ундирилмайди.

111. Истеъмолчилар ҳисоб-китоб даври бошлангунгача камида 5 кун олдин тузилган шартномада кўрсатилган ойлик табиий газ ҳажми қийматининг 100 фоизи миқдорида газ таъминоти ташкилотининг ҳисобрақамига олдиндан тўловларни амалга оширишлари шарт.

112. Истеъмолчиларга табиий газни олдиндан тўловсиз бериш тақиқланади.

113. Олдиндан тўлов суммаси ўтказилмаган тақдирда истеъмолчиларга (стратегик ва ижтимоий аҳамиятга эга истеъмолчилардан ташқари) табиий газ етказиб бериш амалга оширилмайди.

114. Истеъмолчилар томонидан олинган табиий газ учун узил-кесил ҳисоб-китоб қилиш ҳисоб-китоб ойдан кейинги ойнинг 10-кунигача амалга оширилади.

115. Стратегик ва ижтимоий аҳамиятга эга бўлган истеъмолчилар олинган газ учун узил-кесил ҳисоб-китобни ҳисоб-китоб оyi тугагандан кейин 30 кун ўтгунгача амалга оширадилар.

116. Ҳисоб-китоб оyi учун етказиб берилган газ ҳажми Бюро вакиллари томонидан табиий газ истеъмолини ҳисобга олиш приборидан кўрсаткичларни ёзиб олиш асосида (ТГХНАТга уланган истеъмолчилар бундан мустасно) аниқланиб, кейинчалик газ таъминоти ташкилотига тақдим қилинади.

117. Кўрсаткичлар ёзиб олинганидан сўнг кейинги ойнинг 5 кунига қадар газ таъминоти ташкилоти томонидан ҳисоб-китоб оyi учун табиий газ етказиб бериш-қабул қилиш далолатномаси ва счет-фактура расмийлаштирилади.

118. Истеъмолчи 7 кундан кечиктирмасдан газ таъминоти ташкилотидан ҳисоб-китоб оyi учун табиий газ етказиб бериш ва қабул қилиш далолатномасини ва счет-фактурани қабул қилиб олади ва имзолайди ҳамда унинг бир нусхасини газ таъминоти ташкилотига жўнатади.

119. Табиий газни етказиб бериш-қабул қилиш далолатномасини имзоламаслик ёки уни эътирозлар билан имзолаш Истеъмолчини кўрсатиб ўтилган табиий газ ҳажмлари учун тўловлардан озод қилмайди. Узатилган ёки қабул қилинган газ миқдорини аниқлашдан норози бўлган томон далолатномада норозилик сабабларини мажбурий акс эттириш йўли билан ҳисоб-китоб қилиш оyi тугагандан кейин 10-кунгача бошқа томонга бу тўғрида маълум қилиб, сўнг далолатноманинг бир нусхасини Бюро вакилига тақдим

қилади. Ушбу масалани ўзаро ҳал этиш имконияти бўлмаганда, келишмовчилик сабаблари белгиланган тартибда кўриб чиқилиши керак.

120. Истеъмолчилардан келгусида дебиторлик қарзларни ундириш Бюро бўлинмаси томонидан белгиланган тартибда амалга оширилади.

121. Табиий газдан узиб қўйилганидан сўнг яна ўзбошимчалик билан уланган ҳолда истеъмол қилинган табиий газ ҳажмлари, унинг қиймати, газ тармоғидан узиб қўйилган вақтдан бошлаб газдан фойдаланиш ускунасининг сутканинг 24 соатида тўлиқ қувват билан ишлаши ҳисобидан келиб чиққан ҳолда аниқланади.

122. Бунда рухсатсиз фойдаланилган газ ҳажмлари қийматининг ундирилиши истеъмолчини қонундан бузганлик учун қонун ҳужжатларида белгиланган тартибда жавобгарликдан озод қилмайди.

11-боб. Табиий газдан фойдаланиш қоидалари бузилганда ҳисоб-китоб қилиш тартиби

123. Истеъмолчи томонидан қуйида кўрсатилган қоида бузилишлари содир этилган тақдирда, ундан истеъмол қилинган табиий газ ҳажмлари нархи (амалдаги тарифлар бўйича) Бюро ёки газ таъминоти ташкилотининг ваколатли ходими сўнгги кўриқдан ўтказиш вақтидан бошлаб, газдан фойдаланиш ускунасининг сутканинг 24 соатида тўлиқ қувват билан ишлаши ҳисобидан келиб чиққан ҳолда ундирилади:

а) табиий газ истеъмолини ҳисобга олиш приборига қасддан шикаст етказиш;

б) ўчириш қурилмалари, газдан фойдаланадиган ускуна ёки табиий газ истеъмолини ҳисобга олиш приборида ўрнатилган тамгаларни қасддан бузиш;

в) табиий газ ҳисобини юритмасдан ёки ўрнатилган табиий газ истеъмолини ҳисобга олиш приборларидан фойдаланмасдан табиий газни ишлатиш, ойлик меъёрлар бўйича аҳоли маиший эҳтиёжлар учун табиий газ етказиб бериш бўйича хизмат кўрсатиш бундан мустасно;

г) газ қувурлари ёки ГТШларда, газ тақсимлаш тармоқларини технологик иш режимини бузишга олиб келадиган қурилмаларни ўрнатиш.

124. Маиший истеъмолчида ушбу Қоидаларнинг [123-бандида](#) кўрсатиб ўтилган қоидабузарлик ҳолатлари, шунингдек, шахсий ҳисобрақамига (белгиланган меъёрлар бўйича истеъмол қилинган табиий газ миқдорини ҳисоблаш учун газ етказиб берувчи ташкилотнинг биллинг тизими) киритилган бошланғич маълумотлар (иситиш майдони, газдан фойдаланиш ускуналари сони ва яшовчилар сони) бузиб кўрсатилиши ҳолатлари аниқланганда, маиший истеъмолчидан Бюро ёки газ таъминоти ташкилоти ваколатли ходимининг сўнгги ташриф буюрган кунидан бошлаб, амалда аниқланган маълумотлар асосида белгиланган истеъмол меъёри бўйича ҳисобланган газ ҳажмининг ҳақи ундирилади.

125. Истеъмолчилар (маиший истеъмолчилардан ташқари) томонидан газлаштириш учун зарур ҳужжатлар расмийлаштирмасдан газ тармоқларига ўзбошимчалик билан уланган тақдирда, ушбу хатти-ҳаракатларни содир этган шахслардан рухсатсиз фойдаланилган газ ҳажмлари қиймати истеъмолчи давлат рўйхатидан расмий ўтказилган кундан бошлаб (тегишли тасдиқловчи ҳужжатлар мавжуд бўлганда) ўтган вақт мобайнида газдан фойдаланиш ускунасининг сутканинг 24 соатида тўлиқ қувват билан ишлаши (ёки стандарт газдан фойдаланиш ускунаси мавжуд эмаслигида қувурнинг ўтказиш имконияти) ҳисобидан келиб чиққан ҳолда, бироқ даъво муддатидан ортиқ бўлмаган миқдорда ундирилади.

126. Ушбу Қоидаларнинг [123 — 125-бандларида](#) қайд этилган қонун бузилиши ҳолатларида, фойдаланилган газ ҳажмлари қийматининг ундирилиши истеъмолчиларни қонун ҳужжатларида белгиланган тартибда жавобгарликдан озод қилмайди.

127. Ушбу Қоидаларнинг [123 — 125 бандларини](#) бузилиши ҳолатлари Бюронинг уч нусхада тузиладиган ҳамда газ таъминоти ташкилоти вакиллари ва истеъмолчи томонидан имзоланадиган далолатнома билан расмийлаштирилади. Истеъмолчи

далолатномани имзолашдан бош тортганда, бу ҳақида далолатномага белги қўйилади. Бюро вакили газ таъминоти ташкилоти ваколатли шахслари билан бирга дарҳол мазкур истеъмолчиларни белгиланган тартибда газ тармоғидан узиб қўяди.

Маъмурий ҳуқуқбузарлик аломатлари мавжуд бўлганда, Бюронинг ваколатли ходими томонидан белгиланган тартибда маъмурий ҳуқуқбузарлик тўғрисида баённома тузилади.

12-боб. 100 кВт дан ортиқ қувватга эга бўлган газдан фойдаланиш ускуналарини ишлатадиган истеъмолчилар томонидан табиий газдан оқилона, хавфсиз фойдаланиш ва уни нормалаш

128. Истеъмолчилар табиий газдан фойдаланилган ҳолда ишлаб чиқарилаётган маҳсулот ёки бажарилаётган ишлар (хизматлар) бирлигига натура ҳолида ва шартли равишда ҳисобланган газ сарфининг тасдиқланган нормаларига эга бўлишлари керак.

129. Ишлаб чиқаришнинг барча даражаларида газ сарфини нормалаш амалдаги нормалар ва қоидаларга мувофиқ амалга оширилади.

130. Газдан фойдаланиш ускуналарини ишлатадиган ташкилотлар ушбу ускуна учун газ сарфининг индивидуал нормаларига эга бўлиши, улар мавжуд бўлмаганда эса, лойиҳалаш ёки ихтисослаштирилган ташкилотларни жалб этган ҳолда уларнинг техник асосланган нормаларини ишлаб чиқиши керак.

131. Вазирлар Маҳкамаси томонидан тасдиқланган Ёқилғи-энергетика ресурслари истеъмолчиларини энергетика текширувидан ва экспертизадан ўтказиш қоидаларига мувофиқ истеъмолчилар ташкилотларни (энергия аудиторларини) жалб этган ҳолда ёқилғи-энергетика ресурсларидан оқилона ва самарали фойдаланиш мақсадида энергетика текширувини ўтказиши керак.

Ёқилғи-энергетика ресурсларидан ёки улар турларидан ҳар бирининг жами истеъмоли йилига икки минг тоннадан ортиқ шартли ёқилғини ташкил қиладиган истеъмолчилар энергетика текширувларидан мажбурий ўтказилиши керак.

Ёқилғи-энергетика ресурсларини энергетика текшируви натижалари бўйича энергия аудиторлари томонидан ёқилғи-энергетика ресурсларидан фойдаланишдаги қоида бузилишларини бартараф этишга доир тавсиялар ва улардан фойдаланиш самарадорлигини ошириш бўйича ташкилий-техник тадбирлар рўйхати техник имкониятлар мавжуд бўлганда иккиламчи энергетика ресурсларидан фойдаланган ҳолда берилади.

132. Табиий газни сарфлаш нормалари истеъмолчи томонидан тасдиқланади ва газдан самарали ва оқилона фойдаланишни ҳисобга олган ҳолда қайта кўриб чиқиши, такомиллаштирилиши керак.

133. Йил мобайнида тасдиқланган нормалар ускуналар алмаштирилган ёки реконструкция қилинган, буюмлар турлари, фойдаланиладиган хомашё таркиблари ўзгарган ҳолларда, газ сарфининг ўзгаришига сабаб бўлган ёқилғи-энергетика ресурсларини тежаш бўйича ташкилий-техник тадбирлар бажарилишини ҳисобга олган ҳолда қайта кўриб чиқиши мумкин.

134. Табиий газни сарфлаш нормаларига риоя қилиниши ҳамда ундан самарали ва оқилона фойдаланиш юзасидан ички назорат ташкилотларнинг раҳбарлари томонидан амалга оширилади.

13-боб. Газ таъминоти ташкилоти ва табиий газ истеъмолчисининг ҳуқуқлари ва мажбуриятлари

135. Газ таъминоти ташкилоти қуйидагиларга мажбур:

а) ўзига қарашли бўлган газ тармоқларини соз ҳолатда сақлаш ва уларни ўз ҳисобидан таъмирлаш-тиклаш;

б) ўз газ тармоқларининг техник ҳолатини ва уларда рухсатсиз уланишларни аниқлаш учун даврий кўздан кечириш;

в) табиий газ етказиб бериш қисқарган ёки тўхтаган тақдирда бу тўғрида истеъмолчиларни хабардор қилиш;

г) табиий газнинг рухсатсиз истеъмол қилинганлиги, газ тармоқлари моддий бойликларининг талон-тарож қилинганлиги тўғрисида Бюро ва бошқа ҳуқуқни муҳофаза қилиш органларини хабардор қилиш;

д) истеъмолчига газ етказиб бериш бўйича шартномада кўрсатилган шартларга мувофиқ газ етказиб бериш. Баҳор-ёз даврида барча истеъмолчиларга газ етказиб бериш учун ресурслар ва қувватлар етарли бўлмаган ҳолларда, истеъмолчилар ўртасида газ тақсимооти Ўзбекистон Республикаси Вазирлар Маҳкамаси билан келишилган ҳолда амалга оширилади;

е) истеъмолчиларга йўриқномалар бериш ва хонада ўрнатилган газ приборларидан хавфсиз фойдаланиш масалалари бўйича эслатмани топшириш. Бунда йўриқномалар газ таъминоти ташкилотининг масъул ходими томонидан ўтказилиб, табиий газни етказиб бериш шартномаси иловасига белги ва истеъмолчига имзо қўйдирилиши шарт. Эслатмада газ таъминоти ташкилотининг авария хизмати телефон рақамлари кўрсатилади.

ж) Бюро ва ваколатли давлат органларининг мажбурий кўрсатмаларини бажариш;

з) газ таъминоти ташкилоти тасдиқлаган жадваллар ва нархларни тартибга солиш органи томонидан тасдиқланган тарифлар бўйича истеъмолчиларнинг ички газ тармоқлари, газда ишловчи қурилма ва ускуналарни қуйидаги муддатларда техник тафтишдан ўтказиш ва уларга профилактик хизмат кўрсатиш:

кўп қаватли турар жойлардаги газ плиталар, бошқа газ приборлари мавжуд бўлмаганда — икки йилда бир марта;

турар жойлардаги газ плиталари, иситиш, сув иситиш приборлари — йилда бир марта, профилактик хизмат кўрсатиш — ҳар бир иситиш мавсуми бошланишидан аввал;

и) истеъмолчиларни техник хизмат кўрсатиш (тафтиш ўтказиш) саналари ҳақида турар жойлар йўлакларида эълонлар ёки бошқа мавжуд усуллар орқали камида уч сутка аввал огоҳлантириш;

к) газдан фойдаланиш ускуналарини истеъмолчиларнинг ёзма ёки электрон буюртмалари асосида нархларни тартибга солиш органи томонидан тасдиқланган тарифлар бўйича қуйидаги муддатларда таъмирлаш:

табиий газ сизиб чиқишида — дарҳол;

овкат тайёрлаш учун мўлжалланган газдан фойдаланиш ускуналарининг носозлигида — бир кун давомида;

иситиш мавсумида иситиш учун мўлжалланган газдан фойдаланиш ускуналарининг носозлигида — бир кун давомида;

иссиқ сув ва иситиш учун мўлжалланган газдан фойдаланиш ускуналарининг носозлигида (иситиш мавсумидан ташқари вақтда) — икки кун давомида;

газдан фойдаланиш ускуналарини алмаштиришда — беш кун давомида.

л) табиий газ истеъмолини ҳисобга олиш приборлари кўрсаткичларини ҳар ойда киритиб бориш, тўловларни амалга ошириш ва интерактив хизматларнинг бошқа имкониятларидан фойдаланиш учун маиший истеъмолчига ҳақ ундирмасдан шахсий кабинет очиш имконини бериш;

м) маиший истеъмолчи аризасига асосан ҳисоб-китоб ҳолати ҳамда истеъмол қилинган табиий газ учун қарздорлик мавжуд эмаслиги (мавжудлиги) ҳақида маълумотномани икки иш куни ичида ҳақ ундирмаган ҳолда тақдим этиш;

н) қонун ҳужжатларида белгиланган бошқа мажбуриятлар.

136. Газ таъминоти ташкилоти истеъмолчиларнинг газдан фойдаланиш ускуналари ва газ тармоқларига белгиланган тартибда техник хизмат кўрсатади ҳамда уларни тафтишдан ўтказди.

137. Газдан фойдаланиш ускуналари ва ички газ тармоқларига техник хизмат кўрсатиш ва уларни тафтишдан ўтказиш тегишли норматив ҳужжатларда белгиланган ҳажмда ва муддатларда амалга оширилиши лозим.

138. Газ таъминоти ташкилоти қуйидаги ҳуқуқларга эга:

а) техник заруратга кўра, истеъмолчини ушбу Қоидаларга мувофиқ белгиланган тартибда хабардор қилган ҳолда, табиий газни етказиб беришни қисқартириш ёки тўхтатиш;

б) ўзбошимчалик билан уланиш ҳолатлари аниқланганда, белгиланган тартибда газ тармоғидан узиб қўйиш;

в) истеъмолчилардан ушбу Қоидаларни ва табиий газни етказиб бериш шартномаси шартларини бажаришни талаб қилиш;

г) табиий газни етказиб бериш шартномасини қонун ҳужжатларига мувофиқ бир томонлама бекор қилиш;

д) газ тармоқларида авариянинг олдини олиш ёки бартараф этиш юзасидан кечиктириб бўлмайдиган чораларни кўриш зарурати юзага келганда, истеъмолчи билан келишмасдан ва уни огоҳлантирмасдан ҳамда зудлик билан хабардор қилган ҳолда, табиий газни етказиб беришни тўхтатиш ёки чеклаш;

е) Ушбу Қоидаларнинг [123 — 125 бандларида](#) назарда тутилган ҳолатларда, аниқланган қоидабузарликлар бартараф этилгунига қадар аввалдан огоҳлантирмаган ҳолда газ етказиб беришни тўхтатиш.

139. Маиший истеъмолчилар мажбуриятлари:

а) янги турар жойларга кўчиб ўтилганда ҳамда мавжуд уй-жой фондини газлаштириш давомида газ хўжалигидан хавфсиз фойдаланиш қоидалари бўйича кўрсатмалар олиш;

б) ўз тасарруфидаги газ тармоқлари, приборлар, ускуналар, шунингдек, фойдаланилаётган ертўлалар, техник йўлаклар ва бошқаларни соз ҳолатда сақлаш, электр ёритиш ва вентиляция тизимининг доимий ишлашини таъминлаш;

в) бинолар ертўлаларидаги ер ости коммуникацияларининг зичлигини, шунингдек, бинолар қурилиш элементларининг газ тармоқлари билан ўзаро кесишган жойларини кузатиб бориш;

г) фавқулодда ва авария ҳолатларида, куннинг исталган вақтида ўз хизмат гувоҳномаларини кўрсатган газ таъминоти ташкилоти ишчиларига қаршилик кўрсатмасдан уларнинг газ сизиб чиқиш ҳолатини текшириш учун барча ертўлалар, техник йўлаклар, хоналарга киришини таъминлаш;

д) белгиланган тартибда тутун мўрилари, мўриларнинг каллакларини ва вентиляция каналларининг ҳолатини ўз вақтида текширилишини ташкил қилиш;

е) тутун мўрилари ва вентиляция каналларидаги носозликлар тўғрисида ёнгин хавфсизлиги хизматларига носозликларни тузатиш учун зудлик билан хабар бериш;

ж) газ таъминоти ташкилотини хусусий мулк ҳуқуқида тегишли бўлган турар жойларни бузилиши ёки қайта қурилиши ҳақида ёзма ёки электрон шаклда хабардор қилиш;

з) Бюро ва газ таъминоти ташкилотининг мажбурий кўрсатмаларини бажариш;

и) уй ичи газ қувурини чиришдан ҳимоя қилиш чораларини кўриш, мунтазам равишда бўяб туриш;

к) табиий газдан оқилона фойдаланиш;

л) фойдаланилган табиий газ ва газдан фойдаланиш ускунаси ҳамда уй ичи газ тармоқларига хизмат кўрсатиш юзасидан бажарилган ишлар учун газ таъминоти ташкилоти билан ўз вақтида ҳисоб-китоб қилиш;

м) газ приборларини тоза сақлаш, таом тайёрлаш жараёнида газ ёндиргичларни ифлосланишдан сақлаш;

н) газлаштириш лойиҳаси сақланишини таъминлаш ҳамда уни газ таъминоти ташкилоти ва бошқа ваколатли давлат органлари вакили талаби билан тақдим қилиш;

о) ертўла, йўлак, ҳовли, кўчада табиий газ ҳиди сезилган тақдирда, авария хизматига «104» телефони орқали хабар бериш;

п) газ билан тўлган жойлардан одамларни олиб чиқиш, электр ёритиш тизими ёниб ва ўчиб қолиши, очиқ олов ёки учқун пайдо бўлишини олдини олиш юзасидан чоралар кўриш;

р) Бюронинг вакилларига соат 08⁰⁰ дан 20⁰⁰ гача табиий газ истеъмолини ҳисобга олиш приборларини кўздан кечириш учун қаршиликсиз кириш имкониятини таъминлаш;

с) табиий газни истеъмолини ҳисобга олиш приборлари кўрсаткичларини ўзгартириш мақсадида уларнинг ишлашига тўсқинлик қилувчи ҳаракатларни амалга оширмаслик, уларга қасддан шикаст етказишнинг олдини олиш ва ўрнатилган тамғаларни бутунлигини таъминлаш.

140. Бошқа истеъмолчиларнинг мажбуриятлари:

а) табиий газдан оқилона ва самарали фойдаланиш;

б) ўз тасарруфидаги газ қувурлари ва газ хўжалиги ускуналарини техник соз ҳолатда сақлаш;

в) газ тармоқларида ёки газдан фойдаланиш ускунасида вужудга келган табиий газ сизиб чиқиши ҳолати ҳақида газ таъминоти ташкилоти диспетчерлик хизматларини зудлик билан хабардор қилиш;

г) ўзининг газ тармоқлари дахлсизлигини таъминлаш ва эҳтимоли бўлган рухсатсиз уланишларни аниқлаш мақсадида уларни ва улардаги ускуналарни мунтазам равишда кўздан кечириб чиқиш;

д) газ таъминоти ташкилотлари газ тармоқларига сертификатланмаган, газлаштириш лойиҳасига (ЛТХ) мувофиқ бўлмаган газдан фойдаланиш ускунасининг уланишига йўл қўймаслик;

е) Бюро ва газ таъминоти ташкилоти вакилларининг (тегишли гувоҳнома кўрсатилган тақдирда) табиий газни истеъмол қилишни ҳисобга олиш приборларини ва/ёки газдан фойдаланиш ускунасини куннинг исталган вақтида эркин кўздан кечиришини таъминлаш;

ж) газдан фойдаланиш ускунасидаги носозликларни (бундай турдаги ишларни бажариш ҳуқуқига эга бўлган ихтисослаштирилган бригадалар ёки ходим ёрдамида) бартараф этиш;

з) табиий газ истеъмолини ҳисобга олиш приборлари кўрсаткичларини ўзгартириш мақсадида уларнинг ишлашига тўсқинлик қилувчи ҳаракатларни амалга оширмаслик, уларнинг қасддан бузилишига йўл қўймаслик ва ўрнатилган тамғаларнинг бутунлигини таъминлаш;

и) табиий газ истеъмолини ҳисобга олиш приборлари ишидаги носозлик аниқланган тақдирда, газ таъминоти ташкилотини ўзи учун қулай шаклда дарҳол хабардор қилиш.

141. Маиший истеъмолчилар қуйидаги ҳуқуқларга эга:

а) табиий газнинг стандартлаштириш бўйича норматив ҳужжатларда кўзда тутилган ҳажмда ва сифатда, узатиш режимига риоя қилган ҳолда тўхтовсиз етказиб берилиши;

б) табиий газни етказиб бериш шартномаси бекор қилинганда, фойдаланилмаган газ ҳажми учун тўланган суммани қайтаришни талаб қилиш;

в) табиий газни етказиб бериш шартномасини қонун ҳужжатларига мувофиқ бир томонлама бекор қилиш;

г) табиий газ узатиш тўхтатилиши натижасида вужудга келган зарарни қоплашни талаб этиш;

д) газ таъминоти ташкилоти вакилини узиш ва қайта уланиш учун қўшимча ҳақ тўламасдан, газ приборларини газ таъминотидан вақтинча ёки тўлиқ узиб қўйиш мақсадида чақириш;

142. Бошқа истеъмолчилар газ таъминоти ташкилотидан:

а) етказиб берилган табиий газнинг аниқланган ҳажмига ва бошқа параметрларга норози бўлган тақдирда, газ етказиб берувчининг табиий газни истеъмолини ҳисобга олиш приборлари ишлашининг ишончилигини текшириш учун комиссия ташкил этиш;

б) табиий газнинг стандартлаштириш бўйича норматив ҳужжатларда кўзда тутилган сифатда ва етказиб бериш режимига риоя қилган ҳолда узатилиши;

в) табиий газни етказиб бериш шартномаси бекор қилинганда, фойдаланилмаган газ ҳажми учун тўланган суммани қайтариш;

г) табиий газни етказиб бериш шартномасини қонун ҳужжатларига мувофиқ бир томонлама бекор қилиш;

д) табиий газ узатиш тўхтатилиши натижасида вужудга келган зарарни қоплаш;

е) табиий газ етказиб беришни вақтинча тўхтатишни талаб этиш ҳуқуқига эга.

Истеъмолчилар қонунга мувофиқ бошқа ҳуқуқларга ҳам эга бўлиши мумкин.

143. Табиий газдан фойдаланишда қуйидагиларга йўл қўйилмайди:

а) ўзбошимчалик билан газлаштириш, газдан фойдаланиш ускунасини мустақил равишда кўчириш, алмаштириш ва таъмирлаш;

б) газдан фойдаланиш ускунаси жойлашган хоналарда меъёрий талабларга номувофиқ тарзда қайта режалаштириш;

в) газдан фойдаланиш ускунаси, мўри ва вентиляция тизимлари тузилишига ўзбошимчалик билан ўзгартириш киритиш, шунингдек, мўриларни тозалаш учун мўлжалланган вентиляция каналлари ва люкларни ёпиб қўйиш;

г) хавфсизлик ва тартибга солиш автоматика тизимини ўзбошимчалик билан ўчириш, газ приборлари, автоматика ва арматура яроқсиз ҳолга келган тақдирда газдан фойдаланиш;

д) газлаштирилган печлар ва мўриларда синч зичлиги, сувоқдаги (ёриқлар) бузилиши ҳолатларида табиий газдан фойдаланиш;

е) табиий газдан мўри ва вентиляция каналлари текширилганлиги ва тозаланганлиги ҳақидаги далолатнома мавжуд бўлмаганда ёки унинг муддати ўтганидан сўнг фойдаланиш;

ж) мўри ва вентиляция каналларини ўзбошимчачилик билан тозалаш;

з) дарчалар (фрамугалар), жалюзи панжаралари, вентиляция каналлари панжаралари, ҳаммом ва ошхона эшиклари остидаги тирқишларнинг ёпиқ ҳолатларида, мўри ва вентиляция каналларида тортиш кучи йўқ бўлганда газ приборларидан фойдаланиш;

и) ишлаб турган газ приборларини қаровсиз қолдириш, узлуксиз ишлаб туришни назарда тутадиган ва бунинг учун тегишли автоматлаштирилган тизимга эга газ приборлари бундан мустасно;

к) газдан фойдаланиш ускуналаридан мактабгача ёшдаги болалар, шунингдек, ўз хатти-ҳаракатларини назорат қила олмайдиган ва ушбу ускуналардан фойдаланиш қоидаларидан беҳабар шахслар фойдаланишга рухсат этиш;

л) газ қувурларига арқон боғлаш ва газ қувурларига оғир вазнли буюм қўйиш;

м) табиий газ ва газдан фойдаланиш ускуналаридан бошқа мақсадларда фойдаланиш, газ плиталарини хоналарни иситиш учун фойдаланиш;

н) газдан фойдаланиш ускунаси ўрнатилган хоналардан ухлаш ва дам олиш учун фойдаланиш;

о) табиий газ сизиб чиқиш жойларини аниқлаш учун очик оловдан фойдаланиш.

14-боб. Газ таъминоти ташкилотининг табиий газ ҳисобот балансини тузиш тартиби

144. Газ таъминоти ташкилоти газ тақсимлаш тармоқлари орқали олинган табиий газнинг қабул қилинган ва тақсимланган ҳажми бўйича ҳисобот балансини (кейинги ўринларда табиий газ баланси деб аталади) тузади.

145. Ҳисобот даври учун табиий газ баланси олинган табиий газ умумий ҳажмининг табиий газни умумий тақсимлаш йиғиндисига тенглиги орқали қуйидагилар бўйича аниқланади:

истеъмолчиларга сотилган табиий газ ҳажми (шу жумладан, ноқонуний фойдаланувчилар томонидан сарф қилинган газ ҳажми);

фойдаланиш ва технологик эҳтиёжлар учун сарфланган табиий газ ҳажми (алоҳида ҳужжат асосида тартибга солинади);

табиий газни йўқотиш ҳажмлари (алоҳида ҳужжат асосида тартибга солинади);

табиий газнинг газ тармоқларидаги технологик қолдиқлари;

қабул қилинган ва тақсимланган табиий газ ҳажмлари орасидаги мусбат ва манфий фарқлар.

146. Мусбат фарқ вужудга келганда, яъни тақсимланган табиий газ ҳажми қабул қилинган табиий газ ҳажмидан ортиқ бўлганда, мазкур фарқ ҳисоботда маълумот ўрнида кўрсатилиб, етказиб берилган табиий газ ҳажмига (ҳажм ошмаган ҳолда) таъсир қилмайди.

147. Манфий фарқ вужудга келганида, яъни тақсимланган табиий газ ҳажми қабул қилинган табиий газ ҳажмидан кам бўлганда, мазкур фарқ ҳисоботда табиий газ таннархига қўшиб ҳисобланади. Бунда узоқ вақт давомида табиий газнинг талон-тарож қилиниши оқибатида аниқланган табиий газ ҳажмлари ҳисобот даври якунида табиий газ ҳажмида вужудга келган манфий фарқ ҳисобидан чиқарилади.

148. «Ўзтрансгаз» АЖ ижроия органи томонидан ҳар бир ҳисобот йили якунида қонун ҳужжатларида белгиланган тартибда табиий газ балансида вужудга келган фарқлар юзасидан қуйидаги қарорлардан бири қабул қилинади:

манфий фарқнинг қолдиқ суммаси жамиятнинг «даврий харажатлари»га ўтказилади;

мусбат фарқнинг қолдиқ суммаси жамиятнинг даромади деб тан олинади.

Ижроия органининг вужудга келган фарқлар юзасидан қабул қилинган қарори Бюрога тақдим этилади.

149. Газ таъминоти ташкилотлари Бюро билан биргаликда қонунчиликда белгиланган тартибда ҳар ойда салбий фарқнинг вужудга келиш сабабларини аниқлаш, шунингдек, асосиз йўқотишларга йўл қўйган айбдор шахслардан қарздорликни газни сотиш нархларида ундириш чораларини кўриши шарт.

15-боб. Табиий газдан фойдаланиш қоидаларини бузганлик учун жавобгарлик

150. Газ таъминоти (газ узатиш) ташкилотлари, Бюро ва истеъмолчилар ушбу Қоидалар талаблари бузилиши учун қонун ҳужжатларида белгиланган тартибда жавобгар бўладилар.

4.5. Электр тизимига уланиш бўйича давлат хизмати

Юридик ва жисмоний шахсларни электр тармоқларига улаш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 31 мартдаги 256-сон қарорига)

1-боб. Умумий қоидалар

1. Ушбу Регламент юридик ва жисмоний шахсларни (кейинги ўринларда истеъмолчилар деб аталади) электр тармоқларига улаш тартибини белгилайди.

2. Ушбу Регламентнинг амал қилиши истеъмолчиларнинг электр тармоқларига уланаётган янги ва реконструкция қилинаётган электр қурилмаларига, шунингдек, уланган қувват миқдори кўпаймасдан электр таъминоти схемаси ўзгаришига олиб келадиган электр таъминоти ишончилиги тоифаси, уланиш нуқталари, ишлаб чиқариш фаолияти турлари ўзгартирилаётганда татбиқ этилади.

Ушбу Регламент талаблари истеъмолчиларнинг 35 кВ ва ундан юқори кучланишли электр тармоқларига уланиши ҳолатларига татбиқ этилмайди.

3. Электр энергиясини электр таъминоти шартномасини тузмасдан етказиб бериш тақиқланади.

4. Истеъмолчиларни электр тармоқларига улаш жараёни қуйидагиларни назарда тутати:

техник шартларни ишлаб чиқиш;

қуввати 20 кВтдан ошмаган электр энергияси истеъмолчилари учун қурилиш-монтаж ишларини амалга ошириш;

қуввати 20 кВтдан юқори бўлган электр энергияси истеъмолчилари учун электр таъминоти лойиҳасини ишлаб чиқиш ва келишиш;

қуввати 20 кВтдан юқори бўлган электр энергияси истеъмолчилари учун қурилиш-монтаж ва созлаш-ишга тушириш ишларини амалга ошириш;

қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсатнома бериш;

электр энергиясини ҳисобга олиш тизимини пломбалаш;

электр таъминоти шартномасини тузиш;

кучланишни етказиб бериш.

5. Истеъмолчиларни электр тармоқларига улаш жараёнини амалга оширишда:

а) ҳудудий электр тармоқлари корхонаси (кейинги ўринларда ХЭТК деб аталади): техник шартларни ишлаб чиқади;

қуввати 20 кВтдан ошмаган электр энергияси истеъмолчилари учун қурилиш-монтаж ишларини амалга оширади (истеъмолчининг ихтиёрига кўра);

қуввати 20 кВтдан юқори бўлган электр энергияси истеъмолчилари учун электр таъминоти лойиҳасини ишлаб чиқади (истеъмолчининг ихтиёрига кўра);

қуввати 20 кВтдан юқори бўлган электр энергияси истеъмолчилари учун электр таъминоти лойиҳасини келишади;

қуввати 20 кВтдан юқори бўлган электр энергияси истеъмолчилари учун лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

электр энергиясини ҳисобга олиш тизимини пломбалашда иштирок этади;

электр таъминоти шартномасини тузади;

кучланишни етказиб беришни амалга оширади;

б) лойиҳалаш, қурилиш-монтаж ва созлаш-ишга тушириш ташкилотлари лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

в) Ўзбекистон Республикаси Электр энергетикада назорат бўйича давлат инспекцияси (кейинги ўринларда «Ўздавэнергоназорат» ДИ деб аталади):

қуввати 20 кВтдан юқори бўлган электр энергияси истеъмолчилари учун электр таъминоти лойиҳасини келишади;

қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсатнома беради;

г) Ўзбекистон Республикаси Бош прокуратураси ҳузуридаги Мажбурий ижро бюроси (кейинги ўринларда Бюро деб аталади) электр энергиясини ҳисобга олиш тизимини пломбалашда иштирок этади.

6. Давлат хизматлари марказлари, «Ўздавэнергоназорат» ДИ, Бюро, ХЭТК, лойиҳалаш, қурилиш-монтаж ва созлаш-ишга тушириш ташкилотлари ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро ўзаро электрон боғланиш ёрдамида амалга оширилади.

7. Истеъмолчиларни электр тармоқларига улаш ушбу Регламентга 1-иловага мувофиқ схема бўйича амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

8. Истеъмолчилар электр тармоқларига уланиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

9. Ўзи келиб мурожаат этган тақдирда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 2-иловага мувофиқ давлат хизматидан фойдаланиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

10. Истеъмолчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизматлари маркази ходимлари ва ЯИДХП истеъмолчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари истеъмолчилар ЭРИни жойнинг ўзида олишлари учун барча зарур шароитларни таъминлашга мажбурдир.

11. Давлат хизматларини кўрсатиш учун энг кам ойлик иш ҳақининг 10 фоизи миқдорида йиғим ундирилади.

Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тўлиқ ХЭТКнинг банк ҳисоб рақамига (қуввати 20 кВтдан ошмаган электр тармоқларига уланганда) ёки тенг миқдорда «Ўздавэнергоназорат» ДИ ва

ҲЭТКнинг банк ҳисоб рақамларига (қуввати 20 кВтдан юқори бўлган электр тармоқларига уланганда) ўтказилади.

13. Истеъмолчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматларини кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

14. Истеъмолчи давлат хизматларидан фойдаланишдан у кўрсатилишининг ҳар қандай босқичида бош тортиш ҳуқуқига эга.

Истеъмолчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ҲЭТКга техник шартларни ишлаб чиқиш учун юборади.

ЯИДХП орқали мурожаат қилинганда эса сўровнома автоматик тарзда ҲЭТКга техник шартларни ишлаб чиқиш учун юборилади.

2-§. Техник шартларни ишлаб чиқиш ва бериш, шунингдек, тижорат таклифлари ва шартномалар лойиҳаларини тақдим этиш

16. ҲЭТК сўровнома тушганидан сўнг уч иш куни мобайнида техник шартларни ишлаб чиқади ва электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) юборади.

ҲЭТК лойиҳалаш, қурилиш-монтаж ва созлаш-ишга тушириш ишларини амалга оширишга ўзининг тижорат таклифларини ҳамда шартномалари лойиҳаларини ҳам юбориш ҳуқуқига эга.

Ўзи келиб мурожаат этганда Давлат хизматлари маркази техник шартлар ҳамда ҲЭТКнинг лойиҳалаш, қурилиш-монтаж ва созлаш-ишга тушириш ишларини амалга оширишга тижорат таклифлари ва шартномалар лойиҳалари тушганидан сўнг бир соат мобайнида техник шартларга ўзининг муҳрини босиб, истеъмолчига беради.

17. Ишлаб чиқилган техник шартлар истеъмолчининг алоқа қилинадиган маълумотлари илова қилинган ҳолда лойиҳалаш, қурилиш-монтаж ва созлаш-ишга тушириш ишларини амалга оширишга ўзларининг тижорат таклифлари ва шартномалар лойиҳаларини тақдим этиши мақсадида лойиҳалаш, қурилиш-монтаж ва созлаш-ишга тушириш ташкилотларининг танишиши учун ЯИДХПда жойлаштирилади.

3-§. Истеъмолчиларни қуввати 20 кВтдан ошмаган электр тармоқларига улаш

18. Қуввати 20 кВтдан ошмаган электр тармоқларига улаш учун лойиҳалаш ва созлаш-ишга тушириш ишларини амалга ошириш талаб этилмайди.

19. Қуввати 20 кВтдан ошмаган электр энергияси истеъмолчилари қурилиш-монтаж ишларини амалга ошириш бўйича ҲЭТК ёки бошқа қурилиш-монтаж ташкилотлари билан шартномалар тузиш ҳуқуқига эга.

20. Қуввати 20 кВтдан ошмаган электр тармоқларига улаш бўйича қурилиш-монтаж ишлари қурилиш-монтаж ишларини ўтказиш бўйича шартномаларда белгиланган муддатларда амалга оширилади.

4-§ . Истеъмолчиларни қуввати 20 кВтдан юқори бўлган электр тармоқларига улаш

21. Қуввати 20 кВтдан юқори бўлган электр тармоқларига улаш бўйича электр таъминоти лойиҳасини ишлаб чиқиш учун истеъмолчилар ХЭТК ёки бошқа лойиҳалаш ташкилотлари билан лойиҳалаш ишларини ўтказиш бўйича шартномалар тузиш ҳуқуқига эга.

22. Лойиҳалаш ишлари лойиҳалаш ишларини бажариш бўйича шартномаларда белгиланган муддатларда амалга оширилади.

23. Лойиҳалаш ташкилоти лойиҳалаш ишларини амалга оширгандан сўнг ЯИДХПда ушбу Регламентга 3-илова мувофиқ шакл бўйича сўровномани тўлдиради ва уни ўзининг ЭРИ билан тасдиқлайди.

Сўровномага электр таъминоти лойиҳаси электрон шаклда илова қилинади.

Лойиҳалаш ташкилотидан ушбу бандда кўрсатилмаган ҳужжатлар ва маълумотларни тақдим этишни талаб этиш қатъиян тақиқланади.

Сўровнома электр таъминоти лойиҳасини келишиш учун ХЭТК ва «Ўздавэнергоназорат» ДИга автоматик тарзда юборилади.

24. Электр таъминоти лойиҳаси ХЭТК томонидан ишлаб чиқилган ҳолларда электр таъминоти лойиҳасини ХЭТК билан келишиш талаб этилмайди.

25. ХЭТК ва «Ўздавэнергоназорат» ДИ сўровнома тушганидан сўнг уч иш куни давомида электр таъминоти лойиҳасини келишади ёки келишишни рад этади.

Электр таъминоти лойиҳасини келишиш уни ХЭТК ва «Ўздавэнергоназорат» ДИнинг ЭРИ билан тасдиқлаш орқали амалга оширилади.

26. Электр таъминоти лойиҳаси техник шартлар ҳамда электр ускуналарини ўрнатиш қоидалари талабларидан четга чиқиш электр таъминоти лойиҳасини келишишни рад этишга асос бўлади.

Бошқа сабабларга кўра электр таъминоти лойиҳасини келишишни рад этиш қатъиян тақиқланади.

Электр таъминоти лойиҳасини келишишни рад этиш учун асос бўлган сабаблар лойиҳалаш ташкилоти томонидан бартараф этилган тақдирда, қайта келишиш такрорий сўровнома тушганидан сўнг бир иш кунидан ошмаган муддатда амалга оширилади.

Электр таъминоти лойиҳасини такроран кўриб чиқишда ХЭТК ва «Ўздавэнергоназорат» ДИ томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

27. Келишилган электр таъминоти лойиҳаси у келишилган кунда электрон шаклда ХЭТК ва «Ўздавэнергоназорат» ДИ томонидан лойиҳалаш ташкилотига ЯИДХП орқали юборилади.

28. Қуввати 20 кВтдан юқори бўлган электр тармоқларига улаш бўйича қурилиш-монтаж ва созлаш-ишга тушириш ишларини амалга ошириш учун истеъмолчилар ХЭТК ёки бошқа қурилиш-монтаж ва созлаш-ишга тушириш ташкилотлари билан тегишли шартномалар тузиш ҳуқуқига эга.

29. Қурилиш-монтаж ва созлаш-ишга тушириш ишлари қурилиш-монтаж ва созлаш-ишга тушириш ишларини бажариш бўйича шартномаларда белгиланган муддатларда амалга оширилади.

5-§. Қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсат бериш

30. Қуввати 20 кВтдан ошмаган электр энергияси истеъмолчиларининг электр қурилмаларини ишга тушириш учун рухсатнома олиш талаб этилмайди.

31. Қурилиш-монтаж ва созлаш-ишга тушириш ташкилотлари қурилиш-монтаж ва созлаш-ишга тушириш ишларини тугатгандан сўнг ЯИДХПда ушбу Регламентга 4-иловага мувофиқ шаклда сўровномани тўлдиради ва уни ўзининг ЭРИ билан тасдиқлайди.

Сўровномага ушбу Регламентга 5-иловада кўрсатилган хужжатлар рўйхатига мувофиқ хужжатлар электрон шаклда илова қилинади.

Қурилиш-монтаж ва созлаш-ишга тушириш ташкилотларидан ушбу бандда кўрсатилмаган маълумотлар ва хужжатларни талаб қилиш қатъиян тақиқланади.

Сўровнома қуввати 20 кВтдан юқори бўлган электр энергияси истеъмолчиларининг электр қурилмаларини ишга туширишга рухсат бериш учун «Ўздавэнергоназорат» ДИга автоматик тарзда юборилади.

32. «Ўздавэнергоназорат» ДИ жойларга чиқиб қурилиш-монтаж ва созлаш-ишга тушириш ишлари қонун хужжатларида белгиланган талаблар ва техник шартларга мувофиқлигини ўрганади, шунингдек, электр қурилмаларини соз ҳолда сақлашга тайёрланган ходимларнинг мавжудлигини текширади.

33. «Ўздавэнергоназорат» ДИ сўровнома тушганидан сўнг беш иш кунни мобайнида электр қурилмаларини ишга тушириш учун рухсатнома беради ёки уни беришни рад этади.

Электр қурилмаларини ишга тушириш учун рухсатнома «Ўздавэнергоназорат» ДИ томонидан Ўзбекистон Республикаси Адлия вазирлиги билан келишган ҳолда тасдиқланган шаклда электрон шаклда расмийлаштирилади ва «Ўздавэнергоназорат» ДИнинг ЭРИ билан тасдиқланади.

34. Такдим этилган хужжатларда ишончсиз ёки нотўғри маълумотларнинг мавжудлиги, истеъмолчиларининг электр қурилмалари монтажида камчиликлар, техник шартлар талабларидан четга чиқиш ҳолатлари аниқланиши, шунингдек, электр қурилмаларини соз ҳолда сақлаш учун тайёрланган ходимларнинг мавжуд эмаслиги рухсатнома беришни рад этишга асос бўлади.

Бошқа сабабларга кўра электр қурилмаларини ишга тушириш учун рухсатнома беришни рад этиш қатъиян тақиқланади.

Рад этиш учун асос бўлган сабаблар қурилиш-монтаж ва созлаш-ишга тушириш ташкилотлари томонидан бартараф этилган тақдирда, электр қурилмаларини ишга тушириш учун рухсатнома бериш такрорий сўровнома тушган кундан бошлаб икки иш кунидан ошмаган муддатда амалга оширилади.

Электр қурилмаларини ишга тушириш учун рухсатнома бериш масаласини такроран кўриб чиқишда «Ўздавэнергоназорат» ДИ томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

35. Электр қурилмаларини ишга тушириш учун рухсатнома у берилган кунда электрон шаклда «Ўздавэнергоназорат» ДИ томонидан қурилиш-монтаж ва созлаш-ишга тушириш ташкилотларига ЯИДХП орқали юборилади.

6-§. Электр энергиясини ҳисобга олиш тизимини пломбалаш, электр таъминоти шартномасини тузиш ва кучланишни етказиб бериш

36. Электр энергиясини ҳисобга олиш тизимини пломбалаш ва электр таъминоти шартномасини тузиш қуввати 20 кВтдан ошмаган электр энергияси истеъмолчилари учун қурилиш-монтаж ишлари бажарилгандан сўнг ёки қуввати 20 кВтдан юқори бўлган электр энергияси истеъмолчиларининг электр қурилмаларини ишга тушириш учун рухсатнома берилгандан сўнг амалга оширилади.

37. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 6-иловага мувофиқ электр энергиясини ҳисобга олиш тизимини пломбалаш ва электр таъминоти шартномасини тузиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа хужжатларни такдим этишни талаб қилиш қатъиян тақиқланади.

38. Истеъмолчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

39. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ХЭТК ва Бюрога электр энергиясини ҳисобга олиш тизимини пломбалаш ва электр таъминоти шартномасини тузиш учун юборади.

ЯИДХП орқали мурожаат қилинганда эса сўровнома автоматик тарзда ХЭТК ва Бюрога электр энергиясини ҳисобга олиш тизимини пломбалаш ва электр таъминоти шартномасини тузиш учун юборилади.

40. ХЭТК ва Бюро сўровнома тушган кундан бошлаб икки иш куни мобайнида жойнинг ўзига чиқиб электр энергиясини ҳисобга олиш тизимини пломбалашни амалга оширади.

Электр энергиясини ҳисобга олиш тизимини пломбалаш қўшма тасдиқланган жадваллар асосида олдиндан белгиланган вақтда амалга оширилади.

41. ХЭТК электр энергиясини ҳисобга олиш тизими пломбаланган куннинг ўзида электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) пломбалаш ўтказилганлиги тўғрисидаги маълумотлар кўрсатилган расмийлаштирилган электр таъминоти шартномасини юборади.

42. Давлат хизматлари маркази расмийлаштирилган электр таъминоти шартномаси тушгандан сўнг бир соат ичида бу ҳақида истеъмолчини ахборот-коммуникация тизимлари орқали хабардор қилади.

43. Истеъмолчи расмийлаштирилган электр таъминоти шартномаси тушганидан сўнг беш иш куни мобайнида уни ўзининг ЭРИ билан тасдиқлайди.

Истеъмолчи томонидан тасдиқланган электр таъминоти шартномаси Давлат хизматлари маркази томонидан (ўзи келиб мурожаат этганда) ХЭТКга ёки истеъмолчи томонидан ЯИДХП орқали (электрон шаклда мурожаат қилинганда) юборилади.

44. Истеъмолчи электр таъминоти шартномасини тасдиқлашдан бош торгганда ёки у белгиланган муддатда юборилмаганда электр таъминоти шартномаси тузилмаган ҳисобланади.

45. Электр энергиясини етказиб бериш ХЭТК томонидан қуйидаги тартибда амалга оширилади:

конун ҳужжатларида олдиндан тўловни амалга ошириши назарда тутилган истеъмолчилар учун — истеъмолчи томонидан олдиндан тўлов амалга оширилган куни;

конун ҳужжатларида олдиндан тўловни амалга ошириши назарда тутилмаган истеъмолчилар учун — истеъмолчи томонидан тасдиқланган шартнома олинган куни.

3-боб. Якунловчи қоидалар

46. Техник шартларни, шу жумладан, қўшимча техник шартларни ишлаб чиқиш, бериш, электр таъминоти лойиҳаларини келишиш, электр қурилмаларини ишга тушириш учун рухсатномалар бериш ва электр энергиясини ҳисобга олиш тизимини пломбалаш тўлов ундирилмаган ҳолда амалга оширилади, давлат хизматлари кўрсатилганлиги учун йиғим ундирилиши бундан мустасно.

47. Давлат хизматлари марказлари, ХЭТК, «Ўздавэнергоназорат» ДИ, Бюро, лойиҳалаш, қурилиш-монтаж ва ишга тушириш-созлаш ташкилотлари ўз фаолиятини амалга ошириши натижасида олинган истеъмолчи ҳақидаги маълумотларнинг махфийлигини таъминлаши керак.

48. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг

фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

49. Истеъмолчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

50. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.6-4.8. Электр энергиясини ҳисобга олиш(ҳисоблагич) ускунаси ўрнатиш, ечиш ва қиёслашга ариза бериш бўйича давлат хизмати

Электр энергиясини ҳисобга олиш ускунасини (ҳисоблагични) ечиш, қиёслашдан ўтказиш ва ўрнатиш бўйича давлат хизматлари кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент юридик ва жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали электр энергиясини ҳисобга олиш (ҳисоблагич) ускунасини (бундан буён ҳисобга олиш ускуналари деб юритилади) ечиш, қиёслашдан ўтказиш ва ўрнатиш бўйича давлат хизматларини (бундан буён матнда давлат хизматлари деб юритилади) кўрсатиш тартибини белгилайди.

Мазкур Регламент талаблари Ўзбекистон Республикаси Президентининг 2017 йил 13 ноябрдаги ПҚ-3384-сон “Электр энергияси ва табиий газ назорати ва ҳисобининг автоматлаштирилган тизимини жадал жорий этиш чора-тадбирлари тўғрисида”ги қарори асосида ўрнатилган ҳисобга олиш ускуналари, шунингдек ўлчов комплексларига нисбатан татбиқ этилмайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали кўрсатилади. Бунда:

а) ҳудудий электр тармоқлари корхонаси (бундан буён матнда ХЭТК деб юритилади) – ҳисобга олиш ускуналарини ечиш ва ўрнатишни амалга оширади, ечилган ҳисобга олиш ускуналарини “Ўзстандарт” агентлигининг давлат метрологик хизматида (бундан буён матнда метрологик хизмат деб юритилади) қиёслашдан ўтказиш ишларининг амалга оширилишини таъминлайди;

б) Ўзбекистон Республикаси Бош прокуратураси ҳузуридаги Мажбурий ижро бюросининг ҳудудий бўлинмалари (бундан буён матнда Бюро деб юритилади) барча жараёнларда ХЭТК билан ҳамкорлик қилади, ҳисобга олиш ускуналарига тамға (пломба) қўйишни амалга оширади;

в) метрологик хизмат ечилган ҳисобга олиш ускуналарини қиёслашдан ўтказиш билан боғлиқ ишларни амалга оширади;

г) талабгорлар ечилган ҳисобга олиш ускуналарини ўрнатиш ва ечиш учун зарур шароит яратади ва ушбу жараёнда иштирок этади.

2. Давлат хизматлари марказлари, ХЭТК, Бюро ва метрологик хизмат ўртасида ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил

равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.

9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматларини кўрсатиш учун тўловнинг амалга оширилмаганлиги давлат хизматларини кўрсатишни рад этиш учун асос ҳисобланади. Давлат хизматларини кўрсатишни бошқа асослар бўйича рад этиш тақиқланади.

10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда тўланган тўлов қайтарилмайди.

11. Талабгорлар Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, 20 дақиқа ичида ХЭТК ва Бюрога электрон шаклда юборилади (қиёслашдан ўтказиш учун мурожаат қилинганда, метрологик хизматга ҳам юборилади). ЯИДХП орқали мурожаат қилинганда эса, анкета автоматик тарзда ХЭТК ва Бюрога электрон шаклда юборилади (қиёслашдан ўтказиш учун мурожаат қилинганда, метрологик хизматга ҳам юборилади).

2-§. Ҳисобга олиш ускуналарини ечиш тартиби

12. ХЭТК ва Бюро ходимлари анкета келиб тушганидан сўнг 3 иш куни ичида талабгор билан келишиб, унинг иштирокида тегишли далолатнома тузган ҳолда ҳисобга олиш ускунасини ечиб олади ва талабгорга далолатноманинг бир нусхаси билан бирга топширади. Талабгор ҳисобга олиш ускунасини қиёслашдан ўтказиш учун мурожаат қилганда, ҳисобга олиш ускунаси ХЭТК томонидан далолатнома билан бирга метрологик хизматга топширилади.

13. Талабгор ёки унинг вакили келишилган вақтда ва манзилда бўлмаган тақдирда, бу ҳақда ҳолислар иштирокида далолатнома тузилиб, фуқароларнинг ўзини ўзи бошқариш органи муҳри билан расмийлаштирилади ва белгиланган тартибда давлат хизматлари кўрсатиш рад этилади.

Давлат хизматлари кўрсатиш рад этилганлиги ҳақида ХЭТК масъул ходими томонидан электрон рақамли имзо билан тасдиқланган хабарнома тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

3-§. Ҳисобга олиш ускуналарини қиёслашдан ўтказиш тартиби

14. Ҳисобга олиш ускунаси ҲЭТКдан қабул қилиб олинганидан сўнг, 3 кун ичида метрологик хизмат томонидан қиёслашдан ўтказилади.

15. Ҳисобга олиш ускунасини қиёслашдан ўтказиш натижаси ижобий бўлган тақдирда, ҳисобга олиш ускунаси фойдаланишга яроқли деб топилади ва метрологик хизмат томонидан ҳисобга олиш ускунасининг қиёслашдан ўтказилганлиги ҳақида сертификат расмийлаштирилади. Ҳисобга олиш ускунаси унинг ҳисоблаш механизми ва созлаш элементига ўзгартириш киритишнинг олдини олиш мақсадида метрологик хизмат томонидан тамғаланади.

Ҳисобга олиш ускунасини қиёслашдан ўтказиш натижаси салбий бўлганда, ҳисобга олиш ускунаси фойдаланишга яроқсиз деб топилади ва бу ҳақда шу куннинг ўзида метрологик хизмат масъул ходими томонидан ҳисобга олиш ускунасининг яроқсизлиги ҳақида хабарнома расмийлаштирилади.

Сертификат ёки хабарнома расмийлаштирилгандан сўнг, 20 дақиқа ичида метрологик хизмат масъул ходими уларни ўзининг электрон рақамли имзоси билан тасдиқлаб, ҲЭТК ва Бюрога, шунингдек Давлат хизматлари маркази (ўзи келиб мурожаат этган тақдирда) ёки ЯИДХП орқали талабгорга (электрон тарзда мурожаат этган тақдирда) электрон шаклда юборади.

16. ҲЭТК сертификат ёки хабарнома келиб тушганидан сўнг 2 иш куни ичида ҳисобга олиш ускунасини метрологик хизматдан олиб кетади.

4-§. Ҳисобга олиш ускуналарини ўрнатиш тартиби

17. ҲЭТК ва Бюро ходимлари ҳисобга олиш ускунаси қиёслашдан ўтказилгандан кейин 3 иш куни ичида уч нусхада тегишли далолатнома тузган ҳолда талабгор иштирокида ўрнатилиб, тамғаланади. Далолатноманинг бир нусхаси талабгорда қолдирилади.

Ҳисобга олиш ускунасини ўрнатиб бериш бўйича мурожаат қилинганда (анкета келиб тушганда) ҲЭТК ва Бюро ходимлари томонидан 3 иш куни ичида, талабгор билан келишилган вақтда, анкетада кўрсатилган манзилга бориб, ҳисобга олиш ускунаси ўрнатиб берилади.

Талабгор ёки унинг вакили келишилган вақтда ва манзилда бўлмаган тақдирда, бу ҳақда ҳолислар иштирокида далолатнома тузилиб, фуқароларнинг ўзини ўзи бошқариш органи муҳри билан расмийлаштирилади ва белгиланган тартибда давлат хизматлари кўрсатиш рад этилади.

18. Давлат хизматлари кўрсатиш рад этилганлиги ҳақида ҲЭТК масъул ходими томонидан электрон рақамли имзо билан тасдиқланган хабарнома тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

3-боб. Якуний қоидалар

19. Давлат хизматлари марказлари, ҲЭТК, Бюро ва метрологик хизмат ўз фаолиятини амалга ошириши натижасида олинган маълумотлар сир сақланишини таъминлайди.

20. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

21. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

22. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

*Вазирлар Маҳкамасининг 2018 йил
12 январдаги 22-сон қарорига
1-ИЛОВА*

Электр энергиясидан фойдаланиш ҚОИДАЛАРИ

1-боб. Умумий қоидалар

1. Ушбу Қоидалар Ўзбекистон Республикасининг Фуқаролик кодексига, «Электр энергетика тўғрисида», «Энергиядан оқилона фойдаланиш тўғрисида», «Хўжалик юритувчи субъектлар фаолиятининг шартномавий-ҳуқуқий базаси тўғрисида», «Табиий монополиялар тўғрисида», «Истеъмолчилар ҳуқуқларини ҳимоя қилиш тўғрисида»ги Ўзбекистон Республикаси қонунларига ва бошқа норматив-ҳуқуқий ҳужжатларга мувофиқ электр энергиясини етказиб бериш ҳамда истеъмол қилиш соҳасидаги муносабатларни тартибга солади.

2. Ушбу Қоидалар ҳудудий электр тармоқлари корхоналари, электр энергия истеъмолчилари, истеъмолчилардан электр энергияси учун тўловни йиғиш функциясини бажарувчи хусусий операторлар, шунингдек Ўзбекистон Республикаси Бош прокуратураси ҳузуридаги Мажбурий ижро бюроси (кейинги ўринларда Бюро деб аталади) томонидан бажариш учун мажбурий ҳисобланади.

3. Ушбу Қоидаларда қуйидаги асосий тушунчалар қўлланилади:

энергия таъминоти бўйича авария брони — истеъмолчилар фаолияти қисман ёки тўлиқ тўхтатилган ҳолда ускуналарни сақлаш, инсонлар ҳаётининг хавфсизлигини таъминлаш, авария ва қўриқлаш ёритгичлари, шамоллатиш, сув ҳайдаш, сув таъминоти, иситиш, ёнғин хавфсизлиги воситалари учун зарур бўлган электр қувватининг энг кам миқдордаги даражаси ёки электр энергияси ҳажми;

авария режими — электр энергетика объектларининг ишлаш технологик параметрларининг ягона электр энергетика тизими ишончли ишлашининг издан чиқишига ва истеъмолчиларга электр энергиясини етказиб бериш чекланишига олиб келиши мумкин бўлган йўл қўйиб бўлмайдиган тарзда четга чиқиши;

блок-станциялар — истеъмолчиларнинг ягона электр энергетика тизимига бевосита ёки истеъмолчилар тармоғи орқали уланган ҳамда оператив-диспетчерлик бошқаруви тизимига кирадиган электр станциялари;

электр тармоғининг баланс бўйича мансублик чегараси — электр тармоғининг баланс бўйича мансублиги билан аниқланадиган, ҳудудий электр тармоқлари корхонаси ва истеъмолчи ўртасидаги электр тармоғининг бўлиниш нуктаси;

электр таъминоти шартномаси — ҳудудий электр тармоқлари корхонасига истеъмолчида керакли ускуналар ва электр энергияси истеъмолини ҳисобга олиш приборлари мавжуд бўлган тақдирда, унга электр тармоғи орқали электр энергияси етказиб бериш мажбуриятини юклайдиган, истеъмолчига эса электр энергияси ҳақини тўлаш, шунингдек, электр энергияси истеъмолининг шартномада назарда тутилган режимига риоя қилиш, ўз тасарруфида бўлган электр тармоқларини эксплуатация қилиш хавфсизлигини ҳамда электр энергияси истеъмоли билан боғлиқ бўлган ўзи фойдаланадиган ускуналар ва асбобларнинг соз ҳолатда бўлишини таъминлашга доир чора-тадбирларни бажариш мажбуриятини юклайдиган битим;

электр энергияси (қуввати) истеъмолининг шартномадаги миқдори — электр таъминоти шартномасида белгиланган ва тегишли ҳисоб-китоб даврида техник шартларга қўра рухсат этилган қувват, электр қурилмаларидан фойдаланилган иш соатлар сони ва

иш кунлар миқдорларидан келиб чиққан ҳолда ҳисобланган электр энергияси (актив, реактив) миқдори;

ягона электр энергетика тизими — электр энергияси ишлаб чиқарувчи, магистрал электр тармоқлари, ҳудудий электр тармоқлари ва уларни тезкор-диспетчерлик бошқариш корхоналари;

электр энергияси сифати — электр энергияси параметрларининг давлат стандартлари бўйича белгиланган талабларга мувофиқлиги;

электр энергиясини ҳисобга олишни назорат қилиш асбоби — назорат қилиш учун фойдаланиладиган ва кўрсаткичлари асосида алоҳида цехлар, технологик линиялар, кўп энергия сарфлайдиган ускуналар ва бошқа ускуналарнинг электр энергияси сарфини аниқлаш имконини берадиган ҳисоблаш асбоби;

етарли миқдорда етказиб берилмаган электр энергияси (кам етказиб бериш) — энергия таъминотидаги танаффус, шу жумладан узиб қўйиш ва чеклаш вақтида истеъmolчи тўлиқ олмаган электр энергияси миқдори;

электр тармоғи хўжалиги объектлари — электр энергиясини узатиш ва етказиб беришни амалга ошириш учун мўлжалланган электр энергияси узатиш линиялари, трансформатор подстанциялари, тақсимлаш пунктлари;

чеклаш — шартномада назарда тутилган тадбирларни амалга ошириш оқибатида муайян вақт оралиғи давомида, шунингдек, ҳудудий электр тармоқлари корхоналарининг электр тармоқларида форс-мажор ҳолатлар туфайли пайдо бўлган авария режимлари вақтида истеъmolчига шартномада белгиланган электр энергиясини етказиб бериш миқдорининг камайиши;

электр энергияси таъминотидаги танаффус (узиб қўйиш) — истеъmolчига электр энергияси етказиб беришни тўхтатиш, автоматика қурилмаларининг муваффақиятли ишлаши туфайли ёки электр энергияси истеъmol қилишнинг чекланишига олиб келмайдиган, бир вақтнинг ўзида бир нечта линиялар бўйича электр энергияси олувчи истеъmolчилар учун битта ёки бир нечта электр энергияси етказиб бериш линияларининг узиб қўйилиши туфайли содир бўладиган танаффуслар бундан мустасно;

режали узиб қўйиш — агар электр таъминоти шартномасида бошқача қоида назарда тутилмаган бўлса, ҳудудий электр тармоқлари корхонасининг электр қурилмаларини режали–огоҳлантириш таъмирлаш жадвали бўйича таъмирлаш ёки профилактика қилиш даврида истеъmolчиларни олдиндан (камида 3 сутка олдин) огоҳлантирган ҳолда истеъmolчига электр энергияси беришни тўлиқ ёки қисман тўхтатиш;

тўлов ҳужжати — тўлов тизимининг қоидалари билан белгиланган таркибга, реквизитлар форматига эга бўлган ҳамда электрон тўловни амалга ошириш учун зарур ахборотни ўз ичига олган, электрон рақамли имзо билан тасдиқланган тўлов талабномаси, тўлов топшириқномаси ёки электрон тўлов ҳужжати бўлиб, унинг асосида ҳудудий электр тармоқлари корхонасининг ҳисоб-китоб рақамига пул маблағлари ўтказилади, шунингдек, тўловни нақд пулда тўлаш имконини берадиган билдиришнома. Электрон тўлов ҳужжатлари орқали нақд пулсиз ҳисоб-китобларни амалга оширишда уларнинг электрон тўловни амалга ошириш учун зарур реквизитларни сақлаган ҳолда қоғоздаги шакли ҳам таъминланиши керак;

электр энергияси истеъmolчиси (истеъmolчи) — электр таъминоти шартномасига мувофиқ ишлаб чиқариш ва (ёки) маиший эҳтиёжлар учун электр энергиясидан фойдаланувчи юридик ёки жисмоний шахс;

ҳудудий электр тармоқлари корхонаси — вилоят, шаҳар, иқтисодий зона (саноат зонаси) доирасида электр таъминоти шартномаси асосида истеъmolчиларга электр энергиясини сотиш ва тақсимлаш ҳуқуқига эга бўлган юридик шахс;

электр энергиясини қабул қилгич (электр қабул қилгич) — электр энергиясини қабул қилиш ва ундан фойдаланиш учун мўлжалланган қурилма ёки асбоб;

истеъмолчининг уланган қуввати — истеъмолчининг электр энергиясини (бевосита электр қабул қилгичларни таъминлайдиган) ишчи кучланишга айлантирувчи трансформаторларининг ва 1000 В дан юқори кучланишли электр двигателларининг электр тармоқларига уланган жами қуввати. Истеъмолчиларнинг электр қурилмалари тармоқ трансформаторлардан ёки ҳудудий электр тармоқлари корхонасининг паст кучланишли тармоқларидан таъминланганда, истеъмолчининг уланган қуввати учун фойдаланишга рухсат этилган қувват қабул қилинади, унинг миқдори ҳудудий электр тармоқлари корхонаси томонидан белгиланади ҳамда электр таъминоти шартномасида кўрсатилади;

ҳисоб-китоб даври — электр энергияси истеъмолининг сарфи (ҳажми) аниқланиши, истеъмол қилинган электр энергияси учун истеъмолчи ва ҳудудий электр тармоқлари корхонаси ўртасида ўзаро ҳисоб-китоб қилиниши керак бўлган вақт даври (ой);

Электр энергиясини ҳисобга олиш прибори — электр энергияси сарфини ҳисобга олиш прибори (кейинги ўринларда ҳисобга олиш прибори деб аталади) бўлиб, истеъмол қилинган электр энергиясининг ҳақ тўланиши лозим бўлган ҳажми унинг кўрсаткичлари асосида аниқланади;

тизим оператори — ягона электр энергетика тизими, магистрал электр тармоқлари фаолиятининг технологик режимини тезкор-диспетчерлик бошқарувини, шунингдек, унинг бошқа давлатлар электр энергетика тизимлари билан ўзаро ҳамкорлигини таъминловчи ваколатли тузилма;

субистеъмолчи — ҳудудий электр тармоқлари корхонаси розилиги билан бошқа истеъмолчининг электр тармоқларига бевосита уланган ва у билан электр таъминоти юзасидан шартнома тузган истеъмолчи. Электр энергияси субистеъмолчига берилганда, истеъмолчи мазкур Қоидаларга риоя қилиш бўйича жавобгар бўлади;

электр таъминотининг технологик брони — технологик жараёни, ишлаб чиқариш циклини тугаллаш учун зарур бўлган электр энергияси ёки қуввати ҳажми;

ҳисобга олиш нуқтаси — электр таъминоти схемасидаги нуқта, унда ўлчаш асбоби (ёки ҳисобга олиш тизими) ёрдамида электр энергияси сарфининг ҳажми аниқланади;

электр таъминоти корхонаси — ҳудудий электр тармоқлари корхонасининг туман, шаҳар, иқтисодий зона (саноат зонаси) доирасида электр энергиясини тақсимлаш ва сотишни амалга оширувчи бўлинмаси;

электр қурилмаси — электр энергиясини ишлаб чиқариш, трансформация қилиш, узатиш, тақсимлаш ҳамда уни энергиянинг бошқа турига айлантириш учун мўлжалланган машиналар, аппаратлар, электр узатиш линиялари ва ёрдамчи ускуналар йиғиндиси (улар ўрнатилган иншоотлар ва бинолар билан бирга);

электр энергиясини ҳисобга олишни назорат қилиш асбобини улаш схемасини текшириш (текшириш) — Бюро ва (ёки) ҳудудий электр тармоқлари корхонасининг ходими томонидан истеъмолчининг инструментал усул билан электр энергияси истеъмолини ҳисобга олишни назорат қилиш асбоби ва ўлчов трансформаторларининг уланиш схемаси тўғрилигини текшириш ҳамда бир вақтнинг ўзида белгиланган намунадаги далолатнома расмийлаштирилиб, кейинчалик уни ахборот дастурий комплексининг тегишли реестрига киритиш;

кўрсаткичларни назорат тартибида текшириш (айланиб чиқиш) — Бюронинг ваколатли шахси томонидан электр энергиясини ҳисобга олишни ҳисоб-китоб қилиш асбобларидан электр энергиясининг ҳақиқий сарфи кўрсаткичларини олиш ва электр энергиясини ҳисобга олиш асбоблари, ўлчов трансформаторлари, уларнинг улаш схемалари ва ўрнатилган пломбаларнинг бутлигини кўздан кечириш;

реактив энергиянинг иқтисодий қиймати — реактив энергиянинг энг мақбул қиймати бўлиб, унинг ошиб кетиши электр энергия сифатининг ёмонлашувига ва электр таъминоти корхонаси тармоқларида энергия йўқотиш ортишига олиб келади.

4. Истеъмол қилинган электр энергиясини ҳисобга олиш учун «Ўзстандарт» агентлиги ёки Ўзбекистон Республикасининг ўлчов воситаси турини тасдиқлаш тўғрисидаги сертификатиغا эга бўлган ҳудудий бўлинмалар томонидан рўйхатдан ўтказилган Электр энергиясини ҳисобга олиш ва назорат қилишнинг автоматлаштирилган тизимига (ЭХНАТ) мос келадиган ҳисобга олиш асбоблари қўлланилади.

Бюро истеъмолчилар билан биргаликда истеъмол қилган электр энергиясининг амалдаги миқдорини аниқлаш учун улардаги электр энергиясини ҳисобга олиш асбобларининг (маиший истеъмолчилардан ташқари) кўрсаткичларини ҳар ойда ёзиб олиши ва зарур бўлганда электр энергиясини ҳисобга олиш асбобларини улаш схемасини текшириб кўриши керак. Истеъмолчи томонидан электр энергияси сарфи тўғрисида ҳудудий электр тармоқлари корхонаси ва Бюрога белгиланган шакл бўйича ўз қўли билан, факсимиль, электрон ёки почта алоқаси орқали тақдим этилган ҳисобот ҳам истеъмол қилинган электр энергиясининг амалдаги ҳажмини аниқлаш учун асос бўлиб хизмат қилиши мумкин.

ЭХНАТнинг жорий этилиши муносабати билан истеъмолчиларнинг ҳисобга олиш асбобларидаги кўрсаткичлар автоматлаштирилган тизимнинг техник параметрларига мувофиқ, бироқ бир ойда камида бир марта ёки истеъмолчининг буюртмаси бўйича ёзиб олинди.

Ҳудудий электр тармоқлари корхоналари шахсий ҳисобрақам ва ҳисобга олиш асбобларининг ҳолати ҳақида батафсил маълумотлар доимий асосда шакллантирилишини ва идоралараро электрон ҳамкорлик қилиш тизимига реал вақт режимида юборилишини таъминлайди.

5. Истеъмолчи ўзига тегишли электр тармоқларига кучланиши 1000 В гача бўлган қўшимча электр қурилмаларини рухсат этилган қувват миқдори даражасида улаши мумкин (электр энергиясини иситиш ва иссиқ сув таъминоти учун қўллашдан ташқари).

6. Электр энергиясини ишлаб чиқариш, узатиш, истеъмол қилиш соҳасидаги меъёрлар ва қоидаларга риоя қилиниши юзасидан давлат назорати қонун ҳужжатларига мувофиқ «Ўздавэнергоназорат» инспекцияси томонидан амалга оширилади.

7. Электр энергиясининг исроф қилиб сарфланиши ва истеъмолчи электр қурилмаларининг авария хавфини туғдирадиган ёки одамлар ҳаётига хавф соладиган қониқарсиз техник ҳолати аниқланганда, «Ўздавэнергоназорат» инспекцияси электр энергияси етказиб беришни қонун ҳужжатларида белгиланган тартибда тўхтатиб қўйиш ҳуқуқига эга.

«Ўздавэнергоназорат» инспекцияси томонидан истеъмолчида энергиядан нооқилона фойдаланганлик, электр энергиясини тежаш бўйича ташкилий-техник тадбирларни бажармаслик ҳолатлари аниқланган тақдирда (имзоланган далолатномага мувофиқ), ҳудудий электр тармоқлари корхонаси электр энергиясидан нооқилона фойдаланиш бўйича аниқланган ҳолатлардан келиб чиққан ҳолда энергия истеъмолининг шартномадаги миқдорини камайтиришга ҳақлидир.

8. Ҳудудий электр тармоқлари корхоналарига электр тармоғи хўжалиги объектларидаги аварияларнинг олдини олиш ва бартараф этиш ёки одамлар ҳавфсизлигини таъминлаш ишлари билан боғлиқ кечиктириб бўлмайдиган чора-тадбирларни амалга ошириш зарур бўлганда, истеъмолчи билан келишмасдан ва уни огоҳлантирмасдан, бироқ уни дарҳол хабардор қилган ҳолда электр энергиясини узатишни узиб қўйиш ёки чеклашга рухсат этилади.

9. Объектнинг электр таъминоти лойиҳасида кўзда тутилган ўзаро заҳираланувчи манбаларни автоматик ишга тушириш ёки асосий манбани қайта автоматик тиклаш

вақтида электр энергиясининг узиб қўйилиши (сабабларидан қатъи назар) электр таъминотида танаффус деб ҳисобланмайди.

10. Ваколатли давлат органлари махсус қоидалар бўйича фойдаланиладиган электр қурилмаларини қонун ҳужжатларига мувофиқ энергетика назоратидан ўтказати.

11. Давлат энергетика назоратининг амалга оширилиши истеъмолчиларни фойдаланилаётган электр тармоқлари, асбоблар ва ускуналарнинг зарур техник ҳолати ва хавфсизлиги таъминланиши, электр энергияси истеъмолининг белгиланган режимига риоя этилиши учун жавобгарликдан, шунингдек, электр энергиясидан фойдаланиш пайтида пайдо бўладиган авариялар, ёнғинлар, электр энергиясини ҳисобга олиш асбобларининг носозликлари ва бошқа қоида бузарликлар тўғрисида ҳудудий электр тармоқлари ташкилотларини дарҳол хабардор қилиш мажбуриятидан озод қилмайди.

12. Электр тармоқлари, асбоблар ва ускуналарнинг техник ҳолатига ва уларни эксплуатация қилишга қўйиладиган талаблар, шунингдек, уларга риоя этилишини назорат қилиш тартиби электр энергетика соҳасидаги қонун ҳужжатлари билан белгиланади.

2-боб. Электр энергиясига бўлган эҳтиёж прогнозини шакллантириш тартиби

13. Электр энергияси истеъмолчилари (аҳолидан ташқари) ҳар йили 1 сентябргача келгуси йил учун электр энергияси истеъмолининг чоракларга бўлинган прогнозлаштирилаётган миқдори тўғрисида ҳудудий электр тармоқлари корхоналарига ёки истеъмолчи электр қурилмалари электр тармоқларига уланган электр таъминоти корхоналарига буюртманома беради.

14. Қорақалпоғистон Республикаси Вазирлар Кенгаши, вилоятлар ва Тошкент шаҳар аҳолиси томонидан электр энергияси истеъмолининг прогнози ҳудудий электр тармоқлари корхоналари томонидан аҳоли сонининг ўсиши, уй-жой қурилишини ҳисобга олган ҳолда ҳар бир маиший истеъмолчи билан тузилган электр таъминоти шартномалари асосида белгиланади.

15. Электр энергетика объектларининг ички тармоқ электр энергияси истеъмолининг прогнози (корхоналарнинг электр энергияси ишлаб чиқариш бўйича ўзининг ва ишлаб чиқариш эҳтиёжлари, белгиланган тартибда тасдиқланган электр энергиясини электр тармоғи ҳўжалиги объектларига узатиш бўйича электр энергиясининг технологик сарфи) ҳар йили 1 октябргача умумлаштирилади ҳамда келгуси йил учун электр энергияси ишлаб чиқариш ва истеъмол қилиш баланси таркибига киритилади.

16. Электр энергиясини ишлаб чиқарувчи корхона ҳар йили 1 октябргача «Ўзбекэнерго» АЖга келгуси йилга электр энергияси ишлаб чиқариш бўйича мавжуд қувват ва прогноз тўғрисида маълум қилади.

17. «Ўзбекэнерго» АЖ чораклар бўйича бўлиб чиққан ҳолда, келгуси йилги электр энергияси эҳтиёжининг прогнозини шакллантиради ва жорий йилнинг 15 октябргача уни Ўзбекистон Республикаси Иқтисодиёт вазирлигига тақдим этади, шунингдек, Ўзбекистон Республикаси Вазирлар Маҳкамаси томонидан тасдиқланган электр энергияси ишлаб чиқариш ва истеъмол қилиш балансига мувофиқ, электр энергиясининг кўриб чиқиладиган йил учун чоракларга бўлинган йиллик ресурсларини белгиланган муддатда ҳудудий электр тармоқлари корхоналарига етказати.

3-боб. Электр таъминоти шартномасини тузиш

18. Электр энергияси бир вақтнинг ўзида ишлаб чиқарилиши ва истеъмол қилиниши билан тавсифланадиган алоҳида товар тури сифатида, ҳудудий электр тармоқлари корхонаси ва энергия қурилмалари шу ташкилот тармоғига бевосита уланган истеъмолчи ўртасида тузилган электр таъминоти шартномаси асосида мазкур Қоидаларга мувофиқ етказиб берилади.

19. Ҳудудий электр тармоқлари корхонаси ва истеъмолчи ўртасида электр таъминоти тўғрисидаги шартнома мазкур Қоидаларга 1 ва 2-иловаларга мувофиқ шаклда тузилади.

20. Электр таъминоти шартномаси 2 нусхада тузилади. Бир нусхаси истеъмолчига тақдим этилади, иккинчиси ҳудудий электр тармоқлари корхонасида қолади.

21. Субистеъмолчилар истеъмолчилар билан электр таъминоти шартномасини ҳудудий электр тармоқлари корхоналари розилигига асосан тузади.

22. Субистеъмолчиларга ўз тармоқлари орқали электр энергиясини етказиб берувчи истеъмолчилар субистеъмолчиларнинг электр энергияси истеъмолини ҳисобга олган ҳолда, ҳудудий электр тармоқлари корхонаси билан электр энергиясининг умумий (жами) миқдори бўйича электр таъминоти шартномасини тузади.

4-боб. Истеъмолчиларни электр тармоқларига улаш учун ҳужжатларни расмийлаштириш тартиби

23. Электр энергияси истеъмолчилари, шу жумладан хусусий уй-жойларда яшовчилар, объектларни лойиҳалаштириш ва ишга туширишдан аввал электр қурилмаларининг янги ёки қўшимча қувватларини ҳудудий электр тармоқлари корхоналарининг электр тармоқларига улаш учун техник шартларни олишга мажбурдирлар.

Техник шартларсиз электр қурилмаларнинг электр таъминотини лойиҳалаштириш, қурилиш-монтаж ишларини амалга ошириш ва ҳудудий электр тармоқлари корхоналарининг электр тармоқларига улаш тақиқланади.

Ҳудудий электр тармоқлари корхоналарининг электр тармоқларига уланиш учун техник шартларнинг бажарилиши барча истеъмолчилар, лойиҳалаш, қурилиш-монтаж ва ишга тушириш-созлаш ташкилотлари учун мажбурий ҳисобланади.

24. Кучланиши 1000 В ва ундан юқори бўлган трансформаторлар ёки двигателларнинг янги ёки қўшимча қувватларини улаш, ҳудудий электр тармоқлари корхоналарининг тармоқ трансформаторларига паст кучланишли қурилмаларнинг янги қувватини улаш ёки уларнинг рухсат берилган қувватини ошириш учун техник шартлар ҳудудий электр тармоқлари корхонаси томонидан истеъмолчи-буюртмачидан (қурувчидан) ёки унинг топшириғи бўйича бош лойиҳалаш ташкилотидан буюртма олингандан сўнг бир ой муддатда белгиланган тартибда берилади.

Тадбиркорлик субъектларига техник шартлар Давлат хизматлари марказлари томонидан қонунчиликда белгиланган тартибда берилади. Бунда истеъмолчиларнинг хоҳишига кўра, уларни электр тармоқларига «тайёр ҳолда» улаш мумкин.

Истеъмолчилар учун техник шартлар тўлов ундирмасдан берилади.

25. Истеъмолчи техник шартларни олиш бўйича буюртманомада лойиҳалаштирилаётган объектни тавсифловчи қуйидаги маълумотларни қисқача шаклда кўрсатади: юклама миқдори, истеъмолчининг электр таъминоти ишончлилиги бўйича тоифаси, жойлашган жойи (аҳоли пункти билан боғлиқ картография материали), объектни лойиҳалаштириш ва қуриш муддатлари.

26. Электр қурилмаларнинг қўшимча қуввати улаганда, захира электр таъминотини талаб этадиган тоифага ўтиш муносабати билан электр қурилмаларининг электр таъминоти ишончлилиги бўйича тоифаси ўзгарганда ҳамда ташки электр таъминоти схемаси ўзгарган тақдирда, истеъмолчи қўшимча техник шартлар олишга мажбурдир.

Белгиланган қувват техник шартлар ва электр таъминоти шартномасида белгиланган миқдордан ошириб юборилганда, Бюро ёки унинг талабномасига кўра ҳудудий электр тармоқлари корхонаси томонидан қўшимча уланган қувват узиб қўйилади.

Бунда истеъмолчи томонидан истеъмол қилишга рухсат этилган қувватнинг оширилиши туфайли авария ҳолати юзага келганда ва/ёки ҳудудий электр тармоқлари корхоналарининг электр тармоғи ҳўжалиги объектларига зарар етказилганда, истеъмолчидан қонун ҳужжатларида белгиланган тартибда етказилган ҳақиқий зарар суммаси ҳам ундирилади.

27. Электр қурилмалари истеъмолчининг электр тармоқларидан қувват оладиган субистеъмолчилар техник шартларни ҳудудий электр тармоқлари корхонасининг рухсати

билан истеъмолчилардан олади ва электр таъминоти лойиҳасини электр энергетика соҳасидаги давлат назорати органи ва истеъмолчи билан келишади.

Агар, субистеъмолчининг юкламаси ортиши сабабли истеъмолчининг ташқи электр таъминоти схемасини ўзгартириш ёки ҳудудий электр тармоқлари корхонаси билан тузилган электр таъминоти шартномасида қайд этилган трансформаторлар ва юқори вольтли двигателлар қувватини кўпайтириш талаб этилса, истеъмолчи юкламани кўпайтириш бўйича техник шартларни ҳудудий электр тармоқлари корхонасидан олади.

28. Объектни ҳудудий электр тармоқларига улашнинг техник шартлари энг яқин электр тармоқ хўжалиги объектлари томонидан уларнинг бандлик даражаси ҳисобга олинган ҳолда берилади ва ушбу шартларда қуйидагилар кўрсатилади:

электр қурилмаларнинг истеъмол қилишга рухсат этилган ҳамда қайтадан уланадиган ва/ёки қўшимча ҳисоблаб чиқилган қуввати;

уланиш нуқтаси (подстанция, электр станцияси ёки электр энергиясини узатиш линияси), объектни таъминловчи ҳаво ва кабель линиялари ташкил этиладиган кучланиш, алоҳида ҳолатларда ташқи электр энергияси таъминоти схемаси вариантларини ишлаб чиқиш зарурати кўрсатилади;

янги истеъмолчининг уланиши туфайли мавжуд тармоқни кучайтириш бўйича асосланган талаблар (симлар кесимларини ошириш, трансформаторлар қувватини алмаштириш ёки кўпайтириш, захира ячейкалари барпо этиш ва шу кабилар);

қисқа туташуш тоқларининг ҳисобланган миқдори, релели ҳимоя, автоматика, алоқа, изоляция ва ўта кучланишдан ҳимояга қўйиладиган талаблар;

50 кВт ва ундан юқори истеъмол қилишга рухсат этилган истеъмолчилар учун реактив қувват ўрнини тўлдиришга қўйиладиган талаблар;

электр энергиясини ҳисобга олиш бўйича қўйиладиган талаблар;

давлат стандартларига мувофиқ ток қабул қилгичлар ёнида барқарорлаштирувчи қурилмалар ва электр энергияси сифатини назорат қилувчи асбоблар ўрнатилишига қўйиладиган талаблар;

истеъмолчи юкламаси суткалик жадвалини тартибга солиш бўйича талаблар;

электр қурилмаларининг намунавий лойиҳаларини қўллаш бўйича тавсиялар;

истеъмолчининг ҳудудий электр тармоқлари таъминловчи линиялари уланадиган электр қурилмаларига қўйиладиган ўзига хос талаблар (ягона электр энергетика тизимида қувват танқислиги пайдо бўлганда бундай ток қабул қилгичларнинг электр таъминотини сақлаш мақсадида захира энергия манбаининг, кучланиш бериладиган жойларни автоматик ҳимоя қилишнинг зарурлиги, таъминловчи линияларнинг параллель ишлашига йўл қўйилиши, айрим захира таъминловчи линияларга юкламаларни ажратиш ва бошқалар);

корхона, бино, иншоотлар лойиҳасида (ишчи лойиҳасида) электр қурилмаларини эксплуатация қилишни ташкил этиш бўйича лойиҳа ечимларини ишлаб чиқиш тўғрисидаги талаблар;

истеъмолчи тармоғига уланадиган субистеъмолчилар рўйхати (уларнинг юкламалари ва электр энергияси истеъмоли тўғрисидаги асосий истисқбол маълумотларини кўрсатган ҳолда);

ишларни лойиҳалаш ва бажаришнинг амалдаги меъёрларини ҳисобга олган ҳолда, техник шартларнинг белгиланган амал қилиш муддати.

29. Корхоналар, бинолар, иншоотлар, уларнинг навбатлари ёки алоҳида ишлаб чиқаришларнинг техник шартларга мувофиқ ишлаб чиқилган электр таъминоти лойиҳалари (ишчи лойиҳалари) қонунчиликда белгиланган тартибда ҳудудий электр тармоқлари корхонаси томонидан кўриб чиқилиши ва «Ўздавэнергоназорат» инспекцияси билан келишилиши керак.

30. Истеъмолчиларнинг юкламаларини улаш билан боғлиқ янги электр қурилмаларини ва электр тармоғи хўжалигининг объектларини лойиҳалаш ва қуриш,

ишлаб турганларини кенгайтириш ва реконструкция қилиш истеъмолчиларнинг маблағлари ҳисобидан амалга оширилади.

31. Истеъмолчи, унда техник имконият мавжуд бўлса, ҳудудий электр тармоқлари корхонасининг талаби бўйича ўз электр тармоқларига бошқа истеъмолчиларнинг электр қурилмаларини улаши шарт.

5-боб. Истеъмолчиларнинг электр қурилмаларини эксплуатация қилишга рухсат бериш ва кучланишни узатиш

32. Истеъмолчиларнинг электр қурилмаларини эксплуатация қилишга рухсат бериш ва кучланишни узатишга қонун ҳужжатларида белгиланган тартибда рухсат этилади.

Истеъмолчиларнинг электр қурилмалари «Ўздавэнергоназорат» инспекцияси томонидан белгиланган тартибда электр қурилмаларни ишлатишга бериладиган рухсатномасиз ягона электр энергияси тизимининг электр тармоқларига уланганлиги аниқланганда, ушбу электр қурилмалар қоидабузилишлар бартараф этилгунча ва мазкур бузилишларга йўл қўйган шахсларга нисбатан тегишли чоралар кўрилгунча электр тармоқлардан дарҳол узилади.

33. Истеъмолчиларнинг янги ёки реконструкция қилинган электр қурилмаларига энергия истеъмолчида «Ўздавэнергоназорат» инспекцияси томонидан электр қурилмаларини ишлатишга бериладиган рухсатнома мавжуд бўлганда, ҳисобга олишнинг қиёслов асбоблари ўрнатилганда, шунингдек, электр таъминоти шартномаси тузилганидан кейин етказиб берилади.

Бунда тадбиркорлик субъектларини электр қурилмалари электр тармоқларига қонун ҳужжатларига мувофиқ уланади.

34. Истеъмолчиларнинг электр қурилмаларини техник кўриқдан ўтказиб, ишлатишга рухсат берадиган «Ўздавэнергоназорат» инспекцияси ва унинг ҳудудий бўлинмалари, шунингдек, ҳудудий электр тармоқлари корхоналари фойдаланиш жараёнида уларнинг нормал ишлаши учун жавоб бермайди.

35. Ишлари мавсумий хусусиятга эга бўлган истеъмолчилар ҳар йили, электр қурилмаларини ишга туширишдан олдин уларнинг кўриқдан ўтказилиши ва эксплуатация қилишга рухсат берилиши учун «Ўздавэнергоназорат» инспекцияси ёки унинг ҳудудий бўлинмаларига ёзма равишда мурожаат қилишлари керак.

6-боб. Электр қурилмалари ва электр тармоқларининг техник ҳолати юзасидан томонларнинг жавобгарлиги

36. Электр ускуналарининг ҳолати, фойдаланилиши ва уларга хизмат кўрсатилиши юзасидан истеъмолчилар билан ҳудудий электр тармоқлари корхонаси ўртасидаги жавобгарлик даражаси электр ускуналарининг баланс бўйича мансублиги билан белгиланади ва электр таъминоти шартномасига илова қилинадиган электр тармоқларининг баланс бўйича мансублигини ва томонларнинг эксплуатация қилиш бўйича жавобгарлигини чегаралаш далолатномасида қайд этилади.

Электр тармоқларининг баланс бўйича мансублигини ва томонларнинг фойдаланиш жавобгарлигини чегаралаш далолатномаси ҳудудий электр тармоқлари корхонаси ва истеъмолчи вакиллари томонидан имзоланади.

Кучланиши 1000 В ва ундан юқори бўлган электр қурилмаларининг ҳолати ва уларга хизмат кўрсатиш юзасидан жавобгарлик чегаралари:

ёпиқ тақсимлаш қурилмаларининг ташқи томонидан электр узатиш ҳаво линиясининг ўтиш изолятори уланган жойда ва симнинг очиқ тақсимлаш қурилмалари изоляторлари портал тизмасининг тарангловчи қисгичидан чиқиш жойида;

электр узатишнинг таъминловчи ёки чиқувчи линияларининг кабель ёки ҳаводаги кириш симлари уланган жойларида белгиланади. Бунда олдинги жумлада келтирилган уланмаларнинг ҳолати учун подстанциядан фойдаланувчи корхона жавоб беради.

Турли истеъмолчиларга тегишли, тармоқланган симларга (ёпиқ ёки ажратгичлар орқали) эга бўлган кучланиши 1000 В ва ундан юқори бўлган электр узатиш линияларининг ҳолати ва уларга хизмат кўрсатиш юзасидан жавобгарликнинг бўлиниш чегараси асосий линиянинг тармоқланиш амалга оширилган таянч нуқтасида белгиланади. Тармоқланган симларни уловчи қисқичларнинг ҳолати учун жавобгарлик асосий электр узатиш линия эгасига юклатилади.

Кучланиши 1000 В бўлган электр қурилмаларининг ҳолати ва уларга хизмат кўрсатиш учун истеъмолчи ва ҳудудий электр тармоқлари корхонаси ўртасидаги жавобгарлик чегараси:

хаводаги тармоқланишда — бино ёки қувур таянчида ўрнатилган биринчи изоляторларда;

кабель билан киритишда — бинога кириш жойида таъминловчи кабелнинг уланиш жойларида белгиланади.

Бунда хусусий уй-жой мулкдорлари ширкатларига, муассасаларга ва бошқа ишлаб чиқариш билан шуғулланмайдиган истеъмолчиларга тегишли уйлардаги электр тармоғининг баланс бўйича мансублик чегарасидаги уланмаларнинг ҳолати учун ҳудудий электр тармоқлари корхонаси жавоб беради. Электр қурилмаларини эксплуатация қилиш хусусиятларига кўра, жавобгарликнинг бошқа асосланган чегаралари ҳам белгиланиши мумкин.

37. Истеъмолчи ўз тасарруфидаги электр қурилмаларнинг техник ҳолати ва электр хавфсизлиги, Истеъмолчилар электр қурилмаларини эксплуатация қилишда хавфсизлик техникаси қоидаларига риоя этилиши, электр энергиясининг оқилона сарфланиши, электр энергияси истеъмолининг белгиланган режимлари бажарилиши, электр энергияси сифатининг таъминланиши, шунингдек Бюро ва «Ўздавэнергоназорат» инспекцияси кўрсатмаларининг ўз вақтида бажарилиши учун жавоб беради.

38. Электр станциялари ва тармоқларини техник эксплуатация қилиш қоидаларида ва Истеъмолчиларнинг электр қурилмаларини эксплуатация қилишда хавфсизлик техникаси қоидаларида ҳисобга олинмаган ишлаб чиқаришнинг ва электр қурилмаларини эксплуатация қилишнинг ўзига хос (ер ости, портлаш хавфи бўлган ишлаб чиқаришлар, электр тортиш кучи ва бошқа) шартлари мавжуд бўлганда, истеъмолчилар ушбу электр қурилмаларини эксплуатация қилиш ва уларга хизмат кўрсатиш бўйича махсус йўриқномаларга эга бўлишлари шарт.

39. Маиший истеъмолчилар томонидан ўз маиший эҳтиёжлари учун монтаж қилинган кучланиши 1000 В дан юқори кучланишдаги электр тармоқлари (электр энергияси узатиш линиялари, трансформатор пунктлари (кейинги ўринларда ТП деб аталади) ва бошқалар) фойдаланишга топширилишидан олдин техник хизмат кўрсатиш учун алоҳида шартнома бўйича белгиланган тартибда электр таъминоти корхоналарига берилиши керак.

Истеъмолчи томонидан техник хизмат кўрсатиш шартномаси бекор қилинганда ёки техник хизмат учун ўз вақтида тўлов ўтказилмаганда, ушбу электр тармоғи хўжалиги объектларига электр энергияни етказиб бериш тўхтатилади.

40. Маиший истеъмолчи томонидан ўз эҳтиёжлари учун кучланиши 1000 В дан юқори электр тармоқлари монтаж қилинган ҳолларда:

электр энергиясини ҳисобга олиш прибори ТПнинг 0,4 кВ ли тақсимлаш қурилмасида ўрнатилади;

электр тармоқлари маиший истеъмолчининг уйга эгалик қилиш ҳудудидан ташқарида жойлаштирилади.

41. Маиший истеъмолчи 1000 В дан юқори кучланишдаги электр тармоқларига эга бўлган ҳолда, маиший истеъмолчига тегишли бўлган 1000 В дан юқори кучланишли электр тармоқларидаги (линиялар, ТП) электр энергиянинг технологик йўқотишлари

ҳисоб-китоб йўли билан аниқланади ва унинг истеъмолига қўшилади ҳамда бу ҳақида электр таъминоти шартномасида тегишли ёзув қайд этилади.

42. Маиший истеъмолчиларга 1000 В гача кучланишдаги битта фидердан захира манба сифатида қўшимча фазага эга бўлиш тақиқланади.

43. Истеъмолчи электр тармоқларининг техник ҳолатини таъминлаш бўйича эксплуатация харажатлари учун субистеъмолчилар, истеъмолчи билан субистеъмолчи ўртасида тузилган алоҳида шартнома бўйича электр энергиясининг умумий ҳажмидан олинadиган улушга мутаносиб равишда ҳақ тўлайди.

Эксплуатация харажатларини субистеъмолчига бериладиган электр энергияси тарифига қўшишга рухсат этилмайди.

7-боб. Электр энергиясини ҳисобга олиш асбобларини ўрнатиш ва уларни эксплуатация қилиш

44. Электр энергияси учун ҳудудий электр тармоқлари корхонаси билан ҳисоб-китоб қилиш учун истеъмолчилар мажбурий тартибда ЭХНАТга мос келадиган электрон ҳисобга олиш асбоблари билан, 750 кВА ва ундан юқори қувватга уланган истеъмолчилар эса — ЭХНАТга мос келадиган кўп функцияли (кўп тарифли) электрон ҳисобга олиш асбоблари билан таъминланган бўлишлари керак.

45. ЭХНАТ кўрсаткичлар бузилишидан ва инсон омилининг таъсирини мумкин қадар камайтирган ҳолда ахборотлардан рухсатсиз фойдаланишдан комплекс ҳимоя билан таъминланган бўлиши лозим.

46. ЭХНАТга мос келадиган ҳисобга олиш асбоблари бўлмаганда, ҳудудий электр тармоқлари корхоналарини электр тармоқларига ҳамда истеъмолчилар ва субистеъмолчиларни электр тармоқларига улаш тақиқланади.

47. Турли хил тариф гуруҳларига мансуб истеъмолчи битта электр таъминоти манбаидан электр билан таъминланганда, ҳисобга олиш асбоблари ҳар бир тариф гуруҳи учун алоҳида ўрнатилади.

48. Электр энергиясини ҳисобга олиш асбоблари (шу жумладан актив ва реактив энергияни ўлчаш воситалари, шунингдек ЭХНАТ) мазкур Қоидаларга мувофиқ ўрнатилади ва Электр қурилмаларнинг тузилиши қоидалари талабларига жавоб бериши керак.

Ҳудудий электр тармоқлари корхоналари ва истеъмолчилар томонидан ишга туширилган ЭХНАТ белгиланган тартибда метрологик аттестациядан ўтказилиши керак.

49. Электр энергиясини техник ҳисобга олиш (электр энергияси сарфининг белгиланган меъёрлари бажарилишини назорат қилиш) учун ҳисобга олиш асбоблари алоҳида цехларда, кўп энергия сарфлайдиган агрегатларда, технологик линияларида, биноларда, алоҳида объектларда ва бошқаларда ўрнатилади.

50. Кўп хонадонли уй-жойларда электр энергияси учун ҳисоб-китоб қилиш мақсадида электр энергиясини ҳисобга олиш асбоблари ҳар бир хонадон учун махсус ажратилган жойларда ўрнатилади.

Ҳар бир хонадонга ўрнатишдан ташқари, уй-жойларда уйнинг умумий эҳтиёжлари (зинапояларни ёритиш, лифтлар, насосларнинг ишлаши ва ҳоказолар) учун сарфланadиган электр энергияси бўйича ҳисоб-китоб қилиш учун ҳам умумий ҳисобга олиш асбоблари ўрнатилади.

51. Истеъмолчиларнинг (маиший истеъмолчилардан ташқари) Электр энергиясини ҳисобга олиш асбоблари, шунингдек электр энергиясини ҳисобга олишнинг бошқа воситалари истеъмолчиларнинг маблағлари ҳисобига сотиб олинади, давлат қиёсловидан ўтказилади, ҳудудий электр тармоқлари корхоналари томонидан Боро билан ҳамкорликда бепул ўрнатилади, пломбаланади ва рўйхатдан ўтказилади.

52. Маиший истеъмолчилардаги ЭХНАТга уланadиган электр энергиясини ҳисобга олишнинг замонавий электрон асбобларини, шу жумладан мавжуд (шунингдек

индукцион) асбобларни алмаштириш, ўрнатиш, рўйхатдан ўтказиш ва пломбалаш ҳудудий электр тармоқлари корхонаси маблағлари ҳисобига амалга оширилади.

Электр тармоқларига янгидан уланадиган уй-жойлар ва хонадонларда ЭХНАТга уланадиган электр энергиясини ҳисобга олиш асбоблари ҳам ҳудудий электр тармоқлари корхонаси ҳисобидан сотиб олинади, ўрнатилади, рўйхатга олинади ва пломбаланади.

Электр тармоқларига янгидан уланадиган уйлар ва хонадонларда маиший истеъмолчилар томонидан ҳудудий электр тармоқлари корхонаси билан биргаликда электр энергиясини ҳисобга олиш асбоблари ўрнатиладиган жой ва уларни ўрнатиш учун зарур материаллар олдиндан аниқланади. Бунда ҳисобга олиш приборини монтаж қилиш учун материаллар истеъмолчи томонидан сотиб олинади.

Ҳисобга олиш прибори уй-жой ёки хонадон эгасининг буюртманомасига биноан бир ҳафта муддатда, унинг иштирокида ҳудудий электр тармоқлари корхонасининг вакили томонидан ўрнатилади.

53. Ҳисобга олиш истеъмолчининг айби билан бузилган тақдирда (ток ва кучланишни ўлчаш трансформаторларининг ишдан чиқиши, шунингдек, иккиламчи коммутация, ҳисобга олиш асбобларининг шикастланиши ва уларнинг йўқолиши) ҳисобга олиш назорат қилиш асбобларини ва уларга тегишли асбоб-ускуналарни алмаштириш, таъмирлаш, давлат қиёсловиидан ўтказиш ва ўрнатиш истеъмолчи томонидан улар қиймати ва кўрсатилган хизматлар учун ҳақ тўланган ҳолда, ҳудудий электр тармоқлари корхонаси томонидан амалга оширилади.

54. Электр энергиясини ҳисобга олиш асбоблари, ўлчов трансформаторлари, иккиламчи занжирлар, алоқа линияларининг, шу жумладан уларга ўрнатилган пломбаларнинг сақланиши ва бутунлиги учун жавобгарлик биносида кўрсатиб ўтилган ҳисобга олиш асбоблари ўрнатилган ташкилотга юкланади.

Электр энергиясини ҳисобга олиш асбоблари, ўлчов трансформаторлари, ЭХНАТ иккиламчи занжирлари ва алоқа линияларининг сақланиши ва техник ҳолати учун электр қурилмаси эгаси бўлган ташкилот жавоб беради.

55. Электр энергиясини ҳисобга олиш асбобларида:

маҳкамланадиган жойда кожухларга, ҳисобга олиш асбоблари билан бирга фойдаланиладиган ўлчов трансформаторларида эса — алоҳида ажратилган жойларда «Ўзстандарт» агентлигининг ёки унинг ҳудудий бўлинмасининг белгиланган намунадаги пломбаси бўлиши керак;

электр энергиясини ҳисобга олиш приборининг клеммники қопқоқларида, ток трансформаторларнинг клеммникларида, хотира блокида ва синов блокларинининг ҳисобга олиш асбобларини дастурлашдан фойдаланиш тугмасида (бўлмасида), ўтувчи клеммникларда, кучланиш трансформаторлари ажратгичлари юритмалари ва ҳимоя автоматларида — ҳудудий электр тармоқлари корхонасининг ва Бюронинг белгиланган намунадаги пломбалари бўлиши керак.

Электр энергиясини ҳисобга олиш асбоблари ва ўлчов трансформаторларини бирламчи қиёсловдан ишлаб чиқарувчи заводда белгиланган тартибда ўтказилади.

Агар, электр энергиясини ҳисобга олиш приборини ишлаб чиқариш кунидан бошлаб, то уни ўрнатишгача уч фазали асбоб учун 12 ойдан кўп муддат ва бир фазали асбоб учун 2 йилдан кўп муддат ўтган бўлса, унда ҳисобга олиш прибори ўрнатилишидан олдин эгасининг ҳисобидан давлат қиёсловиидан ўтказилади.

Электр энергиясини ҳисобга олиш асбобларини ва ўлчов трансформаторларини даврий қиёсловдан ўтказиш «Ўзстандарт» агентлиги томонидан белгиланган тартибда ва муддатларда амалга оширилади.

56. Агар, маиший истеъмолчининг электр энергиясини ҳисобга олиш приборининг қиёсловдан ўтказиш оралиғи тугаши билан электр таъминоти корхонаси томонидан белгиланган тартибда қиёслов тадбирлари ўтказилмаган бўлса, унда ушбу истеъмолчи

қиёсловдан ўтказиш муддати тугаган ҳисобга олиш приборининг кўрсаткичларига кўра электр энергияси ҳақини тўлайди.

Бунда электр таъминоти корхонаси маиший истеъмолчи томонидан қиёсловдан ўтказиш муддати тугаган ҳисобга олиш приборидан фойдаланган электр энергияси учун қайтадан ҳисоб-китоб қилиш ҳуқуқига эга эмас.

Маиший истеъмолчи ўз ҳисоблаш асбобини «Ўзстандарт» агентлигида мустақил қиёслов ўтказиш ҳуқуқига эга. Бунда электр таъминоти корхонаси маиший истеъмолчининг биринчи талабига кўра электр энергиясини ҳисобга олиш приборини бепул ечиш, ўрнатиш, пломбалаш ва рўйхатдан ўтказишга мажбур.

57. Бюро ва Бюро кўрсатмаси бўйича ҳудудий электр тармоқлари корхонасининг вакиллари шахсий гувоҳномалари бўлган тақдирда, сутканинг исталган вақтида ҳисобга олиш приборининг кўрсаткичларини ёзиб олиш ва кўриқдан ўтказиш учун истеъмолчиларнинг (маиший истеъмолчилардан ташқари) электр энергиясини ҳисобга олиш асбобларини ва уларнинг уланиш схемаларини тўсқинликсиз бориб кўриш ҳуқуқига эгадир.

Бюро ходимининг электр энергиясини ҳисобга олиш асбобларини текширишига йўл қўймаслик далолатнома билан расмийлаштирилади. Истеъмолчи Бюро томонидан тузилган далолатнома билан танишиб, уни имзолаши зарур. Истеъмолчи далолатномани имзолашни рад этган тақдирда, бу ҳақда тегишли белги қўйилади. Рад этиш икки нафар гувоҳ ёки фуқароларнинг ўзини-ўзи бошқариш органи вакили томонидан тасдиқланган бўлиши керак. Далолатномани имзолашни рад этган истеъмолчи бунинг сабабини тушунтиришга ҳақли ва у далолатномага киритилган бўлиши лозим.

Истеъмолчининг далолатномани имзолашни рад қилгани уни электр тармоқларлардан узишга асос бўлади ва бу ҳақда у хабардор қилинган бўлиниши лозим.

58. Электр энергиясини ҳисобга олиш асбоблари ва электр энергиясини ҳисобга олиш асбоблари билан биргаликда фойдаланиладиган ўлчов трансформаторларини бошқа жойга ўрнатиш ва алмаштириш Бюро ва ҳудудий электр тармоқлари корхонаси билан келишилган ҳолда амалга оширилади ва кўрсатилган хизматлар ҳақи истеъмолчи томонидан тўланади.

Электр энергиясини ҳисобга олиш асбобларини, ўлчов трансформаторларини ўзбошимчалик билан бошқа жойга ўрнатиш ва (ёки) алмаштириш ҳолатлари аниқланган тақдирда, Бюро ёки унинг кўрсатмасига кўра ҳудудий электр тармоқлари корхонаси истеъмолчини электр тармоқдан узиб қўяди.

Қайтадан ҳисоб-китоб қилиш Бюро томонидан ҳудудий электр таъминоти корхонаси билан биргаликда мазкур Қоидаларга мувофиқ амалга оширилади.

59. Электр энергиясини ҳисобга олиш схемасини ўзгартириш билан боғлиқ бўлган ҳар қандай ишлар фақат ҳудудий электр тармоқлари корхонаси томонидан Бюро вакили ва истеъмолчи иштирокида, бу ҳақида улар ёзма равишда хабардор қилингандан сўнг амалга оширилади. Ишларни бажариш даврида фойдаланилган электр энергиясини ҳисобга олиш ва ҳисоб-китоб қилиш ҳудудий электр тармоқлари корхонаси томонидан белгиланган вақтинчалик схемалар бўйича амалга оширилади.

8-боб. Электр энергияси учун ҳисоб-китоб қилиш тартиби

1-§. Электр энергияси учун ҳисоб-китоб қилишнинг умумий қоидалари

60. Бевосита «Ўзбекэнерго» АЖ ва (ёки) «Ўзбекгидроэнерго» АЖ корхоналарининг электр тармоқларидан ҳамда истеъмолчилар ёки субистеъмолчилар электр тармоқлари орқали узатиладиган электр энергияси учун истеъмолчилар билан ҳисоб-китоблар белгиланган тартибда тасдиқланган тегишли тарифлар бўйича электр таъминоти шартномасига мувофиқ амалга оширилади.

Барча электр энергияси истеъмолчилари (маиший истеъмолчилардан ташқари) ҳудудий электр тармоқлари корхоналари билан биргаликда ҳисоб-китоб даври тамом

бўлгандан кейин ҳар ой беш кун мобайнида фойдаланилган электр энергияси учун ўзаро ҳисоб-китобларнинг таққослаш далолатномасини тузишлари шарт.

61. Электр энергияси учун ҳисоб-китоб қилиш мақсадида истеъмолчиларни тариф гуруҳлари бўйича тақсимланиши мазкур Қоидаларга мувофиқ белгиланади.

Худудий электр тармоқлари корхонаси билан электр таъминоти шартномаси тузилгандан кейин истеъмолчининг айби билан истеъмолчини тегишли бўлмаган тариф гуруҳига киритиш ҳолати аниқланганда, худудий электр таъминоти корхонаси томонидан шартнома тузилган пайтдан, бироқ даъво муддатидан ортиқ бўлмаган давр учун қайта ҳисоб-китоб қилинади.

62. Электр энергияси учун ҳисоб-китоб қилиш учун I тариф гуруҳи истеъмолчилари учун табақалаштирилган тариф қўлланилади.

Табақалаштирилган тариф сутканинг вақт зонаси бўйича истеъмол қилинган ҳар 1 кВт/с электр энергияси учун тўловдан иборат. Бунда:

ярим тиғиз давр — сутканинг ёруғ вақти (соат 9⁰⁰ дан 17⁰⁰ гача);

тиғиз давр — эрталабки ва кечки максимум (ягона электр энергетика тизимининг максимал юкламалар соатлари соат 6⁰⁰ дан 9⁰⁰ гача ва соат 17⁰⁰ дан 22⁰⁰ гача);

тунги давр — сутканинг қоронғи даври (ягона электр энергетика тизимининг минимал юкламалар соатлари соат 22⁰⁰ дан 24⁰⁰ гача ва соат 00⁰⁰ дан 06⁰⁰ гача).

Бунда ягона электр энергетика тизимининг энг катта юкламали соатларида фойдаланилган электр энергияси учун тўловлар белгиланган тарифга нисбатан 1,5 барабар миқдорда ўсувчи коэффициентни қўллаш орқали, энг кам юкламали соатларда эса белгиланган тарифга нисбатан 1,5 барабар миқдорда камаювчи коэффициентни қўллаш орқали ва ярим тиғиз пайтда ўрнатилган тариф бўйича амалга оширилади.

Белгиланган тариф II тариф гуруҳи истеъмолчилари учун бир ставкали тарифга мос келади.

63. Электр энергияси учун ҳисоб-китоблар II, III, IV тариф гуруҳлари истеъмолчилари билан бир ставкали тариф бўйича амалга оширилади.

Бир ставкали тариф ҳисоб-китоб даврида истеъмол қилинган ҳар бир кВт/с электр энергияси учун тўловдан иборат.

Электр энергиясини реализация қилишда нархни шакллантиришнинг алоҳида тартиби белгиланадиган ташкилотлар рўйхатида назарда тутилган, 750 кВАгача қувватга уланган, маҳсулот ишлаб чиқарувчи ва айрим хизматлар кўрсатувчи истеъмолчилар электр энергияси учун тўловларни Хукумат қарори билан белгиланган ўсиб боровчи коэффициентлар ва тарифларга мувофиқ тўлайди.

64. Бир неча тариф гуруҳларига мансуб истеъмолчилар билан ҳисоб-китоблар, ҳар бир тариф гуруҳига алоҳида ўрнатилган ҳисобга олиш асбоблари кўрсаткичлари бўйича амалга оширилади.

65. Электр энергияси учун ҳақ тўлаш худудий электр тармоқлари корхонаси ёки истеъмолчининг томонидан ёзиладиган тўлов ҳужжатлари бўйича электр таъминоти шартномасига мувофиқ амалга оширилади.

66. ЭХНАТга уланган ёки олдиндан ҳақ тўлаш қурилмаси ва ҳисобга олиш приборига эга бўлган истеъмолчиларга электр энергияси етказиб бериш олдиндан тўланган тўлов доирасида амалга оширилади.

67. Электр таъминоти шартномасида ҳисоб-китоб даври учун кўрсатилганидан 5 фоиздан ортиқ миқдорда электр энергияси истеъмол қилинганда, истеъмолчилардан (маиший истеъмолчилардан ташқари) электр таъминоти шартномасида кўрсатилгандан ортиқ истеъмол қилинган электр энергияси жами ҳажми учун белгиланган тарифнинг бир ярим барабари миқдорида тўлов ундирилади.

68. Истеъмолчи юридик шахс сифатида тугатилган тақдирда, унинг электр қурилмасига худудий электр тармоқлари корхонаси томонидан электр энергияси етказиб бериш тақиқланади.

Агар, электр энергияси етказиб бериш тўхтатилмаган бўлса, у ҳолда бунинг оқибати учун Бюро ва ҳудудий электр тармоқлари корхонаси қонун ҳужжатларида белгиланган тартибда жавоб беради.

69. Ҳисобга олиш асбоблари кўрсаткичлари ёзиб олинмаган ёки электр энергияси сарфи тўғрисидаги ҳисобот истеъмолчи томонидан тақдим этилмаган тақдирда, ҳудудий электр тармоқлари корхонаси томонидан электр энергияси (шу жумладан актив ва реактив энергия) истеъмолининг шартномавий миқдори бўйича ёки ўтган ҳисоб-китоб давр учун электр энергияси истеъмолининг ўртача суткалик амалдаги миқдори тўғрисидаги маълумотлар асосида ҳисоб-китоб қилинади.

Бунда ҳисобга олиш асбоблари кўрсаткичлари назорат тартибида Бюро томонидан ёзиб олингандан кейин амалда истеъмол қилинган электр энергияси учун қайта ҳисоб-китоб қилинади. Қайта ҳисоб-китоб истеъмолчи ёки унинг вакили иштирокида ёхуд унинг иштирокисиз белгиланган тартибда амалга оширилади.

70. Электр энергияси учун тўлов қуйидаги тартибда амалга оширилади:

маиший истеъмолчилар ҳар ойнинг 10-санасига қадар ўтган ойда истеъмол қилинган электр энергияси учун тўлиқ ҳисоб-китоб қилишлари шарт;

мазкур банднинг иккинчи хатбошида кўрсатилган муддат ўтгандан кейин қарздорлик мавжуд бўлганда, маиший истеъмолчилар белгиланган тартибда электр тармоқларидан мажбурий узилади;

мазкур банднинг иккинчи хатбошида кўрсатилганлардан ташқари, истеъмолчиларга электр энергиясини етказиб бериш 100 фоизлик олдиндан ҳақ тўлаш асосида амалга оширилади. Олдиндан ҳақ тўланмаган ҳолларда, мазкур истеъмолчиларга нисбатан электр тармоқларидан тўлиқ узишгача бўлган чоралар кўрилади.

71. Тўлов ҳужжатида хатолар ёки ҳисобга олиш асбоблари кўрсаткичида ноаниқликлар аниқланган тақдирда, истеъмолчи ҳудудий электр тармоқлари корхонасига дарҳол мурожаат қилиши керак.

Ҳудудий электр тармоқлари корхонаси истеъмолчи билан бирга мурожаат қилган кундан бошлаб ўн суткадан кечиктирмай, ҳисоб-китобни текшириши, зарурат бўлганда эса ҳисобга олиш приборини ҳам кўрикдан ўтказиши керак.

Ҳисобга олиш приборини кўрикдан ўтказиш ёки тўлов ҳужжатидаги хатолар тўғрисидаги мурожаат қилинганда тақдирда ҳам истеъмолчи тўловни белгиланган тартибда тўлаш мажбуриятидан озод этмайди.

Агар, ҳисобга олиш асбоблари кўрсаткичларидаги четга чиқиш ушбу ҳисобга олиш прибори учун белгиланган аниқлик доирасидан ошмаса, бундай четга чиқишлар йўл қўйилиши мумкин деб ҳисобланади.

Агар, тўлов ҳужжатини текшириш ёки ҳисобга олиш приборини кўрикдан ўтказишдан кейин (шу жумладан истеъмолчи мурожаат қилмаса ҳам) қайта ҳисоб-китоб қилиш зарурлиги аниқланса, бундай қайта ҳисоб-китоб ҳудудий электр тармоқлари корхонаси томонидан электр энергияси учун навбатдаги тўлов ҳужжатини ёзишда амалга оширилади.

72. Ҳудудий электр тармоқлари корхонаси ва истеъмолчи ўртасида ҳисоб-китоб қилиш учун актив ва реактив энергияни ҳисобга олиш ҳудудий электр тармоқлари корхонаси ва истеъмолчи тармоқларининг баланс бўйича мансублик чегарасида амалга оширилади, ушбу Қоидаларнинг 74-бандида кўрсатилган ҳолатлар бундан мустасно.

73. Ҳисоб-китоб даврида истеъмолчиларга етказиб берилган электр энергияси миқдори ва худди шу даврда ҳудудий электр тармоқлари корхонаси томонидан қабул қилинган электр энергияси миқдори ўртасидаги тафовут (шу жумладан, электр энергиясининг амалдаги технологик сарфи норматив сарфдан ошиши ҳисобидан пайдо бўлаётгани), меъёрлар доирасида ушбу электр тармоқлар орқали электр энергиясини узатишдаги унинг технологик сарфининг ўрнатилган тартибда тасдиқланган нормативи

ҳажми чиқариб ташланган ҳолда, ҳудудий электр тармоқларининг давр харажатларига ўтказилади ва юридик шахсларнинг фойда солиғини ҳисоблашда чегирилмайди.

74. Электр энергиясини ҳисобга олиш прибори электр тармоғининг баланс бўйича мансублик чегарасида ўрнатилмаганда, электр тармоғининг чегарасидан ҳисобга олиш прибори ўрнатилган жойигача бўлган участкадаги актив ва реактив энергия технологик сарфининг ҳажми истеъмолчи билан биргаликда ҳисоблаш орқали аниқланади ва электр тармоғининг баланс бўйича мансублигига қараб ҳудудий электр тармоқлари корхонасининг ва истеъмолчининг ҳисобига ўтказилади.

75. Электр энергияси ягона электр энергетика тизимидан транзит бўйича истеъмолчининг электр тармоғи орқали ҳудудий электр тармоқлари корхонасининг электр тармоғига узатилганда, истеъмолчи тармоқларидаги электр энергияси технологик сарфининг бир қисми, истеъмолчининг электр тармоғига келиб тушган электр энергиясининг умумий миқдорига нисбатан ҳудудий электр тармоқлари корхонасининг электр тармоғига истеъмолчи томонидан узатилган электр энергияси миқдорига мутаносиб равишда, ягона электр энергетика тизимининг электр тармоқларидаги технологик сарфларга ўтказилади.

76. Истеъмолчининг айби билан электр таъминоти шартномасида кўрсатилган электр энергияси ҳажми тўлиқ истеъмол қилинмаган тақдирда, аванс тариқасида тўланган маблағлар қайтариб берилмайди ва электр энергияси учун кейинги ҳисоб-китобларда ҳисобга олинади.

77. Истеъмолчининг электр энергияси ҳақини тўлаш, реактив энергия компенсацияси учун тарифга устамалар, шунингдек, ноқонуний фойдаланилган электр энергияси қайта ҳисоб-китоби ва пеня бўйича қарзи бўлган тақдирда, унинг аванс тўлови ҳисобига ўтказилган маблағлари қарзни қоплашга йўналтирилади ва аванс тўлови (олдиндан ҳақ тўлаш) сифатида ҳисобга олинмайди.

78. Истеъмолчи томонидан фойдаланилган электр энергияси (куват) учун ҳисоб-китоб бўйича ўзаро ҳисоб-китобларни солиштириш далолатномасини имзолаш рад этилган тақдирда, қарзни ундириш тузилган электр таъминоти шартномасига мувофиқ шартномавий ҳажмдан келиб чиққан ҳолда, истеъмолчининг банкдаги ҳисоб рақамига тўлов талабномаси қўйиш йўли билан амалга оширилади.

79. Истеъмолчи (маиший истеъмолчилардан ташқари) эгаллаб турган бинодан унинг топширилиши, сотилиши ёки бошқа сабабларга кўра кўчиб кетган тақдирда, у бу ҳақида ҳудудий электр тармоқлари корхонасини ёзма шаклда хабардор қилиши ҳамда электр энергияси учун кўчиб кетиш кунигача тўлиқ ҳисоб-китоб қилиши шарт, шундан сўнг ҳудудий электр тармоқлари корхонаси объектга электр энергияси етказиб беришни тўхтатади. Янги истеъмолчини расмийлаштириш ва электр қурилмаларини электр тармоғига улаш белгиланган тартибда амалга оширилади.

80. Томонлар уларнинг хоҳиш ва ҳаракатларига боғлиқ бўлмаган табиий офатлар ёки ижтимоий-иқтисодий вазиятлар сабабли ушбу шароитларда қайтариб бўлмайдиган ва олдиндан билиб бўлмайдиган фавқулодда ҳолатларни ўз ичига олган енгиб бўлмас куч (форс-мажор) оқибатида ўз зиммасига олинган мажбуриятларни бажара олмаса, томонлардан ҳеч бири ўз мажбуриятларини тўлиқ ёки қисман бажармагани учун жавоб бермайди.

81. Агар кўрсатилган форс-мажор ҳолатлари мажбуриятларнинг шартномада белгиланган муддатларда бажарилишига таъсир қилса, у ҳолда ушбу муддатлар форс-мажор ҳолатларининг амал қилиш вақтига, аммо электр таъминоти шартномасининг амал қилиш муддатидан кўп бўлмаган вақтга узайтирилади.

82. Ҳудудий электр тармоқлари корхонаси туман, шаҳар, иқтисодий зона (саноат зонаси) доирасида электр энергияси учун тўловни йиғиш функцияларини белгиланган тартибда хусусий операторга ўтказиши мумкин.

Электр энергияси учун тўловни йиғиш функцияларини бажарувчи хусусий операторлар ўз фаолиятини белгиланган тартибда амалга оширадилар.

83. Электр энергияси учун амалдаги тарифлар ўзгарган тақдирда, ҳудудий электр тармоқлари корхонаси уларнинг кучга киришидан камида ўн беш кун олдин қарорни оммавий ахборот воситаларида эълон қилади.

Бунда электр энергияси учун тарифлар ўзгарган санадан қатъий назар, электр таъминоти шартномаси ўз кучида қолади ва истеъмолчи фойдаланилган электр энергияси учун янги тариф кучга кирган кундан бошлаб ҳақ тўлашга мажбурдир.

Тариф ўзгарган тақдирда эса, истеъмолчи электр энергиясининг (актив, реактив энергия ҳам шу жумлага киради) аванс билан тўланган ҳажми учун, бироқ тўлов кунидан бошлаб кейинги 12 ойдан ортиқ бўлмаган вақтда қўшимча тўловлар тўлашдан озод этилади.

2-§. Истеъмолчилар билан электр энергияси учун табақалаштирилган тариф бўйича ҳисоб-китоб қилиш

84. Уланган қуввати 750 кВА ва ундан ортиқ бўлган истеъмолчилар электр энергияси учун табақалаштирилган тариф бўйича ҳисоб-китоб қилади (бюджет ташкилотлари, фермер хўжаликлари ва сув истеъмолчилари уюшмаларининг насос станциялари, шунингдек Давлат бюджетидан молиялаштириладиган насос станциялари бундан мустасно).

85. Истеъмолчининг цехлари ёки объектлари алоҳида жойлашган бўлса ва тақсимловчи умумий электр тармоққа эга бўлмаса, бу цехлар ёки бошқа алоҳида объектлар бўйича ҳисоб-китоблар истеъмолчининг ўзи билан ҳисоб-китоб қилишда қўлланадиган тарифдан қатъий назар, тегишли истеъмолчилар гуруҳлари учун белгиланган тарифлар бўйича амалга оширилади.

3-§. Истеъмолчилар билан электр энергияси учун бир ставкали тариф бўйича ҳисоб-китоб қилиш

86. Табақалаштирилган тариф бўйича ҳисоб-китоб қилмайдиган барча бошқа истеъмолчилар электр энергияси учун бир ставкали тариф бўйича ҳисоб-китоб қилади.

87. Электр энергиясидан реклама, чироқлар билан безатиш, бино ва иншоотларни ёритиш учун фойдаланувчи истеъмолчилар истеъмол қувватидан қатъий назар, ҳудудий электр тармоқлари корхонасидан рухсат олишга ва тегишли тариф гуруҳи бўйича ҳисоб-китоб қилишга мажбурдир.

Электр энергиясидан технологик мақсадда иситиш, тижорат мақсадида овқат тайёрлаш, шунингдек, хоналарни иситиш ва иссиқ сув таъминоти мақсадида фойдаланилганда, «Ўздавэнергоназорат» инспекциясига бошқа турдаги энергия ўрнига электр энергиясидан фойдаланишни келишиш учун техник-иқтисодий асослар тақдим этилиши зарур, шаҳар қурилиши меъёрлари ва қоидаларида кўзда тутилган овқат тайёрлаш ва хоналарни иситиш учун электр энергиясидан фойдаланиш ҳолатлари бундан мустасно.

Иситиш ва иссиқ сув таъминоти мақсадида электр энергиясидан фойдаланишни келишиш тартиби «Ўздавэнергоназорат» инспекциясига томонидан белгиланади.

88. Хусусий уй-жой мулкдорлари ширкатлари ва коммунал-эксплуатация ташкилотлари умумий уй-жой эҳтиёжларига фойдаланиладиган электр энергияси учун ҳудудий электр тармоқлари корхонаси билан электр таъминоти шартномасига асосан электр тармоғининг баланс бўйича мансублик чегарасини ҳисобга олишнинг бўлиниш нуқтасида ўрнатилган электр энергияни ҳисобга олиш асбобларининг кўрсаткичлари бўйича белгиланган тарифга мувофиқ ҳисоб-китоб қиладилар.

89. Электр таъминоти корхонасининг электр тармоқлари ва уйларнинг ички электр тармоқларининг бўлиниш чегарасидан умумий мулк ҳисобланадиган ушбу тармоқлардан таъминланадиган маиший истеъмолчиларнинг электр энергиясини ҳисобга олиш асбобларигача бўлган электр тармоқларидаги электр энергияси йўқотишлари ҳисоб-китоб

қилиш йўли билан аниқланади ва уй-жой мулкдорлари ширкатлари ёки коммунал-эксплуатация ташкилотлари истеъмолига қаратилади ва бу ҳақда электр таъминоти шартномасида тегишли ёзув қайд этилади.

90. Кўп хонадонли уй-жойларни бевосита бошқарганда уй-жой эгаларининг умумий йиғилиши билан вакил қилинган уй-жойларнинг эгалари уйнинг умумий эҳтиёжлари учун сарфланадиган электр энергияси учун ҳисоб-китоблар қилиш учун ҳудудий электр тармоқлари корхонаси билан электр таъминоти шартномаси тузиш ҳуқуқига эга.

Бунда уй-жой мулкдорлари умумий йиғилиши билан вакил қилинган бир ёки бир неча уй-жой мулкдори ҳудудий электр тармоқлари корхонаси билан муносабатларда уй-жой мулкдорлари номидан ҳаракат қилишга ҳақлидир.

91. Қабул қилиш комиссиясининг далолатномаларига асосан янгидан фойдаланишга топширилаётган кўп квартирали уй-жойларни ўз балансига қабул қилиб олган ташкилотлар ёхуд қурувчилар ушбу уйларни электр тармоғига улашга рухсат олиш учун ҳудудий электр тармоқлари корхонасига ҳар бир уйда ЭХНАТга мос келадиган электр энергиясини ҳисобга олиш приборини ўрнатиш учун буюртманома тақдим этиши ва электр энергияни ҳисобга олиш асбобларининг ва уларни ўрнатиш бўйича кўрсатилган хизмат нарҳини тўлаши шарт.

92. Уй-жойларнинг электр ускуналари ва электр тармоқларидан фойдаланишга эксплуатация ташкилоти томонидан улар белгиланган тартибда қабул қилиниб, тегишли ҳужжатлар расмийлаштирилгандан кейин рухсат этилади.

93. Ҳудудий электр тармоқлари корхонаси турар жой ва нотурар жой фонди биноларининг эгалари ва ижарачилар (юридик шахслар ёки юридик шахс ташкил этмасдан тадбиркорлик фаолиятини амалга оширувчи жисмоний шахслар) билан электр таъминоти шартномасини тузади ва уларга шахсий ҳисоб рақамлари очади.

Битта хусусий уй-жой мулкдорлари ширкати бир неча ширкатларга бўлинганда ёки вақтинча турар жой ва нотурар жой фондининг уй-жойларини кимнингдир мол-мулкига ўтказиш масаласи вақтинча ҳал этилмаган тақдирда, ҳудудий электр тармоқлари корхонаси маҳаллий давлат ҳокимияти органлари билан келишган ҳолда, маълум бир уй-жойларнинг умумий эҳтиёжлари учун фойдаланиладиган электр энергиясини етказиб беришни тўхтатади.

94. Шахсий ҳисоб рақамини бошқа истеъмолчига қайта расмийлаштириш ҳудудий электр тармоқлари корхонаси томонидан турар жой ва нотурар жой фондининг янги мулкдорининг кадастр ҳужжатлари маълумотларига мувофиқ амалга оширилади.

Бунда Ўзбекистон Республикаси Ер ресурслари, геодезия, картография ва давлат кадастри давлат қўмитаси ва унинг ҳудудий таркибий қисмлари кўчмас мулкка эгалик ҳуқуқи давлат рўйхатидан ўтказилгандан кейин уч кун муддатда ҳудудий электр тармоқлари корхоналарига кўчмас мулк эгаси ҳақида маълумот юборади ва унга мувофиқ истеъмолчилар билан шартномалар қайта расмийлаштирилади.

Турар жой ва нотурар жой фонди биносига кўчиб кирган янги мулкдор уларни электр тармоғига улаш учун 30 кун мобайнида ҳудудий электр тармоқлари корхонаси билан электр таъминоти шартномасини тузиши ва ўз номига шахсий ҳисобрақамни расмийлаштириши шарт. Шахсий ҳисоб рақами кўрсатилган муддатда расмийлаштирилмаса, тўлов тўланмаганлиги учун барча жавобгарлик турар жой ва нотурар жой фонди биносининг янги мулкдори зиммасига юкланади.

Кўчмас мулк олди-сотди битими давлат рўйхатидан ўтказиш органи томонидан давлат рўйхатига олингандан сўнг мулкдорнинг фамилияси, исми, отасининг исми, доимий яшаш жойи, нотариал ҳаракат амалга оширилган кун ва қайд этилган рақам, кўчмас мулк кадастр рақами ва кўчмас мулкнинг умумий (турар жой) майдони, шунингдек, мобилъ телефон рақами ва электрон почта манзили (мавжуд бўлса) кўрсатилган маълумот юборилади. Бунда ҳудудий электр тармоқлари корхонаси маълумот

тушгандан кейин бир ой муддатда мулкдор билан электр таъминоти шартномасини тузиши шарт.

95. Худудий электр тармоқлари корхонаси турар жой ва нотурар жой фонди биноларининг эгалари билан электр энергияси учун ҳисоб-китобларни, турар жой ва нотурар жой биноларининг ижарачиларга (юридик шахс бўлган ижарачилар бундан мустасно) ёки ёлловчиларга топширилишидан қатъий назар, умумий ҳисобга олиш прибори бўйича амалга оширади.

Ижарачилар билан ёлловчилар ўртасидаги ўзаро ҳисоб-китоблар бўйича низолар белгиланган тартибда кўриб чиқилади.

96. Коммунал хонадонда бир нечта оила яшаганда, ҳисоб-китоб даврида истеъмол қилинган электр энергиясини алоҳида оилалар ўртасида тақсимлаш назорат ҳисобга олиш асбобларининг кўрсаткичлари бўйича амалга оширилади.

Нazorat ҳисобга олиш асбобларини ўрнатиш учун худудий электр тармоқлари корхонасининг рухсати талаб қилинмайди.

Нazorat ҳисобга олиш асбобларининг тўғри ишлашини назорат қилиш, уларнинг кўрсаткичларини ёзиб олиш ва электр энергияси учун ўзаро ҳисоб-китобларни амалга ошириш мажбуриятлари яшовчиларнинг зиммасига юкланади.

Умумий фойдаланиладиган жойларда истеъмол қилинган электр энергияси миқдори алоҳида оилалар ўртасида амалда яшовчиларнинг сони бўйича тақсимланади.

Худудий электр тармоқлари корхонаси электр энергиясидан умумий ҳисобга олиш прибори орқали фойдаланувчи фуқаролар билан ҳеч қандай ҳисоб-китобларни амалга оширмайди.

97. Электр энергияси учун ўз вақтида ҳақ тўлаш бўйича мазкур Қоидаларга риоя қилиш, турар жой ва нотурар жой фонди биносидagi ҳисобга олиш приборининг сақланиши ва бутлигини таъминлаш учун жавобгарлик турар жой ва нотурар жой фонди биносининг эгаси зиммасига юкланади.

98. Электр энергиясини ҳисобга олиш асбоблари зинапоя майдончаларида ўрнатилган тақдирда уларнинг сақланиши ва бутлиги учун хусусий уй-жой мулкдорлари ширкати ҳамда тасарруфида уй-жой бўлган идора, ташкилот жавоб беради.

Зинапоя майдончаларида ўрнатилган электр энергиясини ҳисобга олиш асбобларига зарар етказилганда ёки ўғирланган тақдирда, хусусий уй-жой мулкдорлари ширкати ва идора, ташкилот уларни ўз ҳисобидан тиклаши шарт.

99. Хусусий уй-жой мулкдорлари ширкати, уй-жой мулкдорлари ва турар жойлардаги ҳамда бошқа бинолардаги хоналарни ижарачиларга (юридик шахсларга ёки юридик шахс ташкил этмасдан тадбиркорлик фаолиятини амалга оширувчи жисмоний шахсларга) ижарага берувчи бошқа ташкилотлар худудий электр тармоқлари корхонасининг рухсатсиз ижарачиларга тегишли бўлган электр қурилмаларини (электр энергиясидан фойдаланиш мақсадларидан қатъи назар) уйнинг ички электр тармоқларига улаш ҳуқуқига эга эмас.

100. Ижарачилар (юридик шахслар ёки юридик шахс ташкил этмасдан тадбиркорлик фаолиятини амалга оширувчи жисмоний шахслар) турар жой ва нотурар жой фонди биносининг эгаси билан шартнома тузгандан кейин уч кун муддатда, ижарага олинган бинода электр энергиясидан фойдаланиш билан боғлиқ масалаларни ҳал этиш учун худудий электр тармоқлари корхонасига мурожаат қилиши шарт.

Ижарачи бинодан кўчиб кетадиган бўлса, турар жой ва нотурар жой фонди биносининг эгаси ижарачидан худудий электр тармоқлари корхонасининг у кўчиб кетиш кунига электр энергияси учун ҳисоб-китоб амалга оширганлиги ҳақидаги маълумотномани талаб қилиши шарт. Кўчиб кетган ижарачиларнинг электр энергияси учун қарзлари бўйича жавобгарлик ижарага берувчи зиммасида бўлади.

101. Худудий электр тармоқлари корхонасидан истеъмолчиларгача бўлган бўлиниш чегарасидан электр таъминотини узлуксиз таъминлаш билан боғлиқ умумий уй-

жой ва уй ичидаги электр тармоқларининг техник ҳолати ва уларга хизмат кўрсатиш учун хусусий уй-жой мулкдорлари ширкати ва тасарруфида турар жойлар бўлган ташкилотлари жавоб беради.

4-§. Электр энергияси учун маиший истеъмолчилар билан ҳисоб-китоб қилиш

102. Маиший истеъмолчилар хонадонларда, шахсий уй-жойларда, ёрдамчи хўжаликлар, шахсий фойдаланиладиган томорқа боғ объектларида маиший эҳтиёжлари учун фойдаланилган электр энергияси учун маиший эҳтиёжларда қўлланиладиган ток қабул қилгичлар қуввати ва вазифасидан қатъи назар, аҳоли учун белгиланган ягона бир ставкали тариф бўйича ҳақ тўлайдилар.

ЭХНАТга уланган, шунингдек, электр энергияси учун олдиндан тўлов қурилмаси билан жиҳозланган электр энергиясини ҳисобга олиш асбобларига эга маиший истеъмолчиларга электр энергияси электр таъминоти шартномаси асосида ва олдиндан тўланган тўлов доирасида етказиб берилади.

Маиший истеъмолчилардан электр энергияси учун белгиланган тариф қийматидан ортиқча бирор-бир қўшимча маблағ ундириш тақиқланади, мазкур Қоидаларда кўрсатиб ўтилган ҳолатлар бундан мустасно.

103. Бирор-бир сабабга кўра, электр энергиясини ҳисобга олиш прибори бўлмаган ва/ёки мазкур турар жойда вақтинчалик яшамаётган маиший истеъмолчи электр энергияси учун нотўғри тўлов ҳисобланишининг олдини олиш учун Бюро ва ҳудудий электр тармоқлари корхонасини бу тўғрида ёзма равишда хабардор қилиши шарт.

104. Тадбиркорлик фаолиятини амалга ошириш учун хонадонлар, хусусий уй-жойлар, боғ участкалари ва бошқа шахсий объектлардан фойдаланилганда, ишлатилган электр энергияси учун тадбиркорлик фаолиятининг (савдо, хизматлар кўрсатиш, товарлар ишлаб чиқариш ва бошқа) тури бўйича электр энергияси истеъмолчиларининг тариф гуруҳига мувофиқ ҳақ тўланади.

Бунда тадбиркорлик фаолияти учун фойдаланиладиган электр энергияси бўйича ҳисоб-китоблар учун алоҳида электр энергиясини ҳисобга олиш прибори ўрнатилиши зарур.

105. Ҳудудий электр тармоқлари корхонаси ҳар бир маиший истеъмолчи билан электр таъминоти шартномасини тузади ва электр энергияси ҳақини тўлаш учун унга белгиланган намунадаги ҳисоб-китоб дафтарчасини беради. Ҳисоб-китоб дафтарчасининг ҳар бир варағи квитанция ва билдиришномадан иборат бўлиб, уларда маиший истеъмолчининг шахсий ҳисобрақами туширилган бўлиши керак.

Тўлов ҳужжатининг ҳар иккала қисми (билдиришнома ва квитанция) бир хилда, аниқ, ўчириб ёзишларсиз тўлдирилиши керак. Тўлов ҳужжатларида фамилия, манзил, тўловнинг жорий ва олдинги санаси ҳамда ҳисобга олиш приборининг уларга мувофиқ бўлган кўрсаткичлари, кўрсаткичлар тафовути ва тўлов суммаси кўрсатилиши керак.

106. Маиший истеъмолчи томонидан ҳисоб-китоб даврида амалда истеъмол қилинган электр энергияси миқдори истеъмолчининг электр энергиясини ҳисобга олиш прибори кўрсаткичлари бўйича аниқланади.

107. Электр энергиясини ҳисобга олиш асбобларидан кўрсаткичларни ёзиб олиш ва тўлов ҳужжатини ёзиб бериш Бюронинг вакили ёки истеъмолчининг ўзи томонидан амалга оширилади.

Бюро вакили томонидан ёзиб берилган тўлов ҳужжати (билдиришнома) маиший истеъмолчига имзо қўйдириб топширилади, у бўлмаган тақдирда эса — у билан бирга бир хонадонда (хусусий уйда) яшовчи вояга етган шахсга топширилади ёки билдиришнома билан бирга буюртма хат орқали жўнатилади.

Бюро маиший истеъмолчилар хабардор қилинган вақтдан бошлаб беш кун муддат ўтгандан сўнг, мазкур Қоидаларнинг 71-банди талабларини инобатга олган ҳолда эса ўн беш кун муддат ўтгандан сўнг, келиб чиққан қарздорликни қонун ҳужжатларида белгиланган тартибда ушбу истеъмолчиларнинг пластик карталарига хизмат

кўрсатиладиган банк ҳисобварақларидан энг кам ойлик иш ҳақининг икки бараваридан кўп бўлмаган миқдорда сўзсиз ҳар ойда чиқариш чораларини кўради.

108. Агар, навбатдаги айланиб чиқиш давомида электр энергиясини ҳисобга олиш прибори ўрнатилган хона ёпиқ бўлса, бу ҳақда маиший истеъмолчининг шахсий ҳисобрақамида тегишли белги қайд этилади.

Ҳисобга олиш асбоблари кўрсаткичларини назорат тартибида ёзиб олиш бўйича маълумотлар мавжуд бўлмаган тақдирда, ҳудудий электр тармоқлари корхонаси электр энергияси истеъмолининг шартномадаги миқдори бўйича ёки олдинги давр учун амалдаги электр энергияси истеъмолининг ҳажми тўғрисидаги маълумотларга асосан тўлов ёзиш ҳуқуқига эга бўлиб, бу ҳақида маиший истеъмолчининг ҳисобрақамида тегишли белги қўйилади. Бунда ҳисобга олиш асбобларидан назорат кўрсаткичлари ёзиб олингандан кейин амалда истеъмол қилинган электр энергияси учун қайта ҳисоб-китоб қилинади.

109. Бюро ва ҳудудий электр тармоқлари корхонасининг вакили гувоҳномасини кўрсатган тақдирда, хонадондаги электр энергиясини ҳисобга олиш асбобларини соат 8⁰⁰ дан 20⁰⁰ гача ҳеч қандай қаршиликларсиз кўриш ҳуқуқига эгадир.

Электр энергиясини ҳисобга олиш асбобларини кўздан кечириш учун Бюро ходимини қўймаслик далолатнома билан расмийлаштиради. Истеъмолчи далолатнома билан танишиши шарт. Истеъмолчи далолатномани имзолашни рад этган тақдирда, далолатномада бу ҳақда тегишли ёзув қайд қилинади. Рад этиш икки гувоҳ ёки фуқароларнинг ўзини-ўзи бошқариш органи вакили томонидан тасдиқланади. Имзолашни рад этган истеъмолчи бунинг сабабини тушунтиришга ҳақли ва бу далолатномага киритилиши лозим.

Истеъмолчининг далолатномани имзолашни рад этиши уни электр тармоқларидан узиб қўйишга асос бўлади ва бу ҳақда у хабардор этилиши лозим.

110. Тўлов ҳужжатларини ёзиш ва ҳақ тўлаш пайтида йўл қўйилган хатолар ҳудудий электр тармоқлари корхонаси томонидан даъво муддати мобайнида, ушбу хатоликлар аниқлангунига қадар ҳисобга олинади.

111. Тўлов тегишли ташкилот томонидан қабул қилиб олинган сана тўлов амалга оширилган сана деб ҳисобланади.

Тўлов электрон тўлов тизимлари орқали амалга оширилган тақдирда, пул маблағлари истеъмолчининг шахсий ҳисоб рақамига ўтказилган (транзакция) сана тўлов амалга оширилган вақт деб ҳисобланади.

Тўлов иш берувчи томонидан ходимларининг аризалари асосида иш ҳақидан чегириб қолиш йўли билан амалга оширилганда, ҳар бир истеъмолчи учун пул маблағлари ўтказилгандан кейин пул тўлаган ходимларнинг номи қайд этилган реестр ҳудудий электр тармоқлари корхонасига тақдим этилган сана тўлов амалга оширилган сана деб ҳисобланади.

112. Аҳолидан тўловларни қабул қиладиган ташкилот (тижорат банкларининг бўлимлари, «Ўзбекистон почтаси» акциядорлик жамиятининг бўлимлари ва аҳолидан тўловни қабул қилиб олиш пунктлари) тўлов ҳужжатларини ўрам, бандероллар ва электрон реестрларга жамлайдилар.

Ҳар қайси бандеролда (банк бўлими томонидан маълум даврда қабул қилиб олинган маиший истеъмолчиларнинг тўлов ҳужжатлари тўпламида) уларни ҳудудий электр тармоқлари корхонасига бериш вақтида ёрлик бўлиши лозим, ёрликда қуйидагилар кўрсатилган бўлиши керак:

бандеролни шакллантириш бошланган ва тугалланган сана;

бандеролдаги ҳужжатлар сони;

қабул қилиб олинган тўловларнинг умумий суммаси;

касса хизмати кўрсатилганлиги учун тўлов сифатида ушлаб қолинган сумма;

ҳудудий электр тармоқлари корхонаси ҳисобрақамига ўтказиладиган сумма.

Бунда аҳолидан тўловни қабул қилиб олувчи ташкилотлар электр энергияси учун тўлов сифатида келиб тушган пул маблағларини шартномада белгиланган муддатларда ҳудудий электр тармоқлари корхоналарига ўтказилишини таъминлаши шарт.

113. Маиший истеъмолчилар тўлов бўйича қарздор бўлганда, тўлов муддати ўтган ҳар бир кун учун тўлов муддати ўтган сумманинг 0,1 фоизи миқдорида, лекин муддати ўтган тўлов суммасининг 50 фоизидан кўп бўлмаган миқдорда пеня тўлайдилар.

Пеня ҳисобга олиш прибори кўрсаткичлари ёзиб олингандан кейин ва амалга оширилган қайта ҳисоб-китоблардан сўнг, шунингдек, белгиланган тартибда киритилган олдиндан тўлов ҳисобга олинган ҳолда, ҳисоб-китоб давридан кейинги ойнинг 11-кунидан бошлаб маиший истеъмолчининг аниқлаштирилган қарздорлик (тўланманган қарз) суммасидан ундирилади.

Пеняни ҳисоблаш учун қарздорлик ҳосил бўлган ой аниқланади ва қарз тўланган ҳар бир ой бўйича муддати ўтказиб юборилган ҳар бир кун учун пеня шу ойдан бошлаб ҳисобланади.

Истеъмол қилинган электр энергияси бўйича қарздорлик мавжуд бўлганда маиший истеъмолчига тегишли бўлган турар жойда прописка қилинган вояга етган жисмоний шахслар қарздорликни тўлаш бўйича солидар жавобгар бўладилар. Вояга етган жисмоний шахснинг солидар жавобгарлиги у маиший истеъмолчига тегишли бўлган турар жойга прописка қилинган вақтдан бошлаб вужудга келади ва пропискадан чиқарилган вақтгача амал қилади.

114. Арифметик хатоликлар, тарифларни нотўғри қўллаш туфайли пайдо бўладиган кам ва ортиқча тўловлар тегишли тариф бўйича кВт соатларда қайта ҳисоблаб чиқилади ва ҳудудий электр тармоқлари корхонаси томонидан даъво муддати доирасида кўрсаткичлардаги тафовут ёки қўшимчалар билан биргаликда ҳисобга олинади.

115. Тариф ўзгарганда, тариф ўзгарган санагача истеъмол қилинган электр энергияси ҳажми олдинги тўлов вақтидан бошлаб ўртача суткалик истеъмол бўйича аниқланади ва унга эски тариф бўйича ҳақ тўланади. Ҳисобга олиш асбобларининг кўрсаткичлари тўлов кунда ёзиб олинган деб ҳисобланади.

Тарифлар ўзгаргандан кейин истеъмол қилинган электр энергияси миқдори учун янги тариф бўйича ҳақ тўланади.

116. Маиший истеъмолчи ўз хоҳишига кўра, 12 ойдан кўп бўлмаган муддат учун электр энергиясидан фойдаланиш ҳақини олдиндан тўлаб қўйиши мумкин ва бунда тариф ўзгарса ҳам қиймат қайта ҳисоб-китоб қилинмайди.

§ 5. Электр энергиясини ҳисобга олиш бузилганда ҳисоб-китобни амалга ошириш тартиби

117. Истеъмолчининг (маиший истеъмолчидан ташқари) айби билан электр энергиясини ҳисобга олиш приборига зарар етказилган (пломбаси бузилса, ойнаси синса ва бошқалар), электр энергиясини ҳисобга олиш приборини улаш схемаси ўзгартирилган, электр энергиясини ҳисобга олиш приборидан ташқари электр қабул қилгичларни улаш ёки энергия бошқа усулда ўғирланган ҳолларда, Бюронинг ваколатли вакили белгиланган шакл бўйича қонидани бузиш далолатномасини тузади. Ушбу далолатнома асосида Бюро ёки унинг тақдимномаси асосида ҳудудий электр тармоқлари корхонаси истеъмолчини электр тармоғидан узиб қўяди.

Ҳисобга олинмаган электр энергияси миқдорининг қиймати ҳудудий электр тармоқлари корхонаси томонидан энергия таъминоти шартномасида кўрсатилган истеъмолчининг иш соатлари сони ҳисобга олинган ҳолда электр қабул қилгичларнинг уланган қуввати бўйича қуйидаги ҳолатларда амалга оширилади:

электр энергиясини ҳисобга олиш прибори, ўлчов трансформаторларини улаш схемалари ўзгартирилганда ва ҳисобга олишни назорат қилиш асбобларидан ташқари электр қабул қилгичлар кўз билан аниқлаб бўлмайдиган яширин йўл билан (яширин электр симлари, переключателлар монтаж қилиниши ва шу кабилар) уланганда — электр

энергияни ҳисобга олишнинг назорат асбоблари охири алмаштирилган ёки уланиш схемалари текширилган кундан бошлаб, бироқ даъво муддатидан ортиқ бўлмаган муддатда;

электр энергиясини ҳисобга олиш приборига истеъмолчининг айби билан зарар етказилганда (пломбаси бузилишига йўл қўйилган, ойнаси синган ва шу каби ҳолатлар) ёки электр энергияси айланиб чиқишда қўз билан аниқлаш мумкин бўлган бошқа усулда ўғирланган тақдирда — охири марта айланиб чиқилган кундан бошлаб, бироқ даъво муддатидан ортиқ бўлмаган муддатда амалга оширилади.

Ҳисобга олинмаган электр энергияси миқдори қийматини ҳисоб-китоб қилишда қоида бузиш аниқланишидан олдинги давр учун амалдаги тўловлар ҳисобга олинган ҳолда, қайта ҳисоб-китоб амалга ошириладиган вақтдаги тариф қўлланилади.

118. Истеъмолчилар (шу жумладан маиший истеъмолчилар) электр қурилмаларини ҳудудий электр тармоқлари корхонасининг электр тармоқларига ўзбошимчалик билан улаган тақдирда, электр қурилмалари электр тармоғидан дарҳол узиб қўйилади, истеъмолчидан эса рухсатсиз истеъмол қилинган электр энергиясининг қиймати истеъмолчи расмий равишда давлат рўйхатидан ўтказилган кундан бошлаб ўтган вақт мобайнида (тасдиқловчи ҳужжатлар мавжуд бўлганда) ёки даъво муддати учун электр ускуналарнинг уланган қувват бўйича суткасига 24 соат давомида ишлаши ҳисобидан ундирилади.

Ҳисобга олинмаган электр энергияси қийматини ундириш учун электр энергиясидан фойдаланиш қоидалари бузилишига йўл қўйган истеъмолчи ёки унинг вакили иштирокида ёки унинг иштирокисиз, белгиланган тартибда қайта ҳисоб-китоб амалга оширилади.

119. Электр энергиясини ҳисобга олиш истеъмолчининг айбисиз вақтинчалик бузилганда етказиб берилган электр энергияси учун ҳисоб-китоб Бюрони хабардор қилган ҳолда, ҳудудий электр тармоқлари корхонасининг қарори бўйича, ҳисобга олиш бузилишига қадар бўлган олдинги ҳисоб-китоб давридаги ёки ҳисобга олиш тиклангандан кейинги даврдаги ўртача суткалик сарф бўйича амалга оширилади.

Электр энергиянинг ўртача суткалик сарфи бўйича ҳисоб-китоб қилиш даври бир ойдан ошмаслиги керак ва шу вақт ичида ҳисобга олиш тикланиши зарур.

Агар, электр энергияни ҳисобга олиш приборини объектив сабабларга кўра, кўрсатилган муддатда (ўлчаш трансформаторининг, ҳисобга олиш приборининг йўқлиги, ўтиб бўлмайдиган йўллар ва шу кабилар туфайли) тиклаш имконияти бўлмаса, истеъмолчига етказиб берилган электр энергияси учун ҳисоб-китоб қилиш тартиби ва ҳисобга олишни тиклаш муддати истеъмолчи ва ҳудудий электр тармоқлари корхонасининг ўзаро келишуви билан белгиланади.

120. Маиший истеъмолчида электр энергиясини ҳисобга олиш приборини улаш схемаси ўзгарганда, приборга зарар етказилганда (истеъмолчининг айби билан) ёки пломбалари бузилганда, электр энергиясини ҳисобга олиш приборларидан ташқари бошқа электр қабул қилгичлар уланганда ва амалда истеъмол қилинган электр энергияси кўрсаткичларини камайтириш мақсадида бошқа қоида бузишларга йўл қўйилганда, Бюронинг вакили қоида бузилиши ҳақида белгиланган намунада далолатнома тузади.

Далолатнома асосида:

электр энергиясини ҳисобга олиш прибори, ўлчов трансформаторлари уланиши ва ҳисобга олишни назорат қилиш приборларидан ташқари электр қабул қилгичлар қўз билан кўриб аниқланмайдиган яширин йўл билан (яширин электр симлари, ўзгартириш мосламалари монтаж қилиниши ва шу кабилар) уланиш схемалари ўзгарган тақдирда — ҳисобга олишнинг назорат асбоблари охири алмаштирилган ёки уланиш схемалари текширилган кундан бошлаб, бироқ даъво муддатидан ортиқ бўлмаган муддатга;

электр энергиясини ҳисобга олиш приборига зарар етказилганда (истеъмолчининг айби билан) ёки прибор мавжуд бўлмаганда, пломбалар бузилган ва амалда истеъмол

қилинган электр энергияси кўрсаткичларини камайтириш мақсадида айланиб чиқишда кўз билан кўриб аниқланадиган бошқа қоида бузишларга йўл қўйилган тақдирда (шу жумладан, электр энергиясини ҳисобга олиш приборидан бошқа электр қабул қилишлар уланганда) — охириги марта айланиб чиқилган кундан бошлаб, бироқ даъво муддатидан ортиқ бўлмаган муддатга ҳисобга олинмаган электр энергияси миқдори қиймати ҳисоб-китоб қилинади.

121. Қоида бузилган ҳолда фойдаланилган электр энергияси қийматини қайта ҳисоб-китоб қилиш ушбу Қоидаларнинг 120-бандига мувофиқ маиший истеъмолчида штепсел розеткалари мавжуд бўлганда (розеткалар ва электр энергияси қабул қилгичлар сонидан қатъи назар) бир суткада 24 соат 600 Вт қувватдан фойдаланиш ҳисобидан, 600 Вт дан ортиқ қувватли иситиш асбоблари ёки бошқа электр асбоб-ускуналари мавжуд бўлганда эса — маиший истеъмолчи фойдаланаётган электр энергияси қабул қилгичлардан бир суткада 24 соат фойдаланиш ҳисобидан келиб чиқиб, уларнинг амалдаги қуввати бўйича амалда ёритиш электр энергияси қабул қилгичлардан сутканинг ёруғ бўлмаган вақтида фойдаланиш ҳисобидан келиб чиқиб, ёритиш электр қабул қилгичларнинг қуввати бўйича амалга оширилади.

Ҳисобга олинмаган электр энергиясининг қайта ҳисоб-китоби белгиланган тартибда, бироқ даъво муддатидан ортиқ бўлмаган муддатга, электр энергиясидан фойдаланиш қоидалари бузилишига йўл қўйган истеъмолчи ёки унинг вакили иштирокида ёхуд иштирокисиз ҳудудий электр тармоқлари корхонаси томонидан қоида бузиш аниқланишидан олдинги давр учун амалда тўланган электр энергия миқдори ҳисобга олинган ҳолда амалга оширилади.

122. Электр энергиясидан фойдаланишда истеъмолчи томонидан йўл қўйилган қоидабузилишлар Бюронинг вакили ва маиший истеъмолчи томонидан имзоланган икки нусхадаги далолатнома билан расмийлаштирилади, унинг бир нусхаси маиший истеъмолчига берилади ва Бюро ёки унинг тақдимномаси асосида ҳудудий электр тармоқлари корхонаси томонидан ушбу Қоидаларни бузган истеъмолчи электр қурилмалари тармоқдан узиб қўйилади.

Истеъмолчи далолатномани имзолашни рад этган тақдирда, қоида бузиш далолатномасида истеъмолчини таништирганлик тўғрисида белги қўйилади.

123. Ҳисобга олинмаган электр энергияси миқдори далолатнома асосида аниқланади ва тўлаш учун маиший истеъмолчига қўшимча тўлов ҳужжати ёзиб берилади.

Қоида бузилиши юзасидан тўлов ҳужжатини ёзишда амалдаги тариф қўлланади.

Маиший истеъмолчи белгиланган тартибда Бюро ва ҳудудий электр тармоқлари корхонасининг қарори юзасидан эътироз билдириш ҳуқуқига эга, бироқ бу уни қоида бузиш далолатномаси бўйича ёзилган қўшимча тўлов ҳужжатини белгиланган муддатда тўлашдан озод қилмайди.

Қўшимча тўлов ҳужжати бўйича ҳақ 10 кун муддатда тўланмаса, Бюро маиший истеъмолчидан кўрсатилган суммани мажбурий тартибда ундириш тўғрисида судга даъво аризаси беради.

124. Амалга оширилган электр энергияси сарфининг қайта ҳисоби истеъмолчини электр энергиясидан фойдаланиш қоидаларини бузганлик учун қонун ҳужжатларида белгиланган жавобгарликдан озод этмайди.

125. Маиший истеъмолчи электр таъминоти корхонасининг келгуси қиёслов хизмати учун тўловни амалга ошириш зарурлиги тўғрисида хабарномасини олганидан сўнг (ҳудудий электр тармоқлари корхоналарига тегишли бўлган ҳисобга олиш асбобларидан ташқари) ушбу хизмат учун тўловни амалга оширмаганда (маиший хизматчи узрли сабабларга кўра бўлмаган ҳолатдан ташқари, ушбу ҳолат ҳужжатлар асосида тасдиқланиши лозим) ёки электр таъминоти корхонасининг ваколатли вакилига ўзининг ҳисобга олиш асбобларига тегишли ишларни амалга ошириш учун йўл қўймаганда ва бу унинг айби билан қиёслов тадбирлари олиб борилиши узилишига олиб

келса, ҳисоб-китоб амалга ошириладиган ҳисобга олиш приборининг қиёслов ўтказиш муддати тугагандан сўнг майший истеъмолчи электр энергияси учун тўловни ёритиш электр қабул қилгичларининг қувватидан сутканинг қоронғи вақтида фойдаланишдан, штепсель розеткалари мавжуд бўлганда (розеткалар ва электр энергияси қабул қилгичлар сонидан қатъи назар) бир суткада 24 соат 600 Вт қувватдан фойдаланишдан келиб-чикиб амалга оширади.

Электр иситиш асбоблари ва (ёки) совутиш режимидаги 600 Втдан юқори қувватли кондиционерлардан фойдаланганда, майший истеъмолчи электр энергияси учун тўловни уларнинг амалдаги қуввати бўйича суткасида 24 соат, иситиш мавсумида электр иситиш асбоблари ишлаши ва ёзги мавсумда совутиш режимида кондиционерлар ишлаши ҳисобидан амалга оширади.

9-боб. Электр энергияси истеъмолчиларининг ҳуқуқ ва мажбуриятлари

126. Электр энергияси истеъмолчилари қуйидаги ҳуқуқларга эга:

ўз электр қурилмаларини техник шартларга мувофиқ ҳудудий электр тармоқларига улаш;

сифат кўрсаткичлари давлат стандартларига мувофиқ бўлган электр энергиясини олиш;

электр энергияси етказиб беришнинг тўхталиши ёки тўхтатиб қўйилиши сабаблари тўғрисида белгиланган тартибда ахборот олиш;

ҳудудий электр тармоқлари корхонасига улар истеъмол қиладиган электр энергияси ҳажмларининг ўзгартирилиши тўғрисида белгиланган тартибда таклифлар киритиш. Бунда электр энергиясининг шартномадаги ҳажмини ўзгартириш бўйича таклиф мўлжалланаётган ўзгартиришдан 10 кун олдиндан (жорий ой тугагунгача) берилиши керак;

электр энергияси тўлиқ ҳажмда етказиб берилмаслиги ёки сифат кўрсаткичлари давлат стандартларига мувофиқ бўлмаган электр энергияси етказиб берилиши оқибатида ҳудудий электр тармоқлари корхонаси ёки электр таъминоти корхонаси томонидан етказилган зарарларни белгиланган тартибда қоплаш;

электр таъминоти шартномасини бекор қилганда фойдаланилмаган электр энергияси миқдори учун тўланган суммани қайтаришни талаб қилиш;

қонун ҳужжатларига мувофиқ бир тарафлама тартибда электр таъминоти шартномасини бекор қилиш;

электр энергияси етказиб берилиши тўхтатилганда етказилган зарарни қоплашни талаб қилиш;

электр таъминоти шартномаларини тузиш ва бажаришда юзага келаётган низоларни ҳал этиш учун судга ёки бўйсунитиш бўйича юқори ташкилотга, мансабдор шахсга мурожаат қилиш.

Электр энергияси истеъмолчилари қонун ҳужжатларига мувофиқ бошқа ҳуқуқларга ҳам эга бўлиши мумкин.

127. Электр энергияси истеъмолчилари қуйидагиларга мажбур:

ҳудудий электр тармоқлари корхонаси томонидан белгиланган электр энергиясини истеъмол қилиш режимида риоя этиш;

фойдаланилган электр энергияси (қуввати) учун ўз вақтида ҳақ тўлаш;

ишлатилаётган электр қурилмалари, асбоблар ва асбоб-ускуналарнинг зарур техник ҳолатини ва истеъмолчиларнинг электр қурилмаларини эксплуатация қилишда хавфсизлик техникаси қоидаларига риоя қилинишини таъминлаш, ҳудудий электр тармоқлари корхонасига ёки электр таъминоти корхонасига электр асбоб-ускуналарининг носозлиги тўғрисида хабар қилиш;

электр энергиясидан оқилона фойдаланиш чора-тадбирларини амалга ошириш;

Бюро ва «Ўздавэнергоназорат» инспекциясининг ёзма кўрсатмаларини ўз вақтида бажариш;

Электр қурилмаларининг тузилиши қоидалари талабларига риоя этиш;
ўрнатилган тартибда Бюро ва/ёки ҳудудий электр тармоқлари корхонаси вакилига электр энергиясини ҳисобга олиш асбобларини кўришига имкон бериш;

йил мобайнида янгидан ишга тушириладиган электр қурилмаларидан фойдаланиш бошланишидан камида бир ой олдин (маиший истеъмолчилардан ташқари) электр энергиясининг зарур миқдори учун ҳудудий электр тармоқлари корхонасига буюртманома бериш;

келгуси йил учун электр энергиясига бўлган эҳтиёжни аниқлашда электр энергиясини электр тармоқларидан узатишда, ишлаб чиқариладиган маҳсулотнинг (ишлар турларининг) технологик жараёни ишлаб чиқариш эҳтиёжларига, ишлаб чиқариш бинолари ва маъмурий биноларни ёритишга, иситишга, шамоллатишга электр энергия сарфини, шунингдек, ушбу электр тармоқларига уланган субистеъмолчиларнинг эҳтиёжини ҳисобга олиш.

Уланган қуввати 5 МВт ва ундан ортиқ бўлган электр энергияси истеъмолчилари ҳудудий электр тармоқлари корхонасининг талабига кўра қуйидагиларни ҳисобга олиши ва бу ҳақида хабар қилиши шарт:

истеъмол қилинаётган қувватнинг ҳар суткалик, ҳар ойлик сарфи ва амалдаги миқдори;

ягона электр энергетика тизимининг энг кўп ва энг кам юкламали даврларида реактив энергия ва қувватнинг ҳар суткалик сарфи;

ягона электр энергетика тизимининг энг кўп юкламасининг ўтиш даврида актив энергия (қувват)нинг ҳар 30 дақиқадаги сарфи.

128. Объектларидан магистрал электр тармоқлари сифатида фойдаланиладиган истеъмолчилар ҳудудий электр тармоқлари корхоналари билан электр энергияси узатиш хизматларини кўрсатиш юзасидан шартномалар тузиш ҳуқуқига эга эмас.

129. Уланган қуввати 250 кВа ва ундан ортиқ бўлган истеъмолчилар мазкур Қоидаларнинг 127-бандида кўрсатилган мажбуриятлар билан биргаликда қуйидагиларга мажбур:

маҳсулот бирлигини ишлаб чиқариш (ишларни амалга ошириш) учун электр энергияси сарфининг техник ва иқтисодий жиҳатдан асосланган илғор нормаларини ишлаб чиқиш — умумий ишлаб чиқариш ва технологик; якка тартибдаги ва гуруҳ бўйича; йиллик, чораклик ва ойлик — уларни ишлаб чиқаришни ташкил этиш технологияси такомиллаштирилиши (ўзгартирилиши) ва янги техника жорий этилишига қараб қайта кўриб чиқиш;

корхона бўйича, шу жумладан кўп энергия сарфлайдиган ускуналар, цехлар ва истеъмолчилар гуруҳлари бўйича электр энергияси балансларини тузиш ҳамда улар асосида ишлаб чиқариш жараёнларида электр энергиясидан фойдаланиш самарадорлигини таҳлил қилиш, электр энергиясининг самарасиз сарфланиши ва исроф бўлишини аниқлаш, уларни камайтириш ва бартараф этиш бўйича чора-тадбирларни ишлаб чиқиш ва амалга ошириш;

келгуси давр учун электр энергиясига бўлган эҳтиёжни ва электр тармоқларининг энергия ўтказиш қобилиятини ошириш, электр таъминоти схемаларини такомиллаштириш заруриятини аниқлаш мақсадида (маҳсулот ишлаб чиқаришнинг, бажариладиган иш турларининг мўлжалланаётган прогноз ҳажмларидан ва электр энергияси сарфи меъёрларидан келиб чиқиб, уларни камайтириш ва электр энергиясини тежашни ҳисобга олган ҳолда) электр энергиясининг бир йил ва келгуси давр учун балансларини тузиш;

маҳсулот (ишлар) бирлигига электр энергияси сарфининг тасдиқланган меъёрларига риоя қилиш ва уларни камайтириш бўйича белгиланган тадбирларнинг бажарилишини таъминлаш;

электр энергиясини тежаш бўйича (йиллик ва узоқ истикбол учун) ташкилий-техник тадбирларни ишлаб чиқиш ва амалга ошириш.

10-боб. Худудий электр тармоқлари корхоналарининг ҳуқук ва мажбуриятлари

130. Худудий электр тармоқлари корхоналари қуйидаги ҳуқуққа эга:

истеъмолчилардан шартномада белгиланган мажбуриятларнинг тегишлича равишда бажаришни талаб этиш;

истеъмолчилар томонидан мазкур шартнома шартлари бажарилмаганда ёки бузилганда улар томонидан амалда етказилган зарарнинг ўрнатилган тартибда қопланиши;

электр хўжалиги объектларида авария ҳолатларнинг олдини олиш ва бартараф этиш бўйича кечиктириб бўлмайдиган чораларни кўриш зарурати пайдо бўлганда, истеъмолчилар билан келишмасдан ва уларни огоҳлантирмасдан уларга электр энергияси етказиб беришни чеклаш;

Бюро буюртманомаси бўйича истеъмолчиларни электр тармоқлардан ўчириш, шунингдек, ЭХНАТга уланган ва олдиндан тўловни амалга ошириш қурилмаси бўлган ҳамда ҳисобга олиш приборига эга истеъмолчилар тўловлари тугагандан сўнг, уларга электр энергияси етказиб беришни тўхтатиш.

Худудий электр тармоқлари корхоналари қонунчиликда белгиланган бошқа ҳуқуқларга ҳам эга бўлиши мумкин.

131. Худудий электр тармоқлари корхоналари қуйидагиларга мажбур:

электр энергиясини электр тармоқларининг баланс бўйича мансублик бўлиниш чегарасига электр таъминоти шартномасида кўрсатилган ҳажмда узлуксиз етказиб бериш;

ускуналарни, электр узатиш линияларини, электр энергиясини ҳисобга олиш асбобларини эксплуатация қилиш, уларга хизмат кўрсатиш ва ускуналарни таъмирлаш, шунингдек, ўз электр тармоғи хўжалиги объектларида носозликларни бартараф этиш;

ўз электр тармоғи хўжалиги объектларида электр энергияси сифат кўрсаткичларини давлат стандартларида белгиланган даражада сақлаб туриш;

электр тармоғи хўжалиги объектларининг режали таъмирланиши туфайли электр энергияси билан таъминлашдаги мумкин бўлган узилишлар тўғрисида камида 3 кун олдин огоҳлантириш;

истеъмолчиларга электр энергияси етказиб беришнинг тўхтатиб турилиши ва бунинг сабаблари тўғрисида маълумот бериш;

жорий этиладиган чеклашлар ҳақида, чеклашнинг ҳажми ва вақтини кўрсатган ҳолда, ўз вақтида хабар қилиш;

Бюро кўрсатмаларига асосан алоҳида электр энергияси истеъмолчиларини 6 — 10 кВ ва ундан юқори кучланишли тармоқлардан узиб қўйишни амалга оширади;

истеъмолчиларнинг электр энергияси тўлиқ етказиб берилмаганлиги ёки электр таъминотида бошқа қоида бузилишлар тўғрисидаги аризаларини, истеъмолчидан ариза олинган кундан бошлаб 10 кундан кечикмай кўриб чиқиш, ушбу қоида бузилишларини бартараф этиш ва истеъмолчиларга ушбу Қоидаларга мувофиқ батафсил жавоб юбориш;

ўз электр тармоғи хўжалиги объектларида электр энергиясининг технологик сарфларини қисқартириш бўйича ташкилий-техник тадбирларни ишлаб чиқиш ва амалга ошириш;

электр энергиясининг электр тармоқлари бўлиниш чегарасида ҳисобга олинмаган истеъмолини аниқлаш;

ҳар ойда бевосита истеъмолчилар томонидан фойдаланилган энергия ресурслари ҳажми ва тегишли худудлар чегарасидаги тармоқларга етказиб берилган ҳажм ўртасида тафовут мавжудлиги ҳақидаги маълумотларни Бюрога тақдим этиш;

истеъмолчилар томонидан буюртма берилган электр энергияси ҳажмини етказиб беришнинг техник имкониятларини ва улардаги тижорат ҳисобга олиш тизимларининг қонун ҳужжатлари талабларига мувофиқлигини баҳолаш бўйича хулоса бериш;

истеъмолчиларнинг электр тармоқлари ва қурилмаларини ўз ҳудудий электр тармоқларига улаш юзасидан техник шартлар бериш;

истеъмолчиларга етказиб берилган электр энергиясини белгиланган тартибда ҳисобга олиб бориш;

истеъмолчининг белгиланган тартибда киритилган таклифларига мувофиқ беш кун муддатда электр энергиясининг ойлик шартномавий ҳажмига ўзгартиришлар киритиш, электр энергиясининг ойлик шартномавий миқдорини кўпайтириш (камайтириш) мумкин бўлмаган тақдирда — бу ҳақида, рад этиш сабабини кўрсатган ҳолда, истеъмолчига хабар қилиш;

ҳар йили истеъмолчиларнинг барча тоифалари буюртманомаларини умумлаштириш асосида электр энергияси истеъмолининг прогноз кўрсаткичларини, шу жумладан аҳоли истеъмолини, ўз эҳтиёжларига ва келгуси йилда уни узатишга технологик сарфни шакллантириш, йил мобайнида янгидан ишга тушириладиган объектлар учун захираларни назарда тутиш ва 1 октябргача «Ўзбекэнерго» АЖга тақдим этиш;

келгуси йил учун электр энергияси истеъмоли миқдорларини маҳаллий давлат ҳокимияти органлари билан келишиш;

маиший истеъмолчининг аризасига асосан ариза берилган пайтнинг ўзида тўловларнинг ҳолати ва истеъмол қилинган электр энергияси учун қарздорликнинг мавжуд эмаслиги (мавжудлиги) тўғрисида маълумотномалар тақдим этиш;

истеъмолчиларга ўрнатилган электр энергияси истеъмолини ҳисобга олиш асбобларини алмаштириш, ўрнатиш ва хизмат кўрсатишни таъминлаш, шунингдек Бюро билан биргаликда уларни пломбалаш;

маиший истеъмолчиларнинг электр энергиясини ҳисобга олиш асбобларини ўз вақтида қиёсловидан ўтказиш.

«Ўздавэнергоназорат» инспекцияси томонидан электр энергиясининг нооқилона сарфланиши, электр қурилмаларининг авария хавфини туғдирадиган ёки одамлар ҳаётига хавф соладиган қониқарсиз техник ҳолати, шунингдек, бошқа қоида бузарликлар аниқланганда, қоидабузарларни электр тармоқларидан узиб қўйиш чораларини кўриш учун улар тўғрисида зудлик билан Бюро ва электр тармоқлари ҳудудий корхонасига хабар берилади.

Ҳудудий электр тармоқлари корхонаси:

истеъмолчи электр энергияси истеъмолининг белгиланган режимига риоя қилмай, электр энергияси истеъмоли ёки қувватининг шартномавий миқдоридан ошиб кетишига йўл қўйганда, ҳудудий электр тармоқлари корхонаси томонидан белгиланган электр энергияси истеъмолини чеклаш жадвалини бажармаган кунларда сифати паст электр энергияси етказиб берилганлиги учун;

заҳира манбаи автоматик ишга тушганда, автоматик қайта улаш ва автоматик тарзда тез-тез ўчиришлар вақтида электр энергиясини етказиб бериш борасидаги танаффуслар учун истеъмолчи олдида моддий жавобгар бўлмайди.

Электр таъминоти шартномаси бўйича мажбуриятлар бажарилмаган ёки зарур тарзда бажарилмаган ҳолларда, ҳудудий электр тармоқлари корхонаси бунинг натижасида етказилган зарарни қоплашга, истеъмолчи эса етказилган реал зарарни қоплашга мажбур.

132. Истеъмолчилар электр тармоқларини ушбу Қоидалар бузилгани учун электр тармоқларидан узиб қўйиш ва қайта улаш қонун ҳужжатларида белгиланган тартибда амалга оширилади.

Электр тармоқларидан аввал узиб қўйилган маиший истеъмолчиларни қайта улашда энг кам ойлик иш ҳақининг 2 баравари миқдорида, маиший истеъмолчи — юридик шахслардан эса энг кам ойлик иш ҳақининг 10 баравари миқдорида тўлов ундирилади ва ушбу маблағлар уларни қайта улаган ташкилотнинг ҳисобрақамига ўтказилади (ЭХНАТга уланган истеъмолчилардан ташқари).

11-боб. Реактив энергия компенсацияси учун электр энергияси тарифига чегирмалар ва устамалар

133. Реактив энергия компенсацияси учун чегирмалар (устамалар) ҳудудий электр тармоқлари корхонаси томонидан берилган техник шартлар бўйича ёки электр таъминоти шартномасида кўрсатилган рухсат этилган қувват 50 кВт ва ундан ортиқни ташкил этган I ва II тариф гуруҳлари истеъмолчиларига нисбатан амалга оширилади (бюджет ташкилотлари, фермер хўжаликлари ва сув истеъмолчилари уюшмаларининг насос станциялари, шунингдек, Давлат бюджетидан молиялаштирилладиган насос станциялари бундан мустасно).

134. Реактив энергия компенсацияси учун чегирмалар (устамалар) реактив энергияни ҳисобга олиш приборларининг кўрсаткичлари асосида аниқланади ҳамда тегишли равишда истеъмол қилинган реактив энергиянинг 1 кVar.соат учун тўлов тарзида ундирилади.

Реактив энергиянинг шартномавий миқдори реактив энергиянинг иқтисодий қийматидан келиб чиққан ҳолда аниқланади.

Реактив энергиянинг ҳар бир ҳисобот даври учун иқтисодий қиймати, шартномада кўрсатилган ва ўрнатилган тартибда аниқланадиган қувват коэффициентининг оптимал миқдори ҳисобга олиниб, ушбу давр учун актив энергиянинг шартномадаги миқдоридан келиб чиққан ҳолда аниқланади.

Бир неча тариф гуруҳларига мансуб бўлган истеъмолчилар учун реактив энергиянинг шартномавий миқдори ҳар бир тариф гуруҳи бўйича аниқланади ва электр таъминоти шартномасида кўрсатилади.

Ҳисобот даврининг якуни бўйича реактив энергия иқтисодий қийматининг амалдаги миқдори истеъмол қилинган актив энергия ва қувват коэффициентининг шартномавий миқдоридан келиб чиққан ҳолда аниқланади.

Икки ва ундан ортиқ алоҳида объектларга (ҳудуд) эга бўлган истеъмолчига нисбатан реактив энергия иқтисодий қийматининг амалдаги миқдори ва реактив энергиянинг амалдаги истеъмоли ҳар бир объект бўйича аниқланади. Бунда барча объектлар бўйича реактив энергия иқтисодий қийматининг амалдаги миқдори ва реактив энергия бўйича ўзаро ҳисоб-китобларни амалга ошириш учун фойдаланилган реактив энергия миқдори йиғиндиси аниқланади.

135. Устамалар ҳудудий электр тармоқлари корхонаси томонидан истеъмолчи уланган электр тармоқнинг катта юклама соатларида реактив энергия истеъмол қилинганда ва ягона электр энергетика тизимининг кам юклама соатларида истеъмолчи реактив энергия ҳосил қилганда қўлланади.

Устама қўшилган қиймат солиғи ҳисобга олинмаган ҳолда актив энергия учун қуйидаги миқдорда аниқланади:

5% — реактив энергия иқтисодий қиймат доирасида истеъмол қилинганда;

10% — реактив энергия иқтисодий қиймат миқдоридан ортиқ истеъмол қилинганда.

Реактив энергия компенсацияси учун электр энергияси тарифига устамалар жарима санкцияси ҳисобланмайди ва электр таъминоти шартномасига асосан ундирилади.

Реактив энергия ўрни етарлича тўлдирилмаслиги ҳисобига қувват коэффициентининг норматив қиймати истеъмолчилар томонидан қўллаб-қувватланмаслиги аниқланганда, ҳудудий электр тармоқлари корхонаси томонидан қонун ҳужжатларида белгиланган тартибда актив электр энергия йўқолиши қийматининг техник-иқтисодий ҳисоб-китоблари амалга оширилади, шунингдек, қувват коэффициенти кўрсаткичлари белгиланган нормативларга нисбатан пасайтирилганлиги учун истеъмолчилардан қўшимча маблағлар ундирилади.

136. Тариф чегирмалари истеъмолчи ягона электр энергетика тизими тармоғида электр тармоғининг катта юкламали соатларида реактив энергия ҳосил қилганда ва электр

тармоғининг кичик юкламали соатларида ягона энергия тизими тармоғидан реактив энергия истеъмол қилинганда, агар истеъмолчининг бундай режимда ишлаш зарурати шартномада кўрсатилган бўлса, тақдим этилади.

Чегирма қўшилган қиймат солиғи ҳисобга олинмаган ҳолда актив энергия учун амалдаги тарифнинг 15% миқдорида белгиланади.

137. Электр тармоғининг катта ва кичик юкламали соатлари — бу сутканинг истеъмолчи томонидан реактив қувватнинг истеъмол қилиниши (ҳосил қилиниши) туфайли ягона электр энергетика тизимининг электр тармоқларида электр энергиясининг қўшимча равишда йўқотилишига олиб келадиган вақтларидир.

Худудий электр тармоқлари корхонаси электр тармоғининг катта ва кичик юкламали соатларини, истеъмолчининг ва у фойдаланадиган тармоқнинг реактив юкламаси жадвалларини таҳлил қилган ҳолда, ҳар қайси истеъмолчи учун алоҳида белгилаши мумкин.

Ҳар бир суткадаги катта ва кичик юкламали соатлар йиғиндиси 24 соатга тенг, шу жумладан:

катта юкламали соатлар — соат 07⁰⁰ дан 23⁰⁰ гача;

кичик юкламали соатлар — соат 23⁰⁰ дан 07⁰⁰ гача.

138. Реактив энергиянинг истеъмол қилиниши ҳамда ҳосил қилиниши ҳисобга олиш приборлари ёрдамида қайд этилади.

139. Тизим оператори истеъмолчи томонидан ягона электр энергетика тизими тармоғида катта юкламали соатларда реактив энергияни ҳосил қилиш ва (ёки) кичик юкламали соатларда уни мажбурий истеъмол қилиш белгилаган бўлса, энергияни ҳисобга олиш усули худудий электр тармоқлари корхонаси ва истеъмолчи ўртасида келишилади ва электр таъминоти шартномасида қайд этилади.

140. Худудий электр тармоқлари корхонаси томонидан берилган техник шартлар бўйича ёки электр таъминоти шартномасида кўрсатилган ҳамда фойдаланишга рухсат этилган қувват 50 кВт ва ундан ортиқни ташкил этадиган I ва II тариф гуруҳлари истеъмолчилари (Давлат бюджетидан молиялаштириладиган бюджет ташкилотлари, фермер хўжаликлари ва сув истеъмолчилари уюшмаларининг насос станциялари, шунингдек, насос станцияларидан ташқари) билан тузилган электр таъминоти шартномасида қуйидагилар кўрсатилади:

ягона электр энергетика тизими тармоғидан ҳисобот даври учун истеъмол қилинадиган реактив энергиянинг иқтисодий қиймати;

ягона электр энергетика тизимининг энг катта юкламаларининг назорат соатлари (йилнинг ҳар бир ойи бўйича бўлиб чиқиш орқали);

электр тармоқларнинг катта юклама соатларида ойлик реактив энергия истеъмолини техник чегаралари. Ушбу чегаралардан ошиб кетганда худудий электр тармоқлари корхонаси электр энергиясининг ҳисоблаш нуқтасида кучланишни электр тармоғининг энг катта юкламали соатлари учун электр таъминоти шартномасида белгиланган даражасидан пасайиб кетиши учун жавоб бермайди;

электр тармоғининг катта юкламали соатларида ягона электр энергетика тизимининг электр тармоғига бир ойда ҳосил қилинадиган ва (ёки) бир ойда кичик юкламали соатларда мажбурий истеъмол қилинадиган реактив энергиянинг чегаравий қийматлари.

Ҳисобот даври учун реактив энергия истеъмолининг иқтисодий қиймати техник чегара ҳисобланиб, унинг ортишида худудий электр тармоқлари корхонаси электр энергиясининг ҳисобга олиш нуқтасидаги кучланиш электр таъминоти шартномасида белгиланган даражадан камайиб кетиши учун жавоб бермайди.

12-боб. Электр энергиясининг сифати учун электр энергияси тарифига чегирмалар (устамаalar)

141. Электр энергияси сифати учун тарифга чегирмалар (устамалар) амалдаги тарифлар бўйича белгиланади. Электр энергияси сифати учун тарифларга устамалар жарима санкцияси ҳисобланмайди ва электр таъминоти шартномасига мувофиқ истеъмолчилардан (маиший истеъмолчилардан ташқари) ундирилади.

142. Электр энергияси учун ҳисоб-китобларда қўлланадиган электр энергиясининг сифат кўрсаткичлари (ЭСК) рўйхати давлат стандартлари асосида электр таъминоти шартномасида белгиланади.

143. Агар, истеъмолчининг электр энергияси сифати ёмонлашувидаги улуши электр таъминоти шартномасида белгиланган йўл қўйилиши мумкин бўлган даражадан ошса, белгиланган қиймат тарифга устама ёки акс ҳолда — тарифга чегирма ҳисобланади.

144. Ҳар бир ЭСК бўйича чегирмалар (устамалар) миқдори кўриб чиқиладиган ЭСКнинг ҳисоб-китоб давридаги жами нисбий давомийлиги кўрсаткичларига (T1 ва T2) кўра, йўл қўйилиши мумкин бўлган нормал ва максимал қийматлар сифатида ҳисобланади. T1 ва T2 қийматлари ўлчаш вақти давомида аниқланади, ўлчаш вақтининг давомийлиги ҳар бир ЭСК бўйича шартномада белгиланади, лекин у 1 иш суткасида кам бўлмаслиги керак. Автоматлаштирилган ўлчаш воситалари мавжуд бўлганда T1 ва T2 қийматлари узлуксиз равишда ўлчаниши лозим. Ҳисоб-китоб қилинадиган вақт оралиғини мунтазам ўлчаш электр таъминоти шартномасида (лекин бир чоракда бир мартадан кам эмас) белгиланади.

145. Истеъмолчининг электр таъминоти шартномасида қайд этилган ҳар қайси ЭСК бўйича электр энергияси сифатининг ёмонлашувидаги улушининг қиймати ҳар замонда ўлчашлар асосида белгиланади ва ўлчаш баённомасида қайд этилади. Амалдаги улушларнинг ушбу қийматларидан томонлардан бири уларни қайта кўриб чиқишни таклиф этмагунча фойдаланилади.

146. ЭСКни ўлчаш ишлари аккредитациядан ўтган синов лабораторияси томонидан ҳудудий электр тармоқлари корхонаси ва истеъмолчи билан биргаликда электр таъминоти шартномасида белгиланган муддатларда ўтказилади. Электр таъминоти шартномасида ўлчашлар даврийлиги тўғрисида кўрсатмалар бўлмаганда, шунингдек, истеъмолчи ёки ягона электр энергетика тизимининг иш шароитлари кескин ўзгарганда, ўлчашлар томонлардан бирининг ташаббусига кўра аккредитациядан ўтган синов лабораторияси томонидан ўтказилиши мумкин. Иккинчи томон ўлчашларни ўтказишнинг аниқ санасини 3 кун муддатда келишиб олиши керак ва бу ишлар ташаббус кўрсатган томоннинг мурожаатидан кейин 10 кун муддатда бажарилиши лозим.

147. Кучланишдаги тафовутлар, номуносивбликлар коэффицентлари ва кучланишдаги ўзгаришлар ҳудудий электр тармоқлари корхонаси ва истеъмолчи ўртасидаги келишув асосида фазалардан бирида ёки барча фазаларда аниқланади. Барча фазаларда ўлчашда T1 ва T2 ўртача қиймат сифатида аниқланади.

148. Истеъмолчининг электр энергияси сифати ёмонлашувидаги улушини аниқлаш тартиби электр таъминоти шартномасида кўрсатилади.

13-боб. Электр энергияси истеъмолчиларининг тариф гуруҳлари

149. Барча электр энергияси истеъмолчилари тўрт тариф гуруҳига бўлинади (I, II, III ва IV).

150. I тариф гуруҳига уланган қуввати 750 кВА ва ундан ортиқ бўлган, электр энергияси учун табақалаштирилган тариф бўйича ҳисоб-китоб қилинадиган истеъмолчилар киради. Бюджет ташкилотлари, фермер хўжаликлари ва сув истеъмолчилари уюшмаларининг насос станциялари, шунингдек давлат бюджетидан молиялаштириладиган насос станциялари бундан мустасно.

151. II тариф гуруҳига қуйидагилар киради:

электр энергияси учун бир ставкали тариф бўйича ҳисоб-китоб қиладиган истеъмолчилар, маиший истеъмолчилардан ташқари;

«Ўзбекэнерго» АЖ ва «Ўзбекгидроэнерго» АЖ таркибига кирадиган, ҳудудий электр таъминоти корхоналари, шу жумладан ҳудудий электр тармоқлари корхоналаридан электр қуввати оладиган корхона ва ташкилотларнинг, шунингдек, электр энергияси ишлаб чиқарувчи корхоналарнинг ушбу корхоналар ҳудудидан ташқарида алоҳида жойлашган объектларининг хўжалик эҳтиёжлари.

Бунда «Ўзбекэнерго» АЖ ва «Ўзбекгидроэнерго» АЖ таркибига кирадиган ҳамда электр энергияси ишлаб чиқарувчи корхоналар томонидан хўжалик эҳтиёжлари учун ўзига тегишли тармоқларда электр энергияси ишлаб чиқариш бўйича фойдаланилган электр энергияси амалдаги таннарх бўйича ҳисоб-китоб қилинади.

152. III тариф гуруҳига маиший истеъмолчилар киради. Ушбу тариф гуруҳи бўйича аҳоли томонидан турмуш эҳтиёжлари учун уй-жойларда, хонадонларда, ётоқхоналарда, ёрдамчи хўжаликларда, шахсий фойдаланиладиган томорка боғ объектларида, шу жумладан боғ ширкатлари ва дала ҳовлилар суғориш насослари, шахсий автомашиналар учун гаражларда сарфланадиган электр энергияси ҳақи ток қабул қилгичларнинг қуввати ҳамда ҳисобга олиш асбобларининг ўрнатилган жойидан қатъий назар, тўланади.

Шахарсозлик нормалари ва қоидаларига мувофиқ овқат тайёрлаш учун электр плиталар билан жиҳозланган ўн қаватдан баланд турар-жойлар ва ётоқхоналарда яшайдиган маиший истеъмолчилар томонидан фойдаланиладиган электр энергияси учун тўловлар ушбу тариф гуруҳига кирадиган амалдаги тарифнинг 50 фоизи миқдорида амалга оширилади.

153. IV тариф гуруҳи бўйича I ва II тариф гуруҳлари истеъмолчилари томонидан технологик мақсадда электр иситиш, шунингдек, биноларни иситиш, иссиқ сув таъминоти ва овқат тайёрлаш учун сарфланадиган электр энергиясининг ҳажми тўланади.

14-боб. Электр энергиясини чеклаш ёки узиб қўйиш шартлари

154. Электр энергияси истеъмолини чеклаш, шунингдек, истеъмолчилар юкламалари жадвалларини тартибга солиш чора-тадбирлари, чеклашлар жадвалига мувофиқ «Ўзбекэнерго» АЖ томонидан тасдиқланган тартибда амалга оширилади.

155. Қувват ва электр энергияси истеъмоли бўйича чеклаш ва узиб қўйиш жадваллари ҳудудий электр тармоқлари корхонаси томонидан истеъмолчилар билан биргаликда ишлаб чиқилади, маҳаллий давлат ҳокимияти идоралари билан келишилади, «Ўзбекэнерго» АЖ томонидан тасдиқланади ва ягона электр энергетика тизимида электр қуввати ва энергия танқислиги пайдо бўлганда жорий этилади.

Маиший истеъмолчилар билан электр энергияси қуввати ва истеъмол қилиш бўйича чеклаш ва узиб қўйиш жадваллари алоҳида тузилмайди.

156. Электр энергиясини чеклаш ва узиб қўйиш жадваллари электр станциялари ва электр тармоқлари ускуналарининг йўл қўйиб бўлмайдиган шароитларда ишлашининг олдини олиш, ягона электр энергетика тизимининг барқарор параллель ишлашини таъминлаш, авариялар юзага келишининг олдини олиш ҳамда истеъмолчиларнинг тартибсиз узиб қўйилишини бартараф этиш мақсадида ягона электр энергетика тизимида электр энергияси ва қувват танқис бўлган ҳолларда тузилади.

157. Электр энергиясини чеклаш ва узиб қўйиш жадваллари истеъмолчининг технологик ва авария бронини аниқлаш далолатномасига асосан, жорий йилнинг 1 октябридан кейинги йилнинг 1 октябригача бўлган давр учун тузилади ҳамда жадвалларга киритилган барча истеъмолчилар учун уларни бажариш мажбурий ҳисобланади.

Жадвалларнинг қуйидаги турлари тузилади:

ягона электр энергетика тизимида ёки гидроресурслар етишмаганда электр энергиясини (кВт соатда) чеклаш жадвали. Жадвалда электр энергия истеъмолини истеъмолчиларнинг технологик бронигача, кейинчалик эса авария бронигача (чеклашга мансуб бўлмаган объектлардан ташқари) ва бунда истеъмолни 5 та навбатга бўлган ҳолда қискартириш назарда тутилиши лозим;

ягона электр энергетика тизимида қувват етишмаганда қувватни (кВтда) чеклаш жадвали. Жадвалда ягона электр энергетика тизимининг эрталабки ва кечки энг катта юкламалари юзага келадиган соатларда истеъмол қилинадиган қувватни истеъмолчиларнинг авария бронигача камайтириш ва бунда истеъмол қилинадиган қувватни 5 та навбатга бўлиш назарда тутилиши лозим;

қувват тақчиллиги юзага келиши натижасида авария хавфи пайдо бўлганда ва чеклаш жадвалларини жорий қилиш имконияти бўлмаганда, қувватни чеклаш жадвали. Жадвалда узиб қўйилиши мумкин бўлмаган объектлардан ташқари, ягона электр энергетика тизими истеъмолчиларини тўлиқ узиб қўйиш ва узиб қўйиладиган қувватни 5 навбатга бўлиш назарда тутилиши лозим.

158. Айрим ҳолларда истеъмолчиларни узиб қўйишнинг махсус жадвали ишлаб чиқилади.

Электр энергиясини узиб қўйиш жадвали ва махсус жадвалга асосан автоматика, телебошқарув қурилмаларига ёки доимий хизмат кўрсатувчи ходимлар ва ишончли телефон алоқасига эга бўлган подстанциялар киритилиши лозим. Истеъмолчиларга электр энергияси етказиб берилиши электр таъминотининг авария бронигача чеклаб қўйилиши мумкин.

159. Чеклаш ва узиб қўйиш жадвалларини амалга киритиш тартиби қуйидагилар:

электр энергияси ва қувватни чеклаш ва узиб қўйиш жадваллари «Ўзбекэнерго» АЖ раҳбари фармойиши билан амалга киритилади. Диспетчерлик бошқарувининг барча даражаларида электр энергиясини чеклашни жорий этиш фармойиши оператив журналда чеклаш ҳажми, чеклаш бошланадиган ва тугайдиган вақт қайд этилган ҳолда берилади;

ҳудудий электр тармоқлари корхонаси истеъмолчиларга кейинги суткаларда электр энергиясини чеклаш жадвалларининг амалга киритилиши тўғрисида жорий сутканинг соат 14⁰⁰ дан кечиктирмай, чеклаш ҳажми, чеклаш бошланадиган ва тугайдиган вақтини кўрсатган ҳолда маълум қилади.

Электр энергиясини чеклаш жадвалларини зудлик билан жорий этиш зарур бўлганда, бу ҳақидаги билдиришнома сутканинг вақтидан қатъи назар, чеклашнинг амал қилиши бошланишидан 1 соат олдин истеъмолчиларга етказилади.

Узиб қўйиш жадваллари истеъмолчилар томонидан ҳудудий электр тармоқлари корхонасидан узиб қўйиш жадваллари жорий этилиши тўғрисидаги билдиришнома олингандан кейин дарҳол жорий этилади.

Электр энергияси истеъмолини узоқ вақтга камайтириш зарур бўлганда, қувватни узиб қўйиш жадвалига тенг бўлган электр энергияси ва қувватни чеклаш жадвали амалга киритилади.

Юридик шахслар — чеклаш ва узиб қўйиш жадвалига киритилган, шу жумладан узлуксиз ишлаб чиқариш технологик жараёнига эга корхоналар, ташкилотлар ва муассасалар (чеклаш ва узиб қўйилиши мумкин бўлмаган объектлардан ташқари) чеклаш ва узиб қўйиш жадвалларининг ҳудудий электр тармоқлари корхоналари томонидан кўрсатилган муддатда сўзсиз бажарилишини ташкил этиши шарт. Акс ҳолда, улар узиб қўйиш ва чеклаш жадваллари бажарилмаганлиги туфайли ягона электр энергетика тизими марказларидан мажбурий узиб қўйиш натижасида юзага келадиган оқибатлар учун қонун ҳужжатларида белгиланган тартибда жавоб беради.

Ҳудудий электр тармоқлари корхонаси электр энергияси ва қувватини чеклаш жадвалларини амалга киритиш тўғрисидаги фармойиш истеъмолчилар томонидан бажарилмаганда, уларни огоҳлантиргандан сўнг электр энергияси ва қувват истеъмолининг белгиланган даражада камайишини таъминловчи миқдорда электр энергияси етказиб берилишини мажбурий равишда чеклайди ёхуд белгиланган тартибда таъсир чораларини кўриш учун Бюрога мурожаат қилади.

Бу борадаги технологик жараёнлар бузилишининг оқибатлари учун жавобгарлик истеъмолчилар корхоналарининг раҳбарлари зиммасига юкланади.

160. Ягона электр энергетика тизимида электр энергия ва қувватда танқислик вужудга келганда, аварияларга йўл қўймаслик ва истеъмолчиларнинг тартибсиз узиб қўйилишининг олдини олиш мақсадида ҳудудий электр тармоқлари корхонаси ўчириш вақтини кўрсатган ҳолда, истеъмолчилардан рекламалар, иллюминациялар, бино ва иншоотларни ёритгичларни, электр иситиш ва иссиқ сув билан таъминлаш қурилмаларини ўчириб қўйишни талаб қилишга ҳақли.

15-боб. Блок-станцияларга эга бўлган истеъмолчилар билан ўзаро муносабатлар

161. Ягона электр энергетика тизимининг электр тармоғига бевосита ёки истеъмолчиларнинг электр тармоқлари орқали уланган истеъмолчиларнинг электр станциялари блок-станциялар ҳисобланади. Улар ўзаро келишилган иш режимига риоя қилишлари ҳамда тизим операторининг ва юқори оператив-диспетчерлик хизматларининг кўрсатмалари ва фармойишларига бўйсунушлари шарт.

Блок-станциялар бўйича электр энергияси ишлаб чиқаришнинг йиллик ҳажмлари ва блок-станциялар томонидан ягона электр энергетика тизимида электр энергияси етказиб беришнинг йиллик ҳажмлари «Ўзбекэнерго» АЖ ва блок-станция ўртасида тузиладиган шартнома билан тасдиқланади ва расмийлаштирилади.

162. «Ўзбекэнерго» АЖ электр энергиясининг ягона харид қилувчиси ва блок-станция ўртасида ягона электр энергетика тизимида электр энергиясини етказиб бериш бўйича тузилган шартномада назарда тутилган электр энергияси етказиб беришнинг ойлик миқдорига мувофиқ, блок-станцияларнинг ягона электр энергетика тизимида ҳар бир сутка учун юклама ва электр энергияси етказиб бериш жадвалини белгилайди.

Блок-станция томонидан юклама диспетчерлик жадвалида белгиланган миқдордан камайтирилса, «Ўзбекэнерго» АЖ блок-станция тегишли бўлган саноат ва идоравий мансуб истеъмолчилар бўйича қувватни блок-станция юкламани камайтирган миқдорда чеклаш жорий қилиш ҳуқуқига эга, блок-станция юкламасининг камайтишига форс-мажор ҳолатлар сабаб бўлган ҳолатлар бундан мустасно.

163. Ягона электр энергетика тизимида етказиб бериладиган, шунингдек, ҳудудий электр тармоқлари корхонасидан олинладиган актив электр энергияси блок-станция томонидан баланс бўйича мансублик чегарасининг бўлинишида ўрнатилган, актив электр энергиясини қабул қилиш ва етказиб беришни алоҳида қайд этадиган ҳисобга олиш приборлари ёрдамида ҳисобга олинади.

Блок-станцияга тегишли бўлган электр тармоғи хўжалигининг объектларида электр энергиясини ягона электр энергетика тизимида етказиб беришда ҳамда ҳудудий электр тармоқлари корхоналаридан олишда электр энергиясининг технологик сарфлари блок-станцияга ҳисобига тегишли бўлади.

164. Блок-станцияга эга бўлган истеъмолчи:

«Ўзбекэнерго» АЖ билан — ягона электр энергетика тизимида етказиб берилган электр энергияси учун;

ҳудудий электр тармоқлари билан — ҳудудий электр тармоқлари корхонаси ва блок-станцияга эга истеъмолчи ўртасида тузилган электр таъминоти шартномаси асосида олинган электр энергияси учун ҳисоб-китоб қилади.

165. Етказиб бериладиган ва истеъмол қилинадиган электр энергияси учун блок-станциялар билан ҳисоб-китоб белгиланган тартибда тасдиқланган тарифлар бўйича амалга оширилади.

166. Ҳисоб-китоб даврида ягона электр энергетика тизимида блок-станция айби билан тўлиқ етказиб берилмаган электр энергияси шартномада белгиланган электр энергияси ҳажми ва ягона электр энергетика тармоғига амалда етказиб берилган электр энергияси ҳажми ўртасидаги тафовут бўйича аниқланади.

167. Блок-станция форс-мажор ҳолатлар туфайли электр энергияси етказиб беришдаги танаффуслар учун жавоб бермайди.

16-боб. Яқунловчи қоида

168. Электр энергияси истеъмолчилари, ҳудудий электр тармоқлари корхонаси, электр энергияси учун тўловларни йиғиш функцияларини амалга оширувчи хусусий операторларнинг мансабдор шахслари ва Бюро мазкур Қоидаларни бузганлик учун қонун ҳужжатларига мувофиқ жавобгар бўлади.

4.9. Иссиқлик тизимига уланиш бўйича давлат хизмати

Юридик ва жисмоний шахсларни иссиқлик таъминоти тармоқларига улаш бўйича давлат хизматлари кўрсатишнинг МАЪМУРИЙ РЕГЛАМЕНТИ

*(Ўзбекистон Республикаси Вазирлар Маҳкамасининг
2018 йил 31 мартдаги 256-сон қарори билан тасдиқланган)*

1-боб. Умумий қоидалар

1. Ушбу Регламент юридик ва жисмоний шахсларни (кейинги ўринларда истеъмолчилар деб аталади) иссиқлик таъминоти тармоқларига улаш тартибини белгилайди.

2. Ушбу Регламентнинг амал қилиши янги ёки амалдаги объектларда шартномавий ўлчамларга нисбатан иссиқлик юкламаси ўзгарганда (ортганда ёки камайганда) реконструкция қилинаётган иссиқликдан фойдаланиш қурилмалари ва иссиқлик тармоқларини улашга татбиқ этилади.

3. Иссиқлик энергиясини иссиқлик таъминоти шартномасини тузмасдан етказиб бериш тақиқланади.

4. Истеъмолчиларни иссиқлик таъминоти тармоқларига улаш жараёни қуйидагиларни назарда тутати:

техник шартларни ишлаб чиқиш;

иссиқлик таъминоти лойиҳасини ишлаб чиқиш ва келишиш;

қурилиш-монтаж ва созлаш-ишга тушириш ишларини амалга ошириш;

истеъмолчиларнинг иссиқликдан фойдаланиш қурилмалари ва иссиқлик тармоқларинини ишга тушириш учун рухсатнома бериш;

иссиқлик энергиясини ҳисобга олиш приборини пломбалаш;

иссиқлик таъминоти шартномасини тузиш;

иссиқлик энергиясини етказиб бериш.

5. Истеъмолчиларни иссиқлик таъминоти тармоқларига улаш жараёнини амалга оширишда:

а) иссиқлик таъминоти корхонаси:

техник шартларни ишлаб чиқади;

қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

иссиқлик таъминоти лойиҳасини техник шартларга мувофиқлик юзасидан келишади;

иссиқлик энергиясини ҳисобга олиш приборини пломбалайди;

иссиқлик таъминоти шартномасини тузади;

иссиқлик энергиясини етказиб беришни амалга оширади;

б) лойиҳалаш, қурилиш-монтаж ва созлаш-ишга тушириш ташкилотлари лойиҳалаш, қурилиш-монтаж ва созлаш-ишга тушириш ишларини амалга оширади (истеъмолчининг ихтиёрига кўра);

в) Ўзбекистон Республикаси Электр энергетикада назорат бўйича давлат инспекцияси (кейинги ўринларда «Ўздавэнергоназорат» ДИ деб аталади) истеъмолчиларнинг иссиқликдан фойдаланиш қурилмалари ва иссиқлик тармоқларинини ишга тушириш учун рухсатнома беради.

6. Давлат хизматлари марказлари, «Ўздавэнергоназорат» ДИ, иссиқлик таъминоти корхоналари, лойиҳалаш, қурилиш-монтаж ва созлаш-ишга тушириш ташкилотлари ўртасида ахборот алмашинуви электрон рақамли имзони (кейинги ўринларда ЭРИ деб

аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. Истеъмолчиларни иссиқлик таъминоти тармоқларига улаш ушбу Регламентга 1-иловага мувофиқ схема бўйича амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

8. Истеъмолчилар иссиқлик таъминоти тармоқларига уланиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

9. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 2-иловага мувофиқ давлат хизматларидан фойдаланиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа хужжатларни тақдим этишни талаб қилиш қатъиян тақиқланади.

10. Истеъмолчи зарур маълумотларни расмийлаштиргандан ва сўровномага киритганидан сўнг уни ўз ЭРИ билан тасдиқлайди.

Давлат хизматлари маркази ходимлари ва ЯИДХП истеъмолчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари истеъмолчилар ЭРИни жойнинг ўзида олишлари учун барча зарур шароитларни таъминлашга мажбурдир.

11. Давлат хизматларини кўрсатиш учун энг кам ойлик иш ҳақининг 10 фоизи миқдорида йиғим ундирилади.

Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тенг миқдорда «Ўздавэнергоназорат» ДИ ва иссиқлик таъминоти корхонасининг банк ҳисоб рақамларига ўтказилади.

13. Истеъмолчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматларини кўрсатиш учун йиғимни тўламаслик давлат хизматлари кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

14. Истеъмолчи давлат хизматларидан фойдаланишдан у кўрсатилишининг ҳар қандай босқичида бош тортиш ҳуқуқига эга.

Истеъмолчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни иссиқлик таъминоти корхонасига техник шартларни ишлаб чиқиш учун юборади.

ЯИДХП орқали мурожаат қилинганда сўровнома автоматик тарзда иссиқлик таъминоти корхонасига техник шартларни ишлаб чиқиш учун юборилади.

2-§. Техник шартларни ишлаб чиқиш ва бериш, шунингдек, тижорат таклифлари ва шартномалар лойиҳаларини тақдим этиш

16. Иссиқлик таъминоти корхонаси сўровнома тушганидан сўнг уч иш куни мобайнида техник шартларни ишлаб чиқади ва электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) юборади ёхуд уларни ишлаб чиқишни рад этади.

Иссиқлик таъминоти корхонаси қурилиш-монтаж ва созлаш-ишга тушириш ишларини амалга ошириш бўйича ўзининг тижорат таклифларини ҳамда шартномалар лойиҳаларини ҳам юбориши мумкин.

Ўзи келиб мурожаат этганда, Давлат хизматлари маркази техник шартлар ҳамда иссиқлик таъминоти корхонасининг қурилиш-монтаж ва созлаш-ишга тушириш ишларини амалга ошириш бўйича тижорат таклифлари ва шартномалар лойиҳалари тушганидан сўнг бир соат мобайнида техник шартларга ўзининг муҳрини босиб, истеъмолчига беради.

17. Уланиш ёки мавжуд иссиқлик юкламаларини оширишнинг техник имконияти мавжуд эмаслиги техник шартларни ишлаб чиқишни рад этиш учун асос бўлади.

Бошқа асосларга кўра техник шартларни ишлаб чиқишни рад этиш қатъиян тақиқланади.

18. Ишлаб чиқилган техник шартлар истеъмолчининг алоқа қилинадиган маълумотлари илова қилинган ҳолда лойиҳалаш, қурилиш-монтаж ва созлаш-ишга тушириш ишларини амалга ошириш бўйича ўзларининг тижорат таклифлари ва шартномалар лойиҳаларини тақдим этиши мақсадида лойиҳалаш, қурилиш-монтаж ва созлаш-ишга тушириш ташкилотларининг танишиши учун ЯИДХПда жойлаштирилади.

3-§. Истеъмолчиларни иссиқлик таъминоти тармоқларига улаш

19. Иссиқлик таъминоти лойиҳасини ишлаб чиқиш учун истеъмолчилар лойиҳалаш ташкилотлари билан лойиҳалаш ишларини бажаришга шартномалар тузади.

20. Лойиҳалаш ишлари лойиҳалаш ишларини бажариш бўйича шартномаларда белгиланган муддатларда амалга оширилади.

21. Лойиҳалаш ташкилоти лойиҳалаш ишларини амалга оширганидан сўнг ЯИДХПда ушбу Регламентга 3-иловага мувофиқ шакл бўйича сўровномани тўлдиради ва ўзининг ЭРИ билан тасдиқлайди.

Сўровномага иссиқлик таъминоти лойиҳаси электрон шаклда илова қилинади.

Лойиҳалаш ташкилотидан ушбу бандда кўрсатилмаган ҳужжатлар ва маълумотларни тақдим этишни талаб этиш қатъиян тақиқланади.

Сўровнома иссиқлик таъминоти лойиҳасини келишиш учун иссиқлик таъминоти корхонасига автоматик тарзда юборилади.

22. Иссиқлик таъминоти корхонаси сўровнома тушганидан сўнг уч иш куни мобайнида иссиқлик таъминоти лойиҳасини келишади ёки келишишни рад этади.

Иссиқлик таъминоти лойиҳасини келишиш уни иссиқлик таъминоти корхонасининг ЭРИ билан тасдиқлаш орқали амалга оширилади.

23. Иссиқлик таъминоти лойиҳасининг техник шартлар талабларидан четга чиқиши иссиқлик таъминоти лойиҳасини келишишни рад этишга асос бўлади.

Бошқа сабабларга кўра иссиқлик таъминоти лойиҳасини келишишни рад этиш қатъиян тақиқланади.

Иссиқлик таъминоти лойиҳасини келишишни рад этиш учун асос бўлган сабаблар лойиҳалаш ташкилоти томонидан бартараф этилган тақдирда, қайта келишиш такрорий сўровнома тушганидан сўнг бир иш кунидан ошмаган муддатда амалга оширилади.

Иссиқлик таъминоти лойиҳасини такроран кўриб чиқишда иссиқлик таъминоти корхонаси томонидан аввалги рад этиш асосларида баён этилмаган сабабларнинг

келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

24. Келишилган иссиқлик таъминоти лойиҳаси у келишилган кунда электрон шаклда иссиқлик таъминоти корхонаси томонидан лойиҳалаш ташкилотига ЯИДХП орқали юборилади.

25. Иссиқлик таъминоти тармоқларига улаш бўйича қурилиш-монтаж ва созлаш-ишга тушириш ишларини амалга ошириш учун истеъмолчилар иссиқлик таъминоти корхоналари ёки бошқа қурилиш-монтаж ва созлаш-ишга тушириш ташкилотлари билан тегишли шартномалар тузиш ҳуқуқига эга.

26. Қурилиш-монтаж ва созлаш-ишга тушириш ишлари қурилиш-монтаж ва созлаш-ишга тушириш ишларини амалга ошириш бўйича шартномаларда белгиланган муддатларда амалга оширилади.

4-§. Истеъмолчиларнинг иссиқликдан фойдаланиш қурилмалари ва иссиқлик тармоқларини ишга тушириш учун рухсат бериш

27. Қурилиш-монтаж ва созлаш-ишга тушириш ташкилотлари қурилиш-монтаж ва созлаш-ишга тушириш ишларини тугатгандан сўнг ЯИДХПда ушбу Регламентга 4-иловага мувофиқ шакл бўйича сўровномани тўлдиради ва ўзининг ЭРИ билан тасдиқлайди.

Сўровномага ушбу Регламентга 5-иловада кўрсатилган ҳужжатлар рўйхатига мувофиқ ҳужжатлар электрон шаклда илова қилинади.

Қурилиш-монтаж ва созлаш-ишга тушириш ташкилотларидан ушбу бандда кўрсатилмаган маълумотлар ва ҳужжатларни талаб қилиш қатъиян тақиқланади.

Сўровнома истеъмолчиларнинг иссиқликдан фойдаланиш қурилмалари ва иссиқлик тармоқларинини ишга тушириш учун рухсат бериш учун «Ўздавэнергоназорат» ДИга автоматик тарзда юборилади.

28. «Ўздавэнергоназорат» ДИ жойнинг ўзига чиқиб қурилиш-монтаж ва созлаш-ишга тушириш ишлари қонун ҳужжатларида белгиланган талаблар ва техник шартларга мувофиқлигини ўрганади, шунингдек, иссиқликдан фойдаланиш қурилмаларини соз ҳолда сақлашга тайёрланган иссиқлик-техник ходимларнинг мавжудлигини текширади.

29. «Ўздавэнергоназорат» ДИ сўровнома тушганидан сўнг беш иш куни мобайнида иссиқликдан фойдаланиш қурилмаларини ишга тушириш учун рухсатнома беради ёки уни беришни рад этади.

Иссиқликдан фойдаланиш қурилмаларини ишга тушириш учун рухсатнома «Ўздавэнергоназорат» ДИ томонидан Ўзбекистон Республикаси Адлия вазирлиги билан келишган ҳолда тасдиқланадиган электрон шаклда расмийлаштирилади ва «Ўздавэнергоназорат» ДИнинг ЭРИ билан тасдиқланади.

30. Такдим этилган ҳужжатларда ишончсиз ёки нотўғри маълумотларнинг мавжудлиги, истеъмолчиларнинг иссиқликдан фойдаланиш қурилмалари монтажда камчиликлар, техник шартлар талабларидан четга чиқиш ҳолатлари аниқланиши, шунингдек, иссиқликдан фойдаланиш қурилмаларини соз ҳолда сақлашга тайёрланган иссиқлик-техник ходимларнинг мавжуд эмаслиги рухсатнома беришни рад этишга асос бўлади.

Бошқа сабабларга кўра иссиқликдан фойдаланиш қурилмаларини ишга тушириш учун рухсатнома беришни рад этиш қатъиян тақиқланади.

Рад этиш учун асос бўлган сабаблар қурилиш-монтаж ва созлаш-ишга тушириш ташкилотлари томонидан бартараф этилган тақдирда, иссиқликдан фойдаланиш қурилмаларини ишга тушириш учун рухсатнома бериш такрорий сўровнома тушганидан сўнг икки иш кунидан ошмаган муддатда амалга оширилади.

Рухсатнома бериш масаласини такроран кўриб чиқишда «Ўздавэнергоназорат» ДИ томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

31. Иссиқликдан фойдаланиш қурилмаларини ишга тушириш учун рухсатнома у берилган кунда электрон шаклда «Ўздавэнергоназорат» ДИ томонидан қурилиш-монтаж ва созлаш-ишга тушириш ташкилотларига ЯИДХП орқали юборилади.

5-§. Иссиқлик энергиясини ҳисобга олиш приборини пломбалаш, иссиқлик таъминоти шартномасини тузиш ва иссиқлик энергиясини етказиб бериш

32. Иссиқлик энергиясини ҳисобга олиш приборини пломбалаш ва иссиқлик таъминоти шартномасини тузиш истеъмолчиларнинг иссиқликдан фойдаланиш қурилмалари ва иссиқлик тармоқларини ишга тушириш учун рухсатнома берилгандан сўнг амалга оширилади.

33. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 6-иловага мувофиқ иссиқлик энергиясини ҳисобга олиш приборини пломбалаш ва иссиқлик таъминоти шартномасини тузиш учун сўровномани электрон тарзда тўлдиради.

Истеъмолчилардан ушбу бандда кўрсатилмаган маълумотларни, шунингдек, бошқа хужжатларни тақдим этишни талаб қилиш қатъиян тақиқланади.

34. Истеъмолчи зарур маълумотларни расмийлаштиргандан ва сўровномага киритганидан сўнг уни ўз ЭРИ билан тасдиқлайди.

35. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни иссиқлик таъминоти корхонасига иссиқлик энергиясини ҳисобга олиш приборини пломбалаш ва иссиқлик таъминоти шартномасини тузиш учун юборади.

ЯИДХП орқали мурожаат қилинганда сўровнома автоматик тарзда иссиқлик таъминоти корхонасига иссиқлик энергиясини ҳисобга олиш приборини пломбалаш ва иссиқлик таъминоти шартномасини тузиш учун юборилади.

36. Иссиқлик таъминоти корхонаси сўровнома тушган кундан бошлаб икки иш куни мобайнида жойнинг ўзига чиқиб иссиқлик энергиясини ҳисобга олиш приборини пломбалашни амалга оширади.

37. Иссиқлик таъминоти корхонаси иссиқлик энергиясини ҳисобга олиш прибори пломбаланган куннинг ўзида электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) пломбалаш ўтказилганлиги тўғрисида маълумотлар кўрсатилган расмийлаштирилган иссиқлик таъминоти шартномасини юборади.

38. Давлат хизматлари маркази расмийлаштирилган иссиқлик таъминоти шартномаси тушганидан сўнг бир соат ичида бу ҳақида истеъмолчини ахборот-коммуникация тизимлари орқали хабардор қилади.

39. Истеъмолчи расмийлаштирилган иссиқлик таъминоти шартномаси тушганидан сўнг беш иш куни мобайнида уни ўзининг ЭРИ билан тасдиқлайди.

Истеъмолчи томонидан тасдиқланган иссиқлик таъминоти шартномаси иссиқлик таъминоти корхонасига Давлат хизматлари маркази томонидан (ўзи келиб мурожаат этганда) ёки истеъмолчи томонидан ЯИДХП орқали (электрон шаклда мурожаат қилинганда) юборилади.

40. Истеъмолчи иссиқлик таъминоти шартномасини тасдиқлашдан бош тортганда ёки у белгиланган муддатда юборилмаганда иссиқлик таъминоти шартномаси тузилмаган ҳисобланади.

41. Иссиқлик энергиясини етказиб бериш иссиқлик таъминоти корхонаси томонидан қуйидаги тартибда амалга оширилади:

қонун ҳужжатларида олдиндан тўловни амалга ошириши назарда тутилган истеъмолчилар учун — истеъмолчи томонидан олдиндан тўлов амалга оширилган куни;

қонун ҳужжатларида олдиндан тўловни амалга ошириши назарда тутилмаган истеъмолчилар учун — истеъмолчи томонидан тасдиқланган шартнома олинган куни.

42. Улаш қонун ҳужжатларида белгиланган тартибда амалга оширилади.

3-боб. Якунловчи қоидалар

43. Техник шартларни, шу жумладан, қўшимча техник шартларни ишлаб чиқиш, бериш, иссиқлик таъминоти лойиҳаларини келишиш, иссиқликдан фойдаланиш қурилмаларини ишга тушириш учун рухсатномалар бериш ва иссиқлик энергиясини ҳисобга олиш приборини пломбалаш тўлов ундирилмаган ҳолда амалга оширилади, давлат хизматлари кўрсатилганлиги учун йиғим ундирилиши бундан мустасно.

44. Давлат хизматлари марказлари, иссиқлик таъминоти корхоналари, «Ўздавэнергоназорат» ДИ, лойиҳалаш, қурилиш-монтаж ва созлаш-ишга тушириш ташкилотлари ўз фаолиятини амалга ошириши натижасида олинган истеъмолчи ҳақидаги маълумотларнинг махфийлигини таъминлаши керак.

45. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадilar.

46. Истеъмолчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

47. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

*Вазирлар Маҳкамасининг 2014 йил
15 июлдаги 194-сон қарорига
1-ИЛОВА*

Кўп квартирали уйларда иссиқлик таъминоти хизматлари кўрсатиш ҚОИДАЛАРИ

I. Умумий қоидалар

1. Ушбу Қоидалар иссиқлик таъминоти ташкилотлари — иссиқлик энергиясини етказиб берувчилар билан кўп квартирали уйлардаги иссиқлик энергияси истеъмолчилари, шунингдек иссиқлик таъминоти жараёнига жалб қилинган манфаатдор томонлар ўртасидаги ўзаро муносабатларни тартибга солади, уларнинг ҳуқуқлари, мажбуриятлари ва жавобгарликларини, улар ўртасида шартномалар тузиш ва иссиқлик сифатини назорат қилиш тартибини белгилайди.

2. Ушбу Қоидаларда қуйидаги асосий тушунчалардан фойдаланилади:

авария — иссиқлик таъминотининг тўхтатилишига ёхуд ҳажмининг пасайишига ва иссиқлик таъминоти хизматлари сифатига таъсир кўрсатишга олиб келган иссиқлик таъминоти тизимларининг бузилиши ёки ишдан чиқиши;

иситиш ва иссиқ сув таъминотининг уй ичидаги тизими — иссиқлик таъминоти хизматлари кўрсатиш учун мўлжалланган ва кўп квартирали уйнинг умумий фойдаланиладиган ички ва ташқи жойларидаги муҳандислик коммуникациялари ва асбоб-

ускуналар (шу жумладан иссиқлик пунктлари), шу жумладан иситиш ва иссиқ сув таъминотининг квартира ичидаги тик қувурлари, шунингдек иситиш ва (ёки) иссиқ сув таъминоти хизматларини бажарувчи томонидан ишларни бажариш ва хизматлар кўрсатиш учун тик қувурлар (марказлаштирилган иситиш ва ёки иссиқ сув таъминоти мавжуд бўлмаганда);

квартира ичидаги асбоб-ускуна — кўп квартирали уйнинг турар жой ёки нотурар жой хонасидаги ва кўп квартирали уйнинг иситиш ва иссиқ сув таъминоти уй ичидаги тизимлари таркибига кирмайдиган улардан фойдаланилган ҳолда иссиқлик таъминоти хизматларидан фойдаланиладиган муҳандислик коммуникациялари, механик, санитария-техник ускуна ва бошқа асбоб-ускуна (тармоқлар, жўмраклар ва иссиқ сув учун мўлжалланган аралаштиргичлар, радиаторлар ва шу кабилар);

иссиқ сув таъминоти — кўп квартирали уйларда Истеъмолчиларни тармоқни турар жой ва нотурар жой хонасига улаш бўйича зарур ҳажмларда бериладиган зарур сифатга эга бўлган иссиқ сув билан кеча-кундуз таъминлаш;

иссиқлик тармоғи ва фойдаланиш жавобгарлигининг баланс мансублилик чегараси (кейинги ўринларда баланс мансублилик чегараси деб аталади) — иссиқлик тармоғининг баланс мансублилиги билан белгиланадиган иссиқлик тармоқларидан фойдаланилганлиги учун жавобгарлик (мажбурият) белгиси бўйича иссиқлик тармоқларининг ажралиш линияси;

турар жой хонаси — белгиланган санитария, ёнғинга қарши, техник талабларга жавоб берадиган, фуқароларнинг доимий яшашига, шунингдек ихтисослаштирилган уйлар (ётоқхоналар, маневрлаштирилган турар жой фонди уйлари, ногиронлар, фахрийлар, ёлғиз кексалар учун интернат-уйлар, шунингдек болалар уйлари ва махсус мўлжалланган бошқа уйлар) сифатида белгиланган тартибда фойдаланиш учун мўлжалланган хона;

иссиқ сувни индивидуал ҳисобга олиш асбоблари (кейинги ўринларда индивидуал ҳисобга олиш асбоби деб аталади) — иссиқ сувнинг (унинг ҳарорати 50-75о С доирасида бўлиши керак) реал ҳажмини ёки унинг кўрсаткичлари бўйича Истеъмолчи иссиқ сув таъминоти хизматлари учун Етказиб берувчи билан ўзаро ҳисоб-китоб қиладиган техника хавфсизлиги, фойдаланиш, таъмирлашга яроқлилиқ, ўзаро алмаштириш, қурилмалар индикаторларига эркин яқинлашиш бўйича техник шартлар талабларини қондирадиган сувнинг турли миқдор оқимларини ўлчаш учун зарур ва етарли градациялар бўйича ишлаб чиқариладиган Ўзбекистон Республикасида қабул қилинган ўлчов бирликларида ифодаланган шкалага эга бўлган қувур кесими орқали ўтадиган иссиқ сувдаги иссиқлик энергияси ҳисобининг сифат (миқдор) ҳисобини амалга оширувчи ўлчов воситаси;

Ижро этувчи — ташкилий-ҳуқуқий шаклидан қатъи назар, иситиш ва иссиқ сув таъминоти тизимларидан фойдаланган ҳолда Истеъмолчиларга иссиқлик таъминоти хизматлари кўрсатиладиган уй ичидаги тизимларга хизмат кўрсатиш ва уларнинг техник ҳолати учун жавоб берувчи юридик шахс;

алоқа боғлаш йўллари — кўп квартирали уйларда Етказиб берувчи томонидан, шу жумладан телефон, электрон почта бўйича, Интернет-сайтлар орқали (коммунал соҳа учун ихтисослаштирилган сайтлар, маҳаллий давлат ҳокимияти органларининг сайтлари) ташкил этиладиган ва сақланадиган Етказиб берувчи ва Ижро этувчи (Истеъмолчи) ўртасидаги алоқа боғлаш йўллари, шунингдек алоқа боғлаш ва Ижро этувчиларни (Истеъмолчиларни) хабардор қилиш учун кўп квартирали уйлардаги Истеъмолчилар учун қулай бўлган бошқа алоқа боғлаш шакллари;

иссиқлик энергиясини истеъмол қилишнинг норматив ҳажми — кўп квартирали уйларда индивидуал ҳисобга олиш асбоблари мавжуд бўлмаганда иссиқлик энергиясидан фойдаланганлик учун тўлов миқдорини аниқлашда фойдаланиладиган Истеъмолчи томонидан иссиқлик энергияси истеъмоли ҳажми (сарфи);

иссиқлик энергиясини уй бўйича умумий ҳисобга олиш асбоби (кейинги ўринларда уй бўйича умумий ҳисобга олиш асбоби деб аталади) иссиқлик берувчи ва тескари қувурлар орқали ўтадиган, берилган иссиқлик энергиясини ва иссиқлик манбаини ўлчаш учун мўлжалланган ўлчов воситаси, Ижро этувчи, кўп квартирали уйдаги хоналарнинг мулкдорлари (бундай уй бевосита бошқарилган тақдирда) истеъмол қилинган иссиқлик энергияси учун Етказиб берувчи билан унинг кўрсаткичлари бўйича ўзаро ҳисоб-китоб қилади;

иситиш — уланган тармоқ орқали иситиладиган турар жой хонасида ҳаво ҳароратининг меъёрини сақлаш;

иситиладиган майдон — турар жой хоналарининг умумий майдони. Иситиш асбоблари (иситиладиган юзалар билан) ёки иссиқлик таъминотининг уй ички тизимларига уланган хоналарга бирлаштирилган ҳолда қайта режалаштирилган (иситиладиган юзалар билан) пешайвонлар, балконлар, айвонлар ва террасалар майдони иситиладиган майдон ҳажмига киради;

режали узиб қўйиш — Ижро этувчи ва Истеъмолчи билан белгиланган тартибда олдиндан келишилган ва хабардор қилинган ҳолда режали-огоҳлантирувчи таъмирлаш жадвали бўйича иссиқлик тармоқларини Етказиб берувчи томонидан таъмирлаш ва профилактика ишларини бажариш учун иситишлар оралиғи даврида Истеъмолчига иссиқлик энергияси етказиб беришни тўлиқ ёки қисман тўхтатиб қўйиш.

Етказиб берувчи — иссиқлик таъминоти шартномаси асосида иссиқлик энергиясини тақсимлаш ва сотиш ҳуқуқига эга бўлган юридик шахс;

Истеъмолчи — кўп квартирали уйда иссиқлик таъминоти шартномаси бўйича ёки бошқа қонуний асосда хонага мулк эгаси ҳуқуқидан фойдаланувчи, иссиқлик таъминоти шартномаси бўйича иссиқлик таъминоти хизматларидан фойдаланувчи юридик ёки жисмоний шахс;

профессионал бошқарувчи ташкилот (кейинги ўринларда бошқарувчи ташкилот деб аталади) — ташкилий-ҳуқуқий шаклидан қатъи назар, кўп квартирали уйни бошқариш шартномаси асосида кўп квартирали уйни бошқарувчи юридик шахс;

лойиҳалаш ҳужжатлари — иссиқлик таъминоти тизимларига улаш лойиҳасининг техник шартларига мувофиқ лицензияга эга бўлган лойиҳа ташкилоти томонидан ишлаб чиқиладиган ҳужжатлар;

ҳисоб-китоб даври — иссиқлик энергияси истеъмоли ҳажми (сарфи) аниқланиши керак бўлган вақт даври. Ҳисоб-китоб даври календарь ойга тенг этиб белгиланади;

иссиқлик таъминоти тизими — технологик жиҳатдан иссиқлик тармоқларига уланган иссиқлик энергияси манбалари ва иссиқлик истеъмоли тизимлари мажмуи;

хоналарнинг мулкдорлари — кўп квартирали уйда қонун ҳужжатларига мувофиқ турар жой ёки нотурар жойга мулкчилик ҳуқуқига эга бўлган жисмоний ёки юридик шахс;

иссиқлик таъминоти — турар жой ва нотурар жой хоналар мулкдорларининг иситиш ва иссиқ сув таъминоти тизимларини иссиқ сув (иссиқлик манбаи) билан таъминлаш;

иссиқлик пункти(элеватор боғламаси) — қуйидагилар учун мўлжалланган боғлама:

иссиқликдан истеъмол (иситиш, иссиқ сув таъминоти) турларига қараб иссиқлик манбаини тақсимлаш;

иссиқлик манбаи параметрларини, иссиқликни истеъмол қилиш режимини ҳисобга олиш ва назорат қилиш;

тезкор қайта улашларни амалга ошириш.

техник шартлар — марказлаштирилган коммунал иситиш тизимига уланиш учун иссиқлик билан таъминлаш ташкилотлари томонидан бериладиган рухсатнома.

3. Ушбу Қоидалар Ўзбекистон Республикасининг барча ҳудудида амал қилади ҳамда мулкчилик шакллари ва идоравий мансублигидан қатъи назар, иссиқлик таъминотининг барча ташкилотлари Хусусий уй-жой мулкдорлари ширкатлари,

бошқарувчи ташкилотлар ва иссиқлик энергияси истеъмолчилари учун мажбурийдир, улар Истеъмолчилар томонидан коммунал-маиший эҳтиёжлар учун иссиқлик энергиясидан фойдаланиш билан боғлиқ муносабатларга татбиқ этилади.

4. Етказиб берувчи иситиш учун иссиқлик энергияси етказиб бериш ва иссиқ сув билан таъминлашга Истеъмолчилар билан иссиқлик таъминоти шартномаси тузади ҳамда иссиқлик тармоғининг баланс мансублилиги чегарасида иссиқлик энергияси бериш режими ва сифати учун жавоб беради.

Кўп квартирали уйларда коммунал хизматлар Истеъмолчисининг номидан шартнома Ижро этувчи (уй-жой фондидан фойдаланувчи юридик шахс — хусусий уй-жой мулкдорлари ширкати, бошқарувчи ташкилот ва бошқалар) томонидан тузилиши мумкин.

5. Иситиш ва иссиқ сув таъминоти уй ичидаги тизимларга, шу жумладан иссиқлик пунктига (элеватор боғламасига) техник хизмат кўрсатиш Ижро этувчи (хусусий уй-жой мулкдорлари ширкати, бошқарувчи ташкилот ва шу кабилар) билан тузилган шартнома бўйича, тўлов асосида Етказиб берувчи ёки бошқа ташкилот томонидан амалга оширилади.

6. Иссиқлик таъминоти шартномасини тузиш учун Истеъмолчилар қуйидаги ҳужжатларни тақдим этиши керак:

турар жой ёки нотурар хонанинг мулкдори шахсини тасдиқловчи ҳужжат;

кўп квартирали уйда хонанинг мулкдори (фойдаланиш) ҳуқуқини тасдиқловчи ҳужжат ва ушбу ҳуқуқ пайдо бўлган сана;

ички ишлар бўлими паспорт бўлинмасидан берилган маълумотнома (ф-17) ёки уй дафтаридан кўчирма;

юридик шахс давлат рўйхатидан ўтказилганлиги ҳақидаги гувоҳнома (нотурар хонанинг мулкдори учун);

иссиқлик таъминоти тизимларига уланиш учун лойиҳа ҳужжатлари (нотурар хонанинг мулкдори учун);

7. Иссиқлик таъминоти шартномасида қуйидагилар назарда тутилади:

истеъмол ва иссиқлик энергияси сифати кўрсаткичларининг белгиланган режимларига риоя қилиш шартлари ва томонларнинг мажбуриятлари;

баланс мансублилик чегаралари;

иссиқлик энергияси билан таъминлашни тўхтатиш ёки чеклаш шартлари;

ҳақ тўлаш тартиби, вақти, тарифлар ва шартлар;

истеъмолчига иссиқлик энергиясини етказиб бермаган ёки тўлиқ ҳажмда етказиб берилмаган ҳолларда тўловларни қайта ҳисоб-китоб қилиш;

ҳисобга олиш асбоблари бўйича маълумотлар (иссиқ сувни индивидуал ҳисобга олиш асбобининг тури);

иссиқлик энергиясини бериш ва истеъмол қилишнинг асосий шартлари;

томонларнинг ҳуқуқ ва мажбуриятлари;

томонларнинг жавобгарлиги;

низоларни ҳал этиш тартиби;

томонларнинг реквизи́тлари;

қонун ҳужжатларига зид бўлмаган бошқа шартлар.

8. Иссиқлик таъминоти шартномасини тузиш, ўзгартириш, бекор қилиш ёки унинг амал қилиш муддатини узайтириш билан боғлиқ масалаларни ҳал этишда томонлар қонун ҳужжатларига ва ушбу Қоидаларга амал қиладилар.

9. Ижро этувчи томонидан иситиш ва иссиқ сув таъминотининг уй ичидаги тизимни фойдаланиш учун техник жиҳатдан яроқли ҳолатда сақлаш шarti билан Етказиб берувчи Истеъмолчига сифатига кўра стандартлаштириш бўйича норматив ҳужжатлар талабларига, санитария нормалари ва қоидаларига ҳамда иссиқлик таъминоти шартномаси шартларига мувофиқ бўлган иссиқлик таъминоти бўйича хизматлар кўрсатиши шарт.

10. Кўп квартирали уйда хоналар мулкдорларининг умумий мулки таркибига кирувчи уй ичидаги иситиш ва иссиқ сув таъминоти тизимларининг тайёрлигини таъминлаш Ижро этувчига ёки кўп квартирали уйда хоналарнинг мулкдорларига (ушбу уй бевосита бошқарилган тақдирда) юкланади.

11. Иситиш ва иссиқ сув таъминоти тизимларининг техник ҳолати ва улардан фойдаланишга, асбоб-ускуналарга, асбобларга қўйиладиган талаблар, уларга риоя этилишини назорат қилиш коммунал хизмат кўрсатиш соҳасидаги қонун ҳужжатлари билан белгиланади.

12. Истеъмол хоссалари ва иссиқлик таъминоти хизматлари кўрсатиш режими белгиланган меъёрларга мувофиқ бўлиши керак, яъни:

иситиш бўйича — белгиланган тартибга кўра хоналарни иситиш бўйича чоратадбирларни (деразалар, балконлар ва кириш эшикларининг даҳлизларини зичлаштириш, иситиш тагсинчларини изоляциялаш) бажариш шарти билан иситиш мавсуми даврида 1995 йилгача қурилган кўп қаватли турар жой хоналаридаги ҳарорати камида 20° С, агар кўп қаватли уйлардаги иссиқлик тизими реконструкция қилинмаган бўлса — турар жой хоналаридаги ҳарорат камида 18° С бўлиши лозим;

иссиқ сув таъминоти бўйича — иссиқ сув таъминотининг марказлаштирилган тизимларини назорат қилишнинг санитария қоидаларига мувофиқ сув олиш жойларида иссиқ сувнинг ҳарорати 50 — 75° С бўлиши керак.

Бунда:

сувнинг эпидемия хавфсизлиги;

сувнинг қулай органолептик хоссалари;

сувнинг инсон организмига зарарли таъсирининг олдини олиш бўйича иссиқ сув таъминотининг марказлаштирилган тизимларини назорат қилишнинг санитария қоидалари талабларининг бажарилиши таъминланиши керак.

13. Хоналарни иситиш эҳтиёжлари учун иссиқлик энергиясини беришда Етказиб берувчи иситиш даврини Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан белгиланган муддатларда бошлайди ва тамомлайди.

Иситиш даври ташқи ҳавонинг ўртача суткалик ҳарорати 8°Сдан паст бўлган 5 кунлик давр тамом бўлган кундан кейинги кундан бошланиши, 8°С юқори бўлганда эса тамомланиши керак.

14. Турар жой хоналарини иситиш тизими иссиқлик таъминоти соҳасидаги норматив-техник ҳужжатлар талабларига мувофиқ бўлиши ҳамда улардан турар жой фондидан техник фойдаланиш қоидалари ва нормалари талабларига мувофиқ фойдаланилиши керак.

15. Қуйидагилар:

кўп квартирали уйларнинг айрим турар жой ва нотурар жой хоналарини иситишнинг ушбу тизимларини иссиқлик жиҳатидан ва гидравлик қайта тартибга солмаслик учун иситиш ва иссиқ сув таъминотининг уй ичидаги тизимидан узиш;

иситиш асбобларига қўшимча секцияларни бирлаштириш ёки улар сонини камайтириш, шунингдек қайта жиҳозлаш бўйича талабларга риоя этмасдан иситиш учун радиаторларнинг камгайгини олиб ташлаш ва иситиш ҳамда санитария-техник асбоблар жойини ўзгартириш тақиқланади.

16. Истеъмолчи иссиқлик энергияси тўлиқ узиб қўйилиши ва иссиқлик таъминоти хизматлари кўрсатишдаги танаффус тўғрисида ёзма шаклда огоҳлантирилади (кўп квартирали уйнинг барча кириш жойларидаги эълонлар тахтасига ёки кўп квартирали уй жойлашган ер участкаси доирасида эълон жойлаштириш, шунингдек танаффуслар вақти кўрсатилган ҳолда оммавий ахборот воситалари орқали).

17. Одамларнинг хавфсизлигини таъминлайдиган ишларни бажариш мақсадида иссиқлик тармоқларидаги ёхуд иссиқлик энергияси манбаларидаги ёки иситиш ва иссиқ

сув таъминотининг уй ичидаги тизимларида аварияли ва фавқулодда вазиятларнинг олдини олиш, шунингдек уларни бартараф этиш бўйича Етказиб берувчи, бошқарувчи ташкилот томонидан кечиктириб бўлмайдиган зарур чора-тадбирлар кўриш зарур бўлган ҳолларда ушбу Қоидаларга иловада келтирилган Иссиқлик таъминоти хизматлари сифатига қўйиладиган талабларга мувофиқ, келишмасдан ва Истеъмомчиларни огоҳлантирмасдан, бироқ уни 2 суткада дарҳол хабардор қилган ҳолда иссиқлик таъминотини тўхтатиш ёки чеклашга йўл қўйилади.

18. Маҳаллий давлат ҳокимияти органлари ва коммунал хизматлар, шу жумладан иссиқлик таъминоти хизматлари кўрсатилишини назорат қилувчи Истеъмомчиларнинг ҳуқуқларини ҳимоя қилиш тўғрисидаги қонун ҳужжатларига риоя этилишини назорат қилувчи ва табиий монополиялар субъектлари фаолиятини тартибга солишчи ваколатли органлар ушбу Қоидалар доирасида истеъмом хоссалари параметрларини, хизматлар кўрсатиш режимини аниқлаштиришга ҳамда аҳоли пунктнинг иқлим шароитларини ва бошқа маҳаллий шароитларни ҳисобга олган ҳолда сифатнинг кафолатли даражасини белгилашга ҳақлидир.

19. Аҳолини марказлаштирилган иссиқлик таъминоти билан камраб олиш имконияти мавжуд бўлмаганда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Истеъмомчиларни маҳаллий иссиқлик таъминоти (модуль, локал, буғ қозонхонаси, иситиш қурилмалари) билан таъминлаш бўйича тезкор чора-тадбирлар кўриши шарт.

Маҳаллий буғ қозонхонаси қуриш маҳаллий бюджет маблағлари ҳисобига амалга оширилади, кейинчалик Истеъмомчиларга иссиқлик таъминоти хизматлари кўрсатиш учун тезкор бошқариш ва хизмат кўрсатиш ҳуқуқи билан Етказиб берувчига (ёки бошқарувчи ташкилотда техник ва молиявий имкониятлар мавжуд бўлган тақдирда бошқарувчи ташкилотга) берилади.

II. Кўп квартирали уйларни Етказиб берувчининг иссиқлик тармоқларига улаш тартиби

20. Иситиш ва иссиқ сув таъминотининг уй ичидаги тизимларини реконструкция қилиш ёки кенгайтириш оқибатида янги кўп квартирали уйларни иссиқлик таъминотининг мавжуд тизимига бирлаштириш ёки мавжуд кўп квартирали уйларнинг шартномавий миқдорларига нисбатан иссиқлик юқламасини кўпайтириш учун кўп квартирали уйларни лойиҳалаштириш ва қуриш (реконструкция қилиш) бошлангунгача техник имкониятлар мавжуд бўлган тақдирда, бирлаштириладиган иссиқлик тармоқларининг баланс мансублигидан қатъи назар, Етказиб берувчидан техник шартлар олиниши зарур.

Техник шартлар тўлов ундирилмасдан берилади.

21. Техник шартлар Етказиб берувчи томонидан:

иссиқлик таъминотининг янги тизимлари бирлаштирилганда — буюртмачининг (қурувчининг) ёки унинг топшириғи бўйича бош лойиҳалаштирувчининг;

Ижро этувчининг, кўп квартирали уйдаги хоналар мулкдорларининг (бундай уй бевосита бошқарилган тақдирда) ёки кўп квартирали уйнинг иссиқлик таъминоти тизимлари реконструкция қилинганда ёки кенгайтирилганда — уларнинг топшириғига кўра бош лойиҳалаштирувчининг аризаси бўйича берилади.

Аризада лойиҳалаштириладиган объектни, уни лойиҳалаштириш ва қуриш муддатини, жойлашган жойини (картография материали), иссиқлик таъминотининг ишончлилигини таъминлаш бўйича лойиҳа ечими ва талабларига асосланган иссиқлик истеъмоли турлари (иситиш, иссиқ сув таъминоти) бўйича иссиқлик юқламаларини тавсифловчи маълумотлар қисқача кўрсатилади.

22. Етказиб берувчи ушбу Қоидаларнинг 21-бандида кўрсатилган ариза олингандан кейин икки ҳафта муддатда янгидан қуриладиган кўп квартирали уйларнинг иссиқлик таъминотига дастлабки техник шартларни беради, улар учун уларни турли майдонларда

жойлаштириш вариантларининг техник-иқтисодий қиёслашлари ёки қурилишни (реконструкция қилишни) асослаш бўйича техник-иқтисодий ҳисоб-китоблар бажарилади. Ташқи иссиқлик таъминоти схемалари ўзгартирилишини талаб этувчи кўп квартирали уйларнинг иссиқлик таъминоти бўйича мўлжалланган лойиҳа ечимларини келишиш қурилиш учун майдонни танлашда Етказиб берувчи томонидан амалга оширилади.

23. Техник шартларда:

а) иссиқлик таъминоти манбаи ва ишончлилиги даражаси, асосий ва захира киритишлардан кейин иссиқлик тармоқларига ёки электр станциялар ва иссиқлик марказлари коллекторларига улаш нуқтаси, етказиб бериладиган иссиқлик энергияси миқдорини тартибга солиш усули;

б) бошқа истеъмолчиларнинг юкламалари ҳисобга олинган ҳолда асосий ва захира киритишларни бирлаштириш нуқталарида иссиқлик манбаи ва гидравлик режим параметрлари;

в) иситишга, вентиляцияга, иссиқ сув таъминотига ва технологик эҳтиёжларга аризада кўрсатилган тегишли миқдорларга бўлган ҳолда умумий максимал соатли иссиқлик юкламаси;

г) ҳисобга олишга ва ҳисобга олишнинг уйдаги умумий асбобини ўрнатишга қўйиладиган талаблар;

д) қувурлар ҳамда каналлар ва камералар (бўшлиқлар), тамба ва тартибга солувчи арматура ўрнатишга, қувурларни изоляциялашга, коррозияга қарши ҳимояга, иссиқлик пунктларининг асбоб-ускуналарига қўйиладиган талаблар;

е) иситиш-вентиляция ва технологик юкламаларни бирлаштиришнинг иссиқлик схемаси ва иссиқ сув таъминоти юкламаси;

ж) лойиҳалаштириш ва ишларни бажариш қанча давом этишининг амалдаги нормалари ҳисобга олинган ҳолда белгиланган техник шартларнинг амал қилиш муддати кўрсатилади.

24. Улашни назорат қилиш ва Истеъмолчиларнинг иссиқлик юкламасини аниқлаш мақсадида техник шартларнинг бир нусхаси рўйхатдан ўтказиш учун Етказиб берувчида қолади.

25. Етказиб берувчи томонидан берилган техник шартлар ариза берувчиларнинг, шунингдек иссиқлик таъминотининг лойиҳа ҳужжатларини ишлаб чиқиш ушбу вазифа юкланган лойиҳа ташкилотларининг бажариши учун мажбурий ҳисобланади.

Техник шартлар 2 йил муддатга берилади. Белгиланган муддат тамом бўлгандан кейин, амал қилиш муддати тугаган ва бошқа муддатга узайтирилмаган техник шартлар ҳақиқий эмас деб ҳисобланади. Техник шартлар белгиланган тартибда ҳар гал 2 йилга узайтирилиши мумкин.

Етказиб берувчининг иссиқлик тармоқларига янги ёки қўшимча иссиқлик юкламаларини бирлаштиришга янги техник шартларни буюртмачи (қурувчи) ёки бошқарувчи ташкилот, Истеъмолчи ёки унинг топшириғига кўра лойиҳа ташкилоти ушбу Қоидаларда назарда тутилган тартибда оладилар.

26. Давлат ёки хусусий уй-жой фондининг мақсадлари ва вазифалари ўзгарганда берилган техник шартлар бекор қилинади, шундан кейин ушбу турар жой фондини бошқариш ҳуқуқи берилган уй-жой мулкдорлари ёки уларнинг топшириғига кўра лойиҳа ташкилоти ушбу Қоидаларнинг 21 ва 22-бандларида кўрсатилган тартибда ва муддатларда янги техник шартларни олишлари керак.

27. Техник шартларга мувофиқ лицензияланган лойиҳа ташкилоти томонидан ишлаб чиқилган кўп квартирали уйнинг иссиқлик таъминоти лойиҳаси қурилиш ишлари бошлангунга қадар Етказиб берувчи билан келишилиши керак.

Иссиқлик таъминоти лойиҳасини кўриб чиқишда техник шартлар ва норматив ҳужжатлар талабларидан чекиниш аниқланган тақдирда ариза берувчига келишиш рад этилганлиги асосланган ҳолда хат юборилади.

Буюртмачи (курувчи), бошқарувчи ташкилот, кўп квартирали уйдаги хоналарнинг мулкдорлари ёки уларнинг топшириғига кўра лойиҳа ташкилоти рад этишга сабаб бўлган аниқланган камчиликлар бартараф этилгандан кейин лойиҳани келишиш учун такроран тақдим этишга ҳақлидир.

28. Истеъмолчиларнинг қўшимча юкламалари билан боғлиқ бўлган иссиқлик таъминоти тизимининг ишлаб турган иншоотларини кенгайтириш ва реконструкция қилиш Етказиб берувчининг маблағлари ҳисобига амалга оширилади.

III. Кўп квартирали уйнинг иссиқлик таъминоти тизимидан фойдаланишга қўйиш

29. Кўп квартирали уйнинг янгидан бирлаштириладиган, реконструкция қилинадиган иссиқлик таъминоти тизими белгиланган тартибда келишилган лойиҳа ҳужжатларига, қурилиш соҳасидаги техник шартларга, норматив ҳужжатларга мувофиқ бажарилиши ҳамда турар жой фондидан техник фойдаланиш қоидалари ва нормалари ҳамда техника хавфсизлиги нормаларига жавоб бериши керак.

30. Буюртмачи (курувчи, бошқарувчи ташкилот, кўп квартирали уйдаги хоналарнинг мулкдорлари) пудрат ташкилотидан иссиқлик таъминоти тизимини ушбу Қоидаларга мувофиқ далолатнома бўйича қабул қиладилар.

Шундан кейин буюртмачи (курувчи, хусусий уй-жой мулкдорлари ширкати, бошқарувчи ташкилот, кўп квартирали уйлардаги хоналарнинг мулкдорлари) «Ўздавэнергоназорат» инспекциясининг ваколатли вакилига талабларга жавоб берадиган лойиҳа, техник ва фойдаланиш ҳужжатларини белгиланган тартибда, шунингдек улардан вақтинчалик ёки доимий фойдаланишга қўйиш имкониятини кўриб чиқиш мақсадида кўздан кечириш учун ўз иссиқлик таъминоти тизимларини тақдим этишга мажбурдирлар.

31. Истеъмолчиларнинг иссиқлик таъминоти тизимларида монтаж қилишда камчиликлар, берилган техник шартлардан ёки Етказиб берувчи ва «Ўздавэнергоназорат» инспекцияси билан келишилган лойиҳа ҳужжатларидан чекиниш аниқланганда, шунингдек уларга хизмат кўрсатиш учун махсус тайёрланган ходимлар бўлмаган, ушбу Қоидалар ва техник тартибга солиш соҳасидаги бошқа норматив ҳужжатлар талабларига риоя қилинмаган, улар техника хавфсизлиги ва ёнғинни ўчириш бўйича ҳимоя воситалари билан тўлиқ таъминланмаган ҳолларда уларни фойдаланишга қўйиш санаб ўтилган камчиликлар бартараф этилгунга қадар тақиқланади.

Фақат «Ўздавэнергоназорат» инспекцияси томонидан берилган истеъмолчиларнинг иссиқликдан фойдаланиш қурилмаларини ва иссиқлик тармоқларини фойдаланишга қўйиш учун берилган рухсатнома мавжуд бўлган тақдирда кўп квартирали уйнинг иссиқлик таъминоти тизимидан фойдаланишга рухсат этилиши мумкин.

Кўп квартирали уйнинг махсус тайёрланган ходимларга эга бўлмаган иссиқлик таъминоти тизимидан фақат иссиқлик таъминотининг ушбу тизимлари шартнома асосида хизмат кўрсатиш учун бошқарувчи ташкилотга берилган тақдирда фойдаланишга рухсат этилиши мумкин.

32. Етказиб берувчи хусусий уй-жой мулкдорлари ширкатига «Ўздавэнергоназорат» инспекцияси томонидан берилган истеъмолчиларнинг иссиқликдан фойдаланиш қурилмаларидан ва иссиқлик тармоқларидан фойдаланишга рухсат берувчи рухсатнома мавжуд бўлганда ва Истеъмолчилар билан белгиланган тартибда иссиқлик таъминоти шартномаси тузилгандан кейин Истеъмолчига иссиқлик энергиясини беради.

33. Иссиқликдан фойдаланиш қурилмалари ва иссиқлик тармоқлари техник кўриқдан ўтказилиши ва фойдаланишга рухсат берилиши учун «Ўздавэнергоназорат» инспекцияси жавоб беради. Фойдаланиш жараёнида Истеъмолчиларнинг иссиқлик таъминоти тизимларини техник кўриқдан ўтказишнинг даврийлиги қонун ҳужжатларида белгиланган тартибда «Ўздавэнергоназорат» инспекцияси томонидан, бироқ бир ойда камида бир марта белгиланади.

34. Иссиқлик таъминотининг ишлаб турган тизимларига ўзбошимчалик билан уланиш, шунингдек ушбу тизимлардан ўзбошимчалик билан фойдаланиш тақиқланади,

бундай тизимлар, ишларни бажаришга харажатлар суммасини тўлаш учун Истеъмомолчига талаб қўйилган ҳолда, Етказиб берувчи ёки Ижро этувчининг ходимлари томонидан дарҳол узиб қўйилиши керак.

Иссиқлик таъминоти тизимларига ўзбошимчалик билан уланиш (юридик ва жисмоний шахслар) аниқланганда ёки шикастланиш ёхуд иссиқлик тизимидан сув оқиб кетиши натижасида иссиқ сув исроф қилинганда Етказиб берувчининг вакили томонидан икки нусхада далолатнома расмийлаштирилади, улардан бири уланишнинг эгасига ёки Истеъмомолчига топширилади. Истеъмомолчи имзолашни рад этганда далолатнома Ижро этувчининг ёки фуқароларнинг ўзини ўзи бошқариш органи вакили билан биргаликда Етказиб берувчининг вакили томонидан имзоланади. Ушбу ҳолатда далолатнома ҳақиқий ҳисобланади ва у Истеъмомолчининг жавобгарлиги чораларини аниқлаш ва қуйидаги тартибда ҳисоблаб чиқилган фойдаланилган иссиқ сув ҳажми учун тўлашга қўчирма берилган ҳолда Етказиб берувчига етказилган зарарни қоплаш учун асос ҳисобланади:

ўзбошимчалик билан уланганда исроф қилинган ёки сув оқиши ёхуд шикастланиш сабабли йўқотиладиган сувнинг миқдори (m_3) қуйидаги формула бўйича аниқланади:

$G = 7,76 \times 10^{-3} \times d^2 \times \sqrt{H} \times n$, бунда:

7,76 — сув сарфини ўлчаш доимий коэффициент;

d — ўзбошимчалик билан уланган қувурнинг диаметри ёки ундан сув оқиб чиқадиган тешикнинг эквивалент диаметри, мм;

H — ўзбошимчалик билан уланган ёки қувурдаги тешикдан оқиб тушадиган иссиқ сув босими, сув столбаси метри;

n — қувурдан сув оққан муддат, соат.

Ўзбошимчалик билан уланишда, оқиш ёки шикастланишда йўқолган иссиқлик энергияси миқдори (Гкал) қуйидаги формула бўйича аниқланади:

$Q = G \times (t_{\text{иссик}} - t_{\text{совук}}) \times 10^{-3}$, бунда:

G — ўзбошимчалик билан уланишда, оқиш ёки шикастланишда йўқотиладиган сув миқдори, m_3 ;

$t_{\text{иссик}} \text{ с.}$ — ўзбошимчалик билан уланган қувурдаги ёки шикастланишда оқадиган иссиқ сув ҳарорати, $^{\circ}\text{C}$;

$t_{\text{совук}} \text{ с.}$ — иссиқлик манбаидаги совуқ сув ҳарорати, $^{\circ}\text{C}$.

Турар жой биноси нотурар жой бинога айлантирилганда Истеъмомолчи етти кун муддатда иссиқлик таъминоти хизматларидан фойдаланиш учун шартнома тузиши, ҳисобга олиш асбобини ўрнатиши ва рўйхатдан ўтказиши керак. Иссиқ сув таъминотига зарурият бўлмаганда Истеъмомолчи Етказиб берувчини ёзма шаклда хабардор қилиши ва узиб қўйишни тасдиқлаш учун унинг вакилини таклиф этиши шарт. Иссиқ сув таъминоти тикланганда ҳам Истеъмомолчи бу ҳақда Етказиб берувчини ёзма шаклда хабардор қилиши шарт.

35. Иссиқлик тармоқларига ўзбошимчалик билан уланиш қонун ҳужжатларига мувофиқ жавобгарликка олиб келади.

IV. Уйдаги умумий ва индивидуал ҳисобга олиш асбобларини ўрнатиш ва улардан фойдаланиш тартиби

36. Кўп квартирали уйлардаги иссиқлик таъминоти тизими иссиқлик энергиясининг умумий ва индивидуал (бир хонадаги) ҳажмини (сарфини) аниқлайдиган ва иссиқ сувнинг реал ҳажмини миқдорий ҳисобга оладиган, шунингдек унинг сифат кўрсаткичларини белгилайдиган умумий ва индивидуал ҳисобга олиш асбоблари билан таъминланади.

37. Кўп квартирали уйлардаги иссиқлик энергиясини уй бўйича умумий ҳисобга олиш асбобидан уни балансида сақловчининг (кимнинг балансида эканлигига қараб Етказиб берувчи ёки Ижро этувчининг) маблағлари ҳисобига фойдаланилади ва қиёсловдан ўтказиш амалга оширилади.

38. Ўрнатилгандан кейин уй бўйича умумий ҳисобга олиш асбоби Ижро этувчи ва Етказиб берувчининг вакилларида иборат бўлган таркибдаги комиссия томонидан ишга туширилади ҳамда Етказиб берувчи томонидан тамғаланади.

39. Ижро этувчилар Ижро этувчи ва Етказиб берувчи ўртасида тузилган шартнома асосида иссиқлик энергиясини ҳисобга олишнинг умумий асбоби кўрсаткичлари бўйича берилган иссиқлик энергияси учун Етказиб берувчи билан ҳисоб-китоб қиладилар.

40. Ижро этувчи иссиқлик энергиясини уй бўйича умумий ҳисобга олиш асбоби сақланишини таъминлаши керак.

41. Уй бўйича умумий ҳисобга олиш асбоблари:

Ўзбекистон Республикасининг ўлчов воситалари давлат реестрига киритилиши;

белгиланган тартибда қиёслашдан ўтказилиши;

индивидуал паспортга, қиёсловдан ўтказилганлиги тўғрисидаги сертификатларга ва текшириш тамғаларига эга бўлиши;

лицензияланган лойиҳа ташкилоти томонидан ишлаб чиқилган лойиҳага мувофиқ ўрнатилиши;

Етказиб берувчи томонидан тамғаланган бўлиши;

Қиёслашдан ўтказиш муддатида қиёсловдан ўтказилган бўлиши керак.

42. Уй бўйича умумий ҳисобга олиш асбобларини қиёслашдан ўтказиш оралиғи:

босимнинг ўзгарувчан даражаси электрон сарфларни ўлчагичлар (дифманометрлар) учун — 1 йилда 1 мартани;

ультратовуш, электромагнит, оқимли ва шу каби сарфни ўлчагичлар учун — 2 йилда 1 мартани ташкил этади.

индивидуал ҳисобга олиш асбоблари учун қиёслашдан ўтказиш оралиғи:

юридик шахслардаги иссиқ сувни ҳисобга олиш асбоби учун — 2 йилда 1 мартани;

жисмоний шахслардаги иссиқ сувни ҳисобга олиш асбоби учун — 4 йилда 1 мартани ташкил этади.

43. Ҳисобга олиш асбоблари ўз вақтида қиёслашдан ўтказилмаганда Етказиб берувчи томонидан иссиқ сувни ҳисоблаш, қиёсловни ўтказиш вақтигача ҳисобга олиш асбобининг кўрсаткичлари бўйича:

турар жой биноларида — соз ҳолатдаги ҳисобга олиш асбобининг охири қайд этилган кўрсаткичлари вақтидан бошлаб қиёслов ўтказилгунгача рўйхатдан ўтказилган (яшовчи) одамларнинг сони бўйича;

нотурар жой хоналар бўйича — ҳисобга олиш асбоби қиёслов ўтказилгунга қадар ҳисоблаб чиқилган юклама бўйича амалга оширилади.

44. Уй бўйича умумий ҳисобга олиш асбоблари шкаласининг ўлчов бирлиги Халқаро бирликлар тизими (СИ) бўйича Ўзбекистон Республикасида қабул қилинган қуйидаги физик миқдорларда ифодаланади:

иссиқлик энергияси сарфи — Гкал.да;

иссиқ сув ҳажми — куб метрларда;

иссиқлик манбаи ҳарорати — Цельсий бўйича даражаларда (0С);

атмосферадаги босим — кгс/см² (атм)да ифодаланади.

45. Ижро этувчи, кўп квартирали уйлардаги хоналарнинг мулкдорлари (бундай уй бевосита бошқарилганда) уй бўйича умумий ҳисобга олиш асбоблари шикастланганлиги ҳолати аниқланганда ёки уларнинг кўрсаткичлари тўғрилигига шубҳа пайдо бўлганда Етказиб берувчини дарҳол хабардор қилади. Етказиб берувчи, ўз навбатида, бундай бузилиш ҳолати аниқланганда, белгиланган тартибда, Ижро этувчини, кўп квартирали уйдаги хоналарнинг мулкдорларини дарҳол хабардор қилади. Ушбу ҳолат бўйича қўшма далолатнома тузилади, кейинчалик уй бўйича умумий ҳисобга олиш асбоблари ишлашидаги бузилишларни бартараф этиш тўғрисида қарор қабул қилинади.

46. Таъмирлаш ўтказилиши ёки уй бўйича умумий ҳисобга олиш асбобини қиёслашдан ўтказиш даврида 30 суткагача иссиқлик энергияси ҳисоб-китоби асбоблари

ишламай қолишидан олдинги иссиқлик таъминотининг охирги 30 суткаси учун унинг ўртача суткалик сарфи бўйича (иситиш давридаги ёки иситиш давридан бошқа даврда иссиқлик билан таъминлаш режимлари ҳисобга олинган ҳолда), 30 суткадан ортиғи учун — шартнома юкламаси миқдоридан ва иссиқлик энергияси етказиб бериш соатлари сонидан келиб чиқиб амалга оширилади.

Хусусий уй-жой мулкдорлари ширкати кўп квартирали уйдаги хоналар мулкдорларининг умумий йиғилиши ёки кўп квартирали уйдаги хоналар мулкдорлари (бундай уй бевосита бошқарилган тақдирда) қарори асосида таъмирлаш ёки уй бўйича умумий ҳисобга олиш асбобини қиёслашдан ўтказгунга қадар иссиқлик энергияси истеъмолини тўхтатишга ҳақлидир, бунда Етказиб берувчи тик қувур арматурасини тамғалайди, бу ҳақда қўшма далолатнома тузилади.

47. Кўп қаватли уй бўйича умумий ҳисобга олиш асбобининг шикастланганлиги тўғрисида ўз вақтида огоҳлантирилмаган ҳолларда ушбу Қоидаларнинг 45-бандида қайд этилган тартибга мувофиқ иссиқлик энергияси учун ҳисоб-китоб:

Ижро этувчилар (Истеъмолчилар) томонидан Етказиб берувчи ўз вақтида огоҳлантирилмаганда — шартномавий юклама миқдоридан ва иссиқлик энергияси етказиб бериш соатлари сонидан келиб чиқиб;

Етказиб берувчи Ижро этувчини (Истеъмолчиларни) ўз вақтида огоҳлантирмаганда — иссиқлик таъминотининг олдинги 30 суткада аниқланган ўртача суткалик сарф бўйича (иссиқлик таъминоти режимлари ҳисобга олинган ҳолда иситиш даврида ёки иситиш мавсумидан бошқа даврда) амалга оширилади.

48. Иссиқлик энергияси беришнинг ҳисобини юритиш Етказиб берувчи билан Ижро этувчи ёки кўп қаватли уй мулкдорлари (бундай уй бевосита бошқарилган тақдирда) ўртасидаги баланс мансублилиқ чегарасида амалга оширилади ва кўп қаватли уй бўйича умумий ҳисобга олиш асбобининг кўрсаткичларини кўриш Етказиб берувчи ва Ижро этувчининг вакиллари билан биргаликда амалга оширилади.

49. Истеъмолчиларнинг ҳисобга олиш асбобларини сотиб олиш, ўрнатиш, давлат қиёсловидан ўтказиш, фойдаланиш (таъмирлаш, алмаштириш) Етказиб берувчи томонидан Истеъмолчиларнинг (субистеъмолчиларнинг) маблағлари ҳисобига бажарилади. Бунда Етказиб берувчи кўрсатиб ўтилган хизматларни истеъмолчиларга бажариш учун нархни тартибга солиш органлари билан келишилган алоҳида тарифларни белгилаши лозим.

Истеъмолчининг (субистеъмолчининг) хоҳишига кўра ва унинг ҳисобига индивидуал ҳисобга олиш асбобларини ўрнатиш, давлат қиёсловидан ўтказиш, таъмирлаш ва алмаштириш «Ўзстандарт» агентлиги органларида аккредитациядан ўтган бошқа ташкилотлар томонидан ҳам бажарилиши мумкин.

50. Етказиб берувчи Истеъмолчига «Ўзстандарт» агентлиги томонидан тақдим этиладиган рўйхат бўйича Ўзбекистон Республикасида қўллашга йўл қўйилган индивидуал ҳисобга олиш асбоблари турлари тўғрисидаги ахборотни тақдим этиши шарт.

51. Индивидуал ҳисобга олиш асбобларини ўрнатиш учун Истеъмолчи Етказиб берувчига буюртманома беради. Буюртманома тушгандан кейин Етказиб берувчи уч кун муддатда Истеъмолчи билан индивидуал ҳисобга олиш асбобларини сотиб олиш ва ўрнатишга шартнома тузади. Шартномада Истеъмолчи томонидан шартнома суммасининг 100 фоизини олдиндан тўлаш тўғрисидаги шарт назарда тутилади. Бунда фуқароларнинг ўзини ўзи бошқариш органларида, нафақа олувчи кам таъминланган оилаларни иссиқ сувни ҳисобга олиш асбоблари билан жиҳозлаш Етказиб берувчи ҳисобидан уй-жой мулкдоридан индивидуал ҳисобга олиш асбоб қийматини кейинги 12 ой мобайнида тўлаш шартномаси асосида, белгиланган тартибда амалга оширилади.

52. Етказиб берувчи ёки «Ўзстандарт» агентлигида аккредитациядан ўтган бошқа ташкилот Истеъмолчи томонидан иссиқ сувни индивидуал ҳисобга олиш асбоби ўрнатилган жойга бориш имкони берилиши шарти билан, тўлов амалга оширилгандан

кейин 30 календарь кун мобайнида Истеъмолчига индивидуал ҳисобга олиш асбобини ўрнатиши шарт.

Етказиб берувчи томонидан индивидуал ҳисобга олиш асбобини ўрнатиш муддатига риоя қилинмаган тақдирда Истеъмолчи қонун ҳужжатларида белгиланган оширувчи коэффициентни тўлашдан озод этилади.

53. Индивидуал ҳисобга олиш асбобини ўрнатиш, таъмирлаш, давлат текширувидан ўтказиш ёки алмаштириш учун ечиб олиш бўйича хизматлар янгида ўрнатиладиган индивидуал ҳисобга олиш асбобининг рақами ёки ўрнатиш ва ечиб олиш пайтидаги ҳисобга олиш кўрсаткичлари билан биргаликда ҳисобга олишнинг ечиб олинadиган индивидуал ҳисобга олиш асбоби рақами кўрсатиладиган икки томонлама далолатнома тузилган ҳолда, Истеъмолчи ёки унинг вакили иштирокида бажарилиши керак.

54. Индивидуал ҳисобга олиш асбобини ўрнатиш ёки уни ечиб олиш тўғрисидаги далолатномаларни тузиш, шунингдек Етказиб берувчи томонидан уларни тамғалаш бепул амалга оширилади.

55. Индивидуал ҳисобга олиш асбобини ва улардаги тамғаларнинг сақланиши ва бутлиги учун жавобгарлик Истеъмолчига, ҳисобга олиш умумий асбобларининг сақланиши ва тамғаларининг бутлиги учун жавобгарлик — балансда сақловчига юкланади.

56. Индивидуал ҳисобга олиш асбобларининг шикастланганлиги, улардаги тамғаларнинг узилиши ёки унинг бутунлиги бузилган тақдирда, шунингдек текшириш муддати тамом бўлганда Истеъмолчи бу ҳақда дарҳол Етказиб берувчини хабардор қилиши шарт.

Ушбу ҳолат бўйича тарафлар томонидан тегишли қўшма далолатнома тузилади, кейинчалик индивидуал ҳисобга олиш асбоблари ишлашидаги бузилишларни бартараф этиш, шунингдек режали текширишни ўтказиш тўғрисида қарор қабул қилинади.

57. 56-бандда қайд этилган тартибга мувофиқ бир сутка мобайнида индивидуал ҳисобга олиш асбобининг шикастланганлиги тўғрисида огоҳлантирилмаган ҳолларда иссиқлик энергияси учун ҳисоб-китоб иссиқ сувни ҳисобга олишнинг соз ҳолатдаги асбоби кўрсаткичлари охириги марта қайд этилган пайтдан бошлаб текшириш ўтказилгунга қадар рўйхатдан ўтказилган (яшовчи) одамларнинг сони бўйича амалга оширилади.

Олдинги таҳрирга қаранг.

58. Етказиб берувчи Истеъмолчиларнинг иситиш ва иссиқ сув таъминоти тизимини йил чорагида бир марта текшириши, Истеъмолчилар томонидан индивидуал ҳисобга олиш асбоби ёзиб олинган кўрсаткичларининг тўғрилигини ўз маълумотлари билан текшириши ва улар томонидан иссиқ сувнинг истеъмол қилинган ҳажми тўғрисида маълумотлар тақдим этилиши, шунингдек зарур ҳолларда ёки Истеъмолчининг талабига кўра уй ичидаги иссиқлик таъминоти тизими ёки уй ичидаги асбоб-ускуналарни текшириши шарт.

(58-банд Ўзбекистон Республикаси Вазирлар Маҳкамасининг 2017 йил 27 февралдаги 106-сонли қарори таҳририда — ЎР ҚХТ, 2017 й., 9-сон, 131-модда)

59. Истеъмолчилар (олдиндан келишув бўйича ёзма ёки оғзаки шаклда) Етказиб берувчининг вакиллари, уларда хизмат гувоҳномалари бўлган тақдирда, ҳисобга олишнинг умумий ёки индивидуал ҳисобга олиш асбоби, иситиш ва иссиқ сув таъминотининг уй ичидаги тизимларига, квартира ичидаги асбоб-ускунага уларни кўздан кечириш учун бошқарувчи ташкилот вакилининг мажбурий иштирокида тўсиқсиз кўздан кечиришларини таъминлаши шарт.

60. Индивидуал ҳисобга олиш асбобини текшириш, ҳисобга олиш асбобини ечиб олиш, текшириш жойигача олиб бориш ва у ердан келтириш, ҳисобга олишнинг текширилган асбобини ўрнатиш ишларини, шунингдек текшириш бўйича метрология хизматларига ҳақ тўлашни ўз ичига олади.

61. Индивидуал ҳисобга олиш асбобидан фойдаланишнинг белгиланган чекланган муддати тамом бўлгунга қадар Етказиб берувчи олдиндан (камида 10 календарь кундан олдин) Истеъмолчига шартномада қайд этилган индивидуал ҳисобга олиш асбобидан фойдаланишнинг чекланган муддати тамом бўлганлиги тўғрисида белгиланган тартибда билдиришнома юборади.

Истеъмолчи билдиришнома олинган кундан бошлаб уч кун муддатда буюртманомани, ҳисобга олишнинг индивидуал ҳисобга олиш асбобини текшириш учун Етказиб берувчининг вакиллари томонидан чиқариб олинган кун ва вақтни ёзма ёки оғзаки шаклда (телефон орқали) келишади, кейинчалик ечиб олиш санаси, индивидуал ҳисобга олиш асбоби кўрсаткичлари ва текширишни ўтказиш ва ҳисобга олишнинг текширилган индивидуал ҳисобга олиш асбобини ўрнатиш муддатлари кўрсатиладиган икки томонлама далолатнома тузилади.

Истеъмолчи узрли сабаб билан (хизмат сафари, даволаниш, дам олиш) ҳозир бўлмаган тақдирда, тасдиқловчи ҳужжатлар тақдим этилганда индивидуал ҳисобга олиш асбобини текшириш учун ечиб олиш тўғрисидаги кўрсатма олинган кундан бошлаб ҳозир бўлмаган даврга узайтирилади.

62. Етказиб берувчининг индивидуал ҳисобга олиш асбобини қиёсловдан ўтказиш ва таъмирлаш, уни ечиб олинган кундан бошлаб, қайта ўрнатиш ва тамғалаш 30 иш кунидан ортиқни ташкил этмаслиги лозим.

63. Индивидуал ҳисобга олиш асбобларини текшириш ёки таъмирлаш даврида, иссиқ сув таъминоти учун истеъмолчилар билан ҳисоб-китоб олдинги уч ойлик индивидуал ҳисобга олиш асбобларининг ўртача суткалик кўрсаткичлари ёзиб олинган пайтдан бошлаб 30 календарь кун мобайнида амалга оширилади.

V. Иссиқлик таъминоти тизимларидан фойдаланиш

64. Кўп квартирали уйнинг пастки қисми Етказиб берувчи ва Ижро этувчи (бундай уй бевосита бошқариладиган тақдирда Истеъмолчи) ўртасидаги баланс мансублилик чегараси ҳисобланади. Иссиқлик пункти бинонинг ташқарисида жойлашган тақдирда иссиқлик тармоқлари томонидан элеватор боғламасининг кириш қопқоқлари гардишлари ажратиш чегараси ҳисобланади.

65. Уй ичидаги иситиш ва иссиқ сув таъминоти тизимларининг зарур техник ҳолати ва улардан фойдаланиш Ижро этувчи (Истеъмолчи — бундай уй бевосита бошқарилганда) томонидан таъминланади.

66. Хонадон ичидаги асбоб-ускунанинг зарур техник ҳолати ва улардан хавфсиз фойдаланиш Истеъмолчи томонидан таъминланади. Бунда уй-жой мулкдорига тегишли бўлган хонадондаги сув олинадиган тик қувурдан иситиш ва иссиқ сув таъминоти тизимларининг тармоқланиши, хонадон мулкдорининг фойдаланиш бўйича жавобгарлик жойи ҳисобланади.

67. Етказиб берувчига тегишли бўлган иссиқлик тармоқларида Истеъмолчига тегишли бўлган қурилмалар ва асбоб-ускуналар бўлмаслиги керак.

68. Иситиш даври тамом бўлгандан кейин Ижро этувчи (бундай уй бевосита бошқарилган тақдирда — Истеъмолчилар) Етказиб берувчининг вакили ҳозирлигида иситишнинг уй ичидаги тизимини гидравлик пресслаши ва кейинчалик уни тармоқдаги сув билан тўлдирган ҳолда ювиши керак, бу ҳақда тегишли далолатномалар тузилади. Тизимларни ювиш учун водопровод сувидан ёки техник сувдан фойдаланилади.

Ювишнинг қанча муддат давом этиши, ювиладиган тик қувурнинг диаметри, тармоқдаги босим тўғрисидаги маълумотлар Ижро этувчининг (бундай уй бевосита бошқариладиган тақдирда — Истеъмолчиларнинг) ва ювишни амалга оширувчи ташкилотнинг вакиллари томонидан тузиладиган далолатномага ёзилади.

Уйнинг ичидаги иситиш тизимини ювиш тўғрисидаги далолатнома Етказиб берувчи ва Ижро этувчининг (Истеъмолчиларнинг) вакиллари томонидан имзоланади.

69. Ювиш бўйича харажатлар Ижро этувчининг (Истеъмолчиларнинг) ҳисобига амалга оширилади ва умумий мулкни сақлаш ҳамда таъмирлашга мажбурий бадалларни шакллантиришда назарда тутилади.

70. Етказиб берувчининг иссиқлик тармоқларини режали-олдини оловчи таъмирлашларни бажаришда иссиқлик таъминотини бир йилда 15 кундан ортиқ бўлмаган муддатга, белгиланган тартибда узиб қўйишга йўл қўйилади.

VI. Етказиб берувчининг ҳуқуқлари, мажбуриятлари ва жавобгарлиги

71. Етказиб берувчи камида 2 сутка олдин Истеъмолчини ёзма равишда огоҳлантирган ҳолда, қонун ҳужжатларида белгиланган тартибга мувофиқ, қуйидаги ҳолларда иссиқлик энергияси беришни тўлиқ ёки қисман тўхтатиш чора-тадбирларини қўриш ҳуқуқига эга:

тўловни иссиқлик таъминоти шартномасида назарда тутилган муддатларда иссиқлик энергияси учун тўлов ҳужжати бўйича амалга оширмаслик;

Истеъмолчиларнинг иссиқлик таъминоти тизимларига ўзбошимчалик билан уланиб олиш;

Етказиб берувчининг вакилларини ҳисобга олиш асбобини кўздан кечириш ва уларнинг кўрсаткичларини ёзиб олиш учун ҳисобга олишнинг умумий ва индивидуал ҳисобга олиш асбобларига сабабсиз қўймаслик.

72. Режали-олдини оловчи таъмирлашлар бажарилганда ёки янги Истеъмолчилар уланганда Етказиб берувчи кўп квартирали уйдаги мавжуд хоналарнинг иссиқлик таъминотини узиб қўйиш ҳуқуқига эга.

Истеъмолчиларни огоҳлантириш иссиқлик энергиясини беришдаги танаффусни келишиш учун 7 кун олдин амалга оширилади. Агар огоҳлантириш олингандан кейин 5 кун муддатда Ижро этувчи (Истеъмолчилар) иссиқлик энергиясини етказиб беришдаги танаффус вақтини келишиб олмасалар, Етказиб берувчи ушбу вақтни мустақил белгилаш ҳуқуқига эга.

73. Аварияларнинг олдини олиш ёки уларни бартараф этиш юзасидан кечиктириб бўлмайдиган чора-тадбирлар қўриш учун Етказиб берувчи Истеъмолчиларга иссиқлик энергияси етказиб беришни тўхтатиш ҳуқуқига эга, бироқ узиб қўйиш сабаблари тўғрисида дарҳол билдиришнома юборади.

74. Етказиб берувчи Истеъмолчилар олдида иссиқлик энергиясини етказиб беришдаги танаффуслар, иссиқлик бериш параметрларининг пасайиши ва иссиқлик энергиясини етказиб бермасликка сабаб бўлувчи қуйидаги ҳолатларда:

Етказиб берувчининг асбоб-ускунаси ишдан чиқишига сабаб бўлган табиий офатлар, шунингдек ёнғин ва ташқи ҳавонинг ҳарорати 30С дан паст ва ушбу жойда иситишни лойиҳалаштириш учун қабул қилинган ҳисоб-китобдаги ҳарорат 48 соатдан кўп давом этадиган узоқ муддатли совуқ тушиши, бирламчи сув сифатининг ёмонлашиши;

хусусий уй-жой мулкдорлари ширкатининг ходимлари ва Истеъмолчилар томонидан иссиқлик таъминоти режими ўзгаришига сабаб бўлган бузилишлар;

бир неча сутка мобайнида Ижро этувчи ёки Истеъмолчилар томонидан шартномавий иссиқлик юкламалари оширилишига ёки иссиқлик манбаи параметрларининг пасайишига олиб келган унинг учун белгиланган иссиқлик истеъмоли режимларига риоя қилмасликка йўл қўйилиши туфайли иссиқлик энергияси тўлиқ берилмаслиги учун Истеъмолчилар олдида моддий жавоб бермайди.

75. Етказиб берувчи:

иссиқлик таъминоти шартномасида назарда тутилган ҳажмда, иссиқлик энергиясининг уланган тармоқ орқали узлуксиз етказиб берилишини таъминлашга ва томонлар билан келишилган режимга риоя этишга;

иссиқлик энергиясини стандартлаштириш бўйича қонун ҳужжатларида белгиланган талабларга мувофиқ сифат билан етказиб беришга;

Истеъмолчига кўп квартирали уйдаги турар жой ва нотурар жой хоналарининг ҳисоблаб чиқилган иссиқлик юкламалари бўйича маълумотларни беришга;

иссиқлик таъминоти шартномасига мувофиқ иссиқлик тармоқларининг баланс мансублилиги ажралиши чегарасида иссиқлик манбаи (иссиқ сув) параметрларини сақлашга ва:

ҳарорат бўйича камида 500С ва 750Сдан юқори бўлмаган;

аниқлаш нуктасида иссиқ сув таъминоти тизимидаги босим бўйича 0,03 МПа (0,3 кгс/см²) дан 0,45 МПа (4,5 кгс/см²)гачадан четга чиқишга йўл қўймасликка;

ушбу Қоидаларнинг 12-бандида назарда тутилган иситиш даврида турар жой хоналарида ҳаво ҳароратини таъминлашга;

иссиқлик берувчи қувурда ҳаво ҳарорати бўйича иссиқлик манбаи параметрларининг (+/-) 3 %дан ортиқ, сув босими бўйича: иссиқлик берувчи қувурда - (+/-) 5 %, иссиқлик қайтадиган қувурда - (+/-) 20 КПАдан четга чиқишга йўл қўймасликка;

иссиқлик таъминоти бўйича амалдаги ва янги меъёрий ҳужжатлар жорий этилиши тўғрисида алоқа каналлари орқали Ижро этувчини ва Истеъмолчини хабардор қилишга;

тарифлардаги ўзгаришлар тўғрисида улар амалга киритилишидан 15 кун олдин оммавий ахборот воситалари орқали хабардор қилишга;

Истеъмолчиларга иссиқлик таъминоти хизматлари учун тўлов бўйича ҳисоб-китобларнинг ҳолати тўғрисидаги маълумотларни, шунингдек етказиб берилган иссиқлик энергияси учун тўлов бўйича қарзларнинг йўқлиги тўғрисидаги маълумотларни бепул беришга;

даъво муддати доирасида иссиқлик таъминоти хизматлари учун истеъмолчиларнинг қарзларини ундириш бўйича барча чораларни кўришга мажбур.

Олдинги таҳрирга қаранг.

шахсий ҳисоб рақами ва якка тартибда ҳисобга олиш асбобларининг ҳолати ҳақида батафсил маълумотни шакллантиришга ва идоралараро электрон ҳамкорлик қилиш тизимига аниқ вақт режимида юборишга.

(75-банд Ўзбекистон Республикаси Вазирлар Маҳкамасининг 2017 йил 27 февралдаги 106-сонли қарорига асосан хатбоши билан тўлдирилган — ЎР ҚХТ, 2017 й., 9-сон, 131-модда)

76. Истеъмолчилар (Ижро этувчи) томонидан иссиқлик таъминоти йўқлиги ёки иссиқлик манбаи параметрларининг шартномавий параметрларга нисбатан пасайиши тўғрисида белгиланган тартибда ариза берилгандан кейин Етказиб берувчи 18 соат мобайнида ариза берувчининг вакиллари иштирокида тегишли далолатномани тузиш учун ўз вакили ҳозир бўлишини таъминлашга, шунингдек Етказиб берувчининг айби билан етказиб берилмаган иссиқлик энергиясининг қийматини қоплашга ёки етказиб берилмаган иссиқлик энергиясининг қийматини келгуси даврдаги ўзаро ҳисоб-китобларда ҳисобга олишга мажбур.

Етказиб берилмаган иссиқлик энергияси ҳажми Истеъмолчи ва Ижро этувчининг вакиллари иштирокида Етказиб берувчи томонидан аниқланади ва далолатнома билан расмийлаштирилади.

77. Етказиб берувчи қонун ҳужжатларида белгиланган тартибда Истеъмолчининг ҳаёти, соғлиғи ёки мол-мулкига етказилган зарар учун тўлиқ ҳажмда жавоб беради.

Етказиб берувчи, агар иссиқлик таъминотининг кўрсатиладиган хизматлари сифати пасайиши енгиб бўлмайдиган куч ҳолатлари ёки Истеъмолчи томонидан иссиқлик таъминоти шартномаси шартлари бузилиши оқибатида юз берганлигини қонун ҳужжатларида белгиланган тартибда исботлай олса, иссиқлик таъминотининг кўрсатиладиган хизматлар сифатининг бузилиши учун жавобгарликдан озод қилинади.

VII. Ижро этувчининг ҳуқуқлари, мажбуриятлари ва жавобгарлиги

78. Ижро этувчи:

квартира ичидаги асбоб-ускуналарнинг техник ва санитария ҳолатини кўздан кечириш ва зарур таъмирлаш ишларини бажариш учун Истеъмолчилар билан олдиндан келишилган вақтда уларнинг квартирасига киришни, аварияларни бартараф этиш учун эса — исталган вақтда киришни талаб этиш, шунингдек Истеъмолчининг айби билан юзага келган зарарларни тўлиқ қоплашни ундан талаб қилиш;

квартира ичидаги асбоб-ускуналарнинг ҳолатини кўздан кечириш йўли билан иссиқлик таъминоти тизимларининг техник ҳолати (сақланиши)ни назорат қилиш ҳукуқига эга.

Ижро этувчи қонун ҳужжатларига мувофиқ бошқа ҳуқуқларга ҳам эга.

79. Ижро этувчи қуйидагиларга мажбур:

иссиқлик энергиясини тегишли ҳажмларда ва зарур сифатда бериш учун иссиқлик таъминотининг уй ичидаги тизимларини зарур тарзда сақлаш;

улардан фойдаланган ҳолда иссиқлик таъминоти хизматлари кўрсатиладиган иссиқлик таъминотининг уй ичидаги тизимларига мустақил равишда ёки бошқа шахсларни жалб этган ҳолда хизмат кўрсатиш;

аварияларни бартараф этиш, шунингдек Истеъмолчининг буюртманомаларини ўз вақтида бажариш, иссиқлик таъминоти хизматлари кўрсатиш режими ва сифати бўйича Истеъмолчиларнинг мурожаатлари (аризалари, таклифи, шикоятлари) ҳисобини юритиш;

иситиш ва иссиқ сув таъминотининг уй ичидаги тизимлари ва (ёки) иссиқлик тармоқлари ва асбоб-ускуналари ишида носозликлар аниқланган кундан бошлаб бир сутка мобайнида иссиқлик таъминоти хизматлари кўрсатишнинг мўлжалланаётган тўхтатиб турилиши даври ёки чекланишининг сабаблари тўғрисида Истеъмолчини хабардор қилиш;

Истеъмолчининг талабига кўра иссиқлик таъминоти хизматлари кўрсатилмаганлиги ёки зарур сифатда кўрсатилмаганлигининг сабабларини аниқлаш учун ўз вакилини юбориш (тегишли далолатнома тузилган ҳолда), шунингдек авариялар, табиий офатлар, иссиқлик таъминоти хизматлари кўрсатилмаганлиги ёки сифатсиз кўрсатилганлиги сабабли Истеъмолчининг ҳаёти, соғлиғи ёки мол-мулкига етказилган зарарни қайд этувчи далолатномани юбориш;

кўп квартирали уйдаги хонанинг ичкарисида режали ишлар ўтказилишидан олдин уч кундан кечикмай ушбу хонага кириш вақтини Истеъмолчи билан келишиш ёки Истеъмолчининг хонаси ичкарисида ишларни бажариш тўғрисида унга ёзма билдиришнома юбориш. Ёзма билдиришномада ишларнинг бажарилиши учун масъул ходим (фамилияси, исми ва отасининг исми, лавозими ва телефон рақами кўрсатилган ҳолда), бажариладиган ишларнинг тури, санаси, вақти ва муддатлари кўрсатилади;

иситиш ва иссиқлик сув таъминотининг уй ичидаги тизимлари қайта жиҳозланишига йўл қўймаслик;

иситиш тизимидан тармоқ сувининг оқиши ва чиқиб кетишига йўл қўймаслик;

Етказиб берувчининг вакили билан биргаликда уй бўйича умумий ҳисобга олиш асбоби билан бирлаштириш штуцерларини тамғалаш, тамғаларнинг, шу жумладан завод тамғаларининг сақланишини таъминлаш;

кўп квартирали уйни иситиш тадбирига тайёрлаш, шу жумладан герметизация ҳамда дераза ва эшик ёриқларини (шу жумладан шахталар ва туйнукларни) ойна билан беркитиш ва иситиш йўли билан кўп квартирали уйнинг умумий хоналарини (квартиралар оралиғидаги майдончаларни) иситиш, кириш йўлакларида иситиш асбоблари, радиатор акс эттирувчилари ўрнатиш, томларни ёпиш материалларини тўплаш ишларини бажариш бўйича тегишли чора-тадбирлар кўриш;

иситиш даври бошланишидан бир ой олдин Етказиб берувчига уйнинг иситиш ва иссиқ сув таъминоти уй ичидаги тизимларининг иситиш даврига тайёрлиги тўғрисидаги далолатномани тақдим этиш;

иссиқлик истеъмоли режимига нисбатан Етказиб берувчининг тезкор кўрсатмаларини бажариш;

Етказиб берувчи билан таъмирлашларнинг ҳажми, муддати ва жадвалларини келишган ҳолда режали-олдини олувчи таъмирлашни ва қувурларни, тик қувур ва тартибга солувчи арматурани синашни ўз вақтида бажариш;

иссиқлик ва иссиқ сув берилишидан ва тўхтатилишидан 7 кун олдин Истеъмолчини огоҳлантириш;

Етказиб берувчининг буюртманомалари бўйича унинг ваколатли вакилларининг иситиш ва иссиқ сув таъминотининг уй ичидаги тизимларига тўсиқсиз киришини таъминлаш;

етказувчининг балансидаги иссиқлик тармоқларини, асбоб-ускуналар ва уй бўйича умумий ҳисобга олиш асбобларини таъмирлаш ва улардан фойдаланиш бўйича олдиндан келишилган ишларни бажариш учун ўз ҳудудига Етказиб берувчини киритиш;

уй бўйича умумий ҳисобга олиш асбоблари мавжуд бўлганда ҳар ойда ойнинг охирига ҳафтасида Етказиб берувчининг вакили билан биргаликда уларнинг кўрсаткичларини ёзиб олиш, уй бўйича умумий ҳисобга олиш асбоблари кўрсаткичларини ҳисобга олиш дафтарига ёзиш, иссиқлик энергияси ҳажмини Истеъмолчилар ўртасида тақсимлаш, Истеъмолчининг талабига кўра мурожаат қилинган кундан кейинги бир иш куни мобайнида унга кўрсатиб ўтилган дафтарни тақдим этиш;

белгиланган тартибда хусусий уй-жой мулкдорлари ширкатига бириктирилган ва иссиқлик тармоқларининг ер ости трассаси ўтадиган уй атрофидаги ҳудудда:

қурилишлар тикланишига;

материаллар уйилишига;

иссиқлик тармоқларидан камида 5 метр масофада дарахтлар ўтказилишига;

аварияли таъмирлаш-тиклаш ишлари олиб борилишига тўсқинлик қилувчи ер қазиш ишлари бажарилишига;

иссиқлик тармоқлари ўтадиган хоналарда одамлар доимий равишда бўлишига йўл қўймаслик, навбатчи ходимлар бундан мустасно.

Ижро этувчи қонун ҳужжатларига мувофиқ бошқа мажбуриятларга ҳам эга бўлиши мумкин.

80. Ижро этувчи, шунингдек кўп квартирали уйларнинг барча йўлакларида ёки кўп квартирали уйлар яқинида жойлашган эълонлар тахталарига қуйидагиларни жойлаштиришга мажбур:

диспетчерлик, авария ёки авария-диспетчерлик хизматларининг расмий номи, манзили, иш режими, телефонлари рақамлари, Етказиб берувчи раҳбарининг фамилияси, исми ва отасининг исми;

иссиқлик таъминоти хизматларига, иссиқлик ва иссиқ сув таъминоти бўйича алоҳида тарифларнинг миқдорлари, улар асосида тарифлар қўлланиладиган норматив-ҳуқуқий ҳужжатлар, тарифлар ўзгарган тақдирда — ўзгарган тарифларнинг миқдорлари;

иссиқлик таъминоти хизматлари учун тўлов тартиби ва шакли.

81. Етказиб берувчи томонидан тақдим этилган торайтирувчи қурилмаларнинг ҳисоб-китоблари асосида Ижро этувчи уларни тайёрлашга ва Етказиб берувчининг вакили ҳозирлигида иссиқлик пунктига ўрнатишга мажбур. Ўрнатилган торайтирувчи қурилмалар Етказиб берувчининг вакили томонидан Ижро этувчи билан биргаликда тамғаланади ва сақлаш учун Ижро этувчига топширилади. Ушбу ҳолат бўйича тегишли қўшма далолатнома тузилади.

82. Ижро этувчи иссиқлик энергияси сифати кўрсаткичларига риоя қилиш юзасидан Етказиб берувчи томонидан, ўз шартномавий мажбуриятлари бажарилиши шarti билан, қонун ҳужжатларига, ушбу Қоидаларга, иссиқлик таъминоти шартномасига мувофиқ иссиқлик таъминоти хизматлари кўрсатиш сифати учун жавоб беради.

83. Ижро этувчи Истеъмолчининг ҳаёти, соғлиғи ёки мол-мулкига етказилган зарар, қонун ҳужжатларида белгиланган миқдорда ва тартибда маънавий зарар,

шунингдек иссиқлик пунктининг торайтирувчи қурилмаларидаги ва уй бўйича умумий ҳисобга олиш асбобларидаги тамғалар бузилганлиги учун тўлиқ ҳажмда жавоб беради.

84. Ижро этувчи, агар қонун ҳужжатларида белгиланган тартибда, иссиқлик таъминотининг кўрсатиладиган хизматлари сифати бузилиши енгиб бўлмайдиган куч оқибатида юз берганлигини ёки ушбу Қоидалар ва иссиқлик таъминоти шартномаси шартлари Истеъмолчи томонидан бузилганлигини исбот қилса, бундай бузилиш учун жавобгарликдан озод қилинади.

VIII. Истеъмолчининг ҳуқуқлари, мажбуриятлари ва жавобгарлиги

85. Истеъмолчи қуйидаги ҳуқуқларга эга:

қўп квартирали уйда иссиқлик таъминоти хизматлари кўрсатиш тўғрисидаги шартнома асосида белгиланган сифатга, ҳажмга, унинг ҳаёти ва соғлиғи учун хавфсиз бўлган, унинг мол-мулкига зарар етказмайдиган иссиқлик таъминоти хизматлари узлуксиз кўрсатилишини талаб этиш;

ушбу Қоидаларга ва иссиқлик таъминоти шартномасига мувофиқ, ушбу хизматлар кўрсатилмаган давр учун иссиқлик таъминоти хизматларига ҳақ тўлашдан тўлиқ ёки қисман озод этилган ҳолда, иссиқлик таъминоти шартномасида белгиланганидан ортиқча танаффуслар вақти учун иссиқлик таъминоти хизматларига ҳақ тўламаслик;

қонун ҳужжатларида, иссиқлик таъминоти шартномасида ёки иссиқлик таъминоти хизматлари кўрсатиш тўғрисидаги шартномада назарда тутилган ҳолатларда иссиқлик таъминоти хизматлари кўрсатилмаганда ёки хизматлар зарур сифат ва тартибда кўрсатилмаганда неустойка (жарималар, пенялар) тўлашни, қайта ҳисоб-китоб амалга оширилишини талаб қилиш;

иссиқлик таъминоти хизматлари учун тўлов бўйича ҳисоб-китобларнинг ҳолати тўғрисидаги маълумотларни (шахсан ёки ўз вакили орқали), шунингдек Етказиб берилган иссиқлик энергияси учун тўлов бўйича қарзларнинг йўқлиги тўғрисидаги маълумотномаларни бепул олиш;

иссиқлик таъминоти хизматларининг ҳажми ва сифати, уни кўрсатиш шартлари, иссиқлик таъминоти учун тўлов миқдори ва уни тўлаш тартиби ўзгариши тўғрисидаги маълумотларни бепул олиш;

буюртманомалар юборилган пайтдан бошлаб иссиқлик таъминоти хизматлари кўрсатилмаганлиги ёки зарур сифатда кўрсатилмаганлиги ва аниқланган камчиликлар белгиланган муддатда бартараф этилганлиги тўғрисидаги далолатномани 18 соат мобайнида олиш.

Истеъмолчи қонун ҳужжатларига мувофиқ бошқа ҳуқуқларга ҳам эга бўлиши мумкин:

86. Истеъмолчи қуйидагиларга мажбур:

индивидуал ҳисобга олиш асбобларининг яққол кўриниб турган носозликлари аниқланганда бу тўғрида Ижро этувчи (Етказиб берувчи)га дарҳол хабар бериш, шу жумладан иссиқлик таъминоти бўйича хизматлар кўрсатишга тузилган шартномада қайд этилган телефон, электрон почта орқали хабар бериш;

квартира ичидаги асбоб-ускуналарнинг носозликлари (авариялар) аниқланганда уларни бартараф этиш юзасидан мумкин бўлган барча чораларни кўриш;

иситиш ва иссиқ сув таъминотининг уй ичидаги тизимларидаги авариялар, шунингдек иссиқлик энергиясидан фойдаланишда юзага келадиган бошқа бузилишлар тўғрисида тегишли равишда Ижро этувчига ёки Етказиб берувчига дарҳол хабар бериш;

иссиқлик таъминотининг фойдаланилган хизматлари учун тўловни ўз вақтида ва тўлиқ ҳажмда тўлаш;

иссиқлик энергиясидан фойдаланишда техника хавфсизлиги чораларига риоя этиш;

иссиқ сувни индивидуал ҳисобга олиш асбоблари кўрсаткичларини йиғиш учун қўп квартирали уйнинг ҳар бир йўлагига ёки фуқароларнинг ўзини ўзи бошқариш органлари

биноларида ўрнатилган металл кутига солиш йўли билан индивидуал ҳисобга олиш асбоблари кўрсаткичларини Ижро этувчига (Етказиб берувчига) тақдим этиш;

индивидуал ҳисобга олиш асбобларидан назорат кўрсаткичларини ёзиб олиш учун Етказиб берувчининг вакилини, хизмат гувоҳномаси мавжуд бўлган тақдирда, олдиндан келишилган вақтда қўйишни таъминлаш;

юз берган ўзгаришлар (эгаси, одамлар сони, майдон ўзгариши, турар жой фондидан нотурар жой фондига ва нотурар жой фондидан турар жой фондига айлантириш) пайтидан (кунидан) бошлаб 10 иш кунидан кечикмай иссиқлик таъминоти хизматларидан фойдаланиш шартномаси шартлари ўзгарганлиги тўғрисида Етказиб берувчини ўз вақтида хабардор қилиш.

Истеъмолчи қонун ҳужжатларига мувофиқ бошқа мажбуриятларга ҳам эга бўлиши мумкин.

87. Истеъмолчи иситиш ва иссиқ сув таъминоти хизматлари кўрсатишнинг сифатига таъсир кўрсатувчи иситиш ва иссиқ сув таъминотининг уй ичидаги тизимлари бузилганлиги учун қонун ҳужжатларида белгиланган тартибда жавоб беради.

88. Истеъмолчи учун қуйидагилар тақиқланади:

иситиш тизимидан иссиқлик манбаини чиқариб ташлаш;

уй ичидаги иссиқлик тармоқларига ўзбошимчалик билан уланиб олиш ёки ҳисобга олишнинг умумий ёки индивидуал ҳисобга олиш асбобларини четлаб ўтиб уларга уланиш, тегишли ўзгаришларни белгиланган тартибда киритмасдан иссиқлик таъминотининг уй ичидаги тизимларига ўзгартиришлар киритиш;

турар жой хонасида ўрнатилган иситиш асбобларининг иситиш юзасини хонанинг техник паспортида кўрсатилган параметрлардан ортиқ ўзбошимчалик билан кўпайтириш, шунингдек қўшимча тартибга солувчи ва тик қувур арматурасига ўрнатиш;

кўп қаватли уйнинг иситиш ва иссиқ сув таъминоти тизимидан алоҳида турар ва нотурар жойларнинг иситиш асбобларини демонтаж қилиш орқали иситиш тизимидан узиб қўйиш;

индивидуал ҳисобга олиш асбобларидаги тамғаларни ўзбошимчалик билан бузиш, ҳисобга олишнинг умумий ёки индивидуал ҳисобга олиш асбобларини қисмларга ажратиш ва уларнинг кўрсаткичларини бузишга ёки шикастлашга йўналтирилган хатти-ҳаракатларни содир этиш;

иссиқлик энергиясидан унинг бевосита вазифасидан (иситиш, иссиқ сув таъминоти) бошқа мақсадда фойдаланиш;

иссиқлик таъминоти шартномасида ва ушбу Қоидаларда белгиланган иссиқлик энергиясидан фойдаланиш тартибини бузувчи хатти-ҳаракатларни содир этиш.

IX. Иссиқлик таъминотидан фойдаланганлик учун ҳисоб-китоблар

89. Истеъмол қилинган иссиқлик энергияси учун ҳисоб-китоб қилиш:

иссиқлик таъминоти шартномаси асосида Истеъмолчиларнинг Етказиб берувчи билан;

уй бўйича умумий ҳисобга олиш асбоби мавжуд бўлганда — иссиқлик таъминоти тўғрисидаги шартнома асосида Ижро этувчи томонидан Етказиб берувчи билан ва, тегишли равишда, иссиқлик таъминоти хизматлари кўрсатиш тўғрисидаги шартнома асосида Истеъмолчиларнинг Ижро этувчи билан ҳисоб-китоб қилиши йўли билан амалга оширилади.

90. Жисмоний шахсларга кўрсатиладиган иссиқлик таъминоти хизматларига тарифлар қонун ҳужжатларида белгиланган тартибда:

а) иситишга — иситиладиган майдоннинг бир квадрат метрига (сўм/кв.м/ой);

б) иссиқ сув таъминотига:

индивидуал ҳисобга олиш асбоблари бўлмаган тақдирда — бир одамга бир ойда (сўм/киши/ой);

индивидуал ҳисобга олиш асбобларининг кўрсаткичлари бўйича, улар мавжуд бўлганда, иссиқ сувнинг бир куб метри учун (сўм/куб.м) тасдиқланади.

91. Етказиб берувчи билан Ижро этувчи (турар жой фондидан фойдаланувчи юридик шахс — хусусий уй-жой мулкдорлари ширкати, бошқарувчи ташкилот ва бошқалар) ўртасида иссиқлик таъминоти шартномаси тузилган тақдирда Истеъмолчи Ижро этувчига, Ижро этувчи эса Етказиб берувчига иссиқлик энергияси учун тўловни жисмоний шахслар (аҳоли) учун белгиланган тарифлар бўйича тўлайди.

92. Уйларда, ётоқхоналарда, идоравий турар жой фонди хонадонларида яшовчи истеъмолчилар иссиқлик энергияси учун тўловни ушбу идоранинг фойдаланиш органига жисмоний шахслар (аҳоли) учун белгиланган тарифлар бўйича тўлайдилар. Бунда тасарруфида ва балансида турар жой фонди бўлган давлат корхоналари, муассасалар, ташкилотлар уларнинг идоравий турар жой фондида яшовчи жисмоний шахсларга иссиқлик таъминотининг кўрсатилган хизматлари учун юридик шахслар учун тарифлар бўйича шартнома тузадилар ва тўловни Етказиб берувчига тўлайдилар.

93. Иссиқ сувни индивидуал ҳисобга олиш асбобига эга бўлмаган жисмоний шахсларга етказиб берилган иссиқлик энергияси (иссиқ сув) қийматига ҳақ тўлаш иссиқ сув таъминоти хизматлари учун белгиланган тарифларга қонун ҳужжатларида белгиланган оширувчи коэффициент қўлланган ҳолда амалга оширилади.

Рўйхатдан ўтказилган фуқаролар бўлмаган турар жой хонадонларида иссиқ сувни индивидуал ҳисобга олиш асбоблари мавжуд бўлмаганда иссиқ сув таъминоти хизматлари учун ҳисоб-китоблар бир хонали ва икки хонали турар жой биносидаги бир кишига; уч хонали турар жой биносидаги икки кишига; тўрт хонали турар жой биносидаги уч кишига; беш хонали турар жой биносидаги тўрт кишига ҳисобидан, иссиқ сув таъминоти хизматларига белгиланган тарифларга қонун ҳужжатларида белгиланган оширувчи коэффициент қўлланган ҳолда, амалга оширилади.

94. Жисмоний шахсларга кўрсатиладиган марказий иситиш хизматлари учун ҳисоблаш календарь йил мобайнида ҳар ойда тенг равишда белгиланган тарифлар бўйича амалга оширилади.

Жисмоний шахсларга кўрсатиладиган иссиқ сув таъминоти хизматлари учун ҳисоблаш йил мобайнида ҳар ойда белгиланган тарифлар бўйича амалга оширилади.

Марказий иситиш манбаига эга бўлган уйга кўчиб кирган мулкдорлар ёки турар жойни ижарага олувчилар иситиш мавсуми тамом бўлгандан кейин марказий иситиш учун тўловларни, бошқа истеъмолчилар билан тенг равишда, белгиланган тариф бўйича тўлашга мажбур.

Уй-жой мулкдорлари ёки турар жойни ижарага олувчилар, истиқомат қилишидан ва/ёки рўйхатда туришидан қатъи назар, марказий иситиш учун тўловларни амалга ошириши шарт.

95. Иссиқлик энергияси таъминоти хизматларига тарифлар ўзгарганда, санадан қатъи назар, иссиқлик таъминоти шартномаси кучида қолади ва Истеъмолчи фойдаланилган иссиқлик таъминоти хизматларига улар жорий этилган кундан бошлаб янги тарифлар бўйича ҳақ тўлашга мажбур. Етказиб берувчи тариф ўзгаришидан ўн беш кун олдин оммавий ахборот воситаларида тегишли хабарни эълон қилиш йўли билан тарифлар ўзгариши тўғрисида Истеъмолчиларни хабардор қилиши шарт.

Бунда Истеъмолчи — жисмоний шахс ушбу даврда тегишли тарифлар ошган тақдирда иссиқлик таъминоти хизматларига аванс билан тўланган тўловларга (тўлов кунидан бошлаб ўн икки ойдан ошмайдиган даврга) қўшимча тўловлар тўлашдан озод этилади.

Истеъмолчи томонидан иссиқлик таъминоти хизматларига аванс тўланганда Етказиб берувчи иситиш ва иссиқ сув таъминотига тўлов пайтида амалда бўлган тарифлар бўйича тўлов ҳисобланади (аванс тўловлар муддатига, бироқ ўн икки ойдан ортиққа эмас).

96. Ҳисобот даври учун иссиқ сувни ҳисобга олиш асбобининг кўрсаткичлари тўғрисидаги маълумотлар Истеъмолчи томонидан тақдим этилмаган тақдирда Етказиб берувчи ҳисоб-китоб ойда амалда бўлган тариф бўйича ушбу ва кейинги ҳисоб-китоб давлари учун тўловни кейинги кўрсаткичлар (ёхуд ҳисобга олиш асбобининг кўрсаткичлари Етказиб берувчининг вакили томонидан назорат тартибида ёзиб олингунгача) тақдим этиш пайтигача иссиқ сувнинг ўртача ойлик сарфи бўйича ҳисоблашга ҳақлидир.

Кейинги кўрсаткичлар (ёхуд ҳисобга олиш асбобининг кўрсаткичлари Етказиб берувчининг вакили томонидан назорат тартибида ёзиб олингунгача) тақдим этилганда Етказиб берувчи ҳисобга олиш асбобининг олдинги кўрсаткичидан бошланадиган давр учун ҳисобга олиш асбобининг амалдаги кўрсаткичлари бўйича истеъмол қилинган иссиқ сув миқдорининг қайта ҳисоб-китобини амалга ошириши шарт. Бунда қайта ҳисоб-китоб қилиш ҳисоб-китоб қилинадиган даврнинг ҳисоб-китоб ойда амалда бўлган тариф бўйича амалга оширилади.

97. Истеъмолчи — нотурар жой мулкдори томонидан иссиқлик таъминоти тармоқларига уланиш санаси тўғрисидаги ҳужжат ўз вақтида тақдим этилмаган тақдирда, Етказиб берувчи мол-мулкка эгалик қилиш ҳуқуқини тасдиқловчи ҳужжатдан, ҳокимнинг қароридан келиб чиқиб, ҳисоблашни улашнинг ҳужжатлар билан тасдиқланган санаси бўйича амалга ошириш ҳуқуқига эга.

98. Иссиқлик таъминоти хизматлари учун тўловларни тўлаш Истеъмолчилар томонидан ҳар ойда қуйидаги тартибда амалга оширилиши керак:

юридик шахслар — кўп квартирали уйдаги нотурар жой хоналарининг мулкдорлари — кўрсатиладиган хизматлар қийматининг камида 15 фоизи миқдорида олдиндан ҳақ тўлаш ва кўрсатилган хизматлар учун тўлиқ ҳисоб-китоб қилиш — календарь ой тамом бўлгандан кейин юридик шахслар учун белгиланган тарифлар бўйича 30 кун мобайнида;

жисмоний шахслар — тамом бўлган ойдан кейинги ойнинг ўнинчи кунидан кечикмай.

99. Иссиқлик таъминоти хизматлари учун белгиланган муддатда тўловлар тўланмаган тақдирда муддати ўтказиб юборилган ҳар бир кун учун пеня тўланади, бироқ муддати ўтказиб юборилган тўлов суммасининг 50 фоизидан ортиқ бўлмаган миқдорда:

Истеъмолчилар — юридик шахслар томонидан 0,4 фоиз миқдорида;

Истеъмолчилар — аҳоли томонидан 0,1 фоиз миқдорида;

Ижро этувчи (турар жой фондидан фойдаланувчи юридик шахс — хусусий уй-жой мулкдорлари ширкати, бошқарувчи ташкилот ва бошқалар) томонидан, агар коммунал хизматларнинг Истеъмолчиси номидан Етказиб берувчи билан шартнома тузилган бўлса — 0,1 фоиз миқдорида тўланади.

Истеъмолчилар тўловларни уч ойдан ортиқ тўламаган тақдирда уларга иссиқлик таъминоти хизматлари кўрсатиш тўхтатилади.

100. Истеъмолчи истеъмол қилинган иссиқлик таъминоти хизмати учун икки ҳафта ўтгач тўлов тўланмаганда Етказиб берувчи қарздорлик ва 7 кундан кейин узиб қўйиш тўғрисида ёзма хабар беради, хабарнома муддати тамом бўлгач Етказиб берувчи иссиқ сув беришни узиб қўйишга ҳақлидир. Иссиқ сув бериш Истеъмолчи томонидан қарзлар тўлангандан ва Етказиб берувчи томонидан тасдиқланган калькуляцияга мувофиқ абонентни манбадан узиб қўйиш ва унга улаш ишлари учун қўшимча ҳисоб тўлангандан кейин тикланади.

101. Тўланиши лозим бўлган суммани нотўғри ёзилганлиги аниқланган кундан бошлаб, Истеъмолчи Етказиб берувчига эътирозни ёзма шаклда беш кундан кечикмай тақдим этади. Эътироз билдирилиши Истеъмолчининг иссиқлик таъминоти хизмати учун тўловни белгиланган муддатда тўлаш мажбуриятидан озод қилмайди.

Эътироз Етказиб берувчи томонидан 10 кун муддатда кўриб чиқилади ва унинг асосланганлиги аниқланганда ортиқча сумма кейинги иссиқлик энергияси учун тўловга ҳисобланади. Эътирозни кўриб чиқиш натижалари тўғрисида Истеъмолчи 5 кундан кечикмай хабардор қилиниши керак.

102. Истеъмолчи Етказиб берувчининг қароридан рози бўлмаганда, бу уни иссиқлик таъминоти хизмати учун тўловни белгиланган муддатда тўлаш мажбуриятидан озод қилмайди. Етказиб берувчи даъво қилинган суммани мажбурий тартибда ундириш тўғрисида даъво аризаси беради.

103. Ўзига ўзи хизмат кўрсатишда тўлов ҳужжатларини ёзиш ва тўлашда Истеъмолчи томонидан йўл қўйилган хатолар Етказиб берувчи томонидан улар аниқланишига қараб ҳисобга олинади. Ҳисобга олиш асбобини текшириш далолатномаси билан тасдиқланган амалдаги кўрсаткичлар бўйича иссиқ сув сарфини ҳисобга олишдаги хатолар аниқланганда қайта ҳисоб-китоб амалга оширилади.

104. Иссиқлик таъминоти хизматлари (иситиш ва иссиқ сув таъминоти) учун Истеъмолчи томонидан тўлов унинг танлашига кўра чеклашсиз, шу жумладан умумий иссиқлик таъминотининг кўрсатилган хизматлари учун Етказиб берувчининг ҳисоб-китоб рақамига маблағлар йўналтирилган ҳолда, пластик карточкадан фойдаланиб, шунингдек электрон тўловлар тизими орқали тўланади.

105. Ўтган ойдаги иссиқлик энергияси учун тўловни қисмларга бўлиб тўлашга, белгиланган муддатини бузмаган ҳолда йўл қўйилади.

106. Уй-жой мулкдори ўзгарганда олдинги мулкдор бу ҳақда Етказиб берувчига чиқиб кетишидан 7 кун олдин маълум қилишга мажбур, чиқиб кетгандан кейин тамғалар ва ҳисобга олиш асбобининг сақланиши учун жавобгарлик янги мулкдорга юкланади. Олдинги мулкдор хона янги мулкдорга берилгунга қадар иссиқлик таъминотининг истеъмол қилинган хизматлари учун қарзларни тўлиқ тўлаши шарт.

Олдинги таҳрирга қаранг.

107. Шахсий ҳисоб рақами ва якка тартибда ҳисобга олиш асбобларининг ҳолати тўғрисидаги батафсил маълумотлар Етказиб берувчи томонидан шакллантирилади ва аниқ вақт режимида идоралараро электрон ҳамкорлик қилиш тизимига юборилади.

(107-банд Ўзбекистон Республикаси Вазирлар Маҳкамасининг 2017 йил 27 февралдаги 106-сонли қарори таҳририда — ЎР ҚХТ, 2017 й., 9-сон, 131-модда)

Олдинги таҳрирга қаранг.

108. Янги мулкдор кўчмас мулкнинг олди-сотди, айирбошлаш ва ҳадя қилиш битимлари давлат рўйхатидан ўтказилган кундан бошлаб 30 кун муддатда шартнома тузиши шарт.

Кўчмас мулкнинг олди-сотди, айирбошлаш ва ҳадя қилиш битимлари давлат рўйхатидан ўтказилгандан кейин давлат рўйхатидан ўтказувчи орган томонидан Етказиб берувчига янги мулкдорнинг фамилияси, исми, отасининг исми, янги доимий прописка қилинган манзили, нотариал ҳаракат амалга оширилган сана ва қайд этилган рақам, кўчмас мулкнинг кадастр рақами ва умумий (турар жой) майдони, мобил телефон рақами ва электрон почта манзили (мавжуд бўлса) ҳақидаги маълумотни юборади. Бунда Етказиб берувчи маълумот тушгандан кейин бир ой муддатда мулкдор билан иссиқлик таъминоти шартномаси тузилишини таъминлаши шарт.

(108-банд Ўзбекистон Республикаси Вазирлар Маҳкамасининг 2017 йил 27 февралдаги 106-сонли қарори таҳририда — ЎР ҚХТ, 2017 й., 9-сон, 131-модда)

109. Нотурар жой янги мулкдорга берилганда Истеъмолчи бу ҳақда Етказиб берувчига 7 кун муддатда хабар беради, янги эгаси эса нотурар жой хонасидан фойдаланиш бошлангунга қадар иссиқлик таъминоти хизматларидан фойдаланиш юзасидан янги шартнома тузади, нотурар жой хонадан фойдаланишни қайта ихтисослаштириш юз берган тақдирда эса янги мулкдор ҳам янги техник шартларни олиши шарт.

Техник шартлар ва кўрсатиб ўтилган шартнома мавжуд бўлмаган тақдирда иссиқлик таъминоти тизимларидан ўзбошимчалик билан фойдаланилган деб ҳисобланади.

110. Вақтинча яшовчилар (ижарага олувчилар) яшаганда тўлов амалда яшаган шахслар сони учун тўлиқ тўланади.

Турар жой хонаси ҳисобга олиш асбоби билан жиҳозланмаган тақдирда Истеъмолчи ўзи эгаллаб турган хонадонда яшовчи (шу жумладан вақтинча яшовчи) фуқаролар сони кўпайганлиги ёки камайганлиги тўғрисида) юз берган ўзгаришлар кунидан бошлаб 5 иш кунидан кечикмай Етказиб берувчини ёзма равишда хабардор қилиши шарт. Бунда Етказиб берувчининг, фуқароларнинг ўзини ўзи бошқариш органининг вакиллари ва хонанинг мулкдори ўртасида уч томонлама далолатнома тузилади.

Х. Уй бўйича умумий ҳисобга олиш асбоблари билан жиҳозланмаган кўп қаватли уйларда истеъмолчилар томонидан иссиқлик таъминоти хизматлари учун тўлов миқдорини ҳисоблаш тартиби

111. Кўп квартирали уйда ҳисобга олишнинг умумий асбоби мавжуд бўлмаган тақдирда ҳисоб-китоб даврида фойдаланилган кўп квартирали уйларни иситиш ва иссиқ сув таъминоти эҳтиёжларига берилган иссиқлик энергияси учун Истеъмолчиларнинг Етказиб берувчи билан ҳисоб-китоби иситиш ва иссиқ сув таъминоти хизматлари учун жами ҳисоблаб чиқишдан келиб чиққан ҳолда ҳар ойда амалга оширилади.

112. Кўп квартирали уйларнинг турар жой хоналарида иситиш хизматлари учун тўловнинг ойлик миқдори қуйидаги тартибда ҳисоблаб чиқилади:

Пов = S x Тов, бунда:

Пов — иситиш хизматлари учун тўлов;

Тов — иситиш хизматларига тасдиқланган тариф (сўм/кв.м/ой);

S — иситиладиган майдон (кв.м).

113. Кўп квартирали уйларнинг нотурар жой биноларида иситиш хизматлари учун тўловнинг ойлик миқдори қуйидаги тартибда ҳисоблаб чиқилади:

Пнотурар жой хона ми = қнотурар жой ми x ТГкал, бунда:

Пнотурар жой ми — нотурар жой хонада марказий иситиш учун тўлов (сўм);

ТГкал — қонун ҳужжатларига мувофиқ тасдиқланган иссиқлик энергиясига тариф, қўшилган қиймат солиғи билан (сўм/Гкал)

қнотурар жой ми — иссиқлик таъминоти хизматлари кўрсатиш тўғрисидаги шартномага мувофиқ нотурар жой хонасини иситишга ҳисоблаб чиқилган иссиқлик юкламаси (Гкал).

114. Кўп квартирали уйларнинг турар жой хоналарида иссиқ сув таъминоти хизматлари учун тўловнинг ойлик миқдори қуйидаги тартибда ҳисоблаб чиқилади:

а) иссиқ сувни ҳисобга олишнинг индивидуал асбоби мавжуд бўлганда;

Пист = Гамалдаист x Тист1, бунда:

Гамалдаист — индивидуал ҳисобга олиш асбоби кўрсаткичлари бўйича аниқланган ҳисоб-китоб даври учун иссиқ сув сарфи (куб.м);

Тист1 — иссиқ сув таъминоти хизматларига тасдиқланган тариф (сўм/куб.м);

б) иссиқ сувни индивидуал ҳисобга олиш асбоби мавжуд бўлмаганда:

Пист = n x Тист2 x Ккиши, бунда:

n — квартирада яшовчи кишилар сони (киши);

Тист2 — иссиқ сув таъминоти хизматларига тариф (сўм/киши/бир ойда);

Ккиши — иссиқ сувни индивидуал ҳисобга олиш асбоби мавжуд бўлмаганда қўлланадиган 1,5 га тенг коэффициент.

115. Кўп квартирали уйларнинг нотурар жой хоналарида иссиқ сув таъминоти хизматлари учун тўлов миқдори ҳисобга олишнинг индивидуал асбоби кўрсаткичлари бўйича ҳисоблаб чиқилади:

Пист = Гамалдаист x Тист, бунда:

Гамалдаист–индивидуал ҳисобга олиш асбоби кўрсаткичлари бўйича аниқланган ҳисоб-китоб даври учун иссиқ сув сарфи (куб.м);

Тист –иссиқ сув таъминоти хизматларига тасдиқланган тариф, қўшилган қиймат солиғи билан (сўм/куб.м).

116. Кўп квартирали уйларнинг иссиқ сувни индивидуал ҳисобга олиш асбоби билан жиҳозланмаган нотураар жой хоналарига иссиқ сув беришга йўл қўйилмайди.

Нотураар жой хоналарда 30 суткагача таъмирлаш ишлари ёки ҳисобга олишнинг яқка тартибини текшириш ўтказилган тақдирда иссиқ сув учун ҳисоб-китоб асбоб тўхтатилган пайдан олдинги охириги 30 сутка учун унинг ўртача суткалик сарфи бўйича, 30 суткадан ортиқ бўлганда — ҳисоблаб чиқилган иссиқлик юкламаси миқдоридан ва иссиқ сув етказиб берилган соатлар сонидан келиб чиқиб амалга оширилади.

XI. Уй бўйича умумий ҳисобга олиш асбоблари билан жиҳозланган кўп қаватли уйларда истеъмолчилар томонидан иссиқлик таъминоти хизматлари учун тўлов миқдорини ҳисоблаш тартиби

117. Кўп қаватли уйда уй бўйича умумий ҳисобга олиш асбоблари мавжуд бўлган тақдирда фойдаланилган ҳисоб-китоб даврида кўп қаватли уйларнинг иситиш ва иссиқ сув таъминоти эҳтиёжлари учун берилган иссиқлик энергияси учун Ижро этувчининг Етказиб берувчи билан ҳисоб-китоби иссиқлик энергияси уй бўйича умумий ҳисобга олиш асбоби кўрсаткичлари ва қонун ҳужжатларида белгиланган тартибда тасдиқланган иссиқлик таъминоти хизматларига тарифлар асосида амалга оширилади.

Иссиқлик энергиясини тураар жой ва нотураар жойлар ўртасида тақсимлаш қуйидаги формула бўйича аниқланади:

$P = Q_{\text{амалдауилар (тураар жой бино)}} \times T_{\text{Гкал1}} + Q_{\text{амалдауилар (нотураар жой бино)}} \times T_{\text{Гкал2}}$, бунда:

P — ҳисоб-китоб даврида кўп қаватли уйда фойдаланилган иссиқлик энергияси учун тўлов (сўм);

Qамалдауилар(нотураар жой хона) — кўп квартирали уйнинг нотураар жой хоналарида сарфланган (Qҳақиқатдауилар (нотураар жой)) иссиқлик энергияси ҳажми (Гкал) чиқариб ташланган ҳолда уй бўйича умумий ҳисобга олиш асбоблари кўрсаткичлари бўйича аниқланган ҳисобот даври учун кўп қаватли уйнинг тураар жой хоналарида сарфланган иссиқлик энергияси ҳажми (Гкал);

Qамалдауилар (нотураар жой) — Етказиб берувчининг маълумотлари (Гкал) ва нотураар жойларда иссиқ сувни индивидуал ҳисобга олиш асбоблари кўрсаткичлари (куб.м) бўйича, уларни иссиқ сувнинг иссиқлик сақлашига кўпайтириш йўли билан Гкал.га айлантирилган (Гкал/куб.м) бўйича аниқланган ҳисоб-китоб даври учун кўп қаватли уйда нотураар жойларга сарфланган иссиқлик энергияси ҳажми (Гкал);

$T_{\text{Гкал1}}$ –иссиқлик энергиясининг амалдаги тарифи, қўшилган қиймат солиғисиз (сўм/Гкал);

$T_{\text{Гкал2}}$ –иссиқлик энергиясининг амалдаги тарифи, қўшилган қиймат солиғи билан (сўм/Гкал).

118. Кўп квартирали уйдаги i-тураар жой хона (квартирада) марказий иситиш хизматлари учун тўловни ҳисоблаш (сўм) қуйидаги формула бўйича аниқланади:

$P_{\text{тураар жой хона } i} = (q_{\text{тураар жой } i} \times T_{\text{Гкал}}) \times S_i$, бунда:

$P_{\text{тураар жой хона } i}$ — тураар жой хонада марказий иситиш учун тўлов (сўм);

$T_{\text{Гкал}}$ –қонун ҳужжатларига мувофиқ тасдиқланган иссиқлик энергиясига тариф, қўшилган қиймат солиғисиз (сўм/Гкал);

S_i — кўп квартирали уйда i-тураар жой хонанинг (квартиранинг) иситиладиган майдони (m^2);

$q_{\text{тураар жой } i}$ — иситиладиган майдоннинг 1 квадрат метрни иситиш учун иссиқлик энергиясининг амалдаги солиштирма салмоғи (Гкал/ m^2), у қуйидаги формула бўйича аниқланади:

$q_{ми} = (Q_{амалдами(уй)} - Q_{амалдами(нотурар жой)}) / SD(турар жойларининг иситиладиган майдони)$, бунда:

Qамалдами(уй) — уй бўйича умумий ҳисобга олиш асбоблари кўрсаткичлари бўйича аниқланадиган кўп квартирали уйни марказий иситиш эҳтиёжларига ҳисоб-китоб даврида сарфланган иссиқлик энергияси ҳажми (Гкал);

Qамалдами (нотурар жой) — иссиқлик таъминоти хизматлари кўрсатиш тўғрисидаги шартномага мувофиқ ҳисоблаб чиқилган иссиқлик юкламалари бўйича аниқланадиган кўп квартирали уйда нотурар жой хоналарни марказий иситишга ҳисоб-китоб даврида сарфланган иссиқлик энергиясининг жами ҳажми (Гкал). Кўп квартирали уйдаги нотурар жой хоналар бўйича ҳисоблаб чиқилган юкламалар Етказиб берувчилар томонидан Ижро этувчиларга берилади;

SD (турар жой хоналарнинг иситиладиган майдони) — кўп квартирали уйдаги турар жой хоналарининг жами иситиладиган майдони.

119. Кўп квартирали уйдаги 1-нотурар жойнинг марказий иситиш хизматлари учун тўловни ҳисоблаш (сўм) қуйидаги формула бўйича аниқланади

$P_i \text{ нотурар жой ми} = q_i \text{ нотурар жой ми} \times TГкал$, бунда:

$P_i \text{ нотурар жой ми}$ — 1-нотурар жой хонани марказий иситиш учун тўлов (сўм);

TГкал — қонун ҳужжатларига мувофиқ тасдиқланган иссиқлик энергияси тарифи, кўшилган қиймат солиғи билан (сўм/Гкал);

$q_i \text{ нотурар жой ми}$ — иссиқлик таъминоти хизматлари кўрсатиш тўғрисидаги шартномага мувофиқ 1-нотурар жойни иситишга ҳисоблаб чиқилган иссиқлик юкламаси (Гкал);

120. Иссиқ сувни индивидуал ҳисобга олиш асбоби билан жиҳозланмаган 1-турар жой хоналарда (квартираларда) иссиқ сув таъминоти хизматлари учун ҳисобланган тўлов қуйидаги формула бўйича амалга оширилади:

$P_i \text{ турар жой хона ист} = (q_{\text{турар жой иссиқ сув таъминоти}} \times T_{\text{ист}} \times K_{\text{аҳоли}}) \times N_{\text{киши}}$, бунда:

$P_i \text{ турар жой хона ист}$ — турар жой хонасида иссиқ сув таъминоти хизматлари учун тўлов (сўм);

Tист — қонун ҳужжатларига мувофиқ тасдиқланган аҳоли учун иссиқ сув таъминоти хизмати тарифи (сўм/куб.м);

Kкиши — иссиқ сувни индивидуал ҳисобга олиш асбоби мавжуд бўлмаганда қўлланадиган 1,5 га тенг коэффициент;

$N_i \text{ киши}$ — кўп квартирали уйдаги i-турар жой хоналарида иссиқ сув таъминоти хизматларидан фойдаланувчи кишилар сони;

$q_{\text{турар жой иссиқлик таъминоти (ит)}}$ — иссиқ сувни индивидуал ҳисобга олиш асбоблари билан жиҳозланмаган турар жой хоналарида ҳисобот даврида 1 киши ҳисобига иссиқ сув сарфи (куб.м/киши), у қуйидаги формула бўйича аниқланади:

Qамалдаист (уй) — кўп квартирали уйда ҳисобот даврида сарфланган иссиқ сув ҳажми, у уй бўйича умумий ҳисобга олиш асбоблари кўрсаткичлари бўйича аниқланади (куб.м);

Qамалдатурар жой ит (ИҲОП билан) — кўп квартирали уйдаги турар жой хоналарида иссиқ сувни индивидуал ҳисобга олиш асбоби билан жиҳозланган ҳисобот даврида сарфланган иссиқ сувнинг жами ҳажми (куб.м);

Qамалданотурар жой ит (ИҲОП билан) — иссиқ сувни индивидуал ҳисобга олиш асбоблари кўрсаткичлари билан аниқланадиган кўп квартирали уйдаги нотурар жойда иссиқ сувни индивидуал ҳисобга олиш асбоблари билан жиҳозланган ҳисобот даврида сарфланган иссиқ сувнинг жами ҳажми, (куб.м);

№уЙ (киши) — иссиқ сувни индивидуал ҳисобга олиш асбоблари билан жиҳозланмаган кўп квартиралли уйдаги турар жой хоналарида иссиқ сув таъминоти хизматларидан фойдаланувчи одамларнинг жами сони.

121. Иссиқ сувни индивидуал ҳисобга олиш асбоблари билан жиҳозланган i -турар жой хоналарда (квартираларда) иссиқ сув таъминоти хизматлари учун тўловни ҳисоблаш қуйидаги формула бўйича амалга оширилади:

Пист i = қамалдаист x Тист, бунда:

қамалдаист i — индивидуал ҳисобга олиш асбоби кўрсаткичлари бўйича аниқланган ҳисобот даври учун иссиқ сув сарфи (куб.м);

Тист — аҳоли учун иссиқ сув таъминоти хизматига тасдиқланган тариф (сўм/куб.м).

122. Иссиқ сувни индивидуал ҳисобга олиш асбоби билан жиҳозланган i нотурар жойда иссиқ сув таъминоти хизматлари учун тўловни ҳисоблаш қуйидаги формула бўйича амалга оширилади:

Пист = қамалдаист x Тист, бунда:

қамалдаист — индивидуал ҳисобга олиш асбоби кўрсаткичлари бўйича аниқланган ҳисобот даври учун иссиқ сув сарфи (куб. м);

Тист — иссиқ сув таъминоти хизматига тасдиқланган тариф, қўшилган қиймат солиғи билан (сўм/куб.м) .

ХII. Белгиланган давомийликдан ошувчи танаффуслар билан етказиб беришда иссиқлик таъминоти хизматлари учун тўлов миқдорини ўзгартириш тартиби

123. Зарур сифатга эга бўлмаган ва (ёки) белгиланган давомийликдан ортиқ бўлган танаффуслар билан иссиқлик энергияси етказиб беришда Истеъмолчилар томонидан иссиқлик энергияси учун тўлов миқдори ушбу Қоидаларга иловага мувофиқ қайта ҳисоб-китоб қилинади.

Агар иссиқлик таъминоти хизматлари кўрсатишдаги танаффус фуқароларнинг ҳаёти, соғлиғига хавфни бартараф этиш, мол-мулкка зарар етказишнинг олдини олиш ёки енгиб бўлмайдиган куч оқибати билан боғлиқ бўлса, тўлов миқдорини қайта ҳисоб-китоб қилишга йўл қўйилмайди.

124. Иссиқлик энергияси етказиб беришдаги танаффусларда ёки белгиланган давомийликдан ортиқ бўлган иссиқлик таъминоти хизматлари кўрсатилганда, шунингдек олдини олиш ишларини бажаришда умумий ёки индивидуал ҳисобга олиш асбоблари мавжуд бўлмаганда иссиқлик энергияси учун тўлов етказиб берилмаган иссиқлик энергияси миқдорига камайтирилади.

125. Етказиб берилмаган иссиқлик энергиясининг ҳажми иссиқлик энергияси истеъмоли меъёридан, истеъмолчиларнинг сонидан ёки турар жой хоналарининг иситиладиган майдонидан, шунингдек иссиқлик энергияси етказиб берилмаганлиги вақтидан келиб чиққан ҳолда ҳисоблаб чиқилади.

ХIII. Иссиқлик энергияси етказиб берилмаганлиги ва зарур сифатга эга бўлмаган иссиқлик энергияси етказиб берилганлиги ҳолатини аниқлаш тартиби

126. Иссиқлик энергияси етказиб берилмаган, шунингдек зарур сифатга эга бўлмаган иссиқлик энергияси етказиб берилган тақдирда Истеъмолчи Етказиб берувчини ва Ижро этувчини хабардор қилади.

127. Иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги тўғрисидаги хабар Истеъмолчи томонидан ёзма шаклда ёки оғзаки (шу жумладан телефон орқали) берилиши мумкин ва Етказиб берувчи (Ижро этувчи) томонидан албатта рўйхатдан ўтказилиши керак. Бунда Истеъмолчи ўз фамилияси, исми ва отасининг исмини, аниқ яшаш манзилини, шунингдек етказиб берилмаган иссиқлик энергияси турини (иситиш, иссиқ сув таъминоти) ёки зарур сифатга эга бўлмаган иссиқлик энергияси етказиб берилганлигини маълум қилиши шарт. Етказиб берувчи (Ижро этувчи) Истеъмолчига буюртманомани олган шахс тўғрисидаги

маълумотларни (фамилияси, исми ва отасининг исмини), буюртманомани рўйхатдан ўтказиш рақамини ва уни қабул қилиш вақтини хабар қилиши шарт.

128. Агар иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлигининг сабаблари маълум бўлса, Етказиб берувчи (Ижро этувчи) бу ҳақда дарҳол (Истеъмолчига) хабар бериши ва буюртмаларни рўйхатдан ўтказиш дафтарида тегишли ёзувни қайд этиши шарт. Ушбу белги иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги ҳолати Етказиб берувчи (Ижро этувчи) томонидан эътироф этилиши учун асос ҳисобланади.

129. Агар иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги сабаблари Етказиб берувчига (Ижро этувчига) маълум бўлмаса, Етказиб берувчи (Ижро этувчи) кўрсатиб ўтилган ҳолатларни аниқлашнинг ва иссиқлик энергияси сифатини текширишнинг аниқ вақти ва санасини Истеъмолчи билан келишиши шарт. Текшириш натижалари бўйича далолатнома тузилади. Далолатнома Истеъмолчи (ёки унинг вакили), Етказиб берувчи (ёки унинг вакили), Ижро этувчи (ёки унинг вакили) томонидан имзоланади.

130. Агар Истеъмолчи (ёки унинг вакили), Етказиб берувчи (ёки унинг вакили), Ижро этувчи (ёки унинг вакили) иссиқлик энергияси сифатига ёки иссиқлик таъминоти кўрсатилишига нисбатан ягона қарорга келмасалар, у ҳолда улар томонидан иссиқлик энергияси сифатини баҳолашнинг янги вақти ва санаси белгиланади, унга маҳаллий давлат ҳокимияти органи, стандартлаштириш органлари, истеъмолчиларнинг ҳуқуқларини ҳимоя қилиш бўйича жамоат ташкилотлари, ваколатли давлат органлари вакиллари ҳамда Етказиб берувчи ва Ижро этувчининг вакиллари таклиф этилади.

Иссиқлик энергиясининг сифатини такроран баҳолаш натижалари бўйича иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги тўғрисида далолатнома тузилади. Далолатнома Истеъмолчи (ёки унинг вакили), Етказиб берувчи (ёки унинг вакили), Ижро этувчи (ёки унинг вакили) томонидан имзоланади. Кўрсатиб ўтилган шахслар билан биргаликда далолатномани маҳаллий давлат ҳокимияти органи, фуқароларнинг ўзини ўзи бошқариш органлари вакиллари имзолаши мумкин.

131. Иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги тўғрисидаги далолатномада сифат параметрлари бузилиши, иссиқлик энергиясини етказиб бериш тўхтатилиши бошланишининг ёки зарур сифатга эга бўлмаган иссиқлик энергияси етказиб берилганлигининг вақти ва санаси кўрсатилади.

132. Иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги тўғрисидаги далолатнома иссиқлик таъминоти бўйича хизматлар учун тўлов миқдорини қайта ҳисоб-китоб қилиш учун асос ҳисобланади.

133. Етказиб берувчи ёки Ижро этувчи ёки учинчи шахслар томонидан Истеъмолчининг ёки у билан бирга яшайдиган шахсларнинг ҳаёти, соғлиғи ва (ёки) мол-мулкига, кўп квартирали уйдаги хоналарнинг мулкдорлари умумий мулкига зарар етказилган тақдирда Етказиб берувчи (ёки унинг вакили), Ижро этувчи (ёки унинг вакили) ва Истеъмолчи (ёки унинг вакили) далолатнома тузадилар ва уни имзолайдилар. Далолатномада бундай зарар етказилганлиги ҳолати қайд этилади. Мазкур далолатнома Истеъмолчи мурожаат қилган пайтдан бошлаб 12 соатдан кечикмай Етказиб берувчи (Ижро этувчи) томонидан тузилиши ва тегишли равишда унинг ваколатли вакили томонидан имзоланиши керак. Далолатномани Истеъмолчи (ёки унинг вакили) томонидан имзолаш имконияти бўлмаган тақдирда у фуқароларнинг ўзини ўзи бошқариш органининг вакиллари томонидан имзоланиши керак.

134. Иссиқлик энергияси етказиб берилмаганлиги ёки зарур сифатга эга бўлмаган иссиқлик энергияси етказиб берилганлиги тўғрисидаги далолатнома ёки Истеъмолчига (ёки у билан бирга яшайдиган шахсларнинг) ҳаёти, соғлиғи ва мол-мулкига, кўп квартирали уйдаги хоналарнинг мулкдорлари умумий мол-мулкига зарар етказилганлиги тўғрисидаги далолатнома 2 нусхада тузилади, улардан бири Истеъмолчига (ёки унинг вакилига) берилади, иккинчи нусхаси — тегишли равишда Етказиб берувчида (Ижро этувчида) қолади.

135. Зарур сифатга эга бўлмаган иссиқлик энергияси етказиб бериш даври:

а) иссиқлик энергияси етказиб бериш ёки иссиқлик таъминоти хизматлари кўрсатишдаги камчиликларни бартараф этиш тўғрисидаги далолатнома Истеъмолчи (ёки унинг вакили) томонидан имзоланган пайтдан (кундан) бошлаб:

б) ҳисобга олиш асбобида қайд этилган зарур сифатга эга бўлган иссиқлик энергиясини етказиб бериш тикланган пайтдан бошлаб тугалланган ҳисобланади.

136. Амалга оширилган қайта ҳисоб-китоб қилиш кейинги ҳисоб-китоб даврининг истеъмол қилинган иссиқлик энергияси учун навбатдаги тўлов ҳужжатини ёзишда ҳисобга олинади.

XIV. Якунловчи қоидалар

137. Ушбу Қоидалар талаблари бузилишида айбдор бўлган шахслар қонун ҳужжатларига мувофиқ жавоб берадилар.

138. Томонлар ўртасида юзага келадиган барча низолар ва келишмовчиликлар музокаралар олиб бориш йўли билан ҳал этилади. Томонларнинг музокаралар олиб бориши йўли билан ҳал этилмаган барча низолар ва келишмовчиликлар қонун ҳужжатларида белгиланган тартибда ҳал этилади.

4.10. Сув ва оқава сув, канализация тизимига уланиш бўйича давлат хизмати

Юридик ва жисмоний шахсларни сув таъминоти ва сувни чиқариб ташлаш тармоқларига улаш бўйича давлат хизматлари кўрсатишнинг

МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 31 мартдаги 256-сон қарори билан тасдиқланган)

1-боб. Умумий қоидалар

1. Ушбу Регламент юридик ва жисмоний шахсларни (кейинги ўринларда истеъмолчилар деб аталади) сув таъминоти ва сувни чиқариб ташлаш тармоқларига улаш тартибини белгилайди.

2. Ушбу Регламентнинг амал қилиши қуйидагиларга татбиқ этилади:

сув таъминоти ва сувни чиқариб ташлаш тармоқларини лойиҳалаштириш ва қурилиш-монтаж ишларини бажаришга;

лойиҳа-смета ҳужжатларида сув таъминоти ва сувни чиқариб ташлаш тармоқларини қуриш ва реконструкция қилиш ишларини амалга ошириш назарда тутилган объектларга.

Ушбу Регламент Ўзбекистон Республикаси Бош прокуратураси ҳузуридаги Мажбурий ижро бюросининг (кейинги ўринларда Бюро деб аталади) кўрсатмаси бўйича олдин сув таъминоти ва сувни чиқариб ташлаш тизимларидан узилган истеъмолчиларни қайта улаш жараёнига татбиқ этилмайди.

3. Сув таъминоти ва сувни чиқариб ташлаш хизматларини кўрсатиш бўйича шартномани тузмасдан сувни етказиб бериш ва оқова сувларни қабул қилиш тақиқланади.

4. Истеъмолчиларни сув таъминоти ва сувни чиқариб ташлаш тармоқларига улаш жараёни қуйидагиларни назарда тутади:

техник шартларни ишлаб чиқиш;

сув таъминоти ва сувни чиқариб ташлаш лойиҳасини ишлаб чиқиш ва келишиш;

қурилиш-монтаж ишларини амалга ошириш;

сувни ҳисобга олиш приборини пломбалаш;

сув таъминоти ва сувни чиқариб ташлаш хизматларини кўрсатиш бўйича шартномани тузиш;

сувни етказиб бериш ва оқова сувларни қабул қилиш.

5. Истеъмолчиларни сув таъминоти ва сувни чиқариб ташлаш тармоқларига улаш жараёнини амалга оширишда:

а) сув қувурлари ва канализация хўжалиги ташкилоти (кейинги ўринларда СҚКХ ташкилоти деб аталади):

техник шартларни ишлаб чиқади;

лойиҳалаш ва қурилиш-монтаж ишларини амалга оширади (истеъмолчининг ихтиёрига кўра);

сув таъминоти ва сувни чиқариб ташлаш лойиҳасини техник шартларга мувофиқлик юзасидан келишади, агар лойиҳа ишлаб чиқувчи лойиҳалаш ташкилоти бўлса;

сувни ҳисобга олиш приборини пломбалашда иштирок этади;

сув таъминоти ва сувни чиқариб ташлаш хизматларини кўрсатиш бўйича шартнома тузади;

сувни етказиб бериш ва оқова сувларни қабул қилишни амалга оширади;

б) лойиҳалаш ва қурилиш-монтаж ташкилотлари лойиҳалаш ва қурилиш-монтаж ишларини амалга оширади (истеъмолчининг ихтиёрига қўра);

в) Бюро сувни ҳисобга олиш приборини пломбалашда иштирок этади.

6. Давлат хизматлари марказлари, Бюро, СҚКХ ташкилотлари, лойиҳалаш ва қурилиш-монтаж ташкилотлари ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. Истеъмолчиларни сув таъминоти ва сувни чиқариб ташлаш тармоқларига улаш ушбу Регламентга 1-иловага мувофиқ схема бўйича амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

8. Истеъмолчилар сув таъминоти ва сувни чиқариб ташлаш тармоқларига уланиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматларидан электрон тарзда фойдаланиш учун рўйхатдан ўтади.

9. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 2-иловага мувофиқ давлат хизматларидан фойдаланиш учун сўровномани электрон тарзда тўлдиради.

Зарур ҳолларда сўровномада уланиш назарда тутилаётган сув таъминоти ва сувни чиқариб ташлаш тармоқларини балансда сақловчиларнинг розилиги мавжудлиги ҳақидаги маълумотлар кўрсатилади.

Сўровномага қуйидаги ҳужжатлар электрон шаклда илова қилинади:

объектнинг аҳоли яшаш жойи ҳудудига нисбатан жойлашиши акс эттирилган вазият режаси (тархдан кўчирма нусхаси);

уланаётган объектнинг сувдан фойдаланиш турлари, шу жумладан, ўт ўчириш бўйича кўрсаткичлари (субистеъмолчиларни ҳисобга олган ҳолда) акс эттирилган сув истеъмоли ва сувни чиқариб ташлаш ҳажми тўғрисидаги маълумот;

бошқа жисмоний ва юридик шахсларнинг мулкида бўлган сув қувурлари — канализация тармоқларига уланиш учун рухсатнома.

Истеъмолчилардан ушбу бандда кўрсатилмаган маълумотларни ва бошқа ҳужжатларни тақдим этишни талаб қилиш қатъиян тақиқланади.

10. Истеъмолчи зарур маълумотларни расмийлаштирганидан ва сўровномага киритганидан сўнг уни ўз ЭРИ билан тасдиқлайди.

Давлат хизматлари маркази ходимлари ҳамда ЯИДХП истеъмолчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари истеъмолчилар ЭРИни жойнинг ўзида олишлари учун барча зарур шароитларни таъминлашга мажбурдир.

11. Давлат хизматларини кўрсатиш учун энг кам ойлик иш ҳақининг 10 фоизи миқдорида йиғим ундирилади.

Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тўлиқ СҚКХ ташкилотининг банк ҳисоб рақамига ўтказилади.

13. Истеъмолчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматларини кўрсатиш учун йиғимни тўламаслик давлат хизматлари кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

14. Истеъмолчи давлат хизматларидан фойдаланишдан у кўрсатилишининг ҳар қандай босқичида бош тортиш ҳуқуқига эга.

Истеъмолчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни СҚКХ ташкилотига техник шартларни ишлаб чиқиш учун юборади.

ЯИДХП орқали мурожаат қилинганда сўровнома автоматик тарзда СҚКХ ташкилотига техник шартларни ишлаб чиқиш учун юборилади.

2-§. Техник шартларни ишлаб чиқиш ва бериш, шунингдек, тижорат таклифлари ва шартномалар лойиҳаларини тақдим этиш

16. СҚКХ ташкилоти сўровнома тушганидан сўнг уч иш куни мобайнида техник шартларни ишлаб чиқади ва электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) юборади ёхуд уларни ишлаб чиқишни рад этади.

СҚКХ ташкилоти лойиҳалаш ва қурилиш-монтаж ишларини амалга ошириш бўйича ўзининг тижорат таклифларини ҳамда шартномалари лойиҳаларини ҳам юбориш ҳуқуқига эга.

Ўзи келиб мурожаат этганда Давлат хизматлари маркази техник шартлар ҳамда СҚКХ ташкилотининг лойиҳалаш ва қурилиш-монтаж ишларини амалга ошириш бўйича тижорат таклифлари ва шартномалар лойиҳалари тушганидан сўнг бир соат мобайнида техник шартларга ўзининг муҳрини босиб, истеъмолчига беради.

17. Истеъмолчининг объекти жойлашган ҳудудда қуввати СҚКХ ташкилоти томонидан истеъмолчига сувни етказиб бериш ва ундан оқова сувларини қабул қилишни таъминлайдиган сув таъминоти ва сувни чиқариб ташлаш тармоқларининг мавжуд эмаслиги техник шартларни ишлаб чиқишни рад этиш учун асос бўлади.

Бошқа асосларга кўра техник шартларни ишлаб чиқишни рад этиш қатъиян тақиқланади.

18. Ишлаб чиқилган техник шартлар истеъмолчининг алоқа қилинадиган маълумотлари илова қилинган ҳолда лойиҳалаш ва қурилиш-монтаж ишларини амалга ошириш бўйича ўзларининг тижорат таклифлари ва шартномалар лойиҳаларини тақдим этиши мақсадида лойиҳалаш ва қурилиш-монтаж ташкилотларининг танишиши учун ЯИДХПда жойлаштирилади.

3-§. Истеъмолчиларни сув таъминоти ва сувни чиқариб ташлаш тармоқларига улаш

19. Сув таъминоти ва сувни чиқариб ташлаш лойиҳасини ишлаб чиқиш учун истеъмолчилар СҚКХ ташкилоти ёки бошқа лойиҳалаш ташкилотлари билан лойиҳалаш ишларини амалга оширишга шартномалар тузиш ҳуқуқига эга.

20. Лойиҳалаш ишлари лойиҳалаш ишларини бажариш бўйича шартномаларда белгиланган муддатларда амалга оширилади.

21. Лойиҳалаш ташкилоти лойиҳалаш ишларини амалга оширгандан сўнг ЯИДХПда ушбу Регламентга 3-иловага мувофиқ шакл бўйича сўровномани тўлдиради ва уни ўзининг ЭРИ билан тасдиқлайди.

Сўровномага сув таъминоти ва сувни чиқариб ташлаш лойиҳаси электрон шаклда илова қилинади.

Лойиҳалаш ташкилотидан ушбу бандда кўрсатилмаган ҳужжатлар ва маълумотларни тақдим этишни талаб этиш қатъиян тақиқланади.

Сўровнома сув таъминоти ва сувни чиқариб ташлаш лойиҳасини келишиш учун СҚКХ ташкилотига автоматик тарзда юборилади.

22. Сув таъминоти ва сувни чиқариб ташлаш лойиҳаси СҚКХ ташкилоти томонидан ишлаб чиқилган ҳолларда сув таъминоти ва сувни чиқариб ташлаш лойиҳасини келишиш талаб этилмайди.

23. СҚКХ ташкилоти сўровнома тушганидан сўнг уч иш куни мобайнида сув таъминоти ва сувни чиқариб ташлаш лойиҳасини келишади ёки келишишни рад этади.

Сув таъминоти ва сувни чиқариб ташлаш лойиҳасини келишиш уни СҚКХ ташкилотининг ЭРИ билан тасдиқлаш орқали амалга оширилади.

24. Сув таъминоти ва сувни чиқариб ташлаш лойиҳасининг техник шартлар талабларидан четга чиқиши сув таъминоти ва сувни чиқариб ташлаш лойиҳасини келишишни рад этишга асос бўлади.

Бошқа сабабларга кўра сув таъминоти ва сувни чиқариб ташлаш лойиҳасини келишишни рад этиш қатъиян тақиқланади.

Сув таъминоти ва сувни чиқариб ташлаш лойиҳасини келишишни рад этиш учун асос бўлган сабаблар лойиҳалаш ташкилоти томонидан бартараф этилган тақдирда, қайта келишиш такрорий сўровнома тушганидан сўнг бир иш кунидан ошмаган муддатда амалга оширилади.

Сув таъминоти ва сувни чиқариб ташлаш лойиҳасини такроран кўриб чиқишда СҚКХ ташкилоти томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

25. Келишилган сув таъминоти ва сувни чиқариб ташлаш лойиҳаси у келишилган кунда электрон шаклда СҚКХ ташкилоти томонидан лойиҳалаш ташкилотига ЯИДХП орқали юборилади.

26. Сув таъминоти ва сувни чиқариб ташлаш тармоқларига улаш бўйича қурилиш-монтаж ишларини амалга ошириш учун истеъмолчилар СҚКХ ташкилоти ёки бошқа қурилиш-монтаж ташкилотлари билан тегишли шартномалар тузиш ҳуқуқига эга.

27. Қурилиш-монтаж ишлари қурилиш-монтаж ишларини бажариш бўйича шартномаларда белгиланган муддатларда амалга оширилади.

4-§. Сувни ҳисобга олиш приборини пломбалаш, сув таъминоти ва сувни чиқариб ташлаш хизматларини кўрсатиш бўйича шартномани тузиш, шунингдек, сувни етказиб бериш ва оқова сувларини қабул қилиш

28. Сувни ҳисобга олиш приборини пломбалаш ҳамда сув таъминоти ва сувни чиқариб ташлаш хизматларини кўрсатиш бўйича шартномани тузиш сув таъминоти ва сувни чиқариб ташлаш тармоқларига уланиш бўйича қурилиш-монтаж ишлари бажарилгандан сўнг амалга оширилади.

29. Ўзи келиб мурожаат этганда Давлат хизматлари маркази ходими истеъмолчи номидан, ЯИДХП орқали мурожаат қилинганда эса истеъмолчи мустақил равишда ушбу Регламентга 4-иловага мувофиқ сувни ҳисобга олиш приборини пломбалаш ҳамда сув таъминоти ва сувни чиқариб ташлаш хизматларини кўрсатиш бўйича шартномани тузиш учун сўровномани электрон тарзда тўлдиради.

Бунда, сўровномада СҚҚХ ташкилоти томонидан тасдиқланган сув таъминоти ва сувни чиқариб ташлаш тармоқларига уланиш муддати кўрсатилади.

Истеъмолчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

30. Истеъмолчи зарур маълумотларни расмийлаштирганидан ва сўровномага киритганидан сўнг уни ўзининг ЭРИ билан тасдиқлайди.

31. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни СҚҚХ ташкилоти ва Бюрога сувни ҳисобга олиш приборини пломбалаш ҳамда сув таъминоти ва сувни чиқариб ташлаш хизматларини кўрсатиш бўйича шартномани тузиш учун юборади.

ЯИДХП орқали мурожаат қилинганда сўровнома автоматик тарзда СҚҚХ ташкилоти ва Бюрога сувни ҳисобга олиш приборини пломбалаш ҳамда сув таъминоти ва сувни чиқариб ташлаш хизматларини кўрсатиш бўйича шартномани тузиш учун юборилади.

32. СҚҚХ ташкилоти ва Бюро сўровнома тушган кундан бошлаб икки иш куни мобайнида жойнинг ўзига чиқиб сувни ҳисобга олиш приборини пломбалашни амалга оширади.

Сувни ҳисобга олиш приборини пломбалаш қўшма тасдиқланган жадваллар асосида олдиндан белгиланган вақтда амалга оширилади.

33. СҚҚХ ташкилоти сувни ҳисобга олиш прибори пломбаланган куннинг ўзида электрон шаклда Давлат хизматлари марказига (ўзи келиб мурожаат этганда) ёки истеъмолчига ЯИДХП орқали (электрон шаклда мурожаат қилинганда) пломбалаш ўтказилганлиги тўғрисидаги маълумотлар кўрсатилган расмийлаштирилган сув таъминоти ва сувни чиқариб ташлаш хизматларини кўрсатиш бўйича шартномани юборади.

34. Давлат хизматлари маркази расмийлаштирилган сув таъминоти ва сувни чиқариб ташлаш хизматларини кўрсатиш бўйича шартнома тушганидан сўнг бир соат ичида бу ҳақида истеъмолчини ахборот-коммуникация тизимлари орқали хабардор қилади.

35. Истеъмолчи расмийлаштирилган сув таъминоти ва сувни чиқариб ташлаш хизматларини кўрсатиш бўйича шартнома тушганидан сўнг беш иш куни мобайнида уни ўзининг ЭРИ билан тасдиқлайди.

Истеъмолчи томонидан тасдиқланган сув таъминоти ва сувни чиқариб ташлаш хизматларини кўрсатиш бўйича шартнома СҚҚХ ташкилотига Давлат хизматлари маркази томонидан (ўзи келиб мурожаат этганда) ёки истеъмолчи томонидан ЯИДХП орқали (электрон шаклда мурожаат қилинганда) юборилади.

36. Истеъмолчи сув таъминоти ва сувни чиқариб ташлаш хизматларини кўрсатиш бўйича шартномани тасдиқлашдан бош тортганда ёки у белгиланган муддатда юборилмаганда, сув таъминоти ва сувни чиқариб ташлаш хизматларини кўрсатиш бўйича шартнома тузилмаган ҳисобланади.

37. Сувни етказиб бериш ва оқова сувларни қабул қилиш истеъмолчи томонидан олдиндан тўлов амалга оширилган куни СҚҚХ ташкилоти томонидан амалга оширилади.

38. Улаш ҳамда сув қувурлари кириш тармоқларини ювиш, канализация қувурларини улаш қонун ҳужжатларида белгиланган тартибда амалга оширилади.

3-боб. Якунловчи қоидалар

39. Техник шартларни, шу жумладан, қўшимча техник шартларни ишлаб чиқиш, бериш, сув таъминоти ва сувни чиқариб ташлаш лойиҳаларини келишиш, сувни ҳисобга олиш приборини пломбалаш тўлов ундирилмаган ҳолда амалга оширилади, давлат хизматлари кўрсатилганлиги учун йиғим ундирилиши бундан мустасно.

40. Давлат хизматлари марказлари, СҚКХ ташкилотлари, Бюро, лойиҳалаш ва қурилиш-монтаж ташкилотлари ўз фаолиятини амалга ошириши натижасида олинган истеъмолчи ҳақидаги маълумотларнинг махфийлигини таъминлаши керак.

41. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

42. Истеъмолчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

43. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.11-4.13. Сувни ҳисобга олиш(ҳисоблагич) ускунасини ўрнатиш, ечиш ва қиёслашга ариза бериш бўйича давлат хизмати

Сувни ҳисобга олиш ускунасини (ҳисоблагични) ечиш, қиёслашдан ўтказиш ва ўрнатиш бўйича давлат хизматлари кўрсатишнинг ВАҚТИНЧАЛИК МАЪМУРИЙ РЕГЛАМЕНТИ (Ўзбекистон Республикаси Президентининг Давлат маслаҳатчиси Т.А.Худайбергенов томонидан 2018 йил 30 майда тасдиқланган)

Мазкур Регламент юридик ва жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали ичимлик суви учун сувни ҳисобга олиш ускунасини (ҳисоблагични) (бундан буён ҳисобга олиш ускуналари деб юритилади) ечиш, қиёслашдан ўтказиш ва ўрнатиш бўйича давлат хизматларини (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали кўрсатилади. Бунда:

а) коммунал сув таъминоти ва оқова сувни чиқариш марказлаштирилган тизимларидан фойдаланиш соҳасида сув қувурлари — канализация хўжалиги (бундан буён матнда ИСКХ деб юритилади) – ҳисобга олиш ускуналарини ечиш ва ўрнатишни амалга оширади, ечилган ҳисобга олиш ускуналарини “Ўзстандарт” агентлигининг давлат метрологик хизматида (бундан буён матнда метрологик хизмат деб юритилади) қиёслашдан ўтказиш ишларининг амалга оширилишини таъминлайди;

б) Ўзбекистон Республикаси Бош прокуратураси ҳузуридаги Мажбурий ижро бюросининг ҳудудий бўлинмалари (бундан буён матнда Бюро деб юритилади) барча жараёнларда ИСКХ билан ҳамкорлик қилади, ҳисобга олиш ускуналарига тамға (пломба) қўйишни амалга оширади;

в) метрологик хизмат ечилган ҳисобга олиш ускуналарини қиёслашдан ўтказиш билан боғлиқ ишларни амалга оширади;

г) талабгорлар ечилган ҳисобга олиш ускуналарини ўрнатиш ва ечиш учун зарур шароит яратади ва ушбу жараёнда иштирок этади.

2. Давлат хизматлари марказлари, ИСКХ, Бюро ва метрологик хизмат ўртасида ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматлари кўрсатиш тартиби

1-§. Мурожаатларни шакллантириш ва юбориш

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдирди.

5. Талабгордан бошқа ҳужжатларни талаб қилиш тақиқланади.
6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.
7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.
- Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.
8. Давлат хизматларини кўрсатиш учун қонун ҳужжатларида белгиланган тартибда йиғим ундирилади. Давлат хизматларини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.
- Давлат хизматларини кўрсатиш учун тўланган йиғим суммаси қонун ҳужжатларида белгиланган тартибда тақсимланади.
9. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматларини кўрсатиш учун тўловнинг амалга оширилмаганлиги давлат хизматларини кўрсатишни рад этиш учун асос ҳисобланади. Давлат хизматларини кўрсатишни бошқа асослар бўйича рад этиш тақиқланади.
10. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади. Бунда тўланган тўлов қайтарилмайди.
11. Талабгорлар Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, 20 дақиқа ичида ИСКХ ва Бюрога электрон шаклда юборилади (қиёслашдан ўтказиш учун мурожаат қилинганда, метрологик хизматга ҳам юборилади). ЯИДХП орқали мурожаат қилинганда эса, анкета автоматик тарзда ИСКХ ва Бюрога электрон шаклда юборилади (қиёслашдан ўтказиш учун мурожаат қилинганда, метрологик хизматга ҳам юборилади).

2-§. Ҳисобга олиш ускуналарини ечиш тартиби

12. ИСКХ ва Бюро ходимлари анкета келиб тушганидан сўнг 3 иш куни ичида талабгор билан келишиб, унинг иштирокида тегишли далолатнома тузган ҳолда ҳисобга олиш ускунасини ечиб олади ва талабгорга далолатноманинг бир нусхаси билан бирга топширади. Талабгор ҳисобга олиш ускунасини қиёслашдан ўтказиш учун мурожаат қилганда, ҳисобга олиш ускунаси ИСКХ томонидан далолатнома билан бирга метрологик хизматга топширилади.

13. Талабгор ёки унинг вакили келишилган вақтда ва манзилда бўлмаган тақдирда, бу ҳақда ҳолислар иштирокида далолатнома тузилиб, фуқароларнинг ўзини ўзи бошқариш органи муҳри билан расмийлаштирилади ва белгиланган тартибда давлат хизматлари кўрсатиш рад этилади.

Давлат хизматлари кўрсатиш рад этилганлиги ҳақида ИСКХ масъул ходими томонидан электрон рақамли имзо билан тасдиқланган хабарнома тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

3-§. Ҳисобга олиш ускуналарини қиёслашдан ўтказиш тартиби

14. Ҳисобга олиш ускунаси ИСКХдан қабул қилиб олинганидан сўнг, 3 кун ичида метрологик хизмат томонидан қиёслашдан ўтказилади.

15. Ҳисобга олиш ускунасини қиёслашдан ўтказиш натижаси ижобий бўлган тақдирда, ҳисобга олиш ускунаси фойдаланишга яроқли деб топилади ва метрологик хизмат томонидан ҳисобга олиш ускунасининг қиёслашдан ўтказилганлиги ҳақида сертификат расмийлаштирилади. Ҳисобга олиш ускунаси унинг ҳисоблаш механизми ва созлаш элементига ўзгартириш киритишнинг олдини олиш мақсадида метрологик хизмат томонидан тамғаланади (техник имконияти мавжуд бўлса).

Ҳисобга олиш ускунасини қиёслашдан ўтказиш натижаси салбий бўлганда, ҳисобга олиш ускунаси фойдаланишга яроқсиз деб топилади ва бу ҳақда шу куннинг ўзида метрологик хизмат масъул ходими томонидан ҳисобга олиш ускунасининг яроқсизлиги ҳақида хабарнома расмийлаштирилади.

Сертификат ёки хабарнома расмийлаштирилгандан сўнг, 20 дақиқа ичида метрологик хизмат масъул ходими уларни ўзининг электрон рақамли имзоси билан тасдиқлаб, ИСКХ ва Бюрога, шунингдек Давлат хизматлари маркази (ўзи келиб мурожаат этган тақдирда) ёки ЯИДХП орқали талабгорга (электрон тарзда мурожаат этган тақдирда) электрон шаклда юборади.

16. ИСКХ сертификат ёки хабарнома келиб тушганидан сўнг 2 иш куни ичида ҳисобга олиш ускунасини метрологик хизматдан олиб кетади.

4-§. Ҳисобга олиш ускуналарини ўрнатиш тартиби

17. ИСКХ ва Бюро ходимлари ҳисобга олиш ускунаси қиёслашдан ўтказилгандан кейин 3 иш куни ичида уч нусхада тегишли далолатнома тузган ҳолда талабгор иштирокида ўрнатилиб, тамғаланади. Далолатноманинг бир нусхаси талабгорда қолдирилади.

Ҳисобга олиш ускунасини ўрнатиб бериш бўйича мурожаат қилинганда (анкета келиб тушганда) ИСКХ ва Бюро ходимлари томонидан 3 иш куни ичида, талабгор билан келишилган вақтда, анкетада кўрсатилган манзилга бориб, ҳисобга олиш ускунаси ўрнатиб берилади.

Талабгор ёки унинг вакили келишилган вақтда ва манзилда бўлмаган тақдирда, бу ҳақда ҳолислар иштирокида далолатнома тузилиб, фуқароларнинг ўзини ўзи бошқариш органи муҳри билан расмийлаштирилади ва белгиланган тартибда давлат хизматлари кўрсатиш рад этилади.

18. Давлат хизматлари кўрсатиш рад этилганлиги ҳақида ИСКХ масъул ходими томонидан электрон рақамли имзо билан тасдиқланган хабарнома тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборилади.

3-боб. Яқуний қоидалар

19. Давлат хизматлари марказлари, ИСКХ, Бюро ва метрологик хизмат ўз фаолиятини амалга ошириши натижасида олинган маълумотлар сир сақланишини таъминлайди.

20. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

21. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

22. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

4.14. Бино ва иншоотнинг ташқи кўринишини ўзгартиришни (фасадини таъмирлашни) келишиш бўйича давлат хизмати

Бино ва иншоотнинг ташқи кўринишини ўзгартиришни келишиш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 18 майдаги 370-сон қарори билан тасдиқланган)

1-боб. Умумий қоидалар

1. Ушбу Регламент юридик ва жисмоний шахсларга (кейинги ўринларда ариза берувчилар деб аталади) тегишли бино ва иншоотларнинг ташқи кўринишини ўзгартиришни келишиш тартибини белгилайди

2. Ушбу Маъмурий регламентда қуйидаги асосий тушунчалардан фойдаланилади:

бино — функционал мақсадига қараб одамлар яшаши ёки бўлишига ва ҳар хил турдаги ишлаб чиқариш жараёнларини бажаришга мўлжалланган, ёпиқ ҳажмни ташкил этувчи таянч, тўсма ёки ҳар иккала мақсадга хизмат қилувчи конструкциялардан иборат қурилиш тизими;

иншоот — ҳар хил турдаги ишлаб чиқариш жараёнларини бажаришга, материаллар, буюмлар, асбоб-ускуналарни сақлашга, одамларнинг вақтинча бўлишига, одамлар, юklar ва бошқа нарсаларни олиб ўтишга мўлжалланган, таянч, тўсма ёки ҳар иккала мақсадга хизмат қилувчи конструкциялардан иборат ҳажмий, ясси ёки чизик тарзидаги қурилиш тизими;

бино ва иншоот фасадининг эскиз лойиҳаси — бино ва иншоот фасадига ўзгартиришлар киритилмасдан олдин унинг олд ва ён фасадларининг рангли тасвирдаги фотосуратлари билан бирга бино ва иншоот фасадига киритилган ўзгартиришларнинг якуний натижаси тўғрисида тўлиқ тасаввур берувчи бино ва иншоот фасадининг рангли тасвирдаги архитектуравий чизмаси.

3. Ушбу Регламентнинг амал қилиши бино ва иншоотнинг ҳажми ва майдонини ўзгартирмасдан туриб кўча (кўчалар)дан кўринадиган олд ва ён фасадлар (фасад майдонининг 25 фоизидан ортиқ қисми)даги архитектуравий элементлар (цоколи, қуёшдан ҳимоялаш элементлари, парапетлари, устунлари, томи, деразалари, пешайвони, айвонлари ва шу кабилар)нинг ранги, конфигурацияси ва ўлчамлари ўзгартирилишига татбиқ этилади.

Бино ва иншоотнинг ташқи кўринишини ўзгартиришни келишиш, агар бино ва иншоот магистрал кўчалар (аҳоли пунктлари доирасидаги), халқаро, давлат аҳамиятига эга бўлган автомобиль йўллари бўйлаб жойлашган ҳолларда талаб этилади.

Туманларнинг маъмурий маркази бўлмаган посёлкаларда, қишлоқ аҳоли пунктлари (қишлоқ ва овуллар)да ва аҳоли пунктлари ташқарисида жойлашган бино ва иншоотларнинг ташқи кўринишини ўзгартириш учун келишиш талаб этилмайди.

4. Бино ва иншоотларнинг лойиҳа эскизини келишмасдан туриб бино ва иншоот ташқи кўринишини ўзгартириш тақиқланади.

5. Бино ва иншоотнинг ташқи кўринишини ўзгартиришни келишиш тартиботини амалга оширишда:

а) Қорақалпоғистон Республикаси Қурилиш вазирлиги, вилоятлар ва Тошкент шаҳар бош бошқармалари (кейинги ўринларда ваколатли органлар деб аталади) — бино ва иншоот фасадининг эскиз лойиҳасини (бино ва иншоот фасадига ўзгартиришлар

киритилмасдан олдин унинг олд ва ён фасадларининг рангли тасвирдаги фотосуратлари билан бирга бино ва иншоот фасадига киритилган ўзгартиришларнинг якуний натижалари ҳақида тўлиқ тасаввур берувчи бино ва иншоотнинг олд ва ён фасадларининг рангли архитектуравий чизмасини) келишадилар;

б) Қорақалпоғистон Республикаси, вилоятлар ва Тошкент шаҳар ер тузиш ва кўчмас мулк кадастри давлат корхонаси филиаллари (кейинги ўринларда ДК филиаллари деб аталади) бино ва иншоот деворларининг режаси, кесими (мавжуд бўлса), фасади ва кадастр паспорти нусхаларини юборадилар.

6. Давлат хизматлари марказлари, ваколатли органлар ва ДК филиаллари ўртасида ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. Бино ва иншоотларнинг ташқи кўринишини ўзгартиришни келишиш ушбу Регламентга 1-иловага мувофиқ схема бўйича амалга оширилади.

2-боб. Давлат хизмати кўрсатиш тартиби

8. Ариза берувчилар бино ва иншоот ташқи кўринишини ўзгартиришни келишиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

9. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса ариза берувчи мустақил равишда ушбу Регламентга 2-иловага мувофиқ шакл бўйича давлат хизматидан фойдаланиш учун сўровномани электрон тарзда тўлдиради.

Сўровномага бино ва иншоот фасадининг электрон кўринишдаги эскиз лойиҳаси илова қилинади.

Ариза берувчилардан ушбу бандда кўрсатилмаган маълумотларни ҳамда бошқа хужжатларни талаб қилиш қатъиян тақиқланади.

10. Ариза берувчи зарур маълумотларни расмийлаштиргандан ва сўровномага киритгандан сўнг уни ўз ЭРИ билан тасдиқлайди.

Давлат хизматлари маркази ходими ва ЯИДХП ариза берувчиларни давлат хизматларидан фойдаланиш учун ЭРИ мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчилар ЭРИни жойнинг ўзида олишлари учун барча зарур шароитларни таъминлашга мажбурдир.

11. Давлат хизматлари кўрсатиш учун энг кам ойлик иш ҳақининг 30 фоизи миқдорида йиғим ундирилади.

Давлат хизмати кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ миқдорда ваколатли органнинг банк ҳисоб рақамига ўтказилади.

13. Ариза берувчиларда ЭРИ мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари

кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш қатъиян тақиқланади.

14. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ваколатли органга ва ДК филиалига юборадилар.

ЯИДХП орқали мурожаат қилинганда эса сўровнома автоматик тарзда ваколатли орган ва ДК филиалига юборилади.

16. ДК филиали сўровнома тушган кундан бошлаб бир иш куни мобайнида ЯИДХП орқали ваколатли органга бино ва иншоотнинг деворлари режаси, кесими (мавжуд бўлса), фасад ва кадастр паспорти нусхасини электрон кўринишда юборади ёки уни юборишни рад этади.

17. Бино ва иншоотга бўлган ҳуқуқларнинг давлат рўйхатидан ўтказилмаганлиги бино ва иншоотнинг деворлари режаси, кесими (мавжуд бўлса), фасад ва кадастр паспорти нусхасининг юборилмаслиги учун асос ҳисобланади.

Бино ва иншоотнинг деворлари режаси, кесими (мавжуд бўлса), фасад ва кадастр паспорти нусхасини бошқа асосларга кўра юбормаслик қатъиян тақиқланади.

18. Ваколатли орган жойига бориб, бино ва иншоот мақсадидан келиб чиққан ҳолда, бино ва иншоотнинг ташқи кўринишини ўзгартириш имкониятини ўрганиб чиқади.

Бино ва иншоотни ўрганиб чиқиш бутун бино ва иншоотни ёки уларнинг қисмлари ва уларга бириктирилган ер участкасини, шунингдек уларга туташ ҳудуд ва улар яқинидаги бино ва иншоотларни визуал кўриқдан (зарурат бўлганда, махсус ускуналар ва асбоблардан фойдаланган ҳолда) ўтказишдан иборат бўлади.

Ўрганиш давомида бино ва иншоотларни кўздан кечириш, ариза берувчи сўровномасида, шунингдек бино ва иншоотнинг деворлари, кесими (мавжуд бўлса), фасад режалари ва кадастр паспорти нусхаларидаги маълумотларни бино ва иншоотларнинг ҳозирги ҳолатига, бино ва иншоотлар ташқи кўринишини ўзгартиришни келишмасдан, шунингдек, ваколатли орган билан келишилган бино ва иншоотлар фасадининг эскиз лойиҳасидан четга чиққан ҳолда қурилиш-таъмирлаш ишларини амалга ошириш ҳолатини аниқлаш юзасидан таққослаш амалга оширилади.

19. Ваколатли орган бино ва иншоотнинг деворлари режаси, кесими (мавжуд бўлса), фасад ва кадастр паспорти нусхалари келиб тушган кундан бошлаб тўрт иш куни мобайнида бино ва иншоот ташқи кўринишини ўзгартиришга келишади ёки рад этишнинг аниқ сабаблари ва қонунчилик нормаларини кўрсатган ҳолда келишишни рад этади.

Бино ва иншоот ташқи кўринишини ўзгартиришни келишиш бино ва иншоот фасадининг эскиз лойиҳасини ваколатли органнинг ЭРИ билан тасдиқлаш орқали амалга оширилади.

20. Бино ва иншоот фасади эскиз лойиҳасининг қонунчилик талабларига, шу жумладан шаҳарсозлик нормалари ва қоидаларига мос келмаслиги бино ва иншоот ташқи кўринишини ўзгартиришни келишишни рад этишга асос бўлади.

Бино ва иншоот ташқи кўринишини ўзгартиришни келишишни бошқа асосларга кўра рад этиш қатъиян тақиқланади.

Ариза берувчи бино ва иншоот ташқи кўринишини ўзгартиришни келишиш рад этилган кундан бошлаб ўн иш куни мобайнида давлат хизмати кўрсатиш учун йиғим тўламаган ҳолда бино ва иншоотнинг ташқи кўринишини ўзгартиришни келишиш учун такроран мурожаат қилиш ҳуқуқига эга.

Бино ва иншоот ташқи кўринишини ўзгартиришни келишишни рад этиш учун асос бўлган сабаблар ариза берувчи томонидан бартараф қилинган тақдирда, такроран келишиш сўровнома такрорий келиб тушган кундан бошлаб икки иш кунидан ортиқ бўлмаган муддатда амалга оширилади.

Бино ва иншоот фасадининг эскиз лойиҳасини такроран кўриб чиқишда ваколатли органи томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

21. Ваколатли орган бино ва иншоот ташқи кўринишини ўзгартиришни келишиб берган куннинг ўзида бино ва иншоотнинг келишилган лойиҳа эскизини электрон шаклда Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали юборади.

Давлат хизматлари маркази бино ва иншоотнинг келишилган лойиҳа эскизи тушганидан сўнг бир соат мобайнида уни ариза берувчининг электрон манзилига юборади ва бу ҳақида ариза берувчини ахборот-коммуникация тизими орқали хабардор қилади. Бунда, давлат хизматлари маркази ариза берувчи ўзи келиб мурожаат қилган тақдирда, унга бино ва иншоотнинг келишилган лойиҳа эскизини электрон кўринишда тақдим қилишига мажбур.

Техник имконияти мавжуд бўлган тақдирда Давлат хизматлари маркази аризачининг сўровига кўра унга бино ва иншоотнинг келишилган лойиҳа эскизини қоғоз шаклда ўзининг муҳрини босган ҳолда тақдим этиши шарт.

3-боб. Яқунловчи қоидалар

22. Давлат хизматлари марказлари, ваколатли органлар ва ДК филиаллари ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

23. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

24. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

25. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.15. Объектни қайта ихтисослаштириш ва реконструкция қилишга рухсат бериш бўйича давлат хизмати

Объектни қайта ихтисослаштириш ва реконструкция қилиш учун рухсатнома бериш бўйича давлат хизматларини кўрсатишнинг МАЪМУРИЙ РЕГЛАМЕНТИ

*(Ўзбекистон Республикаси Вазирлар Маҳкамасининг 2018 йил 18 майдаги 370-сон қарори билан
тасдиқланган)*

1-боб. Умумий қоидалар

1. Ушбу Регламент юридик ва жисмоний шахсларнинг (кейинги ўринларда ариза берувчилар деб аталади) объектларни қайта ихтисослаштириш ва реконструкция қилиш учун рухсатномалар (кейинги ўринларда рухсатнома деб аталади) бериш тартибини белгилайди.

2. Ушбу Регламентда қуйидаги асосий тушунчалардан фойдаланилади:

бино — функционал мақсадига қараб одамлар яшаши ёки бўлишига ва ҳар хил турдаги ишлаб чиқариш жараёнларини бажаришга мўлжалланган, ёпиқ ҳажмни ташкил этувчи таянч, тўсма ёки ҳар иккала мақсадга хизмат қилувчи конструкциялардан иборат қурилиш тизими;

иншоот — ҳар хил турдаги ишлаб чиқариш жараёнларини бажаришга, материаллар, буюмлар, асбоб-ускуналарни сақлашга, одамларнинг вақтинча бўлишига, одамлар, юklar ва бошқа нарсаларни олиб ўтишга мўлжалланган, таянч, тўсма ёки ҳар иккала мақсадга хизмат қилувчи конструкциялардан иборат ҳажмий, ясси ёки чизик тарзидаги қурилиш тизими;

капитал бино ва иншоот — объект барпо этилиши учун ер участкасига эгалик қилиш ҳуқуқи мавжуд бўлган, зарур рухсат берувчи ҳужжатлари олинган ҳамда муқим муҳандислик коммуникациялари ўтказилган (зарур бўлганда), шаҳарсозлик нормалари ва қоидаларига риоя этган ҳолда махсус мослаштирилган (чуқурлаштирилган ва бошқа ҳолатдаги) пойдеворларга ўрнатилган қурилиш тизими;

енгил турдаги қурилмалар — енгил конструкциялардан барпо этилган, чуқурлаштирилган пойдеворларга ва ер ости иншоотларига (0,5 метрдан кўп) эга бўлмаган, бузиб олиб (бартараф этиб) кўчиришга имконияти мавжуд объект;

вақтинчалик қурилмалар — объектлар қуриладиган, реконструкция қилинадиган ва таъмирланадиган, дала ишлари (геодезия, қишлоқ хўжалиги, ўрмончилик, балиқ кўпайтириш ва бошқалар) бажариладиган мавсумий савдо, умумий овқатлантириш, ўқитиш ва бошқа жараёнлар даврида махсус барпо этиладиган ёки мослаштириладиган ҳамда улардан фойдаланиш зарурати бўлмаганда бартараф этиш (бузиш) имконияти мавжуд бўлган капитал ҳисобланмаган ишлаб чиқариш, омбор сифатида ишлатиладиган, ёрдамчи турар жой ва жамоат капитал ҳисобланмаган бино ва иншоотлар.

3. Қуйидаги ҳолларда реконструкция қилиш учун рухсатнома талаб этилмайди:

биноларнинг мустаҳкамлиги ва зилзилабардошлилигига таъсир қилувчи юк кўтариб турувчи қисмларининг ўзгаришига олиб келмайдиган қайта режалаштиришда;

пойдевор майдонини ўзгартирмасдан енгил турдаги қурилмалар ва вақтинча қурилмаларни реконструкция қилишда;

ўз ер майдонида кўчалардан, чорраҳалардан, шаҳар (посёлка) майдонларидан, парклар, сквер, стадион, аэропорт, вокзал, театр, автостанциялардан кўриниб турмайдиган қисмларида, бинолар ва иншоотлар оралиғи ёнғинга қарши нормалар талабларига жавоб

беришини, шунингдек, махсус автотранспорт воситалари ўтишини таъминлаган ҳолда, енгил турдаги ва вақтинчалик қурилмалар қуришда.

4. Объектни қайта ихтисослаштириш деганда объектнинг мақсадли йўналишининг реконструкция билан ва реконструкциясиз ўзгариши, яъни хоналар (бинолар)ни унинг лойиҳа-смета ва кадастр ҳужжатларида назарда тутилмаган фаолият учун мослаштириш тушунилади.

5. Объектни реконструкция қилиш деганда қуйидагилар тушунилади:

бинолар ва иншоотларнинг мустаҳкамлиги, зилзилабардошлилигига таъсир қилувчи юк кўтарувчи қисмларининг ўзгаришига олиб келадиган ҳажми ва майдонини ўзгартириш;

бинолар ва иншоотларнинг мустаҳкамлиги, зилзилабардошлилигига таъсир қилувчи юк кўтарувчи қисмларини ўзгартирмасдан ҳажми ва майдонини ўзгартириш;

бино ва иншоотларнинг дастлабки ҳажмини сақлаб қолган ҳолда уларнинг асосий қисмларига ўзгартириш киритиш;

ўз ер участкасида бир-бирига туташиб кетувчи ва алоҳида қўшимча бино ва иншоотлар қуриш.

6. Объектни рухсатномасиз қайта ихтисослаштириш ва реконструкция қилиш тақиқланади.

7. Рухсатнома бериш тартиботини амалга оширишда:

а) Тошкент шаҳар қурилиш бош бошқармаси ва туманлар (шаҳарлар) қурилиш бўлимлари (кейинги ўринларда ваколатли органлар деб аталади) рухсатнома берадилар;

б) Қорақалпоғистон Республикаси, вилоятлар ва Тошкент шаҳри давлат ер тузиш ва кўчмас мулк кадастри корхонаси филиали (кейинги ўринларда ДК филиаллари деб аталади) бино ва иншоотнинг деворлари, кесими (агар мавжуд бўлса), фасад режаси ва кадастр паспорти нусхасини юборади.

8. Давлат хизматлари марказлари ваколатли органлар ва ДК филиаллари ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

9. Рухсатнома бериш ушбу Регламентнинг 1-илоvasидаги схемага мувофиқ амалга оширилади.

2-боб. Давлат хизматлари кўрсатиш тартиби

10. Ариза берувчилар рухсатнома олиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон тарзда фойдаланиш учун рўйхатдан ўтади.

11. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса ариза берувчи мустақил равишда ушбу Регламентга 2-иловага мувофиқ шакл бўйича давлат хизматидан фойдаланиш учун сўровномани электрон тарзда тўлдиради.

Ариза берувчилардан ушбу бандда кўрсатилмаган маълумотларни ҳамда бошқа ҳужжатларни талаб қилиш қатъиян тақиқланади.

12. Зарур маълумотлар расмийлаштирилгандан ва сўровномага киритилгандан сўнг ариза берувчи уни ўз ЭРИси билан тасдиқлайди.

Давлат хизматлари марказлари ходими ва ЯИДХП ариза берувчини давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчи ЭРИсини жойнинг ўзида олишлари учун барча зарур шароитларни таъминлашга мажбур.

13. Давлат хизмати кўрсатилганлиги учун энг кам ойлик иш ҳақининг 30 фоизи миқдорида йиғим ундирилади.

Давлат хизматлари кўрсатилганда йиғимни тўланганлигини тасдиқлаш ахборот-коммуникация тизимлари орқали амалга оширилади.

14. Йиғимлар суммаси қуйидаги тартибда тақсим қилинади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ миқдорда ваколатли органнинг ҳисоб рақамига ўтказилади.

15. Ариза берувчиларда ЭРИсининг йўқлиги ёки уни олишдан бош тортиш, сўровномада нотўғри маълумотларни кўрсатиш ҳамда давлат хизматлари учун тўловнинг амалга оширилмаганлиги давлат хизматлари кўрсатишнинг рад этилишига асос бўлади.

Давлат хизматларини кўрсатишни бошқа асосларга кўра рад этиш қатъиян тақиқланади.

16. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

17. Ўзи келиб мурожаат қилганда, Давлат хизматлари марказлари, сўровнома тўлдирилгандан бошлаб бир соат мобайнида уни ваколатли органга ва ДК филиалига юборадилар.

ЯИДХП орқали мурожаат қилинганда, сўровнома ваколатли органга ва ДК филиалига автоматик тарзда юборилади.

18. Сўровнома келиб тушгандан сўнг ДК филиали бир иш куни мобайнида ЯИДХП орқали ваколатли органга бино ва иншоотнинг деворлари режаси, кесими (мавжуд бўлса), фасад ва кадастр паспорти нусхасининг электрон кўринишини юборади ёки уларнинг юборилишини рад этади.

19. Бино ва иншоотга бўлган эгалик ҳуқуқининг давлат рўйхатидан ўтмаганлиги, бино ва иншоотнинг деворлари режаси, кесими (мавжуд бўлса), фасад ва кадастр паспорти нусхаси юборишни рад этиш учун асос бўлади.

Бино ва иншоотнинг деворлари режаси, кесими (мавжуд бўлса), фасад ва кадастр паспорти нусхасини юборишни бошқа асослар бўйича рад этиш қатъиян тақиқланади.

20. Ваколатли орган жойига бориб, объект вазифасидан келиб чиққан ҳолда, объектни қайта ихтисослаштириш ва реконструкция қилиш имкониятларини ўрганиб чиқади.

Бино ва иншоотни ўрганиб чиқиш бутун бино ва иншоотни ёки уларнинг қисмлари ва уларга бириктирилган ер участкасини, шунингдек, уларга туташ ҳудуд ҳамда бино ва иншоотларни визуал кўрикдан (зарурат бўлганда, махсус ускуналар ва асбоблардан фойдаланган ҳолда) ўтказишдан иборат бўлади.

Ўрганиш давомида, бино ва иншоот ўзбошимчалик билан қурилганини (лойиҳа-смета ҳужжатларини келишмасдан ва тегишли тартибда экспертизадан ўтказмасдан туриб қурилганини, объектнинг лойиҳа-смета ҳужжатларидан четга чиққан ҳолда ҳамда шаҳарсозлик нормалари ва қоидаларини бузган ҳолда қуриш ва реконструкция қилингани) аниқлаш мақсадида, бино ва иншоотни текширувдан ўтказиш ҳамда ариза берувчи сўровномасида, шунингдек бино ва иншоотнинг деворлари режаси, кесими (мавжуд бўлса), фасад ва кадастр паспорти нусхасида берилган маълумотларни бино ва иншоотнинг ҳақиқий ҳолати билан таққослаш амалга оширилади.

Ариза берувчи томонидан ваколатли органга объектни ўрганиш учун имконият яратилади.

21. Ваколатли орган бино ва иншоотнинг деворлари режаси, кесими (мавжуд бўлса), фасад ва кадастр паспорти нусхалари келиб тушгандан сўнг тўрт иш куни мобайнида рухсатнома беради ёки рад этилганликнинг аниқ сабабларини ва қонунчилик нормаларини кўрсатган ҳолда рухсатнома беришни рад этади.

Рухсатнома Ўзбекистон Республикаси Қурилиш вазирлиги томонидан тасдиқланган шаклда электрон кўринишда расмийлаштирилади ва ваколатли органнинг ЭРИСи билан тасдиқланади.

22. Амалга оширилаётган қайта ихтисослаштириш ва реконструкция қилиш қонун ҳужжатлари талабларига, шунингдек шаҳарсозлик нормалари ва қоидаларига мувофиқ эмаслиги рухсатнома беришни рад этиш учун асос бўлади.

Шунингдек, хонанинг турар жой зонасида жойлашгани — ушбу Регламентнинг 23-бандида назарда тутилган ҳолларда қайта ихтисослаштириш учун рухсатнома беришни рад этиш учун асос бўлади.

Қуйидаги ҳолатлар ҳам нотурар жой бўлмаган хоналарни турар жой тоифасига қайта ихтисослаштириш учун рухсатнома беришни рад этиш учун асос бўлади:

хонанинг бино ертўласи ёки ярим ертўласи қисмида жойлашганлиги;

хонани тўғридан-тўғри бошидан охиригача ёки бурчагидан шамоллатишни ташкил этиш имкониятининг мавжудлиги, шунингдек, қўшни турар жой ёки нотурар жойлардан тўлиқ изоляцияланмаганлиги;

қайта ихтисослаштирилаётган хоналар шифтининг (максимум, минимум) баландлиги шаҳарсозлик ҳамда санитария-гигиена нормалари ва қоидалари талабларига мувофиқ эмаслиги;

зарур санитария-техник ва гигиена шароитлари яратиш учун хоналарни мослаштириш имкониятининг мавжуд эмаслиги;

марказлашган канализация мавжуд бўлмаган ҳолларда хонага бириктириладиган ер участкасининг майдони турар жой хонасидан, шунингдек, бириктириладиган ер участкасига туташ бўлган бошқа мулкдорларга тегишли турар жойлардан оқова сувлар ва нажас учун мўлжалланган ахлат тўкиладиган ўралардан санитария масофаларига риоя қилишга имкон берувчи нормаларга жавоб бермаслиги;

хона муҳандислик ва транспорт коммуникацияларининг, ирригация иншоотларининг, дарё ва сув ҳавзаларининг, ишлаб чиқариш корхоналарининг, қабристонларнинг қўриқланадиган зоналарида, қишлоқ хўжалиги экинларига ишлов бериш учун заҳарли химикатларни қўллаш зоналарида жойлашганлиги;

низони ҳал этиш тугагунгача — хона судда кўриб чиқиш предмети бўлмаслиги керак;

хонанинг савдо, маиший ҳамда ишлаб чиқариш билан боғлиқ бўлмаган ва шу каби бошқа мақсадларга мўлжалланган хона сифатида (уйнинг қурилишида лойиҳа-смета ҳужжатларида назарда тутилган ҳолларда) кўп квартирали турар жойларда жойлашганлиги;

хонанинг мавсумий ва вақтинчалик яшаш учун мўлжалланганлиги;

аҳоли пунктларида нотурар жойдан турар жойга қайта ихтисослаштириладиган хоналарнинг аҳоли пунктининг бош режасида ёки қишлоқлар (овуллар) фуқаролар йиғини ҳудудини меъморий режалаштиришни ташкил этиш лойиҳасида (мавжуд бўлса) кўрсатилган турар жой биноларини жойлаштириш учун мўлжалланмаган зоналарда жойлашганлиги;

хонанинг ишлаб чиқариш корхоналарининг ҳимоя зонаси ва бошқа инсон саломатлиги ва ҳаёти учун хавфли санитария нормалари ва гигиеник нормативларга, ёнғин хавфсизлиги талабларига жавоб бермайдиган объектларда жойлашганлиги, шунингдек, хонанинг бозорлар ва савдо марказларида, маҳаллий давлат ҳокимияти органлари биноларида жойлашганлиги (аҳоли пунктининг бош режаси ёки қишлоқ (овул)

фуқаролар йиғини ҳудудининг архитектура-режалаштиришни ташкил этиш лойиҳаси мавжуд бўлмаган ҳолларда баҳо берилади).

Рухсатнома беришни бошқа асосларга кўра рад этиш қатъиян тақиқланади.

Ариза берувчи рухсатнома бериш рад этилган кундан бошлаб ўн иш куни мобайнида давлат хизмати кўрсатиш учун йиғимни тўламасдан рухсатномани олиш учун қайта мурожаат қилиш ҳуқуқига эга.

Рухсатнома беришни рад этиш учун асос бўлган сабаблар ариза берувчи томонидан бартараф этилган тақдирда, рухсатнома такрорий сўровнома тушганидан сўнг икки иш кунидан ошмаган муддатда берилади.

23. Қуйидаги фаолият турлари учун турар жойлар зоналарида жойлашган объектларни қайта ихтисослаштириш учун рухсатнома бериш тақиқланади:

Вазирлар Маҳкамасининг «Марказлаштирилган инвестициялар ҳисобидан молиялаштириладиган лойиҳа ишлари ва инвестиция лойиҳаларини такомиллаштириш учун қўшимча чоралар ҳақида» 2016 йил 22 январдаги 15-сон қарорининг 2-илоvasида (Мураккаблик тоифаси бўйича объектлар классификацияси) келтирилган III тоифаларга мансуб фаолият турлари;

тўй ва шунга ўхшаш маросимлар ўтказиш билан боғлиқ, 100 тадан ортиқ ўтириш жойи бўлган умумий овқатланиш корхоналари, кино ва видеофильмлар намойиш қилинадиган стационар ва вақтинча павильонлар, ёзги очиқ эстрада, кинотеатрлар ва рақс майдончалари, 500 ўрингача бўлган ёпиқ кинотеатрлар.

Қуйидаги объектлар бундан мустасно (ушбу банднинг учинчи хатбошида кўрсатилган объектлар комплексида бўлмаслик шарти билан):

соғлиқни сақлаш муассасалари объектлари ва дорихоналар;

дам олиш ва туризм муассасалари объектлари;

меҳмонхона хўжалиги объектлари;

маданий-маърифий муассасалар объектлари;

жамоатчилик ва маъмурий бинолар;

таълим муассасалари объектлари;

илмий-тадқиқот муассасалари объектлари;

маиший хизмат корхоналари (йил бўйи фаолият юритадиган) объектлари, кир ювиш корхоналари, кийим тикиш ательелари, сартарошхоналар, ھаммомлар ва ҳ.к.;

сув хўжалиги қурилиши, мелиорация ва ирригация объектлари;

почтамтлар, телеграфлар, саралаш узеллари;

алоқа бўлими мавжуд бўлган автоматлаштирилган телефон станциялари.

24. Нотурар жой хоналарини (ёки уларнинг бир қисмини) кўп хонадонли турар жой ёки ётоқхона сифатида ишлатиладиган турар жойга қайта ихтисослаштиришда, ваколатли органнинг нотурар жой хоналарини (ёки уларнинг бир қисмини) турар жой тоифасига қайта ихтисослаштириш учун берадиган рухсатномасида қўшни бинолардан ёнғинга қарши ва санитария масофаларини, кириш йўлларини, пиёдалар учун йўлакларини, автомобиллар тўхтаб туриш майдончаларини, спорт ва болалар майдончаларини, ахлат йиғгичлар ва ювилган кийимларни қуритиш майдончаларини ҳисобга олган ҳолда кўп хонадонли турар жойлар ёки ётоқхонага хизмат кўрсатиш учун мўлжалланган ер участкасининг майдони кўрсатилади.

25. Шахслар белгиланган санитария қоидалари ва гигиена меъёрларига, ёнғин хавфсизлиги талабларига жавоб берадиган фуқароларнинг доимий яшаши учун мўлжалланган боғ ва бошқа ер участкаларида жойлашган ўзининг эгалигидаги қурилмаларни турар жой хоналари сифатида қайта ихтисослаштириш учун рухсатнома олиш мақсадида мурожаат қилишлари мумкин. Ушбу турар жой хоналари кўчмас мулкка эгалик қилиш ҳуқуқини ва у билан битимларни қонун ҳужжатларда белгиланган тартибда рўйхатга оладиган органда давлат рўйхатидан ўтказилган вақтдан бошлаб турар жой сифатида эътироф этилади.

26. Рухсатнома расмийлаштирилган куни ваколатли орган рухсатномани Давлат хизматлари марказига (ўзи келиб мурожаат қилган тақдирда) ёки ариза берувчига ЯИДХП орқали (электрон мурожаат қилган тақдирда) электрон шаклда юборади.

Давлат хизматлари маркази, рухсатнома келиб тушгандан сўнг бир соат мобайнида уни ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Давлат хизматлари маркази ариза берувчи ўзи келиб мурожаат қилган тақдирда ариза берувчининг сўровига кўра унга рухсатномани электрон шаклда ёки қоғоз шаклда муҳрини босиб бериш йўли билан тақдим этиши мумкин.

3-боб. Яқунловчи қоидалар

27. Давлат хизматлари марказлари ваколатли органлар ва ДК филиаллари ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

28. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали, доимий назоратни ва мониторингни амалга оширадilar.

29. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

30. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.16. Қурилиш-монтаж ишларига рухсат бериш бўйича давлат хизмати

Қурилиш-монтаж ишларини амалга оширишга рухсатнома бериш бўйича давлат хизматлари кўрсатишнинг МАЪМУРИЙ РЕГЛАМЕНТИ

*(Ўзбекистон Республикаси Вазирлар Маҳкамасининг 2018 йил 18 майдаги
370-сон қарори билан тасдиқланган)*

1-боб. Умумий қоидалар

1. Ушбу Регламент юридик ва жисмоний шахсларга (кейинги ўринларда ариза берувчилар деб аталади) қурилиш-монтаж ишларини амалга оширишга рухсатнома (кейинги ўринларда рухсатнома деб аталади) бериш тартибини белгилайди.

2. Ушбу Регламентнинг амал қилиши, мулкчилик шаклидан ва молиялаштириш манбаларидан, шунингдек, қурилиш-монтаж ишлари олиб борилаётган ер участкаси майдонларидан қатъи назар, қурилиш-монтаж ишларининг барча турларига нисбатан қўлланади.

Рухсатнома олиш:

якка тартибдаги уй-жой қурилиши объектлари (қишлоқ жойларда намунавий лойиҳалар бўйича якка тартибда уй-жой қурилиши режасига киритилган объектлардан ташқари);

турар жой тоифасидан нотурар жой тоифасига ўтказилаётган хоналар;

мавсумий ишлар ва яйлов чорвачилиги учун вақтинчалик иншоотлар ва маиший хоналар;

мобил алоқа станцияси монтажи;

ишлаётган муҳандислик-коммуникация тармоқларини ўзгартиришни талаб этмайдиган кичик ўлчамдаги (300 куб метрдан ортиқ бўлмаган) алоҳида қурилатган объектлар;

конни кавлаш ишлари;

технологик ресурслари ишлатиб бўлинган ва объектни реконструкция қилиш ёки ихтисослаштириш талаб этилмайдиган технологик ҳамда муҳандислик ускуналарини таъмирлаш ва алмаштириш учун талаб этилмайди.

3. Қурилиш-монтаж ишларини рухсатнома олмасдан амалга ошириш тақиқланади.

4. Рухсатномани бериш Ўзбекистон Республикаси Қурилиш вазирлигининг қурилиш соҳасида назорат бўйича ҳудудий инспекциялари (кейинги ўринларда инспекциялар деб аталади) томонидан амалга оширилади.

5. Давлат хизматлари марказлари ва инспекциялар ўртасида ахборот алмашуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

6. Рухсатномани бериш ушбу Регламентнинг 1-иловасига мувофиқ схема бўйича амалга оширилади.

2-боб. Давлат хизмати кўрсатиш тартиби

7. Ариза берувчилар рухсатнома олиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон шаклда фойдаланиш учун рўйхатдан ўтади.

8. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат қилинганда эса — ариза берувчи мустақил

равишда давлат хизматларидан фойдаланиш учун ушбу Регламентнинг 2-иловасига мувофиқ шакл бўйича сўровномани, шунингдек, инспекция томонидан назорат функцияларини амалга ошириш бўйича шартномани (кейинги ўринларда шартнома деб аталади) электрон шаклда тўлдиради.

Ариза берувчилардан ушбу бандда кўрсатилмаган маълумотларни, шунингдек, бошқа хужжатларни тақдим этишни талаб қилиш қатъиян тақиқланади.

9. Ариза берувчи зарур маълумотларни расмийлаштиргандан ва сўровномага киритгандан сўнг уни ўз ЭРИси билан тасдиқлайди.

Давлат хизматлари маркази ходимлари ва ЯИДХП ариза берувчиларни давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчилар ЭРИсини жойнинг ўзида олишлари учун барча зарур шароитларни таъминлашга мажбур.

10. Давлат хизматлари кўрсатиш учун энг кам ойлик иш ҳақининг 30 фоизи миқдоридан йиғим ундирилади.

Давлат хизмати кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ инспекциянинг банк ҳисоб рақамига ўтказилади.

12. Ариза берувчиларда ЭРИси мавжуд эмаслиги ёки уни олишнинг рад этилганлиги, сўровномада ёки шартномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш қатъиян тақиқланади.

13. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

14. Ўзи келиб мурожаат этганда Давлат хизматлари марказлари сўровнома ва шартнома тўлдирилган вақтдан бошлаб бир соат мобайнида уларни инспекцияга юборади.

ЯИДХП орқали мурожаат қилинганда эса сўровнома ва шартнома автоматик тарзда инспекцияга юборилади.

15. Инспекция сўровнома ва шартнома келиб тушган кундан бошлаб бир иш куни мобайнида рухсатнома бериш ёки рад этишнинг аниқ асосларини ва қонунчилик нормаларини кўрсатган ҳолда беришни рад этиш тўғрисида қарор қабул қилади.

16. Рухсатнома ва шартнома Ўзбекистон Республикаси Қурилиш вазирлиги томонидан Ўзбекистон Республикаси Адлия вазирлиги билан келишган ҳолда тасдиқланадиган шакллар бўйича расмийлаштирилади.

17. Ариза берувчи томонидан тақдим этилган сўровнома ёки шартнома тўлиқ тўлдирилмаганлиги ёхуд уларда ишончсиз ёки нотўғри маълумотларнинг мавжудлиги рухсатнома беришни рад этиш учун асос бўлади.

Бошқа асослар бўйича рухсатнома беришни рад этиш қатъиян тақиқланади.

Ариза берувчи рухсатнома бериш рад этилган кундан бошлаб ўн кун мобайнида давлат хизмати кўрсатиш учун йиғимни тўламасдан рухсатномани олиш учун қайта мурожаат қилиш ҳуқуқига эга.

Рухсатнома беришни рад этиш учун асос бўлган сабаблар ариза берувчи томонидан бартараф этилган тақдирда, рухсатнома бериш масаласини қайта кўриб чиқиш такрорий сўровнома келиб тушган кундан бошлаб бир иш кунидан ошмаган муддатда амалга оширилади.

Рухсатномани бериш масаласини қайта кўриб чиқишда инспекция томонидан рухсатномани беришни рад этишда аввал қайд этилмаган сабаблар келтирилишига йўл қўйилмайди, аввал кўрсатилган сабаблар бартараф этилганини тасдиқловчи маълумотлар билан боғлиқ рад этиш сабаблари бундан мустасно.

18. Инспекция рухсатнома ва шартнома расмийлаштирилган куни, уни ўз ЭРИси билан тасдиқлайди ва электрон шаклда Давлат хизматлари марказига (ўзи келиб мурожаат этганда) ёки ариза берувчига (электрон шаклда мурожаат қилинган тақдирда) ЯИДХП орқали юборади.

Давлат хизматлари маркази рухсатнома ва шартнома келиб тушгандан сўнг бир соат мобайнида уни ариза берувчининг электрон манзилига юборади ва бу ҳақда ариза берувчини ахборот-коммуникация тизими орқали хабардор қилади. Бунда, Давлат хизматлари маркази ариза берувчига ўзи келиб мурожаат қилганда унинг сўровига асосан рухсатнома ва шартномани электрон шаклда ёки қоғоз шаклида уларга ўзининг муҳрини босиб, бериши шарт.

3-боб. Яқунловчи қоидалар

19. Шаҳарсозлик тўғрисидаги қонун ҳужжатларига, шаҳарсозлик фаолияти соҳасида техник тартибга солиш норматив ҳужжатларига амал қилиниши, қурилиш-монтаж ишлари сифати ва тўлиқ бажарилиши юзасидан инспекция томонидан назорат функцияларининг амалга оширилиши учун ариза берувчи томонидан Вазирлар Маҳкамаси белгилайдиган тартиб ва миқдорларда ажратмалар амалга оширилади.

20. Рухсатнома берилган объектларда, инспекция томонидан қурилиш-монтаж ишларини амалга оширишда шаҳарсозлик меъёрлари ва қоидаларига риоя этилиши юзасидан қонунчиликда белгиланган тартибда танлаш йўли билан назорат ўрнатилади.

21. Рухсатномалар берилишига асос бўлган шартлар ўзгарган тақдирда (иш бажарувчиларининг, объектда техник ва муаллифлик назоратини амалга оширадиган шахслар алмашиши, лицензиянинг амал қилиш муддати тугаши, лойиҳа ечимларидаги сезиларли ўзгаришлар ва ҳ.к.), ариза берувчилар ўн кун мобайнида инспекцияга тегишли ўзгаришларни тасдиқловчи ҳужжатларни тақдим этишлари керак.

22. Давлат хизматлари марказлари ва инспекциялар ўз фаолиятини амалга ошириши натижасида ариза берувчи тўғрисидаги маълумотларнинг махфийлигини таъминлашлари шарт.

23. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали доимий назорат ва мониторингни амалга оширадилар.

24. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

25. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.17. Архитектура-режалаштириш топширигини ишлаб чиқиш бўйича давлат хизмати

Архитектура-режалаштириш топширигини ишлаб чиқиш бўйича давлат хизматлари кўрсатишнинг МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 18 майдаги 370-сон қарори билан тасдиқланган)

1-боб. Умумий қоидалар

1. Ушбу Регламент шаҳарсозлик фаолияти объектини қуриш ёки реконструкция қилишни лойиҳалаштириш учун архитектура-режалаштириш топширигини (кейинги ўринларда АРТ деб аталади) ишлаб чиқиш ва юридик ва жисмоний шахсларга (кейинги ўринларда ариза берувчилар деб аталади) тақдим этиш тартибини белгилайди.

2. Ушбу Регламент қурилиш ва реконструкция қилиш барча турдаги бино ва иншоотларга, Ўзбекистон Республикаси ҳудудлари (минтақалари, аҳоли пунктлари) ва ҳудудларининг қисмлари ривожлантирилишини режалаштириш тўғрисидаги шаҳарсозлик ҳужжатларида белгиланган ҳолатлар ва талабларни етказиш (белгилаш) йўли билан бино ва иншоотлар, муҳандислик-транспорт инфратузилмаси линия объектлари, текис объектлари, ҳудудларни ободонлаштириш, шунингдек бино ва иншоотларни реконструкция қилиш ва молиялаштириш манбалари билан биргаликда амалга ошириладиган қайта ихтисослаштириш учун АРТ ни ишлаб чиқиши ва тақдим этилишига нисбатан татбиқ этилади.

Якка тартибдаги уй-жойларни қуришда АРТ ишлаб чиқиш ва тақдим этиш талаб этилмайди.

3. АРТ тасдиқланган шаҳарсозлик ҳужжатларидан, давлат ҳокимият органларининг тегишли қарорларидан, шу жумладан, тарихий ва маданий обидаларни, атроф муҳитни муҳофаза қилиш талаб ва шартларини ҳамда объектни аниқ ер участкасида жойлаштиришда учинчи шахсларнинг қонуний ҳуқуқлари ва манфаатларини ҳимоя қилишдан келиб чиқувчи ўзига хос шаҳарсозлик ва архитектуравий шартлар ҳамда объектни лойиҳалаштириш ва қуришнинг алоҳида шароитлари мажмуасидан иборат ҳужжат ҳисобланиб, унинг асосида объект қурилиши (реконструкцияси) учун лойиҳа ҳужжатлари ишлаб чиқилади.

АРТ (I қисм) — бино ёки иншоотнинг ташқи кўринишига, қурилишнинг тахминий майдонларига, автотураргоҳлар, ҳудудга кириш ва чиқиш йўлларига, кичик меъморий шаклларнинг тузилиши, ер участкасининг кўкаламзорлаштирилиши ва ободонлаштирилишига бўлган умумий талабларни белгилайди.

АРТ (II қисм) — трасса ва муҳандислик коммуникациялари ўтказилишига қўйиладиган асосий талабларни белгилайди.

4. АРТни олмасдан объектни лойиҳалаштириш тақиқланади, якка тартибдаги уй-жойларни қуриш ҳолатлари бундан мустасно.

5. АРТ ни ишлаб чиқиш тартиботида:

а) Қорақалпоғистон Республикаси Қурилиш вазирлиги, вилоятлар ва Тошкент шаҳар қурилиш бош бошқармалари (кейинги ўринларда ваколатли органлар деб аталади) АРТни ишлаб чиқадилар ва тақдим этадилар;

б) муҳандислик-коммуникация тармоқларидан фойдаланувчи ташкилотлар — АРТ (II қисм)ни ишлаб чиқишда муҳандислик-коммуникация тармоқларига уланиш бўйича техник шартларни тайёрлайдилар ва юборадилар.

6. Давлат хизматлари марказлари ва ваколатли орган, муҳандислик-коммуникация тармоқларидан фойдаланувчи ташкилотлар ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. АРТни ишлаб чиқиш ва тақдим этиш ушбу Регламентнинг 1-иловасидаги схемага мувофиқ амалга оширилади.

2-боб. Давлат хизматлари кўрсатиш тартиби

8. Ариза берувчилар АРТни олиш учун Давлат хизматлари марказларига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон шаклда фойдаланиш учун рўйхатдан ўтади.

9. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса ариза берувчи мустақил равишда ушбу Регламентга 2-иловага мувофиқ шакл бўйича, шунингдек, қуйида санаб ўтилган ҳужжатлардан бирининг реквизитларини кўрсатган ҳолда давлат хизматидан фойдаланиш учун сўровномани электрон шаклда тўлдиради:

Маҳаллий давлат ҳокимияти органининг ер участкасининг жойлашув режаси ёки унинг чегараларини натурага чиқариш далолатномаси илова қилинган объектни лойиҳалаш ва қуриш учун ер участкаси ажратиб бериш тўғрисидаги қарори;

Маҳаллий давлат ҳокимияти органининг турар жойни нотурар жой тоифасига ўтказиш тўғрисидаги қарори;

тегишли равишда Тошкент шаҳар қурилиш бош бошқармасининг ёки шаҳар (туман) қурилиш (бўлими)нинг объектни қайта ихтисослаштириш ва реконструкция қилишга рухсатномаси.

Ариза берувчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

10. Зарур маълумотлар расмийлаштирилгандан ва сўровномага киритилгандан сўнг ариза берувчи уни ўз ЭРИси билан тасдиқлайди.

Давлат хизматлари марказлари ходими ва ЯИДХП ариза берувчини давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчи ЭРИсини жойнинг ўзида олишлари учун барча зарур шароитларни таъминлашга мажбур.

11. Давлат хизмати кўрсатилгани учун энг кам ойлик иш ҳақининг 30 фоизи миқдорида йиғим ундирилади.

Давлати хизмати кўрсатилгани учун йиғим тўланганлигини тасдиқлаш ахборот-коммуникация тизимлари орқали амалга оширилади.

12. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тўлиқ миқдорда ваколатли органнинг ҳисоб рақамига ўтказилади.

13. Ариза берувчида ЭРИси мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Бошқа асосларга кўра давлат хизматлари кўрсатишни рад этиш қатъиян тақиқланади.

14. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

15. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб уни бир соат мобайнида ваколатли органга юборади.

ЯИДХП орқали мурожаат қилинганда эса сўровнома автоматик равишда ваколатли органга юборилади.

16. Ваколатли орган сўровнома келиб тушгандан сўнг бир иш куни мобайнида сўровномада қайд этилган маълумотларнинг ҳаққонийлигини текширади ва Давлат хизматлари марказига (ўзи келиб мурожаат қилган тақдирда) ёки ариза берувчига (электрон шаклда мурожаат қилган тақдирда) ЯИДХП орқали электрон шаклда ваколатли орган томонидан тасдиқланган АРТни ишлаб чиқиш бўйича шартномани (кейинги ўринларда шартнома деб аталади) АРТни ишлаб чиқишнинг қийматини кўрсатган ҳолда юборади ёки рад этишнинг аниқ сабабларини ва қонунчилик нормаларини кўрсатган ҳолда уни юборишни рад этади.

Давлат хизматлари маркази шартнома келиб тушгандан бошлаб бир соат мобайнида бу ҳақда ахборот-коммуникация тизими орқали ариза берувчини хабардор қилади.

17. Ариза берувчи шартнома келиб тушгандан сўнг уч иш куни мобайнида шартномани ўзининг ЭРИси билан тасдиқлайди ва АРТни ишлаб чиқишнинг қийматини шартномада қайд этилган миқдорда тўлайди.

АРТни ишлаб чиқишнинг қиймати тўланганлиги ахборот-коммуникация тизими орқали тасдиқланади.

АРТни ишлаб чиқиш қиймати миқдорлари Ўзбекистон Республикаси Вазирлар Маҳкамаси томонидан белгиланади.

Давлат хизматлари маркази ариза берувчи томонидан тасдиқланган шартномани ваколатли органга (ўзи келиб мурожаат қилган тақдирда) юборади ёки ариза берувчи томонидан (электрон шаклда мурожаат қилган тақдирда) ЯИДХП орқали электрон шаклда ваколатли органга юборади.

18. Ариза берувчи томонидан шартномани тасдиқлаш рад этилганда ёки шартнома юборилмаганида ёки АРТни ишлаб чиқиш қийматининг тўлови белгиланган муддатда амалга оширилмаганда шартнома тузилмаган деб ҳисобланади. Ушбу ҳолатларда ариза берувчи умумий тартибда давлат хизмати олиш учун такроран мурожаат қилишга ҳақли.

19. Шартномани юборишни рад этиш учун сўровномада қайд этилган маълумотларнинг ҳаққоний эмаслиги, шу жумладан ушбу Регламентнинг 9-бандида назарда тутилган тегишли қарорлар ва рухсатномалар ўз кучини йўқотганлиги ёки бекор қилинганлиги асос бўлади.

Шартномани юборишни бошқа асосларга кўра рад этиш қатъиян тақиқланади.

20. Ваколатли орган АРТни ишлаб чиқиш қийматининг тўлови келиб тушгандан сўнг жойига борган ҳолда, янги қурилиш учун ажратилган ер участкасини ва қўшимча қурилиш амалга оширилаётган ер участкасини, шунингдек реконструкция қилиниши зарур бўлган объектни ўрганиб чиқади.

Объектни ўрганиб чиқиш объект ёки унинг қисмлари ва унга бириктирилган ер участкасини, шунингдек, унга туташ ҳудудлар ҳамда бино ва иншоотларни визуал кўриқдан (зарурат бўлганда, махсус ускуналар ва асбоблардан фойдаланган ҳолда) ўтказишдан иборат бўлади.

Ўрганиш давомида ариза берувчининг сўровномасида, ер участкаси жойлашуви режасида ёки унинг чегараларини натурага чиқариш далолатномасида, ер участкаси (объект)нинг амалдаги жойлашувини ҳисобга олувчи муҳандислик-коммуникация тармоғига уланишнинг техник шартларида баён этилган маълумотларни таққослаган

ҳолда объект текширувдан ўтказилиб, муҳандислик-коммуникация тармоқларининг уланиш нукталаригача ўтказиладиган трассалари белгиланади.

21. АРТ (II қисм)нинг ишлаб чиқиш зарурати бўлганда, ваколатли орган электрон ўзаро боғланиш ёрдамида муҳандислик-коммуникация тармоғига уланишнинг техник шартларини олиш учун муҳандислик-коммуникация тармоқларидан фойдаланувчи ташкилотларга тегишли сўровни юборади.

Муҳандислик-коммуникация тармоқларидан фойдаланувчи ташкилотлар сўров тушгандан сўнг уч иш куни мобайнида ЯИДХП орқали ваколатли органга муҳандислик-коммуникация тармоғига уланишнинг техник шартларини электрон шаклда юборадилар.

22. Ваколатли орган томонидан АРТни ишлаб чиқиш қийматининг тўлови келиб тушгандан сўнг Вазирлар Маҳкамаси томонидан белгиланган муддатларда АРТ ишлаб чиқилади.

АРТ электрон шаклда расмийлаштирилади ва ваколатли органнинг ЭРИси билан тасдиқланади.

23. АРТ расмийлаштирилган куни ваколатли орган Давлат хизматлари марказига (ўзи келиб мурожаат қилган тақдирда) ёки ЯИДХП орқали (электрон шаклда мурожаат қилган тақдирда) ариза берувчига АРТни электрон шаклда юборади.

Давлат хизматлари маркази АРТ тушганидан сўнг, уни бир соат мобайнида ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Давлат хизматлари маркази ариза берувчи ўзи келиб мурожаат қилганда унга АРТни электрон шаклда тақдим қилади.

Давлат хизматлари маркази техник имконият мавжуд бўлганда, ариза берувчининг сўровига кўра унга АРТни қоғоз шаклида ўзининг муҳрини босиб бериш йўли билан тақдим этиши мумкин.

3-боб. Яқунловчи қоидалар

24. Давлат хизматлари марказлари ваколатли органлар ва муҳандислик-коммуникация тармоқларидан фойдаланувчи ташкилотлар ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

25. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали, доимий назоратни ва мониторингни амалга оширадилар.

26. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

27. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.18. Лойиҳа ҳужжатларини келишиш бўйича давлат хизмати

Лойиҳа-смета ҳужжатларини келишиш бўйича давлат хизматлари кўрсатишнинг

МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 18 майдаги

370-сон қарори билан тасдиқланган)

1-боб. Умумий қоидалар

1. Ушбу Регламент бинолар, иншоотлар ва бошқа объектлар қурилишининг лойиҳа-смета ҳужжатларини (кейинги ўринларда лойиҳа-смета ҳужжатлари деб аталади) кўриб чиқиш ва келишиш тартибини белгилайди.

2. Ушбу Регламентнинг амал қилиши, мулкчилк шакли ва молиялаштириш манбаларидан, шунингдек, ер майдони ҳажмидан қатъи назар барча турдаги бинолар, иншоотлар ва бошқа объектларнинг лойиҳа-смета ҳужжатларини кўриб чиқишга ва келишишга нисбатан қўлланади.

3. Ушбу Регламентнинг амал қилиши қуйидагиларга нисбатан қўлланмайди:

бинолар, иншоотлар ва бошқа объектларни реконструкция қилиш ва капитал таъмирлаш;

қурилиш ҳажми 300 куб метрдан ортиқ бўлмаган, ишлаётган муҳандислик тармоқларини ўзгартиришни талаб этмайдиган, алоҳида ҳолда қурилатган объектларда;

I мураккаблик тоифасидаги объектларни қуриш;

якка тартибда уй-жойлар қуриш.

4. Лойиҳа-смета ҳужжатларини келишмасдан лойиҳа-смета ҳужжатларини экспертизадан ўтказиш ва қурилиш-монтаж ишларини амалга оширишга рухсатнома бериш тақиқланади.

5. Лойиҳа-смета ҳужжатларини кўриб чиқиш ва келишиш Қорақалпоғистон Республикаси Қурилиш вазирлиги, вилоятлар ва Тошкент шаҳар қурилиш бош бошқармалари ҳузуридаги ҳудудий архитектура-шаҳарсозлик кенгашлари (кейинги ўринларда Кенгашлар деб аталади) томонидан архитектура-режалаштириш топшириғининг I қисмига мувофиқлигига кўра амалга оширилади.

Қорақалпоғистон Республикаси Қурилиш вазирлиги, вилоятлар ва Тошкент шаҳар қурилиш бош бошқармалари Кенгашларнинг ишчи органлари (кейинги ўринларда ишчи органлар деб аталади) ҳисобланади.

6. Ишчи органлар ва лойиҳалаштириш ташкилотлари ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

7. Лойиҳа-смета ҳужжатларини келишиш ушбу Регламентнинг 1-иловасига мувофиқ схема бўйича амалга оширилади.

2-боб. Давлат хизматлари кўрсатиш тартиби

8. Лойиҳа-смета ҳужжатларини ишлаб чиқиш ишлари тугаланнгач, лойиҳа ташкилотлари Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан фойдаланиш учун ушбу Регламентнинг 2-иловасига мувофиқ сўровномани, архитектура-режалаштириш топшириғи реквизитларини кўрсатган ҳолда электрон шаклда тўлдирадилар.

Сўровномага лойиҳа-смета ҳужжатларининг архитектурага оид қисми электрон шаклда илова қилинади.

Лойиҳа ташкилотларидан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъян тақиқланади.

9. Лойиҳа ташкилоти зарур маълумотларни расмийлаштиргандан ва сўровномага киритгандан сўнг уни ўз ЭРИси билан тасдиқлайди.

Лойиҳа ташкилотлари давлат хизматидан фойдаланиш учун ЭРИси мавжуд бўлиши шарт эканлиги ҳақида ЯИДХП да олдиндан огоҳлантирилади.

10. Давлат хизмати кўрсатиш учун энг кам ойлик иш ҳақининг 30 фоизи миқдорида йиғим ундирилади.

Давлат хизмати кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ ишчи органнинг банк ҳисоб рақамига ўтказилади.

12. Лойиҳа ташкилотлари ЭРИси мавжуд эмаслиги, сўровномада нотўғри маълумотлар кўрсатилиши, шунингдек, давлат хизмати кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизмати кўрсатишни бошқа асослар бўйича рад этиш қатъян тақиқланади.

13. Лойиҳа ташкилоти давлат хизматидан фойдаланишдан хизмат кўрсатилишининг ҳар қандай босқичида бош тортиш ҳуқуқига эга.

Лойиҳа ташкилоти давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

14. Сўровнома ЭРИ билан тасдиқлангандан кейин, у автоматик тарзда ишчи органга жўнатилади.

15. Кенгаш сўровнома келиб тушгандан сўнг навбатдаги Кенгаш йиғилишида лойиҳа-смета ҳужжатларини келишади ёки рад этишнинг аниқ асосларини ва қонунчилик нормаларини кўрсатган ҳолда келишишни рад этади.

Кенгаш йиғилишлари ҳар ҳафтада, шахсан иштирок этиш тартибида ўтказилади.

Кенгаш аъзоси келмаган ҳолларда Кенгаш йиғилиши унинг иштирокисиз ўтказилади. Бунда объектнинг лойиҳа-смета ҳужжатлари, ушбу банднинг олтинчи хатбошида назарда тутилган ҳолатни истисно қилган ҳолда, мажлисда қатнашмаган Кенгаш аъзоси вакил бўлган ташкилот билан келишилган ҳисобланади.

Бунда қатнашмаган Кенгаш аъзосининг ваколатларига кирадиган масалалар бўйича жавобгарлик тегишли ташкилотга юкланади.

Лойиҳа-смета ҳужжатларини Кенгаш аъзолари билан келишишни сўров усули билан ўтказиш тақиқланади.

Кенгаш қарорлари йиғилишда Кенгаш аъзоларининг камида учдан икки қисми иштирок этганда қонуний ҳисобланади.

16. Лойиҳа-смета ҳужжатларини келишиш, уни ишчи органнинг ЭРИси билан тасдиқлаш йўли билан амалга оширилади.

17. Лойиҳа-смета ҳужжатларининг архитектура-режалаштириш топшириғининг I қисмига мувофиқ эмаслиги ҳамда сўровномада кўрсатилган маълумотларнинг нотўғрилиги аниқланиши уларни келишишни рад этиш учун асос бўлади.

Лойиҳа-смета ҳужжатларини келишишни бошқа асосларга кўра рад этиш қатъян тақиқланади.

Лойиҳа ташкилоти лойиҳа-смета ҳужжатларини келишиш рад этилгандан кейин ўн кун мобайнида давлат хизмати кўрсатиш учун йиғимни тўламасдан лойиҳа-смета ҳужжатларини келишиш учун қайта мурожаат қилиш ҳуқуқига эга.

Лойиҳа ташкилоти томонидан лойиҳа-смета ҳужжатларини келишишни рад этиш учун асос бўлган сабаблар бартараф этилганда, такроран келишиш Кенгашнинг такрорий сўровнома келиб тушгандан кейинги навбатдаги мажлисида амалга оширилади.

Лойиҳа-смета ҳужжатларини такроран кўриб чиқишда, Кенгаш томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабабларининг келтирилиши бундан мустасно.

18. Ишчи орган лойиҳа-смета ҳужжатлари келишилган куни келишилган лойиҳа-смета ҳужжатларини лойиҳа ташкилотига ЯИДХП орқали электрон шаклда юборади.

3-боб. Яқунловчи қоидалар

19. Ишчи органлар ва Кенгашлар аъзолари ўз фаолиятини амалга ошириш натижасида олинган маълумотларнинг махфийлигини таъминлаши шарт.

20. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали доимий назорат ва мониторингни амалга оширадилар.

21. Лойиҳа ташкилоти давлат органлари ва бошқа ташкилотлар ходимларининг хатти-ҳаракатлари юзасидан қонунчиликда белгиланган тартибда шикоят қилиши мумкин.

22. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.19. Якка тартибда уй-жой қуришга (реконструкция қилишга) рухсат бериш бўйича давлат хизмати

Якка тартибда уй-жой қуришга (реконструкция қилишга) лойиҳа-смета ҳужжатларини келишиш бўйича давлат хизматлари кўрсатишнинг

МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 18 майдаги 370-сон қарори билан тасдиқланган)

1-боб. Умумий қоидалар

1. Ушбу Регламент якка тартибда уй-жой қуриш (реконструкция қилиш)ни (кейинги ўринларда ЯТУҚ деб аталади) амалга оширадиган қурувчилар ёки уй-жойни реконструкция қиладиган уй-жой мулкдорларига якка тартибда уй-жой қуриш (реконструкция қилиш) бўйича лойиҳа-смета ҳужжатларини келишиш тартибини белгилайди.

2. ЯТУҚ лойиҳа-смета ҳужжатлари қуйидагилардан иборат бўлади:

ер усти ва ер ости муҳандислик коммуникациялари акс эттирилган ер участкаси тарҳи;

якка тартибда уй-жойнинг пойдеворлари, ертўлалари, қаватлари, уларнинг кесимлари ва бинонинг олд томони тарҳлари;

молиявий смета ҳисоб-китоби (кредит олишга эҳтиёж бўлган тақдирда).

3. Лойиҳа-смета ҳужжатларини келишмасдан ЯТУҚ ва реконструкция қилиш тақиқланади.

4. ЯТУҚнинг келишилган лойиҳа-смета ҳужжатлари ЯТУҚ бўйича қурилиш ишларини бошлаш учун асос ҳисобланади.

5. Уй-жойлар, ёрдамчи-хўжалик қурилмалари ва ҳовлидаги иншоотларнинг қурилиши шаҳарсозлик нормалари ва қоидаларига риоя этган ҳолда амалга оширилиши керак.

6. Битта ер участкасида икки ва ундан ортиқ оилаларга тегишли бўлган бир нечта турар жой қуришга рухсат берилади.

7. ЯТУҚни молиялаштириш ариза берувчиларнинг ўз маблағлари, банкнинг ипотека кредитлари ва қонун ҳужжатларида белгиланган тартибда бошқа қарз маблағлари ҳисобига амалга оширилади.

8. ЯТУҚнинг лойиҳа-смета ҳужжатларини кўриб чиқиш ва келишиш шаҳарлар (туманлар) қурилиш бўлимлари (кейинги ўринларда ваколатли органлар деб аталади) томонидан амалга оширилади.

9. Давлат хизматлари марказлари ва ваколатли органлар ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

10. Лойиҳа-смета ҳужжатларини кўриб чиқиш ва келишиш ушбу Регламентнинг 1-иловасига мувофиқ схема бўйича амалга оширилади.

2-боб. Давлат хизмати кўрсатиш тартиби

11. ЯТУҚнинг лойиҳа-смета ҳужжатларини ишлаб чиқиш ишлари якунлангандан сўнг, ариза берувчилар Давлат хизматлари марказига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги

ўринларда ЯИДХП деб аталади) давлат хизматидан электрон шаклда фойдаланиш учун рўйхатдан ўтади.

12. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса — ариза берувчи мустақил равишда ушбу Регламентнинг 2-иловасига мувофиқ шакл бўйича давлат хизматидан фойдаланиш учун сўровномани электрон шаклда тўлдиради.

13. Сўровномага қуйидагилар электрон шаклда илова қилинади:

ЯТУҚнинг лойиҳа-смета ҳужжатлари;

якка тартибда уй-жойга мулк ҳуқуқини тасдиқловчи ҳужжатлар (реконструкция қилишда).

Ариза берувчилардан ушбу бандда кўрсатилмаган маълумотларни ва бошқа ҳужжатларни тақдим этишни талаб этиш қатъиян тақиқланади.

14. Ариза берувчи зарур маълумотларни расмийлаштиргандан ва сўровномага киритгандан сўнг уни ўз ЭРИси билан тасдиқлайди.

Давлат хизмати маркази ходимлари ва ЯИДХП ариза берувчиларни давлат хизматидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчилар ЭРИсини жойнинг ўзида олишлари учун барча зарур шароитларни таъминлашга мажбурдир.

15. Давлат хизматлари кўрсатиш учун энг кам ойлик иш ҳақининг 30 фоизи миқдорида йиғим ундирилади.

Давлат хизматини кўрсатиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

16. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади; қолган маблағлар тўлиқ миқдорда ваколатли органнинг банк ҳисоб рақамларига ўтказилади.

17. Ариза берувчиларда ЭРИси мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш қатъиян тақиқланади.

18. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

19. Ўзи келиб мурожаат этганда Давлат хизматлари марказлари сўровнома тўлдирилган вақтдан бошлаб бир соат мобайнида уни ваколатли органга юборади.

ЯИДХП орқали мурожаат қилинганда эса сўровнома автоматик тарзда ваколатли органга юборилади.

20. Ваколатли орган сўровнома тушган кундан бошлаб уч иш куни мобайнида ЯТУҚ лойиҳа-смета ҳужжатларини келишади ёки рад этишнинг аниқ асослари ва қонунчилик нормаларини кўрсатган ҳолда келишишни рад этади.

21. ЯТУҚнинг лойиҳа-смета ҳужжатларини келишиш ваколатли органнинг уни ЭРИси билан тасдиқлаш йўли билан амалга оширилади.

22. ЯТУҚнинг лойиҳа-смета ҳужжатларини келишиш шаҳарсозлик нормалари ва қоидаларига мувофиқ эмаслиги рад этиш учун асос бўлади.

ЯТУҚнинг лойиҳа-смета ҳужжатларини келишишда бошқа асосларга кўра рад этиш қатъиян тақиқланади.

Ариза берувчи ЯТУҚнинг лойиҳа-смета ҳужжатларини келишиш рад этилган кундан бошлаб ўн иш куни мобайнида давлат хизмати кўрсатиш учун йиғимни тўламасдан лойиҳа-смета ҳужжатларини келишиш учун қайта мурожаат қилиш ҳуқуқига эга.

ЯТУҚнинг лойиҳа-смета ҳужжатларини келишишни рад этиш учун асос бўлган сабаблар ариза берувчи томонидан бартараф этилган тақдирда, келишишга такрорий сўровнома тушгандан сўнг икки иш кунидан ошмаган муддат берилади.

ЯТУҚнинг лойиҳа-смета ҳужжатларини келишишни такроран кўриб чиқишда ваколатли орган томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабабларининг келтирилиши бундан мустасно.

23. Ваколатли орган ЯТУҚнинг лойиҳа-смета ҳужжатлари келишилган куни Давлат хизматлари марказига (ўзи келиб мурожаат этган тақдирда) ёки ариза берувчига (электрон шаклда мурожаат этган тақдирда) ЯИДХП орқали келишилган лойиҳа-смета ҳужжатларини электрон шаклда юборади.

Давлат хизматлари маркази келишилган лойиҳа-смета ҳужжатлари тушгандан сўнг бир соат мобайнида уни ариза берувчининг электрон манзилига юборади ва бу ҳақда ариза берувчини ахборот-коммуникация тизими орқали хабардор қилади. Бунда, Давлат хизматлари маркази ариза берувчига ўзи келиб мурожаат қилганда келишилган лойиҳа-смета ҳужжатларини электрон шаклда бериши шарт.

Давлат хизматлари маркази техник имконияти мавжуд бўлганда ариза берувчининг сўровига кўра унга ЯТУҚнинг келишилган лойиҳа-смета ҳужжатларини қоғоз шаклида ўзининг муҳрини босиш йўли билан тақдим этади.

3-боб. Яқунловчи қоидалар

24. Давлат хизматлари марказлари ва ваколатли органлар ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

25. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали доимий назоратни ва мониторингни амалга оширадilar.

26. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

27. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.20. Қурилиши тугалланган (реконструкция қилинган) объектни фойдаланишга қабул қилиш бўйича давлат хизмати

Қурилиши (реконструкцияси) тугалланган бино ва иншоотларни фойдаланишга қабул қилиш бўйича давлат хизматлари кўрсатишнинг

МАЪМУРИЙ РЕГЛАМЕНТИ

(Ўзбекистон Республикаси Вазирлар Маҳкамасининг 2018 йил 18 майдаги 370-сон қарори билан тасдиқланган)

1-боб. Умумий қоидалар

1. Ушбу Регламент жисмоний ва юридик шахсларнинг (кейинги ўринларда аризи берувчилар деб аталади) қурилиши (реконструкцияси) тугалланган бино ва иншоотларни (кейинги ўринларда объектлар деб аталади) фойдаланишга қабул қилиш тартибини белгилайди.

2. Ушбу Регламент Ўзбекистон Республикасини ривожлантириш давлат дастурларига киритилган объектларининг қурилиши ва намунавий лойиҳалар бўйича қурилган якка тартибдаги уй-жойларга нисбатан татбиқ этилмайди.

3. Фойдаланишга қабул қилиш далолатномасисиз (кейинги ўринларда далолатнома деб аталади) объектларни фойдаланишга қабул қилиш тақиқланади.

4. Объектларни фойдаланишга қабул қилиш тартиботида:

а) Қорақалпоғистон Республикаси, вилоятлар ва Тошкент шаҳри давлат ер тузиш ва кўчмас мулк кадастри корхонаси филиали (кейинги ўринларда ДК филиаллари деб аталади) далолатнома лойиҳасини ишлаб чиқади;

б) шаҳар (туманлар) қурилиш бўлимлари (кейинги ўринларда қурилиш органлари деб аталади) далолатнома лойиҳаларини келишдилади ;

в) ҳудудий давлат санитария назорати органлари, давлат ёнғин назорати органлари, қурилиш соҳасида назорат бўйича ҳудудий инспекциялар (кейинги ўринларда ваколатли ташкилотлар деб аталади) якка тартибдаги уй-жой қурилиш объекти бўлмаган объектларни фойдаланишга қабул қилиш далолатномалар лойиҳаларини келишдилади.

5. Давлат хизматлари марказлари ва ДК филиаллари, қурилиш органлари ва ваколатли ташкилотлар ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

6. Объектларни фойдаланишга қабул қилиш ушбу Регламентнинг 1-иловасига схемага мувофиқ амалга оширилади.

2-боб. Давлат хизмати кўрсатиш тартиби

7. Ариза берувчилар объектнинг қурилиши (реконструкцияси) тугаллангандан сўнг, объектларни фойдаланишга қабул қилиш учун Давлат хизматлари марказига ўзи келиб мурожаат этади ёки Ўзбекистон Республикаси Ягона интерактив давлат хизматлари порталида (кейинги ўринларда ЯИДХП деб аталади) давлат хизматидан электрон шаклда фойдаланиш учун рўйхатдан ўтади.

8. Ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса — ариза берувчи мустақил равишда ушбу Регламентнинг 2-иловасига мувофиқ шакл бўйича давлат хизматидан фойдаланиш учун сўровномани электрон шаклда тўлдиради.

Ариза берувчилардан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш қатъиян тақиқланади.

9. Зарур маълумотлар расмийлаштирилгандан ва сўровномага киритилгандан сўнг ариза берувчи уни ўз ЭРИси билан тасдиқлайди.

Давлат хизматлари маркази ходими ва ЯИДХП ариза берувчини давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари ариза берувчилар ЭРИсини жойнинг ўзида олишлари учун барча зарур шароитларни таъминлашга мажбур.

10. Давлат хизмати кўрсатилгани учун энг кам ойлик иш ҳақининг 30 фоизи миқдорида йиғим ундирилади.

Давлати хизмати кўрсатилгани учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади;

қолган маблағлар тўлиқ миқдорда ДК филиалларининг ҳисоб рақамларига ўтказилади.

12. Ариза берувчиларда ЭРИси мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Бошқа асосларга кўра давлат хизматлар кўрсатишни рад этиш қатъиян тақиқланади.

13. Ариза берувчи давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга.

Ариза берувчи давлат хизматидан фойдаланишдан бош тортганда унинг сўровномаси кўрмасдан қолдирилади. Бунда, тўланган йиғим суммаси қайтарилмайди.

14. Ўзи келиб мурожаат этганда Давлат хизматлари маркази сўровнома тўлдирилган вақтдан бошлаб уни бир соат мобайнида тегишли ДК филиалига юборади.

ЯИДХП орқали мурожаат қилинганда эса сўровнома автоматик равишда ваколатли органга юборилади.

15. ДК филиали сўровнома келиб тушган кундан бошлаб беш иш куни мобайнида жойига бориб, объектни ўрганиб чиқади, техник инвентаризациясини амалга оширади ва далолатнома лойиҳасини тайёрлайди ёки рад этишнинг аниқ сабабларини ва қонун ҳужжатлари нормаларини кўрсатган ҳолда уни тайёрлашни рад этади.

16. ДК филиали далолатнома лойиҳаси тайёрланган куни уни ўз ЭРИси билан тасдиқлайди ва электрон шаклда келишиш учун:

якка тартибдаги уй-жой қуриш объекти фойдаланишга қабул қилинаётганда — қурилиш органига;

якка тартибдаги уй-жой қуриш объекти бўлмаган объектлар фойдаланишга қабул қилинаётганда — қурилиш органига ва ваколатли ташкилотларга юборади.

17. Қурилиш органи ва ваколатли ташкилотлар далолатнома лойиҳаси келиб тушгандан сўнг уч иш куни мобайнида уни келишадилар ва ДК филиалига юборадилар ёки рад этишнинг аниқ сабабларини ва қонун ҳужжатлари нормаларини кўрсатган ҳолда уни рад этадилар.

Далолатнома лойиҳасини келишиш уни қурилиш органлари ва ваколатли ташкилотларнинг ЭРИси билан тасдиқлаш орқали амалга оширилади.

18. Қурилиш органи ва ваколатли ташкилотлар далолатнома лойиҳаси келишилган куни уни электрон шаклда ДК филиалларига юборадилар.

19. Якка тартибда уй-жой куриш объекти курувчининг ўз кучи билан курилган ҳолларда битта (иккита) турар жой хонаси, ошхона, ҳожатхона, уй фасадининг ташқи беағи курилиши тамом бўлгандан, лойиҳага мувофиқ уй муҳандислик коммуникациялари билан таъминлангандан кейин алоҳида ёрдамчи-хўжалик иморатлари ва ҳовлидаги иншоотларсиз ва ҳудудни ободонлаштирмасдан уйнинг бир қисмини фойдаланишга қабул қилишга йўл қўйилади.

20. Объектнинг курилиши (реконструкцияси)нинг тугалланмаганлиги аниқланиши ёки шаҳарсозлик нормалари ва қоидаларига мувофиқ эмаслиги далолатнома лойиҳасини тайёрлаш ёки қилишишни рад этиш учун асос бўлади.

Далолатнома лойиҳасини бошқа асосларга қўра тайёрлашни ёки қилишишни рад этиш қатъиян тақиқланади.

Ариза берувчи далолатнома лойиҳасини тайёрлаш ёки қилишиш рад этилган кундан бошлаб бир ой мобайнида давлат хизмати кўрсатиш учун йиғимни тўламасдан объектни фойдаланишга қабул қилиш учун қайта мурожаат қилиш ҳуқуқига эга.

Далолатнома лойиҳасини тайёрлаш ёки қилишиш масаласини такроран кўриб чиқишда ДК филиаллари томонидан аввалги рад этиш асосларида баён этилмаган сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабабларининг келтирилиши бундан мустасно.

21. Курилиш органи ҳамда ваколатли ташкилотлар томонидан қилишилган далолатнома ДК филиалига қелиб тушган кун, ДК филиали уни Давлат хизматлари марказига (ўзи қелиб мурожаат қилган тақдирда) ёки ЯИДХП орқали (электрон шаклда мурожаат қилган тақдирда) ариза берувчига электрон шаклда юборади.

Давлат хизматлари маркази, далолатнома қелиб тушгандан сўнг, уни бир соат мобайнида ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Бунда, Давлат хизматлари маркази ариза берувчи ўзи қелиб мурожаат қилганда унинг сўровига қўра унга далолатномани электрон шаклда ёки қоғоз шаклида ўзининг муҳрини босиш йўли билан тақдим этиши шарт.

3-боб. Яқунловчи қоидалар

22. Далолатнома объектга бўлган мулк ҳуқуқини давлат рўйхатидан ўтказиш учун асос ҳисобланади.

23. Давлат хизматлари марказлари, ДК филиаллари, курилиш органлари ва ваколатли ташкилотлар ўз фаолиятини амалга ошириши натижасида олинган ариза берувчи ҳақидаги маълумотларнинг махфийлигини таъминлаши керак.

24. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти юзасидан, шу жумладан, ЯИДХП орқали доимий назоратни ва мониторингни амалга оширадилар.

25. Ариза берувчи давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

26. Ушбу Регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

4.21-4.23. Юридик шахсларнинг ер участкаларига, бинолар ва иншоотларга (шу жумладан ер ости иншоотларига бўлган ҳуқуқларини, шунингдек ипотека ҳамда бинолар ва иншоотлар ва ер участкаларига бўлган ашёвий ҳуқуқлар ипотекаси тўғрисидаги шартномалари давлат рўйхатидан ўтказиш бўйича давлат хизмати

Кўчмас мулкка бўлган ҳуқуқларни ва у ҳақда тузилган битимларни давлат рўйхатидан ўтказиш тартиби тўғрисида

НИЗОМ

(Вазирлар Маҳкамасининг 2014 йил 7 январдаги
1-сон қарори билан тасдиқланган)

I. Умумий қоидалар

1. Ушбу Низом Ўзбекистон Республикасининг Фуқаролик кодексига, Ўзбекистон Республикасининг Ер кодексига, «Давлат ер кадастри тўғрисида», «Давлат кадастрлари тўғрисида» ва «Ипотека тўғрисида»ги Ўзбекистон Республикаси қонунларига, Ўзбекистон Республикаси Президентининг «Ишбилармонлик муҳитини янада тубдан яхшилаш ва тадбиркорликка янада кенг эркинлик бериш чора-тадбирлари тўғрисида» 2012 йил 18 июлдаги ПФ-4455-сон Фармониғамувофиқ, юридик ва жисмоний шахсларнинг ер участкаларига, бинолар ва иншоотларга (шу жумладан ер ости иншоотларига), кўп йиллик дов-дарахтларга бўлган ҳуқуқларини, шунингдек ипотека ҳамда бинолар ва иншоотлар ва ер участкаларига бўлган ашёвий ҳуқуқлар ипотекаси тўғрисидаги шартномаларни, ахборот-коммуникация технологияларини қўллаб, «бир ойна» тамойили бўйича давлат рўйхатидан ўтказиш тартибини белгилайди.

Ушбу Низом талаблари фойдали қазилмаларни қазиб олиш билан боғлиқ бўлган ер қаърига жорий этилмайди.

2. Кўчмас мулкка бўлган мулк ҳуқуқи ва бошқа ашёвий ҳуқуқлар, бу ҳуқуқларнинг вужудга келиши, бошқа шахсга ўтиши, чекланиши ва бекор бўлиши, шунингдек улар билан боғлиқ битимлар давлат рўйхатидан ўтказилиши керак.

Кўчмас мулкка бўлган ҳуқуқларни ва у ҳақда тузилган битимларни давлат рўйхатидан ўтказувчи орган ҳуқуқ эгасининг илтимосномасига кўра амалга оширилган рўйхатдан ўтказишни ер участкаларига, бинолар ва иншоотларга, кўп йиллик дарахтларга бўлган ҳуқуқлар давлат рўйхатидан ўтказилганлиги тўғрисидаги гувоҳномалар бериш йўли билан ёки рўйхатдан ўтказиш учун тақдим этилган ҳужжатга устхат ёзиш йўли билан тасдиқлаши шарт.

3. Юридик ва жисмоний шахсларнинг кўчмас мулкка бўлган мулк ҳуқуқи ва бошқа ашёвий ҳуқуқлари ушбу ҳуқуқлар мазкур Низомга мувофиқ давлат рўйхатидан ўтказилгандан кейин кучга киради.

Кўчмас мулкка бўлган ҳуқуқлар давлат рўйхатидан ўтказилмасдан амалга оширилган кўчмас мулк билан боғлиқ битимлар ҳақиқий эмас деб ҳисобланади.

4. Кўчмас мулкка бўлган мулк ҳуқуқларини ва бошқа ашёвий ҳуқуқларни давлат рўйхатидан ўтказиш юридик ва жисмоний шахсларнинг кўчмас мулкка бўлган мулк ҳуқуқларини ҳимоялаш, кўчмас мулк объектларини ҳисобга олиш, белгиланган тартибда улар билан боғлиқ битимларни амалга ошириш мақсадида амалга оширилади.

5. Ушбу Низомда қуйидаги асосий тушунчалардан фойдаланилади:

вақтинчалик иморат — қурилиш даврида вақтинчалик фойдаланиш учун бунёд этилган ва лойиҳа ҳужжатларида назарда тутилмаган иморат;

кўчмас мулкка бўлган ҳуқуқларни давлат рўйхатидан ўтказиш — юридик ва жисмоний шахсларнинг жумладан битимлар асосида юзага келадиган кўчмас мулкка

бўлган ҳуқуқларининг вужудга келганлигини, бошқа шахсга ўтганлигини, чекланишини (юкланишини), бекор бўлишини тан оладиган ҳамда тасдиқлайдиган ҳуқуқий ҳаракат;

кўчмас мулкка бўлган ҳуқуқлар ва у ҳақда тузилган битимларнинг давлат реестри — кўчмас мулк ва уларга бўлган ҳуқуқлар тўғрисидаги маълумотларнинг, ҳуқуқ эгаларининг тизимга солинган жамламаси, у кўчмас мулк объектининг ўрнашган жойи бўйича туман (шаҳар) чегарасида юритилади;

гаров хати — кўчмас мулк гаровга қўйилганлиги тўғрисидаги қарзлик гувоҳномаси, қарз берувчига — юридик ёки жисмоний шахсга банк томонидан берилади;

бино — функционал мақсадига қараб одамлар яшаши ёки бўлишига ва ҳар хил турдаги ишлаб чиқариш жараёнларини бажаришга мўлжалланган, ёпиқ ҳажмни ташкил этувчи таянч, тўсма ёки ҳар иккала мақсадга хизмат қилувчи конструкциялардан иборат қурилиш тизими;

ер участкаси — ер юзасининг қайд этилган чегарага, майдонга, жойлашиш манзилига, ҳуқуқий режимга ҳамда давлат ер кадастрида ва ер участкасига бўлган ҳуқуқларни давлат рўйхатидан ўтказишга оид ҳужжатларда акс этирилаётган бошқа хусусиятларига эга бўлган қисми;

ипотека — кўчмас мулкни (ер участкасини, бино ва иншоотни) ёки унга бўлган ҳуқуқни мажбуриятни таъминлаш шарти билан гаровга қўйиш, у ушбу мулкни гаров кредитори эгаллигига топширмасдан амалга оширилади;

кадастр йиғмажилди — объектнинг кўчмас мулкка бўлган ҳуқуқларни шакллантириш, ҳисобга олиш ва кейинчалик давлат рўйхатидан ўтказиш учун зарур бўлган кадастр суратига олиш, техник инвентаризация қилиш ва паспортлаштиришнинг, махсус текшириш ва изланишларнинг, сифат ва қиймат жиҳатдан баҳолашнинг ҳужжатлари, материаллари ва маълумотлари жамламаси;

кадастр плани — кўчмас мулк объектининг ўрнашган жойини, чегараларини, бинолар, иншоотлар ва бошқа топографик элементларини акс эттирувчи, умумий қабул қилинган шартли белгиларда тузилган чизма ҳужжат;

кадастр рақами — ер участкаси, бино, иншоотнинг ўзига хос, Ўзбекистон Республикаси ҳудудида такрорланмайдиган рақами, у кўчмас мулкни шакллантиришда қонун ҳужжатларида белгиланган тартибга мувофиқ берилади, ва у рўйхатдан ўтказилган ҳуқуқнинг ягона объекти сифатида мавжуд бўлиши даврида сақлаб қолинади;

кўп йиллик дарахтлар — боғлар, тоқзорлар, тутзорлар ва бошқа ўрмон дарахтлари;

кўчмас мулк — ер участкалари, ер ости бойликлари, бинолар, иншоотлар, кўп йиллик дов-дарахтлар ва ер билан узвий боғланган бошқа мол-мулк, яъни белгиланган мақсадига номутаносиб зарар етказмаган ҳолда жойини ўзгартириш мумкин бўлмайдиган объектлар;

қурилиши тугалланмаган объектлар — қурилиши белгиланган тартибда ажратилган ер участкасида тасдиқланган лойиҳа ҳужжатларига мувофиқ бошланган, лекин муайян кунга келиб тугалланмаган ёки қурилиши тугалланган, лекин қурилиши (реконструкцияси) тугалланган бинолар ва иншоотларни фойдаланишга қабул қилиш далолатномаси асосида фойдаланишга қабул қилинмаган бино ва иншоотлар;

кўчмас мулкка бўлган ҳуқуқларнинг чекланиши — кўчмас мулк объектининг мулкдори бўлмаган шахсларнинг (ипотекага олувчилар, ижарага олувчилар, кредиторлар ва бошқаларнинг) унга бўлган мулквий ҳуқуқлари;

ёрдамчи-ҳўжалик иморатлари — ишлаб чиқариш бинолари ва иншоотларига нисбатан ёрдамчи тавсифдаги иморатлар (омборхоналар, бостирмалар, йўлаклар ва шу кабилар), уй ҳайвонлари ва паррандаларини боқиш учун мўлжалланган иморатлар, омборхона, гаражлар, ёзги ошхоналар, тандирхоналар, ертўлалар, ҳаммомлар, ҳовлидаги хожатхоналар, душхоналар, иссиқхоналар, ҳовузлар, сауналар, қозонхоналар ва

одамларнинг вақтинча туриши билан боғлиқ турли иш турларини бажариш учун мўлжалланган бошқа функционал иморатлар;

ҳуқуқ эгаси — битим асосида ёки қонун ҳужжатларида назарда тутилган бошқа асослар бўйича кўчмас мулкка бўлган ҳуқуққа эга юридик ва жисмоний шахс;

кўчмас мулкка бўлган ҳуқуқларни давлат рўйхатидан ўтказиш тўғрисидаги аризалар реестри — юридик ва жисмоний шахсларнинг кўчмас мулкка бўлган ҳуқуқларни давлат рўйхатидан ўтказиш тўғрисидаги аризалари рўйхатга олинadиган электрон файл;

кўчмас мулк ҳақида тузилган битимлар — фуқаро ва юридик шахсларнинг кўчмас мулкка бўлган ҳуқуқларни ўрнатишга, ўзгартиришга ёки бекор қилишга (ўзга шахсга ўтказишга, ипотекага қўйишга, узоқ муддатли ижарага, меросни қабул қилишга ва бошқаларга) қаратилган хатти-ҳаракатлари;

сервитут — бегона ер участкасидан чекланган тарзда фойдаланиш ҳуқуқи;

иншоот — ҳар хил турдаги ишлаб чиқариш жараёнларини бажаришга, материаллар, буюмлар, асбоб-ускуналарни сақлашга, одамларнинг вақтинча бўлишига, одамлар, юklar ва бошқа нарсаларни олиб ўтишга мўлжалланган, таянч, тўсма ёки ҳар иккала мақсадга хизмат қилувчи конструкциялардан иборат ҳажмий, ясси ёки чизик тарзидаги ер тепасида, ер юзасида ва ер остида жойлашган қурилиш тизими;

электрон рақамли имзо — электрон ҳужжатдаги мазкур электрон ҳужжат ахборотини электрон рақамли имзонинг ёпиқ калитидан фойдаланган ҳолда махсус ўзгартириш натижасида ҳосил қилинган ҳамда электрон рақамли имзонинг очиқ калити ёрдамида электрон ҳужжатдаги ахборотда хатолик йўқлигини аниқлаш ва электрон рақамли имзо ёпиқ калитининг эгасини идентификация қилиш имкониятини берадиган имзо.

6. Юридик ёки жисмоний шахсларнинг кўчмас мулкка бўлган мулк ва бошқа ашёвий ҳуқуқлари давлат рўйхатидан ўтказиш объектлари ҳисобланади.

Кўчмас мулкка бўлган ҳуқуққа эга бўлган Давлат хизматлари марказлари (кейинги ўринларда «марказлар» деб аталади), юридик ва жисмоний шахслар ҳамда кўчмас мулкка бўлган ҳуқуқларни давлат рўйхатидан ўтказувчи органлар мулкка бўлган мулк ва бошқа ашёвий ҳуқуқларни давлат рўйхатидан ўтказиш субъектлари ҳисобланади.

7. Юридик ва жисмоний шахсларнинг кўчмас мулкка бўлган ҳуқуқларини ва у ҳақда тузилган битимларни, ипотека ва ипотека тўғрисидаги шартномаларни қўшган ҳолда давлат рўйхатидан ўтказишни, Қорақалпоғистон Республикаси, вилоятлар ва Тошкент шаҳри ер тузиш ва кўчмас мулк кадастри давлат корхонасининг тегишли туман (шаҳар)даги филиаллари (кейинги ўринларда давлат рўйхатидан ўтказувчи орган деб аталади) амалга оширадилар.

Юридик ва жисмоний шахсларга қонун ҳужжатларида назарга тутилган кадастр ва рўйхатга олиш хизматларини тўлиқ ҳажмда кўрсатиш учун ер тузиш ва кўчмас мулк кадастри давлат корхонаси таркибида «бир ойна» бўлими ташкил этилади.

Кўчмас мулкка бўлган ҳуқуқ давлат рўйхатидан ўтказувчи органнинг раҳбари томонидан тайинланадиган масъул шахс (кейинги ўринларда рўйхатга олувчи деб аталади) томонидан давлат рўйхатидан ўтказилади.

8. Кўчмас мулк мулкдорлари ёхуд унга ашёвий ҳуқуқлар эгалари бўлган юридик ва жисмоний шахслар (тадбиркорлик субъектларидан ташқари) ёки уларнинг ваколатли вакиллари кўчмас мулкка бўлган мулк ҳуқуқи ёки бошқа ашёвий ҳуқуқлар вужудга келган, бошқа шахсга ўтган, чекланган ёки бекор бўлган кундан бошлаб бир ой муддатда кўчмас мулкнинг ўрнашган жойи бўйича давлат рўйхатидан ўтказувчи органга уларни давлат рўйхатидан ўтказиш учун мурожаат қилишлари шарт. Кўчмас мулкка бўлган ҳуқуқларни рўйхатдан ўтказиш учун тадбиркорлик субъектлари белгиланган тартибда марказларга мурожаат қиладилар.

Аризада кўчмас мулкнинг тури, давлат рўйхатидан ўтказилиши лозим бўлган ҳуқуқ, унга кадастр йиғмажилди тайёрланган ёки қайта расмийлаштирилган кўчмас мулк объектининг номи ва у тайёрланган сана (мавжуд бўлса) кўрсатилади.

Тадбиркорлик субъектларидан марказ орқали ва бошқа ариза берувчилардан бевосита давлат рўйхатидан ўтказувчи органга келиб тушган ариза мазкур Низомнинг 1-илоvasида келтирилган шакл бўйича кўчмас мулкка бўлган ҳуқуқларни ва у ҳақда тузилган битимларни давлат рўйхатидан ўтказиш тўғрисидаги аризалар реестрида рўйхатга олинади. Ариза олингани ҳақида марказга билдиришнома жўнатилади, бошқа ариза берувчиларга тилхат берилади.

Нотариус» автоматлаштирилган ахборот тизими орқали кўчмас мулкнинг олди-сотди, айирбошлаш ва ҳадя қилиш битимлари тасдиқланганлиги ҳақида маълумот олинса, кўчмас мулкка бўлган ҳуқуқларни ва унинг билан битимларни давлат рўйхатидан ўтказиш тўғрисидаги аризалар реестрига мулкдорнинг фамилияси, исми, отасининг исми, объектнинг номланиши, нотариал ҳаракат амалга оширилган сана ва қайд этилган рақам ҳақидаги маълумотлар киритилади.

8¹. Давлат рўйхатидан ўтказувчи орган кўчмас мулкка бўлган ҳуқуқларни ва у ҳақда тузилган битимларни давлат рўйхатидан ўтказиш учун бошқа ваколатли органларда мавжуд бўлган зарур ҳужжатлар ва ахборотларни белгиланган тартибда ўзаро ахборот ҳамкорлиги йўли билан, шу жумладан электрон тарзда мустақил равишда олади, ушбу Низомнинг 8-бандида назарда тутилган ҳужжатлар ва ахборотлар бундан мустасно.

9. Кўчмас мулкка бўлган ҳуқуқларни давлат рўйхатидан ўтказиш юридик ва жисмоний шахсларнинг ҳуқуқларини Кўчмас мулкка бўлган ҳуқуқлар ва у ҳақда тузилган битимлар давлат реестрига киритиш йўли билан амалга оширилади, у мазкур Низомнинг 2-илоvasида келтирилган шакл бўйича электрон тарзда ер участкаларига, биноларга, иншоотларга ва кўп йиллик дов-дарахтларга бўлган ҳуқуқларни давлат рўйхатидан ўтказиш бўйича ягона ҳужжат сифатида юритилади.

Кўчмас мулкка бўлган ҳуқуқнинг вужудга келишини ва бошқа шахсга ўтишини давлат рўйхатидан ўтказиш юридик шахснинг номини, жисмоний шахснинг фамилияси, исми ва отасининг исминини ва кўчмас мулк объектлари тўғрисидаги бошқа маълумотларни Кўчмас мулкка бўлган ҳуқуқлар ва у ҳақда тузилган битимлар давлат реестрига навбатдаги рақам билан киритиш йўли билан амалга оширилади, кўчмас мулкка бўлган ҳуқуқларнинг чекланиши ва бекор бўлишини давлат рўйхатидан ўтказиш эса унга бўлган ҳуқуқнинг чекланиши ёки бекор бўлиши тўғрисидаги ёзувни ёзув унинг асосида қилинган ҳужжатнинг санаси ва рақамини Давлат реестрининг 9, 10, 21 ва 28-устунларида кўрсатган ҳолда кўчмас мулкка бўлган ҳуқуқ давлат рўйхатидан ўтказилгани тўғрисидаги ёзув киритилган сатрга ёзиб қўйиш йўли билан амалга оширилади.

Ер участкасига бўлган ҳуқуқнинг (у мавжуд бўлган тақдирда) вужудга келиши ва бошқа шахсга ўтиши биринчи навбатда рўйхатдан ўтказилади. Ушбу ер участкасида қурилган ёки барпо этилган бинолар, иншоотлар ва кўп йиллик дов-дарахтларга бўлган ҳуқуқларнинг вужудга келиши ва бошқа шахсга ўтишининг кейинги рўйхатдан ўтказилиши бинолар, иншоотлар ва кўп йиллик дов-дарахтлар тўғрисидаги маълумотларни ер участкасига ҳуқуқ рўйхатдан ўтказилгани тўғрисидаги ёзув киритилган сатрга киритиш йўли билан амалга оширилади.

9¹. Кўчмас мулкка бўлган ҳуқуқнинг вужудга келишини ва бошқага ўтишини, чеклашларни, сервитутларни ҳамда ушбу ҳуқуқларнинг бекор бўлишини давлат рўйхатидан ўтказганлик, шунингдек кўчмас мулкка бўлган ҳуқуқларни, шу жумладан ипотекани ва ипотека тўғрисидаги шартномаларни давлат рўйхатидан ўтказганлик, бинолар, иншоотларнинг тегишлилиги ва таркиби тўғрисида, шахсий турар жойи мавжудлиги (мавжуд эмаслиги) тўғрисида маълумотномалар берганлик учун тўлов ундирилмайди.

II. Кўчмас мулкка бўлган ҳуқуқларни ахборот тизими комплексида фойдаланиб «бир ойна» принципи бўйича давлат рўйхатидан ўтказиш тартиби

10. Юридик ва жисмоний шахслар кўчмас мулкка бўлган ҳуқуқларни давлат рўйхатидан ўтказиш учун давлат рўйхатидан ўтказувчи органга ўзларининг танловларига кўра телекоммуникация каналлари бўйича электрон ҳужжат кўринишида мурожаат қилишга ҳақлидирлар.

11. Ариза электрон рақамли имзони қўллаган ҳолда расмийлаштирилади ва мазкур Низомнинг 8-бандида кўрсатилган зарурий ҳужжатларни илова қилган ҳолда Ўзбекистон Республикаси «Ергеодезкадастр» давлат қўмитасининг Интерактив давлат хизматлари ягона портали ва ахборот ресурси орқали электрон шаклда жўнатилади.

12. Ариза ва кадастр йиғмажилдларини электрон тарзда қабул қилиш ва уларга ишлов бериш тизими ахборот тизимлари комплекси, шунингдек алоқа каналлари ва ахборотни узатиш ва қабул қилишнинг ахборот хавфсизлиги таъминланган дастурий-аппарат воситалари, олинган ахборотга ишлов бериш, уни сақлашнинг дастурий-аппарат воситалари базасида юритилади.

14. Давлат рўйхатидан ўтказувчи орган электрон ҳужжат олинган куни аризани кўчмас мулкка бўлган ҳуқуқларни ва унинг билан битимларни давлат рўйхатидан ўтказиш тўғрисидаги аризалар реестрига киритади.

15. Рўйхатдан ўтказувчи ариза рўйхатга олингандан кейин икки кун мобайнида қуйидаги ишларни амалга оширади:

юридик ва жисмоний шахсга электрон рақамли имзо қўлланиб, жўнатилган ҳужжатлар олинганлигини тасдиқланганлиги тўғрисида хабарнома юбориш;

олинган электрон ҳужжатларни давлат рўйхатидан ўтказувчи органнинг электрон архивида сақлаш;

юридик ва жисмоний шахс ваколатли шахсининг электрон рақамли имзоси ҳақиқийлигини текшириш;

олинган электрон ҳужжатларнинг ушбу Низомнинг 20 — 25, 42 — 46 ва 71-бандлари талабларига мувофиқлигини текшириш.

16. Рўйхатдан ўтказувчи кўчмас мулкка бўлган ҳуқуқни тасдиқловчи ҳужжатлар мавжуд бўлган тақдирда, кўчмас мулкка бўлган ҳуқуқларни мазкур Низомда белгиланган тартибда давлат рўйхатидан ўтказади.

Кўчмас мулкка бўлган ҳуқуқларни давлат рўйхатидан ўтказишни рад этиш учун асослар мавжуд бўлган тақдирда, ариза иловалари билан бирга ариза рўйхатга олинган кундан бошлаб икки кун мобайнида давлат рўйхатидан ўтказувчи орган раҳбарининг электрон рақамли имзоси билан электрон кўринишдаги хат билан юридик ва жисмоний шахсга, марказга (тадбиркорлик субъектлари мурожаат қилган тақдирда) қайтарилади. Ҳужжатлар қайтарилганлиги ҳақида кўчмас мулкка бўлган ҳуқуқларни ва унинг билан битимларни давлат рўйхатидан ўтказиш тўғрисидаги аризалар реестрида белги қўйилади. Хатда ҳуқуқларни давлат рўйхатидан ўтказишни рад этишнинг аниқ сабаблари ва тақдим этилган ҳужжатларда топилган камчиликларни бартараф этиш бўйича тавсиялар кўрсатилади.

Юридик ва жисмоний шахслар камчиликлар тузатилгандан сўнг, кўчмас мулкка бўлган ҳуқуқларни давлат рўйхатидан ўтказиш тўғрисидаги ариза билан такроран мурожаат қилишлари мумкин.

Кўрсатилган камчиликларни тузатиб ариза такроран жўнатилганда, рўйхатдан ўтказувчи томонидан икки кун мобайнида кўчмас мулкка бўлган ҳуқуқларни давлат рўйхатидан ўтказиш амалга оширилади.

Кўчмас мулкка бўлган ҳуқуқларни давлат рўйхатидан ўтказиш тўғрисидаги аризани такроран кўриб чиқишда кўчмас мулкка бўлган ҳуқуқларни давлат рўйхатидан ўтказишни рад этиш тўғрисидаги хатда илгари кўрсатилмаган янги асослар бўйича рад этишга йўл қўйилмайди.

17. Кўчмас мулкка бўлган ҳуқуқлар давлат рўйхатидан ўтказилгандан сўнг давлат рўйхатидан ўтказувчи орган кўчмас мулкка бўлган ҳуқуқларнинг давлат рўйхатидан ўтказилганлиги тўғрисидаги гувоҳномаларни тайёрлайди ва расмийлаштиради ҳамда уларни буюртма хат билан юридик ёки жисмоний шахсга (тадбиркорлик субъектларидан ташқари) жўнатади.

Тадбиркорлик субъектларининг кўчмас мулкка бўлган ҳуқуқлари давлат рўйхатидан ўтказилгани тўғрисида тайёрланган ва расмийлаштирилган гувоҳнома тадбиркорлик субъектларига бериш учун бир кун мобайнида марказга жўнатилади.

Кўчмас мулкка бўлган ҳуқуқларни ахборот тизимлари комплексини қўллаган ҳолда «бир ойна» тамойили бўйича давлат рўйхатидан ўтказиш схемаси ушбу Низомга 3-иловада келтирилган.

18. Юридик ва жисмоний шахслар нотўғри ёки бузилган маълумотларни тақдим этганлик учун қонун ҳужжатларига мувофиқ жавобгар бўлади.

II¹. Нотариал тасдиқланган кўчмас мулкнинг олди-сотди, айирбошлаш ва ҳады қилиш битимлари асосида идоралараро электрон ҳамкорлик воситасида кўчмас мулкка бўлган ҳуқуқларни давлат рўйхатидан ўтказиш тартиби

18¹. Кўчмас мулкка бўлган ҳуқуқларни давлат рўйхатидан ўтказиш белгиланган тартибда «Нотариус» автоматлаштирилган ахборот тизими орқали кўчмас мулкнинг олди-сотди, айирбошлаш ва ҳады қилиш битимлари нотариал тасдиқланганлиги ҳақида маълумот олингандан кейин амалга оширилади.

Бунда давлат рўйхатидан ўтказувчи органлар тегишли тўловлар амалга оширилгандан ва нотариусларнинг маълумоти олингандан бошлаб 5 кун муддат мобайнида кадастр йиғмажилдини тайёрлайди ва кўчмас мулкка бўлган ҳуқуқнинг давлат рўйхатидан ўтказилганлиги тўғрисидаги гувоҳномани расмийлаштиради, бу ҳақда кўчмас мулк мулкдорига хабарнома юборади.

18². Кўчмас мулкка бўлган ҳуқуқни давлат рўйхатидан ўтказишни рад этиш учун ушбу Низомда кўрсатилган асослар мавжуд бўлса, рўйхатга олувчи мулкдорни ёзма шаклда ёки электрон почта орқали хабардор қилади, бу ҳақда кўчмас мулкка бўлган ҳуқуқларни ва у билан боғлиқ битимларни давлат рўйхатидан ўтказиш тўғрисидаги аризалар реестрига белги қўяди. Хабарномада аниқ сабаблар ва тақдим этилган маълумотларда аниқланган камчиликларни бартараф этишга доир тавсиялар кўрсатилади.

18³. Давлат рўйхатидан ўтказувчи органлар кўчмас мулкка бўлган ҳуқуқнинг давлат рўйхатидан ўтказилганлиги тўғрисидаги гувоҳномани расмийлаштиргандан кейин коммунал хизмат кўрсатувчи ташкилотларга қуйидаги маълумотларни юборади:

мулкдорнинг фамилияси, исми ва отасининг исми ҳамда доимий прописка қилинган манзили;

нотариал ҳаракат амалга оширилган сана ва қайд этилган рақам;

кўчмас мулкнинг кадастр рақами ва умумий (турар жой) майдони;

мулкдорнинг мобил телефон рақами (мавжуд бўлса);

мулкдорнинг электрон почта манзили (мавжуд бўлса).

18⁴. Кадастр йиғмажилдини олиш учун мулкдор олди-сотди, айирбошлаш ва ҳады қилиш шартномаларининг асл нусхаларини давлат рўйхатидан ўтказувчи органларга тақдим этади.

18⁵. Давлат рўйхатидан ўтказувчи органлар кўчмас мулк объектларини вақти-вақти билан режали хатлашлар ўтказиш йўли билан беш йилда камида бир марта, шунингдек режадан ташқари текширишлар жараёнида ҳисобга олиш кўрсаткичлари ўзгаришлари аниқланишига қараб техник хатловни амалга оширишлари лозим.

III. Ер участкаларига бўлган ҳуқуқларни давлат рўйхатидан ўтказиш тартиби

19. Ер участкаларига бўлган қуйидаги ҳуқуқларнинг вужудга келиши, бошқа шахсларга ўтиши ва бекор бўлиши давлат рўйхатидан ўтказилиши лозим:

Ўзбекистон Республикаси фуқароларига якка тартибда уй-жой қуриш ва уй-жойни ободонлаштириш, деҳқон хўжалиги, жамоа боғдорчилиги ва узумчилигини юритиш учун, шунингдек қонун ҳужжатларида назарда тутилган бошқа ҳолларда берилган ер участкаларига мерос қилиб қолдириладиган умрбод эгалик қилиш ҳуқуқи;

юрidik ва жисмоний шахсларга қишлоқ ва ўрмон хўжалиги (қишлоқ хўжалиги кооперативлари (ширкатлари) ва фермер хўжаликлари бундан мустасно) юритиш ва қонун ҳужжатларида назарда тутилган бошқа мақсадлар учун берилган ер участкаларига доимий эгалик қилиш ҳуқуқи;

юрidik ва жисмоний шахсларга қишлоқ хўжалиги билан боғлиқ бўлмаган эҳтиёжлар учун фойдаланиш муддатлари кўрсатилмай берилган ер участкаларидан доимий фойдаланиш ҳуқуқи;

юрidik ва жисмоний шахсларга қишлоқ хўжалиги билан боғлиқ бўлмаган эҳтиёжлар учун фойдаланишнинг муайян муддатини белгилаб берилган ер участкаларидан муддатли (вақтинча) фойдаланиш ҳуқуқи;

юрidik ва жисмоний шахслар, шу жумладан хорижий юрidik ва жисмоний шахслар томонидан қонун ҳужжатларида белгиланган тартибда хусусийлаштириб ёки сотиб олинган ер участкаларига бўлган мулк ҳуқуқи;

юрidik ва жисмоний шахсларга ижарага берилган ер участкаларини ижарага олиш ҳуқуқи.

20. Ер участкаларига бўлган ҳуқуқларнинг вужудга келиши қуйидаги ҳужжатлар асосида рўйхатдан ўтказилади:

ер участкаларига мерос қилиб қолдириладиган умрбод эгалик қилиш ҳуқуқини рўйхатдан ўтказиш учун — давлат ҳокимияти органларининг Ўзбекистон Республикасининг муайян фуқароларига ер участкалари бериш тўғрисидаги, ўз ваколатлари доирасида қабул қилган қарори ёки мерос қилиб олиш ҳуқуқи тўғрисидаги нотариус томонидан берилган гувоҳнома ёхуд бу ҳуқуқ аукцион асосида сотиб олинганлиги тўғрисидаги туман (шаҳар) ҳокими томонидан берилган давлат ордери;

ер участкаларига доимий эгалик қилиш, доимий ва муддатли (вақтинча) фойдаланиш ҳуқуқини рўйхатдан ўтказиш учун — давлат ҳокимияти органларининг муайян юрidik ва жисмоний шахсларга ер участкаси бериш тўғрисидаги, ўз ваколатлари доирасида қабул қилган қарори;

ер участкаларига бўлган мулк ҳуқуқини рўйхатдан ўтказиш учун — давлат мулкни бошқариш бўйича ваколатли давлат органлари томонидан берилган давлат ордери;

ер участкаларини ижарага олиш ҳуқуқини рўйхатдан ўтказиш учун — давлат ҳокимияти органларининг ер участкасини ижарага бериш тўғрисидаги ўз ваколатлари доирасида қабул қилган қарорлари асосида ваколатли органлар томонидан тузилган ер участкасининг ижара шартномаси.

21. Ўзбекистон Республикаси фуқароларининг «Ер тўғрисида»ги Ўзбекистон Республикаси Қонуни амал қилган даврда (1990—1998 йилларда) олинган ер участкаларига бўлган мерос қилиб қолдириладиган умрбод эгалик қилиш ҳуқуқини давлат рўйхатидан ўтказиш учун қуйидаги ҳужжатлар асос бўлади:

шаҳарлар ҳокимларининг Ўзбекистон Республикаси фуқароларига якка тартибда уй-жой қуриш ва уй-жойни ободонлаштириш учун шаҳарлар ерларидан мерос қилиб қолдириладиган умрбод эгалик қилиш ҳуқуқида ер участкалари бериш тўғрисидаги қарорлари;

шаҳарчалар ва қишлоқлар (овуллар) фуқаролари ўзини ўзи бошқариш органларининг Ўзбекистон Республикаси фуқароларига якка тартибда уй-жой қуриш ва

уй-жойни ободонлаштириш учун шаҳарчалар ва қишлоқ аҳоли пунктларининг собиқ колхозлар, совхозлар ҳамда бошқа қишлоқ хўжалиги ва ўрмон хўжалиги корхоналари, муассасалари ва ташкилотлари ҳудудида бўлмаган ерларидан мерос қилиб қолдириладиган умрбод эгалик қилиш ҳуқуқида ер участкалари бериш тўғрисидаги қарорлари;

қишлоқлар (овуллар) фуқаролари ўзини ўзи бошқариш органларининг Ўзбекистон Республикаси фуқароларига қишлоқ жойларида шахсий ёрдамчи хўжалик юритиш учун мерос қилиб қолдириладиган умрбод эгалик қилиш ҳуқуқида ер участкалари бериш тўғрисидаги қарорлари.

22. Ўзбекистон ССРнинг Ер кодекси амал қилган даврда Ўзбекистон Республикаси фуқароларининг олинган ер участкаларига бўлган мерос қилиб қолдириладиган умрбод эгалик қилиш ҳуқуқини давлат рўйхатидан ўтказиш учун қуйидаги ҳужжатлар асос бўлади:

тегишли туманлар, шаҳарлар ва шаҳарчалар халқ депутатлари Кенгашлари ижроия қўмиталарининг якка тартибда уй-жой қуриш учун ер участкалари бериш тўғрисидаги қарорлари;

тегишли қишлоқлар (овуллар) халқ депутатлари Кенгашлари ижроия қўмиталарининг колхозлар аъзоларининг умумий мажлислари баённомаларини ҳамда совхозлар ва бошқа қишлоқ хўжалиги ҳамда ўрмон хўжалиги корхоналари, муассасалари ва ташкилотлари директорларининг фуқароларга якка тартибда уй-жой қуриш учун ер участкалари бериш ҳақидаги буйруқларини тасдиқлаш тўғрисидаги қарорлари.

22¹. Ўзбекистон Республикаси Олий Мажлисининг ёки халқ депутатлари вилоятлар кенгашларининг (Қорақалпоғистон Республикасида — Жўқорғи Кенгеснинг) қарорлари билан қишлоқ аҳоли пунктлари ёки уларнинг қисмлари шаҳарлар ва посёлкалар чегараларига киритилган ҳолларда жисмоний шахсларга деҳқон (шахсий томорқа) хўжалигини юритиш учун белгиланган тартибда илгари берилган ер участкаларига мерос қилиб қолдириладиган умрбод эгалик қилиш ҳуқуқи мазкур Низомнинг 20, 21 ва 22-бандларида кўрсатилган ҳужжатлар асосида давлат ҳокимияти органларининг қарорларида кўрсатилган ўлчамларда рўйхатдан ўтказилади.

23. Ўзбошимчалик билан эгаллаб олинган ер участкаларига ёки ҳуқуқни белгиловчи ҳужжатларсиз фойдаланилаётган ер участкаларига бўлган ҳуқуқлар давлат рўйхатидан ўтказилмайди, ушбу банднинг учинчи хатбошида кўрсатилган ҳолатлар бундан мустасно.

Ҳуқуқни белгиловчи ҳужжат мавжуд бўлмаган тақдирда, Ўзбекистон Республикаси жисмоний шахсларининг ер участкаларига бўлган мерос қилиб қолдириладиган умрбод эгалик қилиш ҳуқуқини давлат рўйхатидан ўтказиш туман (шаҳар) ҳокимининг ушбу жисмоний шахсга мерос қилиб қолдириладиган умрбод эгалик қилиш ҳуқуқида, қонун ҳужжатларида белгиланган нормалар доирасида ер участкаси бериш тўғрисидаги қарори қабул қилиниши шарти билан амалга оширилади.

Бунда жисмоний шахс туман (шаҳар) ҳокими номига ариза беради, аризада унинг ер участкасидан амалда фойдаланганлиги учун сабаб бўлган ҳолатлар акс эттирилади. Аризага ер участкасига ўн беш йил мобайнида эгалик қилинганини тасдиқловчи ҳужжатлар (фуқароларнинг ўзини ўзи бошқариш органларининг ариза берувчининг ер участкасига эгалик қилган муддатлари тўғрисидаги ва давлат солиқ хизмати органларининг сўнгги 5 йилда ер солиғи тўланганлиги тўғрисидаги маълумотномаси) илова қилинади.

Давлат рўйхатидан ўтказувчи орган томонидан туман (шаҳар) архитектура ва қурилиш бўлими (бошқармаси) билан биргаликда ариза келиб тушган кундан бошлаб етти кун мобайнида ер участкаси бериш бўйича материаллар ва туман (шаҳар) ҳокимининг қарори лойиҳаси шартнома асосида тайёрланади, улар ер участкасига эгалик қилинганлигини тасдиқловчи ҳужжатларни ҳамда кўрилаётган ер участкасида жойлашган

бинолар ва ишоотларнинг фойдаланиш учун яроқлилиги ҳолатини ва хулоса тайёрлаш учун ер участкаларини бериш (реализация қилиш) масалаларини кўриб чиқиш бўйича комиссияга киритилади.

Туман (шаҳар) ҳокимининг ариза берувчига қонун ҳужжатларида белгиланган нормалар доирасида ер участкаси бериш тўғрисидаги қарори ер участкаларини бериш (реализация қилиш) масалаларини кўриб чиқиш бўйича комиссиянинг ижобий хулосаси асосида қабул қилинади. Ушбу қарор ер участкасига бўлган ҳуқуқни давлат рўйхатидан ўтказиш учун асос ҳисобланади.

24. Давлат рўйхатидан ўтказилиши лозим бўлган ҳуқуқнинг тури давлат ҳокимияти органларининг Ўзбекистон Республикаси фуқароларига ер участкаси бериш тўғрисидаги қарорига мувофиқ қабул қилинади.

Агар давлат ҳокимияти органининг қарорида ҳуқуқ тури кўрсатилмаган бўлса, у ҳолда юридик ва жисмоний шахс учун қуйидаги ҳуқуқлар тан олинади ҳамда рўйхатдан ўтказилиши лозим:

якка тартибда уй-жой қуриш ва уй-жойни ободонлаштириш, деҳқон (шахсий ёрдамчи) хўжалиги ҳамда жамоа боғдорчилиги ва узумчилигини юритиш учун фойдаланиладиган ер участкаларига бўлган мерос қилиб қолдириладиган умрбод эгалик қилиш ҳуқуқи (агар ҳатто давлат ҳокимияти органларининг қарорларида бошқа ҳуқуқ тури кўрсатилган бўлса ҳам);

бинолар ва иншоотлар қуриш учун берилган ер участкасидан доимий фойдаланиш ҳуқуқи;

қишлоқ ва ўрмон хўжалигини юритиш учун берилган ер участкасига доимий эгалик қилиш ҳуқуқи.

25. Бинолар ва иншоотларга бўлган мулк ҳуқуқининг ҳамда бошқа ашёвий ҳуқуқларнинг ўзга шахсга ўтишини давлат рўйхатидан ўтказишда, кўрсатилган объектлар билан эгалланган ва улардан фойдаланиш учун зарур бўлган ер участкасига эгалик қилиш ёки ундан доимий фойдаланиш ҳуқуқи янги ҳуқуқ эгасининг номига расмийлаштирилади.

Турар жой биносига, боғ уйчасига бўлган мулк ҳуқуқи ўзга шахсга ўтган тақдирда, жисмоний шахсларга ушбу иморатларга бўлган мулк ҳуқуқи билан бирга белгиланган тартибда берилган ва унда ушбу иморатлар жойлашган бутун ер участкасига мерос қилиб қолдириладиган умрбод эгалик қилиш ҳуқуқи ҳам ўтади, ер участкасига бўлган ҳуқуқлар уйларни нотариус томонидан тасдиқланган олди-сотди, айирбошлаш, ҳадя, рента, умрбод таъминлаш шарти билан ўзга шахсга ўтказиш шартномалари ва бошқа ҳужжатлар асосида рўйхатдан ўтказилади.

Юридик ва жисмоний шахс бошқа шахсга ўтказиладиган бино ва иншоотлар жойлашган ер участкасининг мулкдори бўлган ҳолларда, янги ҳуқуқ эгаси номига бутун ер участкасига ёки унинг кўчмас мулк эгаллаган ҳамда ундан фойдаланиш учун зарур бўлган қисмига бўлган мулк ҳуқуқи, агар ўзга шахсга ўтказиш шартномаси билан бошқаси назарда тутилмаган бўлса, қонун ҳужжатларига мувофиқ расмийлаштирилади.

Ер участкасига эгалик қилиш ёки ундан доимий фойдаланиш ҳуқуқининг ер участкасида жойлашган барча бинолар ва иншоотларга бўлган ҳуқуқнинг бошқа шахсга ўтиши муносабати билан ўзга шахсга ўтиши олди-сотди ва ўзга шахсга ўтишнинг бошқа турларига оид шартномалар, мулкдорларнинг ёки улар томонидан ваколатланган шахсларнинг қарорлари, суд қарори ёхуд давлат ижрочисининг қарори ёки қарз ундирувчи ҳамда қарздор ўртасида бино ва иншоотларни топшириш тўғрисидаги давлат ижрочиси томонидан тасдиқланган далолатнома, шунингдек бино ва иншоотларга бўлган мулк ҳуқуқи ва бошқа ашёвий ҳуқуқлар ундан бошқага ўтадиган шахснинг ер участкасига оид ҳуқуқ белгиловчи ҳужжатлари асосида рўйхатдан ўтказилади.

Айрим бинолар ва иншоотларга ёки уларнинг бир қисмига бўлган ҳуқуқнинг бошқа шахсга ўтиши муносабати билан вужудга келган ер участкасига эгалик қилиш ёки ундан доимий фойдаланиш ҳуқуқининг ўзга шахсга ўтиши давлат ҳокимияти органининг ер

участкасини олдинги ердан фойдаланувчидан олиб қўйиш ҳамда уни янги ердан фойдаланувчига белгиланган мақсадлар бўйича фойдаланиш учун зарур бўлган ўлчамларда бериш тўғрисидаги қарори асосида рўйхатдан ўтказилади. Қарор ариза келиб тушган кундан эътиборан беш кун мобайнида ушбу банднинг тўртинчи хатбошида кўрсатилган ҳужжатлар асосида қабул қилинади.

Бунда янги ҳуқуқ эгасига иморат ва иншоотларга бўлган ҳуқуқнинг олдинги эгасида ер участкасига бўлган ҳуқуқ ўтади.

26. Ер участкасининг умумий майдони ва чегаралари, унга бўлган илгари рўйхатдан ўтказилган ҳуқуқ тури ўзгарган тақдирда, юридик ва жисмоний шахслар бир ой муддатда давлат рўйхатидан ўтказувчи органга ер участкаларига бўлган ҳуқуқларни давлат рўйхатидан ўтказиш тўғрисидаги ҳужжатларга ўзгартишлар киритиш ҳақида ариза беришлари шарт. Аризага ер участкасининг умумий майдони, чегаралари ва ҳуқуқ тури ўзгарганлигини тасдиқловчи ҳужжатлар илова қилинади.

Ер участкасига бўлган ҳуқуқларни давлат рўйхатидан ўтказиш тўғрисидаги ҳужжатларга ўзгартиришлар киритиш жараёнида қуйидаги ишлар бажарилади:

аризага илова қилинган ҳужжатлар текширилади;

мавжуд план-картографик материаллардан фойдаланиб, ер участкасининг янги кадастр плани чизилади;

кўчмас мулкка бўлган ҳуқуқлар ва у ҳақда тузилган битимлар давлат реестрига, шунингдек кадастр йиғмажилдига тегишли ўзгартиришлар киритилади;

юридик ва жисмоний шахсга ер участкасига бўлган ҳуқуқнинг давлат рўйхатидан ўтказилганлиги тўғрисида гувоҳнома берилади.

27. Юридик ва жисмоний шахслар ёки уларнинг белгиланган тартибда ваколатланган вакиллари тегишли давлат ҳокимияти органларининг қарори ёки бошқа асослар бўйича ер участкаси олинган кундан эътиборан бир ой мобайнида ер участкасининг ўрнашган жойи бўйича давлат рўйхатидан ўтказувчи органга ер участкасига бўлган ҳуқуқларни давлат рўйхатидан ўтказиш тўғрисида ариза беришлари лозим.

Объект қуриш учун ер участкаси олган тадбиркорлик субъектлари ер участкаларига бўлган ҳуқуқларни давлат рўйхатидан ўтказиш тўғрисидаги аризани туман (шаҳар) архитектура ва қурилиш бўлими (бошқармаси) томонидан ер участкасини танлаш ҳамда ажратиш материалларини тайёрлашда ер участкасини ажратиш бўйича йиғмажилдни аризага илова қилган ҳолда марказлар орқали берадилар, давлат рўйхатидан ўтказиш эса икки кун мобайнида амалга оширилади.

28. Ер участкасига бўлган ҳуқуқларни давлат рўйхатидан ўтказиш учун рўйхатдан ўтказувчи қуйидаги ишларни бажаради:

аризага илова қилинган ер участкасига кадастр йиғмажилдини (ер участкасини ажратиш бўйича йиғмажилдни ер участкасининг чегараларини жойга кўчириш далолатномаси билан бирга) экспертизадан ўтказиш;

кўчмас мулкка бўлган ҳуқуқлар ва у ҳақда тузилган битимлар давлат реестрига ер участкасига бўлган ҳуқуқлар давлат рўйхатидан ўтказилганлиги тўғрисида ёзув киритади;

ер участкасига бўлган ҳуқуқларнинг давлат рўйхатидан ўтказилганлиги тўғрисидаги гувоҳномани тайёрлайди ва расмийлаштиради.

29. Рўйхатдан ўтказувчи икки кун мобайнида кадастр йиғмажилдини экспертизадан ўтказиш, бу жараёнда у:

ер участкаларига бўлган ҳуқуқлар давлат рўйхатидан ўтказилиши учун асос бўладиган ҳужжатлар ва маълумотларни ўрганиб чиқади;

заруратга кўра юридик ва жисмоний шахслар томонидан тақдим этилган ҳуқуқ белгиловчи ҳужжатлар ва материалларни текширади;

бино ва иншоотлар бошқа шахсга ўтказилишига оид, улар асосида ер участкаларига бўлган ҳуқуқларни бино ва иншоотларнинг янги мулкдорига ёки уларга бўлган бошқа

ашёвий ҳуқуқлар эгасига ўтказиш тўғрисида қарор қабул қилинган ҳужжатларни текширади;

ер участкаларига бўлган ҳуқуқларни тасдиқловчи ҳужжатлар мавжуд бўлмаган ёки тақдим этилган ҳужжатлар экспертизадан ўтказилиши зарур бўлган тақдирда, ер участкаларига бўлган ҳуқуқларни давлат рўйхатидан ўтказишни тўхтатиб туриш тўғрисида қарор қабул қилади ҳамда бу ҳақда юридик ва жисмоний шахсларни ёки марказни (тадбиркорлик субъектлари мурожаат қилган тақдирда) ёзма равишда хабардор қилади;

ер участкаларига бўлган ҳуқуқларни давлат рўйхатидан ўтказишни рад этиш учун ушбу Низомнинг 31-бандида назарда тутилган асослар мавжуд бўлган тақдирда, ер участкаларига бўлган ҳуқуқларни давлат рўйхатидан ўтказишни рад этиш ҳақида қарор қабул қилади;

ер участкаларига бўлган ҳуқуқларни давлат рўйхатидан ўтказиш тартиби тўғрисида юридик ва жисмоний шахсларга тушунтиришлар беради;

ер участкаларига бўлган ҳуқуқларни ўз вақтида давлат рўйхатидан ўтказишда тақдим этиладиган ҳужжатларнинг ҳамда бошқа зарурий ҳужжатларнинг таркиби тўғрисида юридик ва жисмоний шахсларга бегараз асосда ёрдам кўрсатади;

ер участкаларига бўлган ҳуқуқларни давлат рўйхатидан ўтказишни амалга оширмаган ёки бунга истамайдиган юридик ва жисмоний шахсларни бунинг оқибатлари ҳақида огоҳлантиради.

30. Ер участкасига бўлган ҳуқуқларни давлат рўйхатидан ўтказишни рад этиш учун ушбу Низомнинг 31-бандида назарда тутилган асослар йўқ бўлган тақдирда, рўйхатдан ўтказувчи ер участкаларига бўлган ҳуқуқларни ариза олинган кундан бошлаб икки кун мобайнида давлат рўйхатидан ўтказилади.

Агар тақдим этилган ҳужжатларда техник тусдаги аҳамиятсиз камчиликлар ва уларни бартараф этиш имконияти бор бўлса ёки қўшимча ҳужжатлар талаб қилинса, шунингдек тақдим этилган ҳужжатларни экспертизадан ўтказиш зарурати бўлса, рўйхатдан ўтказувчи рўйхатидан ўтказишни ариза олинган кундан бошлаб беш кунгача тўхтатиб туриш тўғрисида бир кун мобайнида қарор қабул қилади ва бу ҳақда юридик ва жисмоний шахсларни, марказни (тадбиркорлик субъектлари мурожаат қилган тақдирда) ёзма равишда хабардор қилади. Ҳужжатлар кўрсатилган камчиликлари бартараф этилган ҳолда тақдим этилган тақдирда, ер участкаларига бўлган ҳуқуқларни давлат рўйхатидан ўтказиш ҳужжатлар тақдим этилган кундан бошлаб икки кун мобайнида амалга оширилади.

Марказ давлат рўйхатидан ўтказувчи органдан ер участкаларига бўлган ҳуқуқни рўйхатдан ўтказишни тўхтатиб туриш тўғрисидаги қарорни олгандан кейин кўрсатилган камчиликлари бартараф этилган ҳужжатларни тақдим этиш ҳақида тадбиркорлик субъектини белгиланган тартибда хабардор қилади.

Агар хабарномада кўрсатилган камчиликлар хабар берилган пайтдан бошлаб уч кун мобайнида бартараф этилмаган бўлса, давлат рўйхатидан ўтказувчи орган ер участкаларига бўлган ҳуқуқларни давлат рўйхатидан ўтказишни рад этиш тўғрисида қарор қабул қилади, бу ҳақда ариза берувчини, ариза берувчи тадбиркорлик субъекти бўлган тақдирда — марказни ёзма равишда хабардор қилади.

31. Ер участкаларига бўлган ҳуқуқларни давлат рўйхатидан ўтказишни рад этиш учун қуйидагилар асос бўлади:

давлат рўйхатидан ўтказувчи органда ушбу ер участкасининг мансублиги масаласида низолар борлиги ҳақида гувоҳлик берувчи ҳужжатларнинг мавжудлиги;

давлат рўйхатидан ўтказувчи органда ушбу ер участкаси қонун ҳужжатларида белгиланган тартибда олиб қўйилганлиги ҳақидаги маълумотларнинг мавжудлиги;

ҳуқуқларни давлат рўйхатидан ўтказиш тўхтатиб турилган ҳолларда тақдим этилган материаллардаги камчиликларнинг рўйхатдан ўтказувчи томонидан белгиланган муддатларда бартараф этилмаслиги;

ҳуқуқларнинг вужудга келишини белгиламайдиган ҳужжатларнинг тақдим этилиши;

ер участкасига бўлган ҳуқуқларнинг қонун ҳужжатларида назарда тутилган ҳолларда ва тартибда бекор қилинганлиги.

Ер участкасига бўлган ҳуқуқларни давлат рўйхатидан ўтказиш учун такроран мурожаат этилган тақдирда, рад этиш ҳақидаги хатда илгари кўрсатилмаган янги асослар бўйича давлат рўйхатидан ўтказишни рад этишга йўл қўйилмайди.

32. Ер участкаларига бўлган ҳуқуқларнинг қонун ҳужжатларида назарда тутилган тартибда белгиланган чекланишлари давлат рўйхатидан ўтказилиши лозим.

Айрим объектлар атрофида муҳофаза зоналари белгиланиши билан боғлиқ ер участкаларига бўлган ҳуқуқларнинг чекланишини давлат рўйхатидан ўтказиш учун тегишли давлат ҳокимияти органларининг муҳофаза зоналарини белгилаш тўғрисидаги қарори асос бўлади. Муҳофаза зоналарида муайян фаолият турларини амалга ошириш ман этилади ёки чекланади.

Ер участкаларига бўлган ҳуқуқларни чеклаш мерос қилиб қолдириладиган умрбод эгалик қилиш ҳуқуқини гаровга қўйишда, ер участкасига ижроия ҳужжатлар бўйича ундирув қаратилганда ва қонун ҳужжатларида белгиланган бошқа ҳолларда амалга оширилади.

Ер участкаларига бўлган ҳуқуқларнинг чекланишини давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат реестрига ҳуқуқларнинг чекланиши ҳақидаги ҳужжатнинг номини ҳамда унинг реквизи́тларини кўрсатган ҳолда тегишли ёзув киритиш орқали амалга оширилади.

Ер участкаларига бўлган ҳуқуқларнинг гаровга (ипотекага) қўйишда чекланишини давлат рўйхатидан ўтказиш ушбу Низомнинг VIII бўлимида назарда тутилган тартибда амалга оширилади.

33. Ер участкасига бўлган сервитут давлат рўйхатидан ўтказилиши лозим.

Сервитутни давлат рўйхатидан ўтказиш сервитут белгиланишидан манфаатдор юридик ёки жисмоний шахснинг аризаси бўйича, сервитут белгиланишидан манфаатдор юридик ёки жисмоний шахс ва ерларида сервитут белгиланадиган юридик ёки жисмоний шахслар ўртасида тузилган ёзма келишуви асосида ёки суд қарори бўйича амалга оширилади.

Сервитутни давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат реестрига сервитут белгиланиши ҳақидаги ҳужжатнинг номини ҳамда унинг реквизи́тларини кўрсатган ҳолда тегишли ёзув киритиш орқали амалга оширилади.

Ер участкасига бўлган ҳуқуқ бошқа шахсга ўтган тақдирда сервитут сақланиб қолинади, у белгилаш учун асослар бекор бўлган ҳолларда бекор қилиниши мумкин.

34. Ер участкаларига бўлган ҳуқуқларнинг қонун ҳужжатларида белгиланган ҳолларда ва тартибда бекор қилиниши давлат рўйхатидан ўтказилиши лозим.

Ер участкаларига бўлган ҳуқуқларнинг бекор қилиниши учун қуйидагилар асос бўлади:

давлат ҳокимияти органларининг ер участкаларининг давлат ва жамоат эҳтиёжлари учун ёки ер қонунчилигининг бузилиши муносабати билан олиб қўйилиши ёхуд ер участкасига бўлган ҳуқуқни унда жойлашган бино ва иншоотлар бошқа шахсга ўтиши муносабати билан қайта расмийлаштириш тўғрисидаги қарорлари;

давлат статистика органларининг юридик шахс Корхоналар ва ташкилотлар ягона реестридан чиқарилганлиги тўғрисидаги ахбороти;

уй-жойларининг бошқа шахсга ўтганлиги бўйича ҳужжатлар, улар муносабати билан ер участкасига бўлган ҳуқуқлар ҳам ўзга шахсга ўтадиган;

ер участкаларига бўлган ҳуқуқларнинг бекор қилиниши бўйича қонун ҳужжатларида белгиланган бошқа ҳужжатлар.

Ер участкаларига бўлган ҳуқуқларнинг бекор қилинишини давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат реестрига ҳуқуқнинг бекор қилинганлиги ҳақидаги ҳужжатнинг номини ҳамда унинг реквизитларини кўрсатган ҳолда тегишли ёзув киритиш орқали амалга оширилади.

Ер участкасига бўлган ҳуқуқларнинг бекор қилиниши муносабати билан юридик ва жисмоний шахслар ер участкасига бўлган ҳуқуқнинг давлат рўйхатидан ўтказилганлиги тўғрисидаги илгари берилган гувоҳномани давлат рўйхатидан ўтказувчи органга қайтаришлари мажбурийдир, гувоҳнома ўз кучини йўқотган деб ҳисобланади.

IV. Бинолар ва иншоотларга бўлган ҳуқуқларни давлат рўйхатидан ўтказиш тартиби

35. Ер юзида, ер тепасида ва ер остида жойлашган бинолар ва иншоотларга бўлган мулк ҳуқуқи, хўжалик юритиш ҳуқуқи ва оператив бошқариш ҳуқуқи, бу ҳуқуқларнинг вужудга келиши, ўзга шахсга ўтиши, чекланиши ва бекор қилиниши давлат рўйхатидан ўтказилиши лозим.

Шунингдек бино ва иншоот ёки уларнинг қисмлари ижараси ҳуқуқи ҳам бир йилдан ортиқ муддатга тузилган шартнома асосида давлат рўйхатидан ўтказилиши керак.

Ер остида жойлашган иншоотларни давлат рўйхатидан ўтказишда уларнинг тавсифи ушбу иншоотларнинг қурилиш лойиҳаси маълумотлари бўйича қабул қилинади.

36. Муайян юридик ёки жисмоний шахснинг алоҳида ер участкасида жойлашган, алоҳида кадастр рақамига эга бўлган бино ва иншоотларга, жумладан улар ёнидаги ёрдамчи-хўжалик иморатларига бўлган ҳуқуқи рўйхатдан ўтказиш объекти ҳисобланади.

Турли ёрдамчи-хўжалик иморатларига бўлган ҳуқуқлар асосий бино ёки иншоотдан алоҳида тарзда давлат рўйхатидан ўтказилмайди.

37. Кўп квартирали уйлардаги квартираларга ва яшаш учун мўлжалланмаган жойларга бўлган мулк ҳуқуқини давлат рўйхатидан ўтказиш ҳар бир мулкдор бўйича алоҳида амалга оширилади.

Уй-жой қурилиши ширкатларига тегишли уй-жойларига бўлган ҳуқуқлар тегишли ширкат номига, ушбу ширкат аъзолари рўйхатини илова қилган ҳолда рўйхатдан ўтказилади.

38. Давлат рўйхатидан қурилиши тугалланган ва фойдаланишга белгиланган тартибда қабул қилинган бино ва иншоотларга бўлган ҳуқуқлар ўтказилади.

39. Ўзбошимчалик билан қурилган бинолар ва иншоотларга бўлган ҳуқуқлар, бинолар ва иншоотларга бўлган мулк ҳуқуқининг суд томонидан тан олиниши ҳоллари бундан мустасно, шунингдек қурилиш даврида фойдаланиш учун қурилган вақтинчалик иморатларга бўлган ҳуқуқлар давлат рўйхатидан ўтказилмайди.

40. Юридик ва жисмоний шахсларнинг мулкида бўлган бинолар ва иншоотлар улар томонидан янги яратилган юридик шахсларнинг устав фондига киритилган тақдирда, ушбу бино ва иншоотларга бўлган мулк ҳуқуқи янги яратилган юридик шахслар номига рўйхатдан ўтказилади.

Корхонага бўлган мулк ҳуқуқини тасдиқловчи ордер асосида мазкур хусусийлаштирилган корхонанинг қуйидаги кўчмас мулкка бўлган мулк ҳуқуқи (қонунга мувофиқ хусусийлаштирилмайдиган объектлар бундан мустасно) давлат рўйхатидан ўтказилади:

хусусийлаштирилган корхоналардаги давлат мулкни хусусийлаштиришда аниқланмаган кўчмас мулк;

хусусийлаштиришда тасарруф этиш ҳуқуқисиз фойдаланишга берилган, корхона худудида жойлашган кўчмас мулк.

41. Кўчмас мулкка бўлган ҳуқуқларни давлат рўйхатидан ўтказиш учун ҳужжатларнинг асл нусхалари тақдим этилади, улар рўйхатдан ўтказилгандан сўнг ҳуқуқ эгасига қайтариб берилади.

42. Бино ва иншоотларга мулк ҳуқуқининг вужудга келишини ва бошқа шахсга ўтишини тасдиқловчи ҳужжатлар қуйидагилардан иборат:

қурилиши (реконструкцияси) тугалланган бинолар ва иншоотларни фойдаланишга қабул қилиш далолатномаси;

нотариус томонидан тасдиқланган уй, квартиранинг олди-сотди шартномаси;

бино ва иншоот бўйича топшириш-қабул қилиш далолатномаси билан бирга олди-сотди шартномаси;

корхонани, топшириш-қабул қилиш далолатномаси билан бирга нотариус томонидан тасдиқланган олди-сотди шартномаси;

нотариус томонидан тасдиқланган лизинг шартномаси;

бино, иншоот, турар жойни ҳадя этиш тўғрисидаги нотариус томонидан тасдиқланган шартнома;

бино, иншоот, турар жойни айирбошлаш тўғрисидаги нотариус томонидан тасдиқланган шартнома;

турар жойни бошқа шахсга рента тўлови шарти билан ўтказилиши назарда тутилган нотариус томонидан тасдиқланган рента шартномаси;

хусусийлаштирилган давлат биноси, иншооти, турар жойига бўлган мулк ҳуқуқини берувчи давлат ордери;

нотариуслар томонидан берилган мерос қилиб олиш ҳуқуқи ва эр-хотинларнинг умумий мулки бўлган бино, иншоотнинг тегишли қисмига бўлган мулк ҳуқуқи тўғрисидаги гувоҳнома;

суд қарори ёки давлат ижрочисининг қарори ёхуд давлат ижрочиси томонидан тасдиқланган ундирувчи ва қарздор ўртасида тузилган бино ва иншоотни бериш далолатномаси.

Хорижий юридик ёки жисмоний шахснинг мулки бўлган бинолар ва иншоотлар сотилган тақдирда бинолар ва иншоотларни давлат рўйхатидан ўтказиш фақат бинолар ва иншоотларни сотишдан олинган даромадлар бўйича юридик шахслардан олинган фойда солиғи ёки жисмоний шахслардан олинган даромад солиғи тўланганлиги тўғрисидаги маълумотнома тақдим этилган тақдирда амалга оширилади, бинолар ва иншоотлар Ўзбекистон Республикасида давлат рўйхатидан ўтган юридик шахсга сотилган ҳоллар бундан мустасно.

43. Ўзбекистон ССРнинг қонун ҳужжатлари амал қилган даврда бунёд этилган бинолар ва иншоотларга бўлган мулк ҳуқуқини тасдиқловчи ҳужжатлар қуйидагилардан иборат:

давлат ҳокимияти органларининг капитал қурилиш ва кейинчалик фойдаланиш учун ер участкаларини муддатсиз фойдаланишга бериш тўғрисидаги қарорлари;

ваколатли органларнинг бинолар ва иншоотларни бошқа шахсга ўтказиш тўғрисидаги ҳужжатлари, қарорлари, фармойишлари;

нотариал тасдиқланган: олди-сотди, айирбошлаш, ҳадя, мулкни бўлиш, кўчмас мулкни умрбод таъминлаш шарти билан бошқага ўтказиш шартномалари; иморат солиш тўғрисидаги, шахсий мулк ҳуқуқида уйларни қуриш учун ер участкалари бериш тўғрисидаги, якка тартибдаги иморат солувчилар уй-жой қурилиши жамоаларига уйларни қуриш учун ер участкалари бериш тўғрисидаги, эр-хотин ўртасида уйларни бўлиш тўғрисидаги шартномалар;

шаҳар ва туман Халқ депутатлари кенгашлари ижроия кўмиталарининг иморатларга бўлган мулк ҳуқуқини тан олиш (мавжуд ҳужжатлар асосида) тўғрисидаги қарорлари;

умумий мулк бўлган иморатнинг тегишли улушига бўлган мерос қилиб олиш ҳуқуқи тўғрисидаги ва мулк ҳуқуқи тўғрисидаги гувоҳномалар ҳамда уй кимошди савдосида харид қилинганлиги тўғрисидаги гувоҳномалар;

бинолар ва иншоотларга бўлган мулк ҳуқуқини тасдиқловчи қонуний кучга кирган суд қарорлари ва ажримлари ёки ҳакамлик судининг қарорлари;

инвентаризация-техник материаллар, агар уларнинг матнида тўғри расмийлаштирилган, уйга мулк ҳуқуқини белгиловчи ҳужжатга аниқ ишора бўлса;

шартномаларнинг дубликатлари, нусхалари ёки олди-сотди, айирбошлаш, ҳадя, рента, умрбод таъминлаш шарти билан бошқага ўтказиш битимлари амалга оширилганлиги тўғрисида, шунингдек мерос қилиб олиш тўғрисида гувоҳнома ҳамда бинолар ва иншоотларга бўлган мулк ҳуқуқининг бошқага ўтганлигини белгиловчи бошқа нотариал ҳужжатлар берилганлиги ҳақидаги нотариал идораларнинг реестрларидан кўчирмалар.

44. Бинолар ва иншоотларга бўлган хўжалик юритиш ҳуқуқини ва оператив бошқариш ҳуқуқини тасдиқловчи ҳужжатлар қуйидагилардан иборат:

ваколатли давлат органлари ва хўжалик бошқаруви органларининг давлат корхоналари, муассасалари ва ташкилотларини ташкил этиш тўғрисидаги ва уларга кўчмас мулкни хўжалик юритиш ёки оператив бошқариш ҳуқуқида бериш ҳақидаги қарорлари;

ваколатли давлат органлари ва хўжалик бошқаруви органларининг бинолар ва иншоотларни муайян давлат корхоналари ҳамда муассасаларига бериш тўғрисидаги қарорлари;

муассисларнинг бинолар ва иншоотларни улар томонидан ташкил этиладиган муассасаларга бериш тўғрисидаги қарорлари.

Моддий маданий мерос объектларига бўлган ҳуқуқлар қонун ҳужжатлари билан белгиланган тартибда давлат рўйхатидан ўтказилади.

45. Бинолар ва иншоотларга бўлган мулк ҳуқуқининг чекланишини тасдиқловчи ҳужжатлар қуйидагилардан иборат:

бинолар ва иншоотлар хатлаб қўйилганлиги тўғрисидаги хабарномалар;

бинолар ва иншоотларнинг ўзга шахсга ўтказилишини тақиқлаш тўғрисидаги хабарномалар;

бинолар ва иншоотлар ипотекаси тўғрисидаги шартнома.

Ҳуқуқларнинг чекланиши бинолар ва иншоотларга бўлган ҳуқуқларнинг чекланиши тўғрисидаги маълумотларни Кўчмас мулкка бўлган ҳуқуқлар ва у ҳақда тузилган битимлар давлат реестрига киритиш ва ҳуқуқ чекланганлигини, унинг рўйхатдан ўтказилганлигини тасдиқловчи ҳужжатга устхат битилиши йўли билан рўйхатдан ўтказилади.

46. Бинолар ва иншоотларга бўлган мулк ҳуқуқининг ва бошқа ашёвий ҳуқуқларнинг бекор қилинишини тасдиқловчи ҳужжатлар қуйидагилардан иборат:

юрidik шахсларни давлат рўйхатига олувчи органларнинг юридик шахс Корхоналар ва ташкилотлар ягона реестридан чиқарилганлиги ҳақидаги маълумотлари;

тегишли давлат ҳокимияти органларининг ер участкаларини уларда жойлашган бинолар ва иншоотлар билан бирга жамоат ва давлат эҳтиёжлари учун олиб қўйиш ва бериш тўғрисидаги қарорлари;

бино ва иншоотларни, турар жойларни олди-сотди, ҳадя, айирбошлаш, турар жойни рента тўлаш шарти билан ўзга шахсга ўтиши назарда тутилган, нотариус томонидан тасдиқланган шартномалари;

мулкдорнинг ёки бошқа ваколатли органларнинг бинолар ва иншоотларга бўлган хўжалик юритиш ҳуқуқини ҳамда оператив бошқариш ҳуқуқини бекор қилиш тўғрисидаги қарори;

мулкдорнинг бино ва иншоотни бузиб ташлаш ва балансдан чиқариш тўғрисидаги қарори;

бино ва иншоотнинг табиий офатлар натижасида барҳам топганини тасдиқловчи ҳужжатлар;

суд қарори ёки давлат ижрочисининг қарори ёхуд ундирувчи ва қарздор ўртасида бино ва иншоотни бериш тўғрисида давлат ижрочиси томонидан тасдиқланган далолатнома.

Ҳуқуқнинг бекор бўлиши бинолар ва иншоотларга бўлган ҳуқуқларнинг бекор бўлгани тўғрисидаги маълумотларни Кўчмас мулкка бўлган ҳуқуқлар ва у ҳақда тузилган битимлар давлат реестрига киритиш ва ҳуқуқ бекор бўлганлигини, унинг рўйхатдан ўтказилганлигини тасдиқловчи ҳужжатга устхат битилиши йўли билан рўйхатдан ўтказилади.

47. Мулк ҳуқуқини тасдиқловчи, ушбу Низомнинг 42—46-бандларида кўрсатилган ҳужжатлар мавжуд бўлмаган тақдирда, шунингдек тақдим этилган ҳужжатларнинг ҳақиқийлиги ёки тўғрилиги ҳақида шубҳа туғилган ҳолларда бино, иншоотга бўлган мулк ҳуқуқи ёки бошқа ашёвий ҳуқуқ масаласи даъво тартибида суд томонидан ҳал этилади.

48. Бинолар ва иншоотларга бўлган ҳуқуқни давлат рўйхатидан ўтказиш, ушбу ҳуқуқни тасдиқловчи тегишли ҳужжатлар мавжуд бўлган тақдирда, ариза келиб тушган кундан эътиборан икки кун мобайнида амалга оширилади.

49. Бинолар ва иншоотларга бўлган ҳуқуқни давлат рўйхатидан ўтказишда рўйхатдан ўтказувчи:

аризани ва унга илова қилинган кадастр йиғмажилдини ўрганади, аризадаги ахборотни кўчмас мулкка бўлган ҳуқуқлар ва у ҳақда тузилган битимлар давлат реестридаги ахборот билан таққослайди;

ўзга шахсга ёки мерос бўйича ўтадиган бинолар ва иншоотларни, уларнинг ҳақиқатдаги таркиби ҳамда ҳолатини аниқлаш мақсадида жойда текширади;

бино, иншоотга бўлган мулк ҳуқуқи ёки бошқа ашёвий ҳуқуқнинг вужудга келиши учун асос мавжудлигини ҳамда унинг юридик ва жисмоний шахсларга ўтказилишининг қонунийлигини аниқлайди;

бинолар ва иншоотлар ўзга шахсларга ўтказилиши бўйича ҳужжатларнинг расмийлаштирилиши қонунийлигини, уларнинг ўзга шахсларга ўтказилиши учун мулк ҳуқуқлари ёки бошқа ашёвий ҳуқуқнинг мавжудлигини аниқлайди;

умумий улушли мулк ҳуқуқи иштирокчиларининг сонини ва, тегишли ҳужжатлар мавжуд бўлган тақдирда, уларнинг улушларини аниқлайди;

ҳуқуқларнинг давлат рўйхатидан ўтказилиши учун тўсқинлик қиладиган омилларни, бу объект ҳуқуқнинг бошқа шахсларга ўтказилиши учун тўсқинлик қилувчи гаровга қўйилганлиги ва ҳуқуқни чеклаш борлигини аниқлайди;

бошқа шахслардан айнан шу бинолар ва иншоотлар бўйича давлат рўйхатидан ўтказиш бўйича ариза бор ёки йўқлигини кўчмас мулкка бўлган ҳуқуқлар ва у ҳақда тузилган битимлар давлат реестридан аниқлайди.

50. Тақдим этилган материалларда аҳамиятсиз камчиликлар ва уларни бартараф этиш имконияти мавжуд бўлса, давлат рўйхатидан ўтказувчи орган рўйхатдан ўтказишни уч иш кунидан кўп бўлмаган муддатга тўхтатиб туриш тўғрисида икки иш кун мобайнида қарор қабул қилади ҳамда юридик ва жисмоний шахсларни, марказни (тадбиркорлик субъектлари мурожаат қилган тақдирда) бу ҳақда хабардор қилади. Қарорда муайян камчиликлар ва рўйхатдан ўтказишни тўхтатиб туриш сабаблари ҳамда юридик ва жисмоний шахслар кўрсатилган сабабларни бартараф этиб, ҳужжатларни қайта кўриб чиқиш учун тақдим эта олишлари учун етарли бўлган муддат кўрсатилади.

Марказ давлат рўйхатидан ўтказувчи органдан бинолар ва иншоотларга бўлган ҳуқуқ давлат рўйхатидан ўтказилиши тўхтатиб турилиши тўғрисидаги қарорни олгандан кейин тадбиркорлик субъектларини кўрсатилган камчиликлари бартараф этилган ҳужжатларни тақдим этиш тўғрисида белгиланган тартибда хабардор қилади.

Юридик ва жисмоний шахслар томонидан давлат рўйхатидан ўтказишни тўхтатиб туриш учун асос бўлган сабаблар бартараф этилган тақдирда, ҳужжатларни қайта кўриб чиқиш тузатилган ҳужжатлар олинган кундан эътиборан икки кундан ортиқ бўлмаган муддатда амалга оширилади.

Бинолар ва иншоотларга бўлган ҳуқуқларни давлат рўйхатидан ўтказиш учун тақдоран мурожаат қилинганда, давлат рўйхатидан ўтказишни рад этиш тўғрисидаги хатда илгари кўрсатилмаган янги асослар бўйича рад этишга йўл қўйилмайди.

Рўйхатдан ўтказишни тўхтатиб туриш тўғрисидаги қарорда кўрсатилган муддат ўтгандан кейин берилган ариза янгидан берилган ҳисобланади ва умумий асосларда кўриб чиқилади.

51. Бинолар ва иншоотларга бўлган ҳуқуқларни давлат рўйхатидан ўтказишни рад этиш учун асослар қуйидагилардан иборат:

давлат рўйхатидан ўтказувчи органда ушбу бино ёки иншоотнинг мансублиги масаласида низолар борлиги ҳақида гувоҳлик берувчи ҳужжатларнинг мавжудлиги;

жойдаги текширишлар жараёнида ер участкасини ўзбошимчалик билан эгаллаб олиш ҳамда бино ва иншоотлар қуриш, шунингдек бино ва иншоотларни қонун ҳужжатлари талабларини бузган ҳолда реконструкция қилиш ҳолларининг аниқланиши; тақдим этилган ҳужжатларда нотўғри ёки бузилган маълумотлар топилиши.

Бинолар ва иншоотларга бўлган ҳуқуқларни давлат рўйхатидан ўтказишни бошқа асослар бўйича, шу жумладан мақсадга мувофиқ эмаслик баҳонаси бўйича рад этишга йўл қўйилмайди.

52. Бир нечта юридик ва жисмоний шахсларга умумий улушли мулк ҳуқуқида тегишли бўлган бинолар ва иншоотларга бўлган ҳуқуқлар мулкдорлар номига ҳуқуқ белгиловчи ҳужжатларда кўрсатилган улушларда рўйхатдан ўтказилади.

Агар улушли мулк ҳуқуқи иштирокчилари ўзаро келишув бўйича умумий бино ва иншоотнинг (хоналардан, квартиралардан ва ҳ.к.) алоҳида қисмларидан (хоналардан), ўзларининг улушларига мувофиқ равишда фойдаланиш тартибини белгиланган бўлсалар ва бу келишув нотариал тасдиқланган бўлса, у ҳолда бундай келишув уларнинг илтимослари бўйича рўйхатдан ўтказилиши лозим. Бунда келишувда ва унинг давлат рўйхатидан ўтказувчи органда қолдирилаётган, тегишли равишда тасдиқланган нусхасида рўйхатдан ўтказиш устхати битилади.

53. Ҳуқуқ белгиловчи ҳужжатлар суд томонидан бедарак йўқолган ёки ўлган деб топилган мулкдорларнинг оила аъзолари ёки меросхўрлари томонидан тақдим этилган ҳолларда, бинолар ва иншоотларга бўлган ҳуқуқлар уларга бўлган мулк ҳуқуқи тўғрисидаги тақдим этилган ҳужжатларга мувофиқ, мерос қилиб олиш тартибида рўйхатдан ўтказилади.

54. Бинолар ва иншоотларга бўлган мулк ҳуқуқини ва бошқа ашёвий ҳуқуқларни давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат реестрига ушбу объектларга бўлган муайян юридик ва жисмоний шахснинг тегишли ҳуқуқлари тўғрисида ёзув киритиш орқали амалга оширилади.

55. Бинолар ва иншоотларга бўлган мулк ҳуқуқининг ва бошқа ашёвий ҳуқуқларнинг чекланишини давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат реестрига бу ҳақда ушбу мулкка бўлган мулк ҳуқуқи ва бошқа ашёвий ҳуқуқлар давлат рўйхатидан ўтказилган қаторга ҳуқуқнинг чекланиши учун асосларни кўрсатган ҳолда ёзув киритиш орқали амалга оширилади.

56. Мулк ҳуқуқининг ва бошқа ашёвий ҳуқуқларнинг бекор қилинишини давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат

реестрига бу ҳақда ушбу мулкка бўлган мулк ҳукуқи ва бошқа ашёвий ҳуқуқлар давлат рўйхатидан ўтказилган қаторга ҳуқуқнинг бекор қилиниши учун асосларни кўрсатган ҳолда ёзув киритиш орқали амалга оширилади.

V. Бино ва иншоотларнинг таркиби ва тегишлилиги тўғрисида маълумотнома тайёрлаш тартиби

57. Бино ва иншоотларнинг таркиби ва тегишлилиги тўғрисида маълумотнома қуйидагиларнинг сўрови бўйича берилади:

идоралараро электрон ҳамкорлик орқали давлат нотариал идораларининг — олди-сотди, айирбошлаш, ҳада шартномаларини, васиятномаларни ва кўчмас мулк билан бошқа битимларни расмийлаштириш, шунингдек юридик ва жисмоний шахсларга гувоҳномалар бериш учун;

суд ва бошқа ваколатли органларнинг — улар томонидан функционал вазифаларини бажариш учун;

юридик ва жисмоний шахсларнинг.

Сўровномада юридик шахснинг номи, жисмоний шахснинг, кўчмас мулкка бўлган ҳуқуқлар эгаларининг фамилияси, исми, отасининг исми кўрсатилади.

Юридик ва жисмоний шахсларнинг сўровлари бўйича Кўчмас мулкка бўлган ҳуқуқлар ва у ҳақда тузилган битимлар давлат реестрида мавжуд бўлган кўчмас мулкка ҳуқуқлар уларга тегишлилиги тўғрисидаги маълумотлар тақдим этилиши мумкин.

58. Маълумотномалар кўчмас мулкка бўлган ҳуқуқлар ва у ҳақда тузилган битимлар давлат реестридаги ёзувларга, кадастр йиғмажилди ва ваколатли органларнинг маълумотларига асосан мазкур Низомнинг 4-иловасига мувофиқ шаклда берилади.

59. Бинолар ва иншоотларнинг ҳақиқий ҳолатини аниқлаш учун, зарурат бўлганда, ўзгага ўтадиган ёхуд мерос бўйича ўтадиган бино ва иншоотларни икки кун ичида жойида текшириш амалга оширилиши мумкин.

60. Агар бино ва иншоот умумий улушли мулк ҳуқуқида эгалланаётган бўлса, маълумотномада ҳуқуқни белгиловчи ҳужжатларга мувофиқ ҳар бир мулкдорнинг улуши кўрсатилади.

61. Агар бино ва иншоотга судлар, суд ижрочилари ва Ўзбекистон Республикаси Бош прокуратураси ҳузуридаги Мажбурий ижро бюроси органлари томонидан бошқа шахсга беришни тақиқлаш ёки хатлов қўйилган бўлса, ушбу ҳолат маълумотномада тақиқ ва хатлов қачон, қандай ҳужжатга асосан ва қайси орган томонидан қўйилганлиги, шунингдек улар қачон ва қандай рақам билан рўйхатдан ўтказилганлиги акс эттирилади.

62. Маълумотномада ўзбошимчалик билан қурилган бино ва иншоотлар тўғрисидаги маълумотлар жойида текшириш асосида кўрсатилади.

Жойида текшириш натижасида бино ва иншоотларнинг ҳақиқий таркиби, уларга бўлган ҳуқуқларни давлат рўйхатидан ўтказиш пайтида кўрсатилган таркибига тўғри келмаслиги аниқланганда, маълумотномада ушбу маълумотлар ҳам акс эттирилади.

63. Маълумотномага бузиб ташланиши лозим бўлган бинолар ва иншоотлар тўғрисидаги маълумотлар маҳаллий давлат органларининг қарорлари ва архитектура ва қурилиш ҳудудий органларининг хабарномалари бўйича киритилади.

Маълумотномага мулк солиғи ва ер солиғи бўйича солиқ қарздорлигининг ҳолати тўғрисидаги маълумотлар давлат солиқ хизмати органларининг ахборотлари бўйича киритилади.

64. Маълумотнома давлат рўйхатидан ўтказувчи органнинг раҳбари ёки бошқа ваколатли шахс томонидан имзоланади ва уни сўраган юридик ва жисмоний шахсга жўнатилади, ушбу Низомнинг 57-банди иккинчи хатбошида кўрсатилган ҳолатлар бундан мустасно.

65. Қурилиши тугалланмаган бино ва иншоотларни бошқа шахсга ўтказишда ҳуқуқ эгасининг буюртмаси бўйича кадастр йиғмажилди тайёрланади, унда:

ҳуқуқ эгасининг номи;
ер участкасини бериш тўғрисидаги ҳужжатларнинг мавжудлиги, ер участкасига бўлган ҳуқуқнинг давлат рўйхатидан ўтказилганлиги тўғрисидаги маълумотлар;
ер участкасининг иморат ва иншоотлар туширилган плани;
объектнинг номи ва қурилиш бошланган йили;
лойиҳа-смета ҳужжатларининг мавжудлиги ҳамда архитектура ва қурилиш органларининг қурилиш-монтаж ишларини бошлашга рухсат берилганлиги;
қурилиши тугалланган, аммо давлат комиссияси томонидан фойдаланишга қабул қилинмаган объектлар рўйхати;
қурилиши тугалланмаган бино ва иншоотларнинг ҳолати;
қурилиши тугалланмаган объектнинг қиймати, зарур бўлганда, баҳоловчи ташкилот томонидан баҳоланган қиймати.

66. Қурилиши тугалланмаган уйни сотишда ҳуқуқ эгасининг буюртмаси бўйича Қорақалпоғистон Республикаси, вилоятлар ва Тошкент шаҳри ер тузиш ва кўчмас мулк кадастри давлат корхонасининг тегишли туман (шаҳар)даги филиали томонидан кадастр йиғмажилди тайёрланади, унда қурилиш ишларининг ҳолати тўғрисидаги маълумотлар келтирилади. Бунда юридик ва жисмоний шахсларнинг ер участкасига бўлган ҳуқуқи белгиланган тартибда давлат рўйхатидан ўтказилган ва ер участкасига бўлган ҳуқуқнинг давлат рўйхатидан ўтказилганлиги тўғрисида гувоҳнома олинган бўлиши зарур.

VI. Кўп йиллик дарахтларга бўлган ҳуқуқларни давлат рўйхатидан ўтказиш тартиби

67. Юридик ва жисмоний шахсларнинг кўп йиллик дарахтларга (боғлар, узумзорлар, тутзорлар ва бошқа ўрмон дарахтларига) бўлган мулк ҳуқуқи давлат рўйхатидан ўтказилади.

68. Қишлоқ хўжалиги кооперативлари (ширкат хўжаликлари) ва фермер хўжаликлари узоқ муддатли ижарага берилган ер участкаларида ижарага берувчининг рухсати билан ўз маблағлари ҳисобига уларнинг мулки бўлган кўп йиллик дарахтларни, ўрмон дарахтларини ҳам ўтказиш ҳуқуқига эгадирлар ва улар давлат рўйхатидан ўтказилиши керак.

69. Ижарачи, агар шартномада ерларни боғдорчилик, узумчилик, тутчилик ёки кўп йиллик дарахтлар ўтказиш билан боғлиқ бошқа фаолиятни амалга ошириш назарда тутилган бўлса, мустақил равишда кўп йиллик дарахтлар ўтказиш ҳуқуқига эга.

Агар ижарага олинган ер участкасида ижарага берувчининг рухсати билан кўп йиллик дарахтлар ўтказилган бўлса, унда шартнома муддати ўтиши ёки уни муддатидан олдин бекор қилинганда ижарачи ушбу мақсад учун амалга оширилган харажатларни қоплашни талаб қилиш (шартномада бошқача тартиб кўзда тутилмаган бўлса) ҳуқуқига эга.

Ижарага олинган ер участкасида ижарага берувчининг рухсатисиз ўтказилган кўп йиллик дарахтлар шартноманинг муддати ўтганда ёки у бекор қилинганда ижарага берувчига бепул ўтади.

70. Қуйидаги кўп йиллик дарахтларга бўлган мулк ҳуқуқи давлат рўйхатидан ўтказилмайди:

кўчатзорлардаги кўчатлар;
юридик шахсларнинг балансига олинмаган ҳамда ҳосилга кирмаган ва фойдаланишга қабул қилинмаган кўп йиллик дарахтлар;
кўп йиллик бутазорлар ва резавор ўсимликлар;
ўрмон хўжаликлари ва бошқа ўрмон хўжалиги давлат корхоналари, муассасалари ва ташкилотларининг ўрмонлари ва кўп йиллик дарахтлари;
илмий-тадқиқот ташкилотларининг кўп йиллик дарахтлари;

аҳоли пунктларининг, шунингдек ташкилотларнинг ерларини кўкаламзорлаштириш мақсадида ўстирилган кўп йиллик дарахтлар;

узоқ муддатли ижарага берилган ер участкаларида ижарага берувчининг рухсатсиз ўстирилган кўп йиллик дарахтлар.

71. Қуйидагилар:

махсус комиссиянинг қайта ташкил этилаётган қишлоқ хўжалиги кооперативларининг (ширкат хўжаликларининг) боғ ва токзорларини фуқароларга фермер хўжалиги ташкил этиш учун аукцион асосида сотиш тўғрисидаги баённомаси ҳамда туман (шаҳар) ҳокими ва ижарачи ўртасида тузилган шартнома;

боғдорчиликка, узумчиликка, тутчиликка ихтисослашган фермер хўжалиги ташкил қилиш учун ер участкаларини узоқ муддатли ижарага бериш тўғрисида туман (шаҳар) ҳокими ва ижарачи ўртасида тузилган шартнома;

боғдорчиликка, узумчиликка, тутчиликка ихтисослашмаган фермер хўжалиги ташкил қилиш учун ер участкаларини узоқ муддатли ижарага бериш тўғрисида туман (шаҳар) ҳокими ва ижарачи ўртасида тузилган ва кўп йиллик дарахтлар ўтказишга рухсат берилган шартнома;

ер участкасини узоқ муддатли ижарага бериш тўғрисидаги шартномага кўп йиллик дарахтлар ўтказиш ҳуқуқини бериш тўғрисида тузилган қўшимча битим;

сотувчи ва сотиб олувчи ўртасида ёзма равишда тузилган кўп йиллик дарахтларнинг олди-сотди шартномаси туман (шаҳар) ҳокимининг ер участкасини кўп йиллик дарахтларни сотиб олувчига расмийлаштириш тўғрисидаги қарори билан бирга;

тегишли давлат органининг боғдорчиликка, узумчиликка ва тутчиликка ихтисослашган ҳамда кўп йиллик дарахтлар ўтказиш билан боғлиқ бўлган фаолиятни юритиш учун ер участкаларини бериш тўғрисидаги қарорлари;

суд қарори ёки давлат ижрочиси қарори ёхуд давлат ижрочиси томонидан тасдиқланган ундирувчи ва қарздор ўртасида тузилган кўп йиллик дарахтларни бериш далолатномаси кўп йиллик дарахтларга бўлган мулк ҳуқуқини давлат рўйхатидан ўтказиш учун асос бўлади.

Якка тартибда уй-жой қуриш, деҳқон (шахсий ёрдамчи) хўжалигини юритиш ва жамоат боғдорчилиги ва узумчилигини юритиш учун берилган ер участкаларида ўстирилган кўп йиллик дарахтларга бўлган мулк ҳуқуқи давлат органларининг ушбу мақсадлар учун ер участкалари бериш тўғрисидаги қарорларига асосан давлат рўйхатидан ўтказилади.

72. Кўп йиллик дарахтларга бўлган мулк ҳуқуқини давлат рўйхатидан ўтказиш кўчмас мулкка бўлган ҳуқуқлар ва у ҳақда тузилган битимлар давлат реестрига кўчмас мулкнинг мустақил тури сифатида дарахтларнинг тури ва сонини ер участкасига бўлган ҳуқуқнинг рўйхатдан ўтказилганлиги тўғрисидаги ёзув қайд этилган сатрда кўрсатган ҳолда киритиш йўли билан амалга оширилади.

Кўп йиллик дарахтларга бўлган мулк ҳуқуқи, шунингдек кўчмас мулкка бўлган ҳуқуқларни давлат рўйхатидан ўтказганлик тўғрисидаги гувоҳномада ҳам кўчмас мулкнинг бир тури сифатида акс эттирилади.

бинолар ва иншоотларга (шу жумладан ер ости иншоотларига), кўп йиллик дов-дарахтларга бўлган ҳуқуқларини, шунингдек ипотекани ҳамда бинолар ва иншоотлар ва ер участкаларига бўлган ашёвий ҳуқуқлар ипотекаси тўғрисидаги шартномаларни давлат рўйхатидан ўтказиш

VII. Ер участкаларига, биноларга, иншоотларга ва кўп йиллик дарахтларга бўлган ҳуқуқларнинг давлат рўйхатидан ўтказилганлиги тўғрисидаги гувоҳномаларни расмийлаштириш тартиби

74. Кўчмас мулкка бўлган ҳуқуқлар ва у ҳақда тузилган битимлар давлат реестрига ер участкасига, бинога, иншоотга, кўп йиллик дарахтларга бўлган ҳуқуқлар вужудга

келиши ва бошқа шахсга ўтиши тўғрисидаги ёзув киритилгандан кейин юридик ва жисмоний шахсларга:

ер участкасига бўлган ҳуқуқнинг давлат рўйхатидан ўтказилганлиги тўғрисидаги гувоҳнома мазкур Низомнинг 5-иловасига мувофиқ шаклда;

бино, иншоотларга ва кўп йиллик дарахтларга бўлган ҳуқуқнинг давлат рўйхатидан ўтказилганлиги тўғрисидаги гувоҳнома мазкур Низомнинг 6-иловасига мувофиқ шаклда берилади.

Давлат мулки бўлган бинолар ва иншоотларга бўлган ҳуқуқларни давлат рўйхатидан ўтказганда гувоҳномага уларнинг давлат мулкига мансублиги ва ашёвий ҳуқуқларнинг тури: хўжалик юритиш ёки оператив бошқариш ҳуқуқи кўрсатилади.

75. Ер участкасига, бинога, иншоотга, кўп йиллик дарахтларга бўлган ҳуқуқнинг давлат рўйхатидан ўтказилганлиги тўғрисидаги гувоҳномалар бланкаси қатъий ҳисобланадиган ҳужжат бўлиб, у махсус қоғозда тайёрланади, серия ва тартиб рақамига ҳамда ҳимояланганлик даражасига эга бўлади.

Давлат рўйхатидан ўтказувчи орган раҳбари бланкаларнинг ҳисобга олиниши, сақланиши ва мақсадли фойдаланилиши учун белгиланган тартибда жавоб беради.

76. Кўчмас мулкка бўлган ҳуқуқлар ва у ҳақда тузилган битимлар давлат реестрида кўчмас мулкка бўлган ҳуқуқ мулкдорнинг ёки ушбу объектга ашёвий ҳуқуққа эга бўлган шахс, шунингдек объектнинг ҳуқуқий ҳолати ўзгарганда кўчмас мулкка бўлган ҳуқуқларнинг рўйхатидан ўтказилганлиги тўғрисидаги эски гувоҳнома мажбурий равишда қайтариб олиниб ва бекор қилиниб, янги гувоҳнома берилади.

77. Ҳар хил ҳуқуқий мақомга эга бўлган ер участкаларига алоҳида ер участкаларига бўлган ҳуқуқларнинг давлат рўйхатидан ўтказилганлиги тўғрисидаги гувоҳнома берилади.

Бир нечта юридик ва жисмоний шахслар томонидан биргаликда фойдаланилаётган ер участкаларига бўлган ҳуқуқларнинг давлат рўйхатидан ўтказилганлиги тўғрисидаги гувоҳнома биргаликда фойдаланиш ҳуқуқига эга бўлган ҳар бир юридик ва жисмоний шахсга берилади.

78. Биноларга, иншоотга, кўп йиллик дарахтларга бўлган ҳуқуқнинг давлат рўйхатидан ўтказилганлиги тўғрисидаги гувоҳнома ер участкасида жойлашган барча бинолар, иншоотлар ва кўп йиллик дарахтлар мажмуаси учун расмийлаштирилади.

Битта бино ва иншоот бир нечта юридик ва жисмоний шахсларга тегишли бўлса, бино ва иншоотга бўлган ҳуқуқларнинг давлат рўйхатидан ўтказилганлиги тўғрисида гувоҳнома уларнинг ҳар бирига бино ва иншоотларнинг уларга тегишли бўлган қисмини кўрсатган ҳолда расмийлаштирилади, кўп квартиралар уй-жойлар бундан мустасно.

Кўп квартиралар уй-жойлардаги квартиралар ва яшаш учун мўлжалланмаган жойларга бўлган мулк ҳуқуқи квартира ва нотурар хоналар мулкдорларининг ҳар бири учун алоҳида рўйхатдан ўтказилади.

Юридик ва жисмоний шахсларнинг бино ва иншоотларига улушли мулк ҳуқуқи мавжуд бўлганда, бино ва иншоотларга бўлган ҳуқуқларни давлат рўйхатига олганлик тўғрисидаги гувоҳнома ҳар бир улушли мулк ҳуқуқи эгасига ҳар бирининг улуши кўрсатилган ҳолда берилади.

781. Кўчмас мулкка бўлган ҳуқуқнинг давлат рўйхатидан ўтказилганлиги тўғрисидаги гувоҳнома йўқолган ёки яроқсиз ҳолга келган тақдирда давлат рўйхатидан ўтказишни амалга оширувчи орган томонидан мулкдорга ёки унинг ваколатли шахсига кўчмас мулкка бўлган ҳуқуқнинг давлат рўйхатидан ўтказилганлиги тўғрисидаги гувоҳноманинг дубликати берилади. Дубликат берилганлиги учун тўлов ундирилмайди.

4.24. Турар жойларни нотураар жой тоифасига ўтказишга рухсат бериш бўйича давлат хизмати

ПОЛОЖЕНИЕ

о порядке выдачи разрешения на перевод жилого помещения в категорию нежилого

*(к постановлению Кабинета Министров
от 9 марта 2016 года № 70)*

Глава 1. Общие положения

1. Настоящее Положение определяет порядок выдачи разрешения на перевод жилого помещения в категорию нежилого.

2. В настоящем Положении используются следующие основные понятия:

жилое помещение — помещение в зданиях и сооружениях, пригодное в соответствии с градостроительными нормами и правилами, санитарными правилами, нормами и гигиеническими нормативами, требованиями пожарной безопасности для проживания человека;

уполномоченный орган — хокимият района (города);

исполнитель — отдел (управление) по архитектуре и строительству района (города), а также главное управление по архитектуре и строительству г. Ташкента;

разрешение — решение хокима района (города) о переводе жилого помещения в категорию нежилого.

3. Разрешение выдается уполномоченным органом на основании заявлений юридических лиц-субъектов предпринимательства и физических лиц (далее — заявители), поданных через Центры государственных услуг (далее — центры) или Единый портал интерактивных государственных услуг по схеме согласно приложению № 1 к настоящему Положению.

4. Разрешение предоставляет право заявителю использовать жилое помещение в качестве нежилого.

5. Взаимодействие центра с уполномоченным органом, а также уполномоченного органа с исполнителем осуществляется путем межведомственного электронного взаимодействия с применением электронной цифровой подписи.

6. Разрешение выдается на основании заключения исполнителя о возможности перевода жилого помещения в категорию нежилого, представляемого уполномоченному органу по результатам проведенного изучения жилого помещения.

7. За рассмотрение заявления о выдаче разрешения взимается сбор в следующих размерах:

10 % от минимальной заработной платы — для города Нукуса и областных центров;

20 % от минимальной заработной платы — для города Ташкента;

30 % от минимальной заработной платы — для территорий районов и городов областного подчинения.

Сумма сбора зачисляется на банковский счет исполнителя, 20 процентов которой зачисляется на лицевой счет внебюджетного фонда Агентства государственных услуг при Министерстве юстиции Республики Узбекистан.

Информация о размере сбора и реквизитах исполнителя подлежит размещению в центре, на Едином портале интерактивных государственных услуг и официальном сайте Госархитектстроя Республики Узбекистан в сети Интернет, с постоянным обновлением.

Глава 2. Разрешительные требования и условия при осуществлении перевода жилых помещений в категорию нежилых

8. К разрешительным требованиям и условиям при переводе жилых помещений в категорию нежилых относятся:

запрет на внесение в конструкцию зданий изменений, ведущих к снижению их устойчивости;

соблюдение санитарных правил, норм и гигиенических нормативов при определении функционального назначения нежилого помещения;

жилое помещение не должно быть в аварийном состоянии или непригодным для перевода в категорию нежилого;

обязательное соблюдение требований природоохранного законодательства;

обязательное расположение помещения на нижнем от жилых помещений этаже жилого здания;

недопущение изменения количества и расположения эвакуационных выходов;

жилое помещение не должно входить в коммунальный жилищный фонд целевого назначения;

наличие возможности сделать отдельный вход;

жилое помещение не должно являться предметом судебного разбирательства — до разрешения спора в судебном порядке.

Глава 3. Документы, необходимые для получения разрешения

9. Для осуществления перевода жилого помещения в категорию нежилого заявитель подает заявление в центр по форме, установленной законодательством, либо уполномоченному органу через Единый портал интерактивных государственных услуг. Документы, представленные в электронной форме, подтверждаются электронной цифровой подписью заявителя.

К заявлению прилагаются:

нотариально заверенное письменное согласие совладельцев помещения и совершеннолетних членов семьи;

документ, подтверждающий уплату сбора за рассмотрение заявления.

Заявления, поданные через Единый портал интерактивных государственных услуг, автоматически направляются непосредственно в уполномоченный орган.

Требование от заявителя представления дополнительных документов и (или) сведений, не предусмотренных настоящим пунктом, не допускается.

10. Центр принимает документы, указанные в пункте 9 настоящего Положения, и в течение одного рабочего дня направляет его в уполномоченный орган в порядке, установленном законодательством.

Глава 4. Рассмотрение заявления и принятие решения о выдаче разрешения или об отказе в его выдаче

11. Уполномоченный орган рассматривает заявление о выдаче разрешения, выдает разрешение или отказывает в его выдаче в срок, не превышающий одиннадцати дней с даты подачи заявителем документов, предусмотренных в пункте 9 настоящего Положения.

12. Уполномоченный орган в течение одного дня направляет межведомственный электронный запрос в филиал государственного предприятия землеустройства и кадастра недвижимости Республики Каракалпакстан, областей и г. Ташкента в соответствующем районе (городе) для предоставления уполномоченному органу плана стен, разреза (при наличии), фасада и кадастрового паспорта жилого помещения или здания, в котором расположено жилое помещение.

Филиал государственного предприятия землеустройства и кадастра недвижимости Республики Каракалпакстан, областей и г. Ташкента в соответствующем районе (городе) в течение одного дня после получения межведомственного электронного запроса представляет уполномоченному органу копии плана стен, разреза (при наличии), фасада и кадастрового паспорта жилого помещения или здания, в котором расположено жилое помещение.

13. Уполномоченный орган после получения от филиала государственного предприятия землеустройства и кадастра недвижимости Республики Каракалпакстан, областей и г. Ташкента в соответствующем районе (городе) документов, указанных в пункте 12 настоящего Положения, в течение одного дня направляет заявку с приложением указанных документов исполнителю для подготовки заключения о возможности перевода жилого помещения в категорию нежилого.

При рассмотрении заявления уполномоченному органу и исполнителю запрещается требовать представления дополнительных документов и (или) сведений, а также приглашать заявителя, обратившегося в центр, для оказания государственных услуг в процессе рассмотрения его заявления.

14. Исполнитель рассматривает возможность перевода жилого помещения в категорию нежилого в течение четырех дней.

15. Для выдачи заключения исполнитель производит изучение помещения самостоятельно или с привлечением третьих лиц.

Заявитель представляет возможность исполнителю для проведения изучения объекта.

Изучение жилого помещения заключается в визуальном осмотре (с использованием при необходимости специального оборудования и инструментов), а также прилегающей территории и ближайших зданий, сооружений. Результаты изучения отражаются в акте, составленном в произвольной форме, в двух экземплярах, подтвержденном представителями соответственно уполномоченного органа и органа самоуправления граждан (при наличии), на территории которого располагается изучаемое жилое помещение.

В ходе изучения осуществляются обследование жилого помещения, а также сопоставление сведений, содержащихся в заявлении заявителя, и плана стен, разреза (при наличии), фасада и кадастрового паспорта с фактическим состоянием жилого помещения на предмет выявления факта осуществления ремонтно-строительных работ при отсутствии решения уполномоченного органа о предоставлении земельного участка для строительства помещения, разрешения отделов (управлений) по архитектуре и строительству районов (городов) на реконструкцию помещения, согласованной и прошедшей в установленном порядке экспертизу проектно-сметной документации, а также с нарушением проектно-сметной документации, градостроительных норм и правил.

По результатам изучения исполнитель направляет в уполномоченный орган заключение по форме согласно приложению № 2 к настоящему Положению.

16. Внесение изменений в Государственный реестр прав на недвижимое имущество и сделок с ними и переоформление кадастрового дела на нежилое помещение производится в установленном законодательством порядке.

17. Уполномоченный орган в течение двух дней принимает решение о выдаче разрешения по форме согласно приложению № 3 к настоящему Положению и не позднее, чем за три рабочих часа до завершения срока, предусмотренного пунктом 11 настоящего Положения, направляет его в порядке, установленном законодательством, в центр либо заявителю (в случае обращения через Единый портал интерактивных государственных услуг) с приложением свидетельства о перерегистрации нежилого помещения.

18. Центр в течение одного часа с момента получения разрешения от уполномоченного органа уведомляет заявителя о его получении.

По желанию заявителя электронная версия разрешения уполномоченного органа может быть направлена ему через Единый портал интерактивных государственных услуг.

19. В выдаче разрешения может быть отказано по следующим основаниям:

представление заявителем документов, указанных в пункте 9 настоящего Положения, не в полном объеме;

несоответствие заявителя и жилого помещения разрешительным требованиям и условиям, предусмотренным пунктом 8 настоящего Положения;

наличие в документах, представленных заявителем, недостоверных или искаженных сведений;

наличие обоснованного отрицательного заключения по итогам изучения, предусмотренного пунктом 15 настоящего Положения.

Отказ в выдаче разрешения по иным основаниям, в том числе по мотивам нецелесообразности, не допускается.

20. Центр в течение одного часа с момента получения разрешения от уполномоченного органа уведомляет заявителя о его получении.

Срок, в течение которого заявитель вправе устранить причины отказа и представить документы для повторного рассмотрения, должен быть не менее десяти рабочих дней со дня получения уведомления об отказе в выдаче разрешения.

21. Центром уведомление заявителя об отказе в выдаче разрешения осуществляется в течение одного рабочего часа с момента получения, обоснованного отказа.

22. В случае устранения заявителем причин, послуживших основанием для отказа в выдаче разрешения, в установленный срок повторное рассмотрение документов, принятие решения или отказ в выдаче разрешения осуществляются уполномоченным органом в срок, не превышающий трех рабочих дней со дня получения заявления от заявителя в установленном порядке через центр либо через Единый портал интерактивных государственных услуг об устранении причин отказа и соответствующих документов, удостоверяющих устранение причин отказа.

При повторном рассмотрении заявления о выдаче разрешения не допускается приведение причин отказа, ранее не указанных в уведомлении об отказе в выдаче разрешения, за исключением приведения причин отказа, связанных с документами, удостоверяющими устранение, ранее указанных причин.

23. Заявление, поданное заявителем по истечении срока, указанного в уведомлении уполномоченного органа об отказе в выдаче разрешения, считается вновь поданным и рассматривается уполномоченным органом на общих основаниях.

24. Заявитель имеет право обжаловать в установленном порядке отказ в выдаче разрешения уполномоченного органа, а также действия (бездействие) должностного лица уполномоченного органа.

25. Если уполномоченный орган в течение срока рассмотрения заявления о выдаче разрешения не выдает заявителю через центр либо через Единый портал интерактивных государственных услуг разрешение или не отказывает в его выдаче, то по истечении срока, предусмотренного пунктом 11 настоящего Положения, заявитель имеет право использовать жилое помещение в качестве нежилого, письменно уведомив об этом уполномоченный орган через центр либо через Единый портал интерактивных государственных услуг.

В случае, предусмотренном абзацем первым настоящего пункта, уполномоченный орган в течение пяти рабочих дней по получении письменного уведомления заявителя обязан выдать ему разрешение. До получения разрешения расписка о получении заявления либо копия заявления с отметкой о его принятии с указанием уникального регистрационного номера и письменное уведомление, направленное заявителем уполномоченному органу, приравниваются к разрешению и являются основанием для

использования жилого помещения в качестве нежилого. При этом заявитель не может быть привлечен к ответственности за перевод жилого помещения в категорию нежилого.

26. После направления письменного уведомления в уполномоченный орган через центр либо через Единый портал интерактивных государственных услуг заявитель в случаях перевода жилого помещения в категорию нежилого с его реконструкцией может подать заявление проектной организации на разработку проектно-сметной документации. Согласование проектно-сметной документации нежилого помещения, реконструкция, а также приемка нежилого помещения в эксплуатацию осуществляются в установленном законодательством порядке.

27. Разрешение выдается без ограничения срока действия.

28. После получения заявителем разрешения для проведения реконструкции (при необходимости) нежилого помещения, а также изменения объемов нагрузок на инженерные коммуникации (изменения точек подключения к внешним инженерным коммуникациям) получения отдельного разрешения на реконструкцию не требуется.

Разработка проектно-сметной документации для реконструкции нежилого помещения, а также изменения объемов нагрузок на инженерные коммуникации осуществляется на основании разрешения, а приёмка в эксплуатацию нежилого помещения — на основании заявления о приемке в эксплуатацию нежилого помещения, поданного заявителем в уполномоченный орган.

Глава 5. Выдача дубликата разрешения

29. В случае утраты или порчи разрешения по заявлению заявителя выдается его дубликат.

В случаях, когда разрешение получено через центр, дубликат выдается самим центром путем распечатки электронного документа, ранее полученного от уполномоченного органа, с проставлением печати центра непосредственно в момент обращения в явочном порядке.

В случаях, когда разрешение выдано самим уполномоченным органом, центр получает дубликат разрешения и выдает его заявителю в течение трех рабочих дней.

30. За выдачу дубликата разрешения сбор не взимается.

Глава 6. Приостановление, прекращение действия, переоформление и аннулирование разрешения уполномоченного органа

31. Приостановление, прекращение действия, переоформление и аннулирование разрешения производятся в случаях и порядке, предусмотренных статьями 22 — 25 Закона Республики Узбекистан «О разрешительных процедурах в сфере предпринимательской деятельности».

Глава 7. Заключительные положения

32. Перевод жилого помещения в категорию нежилого, не сопровождаемого его реконструкцией и изменением объемов нагрузок на инженерные коммуникации, то есть его эксплуатация согласно назначению, указанному в разрешении, осуществляется без разработки соответствующей проектно-сметной документации и приемки нежилого помещения в эксплуатацию.

33. Лица, виновные в нарушении требований настоящего Положения, несут ответственность в соответствии с законодательством.

34. Лица, осуществляющие перевод жилого помещения в категорию нежилого с реконструкцией, несут ответственность за соблюдение градостроительных норм и правил, санитарных правил, норм и гигиенических нормативов, требований правил пожарной безопасности в нежилом помещении в соответствии с законодательством.

35. Споры, возникающие в процессе выдачи разрешения, рассматриваются в порядке, установленном законодательством.

4.25. Нотурар жой тоифасидаги кўчмас мулк объектлари бўйича кадастр хизматини кўрсатиш бўйича давлат хизмати

Нотурар жой тоифасидаги кўчмас мулк объектларига доир кадастр хизматларини кўрсатиш бўйича давлат хизматларини кўрсатишнинг ВАКТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент жисмоний ва юридик шахсларга (бундан буён матнда талабгорлар деб юритилади) белгиланган Давлат хизматлари марказлари орқали нотурар жой тоифасидаги кўчмас мулк объектлари бўйича кадастр хизматларини (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Нотурар жой тоифасидаги кўчмас мулк объектлари бўйича кадастр хизматлари: ипотека, бино ва иншоотлар, шунингдек ер участкасига бўлган ашёвий ҳуқуқлар ипотекаси тўғрисидаги шартномаларни давлат рўйхатидан ўтказиш; бино ёки иншоотларни ижарага бериш шартномаларини давлат рўйхатидан ўтказиш;

ўзганинг ер участкасидан чекланган тарзда фойдаланиш ҳуқуқи (сервитут) тўғрисидаги келишувни давлат рўйхатидан ўтказиш орқали амалга оширилади.

2. Давлат хизматлари белгиланган Давлат хизматлари марказлари орқали Қорақалпоғистон Республикаси, вилоятлар ва Тошкент шаҳри ер тузиш ва кўчмас мулк кадастри давлат корхонасининг тегишли туман (шаҳар)даги филиаллари (бундан буён матнда ваколатли орган деб юритилади) томонидан кўрсатилади.

3. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

4. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади.

5. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

6. Талабгор Давлат хизматлари маркази ходими томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

7. Давлат хизматларини кўрсатиш учун тўлов ундирилмайди.

8. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги шунингдек, анкетага илова қилинадиган ҳужжатларнинг асл нусхалари тақдим этилмаганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

9. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда, унинг анкетаси кўрмасдан қолдирилади.

2-боб. Давлат хизматларини кўрсатиш тартиби

1-§ Ипотека, бино ва иншоотлар, шунингдек ер участкасига бўлган ашёвий ҳуқуқлар ипотекаси тўғрисидаги шартномаларни давлат рўйхатидан ўтказиш

10. Давлат хизматлари маркази ходими талабгор номидан ушбу Регламентнинг 1-иловасига мувофиқ шаклдаги анкетани электрон равишда тўлдиради.

11. Анкетага нотариал тасдиқланган бино ва иншоотлар, шунингдек ер участкасига бўлган ашёвий ҳуқуқлар ипотекаси тўғрисидаги шартномасининг (бундан буён матнда ипотека шартномаси деб юритилади) асл нусхаси илова қилинади.

Талабгордан бошқа ҳужжатлар талаб қилиш тақиқланади.

12. Талабгор анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

13. Ваколатли орган анкета келиб тушган кундан бошлаб 1 иш куни ичида ипотека шартномасини давлат рўйхатидан ўтказди ҳамда уни ваколатли орган масъул ходими ўз электрон рақамли имзоси билан тасдиқлаб, тегишли Давлат хизматлари марказига электрон шаклда юборади ёки аниқ асосларини ва қонун ҳужжатлари нормаларини кўрсатган ҳолда давлат рўйхатидан ўтказиш рад этилганлиги ҳақидаги хабарнома юборади.

14. Ипотека шартномасида нотўғри маълумотлар кўрсатилиши ипотекани давлат рўйхатидан ўтказишни рад этиш учун асос бўлади.

Ипотека шартномасини давлат рўйхатидан ўтказиш рад этилган тақдирда, талабгор рад этиш учун асос бўлган ҳолатларни бартараф этиб, ипотека шартномасини рўйхатдан ўтказиш учун ушбу Регламентда белгиланган тартибда такроран мурожаат қилиш ҳуқуқига эга.

Ипотека шартномасини давлат рўйхатидан ўтказиш масаласини такроран кўриб чиқишда ваколатли орган томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

2-§ Бино ёки иншоотларни ижарага бериш шартномаларини давлат рўйхатидан ўтказиш

15. Давлат хизматлари маркази ходими талабгор номидан ушбу Регламентнинг 2-иловасига мувофиқ шаклдаги анкетани электрон равишда тўлдиради.

16. Анкетага бино ёки иншоотларни ижарага бериш шартномасининг (бундан буён матнда ижара шартномаси деб юритилади) асл нусхаси илова қилинади.

Талабгордан бошқа ҳужжатларни талаб қилиш тақиқланади.

17. Талабгор анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

18. Ваколатли орган анкета келиб тушган кундан бошлаб 1 иш куни ичида ижара шартномасини давлат рўйхатидан ўтказди ҳамда уни ваколатли орган масъул ходими ўз электрон рақамли имзоси билан тасдиқлаб, тегишли Давлат хизматлари марказига электрон равишда юборади ёки аниқ асосларини ва қонун ҳужжатлари нормаларини кўрсатган ҳолда давлат рўйхатидан ўтказиш рад этилганлиги ҳақидаги хабарнома юборади.

19. Ижара шартномасида нотўғри маълумотлар кўрсатилиши ва ижарага берувчининг бино ёки иншоотларга бўлган ҳуқуқи давлат рўйхатидан ўтказилмаганлиги ижара шартномасини давлат рўйхатидан ўтказишни рад этиш учун асос бўлади.

Ижара шартномасини давлат рўйхатидан ўтказиш рад этилган тақдирда, талабгор рад этиш учун асос бўлган ҳолатларни бартараф этиб, ижара шартномасини рўйхатдан

ўтказиш учун ушбу Регламентда белгиланган тартибда такроран мурожаат қилиш ҳуқуқига эга.

Ижара шартномасини давлат рўйхатидан ўтказиш масаласини такроран кўриб чиқишда ваколатли орган томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

3-§ Ўзганинг ер участкасидан чекланган тарзда фойдаланиш ҳуқуқи (сервитут) тўғрисидаги келишувни давлат рўйхатидан ўтказиш

20. Давлат хизматлари маркази ходими талабгор номидан ушбу Регламентнинг 3-иловасига мувофиқ шаклдаги анкетани электрон равишда тўлдиради.

21. Анкетага ўзганинг ер участкасидан чекланган тарзда фойдаланиш ҳуқуқи (сервитут) тўғрисидаги келишувнинг (бундан буён матнда келишув деб юритилади) асл нусхаси илова қилинади.

Талабгордан бошқа ҳужжатларни талаб қилиш тақиқланади.

22. Талабгор Давлат хизматлари марказига мурожаат этгандан сўнг, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

23. Ваколатли орган анкета келиб тушган кундан бошлаб 1 иш куни ичида келишувни давлат рўйхатидан ўтказиш ҳамда уни ваколатли орган масъул ходими ўз электрон рақамли имзоси билан тасдиқлаб, тегишли Давлат хизматлари марказига электрон шаклда юборади ёки аниқ асосларини ва қонун ҳужжатлари нормаларини кўрсатган ҳолда давлат рўйхатидан ўтказиш рад этилганлиги ҳақидаги хабарнома юборади.

24. Келишувда нотўғри маълумотлар кўрсатилиши келишувни давлат рўйхатидан ўтказишни рад этиш учун асос бўлади.

Келишувни давлат рўйхатидан ўтказиш рад этилган тақдирда, талабгор рад этиш учун асос бўлган ҳолатларни бартараф этиб, келишувни рўйхатдан ўтказиш учун ушбу Регламентда белгиланган тартибда такроран мурожаат қилиш ҳуқуқига эга.

Келишувни давлат рўйхатидан ўтказиш масаласини такроран кўриб чиқишда ваколатли орган томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

3-боб. Яқуний қоидалар

25. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

26. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

27. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

28. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

4.26. Турар жой тоифасидаги кўчмас мулк объектлари бўйича кадастр хизматини кўрсатиш бўйича давлат хизмати

Турар жой тоифасидаги кўчмас мулк объектларига доир кадастр хизматларини кўрсатиш бўйича давлат хизматларини кўрсатишнинг ВАКТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент жисмоний ва юридик шахсларга (бундан буён матнда талабгорлар деб юритилади) белгиланган Давлат хизматлари марказлари орқали турар жой тоифасидаги кўчмас мулк объектлари бўйича кадастр хизматларини (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Турар жой тоифасидаги кўчмас мулк объектлари бўйича кадастр хизмати:

ипотека, бино ва иншоотлар, шунингдек ер участкасига бўлган ашёвий ҳуқуқлар ипотекаси тўғрисидаги шартномаларни давлат рўйхатидан ўтказиш;

бино ёки иншоотларни ижарага бериш шартномаларини давлат рўйхатидан ўтказиш;

турар жойнинг майдони бўйича маълумотнома бериш орқали амалга оширилади.

2. Давлат хизматлари белгиланган Давлат хизматлари марказлари орқали Қорақалпоғистон Республикаси, вилоятлар ва Тошкент шаҳри ер тузиш ва кўчмас мулк кадастри давлат корхонасининг тегишли туман (шаҳар)даги филиаллари (бундан буён матнда ваколатли орган деб юритилади) томонидан кўрсатилади.

3. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

4. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади.

5. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

6. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

7. Давлат хизматларини кўрсатиш учун тўлов ундирилмайди.

8. Талабгорда электрон рақамли имзонинг мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги шунингдек, анкетага илова қилинадиган ҳужжатларнинг асл нусхалари тақдим этилмаганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

9. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда, унинг анкетаси кўрмасдан қолдирилади.

2-боб. Давлат хизматини кўрсатиш тартиби

1-§ Ипотека, бино ва иншоотлар, шунингдек ер участкасига бўлган ашёвий ҳуқуқлар ипотекаси тўғрисидаги шартномаларни давлат рўйхатидан ўтказиш

10. Давлат хизматлари маркази ходими талабгор номидан ушбу Регламентнинг 1-иловасига мувофиқ шаклдаги анкетани электрон равишда тўлдиради.

11. Анкетага нотариал тасдиқланган бино ва иншоотлар, шунингдек ер участкасига бўлган ашёвий ҳуқуқлар ипотекаси тўғрисидаги шартномасининг (бундан буён матнда ипотека шартномаси деб юритилади) асл нусхаси илова қилинади.

Талабгордан бошқа ҳужжатлар талаб қилиш тақиқланади.

12. Талабгор анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

13. Ваколатли орган анкета келиб тушган кундан бошлаб 1 иш куни ичида ипотека шартномасини давлат рўйхатидан ўтказиш ҳамда уни ваколатли орган масъул ходими ўз электрон рақамли имзоси билан тасдиқлаб, тегишли Давлат хизматлари марказига электрон шаклда юборади ёки аниқ асосларини ва қонун ҳужжатлари нормаларини кўрсатган ҳолда давлат рўйхатидан ўтказиш рад этилганлиги ҳақидаги хабарнома юборади.

14. Ипотека шартномасида нотўғри маълумотлар кўрсатилиши ипотекани давлат рўйхатидан ўтказишни рад этиш учун асос бўлади.

Ипотека шартномасини давлат рўйхатидан ўтказиш рад этилган тақдирда, талабгор рад этиш учун асос бўлган ҳолатларни бартараф этиб, ипотека шартномасини рўйхатдан ўтказиш учун ушбу Регламентда белгиланган тартибда такроран мурожаат қилиш ҳуқуқига эга.

Ипотека шартномасини давлат рўйхатидан ўтказиш масаласини такроран кўриб чиқишда ваколатли орган томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

2-§ Бино ёки иншоотларни ижарага бериш шартномаларини давлат рўйхатидан ўтказиш

15. Давлат хизматлари маркази ходими талабгор номидан ушбу Регламентнинг 2-иловасига мувофиқ шаклдаги анкетани электрон равишда тўлдиради.

16. Анкетага бино ёки иншоотларни ижарага бериш шартномасининг (бундан буён матнда ижара шартномаси деб юритилади) асл нусхаси илова қилинади.

Талабгордан бошқа ҳужжатларни талаб қилиш тақиқланади.

17. Талабгор анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар 20 дақиқа ичида ваколатли органга электрон шаклда юборилади.

18. Ваколатли орган анкета келиб тушган кундан бошлаб 1 иш куни ичида ижара шартномасини давлат рўйхатидан ўтказиш ҳамда уни ваколатли орган масъул ходими ўз электрон рақамли имзоси билан тасдиқлаб, тегишли Давлат хизматлари марказига электрон равишда юборади ёки аниқ асосларини ва қонун ҳужжатлари нормаларини кўрсатган ҳолда давлат рўйхатидан ўтказиш рад этилганлиги ҳақидаги хабарнома юборади.

19. Ижара шартномасида нотўғри маълумотлар кўрсатилиши ва ижарага берувчининг бино ёки иншоотларга бўлган ҳуқуқи давлат рўйхатидан ўтказилмаганлиги ижара шартномасини давлат рўйхатидан ўтказишни рад этиш учун асос бўлади.

Ижара шартномасини давлат рўйхатидан ўтказиш рад этилган тақдирда, талабгор рад этиш учун асос бўлган ҳолатларни бартараф этиб, ижара шартномасини рўйхатдан ўтказиш учун ушбу Регламентда белгиланган тартибда такроран мурожаат қилиш ҳуқуқига эга.

Ижара шартномасини давлат рўйхатидан ўтказиш масаласини такроран кўриб чиқишда ваколатли орган томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

3-§ Турар жойнинг майдони бўйича маълумотнома бериш

20. Талабгорлар турар жойнинг майдони бўйича маълумотнома (бундан буён матнда маълумотнома деб юритилади) олиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

21. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг 3-иловасига мувофиқ шаклдаги анкетани электрон равишда тўлдиради.

22. Талабгордан бошқа ҳужжатларни талаб қилиш тақиқланади.

23. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, уни 20 дақиқа ичида ваколатли органга электрон шаклда юборилади. ЯИДХП орқали мурожаат қилинганда эса, анкета автоматик тарзда ваколатли органга юборилади.

24. Ваколатли орган анкета келиб тушган кундан бошлаб 5 иш куни ичида маълумотномани расмийлаштиради ҳамда уни ваколатли орган масъул ходими ўз электрон рақамли имзоси билан тасдиқлаб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборади ёхуд аниқ асосларини ва қонун ҳужжатлари нормаларини кўрсатган ҳолда давлат рўйхатидан ўтказиш рад этилганлиги ҳақидаги хабарнома юборади.

3-боб. Яқуний қоидалар

25. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

26. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

27. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

28. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

4.27. Фуқароларнинг номида шахсий турар жойи мавжуд ёки мавжуд эмаслиги тўғрисида маълумотнома бериш бўйича давлат хизмати

Фуқароларнинг номида шахсий турар жойи мавжуд ёки мавжуд эмаслиги тўғрисида маълумотнома бериш бўйича давлат хизматлари кўрсатишнинг

ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент жисмоний шахсларга (бундан буён матнда талабгорлар деб юритилади) уларнинг номида шахсий турар жойи мавжуд ёки мавжуд эмаслиги тўғрисида маълумотнома бериш бўйича давлат хизматларини (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари ёки Ўзбекистон Республикаси Ягона интерактив давлат хизматлари портали (бундан буён матнда ЯИДХП деб юритилади) орқали Ўзбекистон Республикаси Ер ресурслари, геодезия, картография ва давлат кадастри давлат қўмитаси (бундан буён матнда ваколатли орган деб юритилади) томонидан кўрсатилади.

2. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматини кўрсатиш тартиби

3. Талабгорлар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматидан электрон тарзда фойдаланиш учун ЯИДХПда рўйхатдан ўтади.

4. Талабгор ўзи келиб мурожаат этган тақдирда, Давлат хизматлари маркази ходими талабгор номидан, ЯИДХП орқали мурожаат этган тақдирда эса, мустақил равишда ушбу Регламентнинг иловасига мувофиқ шаклдаги анкетани электрон равишда тўлдиради.

5. Талабгордан бошқа ҳужжатларни талаб қилиш тақиқланади.

6. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

7. Талабгор Давлат хизматлари маркази ходими ва ЯИДХП томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

8. Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

9. Давлат хизматини кўрсатиш учун тўлов ундирилмайди.

10. Талабгорда электрон рақамли имзонинг мавжуд эмаслиги ёки уни олишнинг рад этилганлиги, шунингдек анкетада ишончсиз маълумотлар кўрсатилганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

11. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳукукига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади.

12. Талабгор Давлат хизматлари марказига келиб мурожаат этганда, унинг анкетаси Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, уни 20 дақиқа ичида ваколатли органга электрон шаклда юборади. ЯИДХП орқали мурожаат қилинганда эса, анкета автоматик тарзда ваколатли органга юборилади.

13. Ваколатли орган томонидан анкета келиб тушган кундан бошлаб 5 иш куни ичида маълумотнома расмийлаштирилади ҳамда ваколатли орган масъул ходимининг электрон рақамли имзоси билан тасдиқланиб, тегишли Давлат хизматлари марказига (ўзи келиб мурожаат этган тақдирда) ёки талабгорга (электрон тарзда мурожаат этган тақдирда) ЯИДХП орқали электрон шаклда юборади.

3-боб. Яқуний қоидалар

14. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

15. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

16. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

17. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

4.28. Ўзбошимчалик билан қурилган турар жойларга нисбатан бир марталик умум давлат акция доирасида мулк ҳуқуқини эътироф этиш бўйича давлат хизмати

Кўчмас мулкка нисбатан мулк ҳуқуқини эътироф этиш бўйича бир марталик умумдавлат акцияси доирасида кўчмас мулкларга нисбатан мулк ҳуқуқини эътироф этиш тартиби тўғрисида НИЗОМ

*(Ўзбекистон Республикаси Вазирлар Маҳкамасининг
2018 йил 21 июндаги 461-сон қарорига)*

1-боб. Умумий қоидалар

1. Мазкур Низом турар жойларига нисбатан мулк ҳуқуқини эътироф этиш бўйича бир марталик умумдавлат акцияси доирасида жисмоний шахсларнинг қурилиш мақсадлари учун ажратилмаган ер участкаларида ёки иморат қуриш учун рухсатнома олмасдан қурилган якка тартибдаги уй-жойига (кейинги ўринларда Ўзбошимчалик билан қурилган иморат деб аталади) нисбатан мулк ҳуқуқини эътироф этиш тартибини белгилайди.

2. Ушбу Низом талаблари кўп қаватли уйларга ва уларга тутшиб кетган ер участкаларида ўзбошимчалик билан қурилган иморатларга, нотурар жойларга нисбатан татбиқ этилмайди.

3. Бир марталик акция доирасида ўзбошимчалик билан қурилган иморатга нисбатан мулк ҳуқуқини эътироф этиш ҳамда кўчмас мулкка нисбатан ҳуқуқни эътироф этиш ишларини ташкил этиш бўйича комиссияларнинг фаолияти мазкур Низомга 1-иловада келтирилган схемага мувофиқ амалга оширилади.

4. Давлат хизматлари марказлари ва кўчмас мулкка нисбатан ҳуқуқни эътироф этиш ишларини ташкил этиш бўйича туман (шаҳар) комиссияларининг (кейинги ўринларда комиссия деб аталади) аъзолари ўртасида ахборот алмашиш идоралараро электрон ҳамкорлик тизими (кейинги ўринларда тизим деб аталади) орқали амалга оширилади.

2-боб. Ўзбошимчалик билан қурилган иморатга нисбатан мулк ҳуқуқини олиш учун мурожаат қилиш

5. Жисмоний шахс (унинг қонуний вакили) ўзбошимчалик билан қурилган иморатга нисбатан мулк ҳуқуқини олиш учун иморат жойлашган ҳудуддаги Давлат хизматлари маркази орқали туман (шаҳар) ҳокимининг номига ушбу Низомга 2-иловага мувофиқ шаклдаги ариза билан мурожаат қилади.

Аризага қуйидагилар илова қилинади:

муурожаат этувчининг паспорти нусхаси;

муурожаат этувчининг оила аъзолари ҳақида ҳамда ер участкасига эгалик қилган муддатлари ва иморат қурилган вақт тўғрисида фуқароларнинг ўзини ўзи бошқариш органларининг маълумотномалари.

муурожаат этувчидан ушбу бандда кўрсатилмаган маълумотларни, шунингдек, бошқа ҳужжатларни тақдим этишни талаб қилиш тақиқланади.

6. Мурожаат этувчи аризани ўз имзоси билан тасдиқлайди.

7. Аризани кўриб чиқиш учун Давлат хизматлари маркази томонидан йиғим ундирилмайди, бир марталик акция доирасида тўланадиган бир марталик йиғим бундан мустасно.

8. Мурожаат этувчи томонидан тақдим этилган ёлғон маълумотлар ёхуд унга илова қилинадиган ҳужжатларнинг тўлиқ эмаслиги аризани қабул қилишда рад этиш учун асос ҳисобланади.

Аризани бошқа асослар бўйича рад этиш тақиқланади.

9. Ариза рўйхатдан ўтказилгандан кейин Давлат хизматлари маркази ходими мурожаат этувчига ариза олингани тўғрисида тилхат беради ёки рўйхатдан ўтказиш рақамини кўрсатган ҳолда, ариза нусхасида унинг қабул қилингани тўғрисида тегишли ёзувни қайд этади.

10. Мурожаат этувчи томонидан тақдим этилган ариза ва унга илова қилинган ҳужжатлар Давлат хизматлари маркази ходими томонидан сканерланади ва бир соат мобайнида тизим орқали Қорақалпоғистон Республикаси, вилоятлар ва Тошкент шаҳри ер тузиш ва кўчмас мулк кадастри давлат корхоналарининг туман (шаҳар) филиалларига (кейинги ўринларда комиссия ишчи органи деб аталади) юборилади.

3-боб. Ўзбошимчалик билан қурилган иморатга нисбатан мулк ҳуқуқини олиш учун тақдим этилган мурожаатларни кўриб чиқиш

11. Комиссия ишчи органи ариза келиб тушгандан сўнг 3 иш куни мобайнида мурожаат этувчининг аризасида кўрсатилган жойга чиққан ҳолда ўзбошимчалик билан қурилган иморатни ўрганиб, унинг техник планини шакллантиради ҳамда ушбу техник планни комиссия аъзоларига ариза ва унга илова қилинган ҳужжатлар билан бирга тизим орқали юборади.

12. Комиссия аъзолари ариза келиб тушган кундан бошлаб 5 календарь кун мобайнида мурожаат этувчининг ўзбошимчалик билан қурилган иморатини у жойлашган жойга борган ҳолда ўрганади ва ўрганиш натижаларига кўра комиссия ишчи органига кўчмас мулк объекти бўйича ўз хулосаларини (маълумотномаларини) тизим орқали юборади, туман (шаҳар) адлия бўлими бошлиғи бундан мустасно.

13. Комиссия аъзоларининг хулосаларида (маълумотномаларида) қуйидаги маълумотлар акс эттирилади:

а) туман (шаҳар) ер ресурслари ва давлат кадастри бўлими бошлиғининг хулосасида — ўзбошимчалик билан қурилган иморат жойлашган ер участкаси қонун ҳужжатларига мувофиқ турар жой қуриш учун ажратилиши мумкин бўлмаган ер майдонида жойлашмагани ёки жойлашгани, ер участкасининг умумий майдони ва сифат тавсифлари;

б) туман (шаҳар) қурилиш бўлими бошлиғининг хулосасида — ўзбошимчалик билан қурилган иморат аҳоли пунктларининг бош режалари ва уларнинг қисмларини батафсил режалаштириш лойиҳаларига (мавжуд бўлганда), қишлоқ фуқаролари йиғинлари ҳудудларини меъморий режалаштиришни ташкил этиш лойиҳаларига (мавжуд бўлганда) зид равишда ҳамда объектларнинг муҳофаза зоналарида жойлашгани ёки жойлашмагани, шунингдек, шаҳарсозлик нормалари ва қоидаларининг бошқа талаблари бузилгани ёки бузилмагани;

в) туман (шаҳар) экология ва атроф-муҳитни муҳофаза қилиш инспекцияси бошлиғининг хулосасида — ўзбошимчалик билан қурилган иморат жойлашган ер участкаси қонун ҳужжатларига мувофиқ турар жой қуриш учун ажратилиши мумкин бўлмаган муҳофаза этиладиган ҳудудда жойлашгани ёки жойлашмагани, ўзбошимчалик билан қурилган иморатни жойлаштиришда табиатни муҳофаза қилиш тўғрисидаги қонун ҳужжатларига риоя этилгани ёки этилмагани;

г) туман (шаҳар) давлат бош санитария врачининг хулосасида — ўзбошимчалик билан қурилган иморат ва у жойлашган ер участкасида санитария нормалари, қоидалари ва гигиена нормативлари талабларига риоя қилингани ёки риоя қилинмагани;

д) туман (шаҳар) ички ишлар бўлимининг маълумотномасида —ўзбошимчалик билан қурилган иморатдан фойдаланувчи ва унинг оила аъзолари қайси манзилда рўйхатдан ўтганлиги ёки рўйхатдан ўтмаганлиги;

е) туман (шаҳар) давлат солиқ инспекциясининг маълумотномасида — мурожаат этувчида мол-мулк ва ер солиғи бўйича қарздорлик борлиги ёки йўқлиги;

ж) туман (шаҳар) ёнғин хавфсизлиги инспекторининг хулосасида — ўзбошимчалик билан қурилган иморат ва у жойлашган ер участкасида ёнғин хавфсизлиги қоидаларига риоя қилингани ёки риоя қилинмагани.

Комиссия аъзоларининг хулосаларида (маълумотномаларида) акс эттирилган маълумотлар аниқ манбалар ҳамда қонун ҳужжатлари билан асослантирилган бўлиши лозим.

Комиссия аъзоларининг хулосалари (маълумотномалари) масъул мансабдор шахс томонидан имзоланади ва муҳр билан тасдиқланади.

14. Туман (шаҳар) адлия бўлими бошлиғи бир марталик акция давомида ўзбошимчалик билан қурилган иморатларга нисбатан мулк ҳуқуқини эътироф этишда ҳуқуқни қўллаш амалиётини изчил ва бир хилда таъминлаш чораларини амалга оширади, норматив-ҳуқуқий ҳужжатларни қўллаш амалиётини ўрганади ва аниқланган қонун ҳужжатлари бузилишларини, уларнинг содир этилишига имкон берувчи сабаб ва шарт-шароитларни бартараф этиш чораларини кўради.

15. Комиссия аъзолари ўзбошимчалик билан қурилган иморатни ўрганиш жараёнида Вазирлар Маҳкамасининг 2016 йил 3 августдаги 251-сон қарори билан тасдиқланган «2016-2017 йиллар даврида жисмоний ва юридик шахсларга тегишли бўлган кўчмас мулк объектларини ялпи хатловдан ўтказиш тартиби тўғрисида»ги низомга мувофиқ ўтказилган кўчмас мулк объектларининг хатлови натижалари бўйича йиғилган маълумотлардан фойдаланиши мумкин.

Ўзбошимчалик билан қурилган иморат магистрал қувурлар, темир йўл ва автомобиль йўллари, электр қуввати узатиш ва алоқа линиялари қўриқланадиган муҳофаза зоналари, сув муҳофазаси ва санитария-ҳимоя зоналарида, шунингдек, аэродромлар ҳамда чиқиндилар ва бошқа заҳарли моддаларни кўмиш жойлари яқинида жойлашганда комиссия аъзолари тегишли режимли ҳудудлар ва иншоотлардан фойдаланувчи ташкилотлардан қўшимча маълумотларни (хулосаларни) сўровнома юбориш орқали олишлари шарт. Бунда сўровномага жавоб у келиб тушган кундан бошлаб 3 календарь куни мобайнида тақдим этилиши керак.

16. Ўрганиш натижалари бўйича аниқлик киритилиши лозим бўлган ҳолатлар мавжуд бўлса, улар комиссиянинг умумий йиғилишида узил-кесил ҳал қилинади. Бунда туман (шаҳар) адлия бўлими бошлиғининг норматив-ҳуқуқий ҳужжатларни қўллаш бўйича хулосаси ҳисобга олиниши лозим.

Фуқаролар ўртасидаги мулкий низоларни ҳал қилиш комиссия ваколатига кирмайди, бундай низолар қонун ҳужжатларида белгиланган тартибда ҳал этилади. Бунда мулкий низолар ҳал қилингандан сўнг ўзбошимчалик билан қурилган иморатнинг эгаси бир марталик акция муддати тугагунга қадар ушбу Низомда белгиланган тартибда мурожаат қилиш ҳуқуқига эга.

17. Комиссия ишчи органи 3 календарь куни мобайнида комиссия аъзоларининг хулосаларига асосан кўчмас мулк объектини ўрганиш бўйича мазкур Низомга 3-иловага мувофиқ шаклда далолатнома (кейинги ўринларда далолатнома деб аталади) расмийлаштиради.

Далолатномада комиссия аъзоларининг хулосалари акс эттирилади ҳамда ўзбошимчалик билан қурилган иморатга нисбатан мулк ҳуқуқини эътироф этиш мумкинлиги ёки мумкин эмаслиги, шу жумладан иморат жойлашган ер участкасига мерос қилиб қолдириладиган умрбод эгалик қилиш ҳуқуқи берилиши мумкинлиги ёки мумкин эмаслиги кўрсатилади.

Далолатнома комиссия ишчи органи масъул ходими томонидан имзоланади ва комиссия раиси томонидан тасдиқланади.

Далолатномага комиссия ишчи органи томонидан ўрганиш давомида тузилган кўчмас мулк объектининг плани илова қилинади.

18. Комиссия томонидан шахснинг ўзбошимчалик билан қурилган иморатига нисбатан мулк ҳуқуқини эътироф этиш мумкин деб топилганда комиссия ишчи органи далолатнома тасдиқланган куннинг ўзида Давлат хизматлари марказига мурожаат этувчи бир марталик йиғимни тўлаши учун электрон шаклда ҳисобварақ-фактурани тизим орқали юборади.

Давлат хизматлари маркази ҳисобварақ-фактура тушганидан сўнг бир соат мобайнида мурожаат этувчини бу ҳақда ахборот-коммуникация тизимлари орқали хабардор қилади ҳамда ҳисобварақ-фактурага ўзининг муҳрини босиб мурожаат этувчига тақдим этади.

19. Мурожаат этувчи ҳисобварақ-фактура тушган кундан бошлаб 4 иш куни мобайнида ҳисобварақ-фактурада кўрсатилган тўловни (энг кам иш ҳақининг беш баравари миқдордаги бир марталик йиғимни) амалга оширади.

Бир марталик йиғим тўлангани ахборот-коммуникация тизимлари орқали тасдиқланади.

20. Бир марталик йиғим суммасининг:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармасининг шахсий ғазна ҳисоб рақамига;

20 фоизи — Ўзбекистон Республикаси Ер ресурслари, геодезия, картография ва давлат кадастри давлат кўмитасининг Ер муносабатлари ва давлат кадастрларини ривожлантириш жамғармасига;

20 фоизи — Қорақалпоғистон Республикаси, вилоятлар ва Тошкент шаҳар ер тузиш ва кўчмас мулк давлат корхоналари ҳисоб рақамига;

40 фоизи — тегишли туман (шаҳар) маҳаллий бюджетларига ўтказилади.

21. Мурожаат этувчи томонидан бир марталик йиғим белгиланган муддатда тўланмаган тақдирда, унинг ўзбошимчалик билан қурилган иморатига нисбатан мулк ҳуқуқини эътироф этиш ишлари тўхтатиб турилади. Мурожаат этувчи томонидан бир марталик акция муддати тугагунга қадар тўлов амалга оширилмаса ўзбошимчалик билан қурилган иморатга нисбатан мулк ҳуқуқи эътироф этилмайди.

22. Комиссия ишчи органи мурожаат этувчи томонидан бир марталик йиғим тўлангандан кейин 2 календарь куни мобайнида Комиссия раиси томонидан тасдиқланган далолатнома асосида мурожаат этувчининг ўзбошимчалик билан қурилган иморатига нисбатан мулк ҳуқуқини эътироф этиш тўғрисида туман (шаҳар) ҳокимининг қарори лойиҳасини тайёрлайди ва тасдиқлаш учун туман (шаҳар) ҳокимига тақдим этади.

Қарор лойиҳасида ўзбошимчалик билан қурилган иморат мулкдорига иморат қурилган ер участкасига (участканинг бир қисмига) мерос қилиб қолдириладиган умрбод эгалик қилиш ҳуқуқини бериш ҳам назарда тутилади.

23. Туман (шаҳар) ҳокимининг комиссия ишчи органи томонидан тайёрланган қарори лойиҳаси у тақдим этилган кундан бошлаб 2 иш куни мобайнида қабул қилинади.

24. Ўзбошимчалик билан қурилган иморатга нисбатан мулк ҳуқуқини эътироф этиш ҳамда ер участкасига умрбод эгалик қилиш ҳуқуқини бериш тўғрисида туман (шаҳар) ҳокими қарорининг нусхаси у қабул қилинган кундан бошлаб, 1 иш куни мобайнида Комиссия ишчи органи томонидан Давлат хизматлари марказига тизим орқали юборилади.

Давлат хизматлари маркази туман (шаҳар) ҳокимининг қарори нусхаси тушганидан сўнг бир соат мобайнида мурожаат этувчини бу ҳақда ахборот-коммуникация

тизимлари орқали хабардор қилади ҳамда туман (шаҳар) ҳокимининг қарори нусхасига ўзининг муҳрини қўйиб, мурожаат этувчига тақдим этади.

4-боб. Ўзбошимчалик билан қурилган иморатларга нисбатан мулк ҳуқуқини эътироф этиш ёки уни рад этиш

25. Ўзбошимчалик билан қурилган иморатга нисбатан мулк ҳуқуқини эътироф этиш ҳамда ер участкасига умрбод эгалик қилиш ҳуқуқини бериш тўғрисида туман (шаҳар) ҳокимининг қарори кўчмас мулкка бўлган мулк ҳуқуқини белгиланган тартибда давлат рўйхатидан ўтказиш учун асос ҳисобланади.

26. Қуйидаги ҳолларда ўзбошимчалик билан қурилган иморатга нисбатан мулк ҳуқуқи эътироф этилади ва иморат жойлашган ер участкасига умрбод эгалик қилиш ҳуқуқи берилади:

ўзбошимчалик билан эгаллаб олинган, жисмоний шахслар томонидан узлуксиз фойдаланилаётган ер участкалари, агар ўзбошимчалик билан қурилган иморатлар бошқа шахсларнинг ҳуқуқларини ва қонун билан муҳофаза қилинадиган манфаатларини бузмаса ёки фуқароларнинг ҳаёти ва соғлиғига хавф туғдирмаса, қонун ҳужжатларида белгиланган меъёрлар (шу жумладан, ҳар бир оилага белгиланган меъёрлар) доирасида;

белгиланган тартибда берилмаган ер участкаларида қурилган объектлар мулкдори бўлмаган, лекин ўзиники каби ҳалол, ошкора ва узлуксиз эгалик қилиб жисмоний шахслар томонидан фойдаланилаётган иморатларига ва ер участкасига;

кўчмас мулк объектларига эгалик ҳуқуқи мавжуд жисмоний шахслар томонидан ўзи яшаб турган ер участкасига ўзбошимчалик билан қурилган қўшимча иморатларига;

жисмоний шахслар томонидан «Ер тўғрисида»ги Ўзбекистон Республикаси Қонуни қабул қилинишига қадар (1990 йил 20 июнь) якка тартибда уй-жой қуриш, шахсий ёрдамчи хўжалик юритиш учун фойдаланиб келаётган иморатлар ва ер участкасига ҳуқуқларни белгиловчи ҳужжатлар сақлаб қолинмаган бўлса;

деҳқон (шахсий ёрдамчи) хўжалик юритиш учун фойдаланилаётган ўзбошимчалик билан эгаллаб олинган ер участкалари ва уларда қурилган иморатларга «Деҳқон хўжалиги тўғрисида»ги Ўзбекистон Республикаси Қонунининг 8-моддасида белгиланган меъёрлар доирасида.

27. Қуйидаги ҳолларда ўзбошимчалик билан қурилган иморатга нисбатан мулк ҳуқуқи эътироф этилмайди:

аҳоли пунктларининг бош режалари ва уларнинг қисмларини батафсил режалаштириш лойиҳаларига, қишлоқ фуқаролари йиғинлари ҳудудларини меъморий режалаштиришни ташкил этиш лойиҳаларига (мавжуд бўлганда) зид равишда жойлашган иморатларга;

магистрал қувурлар, темир йўл ва автомобиль йўллари, электр қуввати узатиш ва алоқа линиялари қўриқланадиган муҳофаза зоналари, сув муҳофазаси ва санитария-ҳимоя зоналарида, шунингдек аэродромлар ҳамда чиқиндилар ва бошқа заҳарли моддаларни кўмиш жойлари яқинида жойлашган иморатларга;

қонун ҳужжатлари билан қурилиши тақиқланган муҳофаза этиладиган табиий ҳудудларда ҳамда табиий хавфи юқори бўлган ҳудудда жойлашган иморатларга;

ўзбошимчалик билан эгаллаб олинган ер участкасида қурилган иморатлар шаҳарсозлик нормалари ва қоидаларини бузиб қурилган бўлса, унинг сақлаб қолиниши бошқа шахсларнинг ҳуқуқлари ва қонун билан қўриқланадиган манфаатларини бузса ёхуд фуқароларнинг ҳаёти ва соғлиғига хавф туғдирса.

28. Комиссия томонидан шахснинг ўзбошимчалик билан қурилган иморатига нисбатан мулк ҳуқуқини эътироф этиш мумкин эмас деб топилганда комиссия ишчи органи рад этиш асослари кўрсатилган хат тайёрлайди ва далолатноманинг нусхасини илова қилган ҳолда уни далолатнома тасдиқланган куннинг ўзида Давлат хизматлари марказига ҳамда туман (шаҳар) ҳокимига тизим орқали юборади.

Давлат хизматлари маркази хат тушганидан сўнг бир соат мобайнида мурожаат этувчини бу ҳақда ахборот-коммуникация тизимлари орқали хабардор қилади ҳамда хатга ўзининг муҳрини қўйиб, мурожаат этувчига тақдим этади.

Хатда ўзбошимчалик билан қурилган иморатга нисбатан мулк ҳуқуқини олиш учун тўсқинлик қилаётган ҳолатларни (камчиликларни) бартараф этиш бўйича тавсиялар берилади ёки ўзбошимчалик билан қурилган иморатга нисбатан мулк ҳуқуқи эътироф этиш мумкин эмас бўлган ҳолатлар кўрсатилади.

29. Ўзбошимчалик билан қурилган иморат бўйича комиссия ишчи органининг хатида кўрсатилган камчиликлар бартараф этилгандан сўнг ўзбошимчалик билан қурилган иморат эгаси ушбу Низомда белгиланган тартибда бир марталик акция муддати тугагунга қадар мурожаат этиш ҳуқуқига эга.

30. Мурожаат этувчи комиссия қароридан норози бўлган тақдирда, бир марталик акция муддати тугагунга қадар тегишлилиги бўйича юқори турувчи комиссияга ёхуд судга шикоят қилиш ҳуқуқига эга.

Қорақалпоғистон Республикаси, вилоятлар ва Тошкент шаҳар комиссиялари туман (шаҳар) комиссияларининг қарорларидан норози бўлган шахсларнинг мурожаатларини 3 иш куни мобайнида кўриб чиқади ва ҳал этади.

31. Комиссия томонидан шахснинг ўзбошимчалик билан қурилган иморатига нисбатан мулк ҳуқуқини эътироф этиш мумкин эмас деб ҳисобланганда туман (шаҳар) ҳокимликлари комиссия далолатномаси асосида қонун ҳужжатларига асосан турар жой қуриш учун ажратилиши мумкин бўлмаган ер майдонида жойлашган ва ўзбошимчалик билан қурилган иморатни бартараф этиш (бузиб ташлаш) тўғрисидаги даъво аризасини қонун ҳужжатларида белгиланган тартибда ва муддатларда судга киритади.

5-боб. Якунловчи қоида

32. Мазкур Низом талаблари бузилишида айбдор бўлган шахслар қонун ҳужжатларида белгиланган тартибда жавоб беради.

4.30. Архитектура-шаҳарсозлик ҳужжатларини ишлаб чиқиш фаолиятини амалга ошириш ҳуқуқига лицензия бўйича давлат хизмати

Архитектура-шаҳарсозлик ҳужжатларини яратиш фаолиятини лицензиялаш тўғрисида НИЗОМ

*(Вазирлар Маҳкамасининг 2009 йил 30 апрелдаги
126-сон қарори билан тасдиқланган)*

I. Умумий қоидалар

1. Ушбу Низом архитектура-шаҳарсозлик ҳужжатларини яратиш фаолиятини лицензиялаш тартибини белгилайди.

Барча турдаги архитектура-шаҳарсозлик ҳужжатларини яратиш фаолияти объектларни қуриш учун муҳандислик-техник изланишларни, дастлабки ва якуний техник-иқтисодий ҳисоб-китобларни ҳамда техник-иқтисодий асослашларни яратишни, бино ва иншоотларни лойиҳалашни, қурилишнинг лойиҳа-смета ҳужжатларини яратишни, хўжалик, саноат ва бошқа мақсадлардаги бинолар ва иншоотларни ҳамда уларнинг комплексларини, муҳандислик ва транспорт инфратузилмаси бинолари ва иншоотларини кенгайтириш, реконструкция қилиш, техник жиҳатдан қайта жиҳозлаш ва мукамал таъмирлаш, шунингдек уларнинг мустаҳкамлиги, барқарорлиги ва ишончлилиги йўқолган тақдирда одамлар хавфсизлигига хавф ёки катта моддий йўқотишлар вужудга келадиган унинг муҳим функцияларини бажариш элементларини ўз ичига олади.

2. Лицензия бериш, лицензиянинг амал қилишини тўхтатиб туриш ёки тугатиш, шунингдек уни бекор қилиш ва қайта расмийлаштириш тўғрисидаги қарорлар Ўзбекистон Республикаси Давлат архитектура ва қурилиш қўмитаси (кейинги ўринларда «Давархитектқурилиш» қўмитаси деб аталади) томонидан қабул қилинади.

Лицензиялар бериш тўғрисидаги ҳужжатларни қўриб чиқиш учун «Давархитектқурилиш» қўмитасида Эксперт комиссия (кейинги ўринларда Комиссия деб аталади) тузилади. Эксперт комиссия фаолияти «Давархитектқурилиш» қўмитаси томонидан тасдиқланган низомга мувофиқ ташкил этилади. Комиссия ўзига юкланган функцияларни бажариш учун «Давархитектқурилиш» қўмитаси вакилларида ишчи гуруҳ тузади.

3. Архитектура-шаҳарсозлик ҳужжатларини яратиш фаолияти фақат ушбу Низомда назарда тутилган талабларга мувофиқ бўлган юридик шахслар томонидан амалга оширилади.

Архитектура-шаҳарсозлик ҳужжатларини яратиш фаолиятини амалга ошириш ҳуқуқига намунавий (оддий) лицензиялар берилади.

Намунавий лицензиялар лицензия талабгорининг аризасига биноан умуман лойиҳалаш фаолияти турига ёки ушбу низомга 1-иловага биноан Архитектура-шаҳарсозлик ҳужжатлари классификаторига ва Ўзбекистон Республикаси Вазирлар Маҳкамаси томонидан тасдиқланган Лойиҳа-қидирув ва қурилиш-монтаж ишлари бўйича объектлар мураккаблиги тоифалари классификаторига мувофиқ лойиҳалаштиришнинг бир ёки бир нечта турларини (бўлимларини) ишлаб чиқишга берилади.

Намунавий лицензияларнинг амал қилиши лойиҳалашнинг барча босқичларига татбиқ этилади.

4. Архитектура-шаҳарсозлик ҳужжатларини яратиш бўйича фаолиятни амалга ошириш ҳуқуқига лицензия, амал қилиш муддати чекланмасдан берилади.

5. Лицензия бериш тўғрисидаги ариза билан биринчи марта мурожаат қилган ташкилотларга лицензия мураккабликнинг I тоифасидан юқори бўлмаган лойиҳа ҳужжатларини яратиш бўйича фаолиятни амалга ошириш ҳуқуқига берилади.

Лицензия талабгорининг штатида мутахассислар ушбу Низомга 3 ва 4-иловаларда назарда тутилган тегишли талабларга жавоб берадиган бош муҳандислар ва архитекторлар, мутахассислар мавжуд бўлган тақдирда «Давархитектқурилиш» қўмитаси томонидан унга объектларни лойиҳалаш ва қуришнинг кўрсатилган мураккаблик тоифасига лицензия бериш масаласи кўриб чиқилади.

6. Лицензия талабгори томонидан Ўзбекистон Республикаси Вазирлар Маҳкамаси томонидан тасдиқланган Лойиҳа-қидирув ва қурилиш-монтаж ишлари бўйича объектларнинг мураккаблиги тоифаларига мувофиқ янада юқори тоифадаги архитектура-шаҳарсозлик ҳужжатларини яратиш фаолиятига лицензия олиш учун лойиҳалаш ташкилоти томонидан икки йил мобайнида жорий тоифадаги камида ўн та объектни лойиҳалаш бўйича бажарилган ишларнинг жами рўйхати улар юзасидан архитектура ва қурилиш органлари, шунингдек белгиланган ҳолларда «Давархитектқурилиш» қўмитасининг давлат экспертиза ва архитектура-қурилиш назорати органлари берган хулосалар нусхалари билан бирга ҳамда ушбу объектлар бўйича муаллифлик назорати дафтарлари тақдим этилади.

II. Лицензия талаблари ва шартлари

7. Архитектура-шаҳарсозлик ҳужжатларини яратиш фаолиятини амалга оширишдаги лицензия талаблари ва шартларига қуйидагилар киради:

а) қонун ҳужжатлари, тегишли давлат стандартлари, шаҳарсозлик нормалари ва қоидалари талабларига мажбурий риоя этиш;

б) юридик шахснинг штатида доимий равишда ишлайдиган (вақтинчалик жалб қилинганларни ҳисобга олмасдан) ушбу Низомга 3-иловада назарда тутилган талабларга жавоб берадиган мутахассисларнинг мажбурий тартибда мавжуд бўлиши:

тўлиқ комплексда лойиҳалаштириш бўйича фаолият турлари учун (лойиҳалаштиришнинг барча босқичларида архитектура-шаҳарсозлик ҳужжатларини, шу жумладан лойиҳаларнинг дастлабки техник-иқтисодий асосланиши, техник-иқтисодий асосланиши ва дастлабки техник-иқтисодий ҳисоб-китоблари, техник-иқтисодий ҳисоб-китоблари), мураккабликнинг I тоифасидаги объектлар учун — камида 10 нафар мутахассис, мураккабликнинг II тоифасидаги объектлар учун — камида 20 нафар мутахассис, мураккабликнинг III тоифасидаги объектлар учун — камида 25 нафар мутахассис;

архитектура-шаҳарсозлик ҳужжатларининг айрим бўлимларини ишлаб чиқиш бўйича фаолият турлари учун — камида 10 нафар мутахассис;

в) юридик шахсда ушбу Низомнинг 4-иловасига мувофиқ фаолиятнинг лицензияланаётган турини амалга ошириш учун зарур бўлган, унга мулк ҳуқуқи билан ёки бошқа қонуний асосда тегишли бўлган бинолар, хоналар, асбоб-ускуналар ва жиҳозларнинг мавжуд бўлиши;

г) «Давархитектқурилиш» қўмитаси томонидан белгиланган тартибда амалга оширилаётган яратилаётган лойиҳа ҳужжатининг сифатини назорат қилиш тизимининг, шунингдек белгиланган ҳолларда муаллифлик назорати ҳужжатларининг мавжуд бўлиши.

III. Лицензия олиш учун зарур ҳужжатлар

8. Лицензия олиш учун лицензия талабгори қуйидаги ҳужжатларни тақдим этади:

а) лицензия бериш тўғрисидаги ариза, унда қуйидагилар кўрсатилади: юридик шахснинг номи ва ташкилий-ҳуқуқий шакли, унинг жойлашган жойи (почта манзили), банк муассасасининг номи ва банкдаги ҳисоб рақами, лицензияланаётган фаолиятнинг юридик шахс томонидан амалга оширилиши мўлжалланаётган тури;

б) лицензияловчи орган томонидан лицензия талабгорининг аризаси кўриб чиқилганлиги учун лицензия талабгорининг йиғимни тўлаганини тасдиқловчи ҳужжат;

в) архитектура-шаҳарсозлик ҳужжатларини яратиш билан шуғулланаётган ходимларнинг рўйхати, унда уларнинг эгаллаб турган лавозимлари, маълумоти бўйича мутахассислиги, мутахассислиги бўйича иш стажи, ушбу ходимлар лойиҳалаштирилишида иштирок этган асосий объектлар рўйхати кўрсатилади;

г) архитектура-шаҳарсозлик ҳужжатларини яратиш учун мавжуд шарт-шароитлар ва техника воситалари тўғрисидаги маълумотлар;

д) давлат рўйхатидан ўтказилганлик тўғрисидаги гувоҳноманинг нусхаси;

е) куйидагиларнинг:

ташкилот раҳбари ҳамда соҳа бўйича маълумотга, шунингдек меҳнат дафтарчаларига эга бўлган асосий ходимлар (бош муҳандислар ва лойиҳа архитекторлари, бош ҳамда етакчи мутахассислар) дипломларининг;

мулк ҳуқуқи билан ёки бошқа қонуний асосда фаолиятнинг лицензияланаётган турини амалга ошириш учун зарур бўлган асбоб-ускуналар ва инвентарларнинг талабгорга тегишлилигини тасдиқловчи ҳужжатларнинг нусхалари.

81. Лицензияловчи орган лицензия бериш учун бошқа ваколатли органларда мавжуд бўлган зарур ҳужжатлар ва ахборотларни белгиланган тартибда ўзаро ахборот ҳамкорлиги йўли билан, шу жумладан электрон тарзда мустақил равишда олади, ушбу Низомнинг 8-бандида назарда тутилган ҳужжатлар ва ахборотлар бундан мустасно.

9. Лицензия талабгоридан ушбу Низомда назарда тутилмаган ҳужжатларни тақдим этишни талаб қилишга йўл қўйилмайди.

10. Ҳужжатлар «Давархитектқурилиш» қўмитасига лицензия талабгори томонидан бевосита ёхуд уларнинг олинганлиги тўғрисидаги билдиришнома билан почта алоқа воситаси орқали етказиб берилади.

Ҳужжатлар «Давархитектқурилиш» қўмитасининг масъул шахси томонидан рўйхат бўйича қабул қилинади, рўйхатнинг нусхаси ҳужжатлар қабул қилинган сана қайд қилинган ҳолда аризачига юборилади (тақдим этилади).

11. Ишончли бўлмаган ёки бузилган маълумотлар тақдим этилганлиги учун лицензия талабгори қонун ҳужжатларига мувофиқ жавоб беради.

IV. Аризани кўриб чиқиш ва лицензия бериш ёки лицензия беришни рад этиш тўғрисида қарор қабул қилиш

12. Лицензия талабгорининг аризаси кўриб чиқилганлиги учун Ўзбекистон Республикасида белгиланган энг кам ойлик иш ҳақининг бир баравари миқдорида йиғим ундирилади.

Аризанинг кўриб чиқилганлиги учун йиғим суммаси «Давархитектқурилиш» қўмитасининг банкдаги ҳисоб рақамига ўтказилади.

Лицензия талабгори берилган аризадан воз кечган тақдирда тўланган йиғим қайтарилмайди.

13. Архитектура-шаҳарсозлик ҳужжатларини яратиш фаолиятини лицензиялаш мазкур Низомга 5-иловага мувофиқ схема бўйича амалга оширилади.

Комиссиянинг лицензия талабгорига лицензия бериш ёки лицензия беришни рад этиш тўғрисидаги қарори лицензия талабгорининг аризаси олинган кундан бошлаб ўн беш кундан ошмайдиган муддатда қабул қилинади.

Комиссия ишчи гуруҳнинг таклифи олингандан кейин уни кўриб чиқади ва қабул қилинган қарор протоколини тасдиқлайди. Комиссия томонидан қабул қилинган қарор протоколи Комиссия раиси томонидан имзоланади. Фавқулодда ҳолларда Комиссия қарори сўров йўли билан қабул қилиниши мумкин.

14. «Давархитектқурилиш» қўмитаси лицензия талабгорини қабул қилинган қарор тўғрисида тегишли қарор қабул қилингандан кейин уч кун мобайнида хабардор қилади.

Лицензия беришга қарор қилинганлиги тўғрисидаги билдиришнома лицензия талабгорига банк ҳисоб рақами реквизитлари, давлат божини тўлаш муддати кўрсатилган ҳолда ёзма шаклда юборилади (топширилади). Лицензия бериш ҳақида қарор қабул қилингани тўғрисидаги билдиришнома билан бир вақтда лицензия талабгорига имзолаш учун лицензия битими юборилади.

15. Лицензия битими «Давархитектқурилиш» қўмитаси ва лицензиат ўртасида тузилади ва унда қуйидагилар бўлиши керак:

битимни имзолаган шахсларнинг фамилияси, исми, отасининг исми, лавозими;

томонларнинг реквизитлари;

амалга оширилишига лицензия берилаётган фаолият турининг номи;

лицензиатга қўйиладиган лицензия талаблари ва шартлари;

лицензия битими талаблари ва шартлари бузилганлиги учун томонларнинг жавобгарлиги;

лицензиат томонидан лицензия битими талаблари ва шартлари бажарилишини «Давархитектқурилиш» қўмитаси томонидан назорат қилиш тартиби.

Лицензия битими икки нусхада — лицензиат ва «Давархитектқурилиш» қўмитаси учун бир нусхадан тузилади.

16. Лицензия бланкалари қатъий ҳисобда турадиган ҳужжатлар ҳисобланади, ҳисобга олиш сериясига, тартиб рақамига ва ҳимояланганлик даражасига эга бўлади. Лицензия бланкалари намуналари «Давархитектқурилиш» қўмитаси томонидан ишлаб чиқилади ва тасдиқланади ҳамда «Давархитектқурилиш» қўмитаси буюртмаси бўйича «Давлат белгиси» давлат-ишлаб чиқариш бирлашмасида босмаҳона усулида тайёрланади. «Давархитектқурилиш» қўмитаси раиси лицензиялар бланкаларининг ҳисобга олиниши, сақланиши ва улардан мақсадли фойдаланилиши учун шахсан жавоб беради.

Лицензиялар «Давархитектқурилиш» қўмитаси томонидан расмийлаштирилади ва «Давархитектқурилиш» қўмитасининг раиси (унинг ўринбосари) томонидан имзоланади.

17. Лицензия «Давархитектқурилиш» қўмитаси томонидан лицензия талабгори томонидан давлат божи тўланганини тасдиқловчи ҳужжат тақдим этилгандан ва у лицензия битимини имзолагандан кейин уч кун муддатда берилади.

18. Агар лицензиат лицензия бериш тўғрисида қарор қабул қилинганлиги ҳақидаги билдиришнома юборилган (топширилган) вақтдан бошлаб уч ой мобайнида «Давархитектқурилиш» қўмитасига лицензия берилганлиги учун давлат божи тўланганлигини тасдиқловчи ҳужжатни тақдим этмаса ёхуд лицензия битимини имзоламаса, «Давархитектқурилиш» қўмитаси лицензияни бекор қилиш тўғрисида қарор қабул қилишга ҳақлидир.

19. Лицензия бериш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 17-моддасида назарда тутилган асослар бўйича рад этилиши мумкин.

Лицензия талабгори лицензия беришни рад этиш тўғрисидаги қарор, шунингдек «Давархитектқурилиш» қўмитасининг мансабдор шахси хатти-ҳаракатлари (ҳаракатсизлиги) юзасидан қонун ҳужжатларида белгиланган тартибда шикоят қилиш ҳуқуқига эгадир.

20. Лицензия беришни рад этиш тўғрисида қарор қабул қилинган тақдирда рад этиш тўғрисидаги билдиришнома лицензия талабгорига рад этишнинг аниқ сабаблари ва лицензия талабгори кўрсатиб ўтилган сабабларни бартараф этиб ҳужжатларни такроран кўриб чиқишга тақдим этиши учун етарли бўлган муддат кўрсатилган ҳолда ёзма шаклда юборилади (топширилади). Лицензия беришни рад этиш ҳақидаги хабарномада кўрсатилган муддат камчиликларни бартараф этиш учун зарур бўлган вақтга мутаносиб бўлиши керак.

21. Лицензия беришни рад этиш учун асос бўлган сабаблар лицензия талабгори томонидан бартараф этилган тақдирда, ҳужжатларни Комиссия томонидан такроран кўриб

чиқиш лицензия талабгорининг аризаси барча зарур ҳужжатлар билан биргаликда олинган кундан бошлаб беш кундан ортиқ бўлмаган муддатда амалга оширилади.

Лицензия талабгорининг аризаси такроран кўриб чиқилганлиги учун йиғим ундирилмайди.

Лицензия талабгорининг аризасини қайта кўриб чиқишда илгари лицензия беришни рад этиш тўғрисидаги билдиришномада кўрсатилмаган янги асослар бўйича лицензия беришни рад этишга йўл қўйилмайди.

Лицензия бериш рад этилганлиги тўғрисидаги билдиришномада кўрсатилган муддат ўтгандан кейин берилган ариза янгидан берилган ариза ҳисобланади.

V. Лицензияни қайта расмийлаштириш, дубликат бериш

22. Лицензиат қайта ташкил этилган, унинг номи ёки жойлашган жойи (почта манзили) ўзгарган тақдирда, лицензиат ёки унинг ҳуқуқий вориси қайта рўйхатдан ўтказилгандан кейин бир ой муддатда «Давархитектқурилиш» қўмитасига кўрсатиб ўтилган маълумотларни тасдиқловчи тегишли ҳужжатлар илова қилинган ҳолда лицензияни қайта расмийлаштириш тўғрисида ариза бериши шарт.

23. Лицензиат лицензия қайта расмийлаштирилгунга қадар унда кўрсатилган фаолиятни илгари берилган лицензия асосида амалга оширади.

Лицензияни қайта расмийлаштиришда «Давархитектқурилиш» қўмитаси лицензиялар реестрига тегишли ўзгартиришлар киритади. Лицензияни қайта расмийлаштириш лицензияловчи орган томонидан тегишли ҳужжатлар илова қилинган ҳолда лицензияни қайта расмийлаштириш тўғрисида ариза олинган кундан бошлаб беш кун мобайнида амалга оширилади.

Лицензияларни қайта расмийлаштиришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади.

25. Лицензияни қайта расмийлаштиришда лицензиат «Давархитектқурилиш» қўмитасига архитектура-шаҳарсозлик ҳужжатларини яратиш соҳасида илгари берилган лицензияни қайтариб беради.

26. Йўқолган ёки яроқсиз ҳолга келган лицензия ўрнига лицензиатнинг аризасига кўра дубликат берилиши мумкин. Бунда лицензиат даврий нашрларда йўқолган лицензиянинг ҳақиқий эмаслиги тўғрисида хабар бериши, шунингдек хабарни «Давархитектқурилиш» қўмитасига тақдим этиши шарт.

Лицензия дубликатларини беришда лицензия талабгорининг лицензия бериш тўғрисидаги аризаси кўриб чиқилганлиги учун тўланадиган сумманинг ярми миқдорида йиғим ундирилади.

Йиғим суммаси «Давархитектқурилиш» қўмитасининг банкдаги ҳисоб рақамига ўтказилади.

VI. Лицензия талаблари ва шартларига риоя этилишини назорат қилиш

27. Лицензиат томонидан лицензия талаблари ва шартларига риоя этилиши устидан назорат «Давархитектқурилиш» қўмитаси томонидан, қонун ҳужжатларида белгиланган тартибда амалга оширилади.

28. Лицензия талаблари ва шартларига риоя этилиши устидан назоратни амалга оширишда «Давархитектқурилиш» қўмитаси ўз ваколатлари доирасида:

лицензиат томонидан лицензия талаблари ва шартларига риоя этилишини қонун ҳужжатларида белгиланган тартибда режали текшириш;

лицензия талаблари ва шартлари лицензиат томонидан бузилганлигидан далолат берувчи ҳоллар мавжуд бўлган тақдирда лицензиатнинг уларга риоя этилини қонунда белгиланган тартибда режадан ташқари текшириш;

лицензия талаблари ва шартларига риоя этилишини текшириш чоғида пайдо бўладиган масалалар юзасидан лицензиатдан зарур ахборотни сўраш ва олиш;

текширишлар натижалари асосида, лицензиат томонидан лицензия талаблари ва шартларининг аниқ бузилишларини кўрсатган ҳолда далолатномалар (маълумотномалар) тузиш;

лицензиатга аниқланган бузилишларни бартараф этиш мажбуриятини юкловчи қарорлар чиқариш, бундай бузилишларни бартараф этиш муддатларини белгилаш;

қонун ҳужжатларида белгиланган ҳолларда лицензиянинг амал қилишини тўхтатиб туриш, тўхтатиш ёки лицензияни бекор қилиш масаласи бўйича қарор чиқариш ёки судга муурожаат қилиш.

29. Лицензия талаблари ва шартларига риоя этилишини текшириш чоғида «Давархитектқурилиш» қўмитасининг текширувчи ходимлари томонидан икки нусхада далолатнома тузилади, унинг бир нусхаси лицензиатга берилади, иккинчи нусхаси «Давархитектқурилиш» қўмитасида қолади.

VII. Лицензиянинг амал қилишини тўхтатиб туриш, тўхтатиш ва лицензияни бекор қилиш

30. Лицензиянинг амал қилишини тўхтатиб туриш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 22-моддасида назарда тутилган ҳолларда ва тартибда амалга оширилади.

31. Лицензиянинг амал қилишини тўхтатиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 23-моддасида назарда тутилган ҳолларда ва тартибда амалга оширилади.

32. Лицензияни бекор қилиш «Фаолиятнинг айрим турларини лицензиялаш тўғрисида»ги Ўзбекистон Республикаси Қонунининг 24-моддасида назарда тутилган ҳолларда ва тартибда амалга оширилади.

33. «Давархитектқурилиш» қўмитасининг лицензиянинг амал қилишини тўхтатиб туриш, тўхтатиш ёки лицензияни бекор қилиш тўғрисидаги қарори юзасидан судга шикоят қилиниши мумкин. Бундай қарорнинг асоссиз эканлиги суд томонидан эътироф этилган тақдирда, «Давархитектқурилиш» қўмитаси лицензиат олдида лицензиат кўрган зарар миқдорида жавоб беради.

VIII. Лицензиялар реестри

34. «Давархитектқурилиш» қўмитаси архитектура-шаҳарсозлик ҳужжатларини яратиш фаолиятини амалга ошириш ҳуқуқини берувчи лицензиялар реестрини юритади, унда қуйидагилар кўрсатилади:

юридик шахснинг номи, унинг ташкилий-ҳуқуқий шакли, жойлашган жойи (почта манзили), телефони ва факси;

раҳбарнинг фамилияси, исми, отасининг исми;

лицензияларнинг берилган санаси ва тартиб рақами;

фаолият тури ва объектларни лойиҳалашнинг мураккаблик тоифаси;

доимий равишда ишлайдиган масъул мутахассислар рўйхати;

лицензияларни қайта расмийлаштириш, тўхтатиб туриш ва тиклашнинг асослари ва санаси;

лицензияларнинг амал қилишини тўхтатиш асослари ва санаси;

лицензияларни бекор қилишнинг асослари ва санаси;

дубликат бериш асослари ва санаси.

Лицензиат «Давархитектқурилиш» қўмитасига лицензиялар реестрида кўрсатилган маълумотлардаги ҳар қандай ўзгаришларни уч кун муддатда тақдим этиши шарт.

35. Лицензияларнинг реестрларида мавжуд бўлган маълумотлар лицензияловчи органнинг веб-сайтида жойлаштирилади ва танишиш учун очиқ бўлади.

IX. Давлат божини тўлаш тартиби

37. Архитектура-шаҳарсозлик ҳужжатларини яратиш фаолиятини амалга ошириш ҳуқуқини берувчи лицензия берганлик учун Ўзбекистон Республикаси Вазирлар Маҳкамаси томонидан белгиланган миқдорда давлат божи ундирилади.

38. Давлат божи республика бюджетига ўтказилади.

V. Давлат ҳуқуқий (ҳуқуқий хизмат кўрсатиш, ФХДЁ, мудофаа ва ҳафсизлик, жамоат тартиби, фуқаролик, миграция) хизматлари:

5.1. Давлат хизматлари марказлари орқали электрон рақамли имзо калитини рўйхатга олиш ва электрон рақамли имзо калитининг сертификатини бериш бўйича давлат хизмати

Давлат хизматлари марказлари орқали давлат ва ҳўжалик бошқаруви органлари, маҳаллий давлат ҳокимияти органлари ҳамда тижорат банклари томонидан кўрсатиладиган барча турдаги хизматлардан эркин фойдаланишни таъминлайдиган электрон рақамли имзо калитининг сертификатини бериш бўйича

давлат хизматлари кўрсатишнинг

МАЪМУРИЙ РЕГЛАМЕНТИ

*(Вазирлар Маҳкамасининг 2018 йил 10 майдаги
348-сон қарори билан тасдиқланган)*

1-боб. Умумий қоидалар

1. Ушбу Маъмурий регламент Давлат хизматлари марказлари орқали давлат ва ҳўжалик бошқаруви органлари, маҳаллий давлат ҳокимияти органлари ҳамда тижорат банклари томонидан кўрсатиладиган барча турдаги хизматлардан эркин фойдаланишни таъминлайдиган электрон рақамли имзо (кейинги ўринларда ЭРИ деб аталади) калитининг сертификатини бериш бўйича давлат хизматлари кўрсатиш тартибини белгилайди.

2. Давлат хизматлари марказлари орқали ЭРИ калитларини рўйхатга олиш ва ЭРИ калитлари сертификатларини бериш «Давлат ва ҳўжалик бошқаруви органлари, маҳаллий давлат ҳокимияти органлари ҳамда тижорат банклари томонидан кўрсатиладиган барча турдаги хизматлардан эркин фойдаланишни таъминлайдиган ЭРИ калитларини рўйхатга олиш ва ЭРИ калитлари сертификатларини бериш» давлат хизматлари сифатида кўрсатилади.

Ушбу давлат хизматлари Ўзбекистон Республикаси Давлат солиқ қўмитаси ҳузуридаги Янги технологиялар илмий-ахборот маркази (кейинги ўринларда ваколатли орган деб аталади) томонидан Давлат хизматлари марказлари орқали амалга оширилади.

3. Ушбу Маъмурий регламентда қуйидаги асосий тушунчалардан фойдаланилади:

ЭРИ — электрон ҳужжатдаги мазкур электрон ҳужжат ахборотини ЭРИнинг ёпиқ калитидан фойдаланган ҳолда махсус ўзгартириш натижасида ҳосил қилинган ҳамда ЭРИ очик калити ёрдамида электрон ҳужжатдаги ахборотда хатолик йўқлигини аниқлаш ва ЭРИ ёпиқ калитининг эгасини идентификация қилиш имкониятини берадиган имзо;

ЭРИнинг ёпиқ калити — ЭРИ воситаларидан фойдаланган ҳолда ҳосил қилинган, фақат имзо қўювчи шахснинг ўзига маълум бўлган ва электрон ҳужжатда ЭРИ яратиш учун мўлжалланган белгилар кетма-кетлиги;

ЭРИнинг очик калити — ЭРИ воситаларидан фойдаланган ҳолда ҳосил қилинган, ЭРИ ёпиқ калитига мос келувчи, ахборот тизимининг ҳар қандай фойдаланувчиси фойдалана оладиган ва электрон ҳужжатдаги ЭРИ ҳақиқийлигини тасдиқлаш учун мўлжалланган белгилар кетма-кетлиги;

ЭРИ калитининг сертификати — ЭРИнинг очик калити ЭРИнинг ёпиқ калитига мослигини тасдиқлайдиган ва ЭРИ ёпиқ калитининг эгасига ваколатли орган томонидан берилган электрон ёки қоғоз шаклидаги ҳужжат;

ЭРИ ёпиқ калитининг пароли — ЭРИнинг ёпиқ калитидан рухсатсиз тарзда фойдаланишдан ҳимоя қилиш учун мўлжалланган шартли белгилар кетма-кетлиги;

ЭРИнинг ёпиқ калити эгаси — ЭРИни яратган (электрон ҳужжатга имзо қўйган) ва ваколатли орган томонидан унинг номига ЭРИ калити сертификати берилган жисмоний шахс;

ЭРИ калитининг сертификатини бошқариш — ЭРИ калитининг сертификати амал қилишини тўхтатиб туриш ёки қайта тиклаш ёхуд уни бекор қилиш.

4. Давлат хизматлари марказлари ҳамда ваколатли орган ўртасидаги ҳаракатлар ЭРИдан фойдаланилган ҳолда идоралараро электрон тарзда ҳамкорлик қилиш тизими орқали амалга оширилади.

5. ЭРИ калитларининг сертификатларини бериш учун жисмоний ва юридик шахслардан энг кам ойлик иш ҳақининг 10 фоизи миқдорида йиғим ундирилади, конун ҳужжатларида ЭРИ калитларининг сертификатларини бепул олиш назарда тутилган ҳоллар бундан мустасно.

6. Йиғим суммаси қуйидаги тартибда тақсимланади:

20 фоизи Ўзбекистон Республикаси Адлия вазирлиги ҳузуридаги Давлат хизматлари агентлигининг бюджетдан ташқари жамғармаси шахсий ҳисоб рақамига ўтказилади;

80 фоизи ваколатли органнинг махсус ҳисоб рақамига ўтказилади.

7. ЭРИ калити сертификатининг амал қилиш муддати ЭРИ рўйхатга олинган вақтдан бошлаб 24 ойдан ошмаслиги керак.

2-боб. ЭРИ калитининг сертификатини бериш тартиби

8. ЭРИ калитларини рўйхатдан ўтказиш ва ЭРИ калитларининг сертификатларини олиш учун жисмоний шахслар ва юридик шахсларнинг вакиллари (кейинги ўринларда мурожаат этувчилар деб аталади) Давлат хизматлари марказларига бевосита ёки Ўзбекистон Республикаси Ягона интерактив давлат хизматлари портали (кейинги ўринларда Ягона портал деб аталади) орқали электрон тарзда мурожаат қиладилар.

ЭРИ калитининг сертификатини бериш ушбу Маъмурий регламентга 1-иловага мувофиқ схема бўйича амалга оширилади.

9. Бевосита мурожаат қилинганда Давлат хизматлари маркази ходими мурожаат этувчининг номидан, Ягона портал орқали мурожаат қилинган ҳолларда эса мурожаат этувчи мустақил равишда ушбу Маъмурий регламентга 2-иловага мувофиқ электрон шаклда давлат хизматларидан фойдаланиш тўғрисидаги сўровномани тўлдиради.

Мурожаат этувчи ЭРИ калитининг сертификатини олиш учун йиғим тўлайди. Касб-ҳунар коллежлари ва академик лицейларнинг ўқувчиларига ЭРИ калитлари сертификатлари бепул берилади.

ЭРИ калитининг сертификатини олиш учун йиғим тўланганлигини тасдиқлаш ахборот-коммуникация тизимлари орқали амалга оширилади.

Агар ЭРИ ёпиқ калити эгаси юридик шахснинг вакили (юридик шахснинг раҳбари бундан мустасно) бўлса, сўровномага ЭРИ ёпиқ калити эгасининг фамилияси, исми, отасининг исми ва лавозими кўрсатилган ҳамда ушбу ЭРИ ёпиқ калити эгасига ЭРИ калитларини ва ЭРИ калитининг сертификатини бериш тўғрисида юридик шахснинг хати (ишончнома) илова қилинади.

Мурожаат этувчилардан ушбу бандда кўрсатилмаган маълумотларни, шунингдек, бошқа ҳужжатларни талаб қилиш қатъиян тақиқланади.

10. Давлат хизматлари маркази ЭРИ калитининг сертификатини бериш тўғрисидаги сўровномани қабул қилганидан сўнг йигирма дақиқа вақт ичида ундаги маълумотларни

Давлат хизматлари маркази ходимининг ЭРИ билан тасдиқланган ҳолда ваколатли органнинг ахборот тизимига идоралараро электрон ўзаро боғланиш йўли билан юборади.

11. Ваколатли органнинг ахборот тизимида Давлат хизматлари маркази томонидан юборилган маълумотлар кўриб чиқилиб, реал вақт режимида ЭРИ калитининг сертификати расмийлаштирилади ёки ЭРИ калитининг сертификатини бериш асосли равишда рад этилади.

12. Ваколатли органнинг ахборот тизимида сўровномани кўриб чиқишнинг натижаларига асосан расмийлаштирилган ЭРИ калити сертификати электрон ҳужжат шаклида Давлат хизматлари марказига идоралараро электрон ўзаро боғланиш йўли орқали юборилади.

13. ЭРИ ёпиқ калитининг пароли ваколатли орган томонидан сўровномада кўрсатилган мобиль телефон рақамига смс-хабар шаклида юборилади. ЭРИ ёпиқ калити эгасининг Давлат хизматлари марказига бевосита қилган мурожаатига асосан сўровномада кўрсатилган мобиль телефон рақами ўзгартирилиши ёки ЭРИ ёпиқ калитининг пароли қайта юборилиши мумкин.

14. ЭРИ калитининг сертификатини олиш учун ЭРИ ёпиқ калитининг эгаси Давлат хизматлари маркази ходимига ЭРИ калитларини ва ЭРИ калитининг сертификатини электрон ҳужжат шаклида ёзиб қўйиш ва сақлаш учун ўзга маълумотлар манбаини тақдим этади.

15. Давлат хизматлари маркази ходими ЭРИ калитини ва ЭРИ калитининг сертификатини ЭРИ ёпиқ калити эгасига бериш вақтида қуйидагиларни амалга оширади:

ЭРИ ёпиқ калити эгасининг шахсини тасдиқловчи ҳужжати (паспорт, ҳарбий билет, ҳайдовчилик гувоҳномаси ёки шахсини тасдиқловчи бошқа ҳужжат) асосида унинг шахсини аниқлайди;

таркибида рўйхатга олинган ЭРИ калитлари ва электрон ҳужжат шаклидаги ЭРИ калитининг сертификати бўлган файлни мурожаат этувчи томонидан тақдим этилган ўзга маълумотлар манбаига ёзиб қўяди ва файлнинг ёзилганлигини текширади;

ЭРИ калитининг сертификатини қоғоз ҳужжат шаклида талаб этилган тақдирда икки нусхада чоп этилади ва ҳар бир нусхаси Давлат хизматлари маркази ходими томонидан имзоланиб бир нусхаси ЭРИ ёпиқ калити эгасига берилади.

16. Давлат хизматлари маркази ходими ЭРИ калити сертификатини ЭРИ ёпиқ калити эгасига бериш жараёнида мурожаат этувчи томонидан тақдим этилган ўзга маълумотлар манбаидаги маълумотларга ўзгартириш киритиши, улардан нусха олиши ва ўчириши, ўзида сақлаш ҳамда ЭРИ ёпиқ калити эгасидан ЭРИ ёпиқ калити паролини сўраб олиши тақиқланади.

17. Ваколатли орган томонидан ЭРИ калитининг сертификатини беришни рад этишга қуйидагилар асос бўлиши мумкин:

муурожаат этувчи тақдим этган сўровномада нотўғри ёки бузиб кўрсатилган маълумотларнинг мавжудлиги;

ЭРИ калитининг сертификатини бериш учун тўлов амалга оширилмаганлиги, қонун ҳужжатларида ЭРИ калитларининг сертификатларини бепул олиш назарда тутилган ҳоллар бундан мустасно;

муурожаат этувчининг ҳужжатларни зарур тарзда расмийлаштирмай тақдим этиши.

Бошқа асосларга кўра, шу жумладан, ЭРИ калитининг сертификатини бериш мақсадга мувофиқ эмас деган сабаблар билан рад этишга йўл қўйилмайди.

18. Ваколатли орган ЭРИ калитининг сертификатини беришни рад этиш тўғрисидаги хабарномани унинг аниқ асосларини кўрсатган ҳолда Давлат хизматлари марказига юборади. Агарда муурожаат этувчининг сўровномаси ваколатли органга тўғридан-тўғри Ягона портал орқали келиб тушган бўлса, ЭРИ калитининг сертификатини беришни рад этиш тўғрисидаги хабарнома муурожаат этувчининг ўзига Ягона портал орқали автоматик равишда юборилади.

19. Давлат хизматлари маркази ваколатли органдан ЭРИ калитининг сертификатини беришни рад этиш тўғрисидаги хабарнома олинган вақтдан бошлаб йигирма дақиқа ичида мурожаат этувчини хабардор қилади.

20. ЭРИ калитининг сертификатини беришнинг рад этилишига асос бўлган сабаблар мурожаат этувчи томонидан бартараф этилган тақдирда, сўровномани қайта кўриб чиқиш мурожаат этувчи томонидан Давлат хизматлари марказига ёки Ягона портал орқали ваколатли органга рад этилишига асос бўлган сабабларни бартараф этган ҳолда тақдим этилган сўровнома олинган вақтдан бошлаб ушбу Маъмурий регламентнинг 10 — 15-бандларида кўрсатилган тартибда амалга оширилади.

Сўровномани қайта кўриб чиқишда ваколатли орган томонидан ЭРИ калитининг сертификатини бериш илгари кўрсатилмаган янги асослар бўйича рад этилишига йўл қўйилмайди. Такрорий мурожаат кўриб чиқилганлиги учун йиғим ундирилмайди.

21. Мурожаат этувчи ваколатли органнинг ЭРИ калити сертификатини беришни рад этиш тўғрисидаги хабарномаси, шунингдек ваколатли орган мансабдор шахсининг ҳаракати (ҳаракатсизлиги) юзасидан қонун ҳужжатларида белгиланган тартибда шикоят қилишга ҳақли.

3-боб. ЭРИ калитининг сертификатини бошқариш

22. ЭРИ калитининг сертификатини бошқариш учун ушбу Маъмурий регламентга 2-иловага мувофиқ электрон шаклда давлат хизматларидан фойдаланиш тўғрисидаги сўровнома Давлат хизматлари марказига бевосита мурожаат қилган ҳолда тўлдирилади.

ЭРИ калитининг сертификатини бошқариш бепул амалга оширилади.

23. Агар ЭРИ ёпиқ калитининг эгаси юридик шахснинг вакили бўлса ЭРИ калитининг сертификатини бошқариш тўғрисидаги сўровнома билан бирга ЭРИ ёпиқ калити эгасининг фамилияси, исми, отасининг исми ва лавозими кўрсатилган ЭРИ калитининг сертификатини бошқариш тўғрисида юридик шахснинг хати (ишончнома) тақдим этилади.

Бунда, мурожаат этувчи ЭРИ ёпиқ калитининг эгаси бўлса, ЭРИ калитининг сертификатини бошқариш учун юридик шахснинг хати (ишончнома) талаб этилмайди.

24. ЭРИ калитининг сертификатини бошқариш тўғрисидаги сўровномани қабул қилиш вақтида Давлат хизматлари марказининг ходими ЭРИ ёпиқ калити эгасининг шахсини тасдиқловчи ҳужжат (паспорт, ҳарбий билет, ҳайдовчилик гувоҳномаси ёки шахсини тасдиқловчи бошқа ҳужжат) асосида унинг шахсини аниқлайди.

Бунда, ЭРИ калитининг сертификатини бошқариш учун юридик шахснинг хати (ишончнома) тақдим этилганда, ЭРИ ёпиқ калити эгасининг шахсини аниқлаш талаб этилмайди.

25. Давлат хизматлари маркази ЭРИ калитининг сертификатини бошқариш тўғрисидаги сўровномани қабул қилганидан сўнг уни йигирма дақиқа ичида ваколатли органга юборади.

26. Ваколатли орган ЭРИ калитининг сертификатини бошқариш тўғрисидаги сўровномани реал вақт режимида кўриб чиқади ва сўровномада кўрсатилган ЭРИ калитининг сертификати билан зарур бўлган ҳаракатларни амалга оширади.

27. ЭРИ калитининг сертификатини бошқариш тўғрисидаги сўровномани кўриб чиқиш натижалари ва ЭРИ калитининг сертификати билан амалга оширилган ҳаракатлар ҳақидаги маълумотлар ваколатли орган томонидан Давлат хизматлари марказига электрон ҳужжат шаклида юборилади.

28. Давлат хизматлари маркази ЭРИ калитининг сертификати билан амалга оширилган ҳаракатлар ҳақидаги маълумотлар олинган вақтдан бошлаб йигирма дақиқа ичида бу ҳақида мурожаат этувчини хабардор қилади.

4-боб. Давлат хизматлари марказлари ходимларининг ЭРИ калитларини рўйхатдан ўтказиш ва сертификат бериш ҳамда берилган сертификатларни бошқариш

29. Ваколатли орган Ўзбекистон Республикаси Адлия вазирлиги ҳузуридаги Давлат хизматлари агентлигининг ҳудудий бошқармалари хатлари асосида бепул равишда бошқарма ходимларининг ЭРИ калитларини рўйхатдан ўтказди, сертификатларни беради ва берилган сертификатларни бошқаради.

30. Ўзбекистон Республикаси Адлия вазирлиги ҳузуридаги Давлат хизматлари агентлигининг ҳудудий бошқармалари ваколатли органда рўйхатдан ўтказилган ЭРИ калитлари ёрдамида Давлат хизматлари марказларининг ходимларига ушбу Маъмурий регламентда назарда тутилган ҳаракатларни амалга ошириш учун ЭРИ калитларини рўйхатдан ўтказди, сертификатларни беради ва берилган сертификатларни бошқаради.

5-боб. Яқунловчи қоидалар

31. ЭРИ калитларининг сертификатлари қоғоз ҳужжат шаклида берилган тақдирда ваколатли орган уларни сақлаш учун Давлат хизматлари марказларидан ушбу Маъмурий регламентга 3-иловага мувофиқ ЭРИ калитининг сертификатлари реестри бўйича ҳар чоракда кейинги ойнинг 25-кунигача электрон шаклда қабул қилиб олади.

32. Ушбу Маъмурий регламент талаблари бузилишида айбдор бўлган шахслар қонун ҳужжатларида белгиланган тартибда жавоб берадилар.

5.2. Судланганлик ҳақида маълумотнома бериш бўйича давлат хизмати

Судланганлик ҳақида маълумотнома бериш бўйича давлат хизмати кўрсатишнинг бўйича давлат хизмати кўрсатишнинг МАЪМУРИЙ РЕГЛАМЕНТИ

*(Ўзбекистон Республикаси Вазирлар Маҳкамасининг
2018 йил 4 октябрдаги 797-сон қарорига)*

1-боб. Умумий қоидалар

1. Мазкур маъмурий регламент (кейин ўринларда Регламент деб аталади) жисмоний шахсларга (кейинги ўринларда ариза берувчилар деб аталади) Давлат хизматлари марказлари орқали муқаддам судланганлиги, жиноий жавобгарликка тортилганлиги, реабилитация қилинмайдиган асосларга кўра жавобгарликдан озод этилганлиги ҳолатига оид маълумотнома бериш бўйича давлат хизмати (кейинги ўринларда давлат хизмати деб аталади) кўрсатиш тартибини белгилайди.

2. Давлат хизмати Давлат хизматлари марказлари ёки Ўзбекистон Республикаси Ягона интерактив давлат хизматлари портали (кейинги ўринларда ЯИДХП деб аталади) орқали Ўзбекистон Республикаси Ички ишлар вазирлиги, Қорақалпоғистон Республикаси Ички ишлар вазирлиги, вилоят ички ишлар бошқармаларининг Ахборот маркази (кейинги ўринларда ваколатли орган деб аталади) томонидан кўрсатилади.

3. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

4. Давлат хизмати кўрсатиш мазкур Регламентнинг 1-иловасига мувофиқ схема асосида амалга оширилади.

2-боб. Давлат хизмати кўрсатиш тартиби

5. Ариза берувчи давлат хизматидан фойдаланиш учун Давлат хизматлари марказига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

6. Ариза берувчи ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса, мустақил равишда Регламентнинг 2-иловасига мувофиқ шаклдаги сўровномани электрон равишда тўлдиради. Учинчи шахслар манфаати учун ҳаракат қилаётганда сўровномага нотариал тасдиқланган ишончнома илова қилинади.

7. Сўровнома тўлдирилгандан сўнг, ариза берувчи маълумотларнинг тўғрилигини текшириб, сўровномани ўз ЭРИси билан тасдиқлайди.

8. Ариза берувчи Давлат хизматлари маркази ходими ва ЯИДХП томонидан давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари ариза берувчилар ЭРИсини жойнинг ўзида олишлари учун барча зарур шароитларни таъминлашга мажбур.

9. Давлат хизмати кўрсатилгани учун энг кам ойлик иш ҳақининг 10 фоизи миқдорида йиғим ундирилади.

Давлати хизмати кўрсатилгани учун йиғим тўланганлигини тасдиқлаш ахборот-коммуникация тизимлари орқали амалга оширилади.

10. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади (агар давлат хизмати ЯИДХП орқали кўрсатилса);

20 фоизи — Ўзбекистон Республикаси Ички ишлар вазирлиги бюджетдан ташқари жамғармасининг шахсий ҳисоб рақамига ўтказилади;

қолган маблағлар — Ўзбекистон Республикасининг Давлат бюджетига ўтказилади.

11. Ариза берувчиларда ЭРИси мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш тақиқланади.

12. Ариза берувчилар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Ариза берувчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда тўланган йиғим суммаси қайтарилмайди.

13. Ариза берувчи Давлат хизматлари марказига келиб мурожаат этганда, унинг сўровномаси Давлат хизматлари маркази ходими томонидан тўлдирilib, ариза берувчининг ЭРИси билан тасдиқлангандан сўнг, барча ҳужжатлар 10 дақиқа мобайнида ваколатли органга электрон шаклда юборилади. ЯИДХП орқали мурожаат қилинганда эса сўровнома автоматик тарзда ваколатли органга юборилади.

14. Ваколатли орган сўровнома тушган вақтдан бошлаб 2 иш кuni мобайнида, QR-код (матрик штрихли код) қўйилган маълумотномани расмийлаштиради ҳамда уни ўз ЭРИси билан тасдиқлаб, тегишли Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали электрон равишда юборади.

Давлат хизматлари маркази маълумотнома келиб тушгандан сўнг 10 дақиқа мобайнида уни ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Давлат хизматлари маркази ариза берувчи ўзи келиб мурожаат қилган тақдирда, ариза берувчининг сўровига кўра, унга маълумотномани электрон шаклда ёки қоғоз шаклда муҳрини босиб, масъул ходимнинг имзосини қўйиб бериши шарт.

3-боб. Яқунловчи қоидалар

15. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотларнинг сир сақланишини таъминлайди.

16. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан ЯИДХП орқали, доимий назоратни ва мониторингни амалга оширади.

17. Ариза берувчилар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

18. Мазкур Регламент талабларининг бузилишида айбдор бўлган шахслар қонун

5.3. Манзил-маълумот ахборотларини тақдим этиш бўйича давлат хизмати

Манзил-маълумот ахборотларини тақдим этиш бўйича давлат хизмати кўрсатишнинг МАЪМУРИЙ РЕГЛАМЕНТИ

*(Ўзбекистон Республикаси Вазирлар Маҳкамасининг
2018 йил 4 октябрдаги 797-сон қарорига)*

1-боб. Умумий қоидалар

1. Мазкур маъмурий регламент (кейинги ўринларда Регламент деб аталади) жисмоний шахсларга (кейинги ўринларда ариза берувчилар деб аталади) Давлат хизматлари марказлари орқали манзил-маълумот ахборотларини (доимий пропискада турганлиги, пропискадан чиққанлиги, турган жойи бўйича ҳисобга олинганлиги, вақтинчалик рўйхатдан ўтганлиги, шунингдек, маълумот мавжуд эмаслиги ҳақида маълумот) тақдим этиш бўйича давлат хизмати (кейинги ўринларда давлат хизмати деб аталади) кўрсатиш тартибини белгилайди.

2. Давлат хизмати Давлат хизматлари марказлари ёки Ўзбекистон Республикаси Ягона интерактив давлат хизматлари портали (кейинги ўринларда ЯИДХП деб аталади) орқали Қорақалпоғистон Республикаси Ички ишлар вазирлиги, вилоятлар Ички ишлар бошқармалари ва Тошкент шаҳар Ички ишлар бош бошқармаси ҳузуридаги Манзил-маълумот бюrolари (кейинги ўринларда ваколатли орган деб аталади) томонидан кўрсатилади.

3. Ариза берувчилар фақат ўзларига тегишли манзил-маълумот ахборотларини олишлари мумкин. Бошқа шахсларга тегишли манзил-маълумот ахборотлари берилмайди.

4. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони (кейинги ўринларда ЭРИ деб аталади) мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

5. Давлат хизмати кўрсатиш мазкур Регламентнинг 1-иловасига мувофиқ схема асосида амалга оширилади.

2-боб. Давлат хизмати кўрсатиш тартиби

6. Ариза берувчилар давлат хизматларидан фойдаланиш учун Давлат хизматлари марказларига ўзи келиб мурожаат этади ёки давлат хизматларидан электрон тарзда фойдаланиш учун ЯИДХПда рўйхатдан ўтади.

7. Ариза берувчи ўзи келиб мурожаат этган тақдирда Давлат хизматлари маркази ходими ариза берувчи номидан, ЯИДХП орқали мурожаат этган тақдирда эса мустақил равишда ушбу Регламентнинг 2-иловасига мувофиқ шаклдаги сўровномани электрон равишда тўлдиради.

8. Сўровнома тўлдирилгандан сўнг, ариза берувчи маълумотларнинг тўғрилигини текшириб, сўровномани ўз ЭРИси билан тасдиқлайди.

9. Ариза берувчи Давлат хизматлари маркази ходими ва ЯИДХП томонидан давлат хизматларидан фойдаланиш учун ЭРИси мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари ариза берувчилар ЭРИсини жойнинг ўзида олишлари учун барча зарур шароитларни таъминлашга мажбурдир.

10. Давлат хизмати кўрсатилгани учун энг кам ойлик иш ҳақининг 10 фоизи миқдорида йиғим ундирилади.

Давлати хизмати кўрсатилгани учун йиғим тўланганлигини тасдиқлаш ахборот-коммуникация тизимлари орқали амалга оширилади.

11. Йиғимлар суммаси қуйидаги тартибда тақсимланади:

20 фоизи — Ўзбекистон Республикаси Адлия вазирлиги ҳузуридаги Давлат хизматлари агентлиги бюджетдан ташқари жамғармасининг шахсий ҳисоб рақамига ўтказилади;

10 фоизи — Ўзбекистон Республикаси Ахборот технологиялари ва коммуникацияларини ривожлантириш вазирлигининг махсус ҳисоб рақамига ўтказилади (агар давлат хизмати ЯИДХП орқали кўрсатилса);

20 фоизи — Ўзбекистон Республикаси Ички ишлар вазирлиги бюджетдан ташқари жамғармасининг шахсий ҳисоб рақамига ўтказилади;

қолган маблағлар — Ўзбекистон Республикасининг Давлат бюджетига ўтказилади.

12. Ариза берувчиларда ЭРИси мавжуд эмаслиги ёки уни олишнинг рад этилганлиги, сўровномада нотўғри маълумотлар кўрсатилиши, шунингдек, давлат хизматлари кўрсатиш учун йиғимни тўламаслик давлат хизмати кўрсатишни рад этиш учун асос ҳисобланади.

Давлат хизматлари кўрсатишни бошқа асослар бўйича рад этиш тақиқланади.

13. Ариза берувчилар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Ариза берувчи давлат хизматларидан фойдаланишдан бош тортганда унинг сўровномаси кўрмасдан қолдирилади. Бунда тўланган йиғим суммаси қайтарилмайди.

14. Ариза берувчи Давлат хизматлари марказига келиб мурожаат этганда, унинг сўровномаси Давлат хизматлари маркази ходими томонидан тўлдирилиб, ариза берувчининг ЭРИси билан тасдиқлангандан сўнг 10 дақиқада ваколатли органга электрон шаклда юборилади. ЯИДХП орқали мурожаат қилинганда эса сўровнома автоматик тарзда ваколатли органга юборилади.

15. Ваколатли орган сўровнома тушган вақтдан бошлаб 1 иш кунида QR-код (матрик штрихли код) қўйилган манзил-маълумот ахборотни расмийлаштиради ҳамда уни ўз ЭРИси билан тасдиқлаб, тегишли Давлат хизматлари марказига (ўзи келиб мурожаат этган тақдирда) ёки ариза берувчига (электрон тарзда мурожаат этган тақдирда) ЯИДХП орқали электрон равишда юборади.

16. Давлат хизматлари маркази, манзил-маълумот ахборот келиб тушгандан сўнг 10 дақиқада уни ариза берувчининг электрон манзилига юборади ва ариза берувчини бу ҳақда ахборот-коммуникация тизими орқали хабардор қилади. Давлат хизматлари маркази ариза берувчи ўзи келиб мурожаат қилган тақдирда ариза берувчининг сўровига кўра, унга манзил-маълумот ахборотини электрон шаклда ёки қоғоз шаклда муҳрини босиб бериш йўли билан тақдим этиши мумкин.

3-боб. Яқунловчи қоидалар

17. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотларнинг сир сақланишини таъминлайди.

18. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан ЯИДХП орқали, доимий назоратни ва мониторингни амалга оширади.

19. Ариза берувчилар давлат органлари ва бошқа ташкилотлар ходимларининг хатги-ҳаракатлари юзасидан қонун ҳужжатларида белгиланган тартибда шикоят килишлари мумкин.

20. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

5.4. Миллий ҳайдовчилик гувоҳномаларнинг янги намуналарини бериш бўйича давлат хизмати

**Миллий ҳайдовчилик гувоҳномасини янги намунадаги
ҳайдовчилик гувоҳномасига алмаштириш тартиби бўйича
давлат хизматларини кўрсатишнинг
ВАКТИНЧАЛИК МАЪМУРИЙ РЕГЛАМЕНТИ**
(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)

Мазкур Вақтинчалик маъмурий регламент жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали миллий ҳайдовчилик гувоҳномаси ва унинг талонини янги намунадаги миллий ҳайдовчилик гувоҳномасига (бундан буён матнда гувоҳнома деб юритилади) алмаштириб бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари орқали бириктирилган ҳудудий Давлат йўл ҳаракати хавфсизлиги хизмати органлари (бундан буён матнда ваколатли орган деб юритилади) томонидан тегишли Давлат хизматлари маркази биносида кўрсатилади.

2. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматини кўрсатиш тартиби

3. Талабгорлар ушбу давлат хизматини олиш учун Давлат хизматлари марказларига ўзлари келган ҳолда мурожаат этади.

4. Давлат хизматлари маркази ходими талабгор номидан ушбу Регламентнинг иловасига мувофиқ шаклдаги анкетани электрон равишда тўлдиради.

5. Анкета Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча ҳужжатлар ваколатли орган ходимига тақдим этилади.

6. Талабгор ваколатли органга эски ҳайдовчилик гувоҳномаси ҳамда унинг талонини тақдим этади ва фотосуратга тушади.

Фуқаролик паспорти ёки унинг ўрнини босувчи бошқа ҳужжатнинг асл нусхаси хизмат кўрсатувчи ходимга кўрсатилади. Талабгорнинг шахси тасдиқлангандан сўнг, ҳужжатлар қайтариб берилади.

Талабгордан бошқа ҳужжатларни талаб қилиш тақиқланади.

7. Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

8. Талабгор Давлат хизматлари маркази ходими томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

9. Давлат хизматини кўрсатиш учун қонун ҳужжатларида белгиланган миқдорда тўлов ундирилади. Тўлов ундирилганлигини тасдиқлаш ахборот-коммуникация тизимлари орқали амалга оширилади.

10. Тўловлар суммаси қонун ҳужжатларида белгиланган тартибда тақсимланади.

11. Талабгорда электрон рақамли имзо мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек давлат хизматлари кўрсатиш учун тўловнинг амалга оширилмаганлиги, ҳужжатларнинг тўлиқ тақдим этилмаганлиги ёки қалбаки ҳужжатлар тақдим этилганлиги давлат хизматларини кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

12. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади.

13. Ваколатли орган ходими анкета тушган пайтдан бошлаб 15 дақиқа ичида тақдим этилган ҳужжатларни қонун ҳужжатларида белгиланган талаблар асосида ва маълумотлар базаси орқали ўрганиб чиқиб, гувоҳномани расмийлаштириб талабгорга беради.

14. Хизмат кўрсатилгандан сўнг ваколатли орган ходими Давлат хизматлари марказига талабгорга гувоҳнома берилганлиги ёки гувоҳнома бериш рад этилганлиги ҳақида хабарнома тақдим этади.

3-боб. Яқуний қоидалар

15. Давлат хизматлари марказлари ва ваколатли орган ўз фаолиятини амалга ошириши натижасида олинган маълумотлар сир сақланишини таъминлайди.

16. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширади.

17. Талабгорлар давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилишлари мумкин.

18. Мазкур Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.

5.5. ФХДЁ соҳасидаги хизматлар:

- 5.5. Туғилганликни қайд этиш бўйича давлат хизмати**
- 5.6. Ўлимни қайд этиш бўйича давлат хизмати**
- 5.7. ФХДЁ органлари томонидан архив ҳужжатларини бериш;**
- 5.8. Такрорий гувоҳномалари бериш бўйича давлат хизмати**
- 5.9. Фуқаролик ҳолати далолатнома ёзувини тиклаш;**
- 5.10. Фуқаролик ҳолати далолатнома ёзувига ўзгартириш, тузатиш ва қўшимчалар киритиш бўйича давлат хизмати**

Фуқаролик ҳолати далолатнома ёзувини қайд этиш ва у билан боғлиқ бўлган ҳужжатларни бериш тартиби бўйича давлат хизматларини кўрсатишнинг ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали фуқаролик ҳолати далолатнома ёзувларини қайд этиш ва у билан боғлиқ бўлган ҳужжатларни бериш бўйича давлат хизматларини (бундан буён матнда давлат хизматлари деб юритилади) кўрсатиш тартибини белгилайди. Мазкур Регламент юридик шахсларга татбиқ этилмайди.

1-боб. Умумий қоидалар

1. Давлат хизматлари белгиланган Давлат хизматлари марказлари орқали марказлар биносида жойлашган ҳудудий фуқаролик ҳолати далолатномаларини ёзиш органлари (бундан буён матнда ФХДЁ органлари деб юритилади) томонидан:

туғилганлик ҳақидаги далолатнома ёзувини қайд этиш ва бу ҳақда маълумотнома ва гувоҳнома бериш;

ўлим ҳақидаги далолатнома ёзувини қайд этиш ва бу ҳақда маълумотнома ва гувоҳнома бериш;

ФХДЁ органлари томонидан архив ҳужжатларини бериш;

такрорий гувоҳнома бериш;

далолатнома ёзувларини тиклаш;

далолатнома ёзувларига ўзгартириш, тузатиш ва қўшимчалар киритиш орқали амалга оширилади.

2. Давлат хизматлари марказлари ва ФХДЁ органлари ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

1-§ Давлат хизматларини кўрсатишнинг умумий тартиби

3. Талабгорлар давлат хизматларидан фойдаланиш учун белгиланган Давлат хизматлари марказига мурожаат этади.

4. Давлат хизматлари маркази ходими талабгор номидан ушбу Регламентнинг иловасига мувофиқ шаклдаги тегишли анкетани электрон равишда тўлдиради. Анкетага ҳар бир давлат хизматини кўрсатиш учун талаб этиладиган тегишли ҳужжатлар илова қилинади.

5. Анкета тўлдирилгандан сўнг талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди, туғилганлик ва ўлим ҳақидаги далолатнома ёзувларини расмийлаштиришда электрон рақамли имзо талаб этилмайди.

6. Давлат хизматлари маркази ходими талабгорни давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

7. Ҳар бир давлат хизматини кўрсатиш учун қонун ҳужжатларида белгиланган тартибда тўловлар ундирилади. Давлат хизматини кўрсатиш учун тўлов тўланганлигини тасдиқлаш тўлов ҳужжати орқали (ахборот-коммуникация тизимлари жорий этилгунга қадар) амалга оширилади.

8. Талабгорда электрон рақамли имзо мавжуд эмаслиги ёки уни олишнинг рад этилганлиги, анкетада нотўғри маълумотлар кўрсатилиши, ҳужжатлар тўлиқ тақдим этилмаганлиги, далолатнома ёзувларини қайд этишда қонунчиликка зид бўлган асослар кўрсатилганлиги, шунингдек, тегишли ҳолларда давлат хизматлари кўрсатиш учун тўловларни тўламаслик давлат хизмати кўрсатишни рад этиш учун асос ҳисобланади.

9. Давлат хизматларини кўрсатишни бошқа асослар бўйича рад этиш тақиқланади.

10. Талабгор давлат хизматидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматидан фойдаланишдан бош тортганда унинг анкетаси кўрмасдан қолдирилади. Бунда тўланган тўлов қайтарилмайди.

11. Давлат хизматлари марказлари анкета тўлдирилиб, у талабгорнинг электрон рақамли имзоси билан тасдиқланганидан сўнг, уни электрон шаклда ФХДЁ органига юборади.

12. ФХДЁ органи белгиланган муддатларда далолатнома ёзувларини расмийлаштириш ёки далолатнома ёзувларини расмийлаштиришни рад этиш ҳақида қарор қабул қилади ва уни Давлат хизматлари марказига юборади. Далолатнома ёзувларини расмийлаштириш ва ҳужжатларни беришни рад этиш ҳақида қарор қабул қилинганда аниқ асослар ва қонун ҳужжатлари нормалари кўрсатилиши зарур.

13. Далолатнома ёзувларини расмийлаштириш ва ҳужжатларни бериш рад этилган тақдирда, талабгор рад этиш учун асос бўлган ҳолатларни бартараф этиб, далолатнома ёзувларини расмийлаштириш ва ҳужжатларни олиш учун ушбу Регламентда белгиланган тартибда такроран мурожаат қилиш ҳуқуқига эга.

Далолатнома ёзувларини расмийлаштириш ва ҳужжатларни олиш масаласини такроран кўриб чиқишда ФХДЁ органи томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

14. Давлат хизматлари маркази ходими далолатнома ёзувлари расмийлаштирилиши ёки расмийлаштиришни рад этиш ҳақидаги қарор ФХДЁ органидан келиб тушганидан сўнг талабгорни ахборот-коммуникация тизими орқали хабардор қилиши мумкин ва талабгор Давлат хизматлари марказига келганда, 30 дақиқа ичида унга расмийлаштирилган ҳужжатлар тақдим этилади. Бунда туғилганликни ва ўлимни қайд этишда ҳужжатлар ФХДЁ органидан келиб тушганидан сўнг, дарҳол талабгорга тақдим этилади.

Агар талабгор далолатнома ёзувларини қайд этиш ва у билан боғлиқ бўлган ҳужжатларни 3 иш куни давомида Давлат хизматлари марказидан олиб кетмаса, Давлат хизматлари маркази ушбу ҳужжатларни сақлаш учун далолатнома тузган ҳолда тегишли ФХДЁ органига топширади ва бу ҳақда талабгорни хабардор қилади.

2-§ Туғилганликни қайд этиш

15. Талабгорларга Давлат хизматлари марказлари томонидан ушбу давлат хизматларини кўрсатиш мазкур параграф қоидаларини инобатга олган ҳолда мазкур Регламентда белгиланган тартибда амалга оширилади.

Давлат хизматлари маркази анкета расмийлаштирилиши биланок уни ФХДЁ органига юборади.

16. Талабгорнинг мазкур Регламентнинг 1-иловасига мувофиқ шаклдаги анкетасига қуйидаги ҳужжатлар илова қилинади:

а) туғруқхонада туғилган боланинг туғилишини қайд этишда – туғилганлик ҳақидаги тиббий маълумотнома, ота-оналарнинг шахсини тасдиқловчи ҳужжатлари, никоҳ тузилганлиги ҳақидаги гувоҳномаси (маълумотнома) ёки оталикни белгилаш ҳақидаги ариза ёхуд никоҳда бўлмаган онанинг аризаси.

Мазкур бандда кўрсатилган ҳужжатлар тақдим этилмаган ҳолларда ФХДЁ органи томонидан талабгорга далолатнома ёзувини қайд этиш рад қилинганлиги ҳақида асослантирилган маълумотнома берилади;

б) ўн олти ёшгача бўлган боланинг туғилишини қайд этишда - қуйидаги ҳужжатлар тақдим этилади:

боланинг туғилганлиги ҳақида тиббий маълумотнома (туғруқхоналардан ташқари жойларда ва тиббий ёрдамсиз туғилган боланинг туғилганлигини қайд этиш участка шифокори (фельдшер ёки акушер) томонидан берилган маълумотнома);

боланинг соғлиғи тўғрисида маълумотнома;

тегишли ФХДЁ архивидан ушбу болага нисбатан туғилганлик ҳақида далолатнома ёзуви қайд этилмаганлиги тўғрисида маълумотнома.

17. ФХДЁ органи анкетани қабул қилиб олганидан сўнг 1 соат ичида Давлат хизматлари марказига гувоҳномани бериши ёки гувоҳнома беришни рад этиш тўғрисидаги асослантирилган маълумотни юбориши лозим.

18. Ҳужжатларда рад этишга асослар бўлмаган тақдирда ФХДЁ органи томонидан туғилганлик ҳақида далолатнома ёзуви қайд этилиб, туғилганлик ҳақида гувоҳнома ва Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг туман (шаҳар) бўлимига топшириш учун туғилганлик ҳақида маълумотномани талабгорга етказиш учун Давлат хизматлари марказига юборилади.

3-§ Ўлимни қайд этиш

19. Талабгорларга Давлат хизматлари марказлари томонидан ушбу давлат хизматларини кўрсатиш мазкур параграф қоидаларини инобатга олган ҳолда мазкур Регламентда белгиланган тартибда амалга оширилади.

Давлат хизматлари маркази анкета расмийлаштирилиши биланок уни ФХДЁ органига юборади.

20. Талабгорнинг мазкур Регламентнинг 2-иловасига мувофиқ шаклдаги анкетасига вафот этган шахснинг шахсини тасдиқловчи ҳужжати (паспорти (ҳарбий хизматчилар учун – ҳарбий хизматга алоқадорлигини тасдиқловчи ҳужжати), ўн олти ёшгача бўлган вафот этган шахснинг туғилганлик ҳақидаги гувоҳномаси), ўлим ҳақидаги тиббий гувоҳнома (маълумотнома) ёки суднинг шахсни вафот этган деб эълон қилиш ҳақидаги ҳал қилув қарори илова қилинади.

21. Ўлим ҳақидаги тиббий гувоҳнома (маълумотнома) берилган вақтдан бир йилдан кейин бўлган муддатда мурожаат этилганида – вафот этган шахснинг ўлим содир бўлган жойдаги тегишли ФХДЁ органидан унга нисбатан ўлим ҳақидаги далолатнома ёзуви қайд этилмаганлиги ҳақидаги маълумотнома тақдим этилади.

22. ФХДЁ органи ўлимни қайд этиш масаласидаги анкетани қабул қилиб олганидан сўнг 30 дақиқа ичида Давлат хизматлари марказига гувоҳномани бериши ёки гувоҳнома беришни рад этиш тўғрисидаги асослантирилган маълумотни юбориши лозим.

23. Хужжатларда рад этишга асослар бўлмаган тақдирда ФХДЁ органи томонидан ўлим ҳақида далолатнома ёзуви қайд этилади ва белгиланган тартибда ўлим ҳақида гербли гувоҳнома расмийлаштирилади ҳамда Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг туман (шаҳар) бўлимига ва дафн этиш жойига топшириш учун маълумотномалар ўлим ҳақида маълумотнома билан биргаликда талабгорга етказиш учун Давлат хизматлари марказига юборилади. Ўлим ҳақида гербли гувоҳнома ва ўлим ҳақида маълумотнома расмийлаштирилиши билан Давлат хизматлари марказлари томонидан талабгорга тақдим этилади.

24. Ўлим ҳолатини ўз вақтида қайд этиш учун байрам ва дам олиш кунлари Давлат хизматлари марказлари ва ФХДЁ органи ходимлари тасдиқланган график асосида ишга чиқади.

4-§ ФХДЁ органларининг архив хужжатларини бериш

25. Талабгорларга Давлат хизматлари марказлари томонидан ушбу давлат хизматларини кўрсатиш мазкур параграф қоидаларини инобатга олган ҳолда мазкур Регламентда белгиланган тартибда амалга оширилади. Давлат хизматлари маркази анкета расмийлаштирилиши биланок уни ФХДЁ органига юборади.

26. Талабгорнинг мазкур Регламентнинг 3-иловасига мувофиқ шаклдаги анкетасига талабгорнинг шахсни тасдиқловчи хужжатлари ёки учинчи шахслар манфаатида ҳаракат қилаётганда – нотариал тасдиқланган ишончнома ёки қариндошликни тасдиқловчи хужжатлар, учинчи шахс чет эл фуқароси бўлганда – тегишли тартибда апостиль қўйилган (ёки легализация қилинган) нотариал тасдиқланган ишончнома илова қилинади.

27. ФХДЁ органи архив хужжатини (маълумотнома) бериш масаласидаги анкетани қабул қилиб олганидан сўнг 1 иш куни ичида архив хужжати (маълумотнома) талабгорга етказиш учун Давлат хизматлари марказига юборилади.

5-§ Такрорий гувоҳномалар бериш

28. Талабгорларга Давлат хизматлари марказлари томонидан ушбу давлат хизматларини кўрсатиш мазкур параграф қоидаларини инобатга олган ҳолда мазкур Регламентда белгиланган тартибда амалга оширилади. Давлат хизматлари маркази анкета расмийлаштирилиши биланок уни ФХДЁ органига юборади.

29. Талабгорнинг мазкур Регламентнинг 4-иловасига мувофиқ шаклдаги анкетасига шахсини (паспорт ёки ҳарбий хизматга алоқадорликни тасдиқловчи хужжат) тасдиқловчи хужжатлари, вояга етмаган шахсларнинг қонуний вакиллари – қонуний вакилликни ёки қариндошликни тасдиқловчи хужжатлари, шунингдек учинчи шахслар манфаатида ҳаракат қилаётганда – нотариал тасдиқланган ишончнома, учинчи шахс чет эл фуқароси бўлганда – тегишли тартибда апостиль қўйилган (ёки легализация қилинган) нотариал тасдиқланган ишончнома илова қилинади.

30. ФХДЁ органи анкетани қабул қилиб олганидан сўнг 1 иш куни ичида рад этишга асослар бўлмаган тақдирда ёки қонун хужжатларида белгиланган ҳолларда қўшимча текширув ўтказиш зарурат бўлмаса, такрорий гувоҳномани талабгорга етказиш учун Давлат хизматлари марказига юборади.

6-§ Фуқаролик ҳолати далолатнома ёзувини тиклаш

31. Талабгорларга Давлат хизматлари марказлари томонидан ушбу давлат хизматларини кўрсатиш мазкур параграф қоидаларини инобатга олган ҳолда мазкур Регламентда белгиланган тартибда амалга оширилади. Давлат хизматлари маркази анкета расмийлаштирилиши биланок уни ФХДЁ органига юборади.

32. Туғилганлик, никоҳ тузилганлиги, никоҳдан ажралганлик ҳақидаги далолатнома ёзувлари бу ёзувлар кимга нисбатан тузилган бўлса, фақат ана шу шахсларнинг мурожаатига кўра тикланади.

Агар ўн олти ёшгача бўлган боланинг туғилганлик ҳақидаги далолатнома ёзуви йўқолган бўлса, ёзув боланинг ота-онаси, васийси, ҳомийси мурожаатига биноан тикланади.

33. Талабгорнинг мазкур Регламентнинг 5-иловасига мувофиқ шаклдаги анкетасига:

а) туғилганлик ҳақидаги далолатнома ёзувини тиклаш учун – ФХДЁ архивининг талабгор туғилган жой бўйича далолатнома ёзувининг йўқлиги ёки йўқолганлиги (йўқолганлик сабаблари кўрсатилган ҳолда) ҳақидаги маълумотномаси, талабгорнинг паспорти нусхаси, ота-онасининг паспортлари нусхалари, агар ота-онаси вафот этган бўлса, уларнинг ўлим ҳақидаги маълумотномалари, никоҳ тузилганлиги ҳақидаги (ота-онасининг ва ўзининг) маълумотномалар, ота-оналарининг ҳужжатлари бўлмаганда, ака-укалари, опа-сингилларининг (улар бўлса) туғилганлик тўғрисидаги маълумотномалари ва бошқа ҳужжатлар;

б) никоҳ тузилганлиги ҳақида далолатнома ёзувини тиклаш учун – ФХДЁ архивининг никоҳ тузилганлиги ҳақидаги далолатнома ёзуви йўқлиги ёки йўқолганлиги (йўқолиш сабаблари кўрсатилган ҳолда) ҳақидаги маълумотномаси, паспорт нусхалари, болаларнинг (улар бўлса) туғилганлиги ҳақидаги гувоҳнома (маълумотнома)лари, никоҳ тузилганлиги ҳақидаги далолатнома ёзуви бўлганлигини тасдиқловчи бошқа қўшимча ҳужжатлар;

в) никоҳдан ажралганлик ҳақида далолатнома ёзувини тиклаш учун – ФХДЁ архивининг никоҳдан ажралганлик ҳақидаги далолатнома ёзуви йўқлиги (йўқолганлик сабаблари кўрсатилган ҳолда) ҳақидаги маълумотномаси, паспортнинг нусхаси, никоҳ тузилганлиги ҳақида никоҳдан ажратиш тўғрисидаги белги қўйилган маълумотнома, илгариги никоҳдан ажралганлик ҳақидаги далолатнома ёзуви бўлганлигини тасдиқловчи бошқа ҳужжатлар.

34. ФХДЁ органи анкетани қабул қилиб олганидан сўнг, 15 иш куни ичида ундаги маълумотларни илова қилинган ҳужжатларга мувофиқлигини текширади ва ҳужжатларда рад этишга асослар бўлмаган тақдирда ёки қонун ҳужжатларида белгиланган ҳолларда қўшимча текширув ўтказиш зарурат бўлмаса, ФХДЁ органи томонидан фуқаролик ҳолати далолатнома ёзуви тикланади ва талабгорга тегишли гувоҳнома (маълумотнома)ни етказиш учун Давлат хизматлари марказига юборилади.

7-§ Фуқаролик ҳолати далолатнома ёзувига ўзгартириш, тузатиш ва қўшимчилар киритиш

35. Талабгорларга Давлат хизматлари марказлари томонидан ушбу давлат хизматларини кўрсатиш мазкур параграф қоидаларини инобатга олган ҳолда мазкур Регламентда белгиланган тартибда амалга оширилади. Давлат хизматлари маркази анкета расмийлаштирилиши биланоқ уни ФХДЁ органига юборади.

36. Талабгорнинг мазкур Регламентнинг 6-иловасига мувофиқ шаклдаги анкетасига туғилганлик, никоҳ тузилганлиги, никоҳдан ажралганлик ҳақидаги далолатнома ёзувларини ўзгартириш, тузатиш ва қўшимчилар киритишда талабгор ўзи, вояга етмаган шахсларнинг қонуний вакиллари мурожаат этади.

Анкетага далолатнома ёзувларини ўзгартириш, тузатиш ва уларга қўшимчилар киритиш лозимлигини асослантирувчи тасдиқловчи ҳужжатлар нусхалари, талабгорнинг шахсини тасдиқловчи ҳужжатлари нусхалари илова қилинади. Ўзгартириш талаб қилинётган гувоҳнома (маълумотнома)ларнинг асл нусхалари ушбу ҳужжатлар билан бирга йиғмажилдга тикиб қўйилади.

37. ФХДЁ органи анкетани қабул қилиб олганидан сўнг 10 иш куни ичида рад этишга асослар бўлмаган тақдирда ёки қонун ҳужжатларида белгиланган ҳолларда қўшимча текширув ўтказиш зарурат бўлмаса, фуқаролик ҳолати далолатнома ёзувига

ўзгартириш, тузатиш ва қўшимчилар киритилади ва талабгорга тегишли гувоҳнома ва маълумотномани етказиш учун Давлат хизматлари марказига юборилади.

3-боб. Яқуний қоидалар

38. Давлат хизматлари марказлари ва ФХДЁ органи ходимлари ўз фаолиятини амалга ошириши натижасида олинган талабгорлар ҳақидаги маълумотларнинг сир сақланишини таъминлаши керак.

39. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу Регламент талаблари ижроси бўйича давлат органлари ва бошқа ташкилотларнинг фаолияти устидан, шу жумладан, ЯИДХП орқали, доимий назоратни ва мониторингни амалга оширадилар.

40. Талабгор давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

41. Ушбу Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

5.11. Нотариат органлари томонидан архив ҳужжатларини бериш бўйича давлат хизмати

Нотариал архивлар томонидан архив ҳужжатларини бериш бўйича давлат хизматларини кўрсатишнинг

ВАҚТИНЧАЛИК МАЪМУРИЙ РЕГЛАМЕНТИ

*(Ўзбекистон Республикаси Президентининг Давлат маслаҳатчиси
Т.А.Худайбергенов томонидан 2018 йил 30 майда тасдиқланган)*

Мазкур Регламент жисмоний шахсларга (бундан буён матнда талабгорлар деб юритилади) белгиланган Давлат хизматлари марказлари орқали нотариал расмийлаштирилган ҳужжатларнинг дубликати, нотариал ҳаракатларни рўйхатга олиш реестр китобидан кўчирма, архив ҳужжатларидан нусхалар ва архив маълумотларини бериш бўйича давлат хизматлари (бундан буён матнда давлат хизматлари деб юритилади) кўрсатиш тартибини белгилайди.

1-боб. Умумий қоидалар

1. Давлат хизматлари белгиланган Давлат хизматлари марказлари орқали Қорақалпоғистон Республикаси Адлия вазирлиги, вилоятлар ва Тошкент шаҳар адлия бошқармалари ҳузуридаги нотариал архивлар (бундан буён матнда ваколатли орган деб юритилади) томонидан кўрсатилади.

2. Давлат хизматлари марказлари ва ваколатли орган ўртасидаги ахборот алмашинуви электрон рақамли имзони мажбурий тартибда қўллаш орқали фақат идоралараро электрон ўзаро боғланиш ёрдамида амалга оширилади.

2-боб. Давлат хизматларини кўрсатиш тартиби

3. Талабгорлар ушбу давлат хизматларини олиш учун Давлат хизматлари марказларига ўзлари келган ҳолда мурожаат этади.

4. Давлат хизматлари маркази ходими талабгор номидан ушбу Регламентнинг иловасига мувофиқ шаклдаги анкетани электрон шаклда тўлдиради.

5. Анкетага:

а) талабгор ишончнома асосида ҳаракат қилаётганда – ишончнома нусхаси;

б) марҳум номидан амалга оширилган нотариал ҳаракатлар ҳақида архив ҳужжатлари олинаётганда – марҳумнинг ўлим ҳақида гувоҳномаси ва талабгорнинг марҳумга қариндошлигини тасдиқловчи ҳужжатлари;

в) талабгор васиятномага асосан меросхўр бўлганда – васиятнома ва марҳумнинг ўлим ҳақида гувоҳномаси нусхалари, талабгор қонуний вакил бўлса, уни тасдиқловчи ҳужжат нусхаси илова қилинади.

Талабгор тақдим этган ҳужжатлар нусхалари Давлат хизматлари маркази ходимлари томонидан уларнинг асл нусхаларидан олинishi лозим.

Анкета тўлдирилгандан сўнг, талабгор маълумотларнинг тўғрилигини текшириб, анкетани ўз электрон рақамли имзоси билан тасдиқлайди.

6. Талабгор Давлат хизматлари маркази ходими томонидан давлат хизматларидан фойдаланиш учун электрон рақамли имзо мажбурий тартибда бўлиши шарт эканлиги тўғрисида олдиндан хабардор қилинади.

Давлат хизматлари марказлари талабгорлар электрон рақамли имзони жойнинг ўзида олишлари учун барча зарур шароитларни таъминлашга мажбурдир.

7.Талабгорда электрон рақамли имзо мавжуд эмаслиги ёки уни олишнинг рад этилганлиги, анкетада ишончсиз маълумотлар кўрсатилганлиги, шунингдек тегишли хужжатларнинг тўлиқ тақдим этилмаслиги давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш тақиқланади.

8. Талабгорлар давлат хизматларидан фойдаланишдан уни кўрсатишнинг ҳар қандай босқичида бош тортиш ҳуқуқига эга. Талабгор давлат хизматларидан фойдаланишдан бош тортганда унинг анкетаси кўрмасдан қолдирилади.

9. Анкета Давлат хизматлари маркази ходими томонидан тўлдирилиб, талабгорнинг электрон рақамли имзоси билан тасдиқлангандан сўнг, барча хужжатлар 20 дақиқа ичида ваколатли органга электрон шаклда юборилади.

10. Анкета тушгандан сўнг ваколатли орган томонидан қуйидаги муддатлар ичида архив хужжатини бериш ёки уни беришни рад этиш ҳақида қарор қабул қилинади:

а) нотариал расмийлаштирилган хужжатларнинг дубликати - анкета келиб тушгандан сўнг 5 иш куни ичида;

б) нотариал ҳаракатларни рўйхатга олиш реестр китобидан кўчирма -анкета келиб тушгандан сўнг 2 иш куни ичида;

в) архив хужжатларидан нусхалар - анкета келиб тушгандан сўнг 2 иш куни ичида;

г) архив маълумотномалари - анкета келиб тушгандан сўнг 1 иш куни ичида.

11. Архив хужжатини бериш ҳақида қарор қабул қилинган тақдирда, Давлат хизматлари марказига архив хужжатларини ва хизмат учун тўлов суммасини кўрсатган ҳолда электрон тарзда хабарнома юборади.

12. Архив хужжатини бериш рад этилган тақдирда, аниқ асослар ва қонун хужжатлари нормалари кўрсатилиши зарур. Бунда талабгор рад этиш учун асос бўлган ҳолатларни бартараф этиб, архив хужжатларини олиш учун ушбу Регламентда белгиланган тартибда такроран мурожаат қилиш ҳуқуқига эга.

13. Архив хужжатини бериш масаласини такроран кўриб чиқишда ваколатли орган томонидан аввалги рад этиш асосларида баён этилмаган янги сабабларнинг келтирилишига йўл қўйилмайди, аввал кўрсатилган сабаблар бартараф этилганлигини тасдиқловчи маълумотлар билан боғлиқ рад этиш сабаблари келтирилиши бундан мустасно.

14. Архив хужжатларини бериш учун белгиланган миқдорда тўлов ундирилади ва қонун хужжатларида белгиланган тартибда тақсимланади.

15. Давлат хизматлари марказига хабарнома тушганидан сўнг уни талабгорнинг электрон манзилига юборади ва бу ҳақида талабгорни ахборот-коммуникация тизими орқали хабардор қилади.

16. Тўлов амалга оширилгандан сўнг, архив хужжати электрон ёки қоғоз шаклда талабгорга берилади. Талабгорнинг сўровига асосан хужжатларга Давлат хизматлари марказининг муҳри босиб берилиши мумкин. Нотариал тасдиқланган хужжатларнинг дубликатлари фақат қоғоз шаклда талабгорга берилади.

17. Архив хужжатлари ваколатли органда мавжуд бўлмаса, кўрсатилган хизматлар учун талабгор томонидан тўлов амалга оширилмаса, давлат хизмати кўрсатишни рад этиш учун асос ҳисобланади.

Давлат хизматларини кўрсатишни бошқа асослар бўйича рад этиш қатъиян тақиқланади.

3-боб. Яқуний қоидалар

18. Давлат хизматлари марказлари ва ваколатли орган ходимлари ўз фаолиятини амалга ошириши натижасида олган талабгорлар ҳақидаги маълумотларнинг сир сақланишини таъминлаши керак.

19. Ўзбекистон Республикаси Адлия вазирлиги ҳузуридаги Давлат хизматлари агентлиги, унинг ҳудудий бошқармалари ва Давлат хизматлари марказлари ушбу

Регламент талаблари ижроси бўйича давлат органлари ҳамда бошқа ташкилотларнинг фаолияти устидан доимий назоратни ва мониторингни амалга оширадилар.

20. Талабгор давлат органлари ва бошқа ташкилотлар ходимларининг хатти-ҳаракатлари юзасидан қонун ҳужжатларида белгиланган тартибда шикоят қилиши мумкин.

21. Ушбу Регламент талабларининг бузилишида айбдор бўлган шахслар қонун ҳужжатларида белгиланган тартибда жавоб беради.